

The Ohio State University




3 2435 022736581

Isbu mecelle-yi celile Devlet-i A  
DR486H271850

001  
V1-5







DATE DUE

To renew  
call 292-3900

WRAPPED

DEC 16 1998

The Ohio State University  
Form 10620



OHIO STATE  
UNIVERSITY  
LIBRARIES



Caribi Devleti Aliyesi  
Osmanys cilt 1 ila 5

Hayrullah Efendi

1511



## ❖❖❖❖❖ فصل اول ❖❖❖❖❖

ال عثمانك اجداد عظامنه دائر براز تحقیقات صحیحہ ایلہ ارطغرل  
غازینک سلالہ سندن ظہور ایدن خاندان عثمانیہ نك ملوك سائرۃ  
اسلامیہ اولان تفوق ورجحانلرینك وجوه عدیدہ سی بیانندہ در

۵

## ❖❖❖❖❖ فصل ثانی ❖❖❖❖❖

ال عثمانك جدی غازی ارطغرل حضر تلرینك ممالك رومہ کلوب  
کیرد کلری اثناده معاصر اولہ رق موجود اولان ملوك اسلامیہ  
وحکمداران عیسویہ نك بواند قلری احوال مختلفہ بیانندہ در

۱۲

## ❖❖❖❖❖ فصل ثالث ❖❖❖❖❖

غازی ارطغرل حضر تلرینك ابتدا ممالك رومہ کلوب توطن  
ایدرک وفاتلرینہ قدر کذران ایدن وقایعک بیانندہ در

۸۷

## ❖❖❖❖❖ فصل رابع ❖❖❖❖❖

عصر مذکورده اہالی عالمک تمدن و تربیہ سنک درجہ سی  
وضمنندہ تہکون ایدن فنون و معارف متنوعہ نك اجمالی ایلہ  
ملوك موجودہ نك فہرستی بیانندہ در

۱۱۸



اشبو مجله جلیله دوات علیه وسلطنت سنیة عثمانیه تاریخک  
مقدمه سیدر که صدور عظام معالی اتسا مدن مجلس معارف عمومیه  
ریاسته شرفبخش عاطفت واقبال اولان رئیس العلماء سماحتلو  
عبدالحق افندی حضرتلرینک نجلنجیلری اولوب مجلس والای  
احکام عدلیه ومذکور مجلس معارف عمومیه ونافعه  
اعضا القریله ممتاز وانجمن دانش ریاست ثانیه سبله  
دخی سرافراز اولان اجله رجال دولتعلیه دن  
سعادتلو خیرالله افندی حضرتلرینک  
اثاریراعه باهرالبضاعه لری اولق اوزره  
ثبت صحایف ازمان واعصار  
فلنمشدر





DR486  
H27  
1850  
v.1-5



حد و سپاس بی قیاس تقدیم بارگاه جناب رب العزه و صلوات بیغایات  
مر فوع پیشگاه ذات رسالت قلند قد نصکره معلوم اوله که ابا و اجداد  
یوز التمش سنه دنیرو خدمت مخصوصه حضرت شهنشاهی ایل  
مفتخر و مباهی اولدقلری مثل و بنده کینه کبضاعه دخی سایه  
فیضوایه خلافتینا هیده سنین متوافره دنیرو مناسبت موقعیه ملا بسه سیله  
تحصیل علم و معارف ایلش بولندیغمه مبنی مجرد نام نامی همایون ایل  
عنوان طراز اوله رق ابنای جنسمه برخدمت خیریه ده بولنق املیه  
بش اون سنه لر صرف افکار ایدرک کرک فنون طبیه و حکمیه دن  
و کرک جغرافیا و فن زراعت دن برقاچ جلد کابلرک تألیف و ترجمه سنه  
وامر و فرمان همایون شاهانه اقتضای جلیلی اوزره طبع و نشرینه  
موفق اولمش ایسه مده چونکه بنده دیرینه ولی نعمت بختیز افندمر  
حضر تیرینه ک انواع لطف و احسان پادشاهانه لرینه مستغرق  
قوللرندن اولدیغم جهته نعمت و عنایتیه پرورده اولدیغمز خاندان  
جلیل الشان عثمانیه نک فضائل کثیره و فتوحات و آثار و فیره لرندن  
اخلافک حصه مند اوله جفی عبارات واضحیه ایل برطاقم وقایع



نافعه بی جمع ایدرک سرنامه صحایف اعصار و دهور اولان عصر  
محاسن حصر حضرت ملوکانه لرنده اصول جدیدہ ممدوحہ اوزره  
دولت علیہ نک امور داخلہ و خارجہ سندہ اساس اتخاذا ایلدیکی  
پولیتیکہ سنک تفصیلاتی وقایع عالمک اجمالیه برلشدیریلوب مکمل  
اوله رق یکیدن برتاریخک میدانہ چیقارلمسی خیلی وقتدنبرومنوی  
ضمیر بندکانہم ایدی شویله که سلاطین آل عثمانک اثنای ظهورنده  
کرک آسیا و کرک افریقا و اوروپانک اسپانیا قطعہ لرنده ملوک اسلامیه دن  
قنغی دولتلر بولنوب انلرک هیئت حاضرہ لریله اسلام و خرسنیا نک  
رقابت دینیہ لرندن طولانی تگون ایدن غزوات و محارباتک نتایج  
ممدوحہ سنہ کیملرک مظهر اولدیغی و سائر ملوک و سلاطین اسلامیه  
اوستنه آل عثمانک جهت تفوق و رجحان لریله اوروپاده واقع ملوک  
عبسویہ نک بولندقلری حالر و هر دولتک یکدیگر حقنده قوللانمقده  
اولدیغی معاملات پولیتیکہ نک اساسی و تمدن و تربیه نک نه مرتبه لره قدر  
ایلروله دیکی و الحاصل سلطنت آل عثمانک ابتدای ظهورنده  
عموما اهالی عالمک نصل حالده بولندیغی و ممالک عثمانیه نک اساسی  
قنغی اراضیده قوریلوب نوجهله کسب جسامت ایتمکه باشلادیغی  
اسامبسی بشقه جه جدول ایله کوسترلیدیکی وجهله بوتاریخه مأخذ  
اتخاذا اولنان تواریح مقبوله و معتبره نک روایات ممدوحه و صحیحہ سندن  
واجبی لساننده یازلمش برچوق تواریح عمومیه و مخصوصه لرک  
حکایات موثوقه و مضبوطه سندن بالترکیب ولی نعمتزن شوکتلو  
افندمن حضرتلرینک جدا مجد عالیرندن دیار روم بهجت مرسومه  
اولا کلوب بنیان حکومت عثمانیانه وضع اساس ایلان ارطغرل  
غازینک عصر باهر النصرندن تازمان یمن اقتران سلطنت سنیه یه



كلنجه يه دك التيوز سنه دنبرو ممالك محروسه موروثه لرنده تخت  
عاليخت عثماني وسرير خلا فتصير جهانباني به جلوس بيوران  
سلاطين عدل آيين حضراتك عهد سلطنتلريه عالمك جميع جهات  
وقطعاتنده معاصر اولان دول وملوكك كرك تحفظي وكرك تدافعي  
اوله رق وقايع مضبوطه لري برلشدير يلوب مورخان حبيده اثار ووقايع  
نويسان روزكارك منتخب ومختاري اولان اصول معلومه ي  
دكشديروب مطالعه واستصحابنده سمت سهولتي كوزه ده رك سرير  
سلطنت عثماني به جلوس بيوران هر پادشاه عاليجاهك ابتدای  
جلوسيله اتها سندن عبارت اولان عهد همايوني معاصر لري بولنان  
سلاطين وحكمدارانك مدت حكومتلري ايله قارشولشدير يلوب  
هر پادشاهك عهد همايوني بر جلد كتاب اولق اوزره ترتيب ايديله رك  
حالا سبب امن وامان باعث اسمايش زمين وزمان بالانشين مسند  
تاجداري پانهاده صدر ايوان شهياري مجدد قوانين دولت عليه  
مؤكدا سلاطين سلطنت سنه حامی شريعت ودين امير المؤمنين  
السلطان ابن السلطان السلطان عبد المجيد خان ابن السلطان  
الغازي محمود عدلي خان ابن السلطان الغازي عبد المجيد خان لزال  
دولته الى اخر الزمان افندمز حضرتلرينك نام نامي همايونلري زينت  
افزاي صحايف مقصود قلنه رق جمله سي اوتوزايكي جلد كابه تقسيم  
اولنديغندن هم دولت عليه نك ظهور وتشكلنه مقدمه وهم ترتيب  
وتقسيم اولنان اصوله برنجي جلد اولق اوزره اجساد عالي نژاد  
پادشاهينك ابتداسي اولان ارطغرل غازينك ممالك اناطولي به  
سايه انداز اجلال بيوردقلى التيوز يكرمي سنه هجره به سندن  
التيوز سكسان سنه سنه قدر يعنى زمان ارتحالرينه دك (٦٠) سنه لك







مبدأ اتخاذ ایشلر ایسه ده هیچ بریسی بو شبهه یی حل ایده جک  
 صورتده خبر صحیح کویستره مامشلر کنه الاخبارک اخبار صادقه سنه  
 نظر اولندیغی حالده عثمان خانک پدری ارطغرل آنک پدری  
 سلیمان شاه آنک پدری قیالب و قزل بوغا و توقتمور آنک پدری باساق بعده  
 چندور بعده طوراق بعده قان خان ابن بانصو ابن یاراح ابن بای بک ابن  
 طغرل ابن طوغمش ابن کوچ بک ابن ارطوق ابن قاری ابن چک تمور ابن  
 طوراح ابن طوماق ابن باش بوغا ابن قزل بوغا ابن جورسینه ابن یابسوا  
 ابن سو نج ابن جای بوغا ابن قور تلمش ابن قورچاو ابن بالحق ابن  
 تو یاس ابن قره اوغلان ابن سلیمان شاه ابن قارخالو ابن بوزلو خان ابن  
 باتیمور ابن تورمش ابن کویک الب ابن اوغوز ابن قره خان ابن  
 قای خان ابن دیب تا قوی خان و اولجه خان دیهرک قرق ایکنجی  
 اتاده عیص ابن اسمحاقه واصل اولوب اورادن حضرت نوحه  
 متواصلدر بوروایت کنه الاخبارک اولوب نشانجی محمد پاشانک عصر  
 سلیمانیده یازدیغی تاریخ ایله صولاق زاده تاریخندن منقول اولق اوزره  
 نظمیه زاده نک کلشن خلفا سنده و چشمی زاده رشیدک تاریخ  
 مختصرنده اجداد عثمانیانک اسامیسنده بعضی مرتبه مخالفت  
 کورلدیکندن بو محلهده تکرارندن صرف نظر اولندی درر الاثمار  
 نام تاریخده منبع آل عثمان حجاز و مدینه دن ققط ملا یسه سیله ممالک  
 رومدن قرمان دیارینه تبدیل وطن ایلمش برقبیله در دینش ایسه ده  
 اعتماد شاهان اولمادیغی تاج التواریخ صاحبی خواجه سعدالدین دخی  
 بیان ایشلدر بعضی تاریخلرده دخی حضرت اسمعیل علیه السلام  
 زماننده ملک ماهانه هجرت ایلیان بنی قطورا نسلندن اولق اوزره  
 بیان اولمشلدر شرف ابن شمس الدین کردی که فاتح اکری



سلطان محمد خان غازينك نامنه تأليف ايلديكي شرفنامه ده  
 قاصي احمد غفاريدن وعالم آرانام تاريخدن مروی اوله رق  
 آل عثمانك اجداديني آل سلجوقك اجداديله برلشدیره رك تحریر  
 ايلشدر ❦ اخر ما يملك امر امتي بنو قطورا ❦ حديث شريفنده  
 قطورادن مراد عالي آل عثماندر ديه رك بعضيلري تنوير سند  
 ايلشدر در مرأة كائنات نام تاريخده جد آل عثماندن اولان قايي خان  
 عيص ابن اسحاق عليه السلامك اوغلي اولق اوزره يازلمشدر  
 عيص ابن اسحاقه منسوبيت هر نقدر شرف نسبندن معدود ايسه ده  
 تواريخ قدیمه مطالعه سنه اماله عين اعتبار اولنديغي حالد  
 عيص ابن اسحاق ماوراء النهره رحلت ايتيوب ارض كنعانه  
 عزيمت ايدرك اورالده توالد وتناسل مكرره ايله تكثر ايتدكلري  
 محرردر انجق قايي خانك حضرت اسماعيل عليه السلامه منسوب  
 اولسي ده ازياده رواياته موافقدر زير مناقب وقصص  
 انبياي جامع اولان تواريخ مقدسه لرده طوائف اكرادك  
 مشاراليه اسماعيل عليه السلامدن تشعب ايتدكلري مرويدر  
 حديث شريف ايله ثابت اولان قطورا دخي حضرت ابراهيم  
 عليه السلامك جاريه سي اولوب مشاراليهدن تولد ايدنلردن برازي  
 ماوراء نهره رحلت ايلدكلرندن وآل عثمانك دخي نسب عليه سي  
 حضرت اسماعيل ابن ابراهيم عليه السلام اولادي انسالندن  
 اولديغي تقدیرده حديث شريفك معناسيله حكم اولنه ييلور حالبوكه  
 دولت عباسيه نك ابتدا سي اولان سفاح اولكي خطبه سنك نهايتنده  
 كندوسنك بنو قطورادن اولوب خلافت اسلاميه نك كندی  
 احفادي اليه مهدي يه و حضرت عباسيه تسليم اولنه جغني حديث



شريف مذکور ايله استدلال ايتمشلايكن التیوز الی بش تارینخندہ  
 دولتسلری هلا کوید یله منقرض و خلافتسلری دخی مصرده مختفی  
 اولد قلری حالده طقوز یوز یکر می اوچ سنه هجریه سنده فاتح  
 ممالک العرب عنوانه مظهر اولان سلطان سلیم قدیم حضرتلرینه  
 امانات کبرانک انتقالی ملا بسه سیله خلافت دخی قبول عامه بولندیغندن  
 سلاله عباسیه بالکلیه محو اولمشدر انسان مبدأ و خلقتندن اوزادجه  
 توالد و تناسل مکرره ايله چو غالدیغی نفوس موجوده عالمی ییلدیرر  
 برطاقم جغرافیا کابلرینک اخباری موجبجه قضایای مسلمه دن ایسه ده  
 بالعکس مبدأ و خلقتی زمانلرینه قریب اولان عهدده دخی عدد  
 جهتیله نقصان بولندیغی امور طبیعیه دن اولوب یعنی کافه اشیانک  
 اوائل او اخرندن ساده ایدوکی معلومدر بو تقدیرجه هر شخصک  
 اجدادی قرون سابقه مدته کوره اوزادجه نفوسک قلاتی و فاملیا لرك  
 ندرتی ملا بسه سیله برلشور بو حساب به رعایت اولنق لازم کلنجه  
 یکدیگره مناسبتی اولیان خاندانلرك اجدادلری برلشمسیله قرابت  
 و مناسبتلری دخی قبول اولنق ایجاب ایدر که سطح ارضده بولنان  
 بالجمله انسانلرك بر برلرینه حصم اولملرینی اقتضا ایدر بناء علیه  
 خاندان جلیله عثمانیه نك اجدادی مارالبیان توارینخک روایات  
 مختلفه لری اوزره هم بنی قطورادن وهم عیص ابن اسحاقدن منشعب  
 اولسی محتمل اولدیغندن بونکله ملوک سائر اسلامیه یه تفوق  
 و مرابحت لازم کلر زیرا نسبک ذکر اولنان ذواته منتهی اولمسندن  
 بشریت ایجابجه هر بر شخصک حتی اوله ییلور انجق غازی ارطغرل  
 حضرتلرینک پدری سلیمان شاه امر اء سلاجقه نك نهر آمویه اطرافنده  
 فرجه یاب اولان شعبه سندن سلطان طغرلک قزینی المغله ارطغرل

نهر آمویه بلخ و بخارا حواله بسنده  
 مشهور نهر اولوب اورال دگرینه  
 منصب اولور



غازينك نسي سلچوقيلرك نسينه قارشديغي نشري جليپنك  
جهان نمانده مضبوط ومقيد در لسان عرب اوزره يازيلان توارينخ  
ال عثمانك برنده اجداد ال عثماندن اولاممالك رومه كلوب انقره  
جوارنده قرجه طاغ كارنده ايكي ييك بشيوز نفوس ايله قونان  
قيق البدر كه يكرمي دردنجي اتاده اوغوز خانه متواصلدر والحاصل  
قيق الب موجود معني بولنان كوجبه لرايله هجرتك التيوز الي  
التي سنه سنده حوالى مذكوره يه قوند قد نصكره از وقتل مرورنده  
ارتحال ايدوب يرينه اوغلي صارقق الب رئيس قبيله اولدى ايسه ده  
عمرى وفا ايتيوب فوت اولنجه قره اويوك نام محله دفن اولنوب بعده  
رياست مذكوره كوك البه انتقال ايليوب اودخى مدت قيله ده فوت  
اوله رق شرانجه دنيان محله مزاره براغيلوب بعده رياست اوغلي  
كوندزالبه نقل ايلد كده مشاراليه دخى اطرافنده بولنان مخالفين ايله  
جنگ وجدال ايدرك قزل سراى نام محله رحمت رحنه واصل  
اولوب مقام رياسته فرزند جليلي ارطغرل غازى سر كرده قبائل  
اوله رق هارون الرشيدك روملرايله محاربه ايدوب غالب اولديغي  
صفصاف يعنى سكود دنيان محله عزيمت وتوطن ايدرك غياث الدين  
كبخسرو عصرنده قصبه مذكوره ده وفات ايليوب عثمان غازى  
رياست مقامنه قائم اولدى ابن كمال دخى آل عثمان تاريخنده روايت  
اخراولمق اوزره بوججهله يازمش ايسه ده توارينخ سائر ده دخى  
بوكا دائر بر خبر صريح بولنه مامش ايسه ده اكثر مورخين جد آل  
عثماني هجرتك التيوز اون التي ياخود يكرمي سكرندن اعتبار ايتملردر  
اكن روايت مذكوره يه باقنجه جد آل عثمانك بلاد رومه كلبشى  
هجرتك التيوز الي ايكي سنه سى اولمش اولور بوضورتله يازيليش

لسان تركيده الب ديمك قهومان  
مناسنه در



مورخین اسلافك روایاتنه بالکلیه مخالف کبی اولدیغندن صحیح  
اولماسی اغلب احتمال ایسه ده مدقنارینك دخی بشقه بشقه تصریح  
ویان اولندیغی جای دقتدر انجیق شوقدر دنیله ییلور که جد آل عثماندن  
سلیمان شاه ارمنستان کبراده اخلاط نام شهرک صحر اسنه میلادك  
بيك اکیوز یکر می درت یعنی التیوز یکر می برسنه هجریه سنه کندویه  
اتباع ایدن اشباع و برنیجه دواب و خیول ایله نزول ایدرک یدی سنه  
مقداری اوراده خیمه اقامتی قوروب طورمش ایسه ده جنکیز خانك  
وفاتندن صکره خوارزم شاهك سلطان علاءالدینه مغلوبیتی خدمتده  
بولوب یعنی سلطان علاءالدین طرفنك غالب اولسنده کندوسی دخی  
قبیله سیله خدمت ایدوب بعده هجرتك التیوز یکر می سکر سنه سی  
رقه مضافاتندن اولان جعفر قلعه سی پیشکا هنده جریان ایدن نهر  
فراقی کچوب عربستانه طوغری کتمک اوزره ایکن غرقه غریق بحر  
رحمت اولنجه جسدی اوراده دفن اولنهرق الیوم مزار ترک دیملکه  
مشهور در مشارالیهك فوتندن صکره اولادلرندن سنقور تکین و کون  
طوغدی وارطغرل و دوندار نام درت برادرلر قالوب سنقور تکین ایله  
کون طوغدی شرق طرفنه عودت ایلد کیری مثلوارطغرل  
و دوندار دخی سلطان علاءالدین خدمتده بولمقی اوزره کیر و اتقره  
طرفنه چکیلوب قرجه طاغده قرار ایتد کلرنده پنه کند و متعلقاتندن  
غالباً سلیمان شاهك برادری کوندوزالب نام مرد شجاع عربستانه  
طوغری شتاب ایدرک شام اطرافنده صحرا نشین اولمشلر در که  
شمیلره قدر شام ترکمانی دنیلان عشایر سالف البیان کوندوزالبك  
توابعندن چونالمشلر در بو تقدیرجه عریجه یازیلان آل عثمان تار یخنده  
بیسان ایتد کیری کوندوزالب بریه الشامده توطن ایدن ذات اولوب



تاریخ مذکوری قلمه الان ذات دخی حوالی مذکور اها بسندن  
 اولدیغندن احتمالدر که آل عثمانك اجدادینی شام بریه سنده اقامت ایدن  
 سالف الذکر کوندزالبه نسبت ایدرک روایت ایتیش اوله والحاصل  
 آل عثمانك اجداد عالیه دائر تواریح مذکور ده اوچ مختلف روایت  
 تصادف اولمشدر (اولکی روایت) سلسله جلیله مذکور نک  
 ابتداسنی قوم عربیه نسبت ایتیک سودا سیه حجاز دن بنو جرهم  
 قبیله سندن قحط ملا بسه سیه ماهانه عزیمت ایتدکلری (ایکنجی  
 روایت) سلطان محمود خان غازانک وزیر رشیدالدینه منسوب اولان  
 جامع التواریح افاده سنجیه یافت بن نوح که لسان مغولده ابولجیه  
 خان دیرلر اولاد و امجادندن مېسک نام براوغلنک درت فرزند ار جندی  
 اولوب برنجی قره خان ایکنجی اورخان اوچنجی کرخان دردنجی  
 کوچ خان ایدی ایمدی بوقاره خانک اوغلی اوغوزخان دخی حضرت  
 ابراهیم علیه السلام ایله معاصر ایدی مومی الیه اوغوز خانک نبیره  
 شهیره لرندن زماننده کرخان دیمکله مشهور اولان ذاتک قایی خان  
 نامنده شهرت بولان فرزند ار جندینک سلاله سندن قایی الب نام  
 ذات ظهوره کلمشدر که انک اوغلی ارطغرل غازینک پدرلری سلیمان  
 شاهدر (اوچنجی روایت) اجداد عالیزاد عثمانیانی عبص ابن اسحاقه  
 نسبت ایدرک قایی خانی دخی لسان مغولده عبص دیمکدر دیویان  
 ایتیشدر ایمدی بور روایات مختلفه لری خلاصه لری برلشدیکی حالد  
 شویله اولور که عرب طائفه سنه نسبتلری حضرت ابراهیمک  
 جاریه سی اولان قطورانک اولادندن یاخود حضرت اسماعیلک  
 نبیره شهیره سی جرهمیدن قایی خان ظهور ایدر که عبص ابن اسحاقدر  
 مولانا ادريسك هشت بهشت نام کابنده قایی خاندن مراد عبص



ابن اسحاق اولوب اندن اوتەسى اسماباسم التمش اوچىنى مرتبه ده  
 حضرت نوح عليه السلامه متواصلدر حالبو كه جامع التواريخ صاحبي  
 رشيد الدينك قولنجيه قايى خان كر خانك اوغلى اولوب اودخى  
 اوغوز خان احفادنددر اوغوز خان ايسه حضرت ابراهيمك زماننده  
 مشهور پادشاه ايدى قايى خان اسحاقك اوغلى اولنجيه بور وايتە كوره  
 ككر خان دخی حضرت اسحاق اولق لازم كلور كه بو تقدیرجه  
 اوغوز خان دخی حضرت ابراهيم اولسى اقتضا ايدر لکن اكثر  
 مورخین خصوصاً ابن حسن جان قايى خانك اجدادىنى شرقدن  
 غربه يعنى ماوراءنهر دن برويه خوارزم طرفلرينه وقايى خانى دخی  
 ايران زميننه بار وبنگاهيله رحلت ايتدى ديويازارلر اكر قايى خانك  
 عيص ابن اسحاق اولديغى محقق اوليدى انلك دخی كابلرنده ابتدا  
 حجازدن ماوراءنهره عزيمت بعده ايرانه عودت ايتدكلرى يازيلور  
 ايدى خلاصه كلام اصحاب تاريخك برطاقى بولمىدكلرى عصرده  
 مداهنه طريقنى طوتوب اثار جليله دن اقتباس واستدلال ايدرك  
 عيص ابن اسحاق عليه السلام طرفنى التزام و برطاقلىرىدىنى يالسكر  
 يافتدن اعتبار ايليه رك اوغوز خان نسلندن ايدوكنى اعلام ايتشردر  
 شهنامه كوى عثمانى لقمان شاعرو ابن كمال ورشيد الدين الوزير دخی  
 صورت ثابته اوزره سوزلرينى پركتشردر كه تفصيلاتنى كورمك اسنيان  
 ذوات بوتاريخه مأخذ اولان توارىخ مذكوره يه مراجعت بيوره لر  
 لکن آل عثمانك اجداد و احفادينه موجب افتخار اوله جق نسبت  
 عاليسندن بشقه وجوه عديده وارددر كه ملوك اسلاميه نك هيچ  
 پريسنه نصيب اولماش شويله كه (وجه اول) ظهور آفتاب دولتلى  
 ملوك سائر و سلاطين و افره مثللو ولى نعمته كفران و مولاسنه عصيان



وسلطانه طغیان و مخالفت ایله اولماشدرزیرا ز پرده مناسبتله نقل  
ایلدیکمزده اکلاشیله جغی اوزره دولت سامانیه خلفاء عصره  
مخالفتله غزنو یلردخی افندیلرینه بغی و عناد ایله و سلچوقیلر تغلب  
و طغیان ایله عروج و خوارزمیلرایسه جهانگیرلک سودا سیله کندی  
سلطانلری اوزرینه خر و ج ایلدیلرایسه ده مدت قلیله هر ورنده  
دولتلرنده رونق قالمیوب پریشان اولدیلر و دولترلرینک کامرانلغی  
زماننده بیله ظهور دولترلرینه وسیله اولان عصیان و طغیان ماده لری  
پک بیوک عیب و نقصانندن عد اولنورایدی حد اولسون آل عثمانک  
ظهوری ذکر اولسان کی تغلب و عصیان ایله اولمیوب سلطان  
علاءالدین سلچوقی یه عظیم رعایت و حرمت ایتدکلرندن هر برغزایه  
عنایتلرینی اخطار صورتنده استیذان ایدرلر و پک چوق غزواته دخی  
سلطان مشارالیهک امریله کیدرلرایدی و عنان سلطنت آل سلچوقک  
الرنندن طبیعی اوله رق انتقال ایلمشدر که آتیده تفصیلا یازلمشدر  
(وجه ثانی) دول سائره و ملوک سالفه نک سلاله مضبوطه لری ایچنده  
دولت سائره یه محمی و محکوم و خدام و حکام النده مغلوب و منکوب  
و بعضا دخی سرای ایچنده محصور و امور تصرف کند و قصرنده  
مقصور بر نیجه ملوک و سلاطین کلوب دولت و حشمتلری زائل اولمشدر  
لکن سلاله طاهره عثمانیاندن سریر سلطنت پادشاهی یه قعود  
و جلوس ایدنلر هیچ بروقتده حکمداران سائره یه محکوم اولدقلری  
مثالو متعینان و اتابک دولتلرنندن دخی بر یسنک مغلوبی اولماشدر  
و آل عثمانک هر زمانده حاکم مطلق اولوب معاصر لری اولان دول  
وملل عندلرنده قدری عالی اولدیغی تواریخ اشیایان عصره معلومدر  
(وجه ثالث) مسند امارت و سلطنته کلان ملوک و سلاطین اسلامیه نک



مجموعی مقام خلافت اسلامیه دن منشور اجازت المغه محتاج اولد قلمری  
جهتله حکومتلرنده استقلال کامله اوله میوب اسباب دینه دن طولایی  
مقام خلافت برنوع مربوطیت خفیله ری وارد و خلافت اسلامیه ایله  
امارت و سلطنتی برلشدیر مکله ممتاز الاقران اولان خلفاء امویه  
و عباسیه و فاطمیه دن شرائط اداب خلافت و حکومته منافی حرکات  
ناجایظ ظهور ایلدیکندن کیمینک النسن زمام سلطنت کیدوب بالکرن  
خلافت قالدی و بعضیسنک دخی هلا کوکی بر جبار کلوب خلافت  
و سلطنتی النسن الدی اما آل عثمانک ابتدای ظهورندن اشبو  
بولاندیغمر عصر محاسن حصر حضرت پادشاهی به کلنجه  
کرنک سریر سلطنته جلوس ایدنلر و کرنک صاحبقران زمان سلطان  
سلیم قدیم حضرتلرندن صکره مقام امانت کبرای خلافتی سلطنتله  
جمع ایدوب امیر المؤمنین و امام المسلمین و خلیفه فی الدین اولنلر اساس  
خلافت و سلطنتی احکام شرع شریفه توفیق و اداره اصول  
حکومتی دخی قوانین موضوعه عاده منیفه به تطبیق ایدرنک  
کندولرینه و دیعه ربانیه اولان اهالی و سکانی تعدی و مظالم مدن و قایه  
ایدوب زیر سایه ظل الهیلرینه التجا ایدنلری عنایت بینهایله رله وایه مند  
ایلدکلرندن دائما خلفلری سلفلرندن اعلا و اوغلاری اتارندن بالا و اولی  
اولغله عصرک دخی اواخری اوائلنه ترجیح اولنسی لایق و بجادر

❦ ❦ ❦ فصل ثانی ❦ ❦ ❦

آل عثمانک جدی غازی ارطغرل حضرت تارینک بمالک رومه کلوب  
کیردکلری اثناده معاصر اوله رق موجود اولان ملوک اسلامیه  
و حکمداران عیسویه نک بولند قلمری احوال مختلفه نک بیاننده در  
هجرت سنیه حضرت نبویه نک التیوز تار یخندن التیوز سکسان



تاريخلريكه بدني عصر ك ابتدا سندن تقریباً نهايته قدر يعنى  
 ميلادك ييك يوز سكسان دردني سنه سندن ييك ايكوز التمش  
 درت سنه لري اثنا سنده اسيا قطعه سنده واقع ملوك اسلاميه دن الك  
 قوتلو بولنان ملوك و حكومتلر ك بريسي آل سلچوقك روم قطعه سي  
 دنيلان كوچك اسيايه منقسم اولان پارچه سيله كذلك ينه آل سلچوقدن  
 شام و حلبده فرجه ياب اولان شعبه لر ايدى انجق مصر حكومتى  
 بشقه جه اوله رق اتراك ايوبيه النده اولوب خلافت اسلاميه دخى  
 سلاله عباسيه دن ناصر دين الله ابو العباسك زمام اداره سنده  
 ديار بكر دخى بنى ارتق حكمنده بولنوب حما و جصده امراء ايوبيه دن  
 برشعبه ايله اقليم فارس سعد بن زنگي ده حدود ماوراء نهر سلطان  
 قطب الدين زير تصرفنده اولوب مكه مكرمه ده شرفاء بنى ادريسدن  
 قتاده اقليم يمنده دخى شعبه ايوبيه دن سليمان ابن تقى الدين بولنوب  
 اقليم خطاي ختنده جنكيز خان حكم ايدوب افريقا و اندلس  
 قطعه سنى دخى ملوك بنى موخدوندن ناصر الدين ايله ملوك بنى مريندن  
 عبدالحق ضبط ايلشيدى كذلك ملت خريستياندن قتولك مذهبنده  
 بولنانلره قوه روحانيه سيله حكم ايدن پاپا لردن عصر مذكوره  
 اينوسان ثالث ايله هونوريوس ثالث اولوب فرانسه قرالى دخى  
 ايكنجى فليب و انكلتره قرالى ژان سن تر واسقوجياده دخى ايكنجى  
 الكساندر قرال اولوب پورتگيز ده الفونس ثانى ناپوليد ده فره دريق  
 نامنده قرال لر حكم ايدر لر ايدى اسپانيا مضافاتندن اولان قاستل  
 ايلتمده الفونس اول واراغون قطعه سنده پير ثانى و الامانيا ده دخى  
 دردني اوتون ايله ايكنجى فره دريق له الكاسنده ايكنجى قاسمير  
 مجارم الكنده لادسلاس ثانى و دانمارقه ده بشنچى قانو واسوج الكاسنده



ایکینجی اسور کر و روسیه بلادندہ ایکینجی جورجی بوهیادہ  
 دردینجی اولاد سلاس اولوب وندیک دوقه سی دخی هانری داندولو  
 ایدی که هر برینک یکدیگره اولان معاملاتی اشاغیده مجلا  
 ذکر اولمشدر استانبولده لاتین ملتدن اولان فرنک طائفه سندن  
 اوله رق شرق ایمپراطورلغی نامیله یکیدن بر حکومت احداث اولوب  
 روم ایمپراطورلری دخی اناطولی یقه سنه کچوب ازنیق ومغنیسا  
 طرفلرینه چکلمشدر ایسه ده سلاطین سلجوقیه نک پنجه استیلارندن  
 خوف اوزره اولد قلرندن ینه استانبولی وممالک سائرلرینی ایادی  
 اجنبیدن تخلص وتحصیلہ چالیشورلر ایدی وعلى العموم قتولک  
 ولاتین مذهبدارلری دخی قدس شریفی اهل اسلام الندن المق  
 واورالرده بر حکومت جدیدہ وضع ایتک وسنه هجرت سنیه نک  
 ایکینجی عصر ندنبر و اهل اسلامک زیر حکومتندہ بولنان اسپانیا واندلس  
 وپورتیکر وفرانسه نک بعض ایالتلریله اق دکرده واقع مینورقه  
 مایورقه صاردنیا سمچلیا مالطه کرید قبریس امثالی بیوک اطه لری  
 تکرار ضبط ایلک وبلکه رقابت دینه دن طولایی حوالی مذکورہ دن  
 شوکت اسلامیه پی بتون بتون قیرمق افکارنده ایدیلر والخاصل روم  
 قطعہ سی دنیلان کوچک آسیا یعنی اناطولیده بولنان ملوک سلاجقه  
 شعبه سنک تاریخ مزبورده امیر شهیری رکن الدین سلیمان شاه اولوب  
 بونک عهد حکومتندہ عراقده منشکل اولمش اولان شعبه سلاجقه  
 ملوک خوارزمیدن سلطان قطب الدین محمدک قوه قاهره سیله  
 ریشان اولمشلردر یعنی مشارالیه رکن الدین پدری فوتند نصکره  
 برادرلری اراسنده مقاسمه اولنان ممالک موروثہ پی برر بر قبضه  
 تصرفه المقدہ اولدیغندن کندویه دار الخلافه بغدادده خلیفه



عصر اولان مشارالیه ناصر دین الله طرفندن رکن الدین سلطان  
القاهر لقبی حاوی منشور سلطنت کلمشیدی منشور مذکور ک  
سبب ورودی دخی مشارالیه رکن الدینک قوت و قدرتی تصدیق  
وقبولدن عبارت اوله رق بوجهته ممالک عباسیه بی ایدی متغلبه دن  
حمایه ایتک ایدی زیرادولت عباسیه نک ممالکی رفته رفته منقسم  
اولدیغندن علی الخصوص بروقت خلفانک خدمت وزارتنده  
بولسان دیالیه طبقه سنک درون بغداده قدر حکم و نفوذ لری جاری  
اولوب خلیفه بالکمر سراینده اقامت ایتکده اولغله سلاطین سلاجقه نک  
ظهوری ایله طبقه دیالیه نک رونق واقبالی قالدیغندن دولت  
عباسیه یکیدن بر تغلب واستیلا یه اوغرا مامق اوزره برطاقم  
مساعدا ت کوسر مشدر خلاصه کلام مشارالیهک التیوز بش تاریخنده  
فوتند نصکره اوغلی عزالدین مسند سلطنته جلوس ایتش ایدی  
فقط بوندن اقدم عزالدین کیفریدون ایله علاء الدین کیقباد نام  
شهرزاده لری ایله اوروپا طرفنه فرار ایدوب الامانیا ممالکنی سیاحت  
ایتدیکنندن فرنکر ایله کسب ایتش اولدیغی الفت واشتالاق  
ملا بسه سیله فرنک طائفه سندن استانبولده شرق ایمپراطور لغنی  
تشکیل وتأسیس ایدن بودو این نام ایمپراطورک نزدنده مسافرت  
اوزره بولسان سلطان غیاث الدین بککرا طه سنده اقامت اوزره ایکن  
راهب قیافتیه زکریا حاجب کلوب سلطان رکن الدینک وفاتیه  
اوغلی عزالدینک جلوسنی بیان ایتد کد نصکره امرانک نامدار لرندن  
بعضیلر عزالدینک سلطان لغنی تصدیق ایتجوب سزلی استرلر  
دیدیکنه مبنی غیاث الدینی شهرزاده لری ایله قالدیروب کیلره ارکاب  
ایدرك یلاق اباد قضا سنه یناشدیروب اورادن ازینق یولیه کچرلر ایکن

بیکر اطمه سی ذیلان اطمه  
استانبول قریبنده واقع اطمه لر در که  
انلرک بر یسنه بیوک اطمه دیکرینه  
هکیمه لی اطمه اوچینجی یه قنه لی اطمه  
دینوب دیکرلرینه خیر سز اطمه لر  
دیرلر



از بنقده اقامت اوزره بولسان روم ایمپراطوری کند و ایله  
 همحدود اولان اناطولی پادشاهی سلطان عزالدینک حکومت  
 و سلطنتی تصدیق ایتش اولدیغنه مبنی مشارالیه غیث الدینی  
 سلجوقیه ممالکنه صالیویرمک استه مامش ایدی ایمپراطور  
 مشارالیه برطاقم تأمینات ایله اغفال ایلد کد نصره رومستان  
 حکومتدن چیقوب کندوی دعوت ایدنلر ایله برلشوب قونیه شهرینی  
 محاصره ایدرک مشارالیه سلطان عزالدینی خلع ایلوب کندوسی  
 سریر امارته کچوب اولادلرندن عزالدین کفریدونی قیصریه شهری  
 منصبنه و دیگر اوغلی علاء الدینی توقاد شهری و الیککنه مأمور  
 ایلد کد نصره رکن الدینک وفاتیه چند ماه قونیه ده مقام حکومتده  
 بولسان عزالدین کیکاووسه دخی کوز حبسنده اولق اوزره ملاطیه  
 حکومتی توجیه ایدرک هر برینی محل مأموریتلرینه اعزام ایتش ایدی  
 کندوسی ایسه سریر حکومتده مستقل قالدیغنه مبنی از بنق شهرنده  
 متمکن روم ایمپراطورینه ماده معلومه سابقه دن طولایی منفعل اولغله  
 اخذ انتقام قصدیه محاربه یه قالقمش اولدیغندن الاشهر صحراننده  
 تقابل صفوف ایله محاربه یه طور و شمشلرایسده میدان جنگده مشارالیه  
 غیث الدین شربت شهادتی نوش ایله عازم خلد برین اولدقده  
 جسدی مقبره مخصوصه یه امانت صورتنده براغیلوب ایمپراطور ایله  
 متارکه اولنه رق ارکان و امرا قونیه یه جمع اولوب سریر سلطنته  
 شهرزاد کاندن قنغیسی تشریف ایتسی مناسبتدر یوللوم صاحب  
 اثناسنده چند ماه قدر مقام سلطنتده بولوب مؤخر ملاطیه  
 محافظه سنده اولان شهرزاده عزالدینک دعوت اولنسی اراء امرا ایله  
 قرار ویریلوب دعوتجیلر کیدوب سریر سلطنته دعوت ایلد کلرندن



مشار اليه دخی سرور و نشاط ايله کلوب قونیه ده جلوس ایلدی انجق  
 توقاد نو احيي سنده بولسان شهرزاده علاء الدین پدرينک محاربه ده  
 فوت اولوب يرينه عمی زاده می عزالدینک بتکرار جلوس ایتسنی  
 چکه محبوب ارزن ازوم ملکی مغیث الدین طغرانشاهی عمیسی  
 اولدیغی جهتله مومی الیه عزالدینک علیهله اوله رق اتفاقه دعوت  
 ایلوب کوجک ارمنستان قرالی اولان روپن فاملیا سندن لیونی دخی  
 کندویه یاردیجی ایدرک و اغوز طائفه سنک بکری ايله دخی برلشدرک  
 سلطان عزالدینی قیصریه قلعه سنه طیقوب او یله محاصره  
 ایتشیر ایدی که خلاصیرینه چاره قالماش ایدی قیصریه والیسی  
 بولنان جلال الدین اصحاب درایتدن بر مرد کامل اولمغله انک تدبیر  
 صائی و فکر ثاقبی برکاتيله علاء الدینک اردوسنه تفرقه واختلال  
 دوشوب متفقینک هر بری بر طرفه طاغلدیغندن شهرزاده علاء الدین  
 دخی یالکیز قالمغله بالضرور انقره طرفه تحریک رکاب شتاب ایتدی  
 او ملابسسه ايله سلطان عزالدین محاصره زحمتدن خلاص  
 اولدقدن صکره مکافات اولمق اوزره پروانه لک منصبی که صدارت  
 مطلقه اوله جقدر جلال الدین قیصره و مالیه نظارتی معناسنه اولان  
 مستوفی الممالک مأموریتی دخی خواجه بدرالدین خراسانی یه و تحریرات  
 دیوانیه و منشآت سلطانیه خدمتی خواجه فخرالدین علی یه توجیه  
 یوریلوب بعده انقره قلعه سی محاصره سنه عزیمت اولدقدقه  
 سلطان عزالدینک قوه قاهره سنه شهر لو مقاومتیه مقتدر  
 اوله میده جقلرینی ییلدکلرندن کندولرینه التجا و دخالت ایلان  
 شهرزاده علاء الدینه خطا ایرشماک شرطيله قلعه پی پادشاهه تسلیم  
 ایلدکلرنده عزالدین دخی عمی زاده سی شهرزاده علاء الدینی سرکاتبی



سيف الدينه تسليم ايدرك ملاطيه مضافاتندن منتشر قلعه سنه  
ارسال ايدوب حبس ايتديرمش ایدی سيف الدين مومى اليه فارسی  
وترکی لسانلرندن ماعدا اوروپا السنه سندن بش لسانه دخی  
اشنا اولوب اويله تکلم ایدرایدی که هر قنغی لسانده متکلم اولسه  
کندوسنی اول ملتدن ظن ایدرلر ایدی بناء علیه علاء الدینی منتشر  
قلعه سنک دزدارینه تسلیم ایلد کد نصرکه عودت ایلد کده ازینقده  
متمکن روم ایمپراطورینه سفارته کیدوب سلطان غیاث الدینک جسد  
مدفوتی طلب ایدرک قونیه کتوروب اجدادی ترپه سنه دفن ایلدیلر  
بواثاده رؤسای رومدن سنبوب محافظی اولان کیری الکسبس  
حدودینی تجاوز ايله بلاد اسلامیه تعدی ایلدیکی شاکی و فریاد جیلر  
واسطه سیله سلطان عز الدینک مسموعی اولنجه چانیک سمتندن اولدیاره  
عسا کر کثیره ايله واریلوب هر سوم الکسبس اسیر و قلعه دخی هجرتک  
التیوز اون برجادی الاخره سنک یکر می التجی کونی تسخیر اولندی  
بعده شهر دن نقل مکان ایتک استبانلره رخصت ویرلدیکسندن  
پک چوق فاملیا اواثاده تشکیل اولمش اولان طربزون حکومتی  
طرفنه عزیمت ایلد کلرندن یرلرینه انا تولیدن اهل اسلام خانه لری  
قالدیریلوب اسکان اولندی سنه مزبوره اثناسنده طرف خلافت  
عباسیه دن هدا یای وافر ايله شیخ مجد الدین خدمت سفارته کلوب  
ایفای رسم سفارت ایدرک عودت ایلد کد نصرکه سلطان  
مشار الیه دخی کندو فاملیا لری شعبه سندن ارزنجان پادشاهی ملک  
فخر الدینک کریمه سنی عقد و تزوج ایلوب رسم زفافک اجراسنی انواع  
تکلفات پادشاهانه ايله تکمیل ایلدیلر تفصیلاتی کورمک استیانلر  
تاریخ سلجوقیه مراجعت بیوره لر



بواثناده حلب ملکی صلاح الدینک اوغلو ملک طاهر وفات ایلوب  
 یرینه اوغلو ملک عزیز جلوس ایتش ایسه ده طفل نور سیده اولدیغندن  
 والده سی کافله مملکت اولمش ایدی بناء علیه اورارک فتح  
 و تسخیری سلطان عزالدین سیهولتلی کورندیکندن رایات شاه  
 یکر می بشبیک قدر مسلح سپاهی ایل هر رش او زردن اول دیاره  
 راهی اولوب حلبک جمیع نواحیسنی جبر و قهر ایل المشرایدی لکن  
 ملوک مصر و شام سلاطین عظام سلجوقینک احوالی جاسوسلر  
 واسطه سیه تحقیق و تحری ایتکدن خالی اولدیغندن بشقه امراسنی  
 مواعید و عطایای خفیه ایل جلب ایدرک حضرت سلطانک افکار  
 مخصوصه سنی قبل الاعلان تحقیق ایلوب انواع مکاید و دسایس ایل  
 سلاطین سلجوقیه نک هیئت اداره سنی کند و افکارینه تطبیقات بدیل  
 و تغیر ایدر لر ایدی اشته پادشاه مشارالیهی بر بیوک غدار لغه مجبور ایدوب  
 عاقبت کندوسنک دخی وفاته سبب اولمشلردر هر نقدر بوماده صدر  
 اصلیدن خارج ایسه ده بویله شیلرک هر عصرده وقوعی ملا بسه سیه  
 خاطرده قالمق ایچون ذکر اولندی چونکه تاریخ او قومقدن حاصل  
 اوله جق عبرت انتباهه قوت ویره جکندن تفصیلاته شروع اولمشلدر  
 شویله که رایات سلطنت کمال وقار و حشمت ایل محروسه قیصریه دن  
 قالدیر یلوب شام و حلب فتحنه کوس عزیمت چالدیر یله رق فرات  
 نه ری کار یله صمصام شهر قدیم مشهور دن و بیره جک شهر ی یواندن  
 کلدکری جاسوسلر اخبار یله ملک عبدالعزیزک والده سنه در حال  
 اخبار اولند قدیم برادری اولوب ده شام ملکی بولسان ملک اشرف  
 موسانی عسا کر کثیره ایل دعوت ایلوب مقابله یه حاضر اولد قلی  
 صره ده سلطان عزالدین ایل بر لکده بولسان امر انک ناملرینه اوله رق



مکتوبلریازیلوب بر محل مخصوصه بر اقلش اولدیغنی کویا بر شخص  
 مصری کمال صداقتدن اردوی سلطانه بیان و افاده ایتک اوزره  
 کلوب سرکاتی اولان سیف الدین بکه افاده ایلدکده در عقب  
 سلطانی ماده دن اکاه ایدرک مکتوبلری و هدیه لری محل موضوع  
 معهوددن جلب ایتدیروب نظر ایتدکده شویله یارلمش ایدیکه  
 سلطانی شوسفر و سیله سیله بزم دیار مزک ایچینه قدر کتور مکه  
 هر تقدربوندن اقدم بزی تأمین ایده جک و عدلر ایتش ایسه کزده  
 طوغریسی بزم مراد مزک حصولی امر نده بومر تبه لرده همت  
 ایلله جملرینه امیدیمز یوق ایدی اما شمدیدن صکره بزم غیر تمزده  
 اولدقلرینه امنیت کامله حاصل اولمشدر ارتق بوندن صکره سی  
 بزم همتمزه قالبوب فقط میدان حربده سلطانی کیر و قاچر مقدن منع  
 ایتلری دخی طرفزه درکار اولان فرط محبت و طرفدار لقلرینک  
 نتیجه خیریه سی اوله جقدر بناء علیه خر جلق اولمق اوزره  
 هر بریکزه بیکر التون کوندرلمش اولدیغنی محرو اولغله کیفیت سلطان  
 مطلع اولدقده امرادن ماده بی کتم ایدوب خبر ویرنی دخی بر محل  
 مخصوصده حفظ ایلدکدن صکره محاربه یه کیر شمشلر ایسه ده  
 تدابیرده قصور اولدیغندن امیرالجهشدن دخی عساکر خشنود  
 اولدیغندن لایقینه جنک اوله میوب بالاخره سر عسکر شامیلر النده  
 اسیر اولدیغندن سلطانتک الله واصل اولان مکتوبلرک مالی دخی  
 وقوعات متعاقبه یه توافق ایدر صورتده بولندیغندن محاربه ماده سنی  
 صلح ایله ترک ایدوب امرایی او طاق شاهی کارینه جلب ایلدیرک  
 اطراف مسلح بر طاق خدام سدره مقام ایله احاطه اولنوب  
 مکاتبه ماده سنه دائر بر قاچ عتاب اولاندقده هر بری بوماده قبیحه یه



دار خبری اولدیغنی ایمان غلیظه ایله بیان ایتیشلرایسه ده چاره  
وامکان بوله میوب نظر پئیای استرحام مقام تضرعه قیام ایدوب  
طور مشلرایدی سلطان عزالدین مغلوبیت ملا بسه سیله غضب  
تسکین ایده میوب ارکان سلطنتی قتل و اعدام ایتکی اخلافه موجب  
عبرت اولور خولیا سنه صاپه رق جمله سنک اللربنی وایاقلربنی باغلدوب  
برخانه ایچنه براغوب اطرافدن اتش ویره رک اول یکننا هلرک فریاد  
وآهی ماننددود سیاه اسمانه چیقوب یاندیقه تسکین نائرة غضب  
ایتیش ایدی اولکیجه برهولناک رؤیا ایله او یانوب عظیم اسف  
ویشیمانلق ایله ایتدیکنه اظهارندامت ایدرک یاتنده بولسانلره  
نیچون بنی بوفعل مکروهدن منع ایتدیکز دیه رک خیلی یاندی یاقلدی  
ایسه ده خوف باری کوندن کونه کوکلنده یرلشوب اخر الامر برمرض  
شدید وخیمه مبتلا اوله رق ویران شهر صحرا سنده خراب اباد عالمی  
ترک ایدوب کتدی محروسه سبواسده یاپدرمش اولدیغنی تربه سنه  
یازلق اوزره اشبوا یکی بیتی دخی خسته لکی حالدده سولمشدر  
﴿قطعه﴾

✽ بزجهانی که ترک ایدوب کتدک ✽

✽ رنجی داده پرکدوب کتدک ✽

● شمیدین کیرونوبت ایردی سزه ✽

✽ نینه کم اول ایرمش ایدی بزه ✽

فخواستجه حزین وغمکین اولدیغنی دخی ایما ایلش ایدی شمیدی  
بوماده نک مفهوم خفیبسی اولان عبرت وانتباهک حکم و تأثیرنده  
اوله جق حدود و مراتبی تعیین وایضاح ایتک ماده سی دخی  
مطالعده سنه رغبت ایدنلرک مرتبه معلوما تیرینه براقلمشدر







الدرندن آلوب تسخير ايلك افكاريله ملاطيه طرفنه هجوم ايدوب  
فتح ايلدك كنصره اورالك اداره سني اميراسدالدين نام بکه  
حواله ايلدي بعده سلاطين مصر وشامدن ملك العباد لك  
همشيره سني نکاح ايلوب قيصریه ده عظيم جمعيت ايتديلر  
بعده ممالك دشت قيجاغي وديار افلاقي اطاعته كتوروب سرعسكر  
نصب اولسان حسام الدين بك روسيه الكاسنه قدر عزيمت ايلوب  
بك چوق شهرلري فتح ايلدي حتى سعداق نام شهرى دخى  
حرب ايله فتح ايدرک امير عسكر حسام الدين بك الاى ايله شهره  
کوروب ايکي هفته مدته يوك کلبسا بي جامع شريف اصولنه  
تحويل ايلوب ومحافظه سى ايچون دخى براز عسكر براغوب برطاقى  
کيلره راكب اوله رق بحر ازاقي وسياهي کچه رک اناطولى طرفنه  
برمقدارى دخى طونه نهر پنى اشوب روم ايللرندن طولاشه رق  
استانبول بوغازى کچيدندن اناطولى سمتنه عبور ايلديلر هجرنک  
التیوز يکرمی طقوز سنه لرند کوجک ارمنستان طرفلرنده حکومت  
ايليان روپن فاملياسيله قبريس جزيره سنده وسوا حلاک بعض يرلرنده  
واقع فرنکار اتفاق ايدرک حدود اسلاميه تعدي ايلدکلرينه مبنی  
مبارزالدين نام اميرک قومانداسيله اورالره عساکر سوق اولنه رق  
مطلوب حاصل اولمش ايدى بوسنه دخى ارزنجان هاکی فخرالدين  
بهرامشاهک اوغلى علاءالدين داود شاهک فقرايه ظلم ورنجيدنه  
ايلديکی جهته تریسه سى همت همایون اقتضاسندن اولغله رايات  
شاهی اولدياره قالد يرلديغي علاءالدين داود شاهک مسموعى اولنجه  
ايتدیکنه پشيمان اوله رق جرايم واقع سنک عفو واسترحامی  
غرضيله سلطان علاءالدين استقباله چيقوب قيصریه قربنده

شهر مذکور قریب الکاسنه اولوب  
صکره لری خراب اولشدر



يتشوب دامن امانه صارميش ايدو كندن ماده فساد برطرف اولمش ایدی  
 بر زمان مرورنده يولك اوغلو غياث الدين حضورينه جلب ايدرك  
 ارزنجان خطه سنك حكومت استقلاليه سني توجيه ايله اعزام  
 ايلد كد نصكره كندولري قيصريه دن قوينيه طرفنه عزيمت  
 بيورديلر بواثناده خوارزم پادشاهي سلطان جلال الدين مغول  
 تاتارلرينك سركرده سي اولان طبقه جنكيز يانك شرلرندن  
 نهر سنك ساحل شرقبسندن شط غريسنه فاملياسيله بچوب  
 بحر شاهي دنيلان بحيره روميه نك قربنده مراغه نام شهرك  
 قضاسنه قونوب استمداد ايچون قاضي القضاة مخبر الدين الطاهر ابن  
 عمر خوارزمي سفارت صفتيله درگاه علاء الدينه اسرا ايلمش ايكنينه  
 عهدنده طور ميوب بلاد سلجوقه غارت وخسارت ايتكه  
 باشلامش ایدی بناء عليه سلطان علاء الدين سلجوقي دخي مصر  
 حاكمي ملك العادل ايوبيدن عسكر جلبی ايچون امرادن كمال الدين كامباري  
 شامه اعزام ايليوب ملك كاملدن عسكر طالب ايلدی ايسه ده ملك كامل  
 اول امرده عساكر كوندركم خصوصنده تردد ومخالفت ايلديكندن  
 ايلچيلك مأموريتنده بولسان مومي اليه كمال الدين كامبار ديمشدر كه  
 انيسته **ك**ز حقنده اوله جق امداد ايچون اعراض ايدرايسه كز  
 همشيره كزي ايلارالنده عريان براقر سكر بوايسه خاندان سلاطينك  
 شانلرينه هيچ بروجهاله ال ويرمزديه رك ملك كامل ايله ديكر برادرلري  
 ملك معظم وملك اشرفي ممالك رومه مستولي اولان جلال الدين  
 خوارزمينك محاربه سنه تشويق وترغيب ايلديكندن بومقدار  
 عسكرتدار كيله قيصريه صحراسنه طوغر وعزيمت ايتكده ایدی  
 درحال نائب الملك مصر اولان دواتدار كه وزير اعظم ديمكدرانك طرفندن

ملك معظم عباسي شام حكامداري  
 اولوب ملك اشرف دخي كردستان  
 حكامداري ایدی



مصر الكاسنه فرنكلرك هجوم ايتديكي خبري واصل اولنجيه  
 اردونك اداره سني برادري ملك اشرفه براغوب كندوسي مصر طرفه  
 رجعت ايلدي ملك اشرف مشاراليه دخي نهر فراقى كجوب قبصريه ده  
 اردوي سلجوقي به ملحق اولدقدنصكره اقشهر اواسنه طوغرو  
 حركت ايلديلر جلال الدين خوارزمي دخي اخلاطدن فك طناب ايله  
 يصي چين نام محله شتاب ايليوب اوراده ايكي طرفك عساكري قارشوكلوب  
 عظيم محاربه ايتشارايسه ده خوارزميلر منهزم اولديلر بواشاده مغول  
 طائفه متغلبه سنك برطاقى صحراي مغاندن حركت والغار ايدرك  
 ممالك رومه هجوم ايله سيواس نواحيني خراب ايلديلر سلطان  
 علاء الدين دخي ارمنستان كبراي خوارزميلردن تخلص ايلدكدنصكره  
 ضياء الدين وسعد الدين وتاج الدين نامنده اوچ نفر دفتر دار ارسايله  
 املاك وعقارى ونفوس موجوده بي تحرير ايتديروب ويركوواعشاره  
 ربط ايلدي هجرتك التيز او توز سنه سي ملك العادل مصر وعين  
 وحجاز ممالكنه قناعت ايتك لازم ايكن سلطان علاء الدين سلجوقي ايله  
 يئلرنده بعض مرتبه منافسه ظهور و حدوث ايلديكنندن  
 روم الكاسني دخي اله المق فكر فاسدينه صامش اولديغندن  
 محاربه به يه كيريشوب طور و شمشلرايسه ده مصر يلر ضرر لي چيقميش  
 ايلدي بناء عليه خرپوت يوللريني مصر اولردن محافظه ايتك اوزره عساكري  
 اورايه جمع ايلديلر بوار القده مغول طبقه سندن بر كروه انبوه  
 چرماغون نوين ايله كلوب بلاد معموره سلجوقيه بي نهب و غارات ايلدي  
 بونك اوزرينه چرماغون طرفه سلطان علاء الدين جانبندن  
 ايلچيلر ارسال اولنوب سنوي هداياي كشيده ترتيب اولنه رق ايلخان  
 اعظم جانبندن كله جك سفير لره وير ملك اوزره معاهده ايديلهرك

نوين ديمك دولت جيكينده  
 رتبة وزارتیه مقابلدر و جنك و چاپول  
 خصوصنده خاقان طرفندن دخي  
 مخص و مستقلا در



نور تاتارلسانده وزیر دیگدر

قرار ویرلد کد نصکره شامیلرک مکاید و شرلرندن حدود و ثغوری  
محافظه قصدیه سلطان علاء الدین قیصریه دن حرکت ایلیه رک  
عرش طرفنه عزیمت ایلدی سلطان علاء الدین ایله چرما عون  
نورین و بیوک سر عسکر اولوبده مغسان صحرا سنده خیمه نشین اولان  
بایجو خانک ایلخان اعظم اوقتا قان طرفندن رخصت المدیغی  
حاله کندولکنندن برطاق شرائطه ربط ایدرک صلح و صلاحه  
میل ایلدیکی ایلخان اعظمه شبهه ایراث ایلدیکنندن ممالک روم احوالی  
یئلردن خواجه معروف سیاحی نویاندن یعنی وزرادن صارویق  
چودار واسطه سیله حضورینه جلب ایدوب روم ممالیکی احوالی  
وسلطان علاء الدین سلجوقینک اصولی صورتد کد نصکره سفارتله  
مأمور ایدوب ارسال ایلدی که خواجه مومی الیهک ایلخان اعظمه  
تقدیم ایتک اوزره تحریر ایلدیکی سفارتنامه سنده شویله بیان اولنمشدر که  
چون قوللری سفارتله ایلخان اعظم حضورندن چیقدم احسان  
بیوریلان هدایا و نامه همایونی شرف و شان بیه رک ممالک رومه  
طوغرلدم هجرتک التیوز اوتوز اوچ سنه سی قیصریه حدودینه  
واصل اولدیغمدنه سلطان روم علائیه طرفنده بولنوب فقط حوالی  
مذکورده ده امیر کبیر اولان مبارز الدین جاوی بک بزم و صولزی  
حضرت سلطان ایلدیکندن خبر کلنجیه دک بالضرور  
قیصریه ده توقف اولنش ایدی وقتا که پادشاه علائیه دن بساط اقامتی  
قالدیروب بولند یغمز شهره وصولند نصکره بزی حضورینه  
احضار و مأموریتزدن سرعتله استفسار ایلد کده ایلخان اعظم  
طرفندن اولان نامه و هدایای تسلیم ایله مأموریتزدن خفایاسی دخی  
سر عسکر کبیر بایجو خانک رخصتسز اوله رق مصالحه به رغبت



ایدیشنک سیبدر شفاها تفهیم ایلدی کمده ایلیخان اعظمک کندویه  
توجهنه اظهار ممنونیت ایدوب بزی تطیب ایدرک اعاده ایتک اوزره ایکن  
سلطان علاء الدینک ولی عهدی بولنان غیاث الدین کینسر و طرف  
وتقریبی بوله رق چاشنکیر لر دن ناصر الدینی اطماع ایله اغفال ایلوب  
پدری مشار الیه سلطان علاء الدین کیقبادی هجرتک التیوز اوتوز  
درت سنه سی شوالک اوچنجی کونی یعنی عید فطرتک رسم ضیافتی  
رکابی کوننده تسمیم ایتدیروب کندوسی سریر حکومتیه جلوس  
ایلد کد نصکره بزی ستاره عالییه دعوت ایدوب پدرینک وفاتی  
بیان صره سنده کندوسنک دخی ایلیخان اعظم طرفنه رعایتیه  
قصور ایتیه جکنی افاده ایلوب هدایا و نامه یی تسلیم واعطا ایدرک

### بزرگی اعاده ایلدی

سیاح مومی الیهک سفارتنامه سنده بو وقعه فاجعهک سببی شو صورت  
اوزره بیان قلمشدر که قوللری علاء الدین کیقبادک حضورینه  
واروب ایلیخان اعظم حقنده اولان حرمت واعتبارینی یرینه کتوره رک  
بینمزه کلفت و تکلف بر طرف اولد قد نصکره ایلیخان اعظمک صمیمی  
اوله رق قولغنی قبول و تصدیق ایلد کده بنم دخی اورالرده اقامتی  
موجب اوله جق سبب ظاهر اولدیغندن عودت ایتک اوزره ایدم  
سلطان مشار الیه دخی شامیر ایله محاربه فکرنده اولدیغنی جهتله  
ارزنجان پادشاهلغنی اوغلو غیاث الدینه توجیه و شمس الدین  
التون بکی دخی اتابک و مستشار تعین ایلدی کذلک روم سلطنتی دخی  
دیگر اوغلو عزالدین قلیچ اسلانه حواله ایلد یکنسندن بوماده یوک  
اوغلو غیاث الدینه اغر کلد یکنسندن بو ترتیبک اجرا سندن اول پدرینی  
تسمیم ایلوب برادرینی روم سلطنتسندن محروم ایدرک کندوسی



نائل اولمش اما ایلخان اعظم بوماده نك وقوعنی تقبیح ایلدیکندن  
 بایجوخانی بتکرار روم ولایاتنك حمایت و نظارتی ضمنده برچوق  
 لشکر مغوله سردار ایدرك اعزام ایلدی دیویازلشدر فی الحقیقه  
 مومی ایله غیث الدین کیخسرو جلوس ایتیش ایسه ده هجوم  
 جنکیزیان ایله ممالکی ویران اولدی امرادن بعضیلر سلطان  
 علاء الدینك وصیتی و وجبجه عزالدین سریر حکومته اجلاس ایلک  
 فکرنده اولدقلرندن امرانك ینلرنده مخالفت پیدا اولمقده ایکن  
 کمال الدین کامیار فکرمصائب صاحبی برنامدار اولد یغندن بو ترتیبک  
 شمدی وقتی دکلدر عام نظامنی بواسون صکره طبیعت مصلحت  
 اورالینی انتاج ایدردیه رك تسکین فتنه ایلدی بعده اوکی والده سی  
 اولان ملکه عادله که مصر سلطانی ملک عادلك همشیره سیدر  
 عزالدین ورکن الدین نامان ایکی برادرلری ایله انقره یه نفی واجلا  
 ایلد کد نصکره مشار الیها ملکه عادله یی اعدام ایتدیروب شهرادکانی  
 دخی قلعه ده حبس حقارتہ القا ایلوب علاء الدین نام برادرینی دخی  
 سینواس قلعه سنده حبس ایلدی

چونکه سلطان غیث الدین پدرینک اعدامی ورطه سی اوزرینه جلوس  
 ایلدیکندن برچوق سنه لرامور حکومتی امرانک آرای اتفاقنه حواله  
 ایلش ایدی امر اوارکان سلطنت دخی دولتلرنده صلابت و عصبيت  
 قالمیوب شیرازه نظام مملکت متمزق اوله رق اطراف مما لکدن  
 درون الکایه قدر اجرای نفوذ ایلان تاتار و عرب کبی ایکی رقیب  
 قوی الاقتدارک کسب ایلدیکی اقبال و اشتها ری منع و دفع ایلیه جک  
 یرده هربری استقلال و تفرد داعیه سنده اوله رق یکدیگری سلطانه  
 غمز و نفاق ایلیه رك دولتری زوال و انقراضه بوز طوتمش ایکن بیله



حسد و استرقابی بر اقبوب یکدیگر علیهنده اجرای غرض ایتمکله کویا  
 نائل مرام اولور لر ایدی خداوند کار غازی سلطان مراد مر حومک  
 عصر نده دفتر دار جعفر چلبینک او غلونک یازدیغی سلچوقیه تار یخنده  
 بر فقره غریبه یازمشدر که ذکر اولشور بو یولده اولان امرادن  
 بر یسی جمله سنه تفوق ایلوب پادشاهی کند و افکارینه تمامیه  
 جلب و منفاد ایلد یکندن ارتق پادشاهجه وهم و وسوسه سی زائل  
 اولغله حضور همایونه قلیج ایله کوروب مر امنی اجرایه استدیکی  
 مرتبه ابرام ایدر ایدی پادشاه حضرت تری ایسه امیر مذکورک  
 بو وضعندن نفرت ایلش اولسنه مبنی خواص خداوندن بر یسی  
 چا غروب امیر کبرک خبری اولفسزین شمدی بورادن حرکت  
 ایدوب سیواسه کیدرسن سیواس عاملی حسام الدین بکی در دولته  
 دعوت ایلوب امیر کبرک استیلا و تسلط نندن صقلدیغی تفصیل  
 اوزره بیان ایدرک بو امر اهمک صورت پذیر اولسی کند و سندن  
 مأمول اولدیغی دخی افاده ایلده سین و استانه مه کلدیکنده اصلارک  
 ویرمه رک ابتداء وزیره مر اجعت ایلسون و انک واسطه سیله بنم حضوریمه  
 کلسون دیو تعلیمات ارسال ایلدی فی الحقیقه امیر حسام الدین دخی  
 تعلیمات موجبجه حرکت ایدرک طوغرو وزیر کبرک یاننه کلوب امور  
 مملکتیه دائر نظامات استیذانی صره سنده پادشاه ایله ملاقات  
 استر مبین دید کده بنم مطلب و مقصودم ذاتکزی کورمک و افکار  
 مخصوصه عدلیه کزه خدمت ایلک اولوب اگر احسان علی الاحسان  
 اوله رق حضور عالی یه یوز سورمک شرفنه دخی نائل ایدرسه کز  
 امر سن کدر جوانی و یروب بر طاق دمدمه و سفسطه ایله اغفال ایلدی  
 وزیر کبرایسه ذروه اقباله چیقوب صدمات حواده کوکس کروب

عهد سابقه ایالات و الیهینه شامل  
 و سنجاق بکرینه دخی میرلوا دیرل  
 ایدی



معظمت امور ايله مشغول بولنديغندن حسام الدين بكك حضور  
 عاليده كسب تحيز ايتمنده اصلا مخاطره ملاحظه ايتيوب پادشاه ايله  
 كند و اراسنده برخبرجي كي قوللانمقده ایدی حسام الدين بك لايقيله  
 پادشاهه كسب اتصال ایلد كد نصكره امير كبرى قتل ايتديروب  
 قلوب عامه يي مسرور قلدى بعدد پروانده چياك يعنى طغرا كشاك  
 منصبى ولى الدين نام ذاته و خزانه خاصه دفتر دارلغنى جلال الدين  
 قرطاسى به و وزارت عظمى مقامى دخی صاحب مذهب الدينه  
 توجیه ایلدی بواشاده سمساد نام شهر جسيم و قدیمك قربنده  
 كفر سود نام قریه دن بابا اسحاق نامنده برمر دشعبده باز ظهور  
 ایلدیوب ایچ ایل و مرعشدن قیصریه و سیواس و کردستانك سنجار  
 طرفلرینه قدر بولنان خلقی كند و اختراعى اولان مذهب و مسلكه  
 دعوت ایتد ككه قرق اللى بيك نفوسى اغفال ایلدی كندن و مضر تلرينك  
 دفعی ضمننده محاربات كشيده اوله رق غلبه مبرر اولمش ایدی  
 بوند نصكره تكرار بايجوخان قومانداسيله برچوق مغول عساكرى  
 ارض روم حوالهسنه دخول ایدرك نهیب و غارات ایلدی لر غیاث الدين  
 سلطان سیواس نوا حبسیله كوسه طاغنى ارامكاه اتخاذا ایدوب  
 طور مش ايسه ده عسكرى طاقى ایاق قلوب بزلر سیواسده نیجه  
 براوتوره جغز ارض روم اهل البسى مغول قلیجى التنده تلف اولمقده  
 بزم قصدیمز ايسه نخجوان و تبریز طرفلرنده مغوله قارشو كلك ایدی  
 حالبو كه سیواسدن برخطوه ایلرو كیده مبور زندر بوجبانت ندر  
 بو اتفاق سزلق دیر ایكن امیر مغول بايجونوین اللى بيك سوار سبكبار ايله  
 ارزنجان اقشهرى صحراسنه قضای اسمانی كي ناكههان نازل  
 اولد قلرينك خبری اردوی سلطاننه واصل اولد قده جنكه حاضر



اولوب و رود دشمنه مترقب اولدیلا ايسه ده بودفعه دخی میدان حربی  
ضایع ایتدکلرندن ایلخان اعظم ایچون خراج ویرمکه راضی اوله رق  
صلحه طالب اولوب روم ممالکی محصولات دیوانیه سی اوچ قسم  
اعتبارقلنه رق بری ایلخان طرفه دیکری سلطان مصارفنه اوچجی  
قسمی دخی امر اوارکان حوایجنه اولق اوزره قرار ویرلدی  
صلح رجاسی ضمنده پروانه بک بایجو نوین طرفه ارسال اولنوب  
اورادن دخی کیفیت ایلخان اعظم جانبدن استبدانه حواله  
اولدیغندن پروانه بک عودت ایدوب غیاث الدین سلطانک  
خدمته کلش ایدی ایلخان اعظم دخی صورت مصالحه بی  
کندویه خیرلی اولدیغی ایچون قبول و تحسین ایلایوب سلطانک  
دخی امارت و سلطنتی تقدیر ايله برابر بعض هدایای مناسبه ايله  
صمصام بهادری سفارتله ارسال ایدرک ایلاغین صحرا سنده جاملو  
چایرنده ملاقاتلری واقع اولوب انواع نوازشله ایلچی قبول واعاده  
اولمش ايسه ده مصلحتک بومر تبه لره تنزل ایدیشنه سلطان  
مشارالیه عظیم کدر ایتمکله اوچ سنه قدر کاه انطالیه وکاه علائیه  
حوالبسنده طولاشوب کوچک ارمنستانده روپنیان فاملیاسندن اولان  
ارمنی پرنسلی ايله الفت ایدرک امرار وقت ایتکده ایکن هجرتک  
التیوز قرق درت سنه سی صفرینک یکر می اوچجی کونی خفقان  
مرضندن وفات ایلدی

چونکه تقدیر الهی یرنی بوله جق یعنی دولت سلجوقیه قرین  
زوال اولوب مظالم تاتار اولدیاری خراب و ویران ایده جک اولغله  
نقدر نظامات وضع اولنوب عدالت و حقانیت کوستر لسه ینه طبیعت  
مصلحت اوله جخی بوله جق قدراشته از جمله غیاث الدینک  
وفاتند نصکره عزالدین کیکاوس ايله رکن الدین قلیچ اسلان نام ایکی



برادر لر حق لرینه راضی اولوب سلطنت و حکومت بخشنده خیل  
 منازعه لر ایدرک دعوی حکومتک فصل و تفریقن بالآخره ایلخان  
 اعظم طرفه طپورد قلرندن بشقه اشبوقار بشقلق سبیلله اهالی دخی  
 پریشان اولد قلرندن ایلخان طرفه بر معتاد ویرلسی لازم کلان سالیانه  
 مخصوصه دخی وقتیه ویریه مدیکندن ایلخان طرفندن مشارالیه  
 سلطان عزالدین سریعا دعوت اولد قدده عقلی باشندن کیدوب  
 ممالک موروثه بی برادری رکن الدین ایله بالمناصفه تقسیم ایلد کلرینک  
 خبری ایله کوچک برادری علاء الدینی طرف ایلخان اعظمه اعزام  
 و امیر سیف الدین طر مطای و شجاع الدین عبد الرحمن نام  
 سوزار لرینی دخی ترفیق ایدرک کیفیتی اعلام ایلدیلر و کندی لری  
 دار الملائک قونیه یه رجعت ایله ایکی برادر بر تخت اوزرنده اوطوروب  
 امور حکومتی مشترکاً رؤیت ایدر لر ایدی چونکه ذکر اولان  
 ایکی برادر لرک بر یسنک یعنی بیوک برادرک والده سی روم امپراطور لری  
 فاملیا سندن اولق ملا بسه سیله مواد حکومته روملردن بعضیلری  
 مداخله ایدوب امرای اسلامه حقارت ایتد کلرندن ماعدار رکن الدین  
 قلیج اسلانه دخی او یغونسز معاملات واقع اولد یغندن امرانک  
 اکثر یسی رکن الدین طرفنی التزام و حمایه ایدر لر ایدی بناء علیه  
 رکن الدین قونیه دن فرار ایدرک قیصریه طرفه کلوب بر طاقم  
 عساکر طوپله مقله استقلال حکومت دعوا سنده اولدی حالبوکه  
 حکومت ادعا سنده اولد قلری المکانک هر طرفه مغول امراسی  
 کیرمش اولغله استقلال حکومت ایکی برادر لرک بر یسنده بیله  
 اولوب تمایله ناتار لر کچمش ایدی الحاصل برادران ارا سنده  
 شقاق و اتفاق زیاده لشد کجه نظام ممالک یولندن چیقوب سالیانه



تحصیل اولیٰ من اولدی یغندن تاتارلار رفته رفته درون ممالککه یا یلقده  
ایدیلر شویله که سیواس ملاطیبه دیار بکر خرپوت واورالارک توابعی  
تمامیه سلطان رکن الدینه ویرملک اوزره عزالدین طرفندن سفیرلر  
تعیین اولمش ایسه ده مشارالیه رکن الدین بو تقسیمه راضی اولوب  
قبصریه ایله قیرشهرینی دخی ضمیمه اولمق اوزره طلب ایلدیکنندن  
نارّه حرب و قتال بتکرار اشتعال بولمش ایسه ده سلطان رکن الدین  
ایتدیکی دعوادن بالطوع والرضا نکول و فراغت ایدرک برادری  
سلطان عزالدین طرفنه کلوب دخالت ایلیه جکنی بیان و افاده  
ایتدیکنندن محاربه ماده سی برطرف اولمغه شقاق و فاقه مبدل اولوب  
تاتارلارک غلبه و استیلا لری اره سنده حکومت ایلمکدن ایسه چکیلوب  
فارغ البال اولمق خیرلیدر دیرک مستوفی معاش ایله امانیه حواله بسنده  
اقامته میل ایلدی سلطان عزالدین کیکاوس برادری غائله سنی  
قولایلقله برطرف ایتدکد نصرکره دولت سلجوقیه نک حکم ایلدیکی روم  
ممالککنه مسلط اولوب تسکالیف شاقه متوالیه ایله امور حکومتیه مشترک کی  
مداخله ایلیه رکن اسایش ناسی برکشته و پریشان ایلان بایجونوین که  
ایلخان طرفندن حوالی عذکوره په سردار و سپه سالار اولمق اوزره نصب  
و تعیین اولمش ایدی هر قومک شر و ظلمندن قورتلیق اوزره ایلخان طرفنه  
ویرلمسی لازم کلان سالیانه یی طوغرودن طوغرو ایلخان اعظم  
پدشکاهنه تقدیم اولمق استیذان ضمیمه صاحب اعظم فخرالدین  
علی بی سفارتله ارسال ایلدکلرنده مومی ایله ایلخان حضرتته  
واصل اولوب صورت نیاز و استرحامده التماسنی قبول ایتدیروب  
بایجو خانک ممالک رومه مداخله سنک منعی شامل حکم ایلخانانی یی  
کنوروب بایجو طرفنه تسلیم ایتدکلرنده بنم ایچون واردات ممالکدن



مناسب مقدارده حصه طرح ایتش اولسه ایدیکز سزك ایچون  
 پك خیرلو و کوزل اولور ایدی جوایله انفعالی بیان ایلدی  
 سفارتله کیدوب کلانلرایسه بریوک داهیه دفع ایلش اولد قلرندن  
 انواع اعزاز و اکرام پادشاهی به مظهر اولملریله امور انام کسب امنیت  
 ایدرك في الجملة اسایش حاصل اولش ایکن مرعش طاغرینك  
 اورمانلرندن ایچ ایل حواله سنه قدر بایلش اولان بایات و اوشار  
 و اغاچری عشیرتی حضرت سلطانه عاصی اولدیغی جهته تریه لری  
 ضمیمه بر مقدار عسا کر ارسال اولمش ایدی بوار القده بایچونوین  
 خاك عسا کر کثیره ایله دیار رومه هجوم ایتك اوزره ارزنجان  
 ستملرینه قدر قراوللری کورندیکی خبر ویرلدکده اطراف بلادده در حال  
 فرمانلر نشر اولنه رق قونیه صحرا سنه التمش بیکن زیاده جنکچی  
 جمع اولندقدن صکره امرانك قدما سندن یعنی وزرانك عظماسندن  
 اولانلر بومحاربه نك نتیجه سی وخیم اولور خوفیه بایچو طرفنی  
 سلطانه میل ایتدیروب محاربه خصوصنی اورتد دن حسن صورتله  
 قالدرمق اوزره حضرت سلطاننی دخی اقتناع وارضایتمش لرایکن  
 بر طاق یکی یتشمش بککر عسا کرک چوقلغنه الدانوب متارکه  
 و مصالحه ماده سندن سلطان عزالدینی دوندیروب جنکه تحریص  
 ایتشلرایدی چونکه اقسرای حواله سننده علاءالدین کاروان  
 سرایی صحرا سنده قضا و قدر کی ایکی لشکر قونوب یکدی بکک حمله  
 و هجومنه بقارلرایدی التیوزاللی درت سنه سی رمضانک یکرمی  
 اوجنچی کونی محاربه واقع اولوب مغول سرداری اولان بایچونوین  
 طرفی غالب اولدیغندن سلطان عزالدین میدان حریدن فرار ایدرك  
 قونیه به کلوب اورادن حرم سلطنتی انطالیبه طرفنه چیقاروب



ارتق دولت و سلطنت سلجوقیه ده رونق و استقلال قائم دی بو حقارت  
 و رذالتله حکومتی استه هم دیه رکه ترک سلطنت ایلدی امر اوارکانی  
 هر نقدر نیاز و استرحام ایتشلا رایسه ده بایجو خان ایله اولان محاربه ماده سی  
 انجق برادر م رکن الدینک تحریکندن اولمشدر ائک صاغلغندن بکاراحت  
 و حضور یوقدر دیو جکیلوب کتدیکننده خلق و امر اجمع اولوب  
 رکن الدینی امامیه دن جلب ایدرک سریر حکومته اجلاس ایتدیلر  
 مشارالیه اشبو ایکنجی دفعه ده اولان حکومتده خدمت و زارقی  
 نظام الدین پروانه یه توجیه و پروانه چیلک منصبی دخی معین الدین  
 سلیمان و یروب ایکبسی برکونده ال اویدیلر بونلر بایجو خان ایله سلطانی  
 ملاقاته قالقوب قزل و برانده بایجونوین ایله کوروشوب قالدیلرایسه ده  
 مدت اقامت ممتد اولدیغندن برقاچ دفعه رخصت طلبنده  
 اولمشلرایسه ده قونیه قلعه سنک هدم اولمسی تکلیف اولند یغندن  
 یینلری یولنه میوب بالاخره برجلرینک یقدر لمسی شرطیله عودتنه  
 رخصت و یروب کندوسی قره باغ و مغان طرفلرینه جکلدی کتدی  
 چونکه بایجوئک ممالک رومدن جکیلوب چیقدیغی مشارالیه  
 سلطان عزالدینک مسموعی اولنجه بلا درومی خالی بولوب طرف طرف  
 استیلایه قالدی بواثناده کوجک برادرلری علاءالدین کیقباد دخی  
 ایلخان اعظم منکو خانک یاننده سفارت خدمتده ایکن فوت اولمش  
 اولدیغندن بتکرار مصلحون واسطه سیله ایکی برادرلرک اراسی  
 بولنوب منازعه لری برطرف اولدقدنصکره ایکبسی دخی بربرینی  
 متعاقب منکو خان حضورینه شتابان اوله رق هریری مظهر نوازش  
 ایلخانی اولمشلرایدی جون ایلخان اعظم مصر سفری فکرنده  
 اولدیغندن ایکبسنک دخی تبریزده اردوی ایلخانه ملحق اولملری



امر اولنديغندن بالضرور امثال ايتديلر اورادن هلا کوخان معيئنه  
 ترفيق اولنه رق بغداد اوزرينه اعزام اولنوب وقعه فاجعه مکر وهه نک  
 اجرا سنده سلطان رکن الدين و سلطان عز الدين دخي برانکده  
 بولند قد نصکره حلب و شام طرفلرينه عزيمت اولندی هجرتک التیوز  
 اللى یدی سنه سی حوالی شام و حلبی دخي خراب و ویران ایلوب کتبقایی  
 شام وزین الدین حافظی حلب و البسی ایلدی بواننده ترکستاندن ایلجیلر  
 کلوب منکوقا آنک فوت اولدیغنی خبر ویرد ککر نده هلا کوخان ملول و مکدر  
 اولوب کتبقانک معيئنه بشيک مغول سوار یسی براقوب کندوسی  
 اذر بایجان طرفنه جکلدیکی حالده سلطان عز الدين ايله سلطان  
 رکن الدينه دخي مقر حکومتلری اولان روم ممالکنه عودته رخصت  
 و یرمش ایدی فقط ایکی برادرلرک اراسنده حکومت ماده سندن  
 طولایی یکیدن منازعه اولسون دیو سلطان عز الدينک وزارت خدمته  
 فخر الدين علی نام ذاتی و سلطان رکن الدينک خدمت وزارتته دخي  
 معین الدین سلیمان پروانه بی کوندروب برقاج سنه لرامور انام کمال  
 اسایش ايله کذران ایتکده ایدی لکن تحریک و افساد ايله دنیایی بربرینه  
 قاریش دیرو بده ارمیده تاقیه قیالربو کره دخي معین الدین پروانه بی انواع  
 مکر و دسایس ايله قاندرروب سلطان عز الدينک حکومت مصریه طرفنی  
 التزام ایلدیکنی ایلخان جانبنه انها اولمسنی ابرام ایلدیلم معین الدین دخي  
 کیفیتی خان اعظمه ییلدیرد کده تربیه لازمهلرینه باقلسون امری  
 کلش اولدیغنه مبنی سلطان رکن الدين مغول چریسی ايله برادری  
 عز الدينک اوزرینه ناکهانی هجوم ایلدیکندن سلطان عز الدين  
 چاره سز قالمغله اولادلرینی و بر ازاموال و اشیا سنی استصحاب ایدرک  
 روم ایمراطوری میخال پاله لوغ طرفنه التجا ایلشدر که تفصیلی  
 اشاعیده یازلمشدر مر اجعت یوريله



هر قدر ركن الدين مقام حكومتده استقلال كامله اوزره قالمش  
 ايسه ده برادري سلطان عز الدينك اوغرا دىغى فلا كته معين الدين  
 پروانه نك سبب اولد يغنى صكره لرى اكلا دىغندن پروانه نك كند و سيله  
 طرفدارلرينك خصوصاً امرادن خطير اوغلى شرفك ازاله سنى قورمش  
 ايدى بو وقعه نك تفصيلي آل سلجوق تار يخنده شويله يازلمشدر كه بركون  
 معين الدين پروانه كند و هوا دارلر يله اثناء مصاحبتده سلطانك برادري  
 حكمنده اولان المكانك دخى بزم السكامزه منضم اولسى يراشورديد كده  
 حضاردن خطير اوغلو شرف پروانه نك بومر ادى حاصل اولور  
 ايسه نيكده نك اداره سنى بكا توجيه ايدرمى ديو صور دقده  
 پروانه دخى التماسنى قبول ايدوب سوز و يردى كندن خطير اوغلو  
 شرف مقصد و مرامنى فعله كتورمك اوزره انواع حيله كارلغى  
 ارتكاب ايدرك ايلخانك خوفندن عز الدين روم السكاسنه قاچردىغى  
 جهته تمامى حكومت ركن الدين النده قالد يغندن برموجب وعد  
 نيكده صوباشلغنى معين الدين پروانه دن تحصيل ايلد كدنصكره  
 ظلم و غدرك انواعنى ايليوب هر قدر تنبيهات اولنور ايسه ده اصفا  
 ايتمز اولمش ايدى بناء عليه بركون سلطان ركن الدين حضورنده  
 ممالك احوالى مذاكره اولنور ايكن شرفك ظلم و تعديسى بك چوق  
 اولبور عزل اولنق كر كسدر كى بعض سوزلر سويلنلدىكى ائشاده  
 سلطان مشار اليه دخى تصديق ايليوب حتى سبب شهرينى  
 نواحي سيله پروانه يه تملك ايتديكمه دخى پشيمان اولدم ديمش ايدى  
 كيفيت غمازلر واسطه سيله پروانه يه و خطير اوغلنه اسماع ايتديريلوب  
 بوقعه جسمه نك ظهورينه سبب اولديار شويله كه خطير اوغلو  
 شرف ايله معين الدين پروانه بوماده نك چاره سنى كورمك يعنى

چونكه سببوك حاصلات  
 معينه سنى ابتداى جلو سنده  
 معين الدين پروانه يه توجيه و احسان  
 ايتش ايدى



کند و حیلہ کار لقلری نی سترایتمک اوزره ولی نعمتترینی برکشته و دولت  
و سعادتترینی پریشان ایتدیلر یعنی روم ممالککنده ویرکو تحصیل  
ضمننده قالمش اولان مغول بکلرینی مومی ایسه پروانه جلب ایدوب  
سزک اوضاع و اطوار یکزدن پادشاه اوصانمش اولغله مصر لولرک  
طرفنه میل ایتک استرایسه ده بزر راضی اولیورز بناء علیه بزم کبی  
ایلخان حضرتنه صادق اولانلری خدمتدن طرد ایتدیکنه قناعت  
ایتمیه رک قتل ایلمک ارزو سنده اولدیغندن سرحد ائده واقع عساکر  
رومی جمع ایدوب امراء مغولی دخی قلیچدن کچورمک پک بیوک  
املیدردیه رک مغول بکلرینی اغضاب ایلدکدنصکره بونک چاره سی  
سز لر بالمله مغول عسکری ایله جمع اولوب ایلخان اعظم طرفندن  
افاده سی مهم بر امر کلشدر صورتنده سلطانی اقسرای صحرا سنه  
دعوت ایدوب کارینی اتمام ایلدیککرز حالده هم سز و هم بالمله  
عباد و اهالی بونک فکر فاسدی ثمره سندن امین اولور لر دیو صورت  
صداقتده کورینان ایکی ملعون نصیحت ایتدککرینه مینی مغول  
امر اسی جمع اولوب سلطانی دعوت ایتدیلر سلطان رکن الدین ایسه  
بونلرک مکر و حیلہ سندن غافل اولدیخی حالده قونیه دن اقسرای  
طرفنه کیدوب صحرای مذکورده ملاقات وقوعندنصکره انواع  
عقوبات ایله تلف ایلدیلر که بونک تفصیلی آل سلچوق تاریخنده محرر در  
بعده هر حومک ایکی بچق یاشنده غیاث الدین کینخسرو نام اوغلونی  
قونیه تختنه اجلاس ایتشلر ایسه ده استقلال سلطنت کندولرنده  
اولیوب اناطولی ممالکنی استیلا ایدن خانان جنسکیریه اداره سنده ایدی  
شام و حلب دخی سلاطین سلچوقیه نک بر شعبه سنه ارامگاه ایکن  
صاحب موصل اولان اتابکاندن نورالدینه امارت شام و حلب انتقال



ایتمش ایسه ده فوتند نصکره مصر سلطانانی بولسان صلاح الدین  
یوسف قدسه مسئولی اولان اهل صلیبی دفع ایچون هجوم ایلدیکی  
زمانده شام و حلبی دخی مومی الیه نورالدینک اوغلی صالح  
اسماعیلک الندن المشیدی کذلک موصل امارتی دخی ذکر اولسان  
نورالدینک دیکر اوغلی عزالدینک الندن چیقوب بدرالدین لؤلؤ نام وزیر  
صاحب تدبیرک زیر استقلالنه نقل ایلدی بواشاده مصر سلطانانی  
صلاح الدین یوسف دخی فرانسه لولر ایلله جهاد اوزرنده فوت  
اولوب یرینه نوبتله اوغلاری جلوس ایدرک زمانلری پاپانک  
تشویقندن ناشی فرانسه لولر ایلله متفق اولان اتالیالوونمچه والامانیالو  
اهل صلیبک مصره هجوملرینی دفع ایچون محاربه لر ایلله کچوب  
بالاخره سلاطین اتراکدن مصر سلطانانی ملک العادل سیف الدین  
جلوس ایتمش ایسه ده بونک دخی زمانی کذلک اهل صلیب  
محاربه لر ایلله کچه رک فوت اولدقده یرینه ملک الکامل نام ذات  
جلوس ایدوب فرانسلره وبتون اهل صلیبه غالب اولمشدرکه  
تفصیلی اهل صلیبک و فرانسه لولرک اراضی مقدسه یه هجوملری  
فقره سنده یازلمشدر مکة مکرمه و مدینه منوره دخی مذهب زیدیه ده  
بولسان شرفاء ادارسه دن قتاده بن ادريس ضبطنده بولنوب  
دوات خوارزمیه دخی سلطان قطب الدین محمد خانک تصرفنده ایدی  
حاجو حصده بنی ایوب شعبه سندن ملک منصور و ملک مجاهد ناملرینه  
برر ملک ایلله برر کوچک حکمدارلق اولوب بغداد حواله سنده دخی  
خلفاء آل عباسدن ناصر الدین بالله خلیفه ایدی ایمدی خلیفه  
مشار الیه اندلسده بولسان امرء اسلامیه یه و ملوک موحدونه خوش  
معامله ایلدیکنندن مشارالیهک نامنه اوله رق اسپانیا ده ییله خطبه



قرائت اولندی خلیفه مشار الیهک ممالک غریبه واندلسده خلافتی  
تصدیق اولسه رق نامنه خطبه قرائت اولندیغنه سبب دخی ممالک  
اندلسده تشکیل هیئت دولته ادعای خلافت ایلان طبقه امویه  
منقرض اولدقدن صکره صنهاجه دولتی ظهور ایلش ایسه ده انقراض  
دولتری تاریخنه دک استقلال صورتی اظهار ایتدیلم مصادمه عشرتی  
اعانتیه کسب تمیز ایلان موحدین دولتی دخی خلفای بنی عباسی  
تصدیق ایتش لر ایدی وینه خلیفه مشار الیهک اوائل مدتده وقایع  
سماویه دن اولمق اوزره هجرتک بشیوز طقسان طقوز سنه سنه  
برکیجه سمدان ییلدیز سقوط ایدر مثللو شراره کثیره دوشدیکندن  
بوحادثه یی اهالی عراق آل عباسک زوالنه اشارت سماویه اولمق اوزره  
اعتقاد ایلدیلم و بو عصرده خلفاء عباسیه نک بعضیلری شیعه  
مذهبده بولنوب مشار الیه ناصر الدین شافعی مذهبده بولندیغندن  
خراسان و خوارزم حاکمی بولنان سلطان قطب الدین شیعی اولمق  
ملا یسه سیله خلیفه مشار الیهک نامنی خطبه دن رفع ایدوب سادات  
علویه دن علاء الملک الترمذینک نامنی درج ایلدی خلیفه مشار الیه  
خوارزم پادشاهی قطب الدینک بورعایتسز لکندن کوجنوب  
جنکیز خانک خوارزم اوزرینه کلوب ممالکنی ویران وهیئت  
دولتی برکشته و پریشان ایلک اوزره التماس ایلدیکنندن جنکیزک  
بلاد ساره یه دخی هجوم تسلطنه سبب اوله رق اسباقطعه سی  
اوزرنده پک چوق دولت و حکومتلرک اساسنی بوزوب ممالکنی  
خراب و ویران ایدوب ملوک و سلاطین اسلامیه یی دخی بربرینه  
قاتوب شر و فساد لری سکسان سنه قدر ممتد اولمشدر که هر برینک  
احوالی قنغی جلده تصادف ایتش ایسه اوراده تفصیل اولمشدر

تجدد ماوراء نهر در ده بر شهر زک  
اسمیدر



لكن خليفه مشار اليه عباسيانك اعظمي اولوب زماننده ممالك  
 اسلاميه نك اكثرت طرفلرنده نامنه خطبه قرائت اولمشدر  
 وكندوسي دخی بوحال اوزره قرق التي سنه خلافت ايتديکندنصكره  
 التیوز یکر می ایکی سنه سی شوالک اون ایکنجی کونی فوت اولوب  
 یرینه ظاهر بالله جلوس ایدوب یدی ای مرورنده وفات ایدوب  
 المستنصر بالله تخته جلوس ایتیش ایسه ده اکثر زمانی تاتار مغول غول  
 رفتارک ممالك اسلامیه اولان هجومی دفع ایتسکله کچوب اندنصكره  
 المستنصر بالله التیوز قرق برتار یخننده خلیفه اسلام اولمش ایدی  
 هر تقدیر خلقای عباسیه نك ناملرینه ممالك اسلامیه ده خطبه قرائت  
 وسکه ضرب اولنور ایسه ده حل وعقد امور وجهورده حکم  
 ونفوذ لری جاری اوله میوب بروقت ملوک دیالمه تسلط وتغلب  
 ایلوب صکره لری دخی ملوک سلاچقه ظهور ایدرک خلفایه  
 یالکز حکومت روحانیه کی بر معنوی یوکلک قالمش ایدی مارال بیان  
 جنکیز خان هجرتک یکر می دردنی سنه سی فوت اولوب ایکی سنه مدت  
 ماده جلوس ممتد اولدقدنصكره یرینه اوچنجی شهرزاده اوقتا قان  
 جلوس ایلوب مومی الیهک زمان حکومتی اوندرت سنه قدر سوروب  
 دین اسلامی ادیان سائر یه ترجیح ایدر ایدی حتی بوتک عهد حکومتده  
 اولان روم سلطانی علاء الدین کبچباد ایله ینلرنده مناسبات دوستی  
 حاصل اولمش ایکن بر طاق منافق لک شر و افساد لری ثمره سی اوله رق  
 ایلخان اعظم ایله بوز و شمع واقع اولدیغندن ممالك روم پریشان  
 اولمش ایدی الحاصل اوقتا قان دخی التیوز اوتوز طقوز سنه سی  
 فوت اولوب انک یرینه کبوک خان جلوس ایتک لازم ایکن پدرینک  
 زمان حکومتده روس وچرکس طرفلرینه عزیمت ایتیش بولندیغندن



درت سنه مدت مقام حکومت وکالت صورتند اداره اولوب بعده  
 كبوك خان كلوب التیوز قرق درت سنه سنه جلوس ایلدی  
 زمان حکومت صحیحه سی برسنه قدر ممتد اولوب اول اثناده دخی  
 شایان بیان برواقعه اولیوب فوت اولدیغنده یرینه منکوقا آن  
 جلوس ایلدی مومی الیهک عهد حکومتنده هلا کوخان سرعسكرلك  
 مأ موریتله دیار اسلامی تخریب ویغما ایتسی واقع اولمشدرکه  
 تفصیلی ذکر اولنور برطرفدن دخی حجاز و یمن حوالهسند بریراتشدر  
 ظهور ایدوب یت معظمک احتراقی مثلوا عامه مسلمینی دم بسته ایدن  
 دهشتلو وقوعات ملاسه سیله جمله عالم اضطراب و الم اوزره ایدیلر  
 و یونکله برابر برطرفدن دخی احکام دین اسلامی برباد ایلان  
 ملاحده اسماعیلیه تعبیر اولنان مذهب جدیدی مجد و ساعی اولان  
 حکومت دخی کوهستان اراضیسند کسب قوت ایتکده ایکن احفاد  
 جنکیز دن منکوقا انک برادری اولوبده ایران حدودینه یوز یکر می  
 ییک مغول عساکری ایله سردار مقامنده مأ مور اولان هلا کوخانک  
 بخارادن هجوم ایدرک قلاع قهستانی بالجمله خراب و حکومت  
 اسماعیلیه بی دخی بی فروتاب ایلوب اورادن بغداده توجه ایلشدرکه  
 تفصیلی خلیفه عباسی فقره سنه یازمشدر اسپانیا و ممالک پورتیکر ایله  
 افریقا قطع سنک سواحل شمالیه سی یعنی بربرستان دنیلان اراضی  
 هجرتک طقسان سنه سندنبر و ملوک اسلامیه اله کچوب بالاخره  
 امویه و عباسیه و فاطمیه و صنهاجه حکومتلرنده ایکن عصر مذ کورده  
 بنی حفص و بنی مرین و موحدون امثالی اوچ عدد باشلیجه  
 حکومتیه منقسم اولدقدنصکره هر بررلری اهالی اصلیه سی اولان  
 برلوا سپانیول و پورتیکر طاقنک اغفالیه عدم اتفاق وارالرنده



شفاق و نفاق ظهور یله علی الدوام محو اولمقده اولوب اسپانیا لور ایسه  
 بوقاریشقلق اراسنده برطرفدن ممالک قدیمه لرینه ظفر بولمقده ایدیلر  
 شویله که ملوک موحدوندن ملک ناصر هجرتک بشیوز طغسان  
 سکر سنه سی حاکم فاس و مکناس اولمشدر که بوحوالی حکمدار لغنه  
 البوم ماروق حکومتی دیرلر افریقا قطعه سنک شمال غریبسنده  
 اراضی و سبعه نک مالکیدر الحاصل ملک موعی الیه کندوسنک  
 استقلال حکومتی اول جوارده بوانسان امر او مشایخه طاق  
 و بوملابسه ایله اندلس و اسپانیا لکاسنی دخی داخل حوزه حکومت  
 ایلمک افکار یله اعمال لطائف الحیل حکیمانه ایله کسب قوت ایتمکه  
 ایکن هجرتک التیوزیدی سنه سی پاپانک تصرف روحانیه سنی  
 اعتراف و قبول ایدن اوروپا ملتتری قطعه مذکورده واقع  
 اهل اسلام علیه عقد اتفاق ایدرک اینوسان ثالث نام پاپانک  
 تحریکیله درتیوزیک سواری و پیاده دین اغورنده جنک ایچون  
 اماده اولوب اهل اسلامی اسپانیا قطعه سندن سوروب چیقارمغه  
 قرار و یردکاری مشار الیه ملک الناصر محمد بن یعقوبک مسموعی  
 اولنجیه هرطرفدن اهل اسلامی تشویق ایتمکه یوزاللی بیک  
 سواری و یوزیک قدر پیاده اماده ایدرک بحر زقاق دنیلان سینه  
 بوغازی کنارنده واقع طنجر نام اسکله دن سفینه لره اركاب ایدوب  
 اندلس قطعه سنه جمله سنک نقلی اکمال ایتک خصوصی ایکی آی  
 مدت ممتد اولدقد نصکره سویل نام شهرک قضاسی ارامگاه اتخاذ  
 اولمش ایدی بواثناده فرانسه و ایتالیا و آلمانیا سکنه سندن  
 اولوبده ارض فلسطینی اهل اسلامک الندن المی املبله وقت وقت  
 اولحوالی به هجومی معتاد ایدن قرواذا دبعنی اهل صلیب طاقندن



دینلری یولنده چالشمق اوزره التمش بیک مقداری امداد جیدن  
 عبارت برجعت کثیره دخی اسپانیا ایله فرانسه ممالکنی حد فاصل  
 اولان پرینه طاغلرینی اشوب کلمکه ایدیلر بوار القده موجود اولان  
 عساکر قول قول اوله رق محاربه به دور و شوب مشار الیه  
 ملک الناصر محمد برالنده مصحف شریف و برالنده سیف قاطع ایله  
 عسکر اورطه سنه چیقوب اجدادینک حقوق ملکیه سنی حمایه  
 ایچون غیرت اسلامیه سنی میدانه قویوب بوکون غیرت کونیدر دین  
 اغورنده چالشمق فریضه اسلامیه دندر هر طرفی اعدا الدی تفاسق  
 و حسدی براغوب اجدادیمزک قان دو که رک جان تلف ایدوب  
 قزاندیخی شهرت فاخره بی نفسانیت کی سؤنیت یولنده ضایع  
 اتمیه لم دیو چاغرمقده ایکن مخالفین اردوسنده بولنان پاپاسلردخی  
 الارینه چلیپالرینی الوب اشته قربانلریکز قارشوکره کلدی وطنکزدن  
 یانجیلری چیقارمق زمانیدر عدم اتفاق ایله ارالنده شقاق ظهور  
 ایتشدر عنایت حق سزکله برانکده دردییه رک بار بار باغرمقده  
 ایدیلر طرفین عسکرلری دخی اشوتشویقات دینه دن غیرته کله رک  
 برهرتبه شدتله چالشمشلردر که اصحاب تواریک روایتلرینه کوره یوم  
 مذکورده طرفینک التمش بیک نفوسه قریب تلفساتی اولمشدر  
 والخاصل بووقعه دلدوزوجها نسوزملت اسلامیه حقنده ضایعات  
 عظیمه به باعث اولد یغدن بشقه ملک مشار الیه دخی افریقا طرفه  
 کچوب ماروق سمتنه عزیمت ایدرک حجابندن ناشی خلقدن تستر ایدوب  
 هجرتک التیوز اون تار یخننده مسموما فوت اولمش ایسه ده اسپانیا  
 ممالکنندن دخی برچوق اراضی اورده ایادی اعدا اولمش ایدی که  
 بووقعه بی اصحاب تواریک وقعه عقاب دیمکله تار یخننده ذکر و بیان



ایتمش در وقعه هائله مذکوره اثناسنده مصرده سلاطین اترک  
 ابویه دن سلطان ملک الکامل قورواذا دنیلان اهل صلیبک  
 ارض فلسطینه بشیجی دفعه هجوملرینی دفع ایلد کد نصکره کندو  
 امر اسندن خوف اوزره اولغین الامانیه ایمپراطوری ایکنجی  
 فره دریقی کندوسنه اعانه ایچون عقد اتفاقه دعوت ایتمش ایسه ده  
 ازمدت مرورنده رومایپاسی اولان طقوز بی غره غوارک اغواسیله  
 الامان ایمپراطوری مارالبیان ایکنجی فره دریقی مومی الیه ملک کامل  
 اتفاقندن چیقاروب علیهنه اولق اوزره ممالک شرقیه ایمپراطوری که  
 فرنکلردن اوله رق تاریخ مزبورده یعنی هجرتک النیوز یکر می بشیجی  
 سنه لرنده دههاستانبولده حکومت ایدرلر ایدی جله سی اهل اسلام  
 اوزرینه بالاتفاق هجوم ایلد کیری زمان مشار الیه سلطان  
 ملک الکامل بونلره قارشو محاربه ایدرک نتیجه سنده قدسی تکرار  
 آلوب ویرمکه محاربه یه فیصل ویرلدی بالاده روایت قلندیغی  
 وجهله جنکیر خان یدیوز بیک لشکرتاتار مغول ایلخلیفه اسلام  
 ناصر الدینک خوارزمیبری قلع ومحو ایلک اوزره واقع اولان التماسنه  
 مبنی هجرتک النیوز اون بش سنه سنده تاتارستان کیرده واقع مغول  
 ممالکسندن خروج ایدرک نهراموی کچوب اولاملوک خوارزمیه یی  
 برلندن تبعید واورالک حکومتی اوغلی چغتای خانه حواله وتیمور  
 مشهورک بشیجی مرتبه ده جدی اولان قراچارنام کیمسه یی دخی  
 مستشار نصب ایتد کد نصکره کندوسی ایرتسی سنه ینه محلینه  
 چکمش دیوکتب توارینخده نصریح قلنش ایسه ده اکثر مورخین  
 تارینخلرنده اولان مبالغه لری اعتراضدن قورتارمق ایچون طرف غالبه  
 قوت واقتدار کوستر مک عادت اولدیغی مثالو جنکیر خانک دخی



يدىوز بك عساكر ايله مغولستاندن خروج ايتديكنى يازمشلر انجق  
 بردفعه اوله رق يدىوز بك نفوسى براقلمىدن ديكر اقليجه سوق  
 واعزام ايتكمده اولان امكانسزلق شويله طورسون زاد و ذخيره لرى  
 و امر تبشلىرى مظالمه اولندقدده ممكنسز اولديغى اكلا شيلور  
 خصوصاً جنكيزك خروج ايدوب كلديكى اراضى چول و ريگستاندن  
 عبارت اولغله دفعه اولى ده مقدارمذكور عساكر ك سوق واعزامنى  
 عقل قبول ايتمز لكن بتون اسيا قطعه سنى استيلا ايتك دخی همت  
 عظيمه وقوت جسيمه يه موقوف و منوط ايدوكندن ظن اولنور كه  
 اقتدار حربه سنى شهزاده لر اداره سننده اولمق اوزره برراردوله  
 تقسيم ايدرك بر برينى متعاقب اعزام ايتمش اوله يا خود عموماتاتار لر  
 متفق اوله رق هجوم ايلش اوله لر والحاصل جنكيز خانك كوچك  
 اوغلى اوقناقان جير ماغون نام امير ايله بتكرار ايران طرفلرينه  
 هجوم ايدوب اورالده خلفانك حكيمى التنده اولان ممالكه دخی  
 پنجه ظلى اوزاتمشلر ايكن خليفه عباسى ناصر الدين بالله بونلرك  
 مقابله سنه يوز يكرمى بشبك عساكر مرتبه ايله چيقيمش اولديغندن  
 ايكي دفعه محاربه لرى واقع اولوب تاتارلرك دهاز ياده عسكرك لرى  
 وار ايكن امير جير ماغون منهزم اولديغندن خليفه مشار اليهك  
 حكم و نفوذى جارى اولان ممالكه مداخله و تعرض ايتماك شرطيله  
 مصالحه اولنديغندن جير ماغون اول حواليدن چكيلوب بلاد سائره يي  
 نهب و غارت ايلشدر كه وقعه محرره مذكوره هجرتك التيوز يكرمى  
 ايكنجى سنه سى اوائلنده اولمشدر حاصل كلام مومى اليه اوقناقان  
 خان دخی التيوز اوتوز طقوز تار يخنده فوت اولوب برينه شيرامون  
 نام يوك اوغلوولى عهد اولمش ايسه ده وفات ايلش بولنديغندن



سرپر حکومت شیرامونك اوغلو كوجوخانه قالمش ايسه ده كوجوخان  
 بش ياشنده اولمغله امر ا اتقاقيله حكومت موروثه سي النذن النوب  
 اوقتا قانك ديكر اوغلو كيوك خانه مناسب كوردكلرندن سرپر حكومت  
 جنكيز يانه مومي اليه جلوس ايلش ايدي التيز قرق تاريخ هجر يه سي  
 اثناسنده پاپانك و بطريقك طرفلرندن دعوت دين مسيح ضمننده  
 كيدن مامورلرك اترفعلي اوله رق كيوك خان تنصر ايلد كدنصكره  
 كند و ممالكي دا خلسنده بولسان اهل اسلامي تناسلدن منع و قطع  
 ايچون الت تناسلارني كسمكه امر ايلش ايسه ده مر امنى اجرايه دسترس  
 اوله مديغندن ناشى بلاد اسلاميه بي تخريبه عزيمت ايدرك سمرقنده  
 فوت اولمغله مقام حكومته منكو قان بن تولى خان جلوس ايدوب  
 برادرلرندن جوجى خانى شماله بشيوزيك عساكر و ديكر برادري  
 هلاكو خانى دخى هجرتك التيز الى برسنه سي ربيع الاولنده  
 يوزيكرمي يك نفوسدن عبارت براردوى مكمل ايله جانب ايرانه  
 ارسال ايتشدركه بونك سببي دخى باطنيه يعنى ملا حده اسمعيليه  
 دنيلان مذهب اقددا ايدنلرك ممالكنه خليفه عباسى عسكر سوق  
 ايلدى ديوهم مذهبي اولان منكو خانه قاضى شمس الدين  
 احمد الكاشى القزوينى خبر و يرمكله مستعصم خليفه نك نفوذ  
 واقبالنى قيرمق افكارندن عبارت ايسه ده مستعصم خليفه نك وزيرى  
 اولان ابن علقمى دخى مذهب جديد مذكوره ذاهب اولديغندن  
 ينه بومذهبه بولسان نصير طوسى ايله بعد المخا بره خليفه نك باشنى  
 لايق اوليان فلا كته اوغرا دوب بشيوز سنه لك دولتى پريشان  
 ايندردى كذلك شهزاده لرندن اوچنجى اوغلى قابلاقان خانى دخى  
 ديارچين ايچنه اوچيوزيك اهل حرب ايله سوق ايلدى ديمك



اولور که منکوقا نك عهد حكومتده اوچ طرفه سوق ایلدیکی  
 اردولر ك نفرا تی برملیون نفوسه بالغ اولمش ایدی چونکه بحر حرزدن  
 چین ایچنده واقع پکین شهرینه قدر خانان جنسکیزیه حکمنده اولوب  
 اورالری ایسه نفوس کثیره بطاغی اولدیغندن بشقه تاتارلر ك  
 سیر و سفر لری دخی ساده اوله رق برآت پرمرزراقدن عبارت اولغسه  
 روسیه الکاسیله محارممالکنی و خرواستان و دالما چیاپه قدر اقینلر  
 ایدر ك اورالر ك خلقنی قور قوتمق برطرفی دخی عجم و کردستان  
 و بیوک ارمنستان و عراق عرب ایله بغداده قدر قتح ایملك و اقلیم  
 مصرده بولنان ملوک اترکی دخی اطاعت مرتبه سنه کتور مک  
 برملیون نفوس ایله انجه حاصل اوله ییلور حتی مصر اوزرینه  
 مأمورا ولان عساکر ك علوفه و وظایفی طونه نهرینك بالق محصولندن  
 حواله اولندیغی طبقه جنسکیزیانك زیر حکمنده بولنان بلاد و امصار ك  
 وسعت و فسحتنی بیاندن کایه در ایمدی هلا کوخان مأمورا اولدیغی  
 سنه نك رمضانده جانب ایرانه روان اولوب سمرقند و خراسان  
 دیارینه اوغرایوب اورالر ك حکمداری اولان محمود یلواج هلا کوخانه  
 هدایای فراوان تقدیمله طالب امان اولغله ینه حکومتی صورت  
 وراثت اوزره ایقا اولنوب بعده الی اوچ سنه سی ذی الحججه سنده  
 موجود معیتی اولان اردوایله نهراموی تعبیر اولنان نهر جیحونی کچدر ك  
 سابقده ذکر اولندیغی اوزره حدود شیرغانه وصول و اورادن دخی  
 قطع مراحل ایدر ك زاوه نام شهر ك قضا سنه نزول اولندقدده اهالی  
 کوهستانی اطاعته دعوت ایچون مأمور کوندروب کندوسی طوس  
 نام بلده یه توجه ایلد کده کوهستان حاکی مذهب جدید باطنیه یی  
 وضع واحداث ایدنلر ك فاملیاسندن اولغله برطاق هدایا ایله نصیری



شفیع اتخاذا یدرك طوسه عزیمت وركاب هلاکویه تسلیم کردن  
اطاعت ایلدی بواشاده خلیفه نك اول حوالی به عسکر سوق  
ایتمسی وزیر علقمی رأی ایتمش اولدی یغندن هلاکوخان ایله نائرة  
قتالك اشتعالنه سبب اولمش ایدی چونکه نصیر طوسی دخی  
هر نقدر علما دن ایسه ده قهستان ضابطی ناصرالدین مختشم ایله  
هم مذهب بولندیغندن بشقه برکاب ایله قصیده ماده سندن طولایی دخی  
خلیفه به کوچتمش اولسندن برطرفدن نصیرك هلاکوخانی عزیمت  
بغداد ده ترغیب وتشویق ایلمسی وبرطرفدن دخی خلیفه مشارالیهك  
شهرزاده لرندن شهرزاده ابوبكر ساداة بنی هاشمه بعض مرتبه  
ایتدیکی مناسبتر معاملة سی مذهب تشیعده مجددومکب  
وساعی اولان وزیر ابن علقمی به زیاده سیله کران کلمکله اخذ  
انتقام قصد یله خلیفه بی قهستان طرفلرینه عسکر سوق  
اولمسی لازمدر دیه رك هلاکوخانی قیر درمق مثلاًوحرکانه  
تشبث ایله برابر منکوخان طرفنه دخی قاضی شمس الدین الیکاشی  
واسطه سیله خبر ارسال ایتمسندن هلاکوخانك بغداده کلمسی  
موجب اولدی زیرا هم منکوخان وهم هلاکوخان دخی تخریب  
بلاده وسیله وسبب اراد قلدن در حال التیوز الی درت سنه سنه  
بغداده شتابان وتاریخ خلفاده ذکر وتفصیل اولندیغی اوزره  
التیوز الی الی سنه سی صفرینك اون طقوز بی جمعه کونی سلاله  
عباسیه دن خلیفه اسلام مستعصم بالله معصومی وابوبکر وعبدالرحمن  
نامنده ایکی نفر شهرزاده لری عرصه عالم دن کسام واهالی بغدادی دخی  
قتل عام ایلدی حتی درون بغداد ده بشیوزیک نفوس وار ایکن  
نصفی قالدی كذلك موجود اولان کتی دخی دجله به القا ایتدیروب



تاریخ خلفا نام تاریخنک روایتی اوزره سطح نهر اوراق کتبدن عبارت  
 اولوب ایکی کون دجسه نک صوبی مرکب کی سیاه اوله رف  
 بصره کورفرزینه جریان ایلدی التیوزالی بش سنه سنده ناصرالدین  
 داود بن ملک معظم ایله عمر بن عادل طرفنه ایلچیلر ارسا لیله اطاعته  
 دعوت ایتیش ایسه ده قبول ایتدکلرندن جانب شامه حلب اوزرندن  
 توجه ایده جکندن عمادالدین زنکی سلاله سندن پدرالدین اولو  
 موصل حاکمی بولنوب کرم و سردر روزکاری کورمش طقسان التی  
 یاشنده بر پیرفانی اولدیغندن هلا کو طرفنی التزام ایدرک اوغلو ملک  
 صالحی معیت هلا کویه ترفیق ایتمکه دائره حکومتی مظالم مغولدن  
 حمایه ایلوب لکن حلب و شام قدوم شوم هلا کودن امین اوله میوب  
 اورالربنی نهب و یغما ایتدکد نصکره منکوقا انک وفاتی خبری  
 کلدیکنه مبنی حلب حواله سندن حرکت ایله عودت ایدرک  
 اذربایجان طرفلرینه چکلدی ایسه ده حکومت بغدادی کندو  
 سرکرده لرندن خواجه علاءالدین عطا ملکه توجیه ایلش ایدیکه  
 مومی الیه خواجه جهان شمس الدین جوینی وزیرک برادریدر  
 وزیر ابن علقمی دخی حضورینه جلب ایدوب بروا فرعتاب  
 ایتدکد نصکره رتبه سنی تنزیل ایلوب برکوچک خدمتده استخدام  
 ایدرک تحقیر ایلدی

چونکه هلا کوخان برادری منکو خانک وفاتی یلدکد نصکره  
 موجود معیتی اولان عساکرک بر مقدارینی حلب و شام و البسی نصب  
 ایلدیکی کتبخانک اداره سنه بر قسمی دخی بغداده براقش اولدیغی  
 خواجه علاءالدین عطا ملکه و یروب بر قسمی دخی موصل و حلب  
 و صمداد و الحاصل نهر فراتک اطرافنی تخریبه مأمور اولان شهزاده



پشمونی خانه براغوب عزالدین و رکن الدین نام سلجوقی پادشاه لرینی  
محللرینه اعاده ایلوب کندوسی اذربایجان دارالملکی اولان تبریزه  
عزیمت ایلد کده شهزاده پشمونی میرزا مار دین قلعه سنک فتح  
و تسخیرینی نیت ایلد یکنندن اول حوالی والیسی ملک کاملی اطاعته  
دعوت ایچون امر ارسال ایتد یکنه مبنی سز لک عهد و میثاق کره  
اعتماد جائز اولوب ملوک و امرادن نیجه لرینی علی الخصوص  
مستعصم خلیفه بی استیجاب نصره قتل ایتک عادت کره بناء جانم  
تنده اولد یقه قلعه دن پرسنکیاره بیله و یرم و بن خلیفه مستعصم کی  
بخیل و خسیس اولوب خزاین و اموالم سپاه و رعایا مکدر دیو جواب  
و یرمسيله گروه سپاهی تأمین ایدرک محاربه به طور و شدیلر ایکی سنه  
مقداری محاربه و محاصره ماده سی متمد اولد یغندن ملک کامل  
تحمل ایده میوب امان ایله شهزاده پشمونی میرزایه تسلیم اولمش  
ایسه ده ینه عهده وفا اولوب پاره پاره ایتدیلر

کذلک موصل والیسی بدرالدین لؤلؤ طقسان الی یاشنده ایکن امام  
یافعی قولنججه التیوز الی یدی و روضه الصفا صاحبی قولنججه  
التیوز الی طقوز سنه سنده فوت اولد قدده هلا کو خان دخی معیننده  
بولنان ملک صالحی که بدرالدین مشارالیهک اوغلودر موصل والیسی  
نصب ایدوب برقاج ماه هرورنده مذکور ملک صالح مصر سلطانی  
بند قدار طرفندن جلب و اطماع اولند قدده ملک صالح دخی پشمونی  
میرزانک تکالیف متعاقبه سندن بیقیمش و اوصانمش اولد یغندن  
مصر سلطانی طرفندن کلان بیک نفر امدا دجی ایله التونلری حسن  
قبول ایله میرزای مذکور اظهار عصیان ایتکله محاصره اولوب  
هر تقدیر مصر جانندن اعانه دخی اولمش ایسه ده مصر یار مغلوب



اولد قلزندن ملك صالحك طيانغسه اقتداري قالمیوب طالب امان  
 اوله رق میرزای مزبوره التبحر اتمش اولد یغندن کیفیتی میرزای  
 مزبور پدري هلاکوخان طرفنه اخبار واستیذان ایلیوب  
 امر هلاکوايله اعدام اولندی بواشاده هلاکوخانك طرف ایلمخاندن  
 رخصت اولمقسزین یعنی منکوخان جانبندن فرمان صحیح العنوان  
 وارد اولمزدن بغداد کبی بر محل مستثنایه هجوم ایدوب هر تقدیر خلیفه  
 سکری مکر ایلدیکندن ناشی وکلای دولتك افکار فاسده لرینی  
 بیلیم یكدیكر حبله و خدعه سنه الدانمش اولسنه مبنی بر طاقم  
 مناسبتسز حرکتده بولتمش ایسه ده مادامکه خلعت خلافتی  
 بردوش اتمشدر رعایت اولتمق لازم ایدی دیه رك دشت قیچاق  
 پادشاهی برکه خان طرفندن اعتراضات واقع اولد یغنه مبنی پادشاه  
 مشارالیه ایله هلاکواراسنده منافسه ظهور ایتمکله شما حی حدودنده  
 جنك و پر خاشه اغاز اولتمش ایسه ده هلاکومغلوب اوله رق مراغه  
 طرفنه فرار ایلیوب زیر حکمنده بولسان بلاد والکادن عراق عجم  
 ومازندران و خراسان و سمرقند طرفلرینی یوک اوغلو ابا قازخان  
 ایران و اذربایجان و تبریز و وان و کرستان طرفلرینی دیگر اوغلو  
 یشمونی میرزایه دیار بکر و موصل حواله بستی توران نام بهادره و ممالک  
 رومی معین الدین پروانه یه توجیه و سپارش ایلیوب کندوسی  
 مفتون حسن و آنی اولدیغی برارمنی قاریسنك خاطرینه مبنی تصادف  
 ایلدیکی جوامع شریفه بی یقوب کلپسار بنا ایدرك التیوز التمش  
 اوچ سنه سنه فوت اولدیغندن برینه اوغلو ابا قازخان سنه مزبوره  
 جهادی الاولیسنك اون طقوزنجی کونی سریر پدري جلوس ایلیوب  
 محمد جوینی بی وزیر ایدوب برادری عظاملکی بغداد حکومتده



براغوب انك اوغلوبهء الدينى والى اصفهان نصب ايلدى اولاد  
 جنكيز خاندن اولويده دشت قيقاقده فرمان فرما اولان جوجى خان  
 وتولى خان امثالى برطاقم خانان جنكيزك عساكر خونريزايه دشت  
 قيقاق طرفندن اوروپا ديارينه هجومى اهل صليب دهشت انكيز  
 اولد يغندن قدس شريفى بتكرار ملك صلاح ايوبى اهل صليب  
 الندن استخلاص ايلدى شويلاه كه صلاح الدين يوسف ابتداشام  
 جانبندن مصره مأمور اولوب ملاحده اسماعيليه شعبه سندن  
 اوله رق مصرده وممالك غريبه ده دعواى خلافت ايليان طبقه  
 فاطميه دن عاضد محمد بن فايز بلا ولد فوت اولد قده دولت فاطميه  
 بتون بتون منقرض اولوب حكومت مصر دخی ككثرت اعوان  
 وانصارايلاه كسب استحقاق ايليان مشاراليه صلاح الدين يوسف ابن  
 ابيكك دست تصرفنه كچه رك مصره سلطان اولمشدر كه ملوك  
 ايوبيه نك ابتدا سيدر مشار اليهك زماننده اهل صليب بالاتفاق  
 اراضى مقدسه يه هجوم ايلد كلى صره ده مصرى دخی استيلا  
 ايتك اوزره اولد قلرندن مومى اليه عساكر كشيره ايله قلقوب قدس  
 شريف وصيدا وعكا وبريه الشامك اكثر محلاى طقسان سنه قدر  
 قوروا زاد دنيلان اهل صليب النده قالمش ايكن اهل صليبك  
 اللرندن حوالى مذكوره بي تخلص وقدس قرالى لوز بغان نام  
 شخصى دخی اسير ايدوب مومى اليهك قدس قرالغى عنوانندن  
 صرف نظر ايتك شرطيله ازاد ايلد يكي وقع هجرتك بشيوز  
 طقسان طقوز سنه لرينه قريدر بوار القده فرنكلرك قوه بحريه لرينه  
 مقابله ايتك اوزره فن درياده مهارت وقوتارى اولان ملوك  
 بنى مرينندن امداد طلبنده اولمشلر ايكن بيله ينه اعانه ايلمكن



مجانبت ایتش لر ایسه ده مشارالیه صلاح الدین بتون قوتی  
 بریه الشامه حصر وقصر ایلد یکنندن اورا لردن فرنکلری دفع  
 و اخراج ایدرک قدس قرالغی نام و عنوانی اورته دن لغوا و لغفله  
 حکمداران مذکوره قبریس اطه سنه نقل ایلوب اوراده برخیلی  
 مدت حکومتلری تمتد اولمشدر که تفصیلی زیرده یازلمشدر ایمدی  
 صلاح الدین یوسفک فوتند نصره یرینه اوغلاری جلوس ایتش  
 ایسه ده زمانلرنده اورا رجیه شایان تحریر برشی اولوب فقط  
 ملک عادل سیف الدین طبقه فاطمیه دن اخذ و غصب ایتش  
 اولدیغی ممالکدن شام و قدس و بریه الشامی اوغلی ملک معظم  
 عبسی یهودیار بکری و جزیره بی دیگر اوغلی اشرف موسی یه و حکومت  
 مصری دخی دیگر اوغلی ملک کامله براغوب کندوسی هجرتک  
 التیوزیکری ایکی سنه سی اوائلنده فوت اولمش ایدی پواشاده  
 مذکور برادرلرک هر بررلری مستقل اولدقلری جهته قوتلری  
 ضعفه مبدل اولد یغندن فرنکلرک یعنی قتولک ملتندن بولنا نلرک  
 اراضی مقدسه بی بتکرار اسلام الندن قورتارمق افکار یله ابتدا قبریس  
 جزیره سنی و عکا و صور و صیدا شهرلرینی استیلا ایلد یکنندن  
 ملک کامل دخی اوتوز بیک عسکر جمع ایدرک مصر دن قالقوب  
 قدس شریفی محافظه ایچون کلدی ایسه ده برادرلریله بعض  
 ماده لردن طولایی ارالرنده شقاق پیدا اولدیغندن کیر و چکیلوب  
 مصره عودت ایلد یکننک عقینده سالف الذکر قتولک ملتندن  
 عبارت اولوب اهل صلیب دنیلان فرنکلر دخی ارض فلسطینه  
 بتکرار هجوم ایلد کلرندن چارناچار قدس شریفی ودها بعض  
 شهرلری فرنکلره ویره رک التیوزیکرمی سکر تار یخنده مصالحه



اولنديکه ارطغرل غازي دخی بوتار یخده رومه کیشیدی ایکی سنه  
 مرورنده یعنی النیوز اوتوز تار یخنده ملک کامل ایو یینک وفاتیه  
 صالح نجم الدین تخت مصر و شامه جلوس ایلیوب اهل صلیبی قدس دن  
 و اراضی مقدسه سائره دن بتون بتون سوروب چیقاردی و مصرک  
 بحریه طرفلرینی اسنیلا ایدنلردن دخی خیلی فرنگ تلف ایلدی  
 یدنجی دفعه اوله رق اراضی مقدسه بی اهل اسلام الندن قورتارمق  
 نیت متعصبانه سیله دردنجی اینوسانی پاپا ولوی نام فرانسه قرالی  
 و شرق خرسنیا نلغی ایمپراطوری ایله برچوق اهل صلیبک متفقانه  
 هجوملرینه مقابل سلاطین ایوییه دن مومی الیه ملک صالح  
 نجم الدین و امراء چرا کسه دن براز شجاعان و عیسی اولوبده پدرینک  
 زمانده کردستان و دیاربکر حاکی اولان ملک اشرف موسی دخی  
 عسا کر کثیره ایله مومی الیه صالح نجم الدینه اعانه ایچون چیقوب  
 عظیم محاربه لردن صکره رؤسای اهل صلیبدن بلای باشلی  
 قوماندارلردن اثنای حریده خیلی فرنگ مقتول اولوب ارض  
 فلسطین دخی تمامیه ملک صالحک دست تصرفنده قالدی مومی الیه  
 النیوز قرق سکز سنه هجریه سنده فوت اولوب یرینه اوغلوتوران شاه  
 مصره هجوم ایدن اهل صلیب اوستننه غلبات کثیره یه نائل  
 اولدقدن صکره پدرینک تربیه کرده سی اولوبده روضه نام محله  
 اسکان ایلدیکی بنده کانی نظر التفاتدن اسقاط ایدرک برطاقم  
 مداهنلرک اغفالنه فریفته اولوب اسافل و اراذله پایهلر ویره رک  
 امکداری تحقیر ایلدیکندن ذات حکمداره منفعل اولان امراء  
 مخالفینک النده مقتول اولنجیه تورانشاهک اولادی اولمیدیغندن  
 والده سی شجرة الدر تخت مصره اجلاس اولوب امراء اتراکدن

روضه دنیلان محل مصرده واقف  
 نیل مبارکک اورتیه سننده براطه  
 اولوب اوراده برطاقم اتراک کوله لری  
 ایچون قشله و مکتب و ارایدی



معز الدين الايبكي اتاك وناظر حكومت نصب ايتشلايديكه بوقعه  
هجرةك التيوز قرق سكر سنه سنه اولوب برماه مرورنده شجرة  
الدرى مذكور معز الدين كندويه نكاح ايلد كده بتون بتون مصرده  
دولت ايويه نك شعبه سى سنه مذكور صفر الخيرينك يكرمى ايكنجى  
كونى منقرض اولوب عنان حكومت مصرية طبقة اراك الله كشمش  
ايسه ده يدى اى مرورنده هيئت منقرضه طرفدارى الله مومى اليه  
معز الدين دخی مقتول اولغله يرينه مومى اليه اوغلى ملك منصور  
سرير امارته كچوب درت سنه امارت سورمش ايدى وبونك ايام  
حكومتنده هلا كودخى بغدادى يغماو خليفه عباسى اولان مستعصى  
اولاد ريله برلكده اهلاك واعدام ايلشدر

بوندى نصره ملك منصور التيوز الى الى ذى الحجة سنك اون طقوزنده  
خلع اولندى زير املاك شرقيه وغريه بي قتح وتسخير ايدرك بشيوز  
سنه دنبرو كسب عصيت ايليان خلفاء بنى عباسك هجوم هلا كوايله  
نظام دولتلى دخی بوز ولوب پریشان اولديغندن بتون عالم اختلال  
اوزره اولغله بر شجيع پادشاه لازمدرديه رك امراء مصر دن مظفر  
سيف الدين نام ذاتى هجرةك التيوز الى يدى سنه سى ذى القعدة سنك  
اون يدنجى جمع ايرتسى كوني تحت مصره اجلاس ايتديروب شام  
وحلبه مستولى اولان هلا كو بقيه سنى دفع ايچون عساكر كثره ايله  
ركن الدين بيرسى سر عسكر ايدوب ارسال وعين چالوت نام محله  
هلا كوطرفندن سر عسكر اولان كتبقايله ايكي عظيم عسكر هجرةك  
التيوز الى سكر سنه سى رمضان شريفك اون بشنجى كوني ملاقى  
اوله رق جنك شديد ومديد دنصكره تاتار عسكرى منهزم اولوب  
مرقوم كتبقا دخی اسير ومقتول اولديغندن اهل اسلام منصور



و غالب اولدقده خليفه وقعه سندن طولايي جمله مسلمين بومظفريته  
 ممنون اوله رق هر طرفده شهر اين اولدى لكن مومى اليهك  
 فتوحاته اعداسي تحمل ايد مبوب التيز الى سكر سنه سي  
 ذى القعدة سنك يكرمي دردنجي كوني على الغفله قتل ايلديلر بعده  
 ملك ظاهر بيرس جلوس ايلوب بودخي تاتارلر ايله محاربه شديده  
 ايدرك غالب اولدى و بغداد وقعه سندن نصكره سلاله عباسيه دن  
 باقى قلان المستنصر بالله مصره دخالت ايدوب علما حضورنده اثبات  
 نسب ايليه رك هجرتك التيز الى طقوز سنه سي رجبك اون  
 يدنجي كوني خلافتي تصديق وقبول اولتمشدر خلفاء بني عباسك  
 مصرده اثبات نسب ايتمه لر ينه دار اولان اهميت او عصر لر ده  
 شرقدن غربه قدر منتشر وشايع اولان مذاهب مختلفه نك اصولي  
 اقتضاسندن كي ظن اولنور ايسه ده وقعه فاجعه مذكوره سبي ايله  
 مغدور اولان خاندان خلافتيه صحابت ورعايت ايتكله قوه قاهره  
 جنكيزيه ايله منكوب ومغلوب اولان ملل واقوامك جلب قلوبينه  
 باعث اوله رق پازده خسار جنكيزيان اولان ممالكى معنا حياه  
 ايتمش اولديغندن بشقه مذهب زيديه واماميه ده بولنان بني ادريسك  
 دعوا ايتكده اولدقلى خلافت وامامت ماده سنى كسر ايله برابر ملاحده  
 اسماعيليه شعبه سندن اولان فاطميون طرفدارلرينك دخي اميد واملاريني  
 اورالجه محوايتمش اولدى الحاصل مومى اليه ملك ظاهر بيرس كه بوكا  
 بندقداردخي ديرلر مدينه منوره ده محترق اولان موافقى تعمير ايتكده  
 ايكن مصرده اعلان خلافت ايليان خليفه عباس ضايع ايتديكي  
 سلطنت واحشامى بروجمله اونوده مبوب تاتاردن اخذ تاراچون محاربه  
 تصدى ايتمش ايسه ده اثنای حربده مقتول اولوب يرينه حاكم باهر الله



مصر علماسی رأیله خلیفه اسلام اولمشدر مومی الیه ملک ظاهر  
 بیرس النیوز التمش طقوز سنه سنده عکا قلعه سنی تسخیر اینلد کدنصرکه  
 روم ممالکی ققنه نیت ایلوب حکومت مصری ارکان دولتندن  
 برامین بنده سنه سپارش ایدرک کندوسی روم الکاسنی تماشاقصدی ایل  
 تبدیل جامه ایدوب سیاح صورتنده دار الملک قونیسه یه کیدوب  
 سلاطین سلجوقیه نک احوال اداره سنی نظر دقت و عبرت ایل  
 کورد کدنصرکه عودت ایدوب آسیانک پادشاهی اولان ابا قخان  
 جنکیره ایلچی ارسال ایدرک بن سیاحت طریقله ممالک رومی  
 طولاشدم و نشانه عزیمتم اولق اوزره قونیسه ده اشچی دکاننده  
 بر مجوهر خاتم براقش ایدم خاتم مرقومی اول محمدن فک ایل طرفمزه  
 ارسال یورلمسی التماس اولنوردیو ایلچی ایل بیان و افاده ایتدیرد کده  
 ایلخان اعظم ملک ظاهر بیرسک شجاعت و جسارتنه استغراب ایدوب  
 در حال طرفندن ناظر ممالک اولق اوزره روم سلطانی یاننده  
 براقش اولدیغی معین الدین پروانه یه خبر کوندروب خاتمی محل  
 معهود دن چیقاردوب ملک مشار الیه ارسال ایلدی روسبارک  
 بومر تبه لرده اولان غفلتی ملک ظاهر بیرسه موجب غیرت و جسارت  
 اولدیغندن ممالک روم اوزرینه عساکر بسیار ترتیبیه عزیمت ایلدی  
 خواند میر نام تاریخک روایتی موجبجه ملک مشار الیهک روم  
 مملکتنه کیریشی خصوصنده معین الدین پروانه نک انضمام رأی  
 خفیبی وارد رظنی ایل مومی الیه معین الدینی یکر می بیک قدر اهل  
 اسلام ایل شهید ایلد کدنصرکه ابا قخان کندوسی کوس عزیمتی  
 دار الملک تبریزدن چال دیروب نهر فرات کنارنده واقع بیره جک شهرینک  
 محاصره سنه قالدیردی شهر مذکور حکومت مصریه تحتنده



اولد يغندن قلعه اهاليسي كيفيتي كو كرجين اطاره سيله جانب  
 مصره اخبار ايلد كلرنده برهفته ظرفنده خبر و امداد كلز ايسه قلعه يي  
 مغوله تسليم ايد يكر صورتنده جواب كلد يكدن درون قلعه دن  
 مقاومت ايتدار اولمش ايدى فى الحقيقه مدت مذ كوره اشناسنده  
 بركون على السمر رايات مصر يه قارشو طاغلردن نمايان اولدقده  
 درون قلعه دن طبل شادى چالند قدده مغول اردو سنده حركت  
 و اهتر از پيدا اولوب بالاخره فرار ايلد يلدز ملك مشار اليه قلعه يه  
 كيروب استحكامات لازمه سنى امر ايلد كد نصكره كوچك ارمنستانه  
 حكم ايدن ارمنى قرال لردن لؤن ايله دخى تا كبد عقد موافقت  
 ايدرك هجرتك التيوز يمش ايكي سنه سى ذى الحجة الشريفه سنك  
 اون يدنجى كوني دمشقده فوت اولوب يرينه مر حومك اوغلو سعيد  
 بند قدار تخت مصره اجلاس اولدى انجق امرانك و ظايفى ايله  
 عسكرينك موافقنى تنقبض ايلد يكدن حكومتك ايكنجى سنه سى  
 مقام سلطنتدن كندوسنى خلع ايدده جكلرينى بعض اطواردن حس  
 ايتمكله يدى ياشنده اولان برادري سولامشى ملك عادل لقبيله تخت  
 موروثه يه اجلاس و ملك صالحك امر اسندن سيف الدين نام  
 ذاتى دخى امور حكومتده مستشار و معاون نصب ايلوب كندوسى  
 عريش جوانده واقع كرك قلعه سنه عزيمت ايلدى بودخى اوچ ماه  
 حكومتد نصكره خلع اولوب يرينه موافق اليه سيف الدين ملك  
 منصور قلاون عنوانيله جلوس ايدرك خطه مصره حكمران  
 اولمشدر

والحاصل ملك منصور سيف الدين قلاونك جلوسى هجرتك  
 التيوز سكران سنه سنده اولوب شام و حص ستملرينه مستولى اولان



مغول غول سیرتلا ایله محاربه ایدوب غالب اولدقدنصکره اموال  
 کثیره په دخی مالک وصاحب اولدی اورادن فلسطین سمترلنده  
 متمکن اولان اهل صلیب بقیه سیله غزایه اغاز ایدوب طرابلس  
 وعکا قلعه لرینی التیوز سکسان طقوز سنه سنده قح ایتش ایسه ده  
 کندوسی دخی سنه مزبوره ذی القعدة سنک اوننجی کونی فوت  
 اولشددر بعده ملک اشرف جلوس ایلوب بودخی بریه الشامده  
 فرنکلرایله مجاهده اثناسنده التیوز طقسان اوچ محرمنده شهید  
 اولدی که بونک بقیه سی کتاب ثابیده یازلمشدرمر اجعت بیوریه ایمدی بالاده  
 ذکر اولندیغی اوزره طوائف جنکیریه دن هلا کوخان بغدادی خراب  
 ایتش وچکیلوب تبریزه طوغرو کتمش والتیوز التمش اوچ سنه سی  
 فوتند نصکره اولاد لرندن اباقا خان نام فتنه انکیر تخت جنکیریه  
 جلوس ایتش ایدی مرقوم ادیانندن هیچ بر دین ایله متدین اولوب  
 عیاش وغدار ایدی حتی وزیر کیری خواجه جهان شمس الدین جوینی  
 کندو سنه یک چوق سنه لر خدمت و صداقت ایتش ایکن مستوفی  
 الممالک دنیلان امور مالیه مأموری محمد الملك یزدینسک تحریک  
 و افسادی ایله اباقا خان غضب ایدوب وزیر کیری حضورینه جلب  
 ایدرک سن بابامک زماننده نیجه سنه لر دروزیر اولوب منظور  
 نظر عالی اولدیغندن ماعدانم زماننده دخی درلودرلوا کرام وعطایا ایله  
 مکرم ایکن جمع اموال ممالکده قصد اقصور و بزی اجنبی حکومتلردن  
 استقراضه مجبور ایتدیکیکی محمد الملك بکا کلوب بر تفصیل افاده  
 وتقریر ایلدی دیدکده مومی الیه جوینی قضیه نک نولدیغنی فهم  
 ایدرک املاک ونقود و اشیا سنی حزینه ایلخانه تقدیم ایلدیکنده وزارت  
 منصبی ینه عهده سنه براغلدی حتی کتاب روضه الصفاده



بووقعه نك تفصيلي اراسنده يازلمشدر كه بركون اباقاخان وزيري  
 اولان مومي اليه جويني و مجد الملك مستوفي ايله عشرت ايدرلر ايكن  
 جويني اوچ دفعه ديزچوكوب اباقاخانه برقدح قرمرزي صونمش  
 ايسه ده پادشاه قبول ايتيوب دردنجي نوبت ابرامنده اكر شو لحم خنزيردن  
 اكل ادر ايسك ابرامني قبول ايدرمد ديدكده جويني لحم هر داردن  
 اخذواكل ايلدكده اباقاخان مجلسده بولنانلره توجيه خطاب ايدوب  
 ديمشدر كه جويني عجب جرأت ايدوب برقاق دفعه قدح صونمش  
 ايسه ده التفات ايتامش ايكن ينه جسارت ايدوب ابرام ايلدي  
 اكر بنم تكليفمي مسلمانلغی جهتيه قبول ايتامش اوليدي شو بمحاق ايله  
 كوزلريني چيهار يرايدم جوابيله مجلسي فسخ ايلدي چونكه مجد الملك  
 فساد مرتبه سني شمس الدين جويني حقنده تماميله تأثير ايتديره مديكندن  
 مومي اليهك برادري بغداد واليسي بولنان عظاملك حقنده ايلخاني  
 اغضاب ايدرك عظاملكي قيدوبند ايله همدانه احضار ائناسنده  
 اباقاخان دخی جزره ده واقع سنجار نام محلدن همدانه عزيمت اوزره  
 ايكن هجرتك التيوز سكرسان سنه سي ذي الحجه سنك التنجي  
 چهارشنبه كوني فوت اولوب يرينه برادري نكود ارخان اولمش  
 ايدى كه مومي اليه شرف اسلام ايله مشرف اولد يغندن سلطان  
 احمد ديرلر ايدى بونك زماننده بغداد حكومتنده بولنان خواجه  
 علاء الدين عظاملك دخی التيوز سكرسان برسنه هجريه سنده  
 بغداد ده وفات ايدرك يري بايد و خان نامنده برتاتار سركرده سنه  
 توجيه اولنديغي ائساده مشار اليه سلطان احمدك مسلمان اولسندن  
 طولاي اطوار جنكيرياني ترك ايلدي ديه رك امراء مغول بونك  
 خلافتده اتفاق ايدوب اباقاخانك اوغلوارغون خانه بيعت ايدرك



سلطان احمدی قتل و شهید ایلد کد نصکره وزیر سابق خواجه  
جهان شمس الدین جوینی اصفهانه کیدوب اورادن دخی هرمرز  
جانبنه روانه اولمش ایسه ده وزیر لاحق امیر بوقانک مکر و حيله سیله  
قتل اولمشدر

هندستانک احوال سابقه سی قرون اولی و ثانی و ثالثک دخی قسم  
اولنده بیان اولندیغندن اورالرینک تفصیلندن صرف نظر اولندهرق  
بالکز قرون ثالثک قسم ثانسی اعتبار اولنان دولت علیه عثمانیه نک  
ظهوری اثنا سنده هندستانک دخی هیئت حاضره سی فصل حالده  
اولدیغی بااراده سنیه ترتیبه مشغول اولدیغم تاریخک وظیفه سندن  
اولغله اشوب برمی جلدک مدتی اولان هجرتک التیوز یکر می سنه سندن  
التیوز سکسان سنه قدر مرور ایدن التمش سنه مدته هندستانک  
جهت غربی و جنوبیسی ایله نهر غانج دید کلری نهر جسمیک براز  
ساحلاری اهل اسلام الارنده اولوب بقیه سی دخی برهنلرک و مجوسیلرک  
حکمرنده ایدی ایمدی ممالک مذکوره ده اهل اسلامدن اوله رق  
دولت ایلتمشیه ظهور ایتمشدر که شمس الدین اسمنده برذات  
ایلمش لقبی ایله ملقب اولغله اعوان و انصار پیدا ایدرک تفرد ایلد کده  
کندوسنک تشکیل ایلدیکی ادارهیه دولت ایلتمشیه دیمشدر در  
مومی الیهک حکومتی التیوز یکر می التی تاریخندن التیوز اوتوز  
اوچ سنه سنه قدریدی سنه مدت ممتد اولوب هنکام حکومتده  
لاهوره مضاف و ملحق اولان دهلی نام شهرده اقامت ایلدی  
کندوسنک فوتند نصکره اوغلو فیروز شاه پدیرینک مقامنه صعود ایلش  
ایسه ده لهو و لعبه مشغول اولدیغندن امراسی اتفاق ایلوب  
زمان حکومتی النندن نزع ایدرک همشیره سی راضیه سلطانی اجلاس



ایلدیلر اودخی لباس مردان ایله سریر سلطنته جلوس ایدوب مهام  
 انامه صرف افکار ایتیش ایسه ده بعض اوضاعندن اهالی دلگیر  
 اولدقلرندن مشارالیه اودخی عزل و خلع اولنه رق دیگر برادری  
 بهرام شاهى دعوت ایتدیلر انجیق امر اراسنده فساد ظهور  
 ایلدیکندن بهرام شاه دخی ازاله اولنوب یرینه فیروز شاهک اوغلو  
 مسعود شاه پادشاه اولدی درت سنه سرورنده بودخی خلع اولنه رق  
 شمس الدین محمدک اولادندن ناصر الدین محمد انتخاب اولندی  
 مشارالیه محاسن اخلاق ایله موصوف عاقل و کامل اولغله طبقات  
 ناصری نام کتاب دخی مشارالیهک نامنه تألیف اولنمشدر یکرمی سنه  
 سلطنته نصکرة فوت اولوب متعلقات و فروغندن دولت اولوغ  
 خانیه ظهور ایلدی که بونک دخی سببی مومی الیه اولوغ خانک اصل  
 اسمی غیاث الدین اولوب ناصر الدینک امر اسندن ایکن کندویه داماد  
 اولغله اولوغ خان دیش و لاهور حکمدارلغی دخی ویرلش ایدی  
 مشارالیه ناصر الدین ارکک اولادی اولنقسزین وفات ایلدکده  
 دامادلق ملا بسه سسیله سریر حکومتی اولوغ خان تحصیل ایلوب  
 دولت ایلتمشیه بی دولت اولوغ خانیه ایلدی بیوک اوغلو محمد  
 قاننى مولطان الکاسنک تسخیرینه ارسال و دیگر اوغلو ناصر الدین  
 باقر اخانی لکنهوت والیسی و حفیدی معزال دین کیقبادی یاننده توقیف  
 ایتدی بیوک پدرینک فوتند نصکرة سریر پدری تحصیل ایتیش ایسه ده  
 شرب خیره ابتلا سندن اهالی ایاقلنوب بویله قاریشق وقتده امور  
 حکومتی آخره حواله ایتک اولماز دیهرک قیل وقال چونغالدیغندن  
 پدری آب سرورقربنده ملاقات ایلوب خیلی نصیحت ایلش ایکن  
 فائده سی اوله میوب عزل و خلع اولنوب یرینه مومی الیهک اوغلو



شمس الدين نصب واجلاس اولنور اوچ سنه باباسی ایکی ای دخی  
مومی الیه شمس الدین سلطنت ایلوب بعده ایکسیده برلکده  
جلال الدین فیروز خلجی حکیمیه قتل اولندقلرنده دولت اولوغ  
خانیه دخی منقرض اوله رق دولت خلجیه ظهور ایلشدر که تاریخ دخی  
هجرتك التیوز سکسان سنه لرینه قریب اولمغله تفصیلی کتاب ثانیده  
یازلمشدر مراجعت یوریه

بوجلدك حاوی اولدیغی التمش سنه اثنا سنده بلاد اسلامیه ده  
ظهور ایدن علما و مشایخ مشهوره نك اعظمی شیخ نجم الدین  
کبری حضرتلری اولوب جنکیر خاں خوارزم طرفنه  
هجومنده شهید اولوب شیخ سعد الدین الحموی خلاص  
اولمشدر بری دخی علمادن نصیر طوسیدر که مشهور اولان  
علم و فضلی ایله برابر هلا کو کبی بر دینسزك خدمتده بولوب  
حتی برکون هلا کو خان نصیره خاطر مانده اولدیغندن اگر مراغه ده  
انشاسنی مراق ایلدیکم رصد تکمیل اولمش اولیدی سنی قتل  
ایدر ایدم دیدیکی مرویدر بری دخی خواجه صفی الدین در که  
فن موسیقیده فائق الاقران اولمغله هلا کویه کسب انتساب ایلدی  
حتی شمس الدین جوینی نك او غلو شرف الدینسه موسیقی تعلیم  
ایتمکله شرقیه نامنده بر رساله دخی تألیف ایتشدر صدر الدین ساوجی  
فن عروضده ماهر اولوب نجم الدین قزوینی و محی الدین اخلاطی  
علم هیئته استاد کامل ایدیلر ککذلك جلال الدین رومی  
حضرتلری دخی زمان ابا قاخنده انتقال یورمشدر در مشار الیه  
حضرتلرینک اوصاف علیه زی نفحات نام کابده شویله ذکر اولمشدر که  
مولانا جلال الدین محمد بلخی الرومی حضرتلرینک پدر والا کهرلری  
شیخ بهاء الدین محمد بن حسین بن احمد الخطیبی البکری حضرتلری



اولوب مشار اليه بهاء الدين محمد جنابلرينك والده مكرمه لري خوارزم  
 پادشاهى سلطان محمد ك كريمه لري ايدى مشار اليه بهاء الدين  
 حضرت تلرينك ولدا محمد لري جلال الدين محمد حضرت تلى التيوز  
 درت سنه سى ربيع الاولينك التنجى كوني تاريخيله تولد ايدوب والد  
 ماجد لري حج شريفه عزيمت بيوروب عودت لرنده جانب رومه  
 توجه ايدرك لارنده قضا سنده فرش سجاده ارشاد ايتشلايكن  
 التيوز يكرمى اوچ سنه سى جلال الدين رومى حضرت تلرندن سلطان  
 ولد تولد ايلد كده اولاد كراملى ايله بهاء الدين حضرت تلى قونيه  
 شهرينه هجرت واوراده رحلت بيورد قلرنده برهان الدين ترمذى  
 وشمس الدين تبريزى حضرت تلى دخی شهر مذكوره كمشلردر  
 صدر الدين قونوى حضرت تلى دخی او عصر ك فضلا سندن ايدى  
 زيرامشار اليه صدر الدين قونوى حضرت تلى محى الدين عربى  
 حضرت تلرينك ولد معنويلرى اولوب تربيه لرينى كور مشلردر كذلك  
 شيخ محى الدين عربى حضرت تلى دخی اكبركار اولياء اللهدين  
 اولوب كرامات عديده لرى واثار كثيره لرى ايلارده وديللارده متداولدر  
 برى دخی شيخ اوحد الديندر كه شيخ اكبر حضرت تلى يله ملاقى اولد قلرندن  
 فتوحات مكيه نام كتابلرنده خيلى حكايت لطيفه ايراد بيور مشلردر  
 برى دخی ابوسعيد ناصر الدين عبدالله البيضاوى در كه كندولرى  
 مذهب شافعى اوزره اولوب انوار التنزيل ناميله تفسير قرآن ايله  
 شرح مصابيح وغاية القصوى منهاج وطوالع مطالع مرصاد ونظام  
 التواريخ امثالى اثار مشهوره لرى واردر شهاب الدين الجوينى دخی  
 علم حديثه مشهور عصر ايدى جمال الدين محمد بن سليمان بن  
 نقيب المقدسيدر كه يوز جلد اولقى اوزره تفسير كبيرك تأليفه



موفق اولمشدر عقلای دهر دن زنجان ولایتی اکابرزاده لرندن  
صدرالدین احمد در که عقل و درایتی و سخا و سخا حتی سبیل ملوک  
وامر ایه کسب نسبت ایدرک یکرمی یدی یاشنده مسندوزارتی احراز  
ایلیوب مضایقه خزینہ بی توسیع ایچون نقد مقامنده تد اول ایتک  
اوزره جاو نامیلہ بر طاقم اوراق نقدیہ ایجاد ایلمشدر که بوماده نک  
تفصیلی کتاب ثانیده یازلمشدر مرا جعت بیوریلہ

مشایخ کرامدن بری دخی شیخ عراقیدر که ممالک رومی سیاحت  
ایلدیکی اثاده صدرالدین قونوی حضر تلرندن فصوص نام کابی  
اوقیوب انک اوزرینہ لمعان نام بر رسالہ معتبرہ تألیف ایتسیلہ  
عصرندہ مشهور اولمش ایدی مومی الیہ جمال عاشق براهل کمال  
اولغلہ قنغی محلدہ بر محبوب خبر السہ زیارتہ کیدر ایدی بری دخی  
ابن النفیسی العلامة علاءالدین علی بن ابی الخرم در که دیار مصرده  
اولوب عصرندہ یک مشهور طبیب حاذق ایدی موجز نام کتاب جملہ  
تألیفاتنددر بری دخی ابن البخاری المحدث در که اثار نافعہ سیلہ  
مشهوردر

امور حکومتده کلیات امور جمهور ایلہ مشغول اولنلردن بری جنکیرک  
اوغلوتولی خانک بلده هراتی خراب ایلہ برملیون التیوزیک نفوسی  
قتل ایلہ ککنام ایلیوب اون التی نفوسی براققد نصکرہ عماریتہ همت  
ایلیان شرف الدین خطیبدر که مومی الیہ دخی بقیة السیوف اولان  
مذکور اون التی کشنک برنجبسیدر و مزبورک بلده هراتی  
تکرار معمور ایتسندہ اولان همتی محیر عقول بشردر

خلافت اسلامیدخی سلالہ عباسیہ دن حاکم بامر اللهک عهدہ سندہ  
اوله رق مصرده اولغلہ سلاطین مصر او عصرده جملہ ملوک



اسلاميه به متفوق اولمش ایدی بتکرار اهل صلیبدن فرانسز قرالی  
 طقوزنجی لوئیک برادری سچلیا قرالی شارلی انخو و دردی قله مان  
 نام پایا واستا نبول ایمپراطوری عسا کر کثیره ایلہ بالاتفاق بلاد  
 اسلامیه بی ضبط و تسخیر ایچون هجوم ایتدکلرنده تونس ملکی  
 بولنان سلطان محمد ابن زکریا نام ذات الی بش یک عسا کر ایلہ  
 جهاده حاضر اولدقده ینہ خرسنیا نلر مغلوب اولمشلر ایدی نتیجه سنده  
 اهل صلیک اراضی مقدسه به هجوملرندن کندولر ینہ فائده  
 اولدیغندن بشقه اک صکره اللرنده قلان طرابلس شام ایلہ عکا  
 قلعه سیدخی ایدی مسلمینه کچدیکنی اوروپا مورخلری دخی  
 تصدیق و اعتراف ایده یلورلر فقط بواتفاق دینیه دن طولابی  
 سکر یوز سنه دن زیاده اهل اسلام النده قلان اسپانیا و پورتگیز  
 المکارینی المغه باشلا مشلر ایدی و بواهل صلیک ابتدای ظهوری  
 میلادک یک طقساں بش سنه سنده اولوب سبی طائفه خرسنیا نلر  
 اراضی مقدسه ده کندولر ینہ متعلق مواقع مبارکه نک زیارتنه  
 عزیمتلرنده دخواهلری وجهله سر بسنیت کامله بی بوله مدقلری  
 شویله طورسون طبقه فاطمیه نک اهرلر یله قدس شریفده واقع قامه  
 مشهوره و سائر اماکن قدیمه معموره نک هدم اولنسی کی افعال  
 نابجسانک اجراسی مسلمانلق ایلہ خرسنیا نلق اراسنده بالظبع بولنان  
 مخالفت و عداوت دینیه بی تا کید ایتشدرد و بونک چاره سی اراضی  
 مقدسه بی اهل اسلام اللرندن المق خرسنیا نلغک اساسنه پک یوک  
 خدمت ایتمکدر دیهرک استکلوا اولنلردن عبارت بر جمعیت کثیره اولوب  
 کندولر ینک دین اغورنده چالشدقلر ینہ دخی اشکال چلیپا ایلہ  
 تفریق اولنمش علامات مخصوصه لری وارد تاریح مذکور که میلادک یک

اور واده نشان احدای بونک  
 ظهور ایتشدرد



طقسان سنه سیدر سنه سنیه هجرت نبویه ایله تطبیق اولند قده بشبور  
 تاریخلرینه تصادف ایدر که عصر مذکورده آل عباسک بغداد حواله سنده  
 وملوک ایوبیه ناک مصرده و سر یاممالکنده قوت و قدر تیری افاقه  
 منتشر اولمش ایدی اشبور و ازاد دنیلان اهل صلیب بالاده روایت  
 قلند یغی و جهله میلادک بیک طقسان بش و بیک یوز تاریخلرنده  
 باشلامشدر که هجرت سنیه نبویه ناک دخی درتیوز سکسان و بش یوز  
 تاریخلرینه مقابله در کتاب لاریده جاری اولد یغی اوزره فرنکلرک  
 سواحل شامه هجوم واسنیلارینک ابتداسی هجرتک درتیوزیتش  
 برسنه سی ایدی الحاصل اهل صلیبک اراضی مقدسه یی فتح ایچون  
 هجوملری ایکبوز الی سکر سنه مدته یدی سکر دفعه اولمشیدی  
 ومدت مذکوره اثناسنده قدس قرالی عنوانیله اون اوچ نفر قرال  
 کلوب الک صکره کی قرال صلاح الدین یوسفک النسده اسیر اولغله  
 قدس قرال یغی نام وعنوانندن صرف نظر ایتمک شرطیله یالکر  
 قبریس قرال یغی ایله اکتفا ایتمشدر که تفصیلی قبریس فقره سنده  
 محرردر والحاصل اراضی مقدسه مذکوره یه هجوم واسنیلارینک  
 سبب اولی هر نقدر اهل اسلام الندن قور تارمق کبی نطن اولنور ایسه ده  
 حقیقت حاله نظر اولند قده شرق و غرب کلپسارینک کسب استقلال  
 ایلد کلرند نصکره در بعضیلر دیر که شرق کلپساسی ره بانلرینک مقامات  
 مبارک یه اولان حقوق ملکیه موروثه لرینی کسر ایدوب کندولری داخل  
 اولمق ایچوندر زیر اراضی مذکوره یه اهل صلیبک هجوملری اثناسنده  
 شرق خرسنیا نلرینک اعانه صریحه لری اولمدیغندن شرق و غرب  
 کلپسارینک اراسنده مغایرت جسمیه و منافرت عظیمه ناک ظهور  
 وحدوشنه بادی اولمش ایدی و اراضی مقدسه مذکوره اهل اسلام



النده قالدجه شرق کلباسانده حقوق موروثه لری صوفرونبوس  
 نام پطریقسه ویریلان عهدنامه سنیه موجنبجه مرعی ومعتبرایدی  
 وبستون قتولک ولاتین ملتلرندن عبارت اولان اهل صلیبک  
 اراضی مقدسه یه دردنجی دفعه هجوملریله نائل مأمول اوله مبوب  
 مایوسا عودتارنده روم ملتک ایمپراطورلرینه وبرنجی پطریقلرینه  
 مقام حکومت اولوب روماء جدید نامیه شهرت بولان قسطنطنیه  
 یعنی استانبول شهرینه کلوب آت مبدانی قربنده اهل اسلامه  
 تخصیص اولنان برمحله نک یغماسنی وسیله ایدرک مواقع سارّه یه دخی  
 هجوم وحتى ایا صوفیه کلباسانک تزینات داخلیه سنی یغما ایلیه رک  
 اثار عتیقه ونوادر قدیمه نک اکثر یسنی ونیدک شهرینه نقل وایصال  
 ایتشلردر خلاصه کلام بر اولریله محاربات کثیره د نصکره برهفته طرفنده  
 شهری تسخیر ایدوب حتی روم ایمپراطوری بولنان دوقه مر تزوقلی  
 نام ذات اناطولی طرفلرینه فرار ایدرک هجرتک التیوز اون تاریخنرنده  
 ینه خاندان ایمپراطوریدن الکسیس نام پرنسی اجلاس ایتک بهانه سیله  
 لاتین وقتولک ملتندن عبارت یکیدن اوله رف شرق ایمپراطورلخی  
 استانبولده تشکل ایلوب هجرتک التیوز التمش بش سنه لرینه دک  
 یعنی الی یدی سنه قدر ممتد اولشدر شویله که ارطغرل غازی ممالک  
 رومه کلوب توطن ایلدیکی سنه لرده استانبولده دخی فرنسکر حکومت  
 ایدرلرایدی و بونلرک ابتداسی دخی فلاندره نام ایالتک قونته سی  
 بولنان بودواین در که استانبولده وضع وتشکیل قلنسان حکومتک  
 ایمپراطورلرنده برنجی بودواین دیمکله متعارفدر میلادک بیک ایکوز  
 درت سنه سندن بیک ایکوز یدی سنه سنه قدر حکومت ایتشدر  
 مذکور استانبولی روملردن الدقد نصکره روم ایلی طرفنه عساکرایله



عن یمت ایدوب ادرنه بی محاصره ایتک اوزره ایکن بولغار قرالنک  
 عسا کری قارشیلیوب محاربه وقوعیله بودواین مغلوب واسیر اولدی  
 بو بایده موثوق اولان برتاریخدن شویله نقل اولنور که چونکه بودواین  
 بلغار قرالنک ینجه قاهره سنه کرفتار اولدقده قوللرینی وایاقلرینی  
 اذیتله قیروب جسدینی برچقوره القایدرك اوچ کون میتی و حوش  
 و طیوره غذا اولدقدن صکره برقاری ثواب اولمق اوزره کیکلرینی  
 طویلیوب بر محل معلومه دفن ایلدیکی میلادک ییک ایکنوزالتی  
 تاریخنده اولمشدر ائمدی پرینه برادری هازری وکالت ایدوب بلغار  
 محاربه لرنده قزانمش اولدیغنه مبنی استانبول ایمپراطور لغنی اعلان  
 ایتمش ایسه ده ییک ایکیوزاون التی سنه سنه مسموما فوت اولمشدر  
 پرینه پترو قورتنا ی نام ذات ایمپراطور لاق مقامنه صعود ایدوب  
 روم ایلی ساحلنده واقع دراج نام شهرک محاصره سی ائنا سنده  
 وندیکلورک بی و فالق لری ملا بسه سیله تودور لاسقاریسک الیه دوشوب  
 ایکی سنه محبوس اولدقدن صکره میلادک ییک ایکیوزاون طقوز سنه سی  
 یعنی هجرتک التیوز یکر می التی سنه سنه فوت اولمغله پرینه یعنی  
 ایمپراطور لاق سر پرینه اوغلور و برت نام ذات صعود و قعود ایدرك  
 ازینقده روم ایمپراطور لغنی اعلان ایدن یوانی دوقاس ایله محاربات  
 شدید ائنا سنده مذکور و برت بعض جنرال لری ضایع ایلدیکندن  
 مصالحه یه طالب اولدیغنی حالده میلادک ییک ایکیوز یکر می سکز  
 سنه سی فوت اولدی که پرینه ایکنجی بودواین قورتنا ی ایمپراطور  
 اولمشدر مومی الیه میلادک ییک ایکیوز التمش بر سنه سنه قدر هر نه  
 حال ایسه طایانه ییلوب سنه مذکور اواخرنده ازینقده روم  
 ایمپراطور لغنی اعلان ایدن خاندان دن میخال پاله لوغ سسلانیک



وما کدونیا لور و بلغار قرالی آزان ایله اتفاق ایدوب اجدادینک  
ضایع ایلدیکی حقوق ملکیه یی اعاده ایلدیله که تفصیلی بروجه اتی  
ذکر اولور شویله که روم ایمپراطورلخی دخی تودور لاسقاریس نام  
شخصک زمام دسته کچوب روم ایلی وانا طولینک بعض یرلرینه  
حکم ایدرک گاه ازینق وگاه مغنیه ساده حکومت ایدرایدی اشبو  
لاسقاریس که موآین آژدنیلان قرون وسطا ده پک مشهور و معتبر  
برخاندانک اسمی اولوب یعنی لاسقاریس فاملیاسندن اولان طوطوری  
دیملدر ایمدی اشبو لاسقاریس ازینق دوقه سی بولندیغندن  
استانبولی فرنکارک استیلا سندن نصره انا طولی طرفلرنده واقع  
یتنی ولیدیا و فریکیا ونیسا دنیلان ایالتلرک جمله سی شمدی ممالک  
محروسه عثمانیه مضافاتندن اولغله هر برینک اسم مخصوصی واردر  
شویله که برنجیسی خداوند کارایکنجیسی ایدین اوچنجیسی کوتاهیه  
درنجیسی ازینق ایالتلری اوله جقد رلکن ازینق ایالت اولوب  
کرسی حکومت اتخاذا قلمش ایدی بو حالدده کندوسنک قاین پدری  
اولوبده استانبول ایمپراطورلغی فرنکارالنده ضایع ایدن الکسی سی ایله  
محاربه لر ایلوب ارطغرل غازی ایله سلطان علاء الدین سلجوقینک  
برلکده بولندیغی کوتاهیه وقره جه حصار محاربه و محاصره لرنده  
بولنه رق مغلوب اولمش ایدی بونک اوزرینه استانبولدن حکم ایدن  
فرنکلردن پشرو قورتنا ی ایله دخی عقد مصالحه ایدرک میلادک ییک  
ایکیوزیکرمی ایکی سنه سنده فوت اولدی برینه ژان دوقاس که  
بوکادخی یانی دوقاس دیرلر ازینق شهرنده ایمپراطورلق مقامنه  
صعود ایدوب حدودینی کیرویه چکوب طویلق ایله هم حدود  
بولنان ارطغرل غازی یه تعظیم ایدرک محافظه ثغور و حدوده رعایت



ایتمکله اوتوز اوچ سنه حکومت ایلدی ومدت حکومتده بلغار  
قرالی ایله اتفاق ایلوب لاتینلر اوزرینه بعض مرتبه غلبه دخی مظهر  
اولدقدنصکره استانبولی محاصره ایتمک افکارنده ایکن میلادک  
یک ایکوز الی بش سنه سی یعنی هجرتک التوز الی اوچ سنه سنه  
فوت اولوب یرینه ایکنجی تؤدور لاسقاریس ازینقده ایمراطور  
اولدی ایسه ده درت سنه مرورنده صرع علیله فوت اولدی  
لکن وفات ایتمزدن مقدم مقام سلطنتی ژان یعنی یانی لاسقاریس  
نام الی باشنده براوغلونه براغوب امرادن بعضلرینی وبرپایسی وصی  
نصب ایتمش ایسه ده مدت قلیله مرورنده میخال پاله لوغ امر یله  
مذکور یانی لاسقاریس ازاله اولوب میلادک یک ایکوز التمش  
سنه سنه یعنی هجرتک التیوز الی سکر تاریمخنده اناطولیده ازینق نام  
شهرده مسند ایمراطوری یه صعود ایلدی چونکه میخال پاله لوغ  
غدارلق ایدوب یانی لاسقاریسک کوزلرینی چیقاردقدنصکره  
حکومت خصوصنده مستقل فالنجه لاتینلری وفرانسزلی  
استانبولدن چیقارمق ایله ایلدیکی غدارلقدن قورتمق افکاری ایله  
ما کدونیاخلقنی وبلغارقرالنی تحریک ایدرک کندوسی دخی اورته ده  
بولوب بوبابده مقدورینی صرف ایتمکله نائل امل اولدی انجق  
روم طائفه سی برچوق سنه لردنبروصدمات متوالیه ایله مترزل  
اوله رق حضور واسایشلرینی ضایع ایتدکلرندن بشقه اناطولیده  
اولان قوتلری دخی کوندن کونه ضعفه منقلب اولدیغندن وبونک  
سبب اولی غرب وشرق کلپسارینک مخالفتندن اولدیغی روملرک  
استانبولی روماء جدید اتخاذا ایلدکلری وفرنکلرک دخی ایاصوفیایی  
نهب وغارت ایتدکلری جهتله معلوم اولغله غرب کلپساسیله شرق



کلباسانی برآشدرمک یعنی پاپانک حکومت روحانیه سی روم ملتی  
افکارنده برآشدرمک اوزره چالشه جغنی متضمن غره غوار نام پاپایه  
مکتوبلریاز مشلردر که اشبو مکتوبلرک اصل نسخند لری لوند رهنک  
قرال کتبخانه سنده الیوم محفوظدر انجق اشو برآشتمک خصوصی  
رهابین متعصبه طرفلوسنه پک آشوری تأثیر ایلدیکندن موئی الیه  
میخال پاله لوغ ایله پاپاسلرارا سنده عداوت دینیه پیدا اولمغله  
فوتند نصکره مینی انداخته وادی نفرت اولسندر که بقیده سی دفتر ثانیده  
محرردر مراجعت بیوریه

بلغار ولایتی که طونه ایله بالقان طاغلری و صربستان ایله قره دکر  
اراسنده واقع منبت و محصولدار بر طاقم اراضیدن عبارتدر که اوراده  
بلغار حکومتی نام وعنوانیه میلاد عیسی علیه السلام یک یوز  
سکسان الی سنه لرنده بر حکومت صغیره تشکیل وودین نام شهری دخی  
کرسیء حکومت اتخاذا ایلیه رک ایکوز سنه قدر ممتد اولوب بش  
حکمدار دخی ظهور ایتشدر که بونلرک ابتداسی قالو پترونا منده  
برکیمسه ایدی یک یوز سکسان الی سنه سی فوت اولدقده برینه  
برنجی ازان نام کیمسه قرال نصب اولمغله طقوز سنه مقداری حکومت  
ایلیوب یک یوز طقسان بش سنه میلادنده فوت اولوب یوانس نام  
کیمسه بلغار قرالی اولدی ایسه ده استان بولده تشکیل قلنان لاتین  
ایمپراطور لرندن بودوآین علیهنه اوله رق سلانیک قرالیه برلشوب  
مخاربه ایدر لر ایکن میلادک یک ایکوز یدی یعنی هجرتک التیوز اوچ  
سنه سنده مجروحاهلاک اولدقده ازان اولک اوغلو اولان ژان ازان  
ثانی و دینده اعلان قرالیت ایدرک یک ایکوز قرق ایکی تاریخنه قدر  
قراللق ایتشدر برینه سیرمایه نام شخص قرال اولمش ایسه ده یلدریم



بايزيد خانك النده مقتول اوله رق بلغار قراللى محو اولوب ممالك  
مخروسه به ضميمه قلنديكه تفصيلي مشار اليهك عهدىنى بيان ايدن  
جزوده باز لمشدر

عصر مذكورده اوروپا قطعه سنده واقع قتلوك مذهبده  
بولنان حكمدارانك مجموعي قتلوك مذهبك حامى حقيقيسى  
عد اولنان پاپانك زير حايه سنده كي ايديلر زير اعهود  
سالفه ده قتلوك ملتلك باش پاپاسى اولان پاپانك بتون قتلوك  
مذهبدارلرينه تاثير نفوذ روحانيه سندن بشقه عموما  
الامانيا الكاسنك اها ليسى كسندوتبعه سى كي اولوب بولنان  
حكمدارلر دخی بياغى كسندوسنك حكومت اجرا يئد مأمورلرى مثالو  
نصبكرده سى مقامنده اوله رق پاپانك اواهرىنى انفاذه بقارلر ايدى  
عصر مذكورده دخی بويله اولمغله هم حكومت روحانيه وهم حكومت  
عرفيه ملكيه پاپانك النده ايدى والتیوز تاريخندن التیوز سكسان  
سنه لرينه دك اون اوچ عدد قاردينال پاپالى مقامنه كسب اتصال  
ايتشلردر كه تفصيلي آتيده ذكر اولنان جدول مخصوصه ده يازلمش  
ايسه ده اراضى مقدسه يه هجوم ايلك واسپانيا طرفلرنده ساكن اولان  
اهل اسلامى يرلرندن تبعيد ايتكى استيان اوچنچي اينوسان ودر دنجى  
قله مان واوتنجى غره غوار اولوب اراضى مقدسه يى اهل اسلام  
الندن المى ايچون بتون اوروپانك قتلوك دولتلرينى تحريك وتشويق  
وترغيب ايدرك بولندقلرى پاپالى مقامنه مناسب تعصب كوسترمك  
ايچون برچوق قان دوكيلوب جان تلف اولمسنه سبب اولوب خلق  
امور اعتقاديه يوانده مشغول ايدرك حكمداران عيسويه اوزرينه  
تماميله حكومت روحانيه سنك دوام قوتى انفاذه چاليشور ايدى



عصر مذکورده فرانسه قرالی ایکنجی قلیب بولوب بو کافلیب  
اوکوست دخی دیرلر که یدنجی اوئیئنگ اوغلو اولوب هجرتک بشیوز  
یتش بش سنه سنده فرانسه ممالکنه پدرند نصکره قرال اولوب  
التیوز یکر می سنه سنه قدر قرق بش سنه حکومت ایلوب مدت  
حکومتده انکلتره لولر ایله محاربه ایدرک غالب اولدقد نصکره اهل  
صلیب ایله دخی ارض فلسطینه کیدوب اوچیوز بیک محارب ایله  
عکا قلعه سنی تسخیر ایلدی بعد الفوت سکرنجی لوئی که شجاعت  
وبهادراخی ملامسه سیله اسلان یورکلودخی دیرلر ایدی پدرینک  
حیاتده التیوز یکر می سنه سی فرانسه یه قرال اولمشدر بردفعه دخی  
لوندیره یه عزیمت ایدرک غلبات کثیره یه نائل اولدقده قرال لغنی اعلان  
ایلدی بعده آوبغون نام شهری محاصره ایدوب پاپانک النیدن  
المق اوزره ایکن برنوع علت مهلاکه ایله خسته لنوب فوت اولغله  
یرینه طقوزنجی لویی هجرتک التیوز یکر می اوچنجی سنه سی  
فرانسه یه قرال اولوب انکلتره لولره غالب اولدقد نصکره  
قروازادله باش اولوب ارض فلسطینه هجوم ایتش ایسه ده  
اهل اسلامک صدمه سنه تحمل ایده میه رک میلادک بیک ایکوز  
قرق درت سنه سی ینه فرانسه یه عودت ایلوب درت سنه  
مرورنده فرانسه ساحلنده واقع اکوس مورتوس نام شهر دن بالذات  
کندوسی و اوچ برادرلری و عیالی و تقریباً بتون فرانسه  
شوالیهلری سفینه لره سوار اولوب دمیاط لیماننه وصول ایله ایرتسی  
سنه یعنی میلادک بیک ایکوز قرق طقوز سنه سی شهر مذکور  
استیلا ایدوب مصره طوغری عزیمت ایلدیله یو حادته مصره منعکس  
اولدقده صالح نجم الدین نام مصر ملکی دخی او توز بشبیک عساکر



تدار کیله مصرک جهت بحر یسندہ واقع منصورہ نام شہرک  
 ساحہ سندہ محاربہ یہ طور وب صواشور لر ایکن فرانسه عسا کری  
 اراسنہ خستہ لک مستولی اولدیغندن بشقہ قرال مومی الیہ و متعلقات  
 واکابرک اکثریسی ہجرتک التیوز قرق یدی سنہ سندہ اسیر  
 اولدقلری زمان دمباط قلعه سنی وسواحلندہ دھا الدقلری شہر لری  
 تمامیلہ مشارالیه صالح نجم الدینہ ترک ایتک واون سنہ مدت ایچون  
 متارکہ اولمق وعہد نامہ لرک مبادلہ اولندیغی ساعتہ ایکوز بیک  
 التون ویرملک شرطلریلہ نفسلرینی قورتار دقدنصرکہ کافہ مطالب  
 ومصالحدہ ملاک صالح ایلہ مصالحہ اولدقدہ ارتق برالشام سواحلندہ  
 برکونہ ایشی وایلبشکی قالدیغندن فرانسه دیارینہ چکیلوب درون  
 فرانسه دہ امور اعتقادیہ بی منکر اولنلرہ رغما کاپسار وخستہ خانہ  
 ومناسترلرہ دائر ابدیہ کثیرہ انشا ایدرک ہجرتک التیوز التمش الی  
 سنہ سندہ دخی مذهب قتولکہ اساس اولق اوزرہ قانوننامہ وضع  
 ایتد کد نصرکہ بلاد اسلامیہ نک غارت وخسارتہ دائر اولان غیرت  
 وارزوسنی اقناع وارضا ایدہ میوب بتکرار دونمائی کثیرہ تدار کیلہ  
 ملوک بنی حفصہ دن تونس ملکی محمد ابن زکریانک عصرندہ  
 التیوز التمش سکن سنہ ہجریہ سندہ تونس وبربرستانی تسخیر ایلک  
 قصدیلہ ولی عہدی اوچنبی فلیب نام اوغلنی دخی استصحاب  
 ایدرک عزیمت ایلوب اثنای حربہ مجروح و بعض روایتہ نظرا  
 اردو سندہ طاعون ظہور ایتککہ ککندوسی دخی مطعونافوت  
 اولدقدہ معینندہ برلکدہ اولان مومی الیہ اوچنبی فلیب سلطان  
 مشارالیه ایلہ اون سنہ مدت ایچون مصالحہ ایدوب فرانسه یہ  
 عودت ابتدیکی اثنادہ اسپانیا مضافاتندن اولان قستل نام الکناک



قرالی بولسان اونچی هانزینک اوسنده عسا کر سوق ایلیوب غالب  
اولدقدنصکره میلادک بیک ایکوز سکسان بش یعنی هجرتک  
التیوز طقسان سنه سنده فوت اولوب یرینه مومی الیهک اوغلو فلیب  
ل بل نام ذات اونیدی یاشنده فرانسه یه قرال اولوب باباسنک  
اراغونلرایله اچدیغی محاربه بی تاراسقون محاربه سبله تکمیل ایلیوب  
اسپانیا قرالغنه ملحق اولان ناوارنام ایالتک سمت شمالیسنی کندو  
حکومتنه ضمیمه ایلد کدنصکره بیوک پدری طقوزنجی لوئینک عهد  
حکومتده انکلتره قرالی برنجی ادواردک فرانسه اوزرینه اولان  
غلباتی کسر ایدرک محارباتک نتیجه سنی قرانمشدر انکلتره ده  
اوچنجی هانزی میلادک بیک ایکوز اون الی یعنی هجرتک التیوز  
اون اوچنجی سنه سی طقوز یاشنده ایکن پدری ژان سن ترک  
وفاتندنصکره قرال نصب اولمش ایسه ده حل وعقد امورده  
قدرتی قاصر اولدیغندن قونت پن بروق نام ذات قراللق وکالتنی  
بالا حرازمشار الیه هانزینک علیهنده بولسان انکلتره بارونلرینی ولوئی ده  
فرانس دنیلان سکرنجی لوئی فرانسه قرالی هانزینک طرفدارلغنه  
دعوت وتقریب ایلدی انجیق مشار الیهک بعض یولسز حرکاتندن ناشی  
انکلتره بارونلری قرال مومی الیهک علیهنه اوله رق عظیم  
محاربه لرایتد کدنصکره لوس نام محله سمجون دومونتغورد نام ذاتک  
همت واقدامیله هجرتک التمش برنجی سنه سی اسیر ومغلوب اولدقد  
اصلزادکان معرفتلیله یکیدن براداره حکومت تشکیل اولوب قراله  
دخی تصدیق وتحسینی حاوی امضا ایتدیر یله رک بو حال ایله  
الی بش سنه قراللق ایلد کدنصکره میلادک بیک ایکوز التمش ایکی  
سنه سنده فوت اولدقد یرینه برنجی ادوارد انکلتره یه قرال نصب



اولنشدركه اشوادوارد اول توارينخ عموميه ده مندرج انكل  
وصاقسون فقره سنده يازيلان صاقسونلرك نسلندن كلان ادوارد  
اويلوب تورماندرك طبقه سندن اوله رق انكلتره ده حكومت ايدن  
ادوارد اسملو قرالرك ابتدا سيدر مومي اليه پدريتك وفاتي سنه سي  
اوتوز ايكي ياشنده بولنديغي حالده انكلتره قرالليغي تاجنه بالاستقلال  
وارث اولدقد نصكره اهل صلييك سكرنجي اتعاقلرنده برايكده بولنوب  
بعده كندودولته وملته خيراو وجهله نظامات وضع ايليه رك  
محكمه لره وامور ماليه يه دائر خيلي اصلا حاته موفق اولدي كذلك  
پارلمنتو مجلسلريني كشاد ايله معاملات ناسي سربستيت محدوده تحتنه  
وحكومتی دخی دائرة استقلاله ادخال ايلدي ووكلاي ملت مجلسني  
ابتدا قرال مومي اليه اختراع ايلوب بعده غال نام الكابي علي الغفله  
اسنيلا وخلق سربستيت وشجاعته تشويق واغرا ايليان كساني  
قتل واعدام ايلدي بواثاده اسقوجيا حكمداري اسكندر فوت اولغله  
مقام حكومته طالب اولنرك تعيين وانتخابي ماده سي دخی كندويه  
حواله اولنديغندن بايول نام ذاتي اسقوجيا حكمدار لغنه تعيين ايتك  
وسيله سيلاه از مدت مرورنده اسقوجيايي انكلتره حكومته الحاق  
وضممه ايلدي بوار القده بتكرار فرانسه لولر ايله بر محاربه اچيلوب  
در حال فلاندر الكاسنه شتاب ايدرك فرانسه قرالي فليب بل ايله  
محاربه يه منتظر اولديغي زمان اسقوجيا ده يكي دن زور بالق  
ظهوري خبر و يرلد يكندن فرانسه لولر ايله ايكي سنه ايجون متاركه يه  
معاهده اولنوب كندوسي اسقوجيا طرفنه عودت ايلدي فالقريق  
نام محلامه اسقوجيا لولر ايله پك شديد بر محاربه ايدرك غالب اولدقه  
شدته درون الكايه هجوم ايلوب نهب وغارتة رخصت ويرديكندن



بیچاره اسقوچیا لوله عظیم خسارت ایتدی بعده فرانسه لولر ایله  
دخی تجدید معاهده ایلوب مارغربت نام پرنسیسی تزوج ایتسیله  
فرانسه ایله انکلتزه حکمدار لغتری یکی باشند کسب مناسبت و قرابت  
ایلمشدر که تفصیلی کتاب تالاشده یازلمشدر

بوهمایا قرالی وانسللاس ثالث اولوب میلادک بیک ایکوز بش یعنی  
هجرتک التیوز سنه سی صندالی قرالیه چیقوب یکرمی بش سنه  
مرورنده طائفه مغولک مورایه ایالتنه قدر هجوم و تخریبلرند نصکره  
ایکنجی اوسقار یا خود اوتوقار غالب که وانسللاسی نام قرالک جانشینی  
اولوب اوستریا ایالتی میلادک بیک ایکوزالی اوچ یعنی هجرتک  
التیوزالی برنجی سنه سنده کندو حکومتی اولان بوهمایا ضمیمه  
ایلیوب کذلک میلادک بیک ایکوزالی درت تاریخنده دخی پروسیالولر ایله  
محاربه ایدرک تسخیر ایلدی بعده الامانیا ایمپراطوری رودولف ایله  
بیک ایکوزیمشیدی سنه میلادیه سنده محارب اولوب اوستریا  
شهرلرندن لاوناام شهرک قربنده مغلوب اوله رق مدت حیاتی تکمیل  
اولمشدر

عصر مذکورده الامانیا ایمپراطوری دخی ایکنجی فره در یقدر که  
میلادک بیک ایکوزاون ایکی یعنی هجرتک التیوزاون تاریخنده  
ایمپراطورلق مسندینه صعود ایدوب اینوسان ثالث نام پاپانک حایه سیله  
رقباسنه غالب اولدقد نصکره التیوز یکرمی بش سنه سنده دخی  
اهل صلیبه باش اوله رق اراضی مقدسه یی ونفس قدس شهرینی  
سلطان ملک الکامل الندن تسخیر ایلوب سچلیا قرالغی مثللو قدس  
قرالغی دخی ضمیمه عنوان ایدوب بعده پادو واده بردار الفنون انشاسنه  
مبادرت ایله صنایع ناز که و ممدوحه یی ایلرولتمکه چالشدیغی حالده



میلادك ييك ايكبوزالى سنه سنه فوت اولوب يرينه دردنجى  
قونزاد الامانیا امپراطورى اولمشدر

مجار ممالكى بواشارده راحت اوزره بولنوب قراللى اولان ايكبى  
اندره ميلادك ييك ايكبوز بش سنه سنه سنه الى قراليتيه صعود  
ايدرك ييك ايكبوز اون يدى يعنى هجرتك التيوز اون درت سنه سنه  
قدس طرفه كيدرك بهادرلغى مشهور اولدقدنصكره بشنجى سنه مجار  
ممالكنه عودت ايدرك ميلادك ييك ايكبوز اوتوز بش تار يخننده  
فوت اولوب يرينه دردنجى ولاد سلاس دنيلان اوغلو صعود ايدوب  
هجرتك التيوز اوتوز برسنه سى حوالى مذكوره بى جنكيز خانك  
ولاددن اوله رق اسيا قطعه سنك پادشاهى اولان اوقتاى خان  
كندوسنك برادرزاده سى بولنان باتوان جوجى خانى امير كبير نصب  
ايدوب اوغلو كبوك خانى دخى معيئنه ترفيق ايدرك التيوز اوتوز  
اوچ سنه سى دشت قچاق طرفدن روسيه ممالكنه يور ويوب  
اورالى تسخير ايله روس بكلىنى دائرة اطاعته ادخال ايلد كدنصكره  
اورو پا قطعه سنه دخى شراره فتنه تاتار سرايت ايدوب موسقونام شهرى  
ياقوب و ياقوب اورادن دخى سيل انشين كى لهستان اورمانلىنى  
اتشه ويره رك شهر لرينه اقينلر ايتد كدنصكره مجارستانه كچوب  
خراب و يغما ايلدكلرى زمان مجار قرالى بولنان سالف الذكرو لاد سلاس  
دالماسيه طرفلرينه فرار ايله قرار ايتش ايدى بعده اطرافدن اعانه ايله  
اعاده حكومته قادر اولمش ايسه ده ييك ايكبوز يتش تار يخننده بودخى  
فوت اوله رق يرينه استغان رابع مجار قرالى اولوب بوهميا قرالى  
اوتوقار ايله محاربه ايدرك غالب اولدقدنصكره ايكى سنه مى ورنده  
فوت اولوب ييك ايكبوز يتش ايكى يعنى هجرتك التيوز يتش سنه سنه



دردنچی لادسلاس وارا دین نام شهرده مجار قرالی نصب اولنوب  
بعده الامانیا ایمپراطوری بولنان مومی الیه رودولفه موافقت و تبعیت  
ایلمشدر له ممالکی دخی میلادک بیک ایکوز قرق تارینخنده یعنی  
هجر تک التیوز اوتوز سکر سنه سنه پنجه تاتار مغوله کچوب  
الی سنه قدر خانان جنکیزیه نک ظلی التنده ویران اولمش ایسه ده  
لهلورک من القدیم باعث افتخار لری اولان شجاعت و یرار لقلری  
ملا بسه سیله بالتدریج کندولرینی پنجه تاتاردن تخلص ایتکله  
برابر مجار الکا سیله پروسیا قطع سنک برطرفی قبضه تسخیره  
الوب بحر بالطقدن بحر سیاهه قدر حکم ایدرلر ایدی

وندیک جمهوریتنه ملحق اولان ممالک برطاقم اغفالات و افسادات ایله  
قاریشق اولوب یعنی هم مذهبری اولان لاتین ملتدن استانبولده  
تشکل ایلیان شرق ایمپراطورلغنک الی والتمش سنه مرورنده یعنی  
میلادک بیک ایکوز سکسان سنه لرنده اناطولیده واقع ازتیق نام شهره فرار  
ایتمش اولان روم ایمپراطورلرینک بتکرار دست تصرفه یکدیکنه  
دائر فرنگلار اسنده خیلی قبل وقال اولدی زیراروملرک حکمنده بولنان  
شرق ایمپراطورلغی فرنگلرک الارینه نقل ایلدیکی زمان اق دکرده واقع  
اطه لک اکثریسی وندیکلور کندولرینه حق سکوت اولق اوزره قاپوب  
بحر سفیدک تجارت بحریه سنی وندیک باندره سنه حصر و قصر ایلمش لرایدی  
بناء علیه شرق ایمپراطورلغنک بتکرار خاندان سابقه اعطا و تسلیم  
اولمسی وندیکلورک هیچ ایشلرینه الویرمز ایدی لکن بتون بتون  
مخالفت ایدوب پروتسته ایتک دخی روملرک تهیج عرق خصوصت لرینه  
باعث اوله جغندن جمهور مذکورک اکابر و اعیانی بالاتفاق قره  
دونیق نام شخصی بیک ایکوز سکسان طقوز سنه میلادی سنه



وندیک دوقه لغه انتخاب ایدوب مذکورک افکار صائبه سیه فسادات  
داخلیه برطرف اولشدر که بونک بقیه سی کتاب ثانیده یازمشدر  
ناپولی و سچلیا قرالی بولان شارلی انچونام ذات که سالف البیان  
فرانسه قرالی طقوزنجی اوئیک برادری و سکزنجی لوئیک اوغلی  
اولوب بالاده روایت قلندیغی اوزره بودخی برادرند نصکره هجرتک  
التیوز قرق سکزنده مصره کیدوب سلاطین اترک ایویه دن  
توران شاهله محاربه ایدرک مغلوب اولدقد نصکره بتکر اراهل صلیبک  
اراضی مقدسه یه سکزنجی دفعه اولان هجوملرند بولان غره غوارنام  
پایه رفاقت ایدوب ارض فلسطینه کتمش ایسه ده تسخیره ظفریاب  
اوله میوب مأیوسا عودت ایلدیکندن بشقه قدس قرالغیک الغاسی  
اوزرینه مصالحه ایتدکلرندن قروازاد طاقده یالکز قبریس قرالغی  
قالمش ایدی که تفصیلی زیزده نقل اولمشدر مر اجعت بیوریه

ایمدی اهل صلیبک اراضی مقدسه و بریه الشامده تشکیلنه ساعی  
اولدقلری قدس قرالغی طوتدیره میه رق مأیوس اولدقلرند  
انکلتره قرالی اسلان یورکلو تعبیر اولان ریشادر قبریس اطه سنک  
حکومتی قراللق عنوانیه اک صکره کی قدس قرالی بولان لوز یغنانه که  
قبریس اطه سنده احداث اولان قراللرک ابتداسی اولوب میلادک  
یک یوز طقسان ایکی سنه سنده مارالبیان لوز یغنان آموری نام  
قدس قرالک قزینی میلادک یک یوز طقسان یدی سنه سنده کندویه  
عقدونکاح ایلوب بعده طبریه اوزرینه هجوم ایلدکده صلاح الدین  
یوسف ایله محاربه ایدرک مغلوب واسیر اولوب قدس قرالغیک عنوانندن  
صرف نظرایتمک ویوزاللی بیک التون ویرمک و اهل اسلامدن اسیر  
اولنلرک مجموعنی صلاح الدین یوسفه تسلیم ایتمک شرطیه کندوسی



اسيرلك قيدندن خلاص اولوب قبريس اطه سيدخي عصرمذ كوردن  
 اولجه يعنى هجرتك بشيوز سكسان سنه لرندە ذكر اولنان انكلتره  
 قرالى اسلان يوركور يشاردك ثمره فتي اولغله اهل صليبيك طبريه  
 مغلويدندن صكره اسير اولوبده شرائط محرره مذ كوره ايله خلاص  
 اولان سالف الذ كر لوز يغسانه قبريس حكومتني قراللق عنوانيله  
 اعطا ايلدى كه بو وقعه هجرتك بشيوز سكسان ايله التيوز ارا سنده  
 اولمشدر ايمدى قرال مذ كورك نسلندن اولق اوزره هجرتك  
 بشيوز طقسان سنه سنده آموري وبشيوز طقسان ايكي سنه سنده  
 برنجي او كوست والتيوز اون بش تاريخنده برنجي هانري والتيوز  
 الي بر تاريخنده ايكنجي او كوست والتيوز التمش بش تاريخنده اوچنجي  
 او كوست والتيوز سكسان اوچ تاريخنده برنجي ژان والتيوز سكسان  
 درت سنه سنده ايكنجي هانري قبريس قرالى بولنوب بونلرك  
 هر برلرينك زمانلريني يازمق عاد تا قبريس تارنجي يازمق كي مشكل  
 اولديغندن بشقه صدد اصليدن دخي چيقيمق ديمك اولغله  
 تفصيلاتندن بوراده شمديلك سكوت اولنوب انشاء الله تعالى اون  
 ايكنجي جلد اعتبار اولنان سلطان سليم ثاني عصرنده قبريس فتي  
 وسيله سيله تفصيل اولنه جقدر هر اجعت اولنه

كريد اطه سيدخي بشيوز طقسان بش سنه لرينه دك اهل اسلامدن  
 اولان عربلرك يعنى بربرستان اها ليسنك النده ايدى بعده استانبولي  
 استيلا ايدن لائينلرك برفرقه سيدخي جزيره مذ كوره يي اهل اسلام  
 الندن الديلركه بونلره بزم تاريخلرده جنويزلر دينور مالطه اطه سيدخي طبقه  
 فاطميه طاقدن اولان حكومت مصر به النده ايكن اهل صليبيك اتفاق ايله  
 هجوملري اثاسنده اورالري عربلرك حكملرندن چيقوب ارض فلسطينه



کتمکه حاضرلن اهل صلیبدن بفرقه متعصبه نک زیر تصرفند  
 قالمش ایدی الحاصل اهل اسلام النده بولنان ممالککه هم حدود اولان  
 اسپانیافرانسه وناپولی ووندیک وکوچک اسپانیلان اناطولی  
 سمندره کی روملرایله نفس روم ایلی طرفنده بولنان اقوام وقبائل  
 والحاصل مجموع دول عبسویه نک اقدام افکاری حکومت اسلامیہ نک  
 کندودیارلرینی استیلا ایتمسندن محافظه ایله برابرقریم طرفندن درون  
 اوروپایه تجاوزایلان خانان جنکیزیه دن جوجی خانک پنجه  
 ظلمندن دخی احتراز اوزره اولورلرایدی زیرا (روسیه) (له)  
 (مجار) (صرب) (بلغار) (بوسنه) ممالکنه قدر اقیقلرایدوب  
 نهب و غارات ایلد کارندن بتون اوروپا اهل بسنی خوف و حیرت  
 استیلا ایتشیدی ممالک شمالیه ده بولنان روسیه لولر عصر مذکورده  
 هر قدر تمدن و تربیه تحتنه کر مامشلرایسه ده بحر بالطق ملا بسه سیله  
 اسوجلولرایله حرب و قتال دن خالی اولوب تاریخ مذکورده دخی  
 روسیه ده مقام حکمداریده دیمتری یوس نامیله برپرس اولوب لکن  
 اوروپالولرک اراسنده داهانفوذینک تأثیری بشلامامش ایدی  
 آمادرون ممالکده بولنان بکراده لر حرص و اقبال ملا بسه سیله  
 یکدیگری چکه میوب ینلرنده فترت و اختلال واریکن میلادک ینک  
 ایکوزیکرمی درت یعنی هجرتک التیوزیکرمی برسنه سنده جنکیز  
 خانک اولادندن جوجی خانک هجومیله روسیه ممالکی نهب و غارات  
 وروس طائفه سی دخی کرتارقیدرقت اولمشلرایدی روسیه لولرک  
 تاتارلره اولان مغلوبیتی تیمور ظهورینه دک سور مشدرکه تفصیلی  
 یلدریم یازید خانک وقایع داخلیه سنی شامل اولان کتاب خامسک  
 معاصرلر فصلنده بیان اولنان تیمورک حوادث مخصوصه سی اراسنده



یازلمشدر میلادك ييك ايكوزدرت سنه سنه یعنی هجرتك التیوز  
سنه لری اثنا سنه فرنسکرا ستانبولی اسنیلا ایلدیکی وقت قسطنطنیه ده  
بولسان روم ایمپراطور لری اناطولی سمته فرار ایلسدکاری زمانه  
خاندان ایمپراطور یدن الکسبس قوم نن نام ایمپراطور زاده دخی  
سینوب جهتندن کچه رك طر بزون الکاسنه نقل ایدوب اوراده  
(امیر طر بزون) عنوانیه بر حکومت جدیده احداث ایتشد که بوکابك  
حاوی اولدیغی التمش سنه مدته اولا الکسی بعده ژآن بعده  
مانویل بعده ایکنجی اندریا بعده جورجی بعده ایکنجی ژآن  
نامیه یدی عدد ایمپراطور کلشدر که بونک تفصیلی وایضاحی وبقیه سی  
ایکنجی جلدك یعنی سلطان عثمان غازیك زمانیه معا صر اولنلرك  
اراسنده یازلمشدر هر اجعت بیوریه

❦ ❦ ❦ فصل ثالث ❦ ❦ ❦

غازی ارطغرل حضر تلرینك ابتدا ممالك رومه کلوب توطن ایلدیکی  
زماندن وفاتلرینه قدر کذران ایدن وقایعك بیاننده در

اشته عهد مذ کورده عالمك احوال حاضر سی بالاده ذکر اولندیغی اوزره  
انواع فسادات ایله قاریشق اولوب جنك وجدال هر ملت ودولتك  
پولتیقه سنك دوام وبقا سنه اساس اولدیغندن بشقه جنکیر فتنه انکیرك  
شراره شرلرندن شرقدن غریبه و شمالدن جنوبه طوغر و فوج فوج  
مهاجرت اقوام واقع اولمقده ایدی حتی اجداد آل عثمانك خوارزم  
طرفندن ارض روم حواله سنه تبدیل وطن ایلدکارینك سببی دخی  
جنکیر خانك ممالك مغولدن خروج ایدرك بلخ و بخارا یی و خوارزم  
طرفلرینی هجوم ایله غارت ایلدکاری اولوب انك دخی یعنی جنکیرك دخی  
هجوم و ظهورینه خوارزم شاهی دنبیلان سلطان محمد قطب الدینك  
عصر مذ کورده آل عباسدن خلیفه اسلام اولان ناصر دین الله



ابوالعباس احمد ابن المستضى به مذهب دعواسندن طولاني عصيان  
و مخالفتي باعث اولمشدر شويله كه سلطان قطب الدين خليفه  
عباسي به رغما اجله سادات علويه دن سيد علاء الملك ترمدي به  
بيعت ايدرك او چيوز بيك سوار نيزه دار ايله عزم دار السلام ايلد كده  
خليفه مشار ايله دخي مقابله سنه عسكر سوقيله برابر شخص چالاك  
تدارك و باشني تراش ايدرك ايكنه ايله سلطان قطب الدين اخذ  
انتقام ايچون شخص مذكورك باشنه دعوتنامه يازوب اوزرينه قره  
بو يادوكد كد نصكره ايكي هفته قدر توقيف ايله باشنده قيلاري چيقوب  
كورنمز مرتبه به كلد كده جنكيز خان طرفنه ارسال ايتملردر  
جنكيز خان دخي قضيه دن خيروا كاه اولدقد نصكره خوارزم  
حدودنده بر تجارت دعواسني وسيله ايدرك درون اسيايه هجوم ايلوب  
ممالك معموره به جراد قضا كي منتشر اولديلر هر قدر بو وقعه نك  
ذكرى بوراده مناسب دكل كي ظن اولنور ايسه ده دولت عاليه نك  
ظهورينه فصل سبيلك اعانه ايلديكني يازمق التزام ايلد يكمز  
اصول ايجابندن اولغله اشارت اولندي خلاصه كلام جنكيزك  
خروجي هجرتك التيوز اون درت و اون بش سنه لنده اولمش ايسه ده  
ممالك معموره بي سهولتله خراب ايديشنده قزانديغي جهانكيرلك  
شهرتي خيالنده قالمش اولديغندن بشقه عساكر مغول دخي  
چاپوله آلمش اولدقلرندن اوچ سنه هرورنده بتكرار خيمه نشين  
اولدقلري قره قريم نام محلدن حركت ايدرك نهر آمو  
ديدكلري جيحون نهريني كچوب خوارزم و حيوة نوا حبسنه سيل كي  
اقدقلري زمان سليمان شاه دخي كند و قالمسا و متعلقاتي والي بيك  
قدر قونزو كوچر توابع و منسوباتي ايله خوارزمندن هجرتك التيوز

ترجمه بخاراده بر شهرك اسيد

قره قريم بو كا بعضيلر قره قوم دخي  
دولت مغولستانده واقع بر شهر در كه  
جنكيز خانك مقر اقامتي ايدى



اونیدی سنه سی رحلت ایدرک ایران حواله سنه کلمش لرایسه ده هجوم  
 تاتار دن و کثرت دواب و خبول ایله اورالرده دخی تعیش ایدمهیه جکلری  
 مطالعہ ایتکلہ ارمنستان کبراده سمیرامبس دید کلری  
 عاسور قرالچہ سنک بنا ایلدیکی وان نام شهره منسوب اولان  
 بحیره نک ساحل جنوبنده واقع اخلاط دید کلری قضا فضا سنه  
 خیمه اقامتی قوروب طورمش ویدی سنه مقداری اورالرده یایلوب  
 او طورمش ایدی که شهر مذکور بتلبس نام شهر جسیم و قدیمک قربنده  
 اولوب فی الاصل ارمنی پادشاهلرینک مقر حکومتلری ایکن صکره لری  
 خراب اولمشدر بتلبس شهر دخی بحیره مذکور نک قربنده بولنوب  
 ما کدونیا پادشاهی فلیبوسک اوغلو مشهور بیوک اسکندرک عجم  
 شاهی دارا ایله محاربه یه عزیمت ایلدیکی وقت بنا کرده سی اولوب  
 اسکندرک شهر بابلسده فوتندن صکره فتح ایلدیکی الکا وایالاتک  
 امراسی بینارنده تقسیم اولندیغی صروده وان ونخجوان حواله سی دخی  
 ارمنیلرک حکمنه کچوب بعده کرد امراسندن بعض متغلبه یه نقل  
 ایلش ایدی که بونلرک تفصیلی قرون اولی وقرون وسطی تاریخلرنده  
 یازلمشدر مر اجعت بیوریلہ فقط بزم بوکابده بیانی صد دنده اولدیغمن  
 سلیمان شاه اخلاطه قوندیغی زمان بتلبس دخی ارمنیلر حکمنده  
 اولدیغندن اکراد وارمن ایلہ اخلاطده اختلاط ایدمه یوب و ظلم تاتار  
 ملا بسه سیله دیار لرینه دخی کیده میوب بالضروره کندولرینه مناسب  
 واهون اراضی ارامق و بلکه عربستان چوللرینه چکلیمک بهانه سیله  
 اسکندر مشهورک نيسه فور یوم نامیله نهر فرائک کارنده پنا ایلدیکی  
 شهر قدیم که ظهور اسلامیه دن صکره براز و قتل مرورنده  
 هارون الرشیدک دخی اقامتگاه ی اولان رقه نام شهرک مضافاتندن اولان



جعبر معبری قربنده نهر فراقی عبور ایدر کن سلیمان شاهک بندیکی  
 آت یوار لمغله شاه مشار الیه صویک اقدیسنه مقاومت ایده میوب  
 وایاغنی دخی اوزنکیدن قورتاره مدیغندن غرقه غریق بحر رحمت  
 اولدقدنصکره جسدی نهرک برکارینه ایشمکله چیقاربلوب اوراده  
 دفن اولندیغنی جهتله الیوم قبرمذ کوره مزار ترک دیرلر انجیق مشار الیهک  
 وفاتی اوغلاری و سائر منسوباتی اراسنده باعث پریشانی اولمقدن ناشی  
 جمله سی متفرق وپراکنده اوله رق اولادینک ایکبسی وطنلرینی  
 اوزلیوب جزره و بغداد طریقله لورستان و اصفهان اوزرندن  
 طولاشوب حدود ماوراءنهره طوغری چکیلوب کتدیلر ایسه ده نام  
 و نشانلری بلور میوب محو اولدیلر فقط دوندان نام برادری ایله  
 ارطغرل غازی یه درتوز قدر فاسلیارفاقت ایدرک وطنلری طرفنه  
 عودته راضی اولوب اورفه یولیه قرهجه طاغلری کچوب دیار بکر  
 قربندن نهر فراقی بتکراراشوب ارض روم سمترلینه یقین پاسین علیا  
 اواسنده سورملو چقوری نام محله اختیار مسکن ایلدیلر ایسه ده  
 لشکرتاتاروان و موش سمترلندن یورو یوب اول دیارلر بدخی یغما و غارت  
 ایتدکلری خبری ارطغرل غازی و برادری میردونداره و کندوسنه  
 یاروفادار اولان سائر سرکرده قبالله واصل اولدقده حوالی  
 مذکوره ده دخی اوطور مغه قدرتلری قالدیغندن جمله اتفاقیه  
 سورملو چقورندن حرکت ایدوب آل سلچوقک زیر حکمنده بولنان  
 ممالکده یایلاق و قشلاقلری طولاشه رق کوسه طاغنی ایله الاطاغلری  
 اشه رق سیواس قربنده واقع بر صحرای جسمیک کارینه قوندیلر که  
 اوراده سلطان علاءالدین کیقباد سلچوقینک عسا کر یله چیرماغون  
 نوین ایله بایجوبک خانک قوماندانرنده اوله رق مغول تاتارلری لشکرندن



عبارت ایکی عظیم اردو بر برینه قارشو طور یشوب محاربه ایدر لر ایدی  
 انجق سلطان علاء الدینک عساکری هر نقدر او عصرده مشهور  
 اولان امیر کمال الدین کامیار و امیر مبارز الدین چاولی بک کی ایکی  
 جنکاور ذاتلرک قومانداسی التنده ایسه زرده تاتارک کثرتی و سبکبارلغی  
 جهتیله لشکر اتراکک اوزرینه شدتله صولتی ملا بسه سیله سلطان  
 علاء الدین طرفلوسی بوزلغیه و بلکه یرلرندن طاغیلوب چوزلمکه  
 یوز دوندرمش اولدقاری مشارالیه ارطغرل غازینک معلوم و مشهودی  
 اولیجق قنغی طرفه ملحق اولمق ایجاب ایدر دیو معیننده بولسان  
 متعینان قبیلہ دن یعنی قهرمان و مبارز معنا سنه دلالت ایدن الپردن  
 اولا برادری دوندار غازی یه وانججه قوجه و قو کور الپ و طور غود  
 الپ و ایغود الپ و حسن الپ و صمصه چاوش و برادری صومکش  
 و صولامش چاوش و عبدالرحمن غازی واق باش محمود الپ و قره مرسل  
 و قره تکین و شیخ محمود و طارغال نام جنک آورلرہ صور دقده هر بریسی  
 طرف غالبه ملحق اولوب مکر و شرنندن خلاص اولمق خیرلوا ایدوکنی  
 خبر و یرمشلر ایسه ده غازی مشارالیه هجرم تاتار سیبیلہ مسکن  
 و مأوا سنی خوارزمیلرہ براقش و توطن ایتک اوزره آسیانک اکثر  
 السکاسنی طولاشمش واک صکره بلاد رومی ملجاء اتخاذا ایدوب کیرمش  
 اولدیغندن تاتاردن اخذ انتقام قصد ایدرک غالبک احتیاجی یوقدر  
 طرف مغلوبه اعانه ایلک شجاعت و یرارلغیه هر حالده لایقدر دیرک  
 ال سلچوقک اجدادی ایله کندو اجدادی برخاندانندن و براقلیمدن  
 نشأت ایتمش اولدیغندن بشقه مغول عسکرلری سلطان علاء الدینه  
 غلبه دن صکره اطرافه چاپول ایچون طاغیلوب کندو هوالرنده غافل  
 ایکن هماندم غازی ارطغرل عساکر تاتاره قارشو هجوم ایچون کندو



معيشه بولسان برادری دونداره طوغرول دیو امر ایدوب درحال  
 درتیوز الی قدر شجاعان دلاوران ایله براغوردن تیرورماچی اته رق  
 و دشمن تاتار مغولك ایتدکلرینی تیغ و سنان ایله باشلرینه قاقه رق  
 برکاردن علی الغفله کیریشدکلرنده جنکیر یانک حاللری فنا لشوب  
 میدان و غاده لذت حیات و استراحتی طاطار برتاتار قالمیوب اکثریسی  
 تارمار و برازی دخی جای نجات و سلامت فرار ایلدیلر چونکه  
 ممالک رومک حکمداری اولان سلطان علاء الدین سلجوقی یه  
 من غیر مأمول بوامداد نا که ظهورک ظهوری منعکس اولدقده  
 ارطغرل غازی یه زیاده اکرام و برثوب فاخر ارسال و انعام ایدرک  
 کند و سنک ممنون اولدیغنی بو وسیله ایله افهام ایلدی مشارالیه ارطغرل  
 غازی دخی کندویه هوادار اولان سالف الذکر یاران و شجاعان ایله  
 چکیلوب انقره قر بنده واقع قره طاغلر اراسنده اختیار مسکن ایلدی که  
 بو وقعه هجرتک التیوز یکرمی سکر سنده اولمش ایدی بزم تاریخلرده  
 محاربه مذکوریه بی سلطان علاء الدین سلجوقی ارطغرل  
 غازینک جسارتی سایه سنده قرانمشدر دیرلر مع هذا که درتیوز  
 الی سواری ایله قرق الی ییک مقداری مغول تاتاری اراسنه  
 کیره رک محاربه بی قرانندی دیمک ایکی قوت متقابلیه بی موازنه  
 و مقایسه ایتدکسزین اچبقدن اچیغه مداهنه یولنی طوتمقد هر نقدر  
 (کم من فئة قليلة غلبت فئة كثيرة باذن الله) آیت باهر البشارتی اوزره  
 قوت قلیله ایله جمعیت کثیره یه غلبه مبسر اوله جغنی ظاهر ایسه ده  
 هیچ اولماز ایسه ایکی قوت متقابلیه نک ارالرنده برنسبت قریبه بولمنسی  
 همه حال لازم کلور ایدی کرچه صدر اسلامده واقع اولان غزوات  
 و محارباتده مجاهدین دین قلیل اولوب حتی عهد خلافت حضرت



فاروقده عساكر ساسانيه يوز اوتوزيك نفوس ايكن غزاة موحدين  
 انجق قرق بيكه بالغ اولوب كذاك امرای امويه زمانلرده روملرایله اولان  
 محاربه لك برنده عساكر اعدا درتوز بيكه قریب ولشكر اسلام  
 دخي الشمس بيكي متجاوز ایدی یونلر بادی نظرده هر نقدر غلبه  
 ایده مزلكی ظن اولنور ایسه ده (الحرب خدعة) قاعدة مرعبه سنجه  
 قرق بيك نفوسك يوز اوتوز بيكه غلبه والشمس بيك لشكر  
 درتوز بيك عسكری اشغال و پریشان ایتسی نمکندر که بود عوایی  
 اثبات ایتکه (دسایس حریه) نام کابك حکایه لری کافیدر لکن  
 قرق الی بيك سوارى بی درتوز الی سوارینك میدانده بوزمسی  
 شویله طورسون اشغال ایتسی بیله مشکدر انجق بونی ایراد و بیاندن  
 مراد غازیء مشارالیهك غیرت و همتی و شجاعت و جسارتك  
 فائده سی اولدی ديمك اولیوب بلکه سلطان علاء الدین ایله مغول  
 امراسنك اراسنده عقد اولنان صلحك سرعت و تعجیلنه سبب اولدیغی  
 جهتله تقدیر و تحسین اولمغه شایاندر اگر مغول عساكری درت  
 و بشیوز سوارى هجومك مغلوبی اوله جق مرتبه ده فئه قلیله ایسه  
 ایکبوز سنه لك قوجه بردولت سلجوقیه او یله بر جمعیت جزیه نك  
 زبونی اولسی لازم کلور بوا یسه هم قانون دولت و سلطنتك خارجنده  
 وهم اجنبی ممالکنى استیلا ایتکه موقوف اولان قوت عظیمهك  
 لزومه مخالفدر و اگر هر یرده معلوم اولان قاعدة کلیه یه موافق  
 اوله رق دولت سلجوقیه نك مقاومت و مدافعه ایده میه جکی  
 صورتده قوتلو جمعیت کثیره دن عبارت ایسه ذکر اولنان ظفر  
 و غالبیتی بشیوز سوارینك هجوملرینه حصر و تخصیص ایتك یسانی  
 صدنده اولدقاری وقعه ناز که بی محاکمه سز براققدر حالبوکه

کتاب مذکور امرای عسکر به دین  
 بزرگ معارف سیماتک ترجمه سیدر



خداوند کار غازی نیک امر اسندن دفتر دار جعفر بکک او غلو طرفند  
 یازیلان ال سلجوق تاریخنده و قعه مذ کوره نیک تفصیلی و سبیلری بشقه  
 یولده بیان اولمشدر فقط مشار الیه سلطان علاء الدین صدمات مغوله  
 مغلوب اولدقده استنلدیکی وجهله صلحه طالب اولدیغندن علمادن  
 قاضی فخر الدین و امرادن صاحب مذهب الدین نام ذاتلری مغان  
 صحر اسنده خیمه نشین اولان مغول سر عسکر کیری بایجو خان بک  
 حضورینه صلح رجاسی ضمنده کوندرمک اوزره ایتدا ایکنجی  
 سر عسکر اولان امیر چیرماعون طرفنه مومی ایهمایی ارسال  
 ایتشدر که بونک تفصیلی یوقاروده کچمشدر و الحاصل غازی  
 مشار الیه کندوتوا بعاتیله برقاچ ای حوالی مذ کوره ده طور وب  
 اساس اقامتی قورمش ایسه ده مغول امر اسیله نسبت ایده میه جکی  
 واورالده کندو هواسنه تابع اوله رق استدیکی کبی اوتوره میه جگی  
 جهتله دولت سلجوقیه پادشاهی مشار الیه سلطان علاء الدین  
 حضرتلرینک ملکنده اولان امراسی سلکنده بولمق اوزره  
 رسما یورد و او جاق استد عاسی ضمنده صارو باتی نام او غلنی که  
 ساو جی بک دخی دیرلرایدی برقاچ قطار قاطریو کیله تحف قالیچه و برسوری  
 قیون هدیه سبله کرسی حکومت اولان قونیه شهرینه ارسال ایلدی  
 ایمدی مومی الیه ساو جی بک ارطغرل غازی طرفندن اوله رق درگاه  
 سلطان سلجوقه واصل اولوب تقدیم هدایا ایلد کد نصرکه ممالک  
 سلجوقیه نیک مراد ایلدیکی محلنده اقامت ایتسنه طرف سلطانیدن  
 رخصت بیورلمش اولمغله التیوزیکرمی سکزن تاریخنده و علاء الدین  
 مشار الیهک و اخر سلطنتنده طومانچ طاغلری یا یلاق و قشلاق  
 اولق اوزره قره جه شهر و سکود حوالیسی تعیین و تخصیص اولمش ایدی



هرتقدر اورالری روملرک النده ايسه ده سلاطين سلچوقيه نك دخي  
امر و حکملری جاری اولدیغندن ناشی سکودنوا حبسنده اقامت  
محلی کوسترمش ایدی که حوالی مذ کوره کوتاهیسه ایله بروسه  
اراسنده واقع اولمشدر ایمدی سکود قصبه سی صفاریه نهرینه  
ازاوزاق اولوب سکود طاغی کنارنده اوایه قارشو انا جلق اراسنده  
برکوزل قصبه درغازی ارطغرل بك قصبه مذ کوره یه سلطان  
مشار الیهك اشارت و تعیینی موجنبجه نقل دواب وخیول ایله نزول  
ایدوب یرلشمك و قیونلرینی طاغله و طوارلرینی اوالره صالوب  
کندولری دخی صفاریه صوی کنارنده راحت ایتك اوزره ایدی  
کنه الاخبارك اخباری و روضه الابراك اشعاری و کتاب لاریده  
جاری اولدیغی وجهله او ائالرده برکون کویلی طیولا شمعغه چیقوب  
اخشام اولنججه ایت برونی نام کویده برامامك خانه سنده قالمغه  
رغبت کوسترمش ایدی امام مذ کوردخی غازی مشار الیهی اکرآمده  
اهتمام ایتد کدنصرکه پنجره نك اوزرنده مصحف شریف اولوب  
حرمت اولمنسني افاده ایلد کده مشار الیهك هرتقدر صلابت دینه سی  
وار ايسه ده اوقویوب یازمقدن نصیب و حصه سی اولدیغی مثللو  
مصحف شریفك دخی نه ديمك اولدیغنی بیلمدیکندن رعایت قلمنسنه  
دائر نیچون اخطار اولندی دیو امام مومی الیهه سؤال ایلوب سیننه  
تحصیل و قوف ایلد کده تعظیمده قصور ایتدی توارینخ عثمانیه ده  
علی الاتفاق بیان اولندیغی اوزره کیجه اولوب هرکس یرلو یرینه  
کیدنجه غازی مشار الیه صاف القلب و امی اولدیغندن صباحه قدر  
مصحف شریفه قارشو قیام ایدوب طوردی و صباح اولنججه براز  
اویقویه وارد قدده رؤیا سنده کندویه شویله برخطاب وارد اولدیکه



سن کلام الله اولان مصحف شریفه خلوص قلب ایله رعایت کامله  
 ایلدیکک جهتله سکا مکافات اوله رق اولاد واحفادینه سلطنتله  
 جهانه کیرلک ویرلدی دیو برصدا کوش هوشنه ایریجک دهشتله  
 اویانوب عنایات جلیله ربانیه یه تشکر ایلد کد نصکره رؤیای امام  
 مومی الیه اسرارایسان یوروب قصبه مزبوره یه عودت وعزیمت  
 ایتمشلردر بعضیلر دیرلر که رؤیای مذکوری غازی مشارالیه برار  
 زمان مرورنند نصکره عثمان غازی یه تبشیرکونه شویلمشدر انجیق  
 صحیحی امامه خفی اوله رق بیان ایلدیکبدر زیر اوتار یخده عثمان غازی  
 داهاتولد ایتماش ابدی اکثر تار یخده رؤیای مذکوری عثمان  
 غازی یه نسبت ایدرک بیان ایدرلر که طوغری دکلدر فقط عثمان  
 غازینک رؤیاسی دخی بشقه در که جلد ثانیده بیان اولمشدر  
 ارطغرل غازینک درجه قدرینی اثباتی ممکن اوله میان رؤیا ایله اخلافه  
 یلدرمک سوداسنده اولان مورخین سالغه بویابده پک زیاده خطاده  
 بولتمشلردر زیرا بردولت جسمیه یه وضع اساس ایلوب سلاله سندن  
 متناسل اولان ذوات عظامک بتون دنیایه حکم ونفوذی جاری  
 اولسی کندوسنک نه مرتبه لرده بختیار اولدیغنه دلیل جلیلدر  
 والحاصل ذکر اولنان طومانجی طاغری ایله سکود نواحیسنده اقامت  
 اوزره ایکن کر میان طاقندن علی شاربک عشیرتی که بونلرک بقیه سنه  
 الیوم عاوشار عشیرتی دیرلر وقره حصار صاحبده تاتار کوجبه سندن  
 جاودار نام عشیرت بکلری حوالی مذکوره یه کلوب نهب وغارت  
 ایدرلر ایدی اشبو علی شاروچاودار عشیرتلی اناطولینک اهالی  
 اصلیه سندن اولیوب جنکیرک ماوراءنهر دن سوردیکی قبیله لردندر  
 انجیق غازی مشارالیهک اورالره کلوب سایه صالد یغند نصکره کرک



علی شارو کرک تاتار طاقندن بر فرد اوغرایه میوب قره جه حصار  
 ویله جک تکووری و سائر تکوورلر راحت اوزره اولد قلرندن  
 امیرارطغرل ایله حسن امیرش ایدرلر دی بر از زمان هر ورنده قره جه  
 حصار تکووری غازی مشار الیه اظهار عداوت ایدرک قیونلرک  
 سوروسنی سورویوب چالیدیرمق و سورولمش ترلاره حیوان سوروب  
 اکیلرینی قالیدیرمق کبی اوغریلغه طوغریلوب ارطغرلی کندی  
 دیارلری اراسنده رقیب اتخاذا ایلدیکندن ازاله سنه فرصت بولمغله  
 عصیان ایلدی ایمدی اشبوتکوور هر تقدیر برملکک و بر شهرک  
 حکمداری وصاحبی دیمک ایسه ده قنغی لساندن اولدیغنی تواریخ  
 موجوده یه مراجعت ایلدم ایسه ده ظفر یاب اوله مدم فقط قطعه  
 اناطولی دیمکله متعارف اولان آسیانک بر طرفی روان ووان و نخبجوان  
 وارضر و موقارص و کردستانک بعض یرلری خصوصاً سیواس اطرافی  
 یوک ارمنستان قدیم دنیلان السکادن اولوب بر طرفی دخی طرسوس  
 و مسیس و مرعش و ایچ ایل دیدکلری ممالک صکره دن تشکیل  
 و تسمیه اولنان کوچک ارمنستاندن اولدیغندن بر طرفدن آل سلجوق  
 کوچک ارمنستانه باصه رق و بر طرفدن دخی تاتار هجومیه ارطغرل  
 غازی نک یوک ارمنستاندن کچه رک کلدیکندن وارمنی لساننده دخی  
 (تقوور) دیمک مطلقاً حکمدار دیمک اولمغله مورخین طرفلرندن  
 علی الاطلاق امراء نصاری تقوور تعبیریه بیان ایتدکلری و کثرت  
 استعمال و تکرر استنساخ ایله تکوور و بعضیلرک دخی تکفور  
 دیدکلری تقوور دن غلط ایدوکی اثبات اولنور یا خود روم لساننده  
 (کیروی) و (کیری) افندی دیمک اولمغله (توکیروی) دن ادات ایله  
 افندیسی دیمک اولد یغندن احتمالدر که تکوور تعبیری توکیروندن  
 ازمش اوله



خلاصه کلام قره جه حصار تکووری یعنی صاحبی ایله ارطغرل  
غازینک ارالنده مغایرت و عداوت پیدا اولوب تریه سنک ایجاب ایتدیکنی  
اخبار صره سنده طرف سلطانیدن دخی کندویه امداد اولمسنی  
استدعا واسترحام ایلدکده سلطان مشارالیه ارطغرل غازینک بوندن  
اقدام تاتار محاربه سنده اعانه سندن طولانی اظهار محبت ایدرک بشبیک  
عسکر استصحابیه بالذات ارطغرل غازی به معاونته رغبت ایلدیلر سلطان  
اورخان غازینک رکابداری منلا ایاسک سلطان مشارالیه دن اشتدییکی  
غازی ارطغرل حضر تتری مخصوصا دارالاماره قونییه به کیدوب  
روم پادشاهی سلطان علاءالدینی قره جه حصارک تسخیری ایچون  
تشجیع ایدوب برابر عزیمت ایتدکلری تاریخ نشریده محرردرکه  
تفصیلی زیده نقل اولمشدر تواریخ سائر روایتنه نظرا کوتاهییه  
حوالہ سنده قره جه حصار و قرجه شهر دنیلان محله فریقیا حکومتی  
بقیه سندن روم ایمپراطورینه تابع برچکورک حکومت اولوب ارطغرل  
غازی به اورالک ضمیمه ممالک سلجوقیه اولمسنه دائر سلطان  
علاءالدین طرفندن یورلدی صادر اولدیغنه مبنی حصار مذکور  
بحسب المأموریه فتح و تسخیره موفق اولمشدر شویله که سالف الذکر  
قره جه حصارکه انقره نواحی سنده واقع قره جه طاغلقربنده ایدی  
اهالیسی ارطغرل غازی به راحت ویرمدکلری ایچون علاءالدین  
امریله حصار مذکور فتح ایلدکده نصره روم ایمپراطور لغنه  
تابع اولان فریقیا حکومتک مقر اداره سی اولان کوتاهییه شهرینی دخی  
مشارالیه سلطان علاءالدین ایله برلکده اوله رق هجرتک التیوز  
اوتوز سنه سنده محاصره ایدرلر ایکن بلاد اناطولی به هجوم ایلیان  
تاتارلرک بقیه سندن اولوب ده مغان صحرا سنده خیمه نشین اولان



سر عسکر کبیر بایجو خان بالاده جنکیر نر فقره سنده روایت اولندیغی  
اوزره هر تقدیر قاضی فخر الدینک سفارتیه ایکی سنده مقدم اولسان  
معاهدهک احکامی هنوز باقی و مرعی اینده ده سلطان علاء الدین به بعض  
مرتبه ایل بشوب مشار الیهک اطوارندن نقض عهد ایدیه جکنی کویا حس  
ایلدیکندن کند و طرفندن ارض روم حواله سنده سر کرده تاتار اولان  
چرماغون نوینی بتکرار روم ممالکنه ارسال ایتدیکندن هر قوم  
چرماغون دخی برچوق عسا کر ایل قرمان دیارینه قریب اولان  
ارکلی نام شهر که قیاصره رومدن هر قلنس نام قیصرک بناسی  
و کرسی حکومتی اولدیغندن (هرقلی پولیس) دیرلر که ارکلی قرمان  
دیملکه دخی متعارفدر شهر مزبوری لاجل الاستیلا الفار ایتدیکی  
فریاد جیلر واسطه سیله اورالک عسکرلری طرفندن اخبار اولندیغی انده  
شهر مذکورک محاصره موده سی و قلعهک فتح اولدقد نصکره  
ممالک سلجوقیه یه ادخال قلنسی خصوصی دخی مشار الیه سلطان  
علاء الدین طرفندن غازی ارطغرل حضرت تارینه سپارش یوریلوب  
کندولری موجود معیتی بولنان عسا کری قرق ییک نفوسه  
ابلاغ ایدوب ارکلی امدادینه ایریشوب ارکلی صحرای وسیعه سنده  
عسا کر تاتاره اولاشوب برعظیم جنک واشوب اولدقد نصکره عسا کر  
تاتار فراری ارتکاب ایتدیلر و صحرای مذکور ده مقتول اولان  
تاتارلر اول مرتبه ده کثرته ایدیکه سلطان علاء الدین امر یله مقتوللرک  
خایه لری چیقاریلوب بربرینه ربطله مهیب و غریب بر سایبان احداث  
ایلدکلرندن صحرای مذکوره چوق زمان طشاق اواسی اسم اولمشیدی  
بووقعهک صحیحی تاریخ نشریده سلطان اورخان حضرت تارینک  
رکابداری مومی الیه منلا ایاسدن مروی اوله رق یازلمشدر شویله که



مشارالیه سلطان اورخان برکون بیورمشلر که جدم ارطغرل غازی به  
 سکود نام موضع قشلاق و طوما ایچ طماغری یایلاق تعیین قلند قدہ  
 قرہ حصارده ساکن کرمان بیاسی علیش بک چاودار نام تاتار ایله  
 اطراف وجوانبه الغار و غارتدن خالی دکلر ایدی مشارالیه بیوک  
 بابامک خوفندن اورالده بولنان اھالی به صارقنبدیلق ایدہ مز  
 اولشلر ایدی بعدہ قرہ حصارک فتحی لازمه حالدن ایدوکنی بیان  
 ایچون بیوک پدرم مشارالیه ارطغرل غازی قونیه به درگاه سلطانه  
 واردی و افادہ مرام ایلد کدنصکرہ سلطان علاء الدینی دخی محاربه  
 ایچون تشویق ایدوب قالدیردی و صکرہ قلعه نك محاصره سی  
 اوزرنده ایکن بایجو دنیسلان تاتار سرکرده سی نقض عھد ایدوب  
 ارکلی به هجوم ایلد کیری خبر ویرلد کده محاصره بی بیوک پدرہ  
 حوالہ ایدوب کندوسی تاتارہ قارشو محاربه به یه عزیمت ایلوب منصور  
 و مظفر اولدقدنصکرہ نام ایچون خایہ لردن برسایان قوردیلر کہ  
 حالا ارکلی اواسنہ بعضیلر طشاق اواسی دخی دیرلر دیو منلا ایاسہ  
 نقل ایلشدیر برو جانبدہ دخی ارطغرل غازی محاصره سنہ مأمور  
 اولدیغی حصاری تسخیر و محافظت حصار اولان تکووری دخی  
 مال غنایم ایله برابر سائر اسرایہ ترفیق ایله سلطان علاء الدینہ برادر  
 صغیری دوندار غازی ایله ارسال والتیوز او توزدرت سنہ سنہ قدر  
 یعنی سلطان علاء الدین حضرتلرینک وفاتلرینہ دک مشار الیہک  
 امر یلہ الی سنہ مدت اوزاق و یقین دیمبوب دیار کفارہ هجوم واقین  
 ایلوب مشار الیہک وفاتندنصکرہ قونیه تختہ سلطان غیاث الدین  
 کیخسرو سنہ مزبورده جلوس ایدوب اون سنہ حکومت ایلشدیر  
 بونک عھد حکومتندہ امراییندہ بعض مرتبہ او یغونسزلق ایله برابر



مغولك دخي هجوم و غلبه سي ظاهرا و لشدر حتى طائفه  
 اتر اكدن بر قبيله توابع ولوا حقيقه مغولك شرندن كوچك  
 ارمنستانده واقع ارمناك و سلفكه طرفلرينه نقل وطن ايلشدر در  
 شويلاه كه قبائل مذكوره نك نورالدين صوفي ناميله بر رئيسي اولوب  
 انكده دخي قرمان نامنده براو غلور و ارايدى بركون مذكور قرمان  
 اسملو او غلور حيله ايله ارمنيلىردن ارمناك قصبه سنى استيلا ايدرك  
 حوالى مذكوره ده آل قرمان ناميله بر اداره صغيره تشكيل ايتمشدر كه  
 تفصيلي ايكنجي جلدده بيان اولنور مر اجعت بيوريلاه

بشوز سنه لك خلافت و سلطنت عباسيه نك زوال و انقراضى  
 اراسنده ممالك غريبه ده بولسان ملوك اسلاميه نك دخي خرايت  
 و پریشانلى و اهل صليبيك اراضى مقدسه يه هجوم و طغيانلى  
 ائناسنده طبقه جنكيريانك دخي بر طرفدن ممالك معموره يي خراب  
 ايلمسندن احوال عالم اصلاح قبول ايدميه جك صورتده قار يشق  
 اولديغندن هر قدر تفرد و استقلال داعيه سنده اولنر بويلاه قار يشق  
 ايشلرا اينچنده صنعت كيد و احتيالى ايشلرا يسه ده ارطغرل غازى  
 حضرتلرينك خلاصه افكارى فقط شوقار يشق لغك نتيجه صحيحه سنى  
 اوزاقدن كور ووب بونكله برابر سلاطين سلجوقيه طرفندن كندويه  
 احاله قلنان اراضى و قصباتى حمايه ايمچون نواحى سكوده چكيلوب  
 براز زمان اختيار سكوت و اطرافنده بولنان ارمنى و روم و اتراك متغلبه يه  
 صورت اغفاله مماشات و مدارا ايتمكه ايدى كذالك سنه مزبوره  
 او اخرنده يعنى هجرتك التيوز الى التى سنه سنده عثمان غازى تولد  
 ايتمشدر مشار اليهك و لادتلرينى بعضيلرالى ايكيد و اولمش ديرلرا يسه ده  
 مقارن صحت اولمديغنى تواريخ متعبره ده محرر در لكن سلطان



بایزید خان حضرت تلیرنیک عهد سلطنتلرنده تألیف اولنان تاریخ آل  
عثمان روایتی موجبجه مشارالیه عثمان غازی طوغمزدن اول غازی  
ارطغرل حضرت تلیری سلطان علاءالدینی زیارت قصیدیه قونیه طرفه  
عزیمتلیر کیجه بررؤیا واقع اولوب ایرتسی کون سلطان مشارالیهک  
کاتبی عبد العزیز نام عزیزه عالم معناده خانه سی او جا غندن برپیکار  
جریان ایدوب بتون عالمی استیعاب ایلدیکنی حکایه ایلدی عزیز  
مومی الیه دخی ارطغرل غازی یه برولدیشان ظهور یله تبشیر ایلشیدی  
برسنه مرورنده عثمان غازی دنیا یه کلدی بو اثناده سلچوقی پادشاهی  
غیاث الدین دخی فوت اولمش بولندیغندن سلطنت خصوصنده  
غیاث الدینک اوغلارندن عزالدین ورکن الدین نام ایکی شهرزاده لر  
اراسنده منافسه ظهور ایدوب امرادخی ایکی طرف اولمشلر ایسه ده  
عزالدین طرفی غالب کلدیکندن رکن الدین دخی کندویه همت و اعانه  
طلبیه هلا کوخان جانبده التجا ایتش ایدی خلاصه مقال کاه  
عزالدین و کاه رکن الدین قونیه تختنه جلوس ایدرک ایکی برادرلرک  
حکومتی التیوز التمش الی سنه سنه قدر متمد اولمشدر بعده رکن الدینک  
اوغلی غیاث الدین خانان جنکیزیه دن هلا کوخانک اوغلو ابا قخانک  
امر یله قونیه تختنه صعود ایتش ایسه ده تاتارلرک افکارینه مخالف  
حرکتده بولندیغندن هلا کونک ایکنجی اوغلو اولوب شهنشاه عالم  
عنوانیه تبریزده سلطنت ایدن سلطان احمد خانک فرمانیه التیوز  
یتش بش سنه سنه مقتول اولوب یری عزالدینک اوغلو غیاث الدین  
مسعوده توجیه قلمش اولغله بولرک زما نلرنده مشارالیه ارطغرل  
غازی سلاطین سلاجقه حضراته رعایت و حرمتلر ایدرک هجرتک  
التیوز سکسان تاریخده طغسان ایکی یاشنده اولدیغی حالده وفاتی



واقع اولدقده ذکر اولنان غیاث الدین کیخسر و مسعود ممالک رومده  
 پادشاه ایدی در حال بلاد مذکورہ نیک حکومت مخصوصه سنی وراثت  
 طریقہ مشار الیهک اوغلی عثمان بکه میر الامر الق پاه سیله توجیه  
 بیورمشدر که بوماده هجرتک التیوز سکسان اوچ سنه سنده واقع  
 اولمشدر انجق ارطغرل غازینک ممالک رومہ کلوب کیردیکی زمانده  
 قونیہ تختده بولنان علاء الدین کیقباد اول ابن غیاث الدین  
 کیخسر و ایلہ علاء الدین کیقباد ثالثه کلنجیه دیک التمش یتمش سنه  
 اثنا سنده التی عدد ملوک سلاجقه تحت سلطنته جلوس ایدوب هر بریسنک  
 زمانلری نقل اولندیغی وجهله تاتار مغول غول رفتسارک هجوم  
 و تسلطلری اراسنده محو اولمش کی ایدی حتی قدما ی مورخینک  
 فضلا سندن یعنی طقوز یوز رجالندن اولان کمال پاشا زاده احمد  
 شمس الدین افندی که اثار کثیره سی مشهور در سلطان بایزیدخان  
 حضر ترینک امر لریله سلاطین آل عثمان حضراتنه دائریازمش  
 اولدیغی تاریخندن بعضی بحثلر بومحله درج اولمشدر که تواریح  
 سائر ده بومر تبہ تحقیقات کورلما مشدر شویله که بالاده بیان اولندیغی  
 وجهله سلطان علاء الدین ایلہ ارطغرل غازی قره جه حصار  
 دیدکلری شهرک محاصره سی اوزرنده ایکن سیواس وارضر و مده  
 سایه انداز ثقلت و ادبار اولان سردار تاتار بایجو خانک ممالک معموره  
 اسلامیه نیک نهب و غارتی خصوصنده مر کوز طینت ذاتیسی اولان  
 هوس و آرزوسی دولت سلجوقیه طرفندن ویریلان مبالغه معینه ایلہ  
 اقناع و اطماع اولنه مدیغندن پیک کوچک شیلری بهانه ایتمکله نقض  
 عهد ایدوب ممالک رومی پازده هجوم ایلدیکی خبری سلطان  
 مشار الیه واصل و وارد اولدقده امر محاصره بی ارطغرل غازی به



سپارش ایدرك كندوسی تاتاره قارشو محاربه یه کیدوب غلبه ایلدیکی  
 زمان غازی مزبور دخی کوتاهیه تسکوورینی طوتوب برادری دوندار  
 غازی ایله ارسال ایدوب مقابله سنده مکافات اوله رق طرف دولت  
 سلجوقیه دن التفات واکرام اولندقدن صکره ینه اصول سابق اوزره  
 بیطر فلق گوشه سنه چکیلوب سکود قصبه سنده اختیار سکوت  
 ایتکده ایکن مشارالیه سلطان علاء الدین کیقباد التیوز اوتوز درت  
 تار یخنده حوزه حکومتی طولاشمغه چیقوب قیصریه ستملرنده  
 اوغلی غیاث الدینک غدر یله مسموما وفات ایدرك سریر سلطنته  
 مومی الیه غیاث الدین کیخسرو بعده عزالدین کیکاوس بعده  
 رکن الدین قلیج ارسلان جلوس ایتشلرایدی علاء الدین کیقبادک  
 عهد سلطنتنده جنکیر فتنه انکیرک هجوم و غارتنده اهالی شرقیه  
 فوج فوج جهت غربه نقل مکان ایلدکری صره ده یعنی ارطغرل  
 غازی نیک تبعه و تعلقاتیله ممالک رومه دخالت ایلدیکی کبی  
 مشایخ و علمادان دخی پک چوق ذوات مشهوره وطنلرندن هجرت  
 ایتشلرایدی (حتی مولانا بهاء الدین محمد بن حسن البلخی البکری  
 حضر تلی جلال الدین رومی حضر تلی بنی استصحاب ایدرك علاء الدین  
 مشارالیهک حکومتکا هی اولان قونییه شهرینه عزیمت ایدرك  
 فرش سجاده ارشاد ایتدکری مثالو کلین مشایخ صوفیه دن  
 بابا الیاس خراسانی دخی کندولرینه اتباع ایلان مرده و بندکان ایله که  
 بونلره باباییلر دخی دیرلر ممالک رومه کلوب اما سیه نوا حبسندن  
 چات نام محله پوست نشین اولدقلی حالده پک چوق طرفدار  
 پیدا ایتشلرایدی چونکه سلطان غیاث الدین کیخسرو ثانی  
 پدرینی تسیم ایدوب تخت سلطنته غصبا صعود ایلش اولسدیغندن



خلقدن و امرادن دائماً امین اولمیوب بابایلرک اعوان و انصاری  
 تکرارایتد کجه راحت و حضوری منسلب اولمش ایدی بو حالده  
 تاتارلر هجومیه دخی ممالک پازده خسار اولغله بابایلر طرفدار  
 چوغا لوب حکومت و امارت خصوصنده بعض مرتبه قیل و قال  
 تگون ایلدیکندن غیاث الدین کینکسر و ثانی بوماده ده بالکزر و ساری  
 عساکره معلومات و بروب احاد ناسدن خفی اوله رق علی الغفله  
 جات قصبه سنه هجوم ایله چانوب جمعه کونی خلق جامع شریفده  
 ایکن جمله سنی تلف ایتدیردیلر که غیاث الدین مشارالیه بو خدمتی  
 یعنی بابایلرک اورتیه دن دفع و رفعی خصوصنی ارطغرل غازینک  
 واسطه سیله اجرا ایتشیلردر دیو طوائف ملوک رومک تفصیلنی  
 بیان ایدن بر تاریخ معتبره ده یازلمشدر خلاصه کلام مشارالیه  
 سلطان غیاث الدین ارطغرل غازی واسطه سیله بو غائله داخلیه بی  
 اتمام ایدوب نائل مر ام اولدیغنک سکرته سی مغول ایله محاربه  
 ایدرک مغلوب اولدیغندن سنوی براز ویرکو ویرملک ایله صلح اولمش  
 ایسه ده بوماده مشارالیهک ناموسنه پک اشوری تأثیر ایلدیکندن  
 تحمل ایده میوب هجرتک التیوز قرق درت سنه سی صفرینک بکرمی  
 بشتی کجه سی خفقان مر ضندن فوت اولدی بعضیلرک قولنده  
 تاتارلر قتل ایلدی کی دیمشدر ایسه ده صحیح دکلدر مشارالیهک  
 فوتندن صکره سلطنت سلجوقیه رکن الدین و عز الدین نام ایکی برادرلره  
 منتقل اولمش ایسه ده سطوت قاهره لری قبائل جنکیرکینجه  
 شکنجدری النده زیون اولغله نام حکومت روحسز جسم مثالی  
 معنیسز اسم اولمش ایدی بارگاه دولتی بکلیان بکار ایسه طوائف  
 مغول و جنکیرک دوات سلجوقیه ممالکنه غلبه و استیلا سنی کوردکجه  
 کندولرینک هیئت اجتماعیه لرنده دوام و بقا بوله میوب هریری



کند و با شاربک چاره سنی ارایوب گروه متغلبه نک امر اسبیه خوش  
 بکنمکه باقدیلر و الخاصل هلا کورد نصکره تحت جنکیز یانه جلوس  
 ایلیان اباقا خان دخی ذکر اولنان برادرلرک تاج و سلطنت ادعاسنده اولان  
 حرص و ارزولرینی تسکین ایچون کند و امر اسندن معین الدین  
 پروانه نام شخصی نائب الروم ایدرک سیواس حواله سنی یعنی قزل ارمق  
 نهرینک شرق طرفنی مومی الیه رکن الدینه و غرب طرفنی دخی  
 عز الدین وراثت صوتیله تملیک و توجیه و مومی الیه معین الدین  
 پروانه بی کند و طرفندن عموما ممالک سلجوقیه یه نظارت ایلک  
 شرطیله دولت سلجوقیه وزیر اعظم اولق اوزره براقش ایدی  
 بالاده بیان قلندیغی وجهله مدت قلیله مرورنده اشو ایکی برادرلر  
 اراسنده شقاق حدوث ایلا بیکندن عز الدین کیکاوس بالضرور  
 ترک حکومت ایدرک روم امپراطوری میخال پاله لوغه التجا ایلشدرکه  
 تفصیلی کتاب ثانیده یازلمشدر مر اجعت بیوریه

استقلال و تفرد داعیه سنده اولان مومی الیه رکن الدین قلیچ  
 ارسلان دخی پروانه سوقیله اقسرای نام شهرک فضا سنده مغول  
 امراسی الاریله اعدام اولندقد نصکره اقسرای مزار لغنه رکن الدینی  
 دفن ایلوب کند و لری دارالملک قونییه مر اجعت ایدرک مرحوم  
 مشارالیهک اوغلو غیاث الدین ثالثی ایکی بیچق یاشنده پادشاه روم  
 ایتشلر ایدی بووقعه لرک ظهوری وقتی عثمان غازینک هنکام  
 طفولیتی اولد یغندن برایشه قارشماز ایدی پدرلری مشارالیه دخی  
 التزام ایلدکلری بیطرفلق اصولنه رعایت ایدرک قصبه سکودده  
 اقامت ایدوب اطرافدن ظهور ایلان دشمنه مدارا ایدرلر ایدی زیرا  
 بوسنه لراثناسنده اسیا قطعده سی پک فنا حالده قاریشوب ممالک



اسلاميه نك هر طرفي صرصر قهر مغولدن صار صلمش اولسنه نظرا  
طوفان قضايا طاشوب امواج بلا يادخي طاغولري اشد يغندن  
برلورلك يرينه اجنبيلر برلشوب نظامات موضوعه چغرندن چيقوب  
اداره ملكيه ده افكار عموميه خيلان واضطر ابد قالد يغندن سلاطين  
سليچوقيه نك زيور رؤس اقتخاري اولان هماي دولت هر نقدر  
اهتراز جناح ايله متهى پرواز ايسه ده كيمك باشنده اشيا نسا  
اوله جخي دها لايقيه بيلنه مز ايدى مشار ايله غياث الدين كينسرو  
ثالثك زير حكمنده اولان البستان و مصر عرش حوال بسنى مصر ملكي  
سلطان ظاهر بپرس استيلا ايلد كد نصكره بلاد اسلاميه ي مغول  
تاتارلرينك پنجه تصرفلرندن قور تارمق اوزره قيصريه حدودينه  
قدر يورويوب معين الدين پروانه دخي عسا كرتاتار ايله سلطان  
مصره مقابل چيقوب محارب اولمش ايسه ده عسا كر مصريه نك  
قوة قاهره سنه تحمل ايد ميبوب منبر ما هارب اولمش ايدى بو وقعه نك  
تفصيلي شويله بيان اولنور كه سلطان غياث الدين ثالثك همشيره سي  
سليچوق خاتون حسن وملا حنده اسيه ثانيه اولد يغندن پادشاه  
زاده جهان ارغون خان ايچون نكاح اولنهرق النمسي مطلوب  
ايلخاني اولغله موجبنجه جهاز لازمه نك تدارك وحاضر لنسيه  
مشغول اولمشلر ايكن امراء مغولدن خطير اوغلوشرف قيصريه دن  
بر بلوك عسكر طوپليوب شام حدودنده اولان دربنداتي محافظه  
ايتك قيديله البستان طرفلرينه عزيمت ايتمش ايدى ليكن دماغنده  
اولان فسادى حفظ ايد ميبوب دولت سليچوقيه طرفنه اظهار  
عصيان ايلديكنه مبنى غياث الدين سلطان دخي هر نقدر طفل  
نور سیده ايسه ده امرا واركان اتفاقيه اتلندير يلوب نيكده صحراسنى



ارامگاه اتخاذ ایتدیلر بواثناده شهرزاده ارغون خان ایچون سلچوق  
 خاتون دخی طرف ایلمخانه کتمش اولدیغندن خطیر اوغلارینک فساد  
 وعصیانى مادهسى ایلمان حضرتنه معلوم اولغله شهرزاده نیکوداری  
 برطاقم رؤسای عسا کره ترفیق ایدرک خطیر اوغلارینک فتنه سنی  
 دفع ایچون ارسال ایتک اوزره ایدی چون خطیر اوغلو فتنه سنک  
 دفعی ایچون شهرزاده نیکودار ایله لشکر مغولک کلدیکی شایع  
 اولنججه خطیرک تدبیری قالمیوب بالضرور عسا کری طاغیدوب  
 دوه لو قلعه سنه تحصن ایتک فکر یله کیردیکنده قلعه ده موجود  
 اولانلر خاطر خطیره رعایت ایتیوب کندولرینی خطر دن قورتارمق  
 نیت صحیحه سیله هر قومی طوتوب سلطان غیاث الدین سلچوقی به  
 تسلیم ایتدیلر بونک اوزرینه ادنه ومسبس طرفارنده شام عسکرینک  
 ممالک رومه استیلا قصدیله هجوم ایتک اوزره تدارکده اولدقلرینک  
 خبرلری پیدرپی مغول امر اسنه واصل اولدقده سلطان غیاث الدین  
 امر اسبیله سوبلشوب مرعش حواله بسنده واقع هارون طاغنده  
 جمع اولق اوزره قرار ویر یله رک اطرافه فرمانر نشر اولوب محاربه به  
 طور و شمشلر ایسه ده مغول لشکری منهزم اولدیغندن مصر ملکی  
 سلطان ببرزک عسا کری تمامیه غلبه ایتشلر ایدی که بونک تفصیلی  
 یوقاروده مصر ملکری احوالی صره سنده یازلمشدر سلطان  
 غیاث الدین سلچوقی دخی هر نقدر مغولک طرفنده بولتمش ایسه ده  
 ملوک مصریه نک مغوله غلبه ایلسدیکنه مغوی ممنون اولمش ایدی  
 زیرا مغولک استیلا سندن قورتلغله برچاره سی یوق ایدی ایمدی  
 بوهریمت خان اعظم اباقا خانه منعکس اولدقده مصر سلطانى  
 طرفنه عسا کر سوق ایتش ایسه ده مأمولی کبی ظهور ایتدیکندن



بوماده لرك ظهورينه سبب سن اولدك ديهرك معين الدين پروانه بي  
 و برچوق اهل اسلامي قتل وشهيد ايلدي بوفرت و هنكامه اراسنده  
 جهرى بك نامنده برنا خلف ارمناك و قيصريه و نيكدده حواليسنده بولنان  
 اترا كه باشبوغ اولوب قرمان زاده محمد بك دخى وزير اوله رق  
 جهرى بكى سلطان غياث الدينك اوغلو اولق اوزره خلقى  
 اينانديروب اطاعتي تحتنه دعوت ايدرك التيوزيتمش التى سنه  
 هجرية سنك او اخرنده قونية شهرينى ضبط ايتمكه نامنه خطبه  
 او قودوب سكده ضرب ايتديردى چونكه ايلخان اعظم معين الدين  
 پروانه بي مصر لوق تهتميله قتل ايلسوب هوادارلرينى اعدام  
 ايلدكد نصكره كندوسى ارضروم و وان حدوديله تبريز طرفنه عودت  
 ايلديكى زمان سلطان غياث الدين كنجسرو ثالث ايله صاحب الممالك  
 فخر الدين ايلخان اعظمك معيئنده اوله رق برلكده اولد قلرندن  
 وقونيه نايى امين الدين ميكائيل ايله مومى اليه فخر الدينك اوغللى دخى  
 قرمانبك شروفسادارينك دفعى ايچون لارنده طرفنه عزيمت  
 ايتمش بولند قلرندن كذلك صاحب نام وزيرك تعلقاتى دخى كندو  
 تيمارلى اولان قره حصاره نقل ايلدكلرندن قونية شهرى امرائى  
 صاحب رايدن خالى قالمش ايدى بناء عليه شهر مذكورى باصمق  
 اوزره قرمان بكزاده محمد بك كندو متعلقاتى ايله اثناء كلامده ديمش  
 ايديكه چون مصريلرى تحريك ايتمكه مراد من حاصل اولدى  
 اكر سليحوقيلرك نسلندن بريسى اليمزه دوشمش اولسه انك اجلاسى  
 بهانه سيله اعدامزه غلبه ميسر اولور ايدى عجب ارم و امير اطورينه  
 دخالت ايتمش اولان عز الدينك شهرزاده لرندن برينى امير اطوردن  
 التماس ايلسم اولورمى كى سوزلرك اثناسنده محمد بكه بريسى كلوب



تقی اسمند و بر یازیجینک افاده سنه کوره بورالده غیاث الدین  
سیاوش نامنده عزالدینک براوغلو اولوب قریم طرفدن کلدیکنی  
بیان ایلدکده محمد بک مزبورک افاده سنیدن ممنون اولوب  
سالف الذکر غیاث الدین سیاوش که بوکاتواریج مختلفه ده جری  
دیرلر جلب ایدر و ب اتفاق ایله نوبت حکومتنی تصدیق  
ایلدکدنصکره قونیه طرفنه جه-ور ایله عزیمت ایدرلر ایکن  
نائب امین الدینی دخی تصدیق و قبوله دعوت ایتشلر ایسه ده  
قبول ایتدیکندن شهر لو ایله ارالرنده مقاتله اولوب بالاخره قرمانلو  
غالب کاهرک شهر ی ضبط ایدوب مومی الیهی اجلاس ایتدیر و ب  
امین الدین میکایل ایله صاحبک اوغلوبهساء الدین محمدی قتل  
ایلدیلر بعده دیوان ترتیب اولوب تحریرات و اوامرک جمله سی  
لسان فارسی اوزره یازلدیغندن لسان ترکی محو اولق درجه سنه  
کلمش ایدی بنساء علیه دیوانده قرائت اولسه جق اوراقک مجموعی  
لسان ترکی اوزره اولوب السنه سائر ایله تکلم اولنسی محکم یساق  
اولدی و بوتاریج کلنجیه قدر دفترلر و سائر حسابلر عربی و فارسی  
لساننده یازلدیغندن ترکیه یازمقده زحمت چکیلوب هربری بردرلو  
املا ایله دفترلر نی یازمقده ایدیلر محمد بک دخی کندویه اعوان و انصار  
پیدا ایلوب تفرد و استقلال دعواسنی میداننه قویونجه یه قدر جری  
مذکورک مشیر و مستشاری اوله رق رؤیت مهام انامه مشغول  
اولدیلر که بووقعه هجرتک التیوزیمش التی سنه سی اولوب حتی سنه  
مزبوره ذی الحجه سنک اوئنجی یعنی عید اضحاک برنجی کونی تخت  
سلجوقی یه جلوس ایلش ایدی اوارالق مرحوم سلطان رکن الدینک  
والده سی عزالیه خاتوندن مشارالیه سلطان رکن الدینک کریمه سی



خاتم سلطانی غیاث الدینک سیاروش نامیله دعوائی سلطنت ایلان  
 معهود جری ایچون محمد بک واسطه اولوب طلب ایلمش ایسه ده  
 غزالیه خاتون طرفندن دخی جهازینک تدارکی قصدیله درت ای  
 مهل استدعا اولاندیغندن مهلت وریلش ایدی بومدت اثناسنده  
 غیاث الدین کیخسروک معینیله ایخان طرفنه کیدن وزیر اعظم  
 صاحب فخر الدینک اوغلارندن حسن و حسین معهود جهرینک  
 محمد بک تحریکیله قونییه بی الوب مشاهیر و بکارینی قتل ایلدیکنی  
 طوید قده قره حصار و کوتاهییه اطرافندن وظیفه او عسکر ترتیبی ایل  
 اقشهره واروب قوزاغاجی دنیلان کویده اقامت ایدرک مذکور  
 جهرینک ظهور بنه منظر طور دایر بالاده بیان اولاندیغی اوزره بعض  
 اسبابه مبنی استانبوله فرار ایلوبده اورادن قریم طرفنه کیدوب  
 فوت اولان سلطان عزالدینک شهرزاده لرندن نام و نشانی بلور میان  
 غیاث الدین سیاوش اولوق ادعاسیله ظهور ایلان معهود جهری بک  
 کندوسنک مشیر و منشاری اولان قرمان زاده محمد بکک ترتیب  
 و قومانداسیله التون طاش کویینه بولنوب یکدیگرک قدومندن  
 و صورت اقتحام و هجومندن خبر بکک لر ایدی بوانتظار اراسنده  
 برکوچک محاربه اوله رق مومی الیه فخر الدینک حسن و حسین نام  
 ایکی اولادندن بریسی قرمان بکرزاده محمد بکک انده شهید  
 اولدقد نصکره دیگر لری دخی فرار ایدوب مال غنایم جهری طرفنه  
 قالدی بواشاده سلطان غیاث الدین کیخسروایله وزیر اعظم  
 فخر الدین صاحب ایخان اعظم ارغون خان طرفندن سوار  
 بی شمار ایله جهرینک تسلط و استیلا سنک دفعی ایچون کلکده  
 اولدقلرینک خبری جاسوسلر واسطه سیله پیدر پی وارد اولدقده



موی الیه جری و محمد بک هر تقدیر مضطرب اولور لر ایسه ده بلای ایتمز لر  
 ایدی وقتا که مشار الیه سلطان غیاث الدینک طرف ایلمه اندن  
 امداد اولق اوزره کتوردیکی عسکرک مقدمه سی و طلبه سی  
 قبصر به حدودینی تجاوز ایلد کده جری الیه محمد بک اموال  
 موجوده لرینی قونیه دن چیقاروب سمت سلامتیه ایصال ایتد کد نصرکه  
 حقیقت کیفیت قونیه خلقنه معلوم اولنجیه علمای اعلامدن  
 سراج الدین ارموی حضرتلرینک فنوای موجبنجه جری الیه  
 محمد بکک هوادارلری اولان خوارج علیه قیام ایدوب محاربه  
 ایتدیلر ایرنسی سنه ینه محاربه اولغله جری مذکور اسیر دوشوب  
 سلطان غیاث الدین ثالث امری الیه قتل اولنوب ماده فساد برطرف  
 اولمش ایدی هر دولت کند و ملکنده ظهور ایدن اختلال داخلیه یی  
 دفع و تسکین ایدنجیه قدر همجوار و همحدود اولدیغی ملت  
 و دولتک هر بری الیه معاهد اولق قاعده کلبه دولیه دن اولدیغنه مبنی  
 دولت سلجوقیه امرای دخی ممالک سلجوقیه ده ظهور ایدن  
 اشوب فسادات داخلیه اراسنده روم ایمپراطورلرینک تحریکات  
 خفیه لرندن حوزه حکومتلرینی وقایه و محافظه ایتک و یکدیگرک ملکی  
 داخلنده اولان اختلالی دفع و تسکینه امانه ممکنه یی اجرا ایتک  
 اوزره روم ایمپراطورلغی الیه معاهده ایلد کد نصرکه مشار الیه  
 سلطان غیاث الدین ممالکی طولاشمغه چیقوب قره حصار و کوتاهییه  
 و مسند و قلو و شیخلو حواله بسنده ساکن اولان ترک کوچیه لرینی  
 استانبول و ازیق ایمپراطورلری الیه واقع اولان معاهده اتفاقیه لرینه  
 مبنی انلره تابع اولان روم شهرلرینی اوروب و یغما ایتد کدن منع  
 ایلد کد نصرکه ارطغرل غازینک اقامتگاه یی بولان سکود و سلطان اوکی



حدود ینہ تقریب ایلمد کده مشارالیه ارطغرل غازی سلطان  
غیاث الدین ثالث حضرتلرینی استقباله چیقوب برقاچ سوری قیون  
وقالیمچه و سجاده مثلوه دایاسنی تقدیم ایلدیکی صرده کندو اولادندن  
بر او غلونی دخی مشارالیه سلطان غیاث الدینک خدمتده بولمق  
اوزره نیاز ایلدیکندن مسئول قرین قبول اولمش ایدی مشارالیه  
سلطان غیاث الدین دخی اکا کاخته نواحیسنده یغنیک ایلنی تیمار  
اوله رق صکره لری توجیه ایلشدر که انک نسلندن خلیل بک و بیات بک  
واحد بک نام بهادر لر ظهوره کلوب یلدیرم بایزید خان حضرتلرینک  
زماننده ملاطیعه ده درگاه همایونه کلوب قوم و قبیله لرینی عرض  
ایتمشدر که تفصیلی یلدیرم بایزید خانک احوالی بیان ایدن بشنجی  
کلبه یازلمشدر و الحاصل مشارالیه ارطغرل غازی حضرتلرینک  
مدت حیاتلری حوادث هائله متوالیه ایله کچرکد نصکره طقسان ایکی  
وروایت اخرایه نظرا طقسان الی یاشنده بولندیغی حالده سکود نام  
قصبه ده التیوز سکسان سنه سی تارک دغدغه دهر بی بقا اولوب  
یرینه عثمان غازی سرکرده قبائل اولمشدر ایمدی موجود اولان  
تواریخک روایتنه کوره ارطغرل غازی بک ظلم تاتاردن ناشی ممالك  
رومه عزیمت ایلوب کلسدیکی هجرتک التیوز یکر می سکر سنه سی  
اولوب وناتی دخی التیوز سکسان تار یخننده اولدیغندن ملوک سلاجقه  
حضراتنک امراسی سلسکندده اوله رق التمش سنه مقدار ی اطاعت  
اوزره بولمشدر ومدت مذکورہ اناسنده زیر سایه حایه سنده  
بولنان اراضی دخی ارمنیه صغرا دنیلان محله واقع ارمناک طاغلرینک  
جهت شمال شرقیسنندن انقره ده واقع قره جه طاغلرینک براز  
سلسله سیله جبال مذکورہ نک شماله طوغرو اولان شعبه سنندن



طوماليج طاغلری ايله سلطان اوکی تسمیه اولنان اواره قدر قشلاق  
 ویلاقلری شامل برنیجه صحرا و بادیه لردن عسارت ایدی  
 ایدی هر حوم مشار الیهک زماننده دولت سلجوقیه نک رونق و اقبالی  
 منقلب ادبار و زوال اولمش ایسه ده ینه کندولرینی ال سلجوقک  
 امر اسندن عد ایدرک هر نقدر زیر سایه علیه لرنده بولنان اراضینک  
 حکومتنده حاکم مطلق ایسه لر دخی جاده اطاعت و انقیاد دن ایر لمیوب  
 جوامع و مساجد شریفه ده اوقونان خطبه و ایادی ناسده تداول ایدن  
 سکه ال سلجوقک ناملرینه اولدیغندن سلاطین سلجوقیه حضراتی  
 عندلرنده یک معتبر اوله رق قوت الظهر دولت اتخاذا اولمش ایدی  
 بو محله ابن کمالک یازدیغی تاریخ ال عثماندن و حکیم عمر شفائینک تاریخ  
 شفا سندن وال حسن جاندن خواجه سعد الدین هر حومک خواجه  
 تاریخندن و احمد بهاء الدین بروسوینک مشهور تاریخ تنقیحندن  
 و قره چلبی زاده عبد العزیز افندینک روضه الابرار نام تاریخندن  
 و ادرنه لی اغازاده عرفینک مفهوم التوار یخندن و تاریخ لاری و مرآت  
 کائنات نام تاریخلردن و عالی هر حومک کنه الاخبار نام ال عثمان تاریخندن  
 و حسین افندینک هزار فن تاریخیه انوری و روحی و همدی دنیلان  
 صولاق زاده و بهشتی و چشمی زاده و شمعدانی زاده و حسن بک زاده  
 و نخبه التوار یخ نام تاریخلری ايله سلطان اورخان غازینک اماملری  
 منلا الباسک اوغلو شیخ یخشینک تاریخندن و ابن خلدونک مقدمه  
 مشهوره سیله چند جلدی مشتمل اولان تاریخندن و فریدون بکک  
 جمع و ترتیب ایلدیکی ال عثمان تاریخیه مجموعه معلومه سندن و کتاب  
 شقایق ايله بر طایف تذکره و طبقات کابلرندن و خواند میر تاریخندن  
 و یحوی تاریخندن و کاتب چلبی نک جهان نماسندن و نشانچی محمد



پاشا تاریخچه تقویم تاریخیدن وفصول حل وعقد نام کابدن  
 واوستریالوحامی نام مورخ مشهورك وژ ووان نام فرانسه لوداتك  
 توارینخ مضبوطه نرندن ظهورال عثمانه وسیله اولان ارطغرلغازینك  
 احوال مخصوصه سنه دائرروایات موثوقه دن یالكز اخلافك  
 عبرت وانتباهنی موجب اولان فقرات ناز كه سنك سبیلرنده اغراض  
 ومداهنه دن عبارت اولان الفاظ مرتبه معلومه سی ییطر فانه  
 طوغرودن طوغر ومحاكه ایدیلرلك برلشدیریلوب اعمار بلاده دائر  
 اثار وحسنات وسائر خیرات ومبرات جلیله نك برطاقم براعت واستهلالات  
 فصاحت و بلاغت اوزره قاعده انشا وکتابته تطبیق یازیلان  
 تفصیلاتی محملارنده ترك اولنوب اصول جدیده اوزره هم مواد  
 عمومیه بی محیط وشامل وهم مفید ومختصر اوله رق بو محله ده بیان  
 اولنمش ایسه ده کتب سائر مطالعه سی اثنا سنده روایات مذکوره نك  
 خارجنده بعض فقره لره دخی تصادف اولندیغندن بوراده ذیل  
 اوله رق یازلمسی تنسب اولندی

شویله كه قای خان قبائل تركدن بفرقه ایله ماوراءالنهر دن ایران  
 زمینیه انتقال وارمنستان کبراده اخلاط نام شهرك ساحه سننده یوز  
 یتمش سنه یه قریب آرام ایلیوب احفادنن سلیمان شاه جنکیر فتنه  
 انکیرك شرنندن هجرتك التیوز اون التی سنه سی ممالك رومه  
 کلدکارینی نشری چلبی جهان نما سننده ذکر ونشر ایلشدیر اشبو  
 قای خانه جامع التوارینخ صاحبی رشید الدین الوزیر تاء فوقیه ایله  
 قاتی خان دیور وایت ایلدیکی مثللو چشمی زاده دخی تاریخنده قاهی  
 خان اولوق اوزره بیان ایتمش ایسه ده ایکسیده مشهور دکلدر  
 تاریخ روحی وتاریخ ترجمه عینیده روایت قلندیغنی وجهله ارطغرل غازی



ممالك روم كلوب زیر سایه سلجوقیده كندویه منسوب بر محل كوسترلمسني  
اولاد لرندن صاری باقی نام اوغلنی كه بوكا ساری جی بك دخی دیر لر  
ممالك رومده ایقوینوم یعنی قونییه نام شهرده فرمان فرما اولان  
سلطان علاء الدین طرفه ارسال ایدرك استبدان ایلدیگی ائشاده  
سلطان مشارالیه طرفندن دخی تاتار ایله ایده جکی محاربه ده  
كندویه اعانه ایلک شرطیله ارطغرل غازی یه انقره ك جهت غریبسنده  
واقع قره جه طاعلرده توطنه رخصت یوردی بعده تاتار ایله  
محاربه ده مشارالیه غازی ارطغرل خیلی یرارلق ایلیوب سلطان  
علاء الدینك تاتاره غالب اولسنه سبب اولدیغندن سكود نواحیسی  
قید حیات ایله كندویه توجیه اولندقدنصكره بش سنه ایکی ای  
یعنی التیوز اوتوزدورت سنه سنه قدر مشارالیه ارطغرل غازی  
سلطان علاء الدینك خدمته بالذات عزیمت ایلدیسده ده  
مدت مذكوره دنصكره معاصر لك فصلنده یازلدیغی اوزره  
انا طولی دیاری براز زمانلر جنكیز یان ایله مغول تاتارلرینك پنجه  
قهری التمه بولندیغندن قونییه ده سریر سلطنته جلوس ایدن  
سلاطین سلاجقه دخی تاتار خانلرینك حایه سی التمه اولدیغندن  
ارتق دوات سلجوقیه نك اعاده اقبال واستقلال ایتسی عديم الاحتمال  
اولدیغی حالندن دخی استدلال اولنمخله امرانك هربری استحصال  
اسایش ذاتیه لری ضمنده باشلرینك چاره سنه باقوب افكار  
مخصوصه لری نی اجرایه صاپه رق (ارضروم) (وان) (دیار بكر)  
(رقه) (اورفه) (مرعش) (اطالیه) (ایچ ایل) (منقشا)  
(صاروخان) (ایدین) (قره سی) ایالتلری داخلی كه ارطغرل  
غازینك زیر سایه سنده بولسان اراضیدن بشقه عموما ال سلجوقك



ممالک کنند معدود در هر ج و مرج اولوب هر عشرتک بوی یکی قامت  
استعدادنده دعوی استقلاله قابلیت کورمکه ممالک اناطولی  
طوائف الملوکه منقسم اولمشدر حتی غیث الدین کینسر و ثانینک  
فرمانیه ارطغرل غازینک تسکین ایتدیکی بابایلرک فسادى عزالدین  
کیکوس نام پادشاه سلجوقینک عصرنده یعنی ذکر اوانسان فترت  
و هنکامه اراسنده بتکرار اشتهار بولوب عاشق پاشانک باباسی  
مخلص پاشا اعانه سیله هجوم ایدوب بابایلرک انتقامنی سلجوقیلردن  
المشدر اوتارینخلرده مغولک غلبه واستیلا سندن ناشی خاندان  
سلجوقیه نک ضعفلرینه قوت کلمکله ممالک اسلامیه یه مستولی اولان  
قاریشقلغک اندفاعیه اسایش وامنتک ظهورینه انتظار ایله  
مشارالیه ارطغرل غازى کند و مسکنه چکلمش و اطرافنده بولنان  
روم ایمپراطورلرینک مأمورلری ایله حسن امیرش ایدرک  
قرق سنه قدر اقامت ایلوب سن عمری سکسانه یمش اولدیغندن  
خدمت محاربه یه لازم اولدقده اوغلی عثمان غازى بی وکیل  
ایدرک ارسال ایدردیکه بوحال ایله مشارالیه عثمان غازى پدری  
حیاتنده اوله رق یدی سنه مقداری خدمت وکالتده بولنوب التیوز  
سکسانده پدری فوتسندن صکره مسند امارته اصالة صعود و قعود  
ایلدی وارطغرل غازى حضرتلرینک مزارى دخی سکود  
قصبه سنده اولوب الیوم برتر به معمره در ال عثمانک اجداد  
عظامنه دائریسان ایدن توارینحک فذلکه و مألندن اکلاشلدیغنه  
کوره ارطغرل غازینک مدت امارتی هر نقدر جهاد ایله کچمش  
ایسه ده ممالک رومه دخولندن صکره واقع اولان محاربه لرینک  
اکثریسی بلکه مجموعی سلاطین سلجوقیه حضراتنک







جسمه سنك اوزرنده فرمان فرما اولان ملوك و حكمدارانك وملل  
 مختلفه متغلبه نك احوالى بيان ايدوب انك دخى اخلافه موجب  
 عبرت اولان فقرات لازمه و ناز كه سنك سبيلرندن و نتيجه لرندن اصلا  
 بحث ايتيوب فقط وقايع عاديه نك تفصيلاتى مقدمه ايله رك دولت  
 عليه نك طنطنه شوكت واجلالى و شنشنة عظمت واقبالندن  
 و برطاق ذوات و اشخاصه عائد اولان مواد عاديه يى فصاحت  
 و بلاغت يوللرينه صاپه رق اوزون اوزادى به حكايه ايتدكلرندن  
 ييلد يكمز و كورد يكمز تاريخلرك اسكتر يسي ترجه احوال رجال  
 حكمنده اولان اخلاق كتابلى صره سنده قالمش حالبوكه فن  
 تاريخدن غايت مرام قرون سالفه ده ساحه ظهوره كلان حوادث  
 متواليه مختلفه كوينه نك سبيلرى بيغرضانه محاكمه ايديله رك اندن  
 حاصل اوله جق مال و فذلكه نك نتايج مختلفه سندن عموم ناسك  
 و يابردولت و ملتك و بلكه برخاند انك حقنده نه مرتبه لرده تاثير ايدوب  
 نقدر حكم و نفوذى اولديغنى بيلك وملل متمدنه ايله غير متمدنه نك  
 ارالرنده بولنان ايلروله مك و كيروله مك كى فرق فاحشلك نندن نشئت  
 ايتديكنى بيلديرمك مصالح واقعه يوميه ده تصادف ايدن امور  
 مشكله نك حل و حكمنده دوچار حيرت و اضطراب اولماق كى  
 منافع كشيره يى مطالعه ايدنلره كوسترمكدن عبارت اولمغله اشته  
 فن تاريخى اوقيوب بيلك هر بر شخص حقنده نصل لزوملى اولديغى  
 بوندن اكلا شيلور انجق طبائع اهالى عالم اسباب و افاعيل عظيمه  
 حقوقى ملابسه سيله فن تاريخك مضبوط و معتبر اولديغى مدت  
 معلومه سندن تا ادراك ايلديكمز يعنى بوانديغمن عصره كلنجه يه دك  
 برقاج دفعه لره هيت اداره عالم تحول و تبدل ايلديكندن اشبه تحولات



کتابه نك مدت لر بنجه قسملر و فصللر ترتیب اولنش ایسه ده ز کر اولنان  
اقسام و فصولك مدت اعتبارلری دخی مورخلرک عهدۀ معلومانه  
براعلایغندن هر بر مورخ دخی التزام ایلدیکی اصوله الوبر شلی  
بر طاقم وقایع مناسبه بی تبدلات جسمیه دن کبی اعتبار ایدرک تقسیم  
ایتمک حقلی بولمشلردر کرچه اور و پالو مورخلرک تألیف ایلدکری  
کابلرنده فن تاریخ اوچ قسم اولوب برنجی قسمی قرون اولی درکه  
حضرت آدم علیه السلامک خلقتدن میلاد عیسی علیه السلامک  
بشنجی عصرینه قدر در قسم ثانی دخی قرون وسطی درکه میلادک  
بشنجی عصرندن اون بشنجی عصرینه دک ممتد اولوب قسم ثالث اولان  
قرون اخیر دخی اون بشنجی عصردن اشبو بولندیغمر اون طقوزنجی  
عصره قدر ممدود و معتبر ایسه ده بونلرک یعنی اشبو اقسام ثلثه نك  
دخی کند و قسملرینک مدت لرینه مخصوص اوله رق بر از فصللاری  
وارد رده رلک یازمشلردر شویله که (استوار انسی بن) دنیلان قرون  
اولی حضرت آدم علیه السلامک ابتدای خلقتدن میلادک در دنجی  
عصرینک نهایتنه یعنی بشنجی عصرک اوائلنه قدر اولمغله تقریباً  
درتبیك در تیوز سنه لك وقایعی شامل اولدیغندن اوچ فصله ترتیب  
اولمشلدر برنجی فصل سنۀ خلقتدن حکومت وایمپراطورلغک واضع  
ومؤسس اولان سیرا کوس نام عجم قرالنک زمانه قدر مرور  
ایدن اوچبیک در تیوز یکر می بش سنه لك وقایعی شاملدر که وقوعات  
مذکورہ ك اکثریسی کتب سماویہ اخباریله بیلمشدر ایکنجی فصل  
سیرا کوس نام قرالک زمان حکومتدن روماجهوریتنک ایمپراطورلغه  
مخویانه سبب اولان اوکوست نام ایمپراطورک زمانه قدر مرور ایلیان  
بشوز یکر می سکر سنه لك وقایع اولوب یعنی اوچبیک در تیوز یکر می بش



سنة سندن اوچبيك طقوز بوز الى اوچ سنة سنة قدر در  
 اوچنجي فصل مذکور او کوست ایمر اطورک عصرندن اوچبوز  
 طقسان بش سنة صکره کلان روما ایمر اطورى بيوک طغودوسک  
 زمانه دک ممتد اولور که میلادک در تیوز یکر می بشنجی سنة لرینه  
 تصادف ایدر

یوند نصکره (استواردمو این از) یعنی قرون وسطی بدأ ایدر که بونک دخی  
 مدت اعتباری بیک یوز سنة اولغله میلاد حضرت عیسا دن در تیوز سنة  
 صکره بدأ ایدوب بشبیک بشیوز سنة سنة قدر یعنی تقریباً بیک یوز  
 سنة مقداری حکمی جاری اولد بگندن بودخی اوچ فصل اعتبار  
 اولمشدر (برنجی فصل سالف الذکر روما ایمر اطورى بيوک طغودوسدن  
 فرانسه الکساندره ممالک غریبه ایمر اطور لغنی تشکیل ایلان شارلی  
 مانع نام ایمر اطورک زمانى اولان سکر یوز تار یخ لرینه قدر حاوی  
 اولوب) ایکنجی فصل دخی مشارالیه شارلی مانعک عصرندن  
 قروازادلرک نهایتی واوروپا الکساندره تمدن و تریسه نک بدایتی اولان  
 بیک اوچبوز تاریخ میلادینه قدر شاملدر (اوچنجی فصل) قروازادلرک  
 نهایتندن خرستوف قلوبک یکی دنیایى کشف ایلدیکی بیک در تیوز  
 طقسان ایکی تاریخچه قدر ممتد اولوب سنة مزبوره دن بروسی (استوار  
 مودرنی) دنیلان قرون اخیردر که بودخی اوچ فصلی مشتملدر  
 ایمی قرون اخیرک برنجی فصلی امار یقسانک کشفندن و ستقالیه  
 مصالحه سیله دولتلرک اصول اداره سنده نظامات جدیده نک  
 وضعنه قدر مرور ایدن یوز الى التى سنة لک وقایعی ذکر ایدوب  
 ایکنجی فصلی و ستقالیه مصالحه سندن فرانسه نک بیوک زور بالغی اولان  
 بیک یدیوز طقسان سکر سنة سنة قدر شاملدر (اوچنجی فصلی دخی



فترت مذکورہ نك سنہ سندن ميلادك ييك سكر يوزاللى ايكي سنہ سى  
 نہایتندك وقایع کلیہ و جزئیہ یی محتویدر) ایمدی اوروپا لورک  
 فن تاریخده ترتیبی اولان اصول هر تقدیر یولنده ایسه ده بزم دخی  
 اصول جدیدہ اوزره یازہ جغز تاریخلرده قسم اعتبار ایتمک شایان  
 برچوق مواد عظیمہ وارد رکہ اوصورتله تقسیم اولمق انجمن دانشک  
 دخی قبول وتصدیقنی دعوت ایدہ جکندن بشقہ اوروپا لورک  
 تاریخلرندہ معتبر اولان قرون اولینک مدتی ایله بزم اصولزہ توافق  
 ایلیان تقسیمک مدتندہ دخی پک چوق اختلافات اولیوب فقط  
 یوزاللی سنہ قدر دها تمدید اولمسی ایله ملت اسلامیہ نك ظهوری  
 تصادف ایدرکہ ملت مذکورہ دنیا یوزندہ پک چوق مواد جسمہ  
 وعظیمہ به موفق اولمش وخلقک اطوار وافکارندہ عظیم تغیراته  
 سبب ویرمش اولدیغندن فن تاریخده معتبر اولان قسم اولہ ثانی  
 وثانی به ثالث دینک شایان باشلیجه وقوعاتدن اولغله قرون اخیرک  
 ابتدا سنہ مبدأ اتخاذ اولمغه موافق وجسبان اولدیغی مثلالتیوز سنہ  
 مرورندہ حکمداران موجودہ نك مطالعات وملاحظساتندہ پک  
 چوق انتباهی موجب اولان دولت علیه عثمانیه نك ظهور وتشکلی  
 دخی قرون اخیرک ایکنجی قسمنه باشلانغج اولمقده یاقبشق اله جغندن  
 اولوجهله اعتبار اولنه رق تقسیم وترتیبہ شروع اولمشدر شویله که  
 قرون اولی خلقت آدم علیه السلامدن حضرت موسی علیه  
 السلامه قدر کذران ایدن وقایعی شامل اولوب قرون وسطی دخی  
 زمان موسی علیه السلامدن هجرت سنیه نبویه علیه افضل  
 التحیه به قدر ممتد اولوب قرون اخیر دخی زمان سعید اقتران  
 حضرت رسالتدن عصر میامن حصر همایونه قدر ممدود ایسه ده



بومدت محدوده اراسنده دخی وقایع جسمه دن خبلی شیلر ساحة  
 ظهوره کلمش اولسندن بشقه دولت علیه نك دخی ظهور و تشکلی  
 حادثات حسنه عالم دن اولغله باشلیجه بر قسم اعتباریه طبقه رابعه  
 دینکه شایان اولدیغندن ذکر اولسان قرون اولی و وسطی ايله  
 قرون اخیرك برنجی قسمك دخی اصول جدیده اوزره تألیف و ترجمه  
 اولنسی سایه موفقیتوایه حضرت خلافتیناهیده تأسیس و تشکیل  
 یورلش اولان انجمن دانش اعضای کرامك همت معلوماتلرینه  
 براغبله رق یا لکز قرون اخیرك قسم ثانسی اعتبار ایلد یکنز  
 اشبو طبقه رابعه که علی الاطلاق دولت علیه عثمانیه نك ظهورند ن  
 زمان بمن اقترا حضرت شاهانه یه وارنجیه دك ساحة ظهوره کلان  
 حوادث عمومیه نك بیان و افاده سنی عصر همایون حضرت  
 خلافتیناهیلرند عا جزانه ابقای نام ایتکه وسیله مخصوصه اتخاذ  
 قلمشدر امدی دولت علیه عثمانیه نك ظهورینه مقدمه اولان  
 وقایع کلیه نك بیان و ایضا حبله دولت مشارالیه نك حوادث  
 داخلیه سی و معاملات خارجیه سی معاصر اولان ملوک و حکمدارلرک  
 احوالیه قارشولشدیریلوب دیباجه کابده بیان اولندیغی اوزره  
 سریرارای سلطنت عثمانی اولان سلاطین عظام حضرتانک  
 مدت حکومتلری بشقه بشقه کابه تقسیم قلمدیغی مثالو دولت  
 مشارالیه نك ظهور و استقلاله مدار اولان وقایع مختلفه جسمه نك  
 اراسنده یعنی ارطغرل غازی نك ایام حکومتی اولان التمش سنه مدته  
 عموما اهالی عالمک تمدن و تربیه سیله حاصل اولان معاملات  
 عمومیه نك فذلکه و مألند برفقده محمله بومحله درج اولنمشدر  
 شویله که هجرتك بشنجی عصرند ن بدنجی عصرینک ابتدالرینه



كلنجيه دك عموما ملل ودول ارا سنده حدوث ايدن فترات  
متواليه متنوعه دن طولاي عالمك هر بر طرفنده بولسان  
علوم ومعارفك مر كز ومنبعي اتخاذا اولنان اما كن معموره  
ومعلومه نك شهرت واعتبارلري قالميوب اديان ومذاهبك تعدد  
وتشنتي اهم موجوده نك ارا سنده موجب مخالفت اولديغندن عالمك  
جميع جهاتنده متعش اولان اقوام وطوائف كندولرينك سعادت  
حالي ريني وقايه ايدن حقوق ملل ودول قانونلريني بيلدكلرندن يكديكر  
ملك موروشي المقي چون حرب وقتالي هر ملت دولت قوتك دوام  
وبقاسنه سبب مستقل ظن ايلدكلرندن علوم ومعارفك حرمت ظاهره  
وقيت فاخره سي خلقك اذ هانندن زائل اولغله علما ومورخينك  
دخي هوس وغيرتلرينه فتور وكسل عارض اولمش ايدى حتى علماي  
اهل سنت اعتقادنجه مذاهب اربعه صاحبي اولان ائمه عظامك  
مذهبلرينه بيكرجه اشخاص ذاهب اولوب اقتدا ايتشلايكن بيله  
هر برلرينك نه مرتبه لرده جفا وحقارتلره اوغرادقلري كذللك  
علمادن بك چوق ذواتك انواع اذيت وفلا كته مبتلا اولدقلري  
تواريخ اسلاميه مطالعه سييله معلوم اولور فقط عصر مذكوره  
سطوت اسلاميه علوم ومعارفك منبعي وترييه وتمد نك مر كزي  
اولان اما كن معموره بي استيلا ايتكله بتون عالمك اصولي دكشوب  
اوروپا قطعه سنده متمكن اولان اهالي باربارلق صفتيله قالدقلري  
حالده پاپا نك تاثير نفوذ روحانيه سييله پاپا سرك پنجه استيلاسي  
التنده اوله رق حرب ايله تعصب ارا سنده قالميريله بر طاقى كلبسا  
وبر كروهى چليپا غوغاسنه دوشدكلرندن علوم ومعارفك  
تحصيلنى تسهيل ايجون تشويق ايدر اسباب ظاهره يوق ايدى



بلاد اسلامیه ده وضع و تأیس اولسان مدرسه لره مقابل اولق  
 اوزره ار القده علوم و معارف اقدمیاری هر نه قدر انشا  
 اولنور ایسه ده اداره داخلیه سنده حکام متعصبه نك مداخله سی  
 منافع مأموله سنی تأخیر و تعویق ایتمکده اولوب انجق حرفت و صنایعه  
 متعلق خیلی شیردخی ایجاد و اختراع اولمشدر از جمله پانظوللی  
 ساعت ویل دکرمنی و پوصله و انواع صوچرخلری و آینه کی بعض  
 شیرك یاییسی طریق دخی فرانسه ده پولمش ایسه ده انلردخی افراد  
 بشرك من قبل الرحمن موهوب و متخلق اولدیغی مایه اصلیه و قابلیت  
 ذاتیه سی دلالتیه کشف و تحقیق ایده یلیدیکی فنون و صنایعك  
 نتایج مدوحه سندن عبارتدر که پوفره نك ایضاح و تفصیلی صدد  
 اصلیدن چیقوب فنون و صنایعه دار اولغله بومقدار ایله اکتفا اولندی  
 اندلس و اسپانیاقطعه سنی ضبط و اسنیلا ایدنلر عصر مذکورده  
 تربیه و تزاكتك درجه نهایتنه وارمشلرایسه ده یرلورك تفاقیله ارالینه  
 دوشن عدم وفاق یرلورك حقوق قدیمه لرینی اعاده یه و سبله  
 اولمشدر پواشاده باروت دخی اوروپالورك اراسنده اختراع اولمش  
 کی ظن اولنور ایسه ده هجرتك برنجی عصر نده قسطنطنیه  
 محاصره سنده سیاحت شرقیه ایلش برپا پاس واسطه سیله باروت  
 مثالو بر ماده سریع الاشتعال ایجاد اولندیغی تواریخ عتیقه ده مضبوط  
 اولدیغندن بشقه اشویدنجی عصرك اواسطنده هلا کو خانك  
 بغدادی محاصره و اسنیلا ایلدیکی وقت اردوسنده باروته مماثل برنوع  
 آلت ناریه اولوب انك واسطه سیله درون قلعه بغداده بنادق کثیره  
 اتوب تخریب ایتدیکی و عربلرك اسپانیاده بوکا مماثل بر آلت ناریه  
 قوللانیدیغی معلوم اولغله بونك اوزرینه اوروپاده دخی باروت



بولوب مدافع متنوعه اختراع اولند قد نصكره معاملات ملل و دول  
 بر بشقه حال كسب ايدوب محاربات مديده شديده اولمشدر  
 والخاصل عصر مذ كورده هيچ بردولت و ملت اسايش واستراحت اوزره  
 اوليوب اسيا قطعه سنك سمت شر قيسنده بولنان مغول تاتارلرينك  
 جهت غربه طوغر و قول قول هجوملري ملا بسه سيله اوغراد قلري حوالى  
 اهابسى طاقم طاقم اسيا نك سمت غريبسنة طرف طرف يايلىد قلري  
 ائناده ملت اسلاميه اراسنده بريوك قار يشقلى ظهور ايدرك برقاج  
 يوزسنة لك دولت و حكومتلك هيئتلى برانده پريشان اولوب قوتلى  
 ضعفه مبدل اولديغندن ممالك اسلاميه ده كسب نفوذ ايليان مغول  
 تاتارلى حكمدارلرينك اكثريسى اهل اسلامدن اولد قلري جهته  
 خدمتلرنده قوللاندى قلري مسلمانلى انواع حقارت ايله استخدام  
 ايلد كد نصكره حقارنده بر تاتارك ايتدىكى افترا تحقيق و تحرى  
 اولنمىسز ين قتل و اعدام ايلد كلرن دن اذهان ناسى بوملا بسه ايله  
 امنيتسز لك استيعاب ايتمش ايدى بناء عليه بونلرك يعنى سلاطين  
 جنكيزيه نك خدمتلرنده بولنان امر اى اسلاميه اراسنده كرك  
 خريستيانلىق مذهبنى مروج و كرك حضرت موسى عليه السلامى  
 معتقد بر طاقم افكار متباينه اصحابى بولند قلرن دن انلرك هر برى  
 ديكرى عليهنه بولنه رق هلاك و خانك وزيرلرن دن اولان تاريخ  
 جهانكشاكي بر اثر معتبرك صاحبي خواجه جهان شمس الدين  
 جوينى و بغداد واليسى اولان برادرى علاء الدين عطا ملك و اصفهان  
 واليسى اوغلو بهاء الدين جوينى ينه خان مذكورك امر اسندن  
 محمد الملك يزدينك فساد و نفاقيله تلف اولمشدر در كه تفصيلى تاريخ  
 خواندميرك جلد ثالث جزو ثانيايسنده محرر در كذلك سعد الدوله



نامنده بریهودی طبابت خدمتیه حضور پادشاهیده کسب اعتبار  
ایلد کدنصکره هیئت دولتک اداره سبله امر انک تحصیل اموال میریده  
ایلد کیری تسکاسلی حرم سلطنته بیان ایدرک نزد ایلخانیده معتبر اولدیغنه  
مبنی وزارت منصبی دخی احراز ایلوب زیر حکومتده بولنان مبلبونلرجه  
مسلمانلری قتل ایتدکله یکیدن برملت جنه کیزیه چیقارمغی نصیم  
ایلدیکندن بشقه کعبه معظمه نک بنی اسرائیل و یرلمسی امرینی دخی  
تحصیل ایتیش ایشه ده او کونلرده ایلخان خسته لندیکندن اهالی مسلمین  
طوپلنوب سعدالدوله بی قتل ایدوب مر امنی اجرایه براقدیلتارلر دخی  
هر نقدر ممالک اسلامییه نک اکثر طرفلرینی اسنیللا ایتیشلر ایشه ده  
کندولر نک بقارینه اعتماد و امنیت ویره جک سند صحیحلری یوق ایدی  
زیرا او عصرلرده حقوق ملکبه سنی ضایع ایدنلر اعااده یه چالیشوب  
بعضیلر تجاویزی و بعضیلری تحفظی حرکتده بولمغله حیث ملیه  
بر طرفه براغیلوب هر دولت و حکومت دخی یکدیگره نظر حقد  
و حسد ایله باققده اولدقلرندن شیرازه نظام اسلام بوزولوب  
طاغملغه باشلامش ایدی ممالک اسلامییه نک بومر تبهلرده قاریشق  
اولسی مخالفینه زمان فرصت اتخاذاولندیغندن غربدن شرقه یعنی  
اوروپا طرفندن دخی افریقا و آسیا قطعه لرینه مقابله اولمق اوزره  
غلبانلر ظهور ایلدیکنندن اکابر و اعیان ناسک سفر برلکه اولان  
میل و رغبتی عصرک روش و مصلحتی ایجا بندن اولمغله عموما خلق  
عالم کسندواستکریله عسکرلکی عادت ایدنش اولملرینه مبنی معاملات  
عمومیه و تدبیر سیاست و ریاست ماده لری عجب و غرور و تعصب ایله  
زبان سیف و سنانه حواله اولندیغندن بتون عالمده حکومت جبارانه  
میدان آلمش ایدی شویله که ملت اسلامییه نک شهرت فاخره سنه



سبب و بادی اولان عندالت وصلابت و حیت و عصبت ماده لر ینک  
 لزوم حقیقتیسی اونودلدیجه خلافتک سلطنتله مشترک اولان اهییتی  
 زائل اولوب قوه ملیه متفرق اولدقدده هر یرده جهانگیرلک و تفوق  
 دعوالری حکومتک اساسی اتخاذا اولندیغندن اذهان عمومه القای  
 رعب و هراس ایده جک معاملاتک اجراسی نظام و قانون واسطه لر یله  
 اولمیوب هر کس کندومزاج و طبیعتنده مرکوز اولان وجهله حکم  
 ایتمکده اولدقلرندن ناشی ناموس و خوف صلاحک احکامی دخی  
 اغراض مخصوصه ذاتیه دن عبارت بولمسی اوروپانک سواحیل  
 جنوب غریبسندن تا پارسه قدر حکم و نفوذ لری جاری اولان  
 قوجه بر حکومت اسلامیة نک رفته رفته منقلب زوال و ادبار اولمسی  
 انتاج ایش ایشه ده ارادت ازلیه ربانیه کره ارضک طول و عرضنده  
 بولنان بالجمله ملت اسلامیة نک الی انقراض الشهور و الایام ضیاء  
 شرع منیر سید الانام ایله مستنیر اولمسنه تعلق ایتدیکنه مبنی محال  
 معلومه مذکورده واقع اولان قران تحسک مکافات جلیله سی  
 اوله رق قطعته مذکورده اوروپانک سواحیل جنوب شرقیسنه مقابل  
 اولان قطعته وسیعه آسیانک سمت شمال غریبسنده فارسان خطه  
 مسلمانی و فارسان عرصه صاحبقرانی اولان خاندان جلیل الشان  
 عثمانینک کوبه کوب اقبال و استقلالی افق سعادتدن لامع و طالع  
 اولدیجه عالمک اصولی دکشوب پولیتیکه لرک اساسی بریشقه زمین  
 اوزرینه وضع اولمشدز که تفصیلی بوکابک مجلدات متعاقبه سنده  
 صره سیله یازلمشدر

بوکابک حاوی اولدیغی مدت که علی الاطلاق قرون اخیرک قسم  
 ثانسی اولغله بوزمانلرده اوروپاده واقع دولترک بعضیلرنده واردات



مالكانه قبيلىدن اولوب بعضيلرى دىخى رعاياسنى اسارت يولنده  
 استخداام ايدرك اموال كثره استحصال ايدرلرايدى بعضى مواقعده  
 دىخى رومانك اسكى جمهوريتك ائارى اوله رق مصارف واقعه ملت  
 اورته سنده تسويه اولنور ايدى لىكن برمدتدنبرواوروپايى تعصب رهابين  
 استيلا ايلديكندن دولتلىر اراسنده وارداتك اكثر واغلبى كلسالره  
 مربوط اولديغندن اداره ملك وملت عموما پاپاسلرك حكومتى  
 التنده ايدى و برده حكومته يكي دن ضميمه وادخال قلنان اراضينك  
 محصولات معينه سى دىخى كذلك پاپاسلرك مداخله لريله امور اعتقادي  
 يولنده صرف و خرج اولنوب اهلينك اسائش مستقبليه سنى تسهيل  
 و تحصيل ضمننده معموريت ممالك قضيه نافع سنده باقبله مبوب دنيايى  
 آخرت ايچون چا لشمغه مخصوص بر عبادتگاه جسمه كى عد  
 ايدرلرايدى وعلى الاطلاق اوروپا دولترينك امور داخليله لرى  
 پاپاسلرك حكمتى تحننده اولديغندن خلقى صنايع و حرفتدن منع ايدوب  
 محافظه دين خصوصندن طولايى كندودينلرينك عليهنه بولنا نلره  
 اظهار بغض و عداوت ايتكى ترويج ايلككدن خالى اولمازلرايدى  
 خلقك اكثر واغلبى دىخى بونك خلافتنه اوله رق برطرفدن غليان  
 عشق و سودا و برطرفدن دىخى بتون قطعه اوروپايى خاندان  
 حكمدارانك اصلزادكانه غلبه ايدرك استيلا ايتكى درون ممالكده  
 فسادات متماديه نك ظهورينه سبب اولديغندن تمدن و تريبه نك  
 اساسى اولان راحت و اسائشك نامى اونودلمش قالمش ايدى  
 اسيا قطعه سنده و افريقا و اوروپا نك اسپانيا جهتلرنده بولنان  
 حكمداران اسلاميه نك دىخى اداره اموردا خليه لرى نظام وقاعده  
 تحننده اولديغندن بشقه علامه ذوفنون كتاب عنوان العبر صاحبى



ابن خلدون کتاب اولك اوچنچي فصلنك اون سكرنجي بابنده بيان ايتشدركه  
 اجانب و اباعد در دولته تقرب و حلول ايدرك ظهور دولتندنبرو  
 اباعن جد بارگاه دولتي بکليان بکثر برطاقم افتزالر بلاسيه اچيقده قالوب  
 نظر التفاتدن ساقط اولدقلري حالده اداره مهام ملك و ملت بو وسيله ايله  
 سرکرده قبائل اولان امرای قديمه نك دست اقتدارندن نزع و اخراج  
 اولمغله اصول حكومت امرای جديده نك انصافنه محول اوله رقي گاه  
 معتدلا نه و گاه جبارانه حكومت اولمغده اولوب واردات ملكيه لري دخی  
 باج و خراج و غنائم امثاليه تيمارات و زعامات انواعنه منحصر ايكن خلقك  
 عدم قبولنه اصلا التفات ايتيه رك يکيدن ايراد استحصالنه قالقديلر  
 اشته بوماده يي ابن خلدون شويله تفصيل ايتشدركه عباسيلرك  
 ظل همای دولتری پيرامن دامن مملکتدن زائل اولمسنه بادی  
 اولان اسبابك بريسي احتشام و سلطنته واردات موضوعه نك کفايت  
 ايدمه ميوب يکيدن ايراد استحصالی ماده سي افکار عموميه نك نفرتنه  
 و اولياي دولت دنيلان امکداران سلطنتك خدمات سابقه سي تقدير  
 اولنميوب اجانب و اباعدك مناصب ساميه يي اعتلايتمسي ديالنه و سلچوفي  
 و ادارسه وايوبي امثالي متغلبه نك استيلاسيه بمالك عباسيه نك  
 اول امرده منقسم اولسنه بعده هلا کوکي بر جبارك هجومنده خلقك  
 بعض اطوار ناجايه قيرلش اولسيه کوکلسر طاوور انمسي و امکداران  
 سلطنتك دخی کيروييه چکلمسي وقعه فاجعه معلومه نك ظهوريني  
 دعوت و تعجيل ايتشدركه بونك تفصيلي يوقاروده يازلمشدر فقط دولت  
 عباسيه دن تفرع ايليوب ايرلش اولان حکمدارلرک جمله سي کندولرينك  
 ناملرينه مخصوص اوله رقي سيم و زردن سکه لر ضرب ايتديريرلر  
 ايسه ده يالکز خطبه ده خليفه عصرک نامني کندو ناملرينه تقديم



ایدرک کارلرایدی چونکه ملت اسلامیة ده بومه حال برامیر المؤمنین  
وامام فی الدین بولنقی یعنی صاحب شریعت افندیزد نصکره مقام  
خلافت اسلامیة نک بر محله طانلیسی ❦ اطیعوا الله واطیعوا الرسول  
واولی الامر منکم ❦ نص جلیلی اقتضاسندن اولغله اور وپادولترنده  
اولدیغی مثلوا کابرواعیان ناسک حکومتی یاخود اسافل واحادک  
اداره مملکتیه مداخله سی بروجهله جائز اولیبوب دائماً ناموس سلطنتی  
وقایه وحقوق حکومتی عدالت وحرچندن ایرلیدیغی حالده استقلال  
کامله اوزره حمایه ایتک شرع شریفک احکام منیفه سندن اولمق  
ملا بسه سیله اصلا حکومت مشترطه وشروطه اصولنده بولنما مشلردر  
علمای اهل سنتک اقوال مشروعه لرینه اتباع ایدن مسلمین بروقتده  
جمهور اولمشلردر حد اولسون دولت علیه عثمانیه نک سلاطین  
عظامی حکومت وسلطنتک شان وشکوه سیله عنوان خلافت  
اسلامیه پی برلشدیرمش اولدقلرندن کندولری حوزه حکومتلرنده  
بولنان اهلینک متبوع مفخماری اولدیغی مثلوا قطارارضده واقع  
کافه اهل اسلامک دخی متبوع شرعیسی اولمشلردر اشته بویه  
بردولت عظیمه وشدید الشکیمه نک تأثیر نفوذینی معاصر لر یله موازنه  
ایدرک حصوله کلان مال فذلکه سندن ترتب ایدن احکام جلیله سی  
بوکابک مجلدات متعاقبه سنده ممکن اولدیغی مرتبه ایضاح اولنور  
(اوروپا حکمدار لقلرینک هر بری برکونا اداره تحتنده اولوب یعنی  
جمهوریت مرتبه سندن حکومت مطلقه درجه سنه قدر افراط  
وتفریط اراسنده پک سر بسط وپک صبقی یعنی مساعدده لی  
ومساعدده سز حکومتلروارددر فقط اوروپا دولترینک اسیادولتلی  
مثلوا سر بیع الزوال اولدقلری مرکز حکومتده اصلزادکانک



بولوب اجانب و ابا عدك دردولته كسب اختصاص ايدرك مهام انامه  
مداخله ایده مامسی دوام دولت و سلطنته مدار اولان عصیت  
ماده سنك بوز ولامسی موجب اولدیغندن یدی سکر یوز سنه لك  
دولت و حکومتلر واریدی انجق عصر مذکورده بتون اور و پا  
اهالیسی پاپانك حکمی التنده بولندقلرندن عالمی پاپاسلر اسنیلا  
ایتمش اولغله فرانسه ممالکی پادشاهلیق اداره سیله نمچه والامانیا  
ممالکی دخی حکومت مطلقه یولنده اوله رق ایمپراطورلق اداره سنده  
اولوب وندك الكاسی اسکی رومالوردن بقیه اولقی اوزره جمهوریت  
تختنده و روم ایمپراطورلغی دخی مونارشی دنیسلان اصولده جزایر  
بحر سفید اهالیسی ایسه عوما جمهورلق یولنده ایدی که بونلرك  
هر بریسنك تفصیلاتی منسوب اولدیغی ملت و دولتك وقایع  
داخلیه سنی بیان ایدن تواریح مخصوصه لرده یازلمشدر مراجمت  
یوریه

میلاد عیسی علیه السلامك دردنجی عصرندن اون التجی عصرینه  
کلنجیهك یعنی هجرت سنیه نبویه دن تقریبا اوچبوز سنه مقدمدنبرو  
باشلا یوب طقوز یوزتاریخنه قدر شرق و غرب کلیسا سنك  
برلشمسینه دائریکرمی بردفعه عقده اولسان مجالس مشهوره دن  
اون ایکنجی و اون اوچنجی و اون دردنجی و اون بشنجی دفعه منعقد اولان  
مجلسلر بوتاریخنك مدته تصادف ایلدیکندن درج اولمشدر  
شوبله که اشبودرت مجلسك برنجیسی که ابتدا سنندن اعتبارا اون  
ایکنجی سیدرمیلادك بیک ایکوزاون بر یعنی هجرتك التیوزاون ایکی  
سنه سنده روم شهنده مشهور اولان لاتران سراینده اوچنجی  
اینوسان نام پاپانك نظارت و ریاستی تحتنده اوله رق استانبول



وقدس شریف بطریق قری ایلہ یتش بر مترو پولید و در تیوزاون ایکی  
 پاپاسدن عبارت پر جمعیت کثیره اوله رق قدس شریفی و اراضی  
 مقدسه پی اهل اسلام المدن المی اوزره مذاکره و قررا و یرد کلرندن  
 ممالک غریبه کلپسارنده اعلان نامه لر اوقونه رق عموما خریسنان  
 طائفه سنک شدتله بریه الشام و مصر طر فلرینه هجو ملرینی  
 دعوت ایتشد در که تفصیلی مصر ملکری ایلہ اهل صلیب  
 فقره سنده یازم شد کذلک مارالبیان درت مجلسلرک  
 ایکنجیسی که ابتدا سینه نظرا اون او جنجیدر مجلس مذکور دن  
 اوتوز بر سینه مرورنده فرانسه ممالککنده واقع لیون شهرنده دردیجی  
 اینوسان نام پاپانک زیر نظارتنده اولق اوزره استانبول بطریق  
 وانطاکیه واکبله ووندیک بطریق قری ایلہ یوز قرق مترو پولید  
 وفرنکلردن اولوبده استانبولده روم ایمپراطورلرینی دفع ایدرک شرق  
 ایمپراطور لغنی تشکیل ایدن ایکنجی بود و این و فرانسه قرالی اولان  
 طقوزنجی لوئی که کند و مذهب و دینی اغورنده فدای جان ایدنجه دیک  
 پک چوق محاربه لر ایلدیکندن فرانسه تاریخلرنده مومی الیهک نامی  
 ذکر اولندجه احترام و اعزاز ایچون (سن لوئی) دخی دیرلر و الامانیا  
 ایمپراطوری ایکنجی فره در بق جمع اولوب فرانسه قرالی مذکور  
 سن لوئینک اداره سنده اوله رق ارض فلسطینه برطاقم اهل صلیب  
 مأمور ایتدیله رایسه ده نتایج حسنه یه نائل اوله میوب مأموللری مبدل  
 یأس و حرمان اولنجه براتفاق عمومیهنک تأسیسیه کندولرینه مخالف  
 واعد اولنلرک اطرافنی احاطه ایتک ایچون اوتوز بر سینه مرورنده  
 یعنی هجرتک التیوز یتش ایکی تاریخنده اونجی غره غوار نام پاپانک  
 ریاسنیه انطاکیه و استانبول بطریق قریله اون بش قاردینال و بشیوز



پس سقیوس و یتش پاپاس و یسک قدر دعوا و کیلاری شرق و غرب  
 کلبسارینی یعنی روم مذهبی ایله قتولیک مذهبنی برلشدیرمک اوزره  
 لیونده عقد جمعیت اولنوب روم ملتی طرفندن اشوبرلشمک ماده سی  
 بروجهله قبول اولنمیوب بعضی مرتبه اعتراضلردخی واقع اولدیغندن  
 ده اطرافلیمه مذاکره اولمق اوزره اشوبرلشمک ماده سنک قراری  
 قسطنطنینه بطریقیه پاپاسلرینه حواله اولمش ایسه ده اواشارده  
 استانبولک علی الخصوص روم ایلیسک روم الندن چیقوب اجنبی  
 ایقلمینک التده قالسی کندولرینک هیچ بروقتیده راضی و خوشنود  
 اولیه جقلری غلبه و استیلاک سرعت و تعجیلنه سبب ویرمسیمه  
 ظهوری ملحوظ اولان غائله عظیمه داخلیه نک اوکنی کسدرمک  
 ایچون هجرتک یدیوزاون برنجی سنه سی بشنجی قله مان نام پاپانک  
 نظارتیه انطاکیه و اسکندریه بطریقاری و اوچیوزمقداری پسقیوس  
 و فرانسه قرالی دردمچی فلیب و انکلتره قرالی ایکنجی ادوارد واره غون  
 قرالی ایکنجی یاکس عقد مجلس مشورت ایلبوب تابولسدیغمن  
 عصره قدر تلاحق افکارایله درلودرلو مغنارل ویریه رک مجالس  
 و محافلده اوزون اوزون جریان ایدن مسئله شرقیه ماده  
 معتابها سنک اساسنه خدمت ضمننده افریقا و آسیا اهابسنک خلافت  
 عهد و میثاق ایلدکلرندن ملل شرقیه و جنوبیه ایله غریبه و شمالیه  
 اراسنده چوق وقت و بلسکه هیچ برزمانلرده صفوت و ایئتلاف قبول  
 ایتیه جک صورتده بغض و عداوتک پردن اولاده انتقالنه سبب  
 اولدیلم

انیحق مر بنی حقیقی عالم اولان حق جل و علا حضرتلرینک عنایات  
 جلیله ربانیه لری اولمق اوزره انسانک موهوب و متخلق اولدیغی



خصائل جيله مرغويه سي اقتضا سنجده مرور سنين ودهور ايله  
 برطرفدن تمدن و تربيه نك ايلرو لمسي و برطرفدن دخی بغض  
 وعداوتك اشتداديني موجب اولان اسبابك رفته رفته كسب خفت  
 ايتمسيله معاملات دنيويه ده افكار ناسك برلشمسي و بوندن فضله  
 اوله رق اسپانيا و اندلس قطعه سي اوزرنده اوروپا لورك افریقالوره  
 و عربلره اولان غلبات متواليه لري اوعصر لرده اوروپا لورك ملل  
 شرقیه حقنده اولان نأرة عداوتلرينك في الجملة انخماد و سكوتنه باعث  
 اولديغي مثلوال عثمان پادشاهلرينك دخی بر زمانده مغلوب اوليان  
 قوت و اقتدار لري ممالك سلجوقيه و يونان ايله رومستان و بلغارستان  
 و بوسنه و صربستان حواله مسنه قدر يايلىش اولسي و كوندن كونه  
 قوت و استيلا لرينك ازاله بوب چوغالمسي (قوروا زاد) دنيلان اهل  
 صليبيك غيرت و اصرار لرينه برنوع فتور و پریشانلق القا ايلديكندن  
 ارتق بواميد و املك مطلوب اولديغي وجهله ميدانه چيقوب  
 حصوله كمسي نظامات داخله و بلديه نك يولنه كيرمسنه منوط اولوب  
 اودخی تمدن و تربيه نك اس و اساسي اولان علم و معارف طبقات ناسه  
 نشر و تعميم ايچون صرف همت و اقتدار ايدرك خلقك تهذيب  
 اخلاق ايله مسلك و مذهبي وقايه و حمايه ايلوب بونكله برابرقوه ماليه  
 مليه نك چوغالوب كسب تأسيس ايتسي اسبابنه تشبث ايديله رك  
 حقوق حكومت و ملتي على الدوام محافظه ايدوب صنايع و حرفتي  
 الهالوب جلب منفعت ايتكه يول بولدقدن صكره ايلروده يواش يواش  
 بتون دنيا نك سطوحی اوزرنده بولسان اقوام و قبائل مختلفه به  
 ادنا همتله بلكه هيچ اورالره قالمقسزين طبيعتيله ظفر و غلبه نك  
 ميسر اوله جغي مجالس عموميه مذكوره ده التزام اولسان بوليتيقي نك



نتیجہ قراری اولمشدر کہ بویما وایهامک ایضاحی اور ویا قطعہ سندہ واقع  
 روم ابلی الکاسنی فتح و تسخیرہ موفق اولان خداوند کار سلطان  
 مراد خان غازی حضرت تیرینک احوال داخلہ لرینہ دائریان ایدن کتاب  
 رابعہ براقلش ایسہ دہ ہر کتابک قسم اخیرہ اولان محاکمہ  
 فصلی بربرینہ ربط ایلہ صرہ سیلہ مطالعہ اولند یغی  
 حالہ ملال غریبہ نک شرقیہ علیہنہ قوللاند قلی  
 پولنیکہ لرک اساسنہ اولد جغہ معلومات  
 حاصل اولہ جغی جہتہ مطالعہ سنہ

رغبت بیور لمسی

اخطار

اولنور

مقدمہ مقامندہ اولوب بودفعہ سایہ معارفوایہ حضرت شاہانہ دہ  
 طبعخانہ عامرہ دہ طبع اولمش اولان اشبو برنجی جلد  
 ہجرت نبویہ نک التیوز یکر می سنہ سندن التیوز سکسان  
 سنہ سنہ قدر یعنی ارطغرل غازی نک مدت امارتی  
 عد اولسان التمش سنہ لک وقایع عمومیہ پی  
 شامل اولوب بقیہ سی جلد ثانی یہ  
 براقلمشدر

م

م



اشبوجد ولان کوستریلان ایکی خانہ رقمبرک اولگیسی ملوک موجودہ نک سنہ جلوسلری اولوب ایکنجیسی سنہ وفاتری اولہ رق دولت علیہ نک بدایت ظهورنک جداجمد عثمانی اولان سلیمان شاه وارطغرل غازی نک ممالک رومہ کلوب توطن ایلدیگی التیوز یگرمی تاربخلرنک التیوز سکسان سنہ سنہ دک الشمس سنہ مدت بولنان سلاطین اسلامیہ وحکمداران عیسویہ نک مدت حکومتلری دکر بقیہ سی جلد ثانیہ اشادت اولمشدر

[illegible]







جَزْوَافِلَكِ وَل

[illegible]











فصل اول

عثمان غازينك معا صرلری بيانده در

3

فصل ثانی

سلطان عثمان غازی نیک مدت حکومت کرده اولان وقایع داخلید بیانده در

25

سلجوقیه پادشاهی سلطان علاء الدین کیقباد بن فرامرز طرفند ن  
عثمان خانه امارت و حکومتی حاوی وارد اولان منشور هما یونک  
صورتی

ΣΥ

عثمان خان طرفیندن تقدیم اولمان تشکرنامه



لا دق

ay

عصر مذکورک محاکمه سی وفذاکه سی بیاندوده در

۷۲



سعاد تلو خير الله افندى حضرتلرينك  
جمع و ترتيب ايلديكى دولت  
عليه عثمانيه تاريخنك  
ايكنجى جلد ر







بسم الله الرحمن الرحيم

حدوثنا وشكر بی انتہا جناب حق جل وعلا یه وصلاۃ عدم الانقضا  
دخی خاتم النبیین اولان رسول کبریایه تقدیم قلند قد نصکره معلوم  
اوله کہ بودند ن اقدم یازیلان دفتر اول کوکبہ کوکب دولت علیه  
عثمانیہ نک مشرق سعادت دن طلوع وظہورینہ مقدمہ مقامندہ  
اولہ رق ہجرتک التیوز یکر می تاریخندن التیوز سکسان سنہ سنہ  
قد ریعنی ارطغرل غازی نک ممالک رومہ کلوب کیرد یکی زماندن وفاتہ  
قدر مرورایدن الشمس سنہ مدتہ معاصر لک احوالی ایلہ برابر وقایع  
عالمک برنوع فہرست اجمالی بسی اولد یغنی مثلواشبو دفتر ثانی دخی  
التیوز سکسان سنہ سنہ ید ییوز یکر می بش سنہ سنہ قدر یعنی  
عثمان غازی نک سریر امارتہ کلوب دولت علیه عثمانیہ نک تأسیس  
وتشکیلہ نہ وجهلہ ظفر یاب اولوب امارت وسلطنتی فصل طریق  
ایلہ استحصال ایلد یکنک بیانی ومعاصر اولہ رق بولمان بالجلہ ملوک



اسلاميه و حکمداران عيسويه نك قرق بش سنه مدته ساحه ظهوره  
کلان احوال مختلفه سی بوجه مختصر بوجه درج و تسطیر اولندی

فصل اول

غازی عثمان خان حضرت تارینک مدت امارتند ه معاصر اوله رقی بولنان  
ملوک اسلامیه و حکمداران عيسويه نك احوالی بیانده در

مقدمه مقامند ه اولان کتاب اولده ذکر اولندی یغی اوزره خلیفه عباسی  
مستعصم بالله بغداد وقعه سنده مقتول اولد قد نصیره مستعصم  
بالله مصره فرارایدوب اورادن عسکر ارتد کیله تاتاراوسننه هجوم  
ایتمش ایسه ده کند وسنه تابع اولان عساکر موصل حواله بسند ه منهرزم  
و کند وسی دخی هنگام محاربه ده مقتول اولنجه یرینه حاکم بامر الله  
حضور علماده اثبات نسب ایدرک مصرده خلیفه اواشیدی چونکه  
مصرده دولت فاطمیه منقرض اولوب یرینه صلاح الدین یوسف  
بن نجم الدین ایوب غلبه ایلیه رک زمام حکومتی الینه الد قد نصیره  
ارتق دولت ایویه نك رونق و اقبالی ضمتند ه طبقه فاطمیونه رغما  
اخلفاء عباسیه نك خلافتلرینی تصدیق و اعتراف ایلد یارایدی بناء  
علیه خلفاء عباسیه یه بغداد ده انقراض کلد یکنندن بتکرار فاس  
ومغرب طرفلرندن فاطمیلر فرجه بولماسونلر دیو سلاله عباسیه نك  
بقیه سنی مصره جلب ایلیه رک اداره امور مملکت و حکومته مداخله  
ایتمامک فقط حکمداران اسلامیه نك حکومت و سلطنتی و احکام  
شرعیه ده حکومتی صحیح اولقی اوزره رخصت استیانتلره اجازت  
نامه و یرمک ایله یالکیز بر اعتبار معنویسی قالوب انجق حکومت  
و سلطنت سلاطین ایویه تصر فنده اولمغله کوشه و حده  
چمکیلوب ملوک و سلاطین طرفلرندن فقط بیعت اولوب رسمامنشور



سلطنت انور لرایدی بو حال ایله مشارالیه قرق برسنه خلافت ایدوب  
 یدییوز برسنه هجریه سنه فوت اولوب برینه مسه کفی بالله مسند خلافت  
 جلوس ایدوب براز زمان هرورنده مصر سلطانی بولان ملک ناصر  
 محمد بن قلاوون هجرتک یدییوز اوچنجی سنه سی خانان خنکیریه دن  
 محمود غازان خانک هجو منه قارشو عساکر نصرت مأثر ایله واروب  
 مظفر اولد قد نصر کره مصر ملکی مشارالیه ملک ناصر محمد بن  
 قلاوون ایله خلیفه مشارالیهک اره لرند مذهب زیدیه طرفدار  
 اولان غیر تکشان فاطمیونک افساد وافترا سببیه امارت و سلطنت  
 خصوصندن طولانی منافسه ظهور ایلد یکنندن خلیفه بی اولاد  
 و عیالیه فیوم طرفه اقامته مأمور ایدوب وفاته قدر خلیفه مشارالیه  
 فیومده نظارت التده اوله رق اقامت ایلشدر که مدت حبسی  
 اوتوزدرت سنه اولوب وفاتی دخی هجرتک یدییوز قرق تاریخنده اولشدر  
 مصر ملکی اولان ملک ناصر دخی سریر امارته ابتدا طقوز یاشنده  
 جلوس ایدوب قرق برسنه مدته اوج دفعه مصره سلطان اولشدر  
 و مشارالیهک هنکام حکومتده قوت و مکنتی درجه قصوایه و مرتبه  
 علیایه بالغ اولش ایکن بیه امرانک تغلب و تسلطی سببیه اوج دفعه  
 سریر حکومتدن معزول و مخلوع اولوب برینه ابتدا ناصرک وزیرلندن  
 کتبغاد نیلان کیمسه ملک العادل عنوانیه اهالی یه کند و سنی قبول  
 ایتد یروب پادشاهی حبسه قالد رمش ایدی بوار القده کذلک امراء  
 ناصر دن لاچین نام وزیرک خروجه کتبغاد دخی امارتدن معزول  
 و مخلوع اولنجه ملک منصور لقبیه لاچین سریر امارته صعود ایتدیکی  
 وقتلرده دهام ملک ناصر محمد بن قلاوون مسندینی استرداد و تحصیل  
 ایده میوب کرک حکومتده بیغوله نشین انزوا اولش ایدی که بونک



بقیه سی کتاب ثالثه ذکر او انسه کر کرد کتاب اولک حاوی و شامل  
اولد یغی مدته تصادف ایتک ملا بسه سیله احوال داخلیه لری  
ذکر و بیان اولنان سلاطین سلجوقیه دن عزالدین کیکاوس خانان  
جنگیریه دن منکوقاآن خاکی قهرندن قورقوب بزانشیو ایمپراطوری  
بولنان میخال پاله اوغه قرابتی مناسبتیه التجایدوب اوراده اون سنه  
قدر اقامت ایدریکی اثنا ده اوغوزلو طائفه سندن برجعت کثیره  
وعلی بهادر و صاری صالتق نام ذات ایله اونیک قدر مسلمین مسافرت  
طریقیه بزانشیو یعنی استانبول طرفنه نقل و هجرت ایتدکارنده ایمپراطور  
جانبندن بولره دو بریجه اواسی مسکن اولق اوزره کوسترمش ایدی براز  
مدت مرورنده قیائل مذکوره بزانشیو حکومتی علمیه اوله رق  
اتفاق ایتشار دیو ایمپراطوره غمز و نفاق ایتدکارندن مشارالیه سلطان  
عزالدینی و والد سنی که ایمپراطورک همشیره سید رغیاث الدین مسعود  
رکن الدین کیمورت نام ایکی نفر سلطان زاده لرایله علی بهادری ایمپراطور  
دسپسه ایله استانبوله دعوت ایلد که نصکره علی بهادری قتل  
ایدوب سلطان عزالدینی دخی بشقه بر محمله و والد سنی کند و سراینده  
حبس ایلد یکی قونییه نام شهرده اجرای سلطنت و حکومت ایلان  
روم سلطانی رکن الدینه منعکس اولد قدده هر نقد ربرادرینک بعض  
اوضاعندن کوجنمش و انجنمش ايسه ده روم ایلارنده اولاد و عیالیه  
حبس و حقارته گرفتار اولدیغنی دخی حیت و انسانیت اقتضا سنجه  
لایق کور میوب دشت قبیاق حاکی برکت خانه عزالدینی روم  
ایلندن قورنار مق ایچون التماس ایلدی ایدی برکت خان دخی طونه  
نهری بوز بغلیوب طو که قد نصکره یکر می یک مقدا ری سوار  
نیزه دار ایله نهر مزبورک اوزرندن کچوب استانبول قلعه سنک



دیوارینه قدر نهیب و غارت ایدرک هجوم ایلوب عزالدینی و دو بر یجده  
اولان اناطولی مهاجرلرینی استصحاب ایله قریمه نقل و ایصال  
ایلدی فقط بیک قدر نوکر و توابع ایله شهرزاده لر و والده لر یله استانبولده  
محبوس اوله رق قالدیلر انجق قلانلرک برازی ابرام و اجبار ایله تنصر  
ایلیوب بر طاقی بو یولده مرتبه شهادته ایر مشلردر سلطان  
رکن الدین امرانک عدم اتفاقیله قضایه اوغرایوب هلاک اولدقد  
یرینه غیاث الدین کیخسرو ثالث که مرحومک اوغاور اوچ یاشنده  
ایکن سریر حکومته اجلاس اولوب وزیر اعظم مقامنده اولان  
فخر الدین علی ایله ظغراک شاک خد متنده بولمان معین الدین  
سلیمان پروانه کفالت و وکالت ایتکده ایدیلر مومی الیه عزالدین دخی قبیاق  
طرفنده فوت اولدقد نصکره اوغلی غیاث الدین مسعود ولی  
عهدی اولغله پدرینک نصیحت و وصیتی موجبجه اناطولی ممالکنه  
قره دکن کچوب اباقا خان درگاهنه عرض خلوص ایدرک  
ممالک موروثه یه یرلغ بلیغ الدی بواشاده اباقا خان فوت اولوب یرینه  
ارغون خان شهنشاه جهان اولنججه ممالک سلجوقیه سلطنتی  
سلطان مسعودک عمیسی رکن الدینک وفاتند نصکره اوغلو غیاث  
الدین ثالث ایله مشار الیه سلطان مسعوده بر وجه نصیبت توجیه  
واحاه بیورلدی ایددی مومی الیه سلطان مسعودک برادرلندن  
براق چلبی صار و صالتی ایله دیار اسلامه چیقوب دیکر برادرینی  
اندریاء ثالث نام ایمپراطور روم آیینی اوزره وفتبس ایدوب سلاطینه  
ارسال ایلد مشدر که قره فریه نام شهرده یقین وقته قدر سلجوقیلر  
نسلندن برقیبیلله اولوب تکالیف عرفیه و دیوانه دن معاف  
اولمشلر ایدی هجرتک التیوز طقسان برسنه سی محرمنده قرمانیلر



لارنده اهاپسنى و ارمنساك تركلرينى تحريك ايله مقتول محمد بكك  
اوغلى محمود بكك اميرلكى ايجون قونيه طرفنه هجوم ايلدكلرى  
زمان سلطان غياث الدين ثالث ايله سلطان مسعود ايلخان اعظم  
ارغون خان طرفندن امداد طلبنده اولد قلرى جهتله خان مشاراليه  
جانبندن دخى كىخاتو خان عساكر كشيده ايله ممالك رومه اعزام  
واسرا اولنه رق محاربه عديده وقوعيله قرمانلىرى پریشان  
ايلد كد نصكره كىخاتو خان انهاسيله ممالك رومك حكومتى  
اشتراكدن قورتارلق نيتيله مشاراليه سلطان غياث الدين كىخسرو  
ثالث مدت حكومتك اونجى سنه سى مقام حكمداريدن عزل  
وخلع اولنه رق اعدام اولنوب تمامى سلطنت سلطان مسعوده  
احسان بيورلمسى التيوز طقسان برسنه سى محرمنده ايدى  
بوارالقد ارغون خان دخى فوت اولوب يرينه غازان خان پادشاه جهان  
اولدى جنكيزيان طرفندن سلاطين سلجوقيه نك ناظرى اولان  
بالتو ايله ممالك سلجوقيه نك اميرى بولسان مشاراليه سلطان مسعود  
تاتار پاشا هى محمود غازان خان عليهنه اتفاق ايتديلر ديوبر طاقم  
اصحاب اغراض جانبندن غمز اولنديغندن ممالك سلجوقيه نك امارتى  
مغول بكلرندن پايىچار وتوچقور ودقور تيمور نام امرايه توجيه وامور  
ساظنتى دخى سلطان مسعودك برادرى فراهرزك اوغلى علاء  
الدين كىقباده احواله ايدرك سلطان مسعودى عزل وخلع ايلديلر كه  
تاريخ دخى هجرتك التيوز طقسان يدنجى سنه سى ايدى كرجه  
علاءالدين كىقباد بهساد روجسور برذات اولغله مغول اتفاقيله  
خيلى ايشكذارلق ايلش ايسه ده ممالكك نصفى يعنى سيواس ولارنده  
وقير شهرى وآق سراى وقيصريه وانقره طرفلرينه تاتارلر حكم



ایلیوب قسطنی و سنبوب و صامسون و قره سی و صاروخان دیاری  
 دخی سلطان مسعودک اوغلی غازی چلبی به احاله و توجیه بیورلدیغندن  
 مشارالیه سلطان علاء الدین انفعال ایدوب اداره امور مملکتده  
 تاتارلردن استیذان لازم کلان موادی صورمیوب بعض مرتبه دخی  
 ایلمخان اعظم طرفه صورت عصیان کوسترمش اولمغله غازان  
 خاں امریله حبس اولنوب بعده اوغلو غیاث الدین سریر پدره اقعد  
 اولتمش ایسه ده چند کون مرورنده اودخی امرانک رأیله خلع  
 و قتل اولندی کذلک غازی چلبی دخی قدرغه لانشایدک سنبوبدن  
 طربزونه و اول خوالی به مستولی اولان و ندیکلور و جنویرلورک علیهنه  
 جنک ایچون سفر ایدر ایدی ایسه ده ارتق سلطنتلرند و رونق  
 و استقلال قالدیغندن تاتارلرندن بجان ترک بکرینک برای ممالک  
 سلجوقیه نک رومستانه قارشو اولان سرحدات و البسی و امیری بولنان  
 عثمان غازی نک سایه سنه التجایتدکاری مثلونوا حی ساره بکاری دخی  
 کرمان و قرمان و از میر و قره سی و منتش و ذوالقدریه و رمضان  
 و اسفندیار و صاروخان بکارینه التجایلییه رک هربری حوزه حکومتلرنده  
 مستقل اولق سوداسنه دوشوب ممالک سلجوقیه اون قسمه منقسم  
 اولملر ایسه ده بونلرک هر بریسنه حکومت عثمانیه طرفندن بشقه  
 بشقه هجوم اولانه رق یوز الی سنه مدته جمله سنک استیلاسنی  
 محوایلیوب اناطولی اولکاسنده کیف مایشاء حاکم مستقل اولدی  
 و الحاصل مشارالیه عثمان غازی به دخالت ایلیان بکرج جمع اولوب  
 چوق مشاوره و قیل و قالد نصکره سوزلرینک نتیجه سی بو اولمش  
 ایدی که سرحدات حکومتی یعنی روم ایمپراطورلرینک ممالکی ایله  
 هم حدود اولان اراضینک امر اداره و امارتی سلاطین سلجوقیه



طرفلرندن مشاراليهه توجیه یورلش اولدیغندن بشقه ممالکک  
 یک چوغی تاتار حکمنده اولوب برازی سلجوقیه طاقمنده قالش ایسه ده  
 بعد ازین سلجوقیلرک اعاده اقبال ایده میه جکلی امرانک صحیح  
 معلوملری اولغله عثمان غازینک پادشاهلغنی قبول ایدرک اطراف  
 بلادده اعلان ایلد یلربوارالقدده و بریجه ده قلان ترکلردخی کلوب  
 مشارالیه غازی عثمان خانک طرفدارلری چوغالیدی مقدمه دفترده  
 بیان اولندیغی اوزره هلاکوخان بغدادی خراب و ویران ایلد کدنصکره  
 وزیرى خواجه جهان شمس الدین محمد ابن صاحب دیوانک برادرى  
 خواججه علاء الدین عطا ملکه حکومت بغدادی حواله  
 ایتد کدنصکره کندوسی حلب و شام طرفلرینه عزیمتله اورالری  
 دخی نهب و غارت ایدوب بعده تبریزه واروب هجرتک التیوز التمش  
 اوج سنه سی فوت اولنجه تخت جنکیر اباخان تام فتنه انکیرک دست  
 تصرفنه نقل ایلد کده محمد الملک یزدینک اغواسیله طبع شاهى  
 وزیردن منحرف اولدیغی حالده برادرلری دخی بغداد حکومتنده  
 ظالمه مال جمع ایتشدردیه رک مصادره اولمشیدی بواتناده اباخان  
 دخی فوت اولد قدده یرینه هلاکوخانک اوغلی سلطان احمد جلوس  
 ایتکله مومى الیه شکنجه اضطراریدن قورتلدی ایسه ده هجرتک التیوز  
 سکسان برسنه سی جانی پنجه اجلدن تخلص ایده میوب فوت اولدی  
 بوارالق هلاکوخانک اوغلی مسلمان اولدیغندن اطوار جنکیر یانی  
 ترک ایلدی دیو امراء مغول اتفاق ایدرک اباخانک اوغلی ارغون  
 خانه بیعت ایلدکلر یچون سلطان احمد ابن هلاک وایله ارالرینه  
 فساد کیرمکله ابواب صواش کشاده واسباب پر خاش آماده  
 اولش ایکن احمد خان سفک دمدن احتراز اوزره اولغله بونجه  
 منافقین اراسنده حذر و احتیاط ایله حکومت ایتکه بو عالم فانیکنک  
 تحملی بوقدر دیه رک تبریزک قراسندن بریسنه چکیلوب دغدغه



حکومت بدن فراغت ایدوب طور مش ایدی ارغون خان جلوس  
ایلد کده انجق غدار اولدیغی ایچون مشارایه احمد خانی اعدام  
ایلیوب بغداد حکومتی دخی برادری بایدواوغلی نامه ترقیم و خدمت  
وزارتی امیر بوقایه تسلیم ایلدیکی هجرتک التیوز سکسان بش سنه سی  
ایدی بش سنه هرورنده بودخی فوت اولوب مسند خانی به کیخا توخان  
ارتقا ایلش ایدیکه مومی الیهک سخا و سفاهتی پک زیاده اولدیغندن  
خزینة حکومت فوق العاده مضایقه به گرفتار اولغله نقد مقامنده  
تداول ایتک اوزره خزاین مأموری طرفندن تمغای شاهی ایله نشانل و چاو  
اسمنده مربع مستطیل برطاقم اوراق نشر اولوب عراق عجم الکاسنده  
متعدد چاوخانه لر ایجاد اولنه رق خزینة حکومتدن اصحاب مطلوبه  
واطرافه نشر اولنه حق اقچه مقامنده اشبو اوراق چیقاریلوب ویریلور  
ایدی انجق ورقه مذکوره چون غالدجه معاملات ناسه سکتته کلدیکنندن  
دارالملک تبریزده فساد پیدا اولوب امرء مغول وزیر الممالک اولان  
صدر جهانک سفاهته و سائر کونه اوضا عنه تحمل ایده میوب  
هم وزیری وهم کیخا توخانی قتل ایدرک یرینه امیر الامرء مغول اولان  
طغا چار تومان رأیله بغداد حاکی باید و خانه خبر ارسال اولند قدده  
اولدخی حکومت بغدادی محمد سکرچی نام شخص نادانه براغوب  
آذربایجان روان اولدیغی ائنده خراسان حاکی ارغون خانک اوغلی  
غازان خان بوماده یه زیاده منفعل اولدیغندن امر اسندن امیر نوروز  
خاتم وزارتی تسلیم و انتقام کیخا تو ایچون معاونت طلب ایلد کده  
امیر نوروز دخی غازان خانه اسلامی قبول ایتک شرطیله معاونه غیرت  
واهتمام ایده جکنی وعد ایلدیکنه مبنی غازان خان دخی امرء مغول ایله  
ایکیوزیک نفوس بالاتفاق شیخ صدرالدین ابراهیم ابن سعدالدین  
الحموی حضورنده کلمة توحیدی متکلم اولد قدده غازان محمود خان اسمیله  
مسعود اولد قد نصره باید و خان دخی غازان انده علف شیر شمشیر



اولمغله اسيا پادشاهلغی مستقلا محمود غازان خانه انتقال ایلد یکه  
 تاریخ دخی هجرتک التیوز طقسان د رت سنه سی ذی الحجه نک اونجی  
 بازار کونی ایدی بواجی لک تفصیلی خواند میرتاریخنده محرر اولمغله  
 مراجعت بیوریله ایمدی پادشاه مشارالیهک شرف اسلامله مشرف  
 اولسی حوالی مذکوره ده بولنان مسلمین حقارنده فائده لی اولمغله  
 اورالک اصول اداره سی دکیشوب بتپرست اولان طائفه مغولک  
 مسلمانلر اوزرینه حکم ونفوذ لری منکسر اولوب شهور وقراده جوامع  
 ومساجد شریفه یه مقابل بتخانه لرو یوللرده عمود لر اوزرنده نصب  
 اولمش بتلر وار اید یکه کلوب کچنلر هر قنغی ملت ومذهبدن اولور لر  
 ایسه اولسون مذکور بتلره طایپر لر ایدی والخاصل اهل اسلامدن  
 اخراج الموقاریلرینی جاریه مثللو البوب صائق کی حقارتلر اولور  
 یدی حتی ظلم وغدر لری شول مرتبه لره ایر شمش اید یکه بیاغی بر تاتار  
 برکویه اوغرایوب انواع یمکلر یدکد نص کره باده وعورت ایستوب  
 صرامنه نائل اولماز ایسه خانه صاحبی وبلکه قریه اهل ایسنی قتل  
 واعدام ایلد کده بونک ایچون بر طرفدن مسئول ومعتاب اول قلمری  
 دخی بوق ایدی بناء علیه هر کس جانلری وعرض ومالری قورقوسبله  
 مخصوصا باده وقاریلر آماده اید لر ایدی حمد اولسون عنایت ازایه  
 ربانیه ایله محمود غازان خان مسلمان اولنجی ذکر اولنان مظالم وتعدیات  
 بر طرف اوله رق اهل اسلام یکیدن دنیایه کلمش کی اولدیلر چونکه  
 غازان خانک اجدادی زمانده ممالک سلچوقیه کند و مالک لری نه ملحق  
 اولوب محمود غازان خانک دخی شرف اسلام ایله مشرف اولد قد نص کره  
 سلچوقی ممالکنده حکم ونفوذ لری وغلبه واستیلار لری دها  
 زیاده لشمش اولد یغنه مغروراشام وحلبی وبریه الشامی دخی  
 آورد قبه تسخیر ایتک استرلردی بناء علیه مصر مالکی ناصر



ایله ضبط بلاد قضیه سندن طولانی بینلرنده منازعه واقع اولدیغندن  
مخاربات کثیره ایلمش لردر از جمله ید پیوز تاریخ هجریه سنه ۷۰۲  
مصر یتیه حلب صحرا سنه نصب خیام ایلد کده مصر طرفندن  
احره اطاعت و صلح اولق ایچون ایلمش لردر سال اولدیغندن تاتار  
پادشاهی مشارالیه محمود غازان خان بغداده عودت ایتمش ایکن  
قرمانیلرک تحریک و اغوا سیله مصر لولر بتکرار اظهار خشونت ایتد کلرندن  
مشارالیه غازان خان دخی کند و طرفندن امیر چوبانی بر سوری عساکر  
مغوله سردار ایدوب اناتولی بکلرینی یله بوسفره مأمور ایلدی  
چونکه اناتولی ممالکی عموما تاتارلر حکمنده اولدیغندن امرانک  
اکثریسی سلطان محمود غازانک امرینه بقارلر و اشارت اولنان محله  
کندولرینی بلا توقف اتارلرایدی حتی خطه ییدویکی شهرک امیری  
اولوب روم ممالکنه سد سدید اولان عثمان غازی دخی غازان خانک  
خدمته بولنق اوزره برادری ساوجی بکی براز عسکر ایله ارسال  
ایتمش ایسه ده بحکمته تعالی اول سنه فوق العاده قبش اولوب قار  
و یغور و روزکار و چاموردن برقاج قوناق کیده بیلوب دها ایلرویه  
یعنی محمود غازان خانک اردوگاهنه واره میوب کیروده قالمش لرایدی  
وطن اولنور که مشارالیه عثمان غازی بویابده احتیاطی التزام ایدرک  
مصر مملکتی طرفنی خفی اوله رق طومش اوله زیراتاتارلرک اهل  
اسلامه اولان حقارتلری تحمیلدن خارج ایدی محمود غازان خان مسلمان  
اولمش ایسه ده بعض اطوار و حرکتده عادت جنکیزیانی ترک  
ایده مامش لرایدی و الحاصل امیر چوبانی حلب اوزرندن مصر طرفنه ارسال  
و کندوسی دخی تبریز جانبنه اماله لجام اجلال ایلدیکی عقینده امیر  
چوبانک انهرامی و اصل سمع غازان خان اولنجه طبع شاهی متغیر و محزون



اولوب يد يوز اوج سنه هجريه سنه شوالک اون اوچنجي کوني فوت  
اولشدر مقام حکومت جنکيز يانه مغول نسلندن بولنديغي ايچون  
مغول لسانجه اولجايتوخان و مسلمان اولد يغندن محمد خدا بنده خان  
دنيلان ذاتکه هر حوم مشار اليهک کو چک برادر يد ر صعود ايتش  
ايسه ده عصرنده شايان تحرير برواقعه اوليوب فقط شيخ ابو علي  
وصاف مشهور اولان تاريخي بونک نامنه اوله رق تأليف ايتشدر  
والحاصل محمد خدا بنده دخي يد يوز اون التي سنه سنه فوت  
اولوب ابوسعيد بهادر خان تخت امارته جلوس ايلد کده امير الاحرا  
امير چوبانک اولادلرينه آسيا قطعه سنک حکومتي تقسيم ايتکله  
بوکره دخي قطعه مذکوره يي چوبانيان اسنيلا ايتشيدى جامع التورايخ  
صاحبي رشيد الدين الوزير محمود غازان زمانند نبرو خدمت وزارتده  
اولغله بونک عهد حکومتنده فوت اولشدر هجرتک يد يوز اوج  
سنه سى شهنشاه جهان غازان محمود خان فوت اولنجه روم ممالکنده  
مغول بکلرينک تعدي واسنيلا سى چوغالوب سلاطين سلجوقيه دن  
سلطان مسعودک اوغلى غازى چلبى يه فقط کده غره حکومتي  
قالمش ايدى آيدى حواليسده دخي خراجکندارا اولان روملر اياق لنوب  
اطراف بلاد ال اوزاتديلر اورالده قشلاچى ترکلر ايله برلشوب جيد  
ايلنى دخي فتح ايلد يلر بواشناده سلطان مسعوده متعلق اغوس  
کوچبه لرى که روم ايلي يقاسنده بولنوب بولغار لک هجو ملرى سبيله  
کيلره بنوب قره سى ديارينه نقل ايتشدر رومستانده علاقه پيدا  
ايدوب قلانلرک اکثر سى ايمانلرينک ضعفى ملا بسه سيله تنصرايتديلر  
مغول سلطانلرندن اولجايتوخانک طرفندن ممالک رومک ضبط  
وربطى ايچون چوبان بک زاده تيمورتاش بکى وخواجه سعد الدين



مستوفی به مستوفی عسا کر ترفیق ایدوب ارسال ایتش اولدیغندن میرمومی  
 الیه دخی قوه قاهره سیله متغلبه نی صندیرمق اوزره ایکن آیدین اوغلارندن  
 ملاک الغزاة والمجاهدین غازی امور بکی جلب ایدوب مبارز میدان  
 وغازی عثمان خان ایله برلکده اوله رق ملت اسلامیه نک از دیاد  
 شان و شرفی یولنده بذل اقتدار اولوب چالشمه سنی سپارش  
 ایتدکد نصره کند و سنی سلاطین سلجوقیه مقامنده عد ایدرک  
 ممالک رومده استقلال سود اسنه دوشد بکی طوائف مغولک سلطانی  
 ابوسعید بها در خانک مسموعی اولنجه ممالک روم والیهسی اولان  
 امیر تیمور طاشی قهر و تدمیر ایچون امرای چغتایدن ارتنا بکی عسا کروا فره  
 ایله ارسال ایلوب اکرد رنام شهرک فضا سنده محاربه ایلدیلر ایسه ده  
 تیمور طاش منهزم اولغله شام طرفنه فرار ایله کینام اولدی ارتنا بک دخی  
 ممالک رومی حکمنه رام ایلدکد نصره امرانک کندویه اولان  
 دیل محبتلرینه واستقلال کامله سنه اعتماد ایدرک ابوسعید بهسادر  
 خانه عصیان ایلدیکندن مومی الیه ارتنا بکی دخی تربیه ایتک خان  
 مشار الیهک ذمت و همته لازم کلدیکندن امرادن سلیمان خان  
 چری کثیر ایله روم ممالکنه تسیر اولندی که تاریخ دخی هجرتک  
 ید یوز اونجی سنه سی ایدی بوتاریخده قسطنطونی سپاهیلرینک  
 سرکرده سی چاند ار اوغلی قسطنطونی وجانیک سمترلینی علی الغفله  
 باصوب صوباشیاری ارسال اولغان محمود بکی اعدام واسفند یارک  
 باباسی کوترم بایزیدی صندیروب وخاتون ایلی دیدکلری سنبوب  
 نواحیسنی که سلطان مسعودک خاتونی حکمنده ایدی اسیر ایدوب  
 بوغدی بو ارالقدده ارتنا بک سلیمان خان ایله سیواس قریبنده بر قاج  
 دفعه محاربه ایلوب سلیمان خانک عسا کری مغلوب و پریشان اولدیغندن



بشقه سلیمان خان دخی اثناء محاربه ده مقتول اولدیغی زمان ابوسعید  
 بهادر خان تبریزده وفات ایتیش بولمغله شهرزاده لر اراسنده تاج  
 وسلطنت خصوصنده اختلاف ظهور ایدرک ممالک ایران خراب  
 و ویران اولوب هر ج هرج اولمغله روم ممالکی احوالنه اصلا تقید  
 اولنه میوب حالی اوزره ترک اولندیغندن مومی الیه میر ارتنا ممالک  
 رومده ککیف مایشاء پادشاه اولدی و خلیفک کندویه امنیت  
 و خوشنود لغنی برقات دهها جلب ایچون خیلی زمانلردن برو بیقلامش  
 و اوصا نلمش اولان مظالم تاتاری رفع ایدوب فوق العاده عدل و داد  
 ایلدیکندن نامنه کوسه پیغمبر دیرلر ایدی اشبوتار یخده التزام اولنان  
 اصول تعمیمیه ایجابنجه آسیا قطعه سنک منتهای شرقیسنده واقع  
 چین الیکاسنک احوالنه دائر برار معلومات ویرمک اقتضاسندن  
 کورنمشدر شو یلکه چین ممالکنده دخی اون طقوزنجی طبقه ده  
 اولوبده اوچیوز سنه دنبرو حکومت ایلان صونع خاندانی وقتنده  
 جنکیر خان احفادندن قایلاقا آن منکو خاگ امر وشارتیله بشیوز  
 بیک تاتاره سردار اولوب الیکای چینک سمت شمالنده یعنی بیوک  
 تاتارستانه هم حدود اولان ایالتی هجرتک التیوز التمش سکر سنه سی  
 اثناسنده تسخیر ایلدکد نصرکه هیچ بر زمانده مغلوب اولیان قوتیه  
 شهر بشهر وایالت بایالت غلبات عیدیه یه مظهر اوله رق کینقای  
 دنیلان کرسی حکومتلرینه دک کیردیکندن خاندان مذکوره نک  
 مغلوبیت فلاکتیه نام و نشانلری بلور میوب منقرض و نابود اولدقلرندن  
 چین پادشاهلغی تختنه جالس و قبای زیبای جهسانگیر لکی لابس  
 اولنجه طو نکین وقوشین و یغود و بنکال و بت الیکالرینی دخی  
 آورده پنجه تسخیر ایلدکد نصرکه سفینه لر تدارکیله هند دکنده



بعض اطه لری نهیب و غارت بعده چین دکرینه کچه رک چاپونیا  
 اطه سنه قدر خسارت ایتدیردی و الحاصل قایلاقا آن ممالک چین  
 ایچنی تماما ضبط ایدوب یکرمنجی طبقه یی تشکیل ایچون اهلینک  
 هزیمت و مغلوبیتدن طولای ان کسار قلوبنی تعمیرایتک  
 بهمانه سیه خواقین چین عادتلرینی التزام و رعایت ایدرک  
 کندودینی اوزرینه آیین چینی ترجیح ایلیوب معموریت بلاد و اسایش  
 عبادہ دائر و سائل کثیره احداث ایلیه رک یکرمی درت سنه سلطنتدن  
 صکره التیوز طقسان اوج سنه هجریه سنه متواری خاک مغاک  
 اولوب یرینه اوغلی جلوس ایتش و پدرینک سالک اولدیغی مسالکی  
 طوتمش ایسه ده چین اهلایسی حقلرند ک و ستردیکی ملایت  
 و ایلمدیکی عدالت و رعایتک کند ولرینک بقالری خصوصند ه هج  
 برکونافائده سی اولمادیغندن بشقه بلکه مغلوبیتدن ناشی مضمر اولان  
 عداوت و خصومتک برکون اول اجراسنه جسارت و یردیکندن  
 تای تسونامنده بریرلو طائفه مغولک ممالک چینده اولان حکومتنه  
 قارشو اوله رق بیک اوچبوز التمش سنه میلادیه سنه اهلای یی تحریک  
 و تشجیع ایتکله موغول طائفه سنه غلبه ایدرک اجنبی طاقتنی  
 شهردن سورمک و سلاله جنکیرنانی مقام حکومتدن دو شورمک  
 کبی واقعه جسمه یی بعد الاکمال کند و سی سریر سلطنته  
 صعود ایدوب یکرمی برنجی طبقه یی تأسیس ایلشدر که بونک بقیه سی  
 دفتر تالشه براغلمشدر مراجعت بیوریه عراق عجم حکومتی دخی  
 عصر مذکورده شهنشاه جهان لقبیه ملقب اولان محمود  
 غازان خانک خدمتده بولسان امیر مظفره طبل و علم و منشور  
 امارت احسانیه اکبر اولادینه وراثت طریقیه التیوز طقسان



درت سنه هجریه سنده تو جیه اولوب ید یوز یکر می بش تاریخنه  
 قدر زمانی متمد اولدی شویلاکه فارس و کرمان حواله سنده آل  
 مظفر دن غیاث الدین حاجی مشارالیه غازان خانه التجا ایدرک  
 عثمان خانک سلطان علاءالدین کیقباد دن آدیغی منشور امارت  
 مثللو بودخی طبل و علم و منشور حکومت اله رق مزاده نام شهرده  
 و یزد نام بلده ده اجرای حکومت قانقدی هراتده دخی ملوک کرددن  
 ملک رکن الدین مشارالیه غازان خانک اطاعتده اولوب مدارا  
 ایتکده ایدی انجق اشبوتاتار پادشاهلرینک اداره ملکیه و هیئت  
 اجتماعیه لری بر نظام و قانون تحتده اولدیغندن خاندان جنکیریه نک  
 فتح و تسخیر ایلدیکی ممالک ینه خاندان مذکور ه نک اللرنده منقسم  
 اولغله هر طرفده برخان پادشاه جهان کی بالاستقلال حکومت  
 ایتدیکندن اهالی و سکانی حکومت ایل و حکومتی دخی موازنه ایتکه  
 شایان بر قوت مناسبه نک اولماسی هر شخصک ملک و حکومت طمعنده  
 اولسنی ایجاب ایتکه عصر مذکورده در تیوزالی ملیون نفوسی بسلیان  
 آسیا قطعه سی اوزرنده کیف مایشاء سلطنت و کاهرانلق ایلیان  
 خانان جنکیریه طبقه سنک عظمت و اجلال لری یوز سنه اثناسنده  
 منقلب زوال و ادبار اولشد رهندستان الکاسنک سمت جنوبی اولان  
 مرتبان و بنکال و مالابار سواحلی ایل سیلان اطه سی برهمنلرک  
 النده ایکن غرنویلو و خوارزمیلر یورویوب اورالری دخی التیوز تاریخلری  
 اثناسنده ممالک اسلامیه دن المش و پنجاب الکاسنک هر طرفنده  
 متعدد راجا لار ظهور ایتش ايسه ده بونلری تفصیل ایتک اساسی  
 مجهول شهنامه فردوسی مثللو برهند تاریخی یازمق دیمک اوله جغندن  
 صدد اصلیدن چقیله جغی جهتله بوراده تفصیلندن صرف



نظر اولنه رق يال كز اهل اسلام حكومتلرينك كتاب اوله تصادف  
 ايدنلري ذكر اولنديغي مثالو اشبو جايد ثاينده دخي شويله بيان اولنور كه  
 هندستانك جهات شماليه سني استيلا ايليان اهل اسلام ارا سنده  
 دوات خلجييه ظهور ايلوب بونلرك دخي ابتداسي جلال الدين فيروز  
 خلجيد ركه برادري علاء الدين ايله برلكده اكره نام بلده يه حكم ايدرلر ايدى  
 امراء الوغ خانيد اتفاقيه جلب اولنوب لاهور نام شهرده سرير  
 سلطنته اجلاس اولندي اكره حكومتده قالان برادري علاء الدين  
 دخي مشار اليه خلجي يه عصيان ايلد يكنندن نهر غانج كنارنده  
 بولشوب جنك ايتك اوزره ايكن علاء الدين جرمينه اعتراف ايدرلر  
 برادرينك حكومت استقلايه سني تصديق ايلد كد نصكره ملاقات ايدوب  
 مصاحبت ايدرلر ايكن مذهب سامان خلقندن محمود سالم نام بر شخص  
 نادان حنجر ايله جلال الدين قتل ايلد يكي هجرتك التيوز طقسان  
 بش سنه سنده ايدى بعده علاء الدين دهلي يه كيدوب برادري مقامنه  
 جلوس ايلد كده برادرزاده سي ابراهيمك كوزلرينه ميل چكوب  
 سرير سلطنتدن حقوقنى اسقاط ايلدى و كندواوغلى حضر خانى  
 ولى عهد ايلوب امرادن هزار دينارى نام ذاتى خدمت و زرايده  
 استخدام ايايه رك كند و سى غانج و پنجاب الكاسنده غزواته مشغول  
 اولديغي حانده هجرتك ايدى يوز يكرمى بش سنه سنده فوت اولمشدر يمن  
 ديارنده فرجه ياب اولان شعبه ايوبيه دخي اقسيس ديمكده شهرت بولان  
 ملك مسعودك قوتيله منقرض اولوب قطع ديمانيه نك حكومتى  
 سرعسكرلك ملايسه سيله قوه حربه يه مالك اولان على بن رسوله  
 انتقال ايلد كده حوالى مذكوره ده نفوذ و اعتبارلرى اولان شرفايه  
 رعايت و حرمت ايچون مكه مكرمه امارتنى شرفادن قتاده يه حواله



ایلمدیسه ده شرفا اراسنده امامت و خلافت خصوصنده مذاهب  
عبیده پیدا اولمسیله منافسه ظهور ایلمدیکنیدن هجرتک التیوز  
الی بش سنه سی مسند امارته شریف ابونعی محمد صعود  
ایلد کد نصکره سلطان یمنه مدارا ایدرک قرقیدی سنه امارت  
ایتدی سلاطین بنی رسول دخی اقطار یمانیه بی تاجر عمانه و ارنجیددک  
یعنی مسکت الکاسنه قدر اسنبلا ایلش ایدی لکن هیئت حکومتلری  
حال بدویت اوزره اولدیغندن حکومتکاهلری دخی کاه صنعما و کاه  
محاوعدن نام شهرلر اولوب عصر مذکورده المملک المظفر شمس الدین  
یوسف ابن المملک المسعود عمر التیوز الی سنه سند نبر و حکومتده  
اولغله بونک زمانده قضای الهی اواره رق مسجد شریف نبوی بالکلیه  
محررق اولدیغندن خلیفه اسلام مستعصم بالله عباسینک امر و اشارتیه  
خزینۀ خلافتدن مهمات ارسال اولنه رق بناسنه مباشرت اولمش  
ایسه ده هلاکونک بغداده هجومی و خلیفه مشارالیهک هلاکی  
وقوعیه مسجد شریف نبوینک ناتمام قلان محللرینی ملک المظفر  
مذکور انشا و تکمیل ایتد کد نصکره کند و نامنه خطبه او قودوب  
کعبه معظمه یه دخی کسوه فاخره ایله حرمت ایدوب هجرتک  
التیوز طقسان الی حدودنده رحلت و یرینه او علی ملک الاشرف  
کچوب ایکی سنه هر ورنده اود دخی فوت اولیحق المملک التوبد اود جلوس  
ایدوب یمنده تعزیه نام شهرده عظیم مدرسه بنا ایلمشدر شرفاء مکدنک  
بینلرنده ظهور ایدن شقاق و نفاقک اصلی مذهب و مسلک لرنده اولان  
تباين و اختلافدن نشئت ایتمشد رشویله که خلفاء عباسیه مذهب  
کسانیهک فروغندن اولان هاشمیه فرقه سندن اولد قلری مثللو  
شرفاء مکدنک دخی بر قسمی مذهب امامیه و بر قسمی مذهب زیدیه ده



اولد قلرندن مذهب امامیه ده بولنان شرفا حوالی عجازده بنی عسیر  
 قبیله سنک اعانه و همتیله قطعہ یمانیده قلوب مذهب زیدییه ذاهب  
 اولان شرفای ادارسه دخی دیار غربه توجه و عزیمت ایلیه رک ادارسه  
 دولتی عنوانیه معروف اولان سلطنتی تشکیل ایتمشلردن افریقاق قطعہ سنده  
 مغرب اقصى دنیلان محله واقع فاس و مر اکش شهر لرندن حکم  
 ایدن ملوک بنی مریندن یعقوب ابن عبد الحق التیوزالی اوج سنه سنده  
 حاکم ممالک فاس و مکناس اولمش ایسه ده مومی الیهک پدری عبد الحق  
 زناته قبیله سنیدن ایدی اوروبا قطعہ سنده واقع اندلسدن فاسه  
 و مر اکشه حکم ایدن ملوک موحدوندن عمر المرتضی نک النندن مغرب  
 اقصایی و مر اکشی استخلاص ایتمش اولدیغندن ممالک موروثه سنی  
 استرداد ایتک اوزره مزبور عمر المرتضی سکسان بیک عساکر ایله  
 جبل طاز قدن فاس حد و دینه کچوب یعقوب ابن عبد الحق ایله  
 محاربه یه قیام ایدرک فاس شهرینک قلعه سنی محاصره ایتکده ایکن  
 مومی الیه یعقوبک مکرو دسیسه سنندن طولایی عساکر اراسنده  
 برکیجه آت بوشانوب اور کوندیلک اوله رق مجموع عساکر  
 بریشان و عمر المرتضی دخی فرار ایلد کده یعقوب ابن عبد الحق غالب  
 اولمشدر که بوند نصکره دوات موحدون منقرض اولوب بنی مرین  
 حکومتی ظهور ایلمشدر الحاصل مشار الیه عبد الحق التیوز سکسان  
 ایکی تار یخنده سپنه یه واروب بوغازی کچهرک جبل طارقی الوب اندلس  
 حد و دینه کیروب بعض بلاد مستولی اولدقد نصکره التیوز سکسان  
 سکز تار یخنده فوت اولوب یرینه اوغلی ابو سعید عثمان بن یعقوب  
 جلوس ایتمش ایدی عصر مذکورده تونسنده ملوک بنی حفصدن  
 المستنصر بالله امیر المؤمنین ابو حفص عمر بن ابی زکریا یحیی نام ذات



سلطان ایکن التیوز طقسان سنه سنه فوت اولوب یرینه المستنصر  
 بالله ابو عبد الله محمد بن واثق بالله یحیی اتناق اعیان ایله تخت تونس  
 جلوس ایدوب اطرافده بولنان حکمدارانہ تفوق دعواسنده ایدی  
 جوکه ملوک بنی حفصک دردنجیسی سلطان ابی اسحق ابراهیم  
 اوغلو ابوزکریانام امیر دلیر پدری ابراهیمه عصیان ایدوب ممالک غریبه دن  
 قسطنطنیه نام شهرک قلعه سنه تحصن ایدرک توا حبسنی دخی فتح  
 وضبط ایلوب کیدرک کرسی مملکت افریقیه اولان تونس دخی  
 تعرض ایتشلر ایدی اسپانیا قطع سنه بولنان افریقالو عربلرک  
 احوالی دخی کوندن کونه اهالی قدیمه سنک اطراف بلا ده تصرف  
 واسنیلاری چوغالمق ملابس سیه مملکتلرک اکثریسی عربلرک  
 حکومت وحایه سندن چیقمش ایدی رعای مملکت که اهالی  
 قدیمه سندن عبارتدر قزاند قلری غالبیت شهرتنه قناعت ایتوب  
 هیچ بروقتده انسانیت یاقشیمان معاملات غدارانه بی عربلر حق لرند  
 اجرا ایدرلر ایدی الحاصل حوالی مذکوره ده التیوز سنه دنبر وملت غالبه  
 وحا که دن عداولنان عربلر انجق کند ولرینک اراسنده پیدا اولان  
 غمز و نفاق بلاسیله دولتلرینک شوکت وحشمتی محو اولدیغندن  
 بشقه کندولری دخی اسارت ورعیت مرتبه سنه تنزل ایلدیکندن  
 خاطر وخیاله کلیان حقارت واذیته مبتلا اولمشلر ایدی اسپانیا احوالنه  
 دائر اجنبی لسانده یازیلان برتاریخک فذلکه ومألندن شویله استنباط  
 اولمشدرکه حوالی مذکوره ده بولنان اهالی اسلامک افریقیا  
 قطع سیه اولان اشتراک واتحادی منقطع اولنجیه دک اراغون  
 وقستل وناوار وفرانسه نک سمت جنوبنده اولان الکاتک اهالیسی  
 پاپانک ریاست و نظارتی تحتند اوله رق جمعیت مترو پولیدان



و برچوق امراء خرسنيان ايله روم و اوليون و ويانه نام مواقع معلومه ده  
 افريقا و آسيا لور عليه نه و يريلان قرار اتفا قينك خلاصه سي  
 اولق اوزره اطرافه كوندرييلان تشويق و ترغيبى مشتمل تنبيهات  
 و وصايا نك ثمره سي اوله رق تحريص و تشجيع اولند قلرندن بشقه  
 مقدمه ده مناسبته بيان و ايضاح ايدلديكي وجهله اور و پالورك  
 ارض فلسطينه و اورالرك حاميسي اولان مصر حكومتى طرفنه  
 بربرينى متعاقب شدتلى هجوملى ايله خوزيز محاربه لك وقوعى و برطرفدن  
 دخی عمومًا ممالك اسلاميه بدايت شرقدن سيل طوفان كې خروج  
 ايليان تاتار مغول غول رفتارك اياقلىرى التده خراب و ويران و اهاالبسنك  
 هيئت اجتماعيه لرى صرصر قهر جنكيريان ايله برباد و پريشان اولمى  
 افريقا لورك دخی اسپانيا قطعه سي او زرنده مبسوط و مستحكم اولان  
 شكوه وسطوتلرينه اورالرجه پريشانلىق كله رك بالطبع قوت اسلاميه  
 سمت ديكره منتقل اولديغندن ارتق اقصاى مغربده بولنان قوه  
 اسلاميه نك موازنه سي هم بوزلمش وهم نفوذ و اعتبارينه خلل طارى  
 اولمش ايدى كه بونك تفصيلى دفتر تالاشده بولمشدر مى اجعت اولند قد  
 وقا يع مذكوره نك سببلرينه دخی اطلاع حاصل اولور

فتوايك ملتك امور مذهبى و سياسى اولان پالالى مقامنده بولنان در دى  
 هونوريوس نام پاپاك فوتند نصره ميلادك ييك ايكوز سكسانيدى  
 سنه سي يعنى هجرتك التيوز سكسان التى سنه سنده پالالى مقامنه  
 در دى ني قولاس صعود ايدوب و ائشاده تاتار پادشاهلرينك هربرى بر مذهب  
 و آيينه اقتدا و سالك اولد قلرندن مشار اليه محمود غازان خاك دخی  
 اسلاميتى قبوله اولان ميل و نيتى خرسنيانلغك نشر و تعميمنه دأمر  
 اولان پاپاسلر واسطه سيله پاپاى مذكورك معلومى اولديغندن



بودخی خان مشار الیهی دین مسیحی دعوت ضمنی ده قالشمنق ایله  
 وملت اسلامیه نك هیئت مجتمعه سنی قارمه قاریشق ایلیان مغول  
 تاتارلری و جنه کزخانلری کی برملت ظالمه و متغلبه بی الهامق و بووسبله  
 ایله کندیورینه مخالف اولنله مظفر اولق ایچون ایچی ارسال  
 ایتك و قدس شریفی بتکرار خرسنیانله آلیویرمك اوزره متعصبین  
 زهره سنه مواعید کثیره کویستر دیکندن بشقده کویامساعدات  
 دینیه و اعتقادیه دن دخی برطاقم تبلیغیات رو حانیه ایله الهامات  
 وجدانیه بی حاوی خرسنیان مجمع و مجالسارینه و کایس رهابین  
 و بطاریق مشهوره یه خبرلر نشر ایتك و شرق و غرب کلپسارینی  
 دخی برلشدیرمك کی امور جسمیه یه تصدی ایتمش ایسه ده بو باده اولان  
 افکار حسودانه سنی اجرایه مقتدر اوله مدیغتك بشنجی سنه سی فوت  
 اولوب یرینه سلسن خامس پایا اولمشدر که مزبور قتولیک مذهبنده  
 صاحب اساسدر بودخی یدیوزایکی تاریخنده فوت اولغله سکرزنجی  
 بونیفاس پایالق کرسی سنه چاقوب مدت قلیله ظرفنده بودخی اولنجه  
 یرینه اون برنجی سان بنوا قاردینال بولندیغندن پایالغه انتخاب و قبول  
 اولنوب بعده میلادك بیک ایکوز درت سنه سی هلاک اولوب یرینه  
 بشنجی قله مان بورد و نام شهرک پایاسی ایکن رو ما باش پایالغنه  
 نصب اولنوب بیک اوجیوز طقوز سنه سی کرسی اداره سنی  
 رومادن آویغنون نام شهره نقل ایدوب بیک اوجیوز اون درت سنه سنه  
 قدر اجرای حکومت ایلدی پایای مزبورک رومادن آویغنونه نقل  
 مقام ایلدی کی فلیبل بل نام فرانسه قرالینک انضمام رأیله  
 اولمش ایدی بیک اوجیوز اون برسنه سی یعنی هجرتک یدیوز اون بر  
 تاریخنده مذکور قله مان خامسک ریاستی التمه اوله رق انطاکیه



واسکندریه بطریق قری حضورنده اوجیوز پستقیوس و فرانسه قرالی  
 در دنجی قلیب و انکلتزه قرالی ایکنجی ادوارد واراغون حکمداری  
 یا کس ثانی عقد مجلس و مشورت ایدوب اسپانیا قطعده سندن افریق اولرک  
 بقیه استیلا لرینی کسر و محو ایتکه عهد و میثاق ایلدیلر ایمدی  
 فرانسه قرالی اولان فلیپ ل بل دخی میلادک بیک اوجیوز اون درت  
 سنه سنده فوت اولوب پدرینک حیاتنده ناوار قرالغنی میلادک بیک  
 اوجیوز بش سنه سی تحصیل ایدن بیوک اوغلی اونجی لوئی فرانسه  
 قرالغنی احراز ایتک اوزره رم نام شهرده تاج کیمک رسمی بیک اوجیوز  
 اون بش سنه سنده اجرا ایلد کد نصکره ناوار نام شهره عزیمت  
 ایدوب اورادن فرانسه یه حکم ایلدی صکره برنجی ژان فرانسه و ناوار  
 قرالی اولمش ایسه ده مدت قلیله ده فوت اولوب بشنجی فلیپ طویل  
 میلادک بیک اوجیوز اون الی یعنی هجرتک یدییوز اون اوج سنه سنده  
 فرانسه یه قرال اولمشدر بونک زمانی دخی کندویه متعلق اولان پرنسیر  
 ایله مخالفت اوزره کچوب بیک اوجیوز بکرمی تاریخننده فلاندره اولر ایله اولان  
 معاملاتی معاهده قطعیه ر بط ایدرک اداره داخلیه سنی نظامه قیوب  
 سمت جنوبده بولنان مخالفین و اعدا ایله دخی محارب اولدیغی حالده  
 بیک اوجیوز بکرمی یکی میلادنده فوت اولوب یرینه درنجی شارلی ل بل  
 فرانسه قرالی اولدی ایمدی اشبو شارلی ل بل فلیپ ل بل نام فرانسه  
 قرالک اوغلی اولوب برادری فلیپ طویلک فوتند نصکره سنه مذکوره  
 اوائلنده فرانسه قرالغنه ناوار قرالغنی دخی ضمیمه عنوان ایلمش  
 ایسه ده بونک زماننده اموال میری و واردات دولت یولسزه حسابسز  
 صرف و تلف اولدیغندن امور مالییه و خزینه احوالی پک فنادرجیه  
 کیزمش و بیاغی دولت دخی مرتبه افلاسه ایرمش ایدی انکلتزه قرالی



ادوارد ثاني برنجي ادواردك اوغلي اولوب ميلادك بيك اوچيوز  
 يدي سنه سنده پد رند نصكره انكلتره په قرال نصب اولنوب مومي  
 اليه اخلاق معتدله صاحبي اولد يغندن عنان حكومت دوستلرندن  
 غاوستون واسپاني نام كيمسه لك دست ارادته براقديغندن بارونلرك  
 انفعالي موجب اولمش ايدى بونك اوزرينه اوسقوجيا محاربه سنده  
 هارب اولنجه برادري ادموند دعواي قراليت ايدرك چقمش اولمغله  
 بونلرك يعنى عاصيلرك انده اسير اولوب زندانه القا اولنديغى بيك  
 اوچيوز يكرمي يدي سنه سي ايدى بعده يرينه اوچنجي ادوارد انكلتره په  
 قرال اولمشد رشويلىكه مومي اليهك پدري ادوارد ثاني اولوب  
 واليده سي دخي فرانسه قراللك قزى ازىل اولمغله فرانسه تاجنه  
 دخي ال اوزاتمش اولد يغندن فرانسه لويله انكلتره لواراسنده  
 منافرت تكون ايدوب بالاخره انكلتره قرالى بولنان ادوارد ثالث دوتخاسوق  
 ايدرك فرانسه سواحلنى تخريب ايليوب درون فرانسه په قدر عزيمت  
 ايلمشدركه تفصيلي كله جلك جلد ثالثده يازلمشدر قاسل قرالى بولنان  
 دردنجي فرديناند پدري سانش رابعك يرينه ميلادك بيك ايكيوز  
 طقسان بش سنه سنده قرال نصب اولند يغنك عقيبنده فسادات  
 داخليه ظهور ايدوب پورتكيز واراغون قراللى هجو ميله خيلى  
 اراضى ضايع ايلدى بيك اوچيوز طقوز سنه سي دخي عربلر ايله محاربه  
 ايلدكد نصكره بيك ايكيوز اون ايكي سنه سي فوت اولوب يرينه  
 اوغلي اون برنجي الفونس قرال اولمش ايسه ده تاريقه نام محمله  
 عربلر ايله محاربه ايدوب طارق محاصره سنده ميلادك بيك اوچيوز  
 الى سنه سي طاعوندن هلاك اولمشدركه قرالى دخي  
 ولاد سلاس ثالثك برادري دردنجي ولاد سلاسدر كه



بوکا جوجه قرال دخی دیرلر بونک دفعه اولی اوله رق عهد حکومتی  
 بش سنه قدر ممتد اولوب زماننده درون لهستانده فترتلی پیدا  
 اولدیغندن بوهیمیا قرالی اوتوقار غالبک اوغلی دردیجی وانسلاسی  
 میلادک بیک اوچیوز سنه سنده بالانتخاب له قرالالغنه اصعاد ایلدیلر  
 ایرتسی سنه یعنی بیک اوچیوز برسنه سی دخی مجار حکمدارلغنک  
 تاجی عرض اولمش ایسه ده ککند وسندن زیاده اوغلی بشیجی  
 وانسلاسی ترجیح ایلدیکندن مجار قرالی نصب ایتدیروب کندوسی  
 بیک اوچیوز بش سنه سنده فوت اولنجه منحل اولان بوهیمیا قرالالغنی  
 استیصال ضمننده بوهیمیا طرفنه عزیمت ایلدیکی اثناده مجار حکومتی  
 باویرالو اوطون رابعه براقش ایدی بعده مجارستانه دتر اولان حقوقی  
 اعاده اوزره ایکنها بسبورغ خاندانی اغوا وافتراسیله بیک اوچیوز  
 التی سنه سی اولموج نام شهرده مقتول اولدقده له قرالالغنه  
 ولادسلاس رابع ایکنجی دفعه اولمق اوزره صعود ایتش ایسه ده تمامی  
 ممالککه حکمنی انفاذه مقتدر اوله میوب پومرانی و سلزیا ایالتلرینی  
 الامانیا حکومتنه قایدیرمش ایدی بو حال ایله زمان حکومتی میلادک  
 بیک اوچیوز اوتوز اوج یعنی هجرتک یدییوز اوتوز ایکی سنه سنه قدر  
 ممتد اولمشدرکه تفصیلی جملد ثائنه براغلمشدر مجار حکومتی دخی بیک  
 اوچیوز بش میلادی یعنی هجرتک یدییوز درت سنه سننده اوطونک  
 حکمنده اوایوب اوج سنه هرورنده شارلی مارتل نام قرالک اوغلی  
 شارلی رو برنام کیمسه به انتقال ایلشدرکه بوکاشارو پردخی دیرلر بیک  
 اوچیوز اون درت سنه سی یعنی هجرتک یدییوز اون ایکی سنه سنده  
 افلاق ویوده سیله محاربه ایدوب مغلوب اولمش ایدی بناء علیه ناپهلی  
 طرفنه التجا ایلدوب ینه مجارستانه کلدی و بیک اوچیوز قرق ایکی



سنه سی فوت اولغله لوئی نام اوغلانه حکومت میراث قالدی بوهمیا  
حکومتی دخی ایکنجی اوطوقار که بوکا اوطوقار غالب دخی دیرل فوتی  
تاریخی اولان بیک ایکوزیتش سکنز یعنی هجرتک التیوزیتش بش  
سنه سنده اختلال داخلیه ظهوراید وب بش سنه قدرمتمد اولدقدن  
صکره وانسلاس ثانی بعده ثالث بعده رودولف بعده هانری نامنده  
قرالار برر ایکبشر سنه حکومت اید رک میلادک بیک اوچیوز سکنز  
سنه سنده لوقسمورغ خاندانندن ژان اسمنده برقرال بوهمیا تختنه  
صعود ایدوب اوتوز سنه قدر حکومت ایتشد راشبو وانسلاس ثانی  
مجاروله حکومتده وانسلاس رابع دید یکمز اولوب پد ری اوطوقاردن  
صکره تخت قرالیه صعود ایتش ایسه ده اوسستریا خاندانک اغوا  
وافسادیه درون ممالکه فترت وغوغا مستولی اولوب بش سنه قدر  
سورمش ایسه ده سالف الذکر وانسلاس ثانینک تدابیر صائبه سیله  
مندفع اولدقد نصکره له قرالی در دنجی ولاد سلاسک مخالفی  
اتفاقیه لهستان قرالغنی دخی کندی عنوانه ضمیمه ایلدیکی اثناده  
مخارستانک بر قسمی دخی آورده قبضه تسخیر ایلش ایسه ده قرالغنی  
کندی اوغلی اوچنجی وانسلاسه براقش اولدیغی حالده میلادک بیک  
اوچیوز بش سنه سی براغه ده فوت اولغله مجار قرالی نصب ایلدیکی  
اوچنجی وانسلاس که مجار قرالارنده بشنجی وانسلاس در اوطون نام  
کیمسه یه اداره مجاری حواله ایدوب کندوسی پد رندن منتقل اولان  
بوهمیا تختی استحصالی ایچون براغه طرفنه عزیمت ایلوب مرادینه نائل  
اولدقد نصکره باآلاده ذکر اولندیغی اوزره هابسبورغ خاندانی افتراسیله  
اولوج نام شهرده مقتول اولمش ایدی الامانیا ایمپراطوری بولنان  
فره در یق ثانی نصکره درون الامانیا ده فترت وفساد ظهور ایتکله



اینوسان رابع نام پاپانک امانه وسوقيله فلمنك قرالى اولان كلوم ثانی یی  
 میلادك ایکیوز قرق یدی سنه سنده الامانیا ایمپراطوری بولسان  
 قره دریق ثانینک خلافت اوله رق ایمپراطور نصب ایتشلر ایدی  
 بو ارالقه قره دریق ثانی فوت اولجه دردیجی قونراد دخی ایمپراطورلق  
 مقامنه ارتقا ایلد یکسندن موقتاً کلیمبوب دخی ایمپراطورلق عنوانندن  
 فراغت ایدرک اسلانده دوقه لغی عنوانیه اکتفا ایلوب قونرادك  
 فوتند نصکره کندوسی دخی بیک ایکیوز الی الی سنه سی فوت اولوب  
 یرینه انکلتره لی ژان سن ترنام قرالک اوغلی ریشارد بیک ایکیوز  
 الی یدی سنه سنده الامانیا یه قرال نصب اولندی چونکه کندی  
 حقوقنی برادری اولان اوچنجی هانری یه براقش اولد یغندن قاستل  
 قرالی القونس ایله مشترکاً الامانیا ممالکنی بیک ایکیوز یتش اوج سنه  
 سنه قدر حایه د نصکره هابسبورغ خاندانندن برنجی رودلوفه تاج  
 حکومت تسلیم اولندی مومی الید دخی بیک ایکیوز طقسان برسنه  
 سنه قدر حکومت ایلوب یرینه آدولف بعده آلی براول بیک اوچیوز  
 سکزتار یخنه دک الامانیا تاجنی حفظ ایلوب عاقبت اوقسمبورغ خاندانندن  
 یدنجی هانری الامانیا ایمپراطورلغنی تحصیل و بیک اوچیوز اون اوج  
 سنه سی مدت حکومتی تکمیل اولد قدر نصکره بشنجی لوئی نک  
 بیک اوچیوز قرق یدی سنه سنه قدر زمانی سور مشدر

روم ایمپراطور لرندن میخال پاله لوغ ازنیق حواله سنده  
 اجرای حکومت ایدرکن قسطنطنیه شهرینک یرلوری روم ایلینک  
 اهالی قدیمه سیاه اتفاق ایدوب برانتن دولتک هیئت اجتماعیه سنی  
 اساسندن هدم ایدرک یکیدن شرق ایمپراطورلغنی تأسیس وتشکیل  
 ایدن فرانسه ولاتین طاقمندن اولان کروه متغلبه نک نفوذ



قوتلرینی کسر ایدوب اسکی روم ایمپراطور لغنی تشکیل ایلدی یکی  
 هجرتک التیوز التمش سنه لرینه قریبدرکه تفصیلی مقدمه ده مناسبتله  
 ذکر اولمشد رایمدی میخسال پاله لوغ دخی اجدادینک ضایع ایلدی یکی  
 حقوق ملکیه پی اعاده ایلد کد نصکره غازی ارطغرل حضر تلیله صلح  
 وصلاحه معاهده ایدوب بولغار قرالیله دخی تأکید حب  
 وموالاته روی مساعده کوستردی چونکه استانبولک مضافاتندن  
 اولان غلطه ايله یونان دکرنده واقع بیوک اطهری وسواحلاک بعض  
 مبهم ومعتایر لری جنویزلرک ووندیکولرک یدتصر فلرنده اولمغله  
 طائفه مذکوره نک اورالده دهها نفوذلی قرلماش اولدیغندن بشقه  
 مذکور میخال دخی اوچنچی نقولاس نام پاپانک شرق وغرب کلپسارینک  
 برلشدیرلمسی التماسی قبول ایدرک برلشمک ماده سنک ترویجنه دائر  
 بعض سوزلریسان واطهار یله پاپانک طرفنی کند وملتک وشرق  
 ایمپراطور لغنک برمدت داهادوام بقاسی ایچون التزام ایلوب  
 اوسیه ايله روم ایمپراطور لغنک تاجنی کند و ذاتی واعقاب  
 واولادی باشلرنده حفظ اتمک پاپانک افکارینه تبعیثله برلشمک ماده سنی  
 قوت الظهرا تخاذ ایش ايسده کند وملت اراسنده بولسان گروه  
 متعصبه ورهابین متدینه نک اراسنده قدر و اعتبارینی کسر ایلدی  
 بوخصوصه دائریازیلان تاریخلرده روایات مختلفه بیان اولمشد  
 بعضیلری میخال پاله لوغ روم طرفنه عزیمت ایلدی برطاقملری  
 دخی پاپا استانبوله کلدی دیرلر لکن صحیحی اتفاق ماده سنه قرار  
 ویرمک اوزره پاپا طرفندن برقاردینال کلدیکیدر که استقبالنده  
 عظیم الای اجرا اولمشد والحاصل میلادک بیک ایکبوز سکیان  
 ایکی سنه سی یعنی بزم عندلرمزده معتبر اولان سنه هجریه نک التیوز



برسنه سی فوت اولوب برینه اندرونی پالده لوغ ایمپراطورلق سریرینه  
 قائم اولد یسه ده روم ایمپراطورلغی لاتین و فرانسیز لک استیلا سی  
 قضاسنه اوغرامش اولد یغندن بوماده مهیبه دن طولایی چوق  
 باشلرایا قلمرالتده قالوب روم ایلی اطلاق اولان ممالک یازده خسار  
 بولغار و سلطان عزالدین ایله برلکده روم ایلی یقه سنه نقل ایدن  
 ترکن طاقمنک و ایدین طرفندن کلان اسحق بک و خلیل بک  
 استیلاری چوغالد یغی و اناطواید اولان ایالات و بلدان دخی هجوم  
 عثمانیان ایله پریشان اولد یغی شویله طورسون قسطنطنیه  
 دیوارینه دک برکت خانک عزالدینی روم الیندن استخلاص  
 ایچون شدتله الغار ایتمسندن درون ممالکده پریرفته و فساد پیدا  
 اولوب خلک برطاقمی محافظه اموال و اعقاب صایوب ادخار نقود و دینار  
 و برطاقی دخی قتولیکلرایله برلشمکی وسیله نجات و استقرار عدایلد کلرندن  
 حوزة حکومت تار و مار اولمغله ارتق اندرونی نک درون بیرونی و بلکه  
 الک درونی وقایع متعاقبه الظهور ک سببیه محزون اولوب بعد ازین  
 تکمیل ناموس ایده میه جکنی یلایکندن هر نه حال ایسه اون ایکی  
 سنه قدر تحمل ایدوب بعده یوک اوغلی طقوزنجی میخاله امور  
 حکومتی احاله ایدوب کندوسی ایاصوفیایه مشروط اولان  
 مناسترلرک برینه چکیلوب آخرتنه خدمت ایچون غواثل حکومت  
 و سلطنتی ترک ایدرک عبادته مداوم اولدی امدی میخال تاسع دخی  
 پدرینک حیاتنده امر ریاستی مشترک کی اصولده طوته رق یکر می  
 الی سنه فترت و هنکامه لرایله اجرای حکومت ایلیوب فوت اولدی  
 و برینه اندرونی قوس ثالث جالس اولدی ایسه ده بیک اوچبوز قرق  
 برسنه میلادی سنه قدر یک چوق زحمتلر چکه رک ایمپراطورلق نام  
 و عنوانی حفظ ایلدی انجق مومی الیهک زمانده سلطان اورخان  
 غازی حضر تلرینک ریات ظفر آیاتی کوجک آسیاد نیلان اناطولی



الکاسنک اکثر جهاتنی قاپله مش و حکم هما یون اور خان عثمانی  
 شهراده سلیمان پاشا همته او رو پا قطعه سنه دخی اتلامشدر که  
 بواجمالک تفصیلی مؤلف دفتر تالیه صاقله مشدر مرا جعت  
 بیور یله هجرتک التیوزاون بش و یکر می سنه لرنبرو یعنی استانبولی  
 لاتینلر اسنیلا ایلوب روم ایمپراطوری خاندانلرینک اطرافه فرار  
 ایلدکلری زمانلرده طربزوند دخی خاندان مذکور د ن اوله رق  
 برقراللق تشکیل اولنمش ایدی که غازی عثمان خانک عصرنده  
 الکسپس ثانی قرال بوانوب اند نصکره ایکنجی اندرونی بعده ایکنجی  
 مانوئل بعده باسیل نام پرنسیر روم ایمپراطور لری طرفندن نصب  
 اولنمشدر لکن حوالی مذکورده امرء جنکیزیه نک غلبه  
 واسنیلاری یا یلمش اولد یغندن بونلرک نفوذ و اقباللری اولمغله  
 احوال داخلیه لری دخی همان مجهول کیدر

طونه نام نهرک داخلندن هر یج نهرینک ساحلنه قدر یعنی بالقان  
 طاغلرینک و راسی بولغار ممالیکی اولوب کندولرینه مخصوص  
 بر حکومت صغیره اولدیغی و کرسیء اداره لری دخی طونه نهرینک  
 کنارنده و دین نام شهر اوله رق اسانبد فامایاسندن قراللری بولندیغی  
 سابقده ذکر سیبقت ایلشد بونلر روملرایله یعنی ما کدونیالولرایله  
 بروجهله امتزاج اید مد کلرندن روم ایمپراطور لری نک دخی دائره  
 اطاعتندن خروج ایتشار اید ده عدم اتفاق ملا بسه سیله  
 روم ایمپراطور لغندن اول کندولرینک هیئت اجتماعیه لری  
 آل عثمانک قوه قاهره سیله بوزولوب طاغلشد در طونه نک سمت شمالنده  
 دخی میلادک بیک اوچیوز الی ایکی سنه سنده یعنی تقریباً هجرت  
 نبونک بدیوز الی تار یخلرند مجار حکومتنه تابع اوله رق بوغدان



اسمندی بر پرنسک اداره سی تختنده اولق اوزره برطاقم امتیازات  
مخصوصه ایله براداره صغیره تشکل ایتشد ر که تفصیلی دفتر تاشه  
براغیشدر

البانی دنیلان اربنود ممالکی دخی روم ایمپراطور لرینک حکومتلرینه  
داخل ایکن روم ایمپراطور لخی لاتینلرک و فرنکلرک استیلاسیله  
مترزل اولدیغی زمان اشبورنود لک الکاسی دخی وندیکلور ایله  
مجارلرک پنجه تصرفلرینه نقل ایدرک هر برلری حصه لرینه اصابت  
ایدن ممالکی پرنسلاک اداره سیله ضبط ایتشلر ایدی دالماچیا قطعه سی  
ایله قره طاغ و دوو بره وندیک حوالیسی و اورالرده بولسان جزایر  
معلومه ایله موره قطعه سی دخی وندیکلورک حکمنه کچمش اولدیغندن  
ارتق السکای مذکورده ده برانسیو دولتشک حکم و نفوذینه خلال کله رک  
ایمپراطور لغسک دخی شانی قالمامش ایدی

### فصل ثانی

سلطان عثمان غازی نیک مدت حکومتده اولان وقایع داخلیه نک  
اجمالی بیانده در

اشته یوهنکامه شور و شر کافه نوع بشر اراسنده ساحه ظهوره  
کچمش اولدیغی زمانده ارطغرل غازی نیک آخرته کچمش بولندیغی  
ابن کمال تاریخی روایتی موجبجه ال سلجوقدن غیاث الدین کینخسرو  
ثالث و تواریح سائره بیانی اوزره علاءالدین کیقباد ثالث قونییه  
تختنده جالس اولمغله مشارالیه ارطغرل غازی نیک وفاتی اخبار اولدقد  
در حال ارمنا کدن طوما لیج طاغلری و قره جه حصار ایله این اوکونه وارنجیه  
بر نیجه ییلاق و قشلاغک امارتنی آمر بر خلعت فاخره ایله عثمان خانه  
توجه بیورلد یغنک بیورلدیسی بر زمانده ایرشمش ایدیکه مشارالیه



عثمان خان ايله عثمسی د وندار بلك اراسنده امر امارتك وراثته د اثر  
نزاع اولمقده ایدی انجق

نظم

(کشی یه اولوق حقدن عطا د \* کوچك كورمك اولولاری خطادر)  
(قوری یاش ايله آدم باش اولماز \* کشیدن ایش صوریلور یاش صورلماز)  
فواستجه عثمان خانك د رگاه عالی پادشاهی یه اراقده ملازمتی  
اولدیغندن ماعداید رینك اواخر حالنده دخی یدی سنه قدر سلاطین  
سلجوقیه حضراتنه یدری طرفندن بالوکاله خدمتده بولمق حسبیه  
میرالمرالوق رتبه سیله دخی قدری ترفیع اولمیش ایدی والخاصل خیمه  
اقامتی اوروب قوردیغی ممالک ايله فتح و تسخیرینی قوروب طور دیغی یرلر  
اداره سی وقبیه جلیله لرینك ریاستی مشارالیه عثمان بکده قرار ایدنجه  
میردونداردخی چارناچار رضای قلبی د یلی ايله اقرار ایدرک قبولی  
اظهار ایلدی میر مشارالیه ایسه امارت ایالت کندوده مقرر  
اولدقد نصکره هم جواری بولسان اسکی حصار واینه کول نام  
محارک بکری که اسکیدنبر و سلاطین ال سلجوقك طرفندن نصب  
اولند قلی جهتله ارطغرل غازی ايله دخی ارالنده الفت واختلاط  
درجه کاله وارمش اولدیغندن ناشی حسب الوراثه عثمان بك طرفنه  
دخی ودو محبت توارث ایش اولمغه میر مشارالیه برمدت موقتیه  
تختنده اوله رق امراء مذکوریه ايله عظمت وجلادتی ترک  
ایدوب دارمدارایی پرکتمش ایدی هر نقدر کرک عثمان بك و کرک  
یدرلری ارطغرل بك قرائت و کتابتدن حصه مند دکلرایسه ده  
عقل ودرایت وفرط و ذکاوت ملا بسه سیله تدبیر ریاسته ایجاب ایدن  
فن سیاستی بیلوب کند ولرینه خلقی اصیند ر مق و دشمنلری  
کندولندن صیند ر مق یولنی کوزه درک رئیس القوم اولمغه لازم کلان  
تدابیر دقیقه بی اجراده دقیقه فوت ایتزلر ایدی خصوصاً عثمان بك  
بویا بده یدرلرینه دخی سبقت ایتشلر ایدی لکن انجده لوقوما یعنی اینه کول



نام قصبه نك رئيسى بولسان نيقوله نام شخصك كندويه اولان سوء  
 افكارىنى بلوقوما يعنى بيلجك تكوورى ككه بولنله صاحب دخی  
 دینور ایسه ده تکوورلر ك اكثيریسی روم سلطانهلرینه  
 و برانسیو ایمپراطورینه تابع اولمشلردر والخاصل بیلجك تکووری  
 اولان مذکورك افاده و اخبارندن کیفیت تحصیل و قوف ایتد کدنصکره  
 مرقوم نيقوله نك بولند یغی اینه کول قصبه به سنه هجوم ایتکه عزم  
 و جزم ایلش ایدی میرمشارالیه ایله مرقوم نيقوله نك اراسنده تحدث  
 ایلیمان منافسه نك سببی دخی مشارالیه عثمان بلك هر ایشده درپیش  
 ایتدیکی ملائمت و عدالت ملابسه سیله قرب و جوارده و بلكه اطراف  
 دیارده بولنان اهالی و سکنه نك قلوبنی جلب و تحصیل ایتد کدنصکره  
 سلطان روم اولان آل سلچوقك مظهر حسن نظری اولنجه کشور  
 کشالقد ه کورینان صعو بتلری تسهیل ایدرك نفوذ و اعتبارینی اول  
 دیاره نشر ایده جیکنی مرقوم نيقوله فهم ایتش اولدیغندن اولجه  
 چاره سنی کوروب دفع غائله ایتکله بنی نوعنه خدمت ایتك سوداسندن  
 عبارت ایدی هر نه ایسه مشارالیه عثمان بك سکود قصبه سندن  
 هجرتك التیوز سکسان اوج سنه سی اول بهارنده یوز یکر می قدر  
 سوار یله حرکت وارمی بلی دنیلان طاع طرفندن بردن بره هجوم  
 ایدوب اینه کول قصبه سنی احراق ایتك اوزره ایکن جبل مذکورك  
 برقویتی یرنده نيقوله دخی ایکیوزدن زیاده متفقین ایله پوصوطود قلری  
 چاسوس اخبار یله معلوم اولدقده در حال پوصوده بولنان عساکرك  
 ارقه لردن اوزلرینه سهام قضاکی نازل اولوب سیل کهسار مثللو  
 اعدای طاعدن درهیه ایندیروب اوزلرینه قلیج بندیرمشار ایسه ده  
 عثمان بلك طرفنده بولنان صاری باتونك اوغلوبای خواجه نام شخص که



میدان محاربه ده صف ارای ووادئی مضیق و تنگده صاحب رأی  
ایدی شهید اولجه دشمن عساکرینه غیرت وچوشغینلق و میرمشار  
الیه طرفدار لرینه دخی حیرت و شاشغینلق عارض اولد قده کیر و  
طاغنه چکیلوب بر صرب محله مترصد فرصت اولد قلرندن اراق  
بولد بجه یکدیگره هجوم ایدرک اجرای خصوصت ایدوب بروقت  
مناسب کوزه درلر ایدی مذکور بای خواجه نک مزاری طاغیر ایچنده  
واقع حزه بک کوی قریبده بولنان خانک اتصالیانده اولوب الیوم  
زیارتگاه انامدر بوار القده سکود نام قصبه ساکنلرندن قومرال بابا  
نام ذاتک اشارتی وایت برونی دنیلان کویده متمکن شیخ اده بالینک  
واقع مطابق بعض واقعیه صادقه دن طولایی بشارتی وقوع  
بولمشدر که بورالرینی تفصیل حاصلی تحصیل قیلندن اولد یغندن  
بشقه اوپله بر اجنبی ملکه کلوب یکیدن بر حکومت تشکیلنه موفق  
اولان ذاتک حقنده فیوضات قدسیه و اشارت روحانیه نک اعانه سی  
اوله جغی امر جلیدر

انجق شو قدر وار که مومی الیه شیخ اده بالی نک کریمه سی مال خاتونی  
مشار الیه عثمان بک پدری ارطغرل بکک حیاتنده بر صحراده براز  
قرلر ایل برانکده کوروب مفتونی اوله رق شیخ مذکور دن طلب ایلمش  
ایسه ده اوزمان ویرمیشلر ایدی چند سنه مرورنده عثمان بک پدری  
یرینه یعنی امارت سریرینه صعود ایتدکه قریه مذکوره یی مومی  
الیه شیخ اده بالینک اولاد وانسانه وقف و مشروط اولق اوزره شیخ  
مومی الیه کرمه سیله عقد و ازدواجه قرار ویرلدیکی اثناده اتفاقات  
حسنه دن اولق اوزره بر رؤیای صادقه دخی تصادف ایتشد  
خلاصه کلام وریلان قراری حجت ایدوب یازمقد قادر کیمسه بولند یغندن



قریه مذکوره نك نشانه تملیکی اولق ایچون غازی مشار الیه  
طرفدن بر قلیج و بر مشرب به یادکار براغملش اولدیغی و یادکار اولان  
قلیج ایله مشرب به نك طقوز بوز تارینخ لری نه دك شیخ مومی الیهك  
خاندانی النده حرمت و اعتبار ایله حفظ اولندیغی اده بالی زاده محمد  
باشاد ن منقول اوله رق توارینخ معتبره ده یازلمشد راشبواده بالی دنیلان  
شیخ حضرتلری آدنه دیارنده تولدایدك بعده شام شریفه عزیمتله  
تحصیل معارف ایلدكد نصکره سلطان اوکی نام سنجاغك کرسی  
اداره سی اولان اسکی شهرک قربنده ایت بورنی نام قریه ده فرش  
سجاده ارشاد ایتشلد رقرال بابا یلر طاقندن بر ذات شریف  
اولوب سانغاریوس ایرماغی یعنی صقاریه نهرینک کنارنده طاغلرده  
دولاشور کراماتی ظاهر بر مرد مبارک ایدی میرمشار الیهك کوردیکی  
رؤیادخی شویله درکه معشوقه سی اولان مال خاتونک پدری قوینندن  
ناگاه برماه چیققر کلور کندی قویننه کیرر هماندم کو بکسندن براغاج  
چیقوب دالاری اوزانوب سایه سی التده برنیجه صحرا وچمنزار و بادیه  
وانهار بولنوب خالق عالم امور لازمه لرینی کمال راحتله اجرا ایدر لر  
ایدی

رؤیای مذکوره نك خلاصه تعبیری دخی شیخ مشار الیهك کریمه سی  
عثمان خانه عقد و نکاح اولدقد نصکره انلرک معامله زوجیه لرندن  
حاصل اولان اولاد کراملری دنیانک برچوق محملارینی ضبط واستیلا  
ایلیوب انلرک سایه لرند برچوق خلق راحت و اسایش اوزره اوله جقلردر  
چونکه مشار الیه عثمان بك سالف الذکر ارمی بلینده اولان بوز غخلق  
جهتیه مسفور نیقوله تکورک ازغونلغنه بروجله تحمل ایده دبکندن  
عددی درتیه زالی یلی باشلی اتلی ایله برکیجه ارمی بلینی طولاشوب



اینه کول قربنده واقع قره جد حصاره علی الغفله اولاشوب برنیجه  
 طواروا غنام اغتنام و براد شمنی دخی سیف و حسام ایله ککمنام  
 ایلد کد نصکره غانما و سالما صباح اولمزدن اولجه طاغیراراسنه  
 چیقوب طوردیلر ایتسی کون بوواقعده اینه کول تکووری طرفندن  
 قره جد حصارده بولنان تکووره و سائر متفقینه واصل اولنججه میر  
 مشار الیهی اطرافندن صارمغی وال براسکی ایله کند ی دیار لری  
 ایچندن چیقارمغی قوردیلر کرچه قره جد حصار بوندن اقدام سلطان  
 علاء الدین زماننده ارطغرل بک مر حومک همتهله تسخیر اولمش  
 و تکووری دخی قبول تابعیت ایتد کیچون یرنده الیقونامش ایسه ده  
 عصر مذکورده اناطولی دیارینک عرض و طولی لشکرتا تار مغول ایله  
 طوبطولی اولدیغنده تکفور مذکور دخی طریق اطاعتدن صایمش  
 و وادی عصیانده کند و سینه بر حکومت مستقله یامش ایدی و الحاصل  
 تکفور مذکور فلاتوز نام برادرینی وافر عساکره سردار ایدرک اینه کول  
 تکووری نیقوله نک امدادینه الغار ایله کوندردی شویله که عساکرک  
 کثرتی اینه کول اوکند بولنان او والری موج اورردریا یه دوندردی  
 عثمان بک دخی بوذکر اولنان هجوم عمومی کورنیجه نفیر عام ایدوب  
 طبل جهادی چالدیروب آهنک جنکه یرار برنیجه نامدار لری یرلندن  
 قالدیروب طومانج بلیندن اشاغی د شمنی استقباله کیدوب اکیر نیجه  
 دید کاری یرده بر برینه قارشو کلدیلر در حال محاربه یه طور و شوب  
 دین و وطن اوغورینه طرفیندن شیرانه و مردانه حمله لرا سنده  
 قندیللی چام جوارنده عثمان بکک برادری صارو پای بروقت غازی  
 ایکن عاقبتی شهید اولدی بواثناده قره جد حصار تکوورینک برادری  
 فلانوزک مقتول اولدیغی وطن غیرته چالیشان عساکرک رابطه



صفوفنی بوزوب اکثریسی تخایص جان سوداسیله میدان پرندن  
 یانیه یی چوزوب طاغله طوغریلوب قاچدی یلرایسه ده میر مشار الیه  
 تعقیبه راضی اولیوب میدانده قالان شهدایی برمحسل معلومه دفن  
 ایتدکد نصکره برادری صارویاتی پی پدیری تربه سنه دفن ایچون  
 سکوده ایصال واجساد مقتولین ایله دخی برقله غریبه بنا واحداث  
 ایلدی اشبو اکیرجه وقعه سی هجرتک التیوز سکسان اوج سنه سنه ده  
 اولمشدرکه تواریح ساره ده وقعه مذکوره هجرتک التیوز سکسان التی  
 سنه سی اولمق اوزره ضبط اولمشدر

وقعه مذکورک نتیجه سی پادشاه روم غیاث الدین حضرتلرینه  
 منعکس اولنجه عثمان بکه تحسین وافرینی حاوی استمالتلر کوندیرملکه  
 ارالنده خبراشمک اکسک دکل ایدی بو حال ایله چند سنه دخی مرور  
 ایدوب التیوز سکسان یدی سنه سی بهاری کلدکده میر مشار الیه  
 اذت غلبه یه الشمس اولغله بتکرار برقاج بیک سواری و بر اولقدر پیاده  
 آماده ایدرک قرهجه حصار تکوورینی مقهورایتک یتیه غزا وجهاده  
 بذل اقتدار ایدوب برق خاطف کی یورودی و بر مرتبد جنک و جدال  
 اولدی بکه حصارک اطرافنی شعله شمشر ایله آتش الوب یورودی ارتق  
 بومر تبه دنصکره تکووره طوره جق وامورینی کوروب او طوره جق یر  
 قالد یغندن قضایه رضا کوستروب صورت تسلیمیده اولدی هماندم  
 عثمان بک برادرزاده سی آق تیموره ترفیقاً مذکور تکووری و بعض  
 اشیایی پادشاه روم سلطان غیاث الدین مسعود بن کیکاوسک درگاهنه  
 ایصال ایلدکده سلطان مشار الیه بو خبر مسعدت اثر دن اظهار  
 حبور ایدرک عثمان بکه یکیدن اسکی شهر سنجا غنی ضمیمه  
 قلد قد نصکره استقلال حکومته دلیل جلیل اولمق ایچون طبل



ونفیر و بر علم و شمشیر ایلہ بر ثوب مظلا و براسب مزین بی همتا ارسال  
ایلدی ایمدی بوتشر یفات یاد شاهی هجرتک التیوز سکسان یدی  
سنه سی ذی القعدة نک اون یدنجی کونی ایکندی وقتی واصل  
اولد قده عثمان بک قیام اوزره طوروب نوبت اورولدی وارکانی طرفندن  
بیعت اولنوب دیوان قورولدی عثمان بک دخی اوتوز بش یاشنده ایدی  
فی الحال امیر مشار الیه قره جه حصار دن خدم و حشمی اسکی  
شهره نقل ایدرک بارگاه عدالتی قوروب نوبت امارتی هرایکندی  
وقتی اوردی کندوسی دخی رعایت ایچون ایاغ اوزره طورودی  
عادت مذکوره فاتح استانبول سلطان محمد ثانی زمانه قدر باقی اولوب  
صکره لری یالکز نوبت ابقا اولنه رق ایاغ اوزره طورومق تکلیفی رفع  
والغا اولندیغی کتب توار یخده مسطور و مقید در

تذیبه

یوند نصکره عثمان بک امارت سریرینه جالوس ایتدیکندن عثمان خان  
دیویازیله جقدرایمدی خان مشار الیهک جهره لری مدوررنکی  
اسمر قاشلری چاتق وجبهه سی یصی صدرلری واسع قامتی متوسط  
ایدی باشلرینه قیرمزی چوقه دن بورک خراسانی کیوب اوزرینه  
تاتار وادیسنده دستار صارار وارقه سنه قرمزی یقه لی فراجہ تلبس  
ایدرلر ایدی چون عثمان خان بارگاه امارتی اسکی شهره کتوروب  
رعیت رفاهیت بولوب یولار امینلک اولوب صحرالر اکینلک اولدی  
درون شهره بازار قوریلوب مملکت شنلک ایلہ طولدی بوارالقدہ  
کرمیان امر اسنده کنه الاخبار اخباری اوزره علش بک و توار یخ  
موثوقه وابن کمال روایتی موجبجه علی شار بک طرفندن مأموراعامل  
کلوب بازارده امتعه صانندن باج المق اوزره اولدیغی مشار الیه



عثمان خانہ خبر ویرلد کده اول امر دہ مشارالیه طرفندن مساعدہ  
 بیورایوب علی شاربک طرفندن کلان مأموردخی اعادہ اولندقد نصکرہ  
 بازار بکچیلرینہ ویرملک ایچون صاتیلان یوکلردن ایکبشراچہ باج المغہ  
 قرار ویردیلر بوملابسہ ایله کرمانلوایله عثمان خان اراسندہ بعض  
 مرتبہ مقاتلہ دخی اولمش ایسہ دہ عثمانیان غلبہ ایتمش اولدقلردن  
 سهولتله ماده برطرف اولمشدر بو حال ایله سنہ التیوز سکسان سکرہ ایردی  
 سابقا فتح اولنان قرہ جه حصاره دخی کرمان و سائر طرفلردن  
 برنیجه کوچلر کوچوب کیردی و شرائط اسلامیه اوزره طورسون  
 فقیه نام ذات دخی ایام جمعه دہ قرائت اولنه جحق خطبه ارنام نامی  
 عثمانی ایله اولمشنی تجویزایدوب خبر ویردی زیرامشارالیه عثمان خان  
 اول امر دہ آل سلچوقک امر اسندن اولوب انجق کند و سنک  
 حسن اداره سی ثمره سی اوله رق استقلال کامله نائل اولدقد نصکرہ  
 حکومت و سلطنته دلیل و جلیل اولان خطبه دخی قرہ جه  
 حصارده کند و نامنه اوقونق لازم کلد یکنندن التیوز سکسان  
 سکر سنہ سی رجب شریفک ایکنجی جمعه سنہ اولا قرہ جه حصارده  
 عثمان خان نامنه خطبه قرائت و سنہ مزبوره رمضان بیرامی  
 خطبه سی دخی سالف البیان اسکی شهرده اوقونق اوزره مومی الیه  
 طورسون فقیهه خطابت توجیه قلوب چند سنہ مقداری عدل  
 و داد و تکشیر خدم و حشم و ایراد مراد یله مر و رایتش ایسہ دہ  
 مشار الیه عثمان خانک عمیسی بولنان دندارنام ذات بوندن اقدام  
 ذکر اولنان امارت نزاعی سببیه عثمان خانک مخالفلرینی تحریک  
 ایتکدن خالی دکل ایسہ دہ مشارالیه عثمان خان بوتک لازم کلان  
 جزاسی اجرا سنده مسامحه و مساعدہ ایدر ایدی وقتا که ایجاب



زمان ايله عثمان خان كند و حكومتنه ازا جق اوزا جقه بولنان كو بنوك  
وطراقلى بورلى طرفلارنى استيلايتك اوزره سايقاخرمن قيامدىرى  
اولوبده كند ولر يله بيله جك تكو ورى مثلاودوست بكينان كوسه  
ميخال ايله حوالى مذكور يه كتمك اوزره مشا ورايدوب بو باده ميخال  
بكك رآنى شويله اولمشدركه صارى قيادن بش طاشه اورادن دخى  
صورغون اوزرندن صقاريه صوينى چكوب على الغفله دشمن  
اوزرينه هجوم اولمق اولغله اولوجهله ميرمذكورك تدبيرى اجرا  
ايليوب نهر من بورك كارينه وصوللارنده درحال عثمان خان طرفندن  
مدرينه اقامت اوزره بولنان صمصه چاوشه غفلت ايله بولمسون ديو  
كند و سنك اول حوالى يه هجوم ايليه چكنى اولجه اخبار ايلك و بو  
وسيله ايله يوللارك حالى و دشمنك حر كاتنى بيلمك همچون برخبرجى  
ارسال ايلدى

اشب و صمصه چاوش ديدكلرى بر پير جهانديده اولوب ارطغرل غازى  
ابتدارومه طوغريلوب كلديكى زمان پيرمذكور دخى كندويه تابع اولان  
اشيا ع ايله برابر كلوب سكود قصبه سنده ساكن اولمش ايسه ده  
اينه كول اهابسى ايله اراسنده مخالفت و تضاد حاصل اولد يغندن  
ارطغرل غازى يه افاده ايدرك صوله مش ادلو برادرينى دخى الوب  
مدرنى طرفلرينه چكيلوب صقاريه صوينى كارنده يلاق و قشلاغه  
كيدرك واورالرك يرلورينه مدارايتكله وقتنى خوش چكورمكده ايدى  
و الحاصل صمصه چاوشه اولجه خبر و يرمك بهانه سيله تحقيق  
احواله كيدن كلوب خلقك غفلته اولديغنى بيلد ير نجه عثمان خان  
دخى بك بشيوز قدر سوار يله ارامكاهندن على السمحر حر كت  
واخشامه قريب بش طاش دنيلان قريه ده واقع تكيه محلنه اينوب



حيوانلری دیکلند پروب بعده مذکور تکیه شیخی دلالتیله صقاریه  
 نهرینک سهولتلی اولان کچیدی بولنوب نهرک قارشویقه سنه کچدیله  
 واوراده صمصه چاوشی قدوملرینه منتظر بولدیله هماندم صمصه  
 چاوشه بر خلعت الباس اولند قدده اودخی عثمان خان اطاعت  
 و خدمت مراد یله قلاغوزلق ایدوب صورغون قریه سنک شېخونه  
 اویغون اولدیغنی خبر ویردیکی وجه اوزره توجه اولند قدده چند ساعته  
 وارمزدن قریه مزبوره اهل البسی مومی الیه صمصه چاوش کفالتیله  
 دائره رعیته ادخال ایلد کد نصکره کوینو ک قصبه سنه براوغوردن  
 اغار اولنوب اهل البسی رعیته رغبت ایتد کله چون قصبه مذکوره  
 اطایقه احراق بالنار بعده طراقلی یکجه نام قصبه یه بره رته  
 شدتله هجوم ایتدیله که بوجا غنی یقوب اوجا غنی یاقوب  
 کتدیله والی حاصل سالم و غنم برنیجه مال غنایم ایله خرمن قیاتکوری  
 اولان کوسه میخاله برکیجه مسافر اولد قد نصکره ایرتسی کون  
 قرهجه حصاره عودتلیری واقع اولشد که وقعه مذکوره هجرتک  
 التیوز طقسان برسنه سنده ایدی بواننده خرمن قیامدیری بولسان  
 مزبور کوسه میخالک دخی دکونی اولوب اطرافده اولان قصبه  
 و شهر سرکرده لری دعوت اولند قلی حالده عثمان خان دخی  
 حقوق قدیمیه بناء کیش اولدیغندن مشار الیه حضر تلی حقنده اول  
 حوالی والیسی مقادنده اولان روم بکلی که دولت علیه تار یخلنده بولره  
 تکووردیو یازلشد رسوء قصد افکارنده بولمشلرایسه ده کثرت خدم  
 وحشم ملا بسنه سیله مراملرینی بردن بره اجرایه جسارت ایده میوب  
 بشقه و قته تأخیر ایلشلر ایدی بونک اوزرینه بیلیک تکووریکه  
 بیلیک حاکمی و یا خود قائم مقامی دخی دنیه یلور مخصوصا



عثمان خانى د سېسه ايله اله ڪٽور مكي واور ته دن بوغائله ي  
 ڪٽور مكي قوروب يار حصار تڪو وري قزيله برد وكون بنيادن اور مشر  
 واطر اقدن متفقين دعوت اولند قلري صيره ده مشاراليه عثمان خانه  
 دخی دعوت او قومغه و دستگاه شیطنتله قوماش حياثي طوقومغه  
 مزبور کوسه محالی ايلرويه سور مشرايدى کوسه مخال ايسه بواهر ك  
 حقيقت حالده برخيال محال اولد يغنى بيلد يکندن سبب دعوتى  
 اطرافيجه بيلد یرمش اولمغه عثمان خان مزبورك بويله صداقتندن  
 ممنون اولد قد نصكره دعوت ايد جكنى وميدان جمعيت  
 كیده جكنى سوز و يروب هديه اوله رق دخی سوريله قویونلر و عربلر ايله  
 اوللری اونجه دن ايصال و کند و سيله اراسنه کيمسه ڪرميان  
 ڪرميانلو علی شاربك اوغلو ايله میانلرنده خصوصت اولوب برکون  
 دوکون ايچون کتمك خصمه سر رشته هجوم کوسترمك اوله جغندن  
 اهل بيتك اوده بونلرك شرنندن بروجله قاله ميه جغنى و خاطر لرينه  
 رعایت ايچون اجابت اولنسه بيله بولند قلري محمله دخی کندولری  
 راحتله سایه صاله ميه جغنى وزیاده ابرام ايدر لر ايسه بالجمله حرم وانلره  
 متعلق خدم و حشمه برلکده خدمته بولنه جغنى لطائف الحیل ايله  
 خبر ارسال ایلد کده تڪوور بوخبردن مسر و زاولوب دوکون تدارکنده  
 اولدی انجق قورديغى دام و تزوير بيلجك پيشکا هنده بونجه  
 بار و بنگاه ايچنده اوليه جغنى بيليجك چند ساعت اوزاق بولسان  
 چاقر پکاره ترتيب جمعيت ایلدی چونکه عثمان خان دوکونده خدم  
 و حشمه حاضر اوله جغنىك سببى بيان ايدرك کوسه محالی قانديروب  
 تڪوورمند کورى ايناندير د قد نصكره قرق قدرارلری قارى قيافته  
 صويوب براولقد رینی دخی کيجه لرايچنه و صندوقار درونه قویوب



کيجه ايرشد کده قلعه سنک تسخير اولمسي سپارش ايدرك جمعيت  
 مذکوره دن عودت اولنجيه دك برطاقم لزومسزاشيانك يلاقده  
 راقلمسي کرهيا نلو و قره مالو عشيرت لر ينک شر و مضر تلرند ن تجويز  
 وانه ميه جغندن قلعه نك مناسب بر محله ده اشياي مذکوره نك حفظ  
 اولمسي بهانه سيله بونلري درون قلعه يه ارسال ايدوب کند و لري  
 دخی حرب و ضرب به قاد ربر نيجه بهادر ايله سوار و د و کون صحرا سي  
 اتخاذا اولنان چاقر پکاره الغار ايتد کلرند ه بيلجک تکو وري يا رحصار  
 تکو وري و سائر اعيان ملت قارشو چيقوب هر اسم مهمان نوازي  
 اجرا ايدرك هر کس يرلو يرند ه او طور ديلر و نشئه باده ايله کيجه اولنجيه  
 اوينا يوب طور ديلر کيجه ياريسي اولد قده اشياء ايله قاري قيا فتده قلعه يه  
 کيد نلر و صند و قلر ايجلرينه کير نلر چيقوب قلعه اهاليدن حالي  
 اولمغه بولسانلرک دخی نشئه حالي ايله قملد انمغه محالي اولد يغندن  
 جمله سي طعمه شمشير آشبار اولديغي صباحه قريب عثمان خانه  
 اخبار اولنديغي صيره ده قلعه حالند ن تکو وري دخی خبردار اولنجيه  
 آتش خشم و غضبي پارليوب دو کون ميداننده طاغلمش عسا کري  
 طوبارليوب جنک ايجون عثمان يانه قارشو کوند ردي عثمان خان دخی  
 بونلرک هجومی کوريجک شيرانه جمله لر ايدرك دشمنی چيل ياوريسي کي  
 طاغيدوب دو کونلريني برانده قرغه درنکنده دوندردی اورادن علی السحر  
 يار حصاره واريلوب قلعه سي محاصره اصولنده صاريلوب کليني  
 وکلينه کلان اشيا دن الينه کلانی مشاراليه عثمان خان الوب بقيه سني  
 معيتمده بولنانلره توزيع ايلد کند نصکره کند و لري پراز غاز يلر ايله بيلجک  
 طرفنه چکيلوب طور غود الب نام امرد بهادره بر مقدار سوار ي قوشه رق  
 اينه کول قصبه سني تسخيره تسير ايلدي ايمدی قصبه مزبوره دخی



ضمیمه ممالک عثمانیه اولوب تکووری طوئیلوب عثمان خاها کوندریلد کده  
 یون اهل اسلام مزبور نیقوله تکووردن انجمنش اولد فلرندن التماس اهل  
 اسلام ایله قتل و اعدام اولندی بواثناده ارطغرل غازینک برادری سالف  
 البیان دند اریک ایله عثمان خانک بکاککی وقتند نبرو اراننده ریاست  
 و حکومت سودا سیاه منافسه و معارضه اولدیغندن مشارالیه عثمان خانی  
 هر ایشده تکذیب ایتدیکندن بشقه بود فعه دخی هر قوم بیلیک  
 تکووری ایله نهانی عقد اتفاق ایتش ایسه ده قوردیغی فسادک  
 شیو عنندن احراز ایدرک عثمان خانی دوکونه کیمکدن منع ایتکه  
 قالدشدیغی صیره ده نیتندن دخی دوند رمکه صواشوب عساکره  
 فتور و نفرت ویره جک سوزلری القا ایلکدن خالی دکل ایدی  
 \* قطعه کمال پاشا زاده \*

(الینه نفسنک و یروب قازمه \* یولنه کیمسه نک قوی قازمه)  
 (هرکه غیرک یولنده قازدی قوی \* کندی دوشدی قوی یویه یوزی قوی)  
 غوا سنجه عیسی دوند اریک انسانیت اقتصا سنجه عثمان غازی  
 حضر تیرینه معاونت ایده جکی یرده مخالفت و مغایرت ایلسی انجق  
 افکار حسودانه سنی اجرا دیمک اولدیغی بو کره لایقیله تبین ایلدیکندن  
 ازاله سنه عزم ایلوب بویله فترت و هنکامه اراسنده عهد و میثاق  
 ایده جک یرده دند اریک ایتدیک فساد جمله مسلمینی برباد و پریشان  
 ایلده جکی درکار اولغله جمله اتفاقیه ضرر عامدن ضرر خاص  
 ترجیح اولند قده میردند اری درحال تیر زهرناک ایله اهلاک ایدرک  
 کلدیک یولدن عدم آباده دوند ردیلرد یو اصحاب تواریح بیان  
 ایلشیلردر الحاصل بوغائله داخلیه دخی برطرف اولدقد نصکره  
 یار حصار تکوورینک قزی اولوبده بیلیک تکوورینه وریله جک



لؤلؤ فرنام دختری مسلمان ایدوب عثمان خانک اوغلو اورخان غازی یه  
 تزویج ایتکله ماتم و سروری بر برینه قاتوب آتش فساد ی  
 سوندردیلر که بوقعه لک مجموعی هجرتک التیوز طقسان سکر سننه سنده  
 ظهور ایتشدراشبو لؤلؤ فرخانم ایچون کتب توار یخده نیلوفر دیرلر که  
 الیوم بورسہ ایلہ مدانیہ ارہ سندنہ شرقدن غربہ متوجہا جریان  
 ایلان نهرہ برکوزل جسرایلہ بورسہ ده دخی حمام بنا وانشا ایلد یکنندن  
 نهر مزبورہ اوجهتله نیلوفر صوی تسمیه اولمشدر خانم مشار الیهادن  
 شهنزاده سلیمان پاشا ایلہ شهنزاده سلطان مراد ساحه وجودہ  
 کلمشدر چونکه نواحی مذکورہ روم الندن استخلاص و اهل اسلامک  
 اقدام اقدامیلہ عثمانیانه جای مناص اولد قد نصکرہ اورالده استانبول  
 ایمپراطور لغنه تابع معموریتله مشهور اولان ازنیق نام شهری اسنیلا  
 نیتیلہ عثمان خان بر مقدر شجاعان و دلاوران استصحاب ایدرک شتاب  
 ایلد کده اها لسی قلعه ایچینده محصور قالوب کندیلرینه امداد  
 واعانه ایتک اوزره شهرک قرینده واقع ازنیق کولی یولندن قایقلر ایلہ  
 فریادچی نامیلہ برانتن دولتی ایمپراطور لغنک مقر حکومتی بولسان  
 برانسویو یعنی استانبولہ بر قاج مأمور صالوب درون ازنیقده مضیق  
 محصوریتہ اورادن امداد کلور صاندیلر دیاندیلر عثمان خان و طرفدارلری  
 اولان مردان مبارزان دخی سلاطین سلجوقیه دن قونیه ده تخت  
 نشین سلطان علاء الدین کیقباد بن فرامر زنام پادشاهدن یاردم  
 ایتک ایچون عساکر کوند رلمسنی استرحام ایلد کلرندہ فی الحال صاحب  
 نام صدر الدولتک نامنه منسوب اولان قرہ حصار صاحب بکی ایالتی  
 عساکریلہ عثمان خانہ معاونت ایتک اوزره ازنیقہ طوغرو حرکت  
 ایتلرینی امر ایتش ايسه ده خبر کیدوب عساکر کلنجیه دک ازنیق امدادینه



بر آن سبب طرفند ن کوند ر یلان عسا کردل اغزینه کلوب از مید بوغازینه  
کیرد کړندن هماندم عثمان خان از نیقی تضبیق خصوصنی براغوب  
کند و لری جیوش دریا خروش ایله ایمپراطورک کوند ردیکی امداده  
قارشو واروب برجنک و آشوب اولدی که چوق زمان وقعه دل دلارده  
داستان اولوب قولاقلر طولدی

لیکن بوندن اقدام اینه کول فتحنده سلطان علاءالدین کیقاد  
ثانی بن فرامرزه مرثده فتح صورتنده التمش قدر جوارى ایله یوز  
مقدار غلام نازک اندام واله کچن تحف و نوادردن بروافر هدایا طور غود  
الپ نام سر کرده ایله تقدیم و صکره یند بتون عمرینی جهاد و غزایه  
صرف ایتمکه تصمیم ایتمکی اسنیدان ایلد کده سلطان مشار الیهدن  
بتکرار منشور استقلال وارد اولمشدر که بروجہ آتی ذکر اولنور

سلطان علاءالدین کیقادی بن فرامر ز طرفندن عثمان خان طبل و علم ایله  
وارد اولان منشور هما یونک صورتیدر

بسم الله الرحمن الرحيم من برهان امیر المؤمنین علاءالدین کیقاد بن  
فرامر ز السلجوقی ایدہ الله الملائک العلی حد و سیاس و شکر بی قیاس  
اول خالق بیچون و رازق خلیفه ربع مسکون بل رازق جمله مخلوقات  
وصانع جمیع مصنوعات جن جلاله و عم نواله حضرتنه که خلعت  
خلقتی صفا و صفوت اوزره طینت آدمه کیدروب افسر خلافتی فرق  
مبارکنه اوروب سریر (انا جعلناک خلیفه فی الارض) ده متمکن  
قیلوب جمله ساکنان افلاکی (واذ قلنا للملائکة اسجدوا لآدم  
فسجدوا) خطابى ایله مأمور ایدوب اول خلیفه انامی معزز و مکرم  
ایلدی و صلوة نامیات شول حبیب خدا محمد مصطفی علیه التحیه  
والثناء حضرتنه و چاریار با صفا حضرتارینه و آل و اصحابنه و توابع



ولو احقنه رضوان الله عليهم اجمعين حضراته اولسونكه مكتب  
 حكمتده (وعلم آدم الاسماء كلها) دن مراد انلك نام شريفلرينك  
 ظهوروانتشارى اولدى هر چند صلب بشر يتدن نيجه بيك انبياء  
 كزين صلوات الله عليهم اجمعين و اولياء سعادت قرين و سلاطين  
 غزا آيينك عدمدن وجوده ككلى كلى انك ذات لطيف و دين  
 منيفلرينك شرف شيعى ايدى ليكن صحف رسالت و منشور خلافت  
 من اول الى آخره مهر نبوت خاتم الانبياء ايله مختتم اولدى يغى كى انك  
 مبارك مقدمى بركاتيله امت عالى نهمتك سلاطين پاك دينلرى دخی  
 سائر اديان حكامنه متفوق واقع اولوب هر زمانده بر صاحب  
 قرانك پرايغ بليغ سعادت عنوانى (ان الارض لله يورثها من يشاء  
 من عباده) طغراسيله مزين و هروقتده بر بختيار جهسانك توقيع رفيع  
 عالیشانى (ورفعنا بعضكم فوق بعض درجات) خط دلکشاسيله  
 مبین بيوريلوب هر برينك كوش هوشته صدای (لئن شكرتم لازيدنكم)  
 وندای (ولئن كفرتم ان عذابى لشديد) ايركوريلوب لاجرم مائده  
 احسانندن بهره وراولان عباد شكورى صلاى رحمتندن دوراولان  
 فراغنه و جباريه اكثر يا مظفر و منصور اولوب (وهو العزيز الغفور)  
 مفهوميله مقام شكرانده معزز و محترم اولور ليله انا مهر دولت و اقبال  
 روز افزون سهر سعادت و اجلالندن طالع و لامع اولوب نور خورشيد  
 فروغ وجودى السلطان ظل الله فى الارض پيرامنده پرضيا و جلوه تما  
 قياوب (والله يؤتى ملكه من يشاء) جبه سن قامت پراستقامته لايق  
 وارزانى كوروب (ان هذا الهو الفضل المبين) تاج ابتهاجن فرق  
 فرقدان سايه مه سزاوار و احرى بيوروب مسند نشينان (كنتم خيرامة  
 اخرجت للناس تأمرون بالمعروف و تنهون عن المنكر) صدرنده



تمكن وامتیاز احسان ایلدی بندخی (الشکر بزید النعم) فحوا سبله عامل  
اولوب (احسن کما احسن الله اليك) مائده سنه بارعام و یروب (وان تعدوا  
نعمة الله لا تحصوها) اثارن مقدور بشریت و اقتضای سلطنت اوزره  
مبذول طوتوب مناصب علیه و هر اتب جلیه بی اهلنه بیدریغ ایدوب  
هر کیمسه بی قابلیت و استعداد نه کوره بر مراد قلمق باینده تأخیر و تراخی  
جائز کور میوب (اعط القوس باریها) قبضه سن اهلنه صونوب ممالک  
انام و حدود اسلام ایجره خدمت لازمه اداسن قلان مبارزان میدان  
وغا و غازیان دلیران معرکه هیجا اولان نامداران دن قوجه بکترک  
و یکانه لک ایدنلرک هر برینه حالو حالنجه و رتبه و مقام رنجه رعایت  
و شفقتلر اولوب مساعی مشکوره لری ضایع اولما مشدر و اول جمله دن  
مرزبان خطه بیدا اولان سعادت مند عالیجاه عثمان شاه بن ارطغرل بک  
خیر خواه ایده الله که کوکب سعادت آیین جبین عزت قریندن تابان  
و درخشان اولالی جمیع اقارب سعید العواقب و جمله عشائر و قبائل  
ایله غزا و مجاهدتی شعار و کفار خاکسار برله مقاتله و پیکاری کار ایدینوب  
(وقاتلوا المشرکین كافة) مفهوم سرمایۀ روزگار ایدینوب (قاتلوا  
الذین لا یؤمنون بالله ولا بالیوم الآخر ولا یحرمون ما حرم الله و رسوله  
ولا یدینون دین الحق من الذین اوتوا الکتاب حتی یعطوا الجزیه  
عن ید و هم صاغرون) مدلولن تحقیق و اجرا سنده تدقیق ایلوبوب  
جرات و جلالتی آوازه سیله عالم پر اولمغین اطراف و انکافدن جانب  
شریفنه وارنلری (حرض المؤمنین علی القتال) تقدیه سیله طو یولوبوب  
صدیق وارما ملکن راه حقد ه بذل و فاروق مثال وارین اعلاء کلمۀ الله  
صرف ایدوب خصال عثمانیه سی جدال شیرزدانی به قرین و فعال  
رحمانیه سی افضال صمدانی به رهین اولوب خواص و عوام شکران



نعمتیه رطب اللسان و کافه انام ارتفاع و ارتقا سنه منتظر و نکران  
 وطنیت طیبه سی زلال دولت برله مخمر و فطرت لطیفه سی عبیر  
 عزله مجرا اولوب حواس ظاهره و باطنه سی حدت و دقتله موصوف  
 وقوت متخیله و انتقالی سرعت و تیز روایکله معروف تیغ و سنائی برق  
 خاطف و تیر جانستانی شهاب ثاقب عقلی کامل و رأیی صائب سمند  
 اقبال رام و سلاطین و اقبال فرمانبر و غلام قائد ظفر پیشرو و و پیک  
 نصرت او کنجه تیز رو و رجال غیب معین و ارواح شهدا قرین فتح  
 مرده رسان و توفیق همعنان عهد یعید و روزگار مدید دن  
 ابا و اجداد عظاممزه انار الله بر اھینهم آباء و اجدادی رحیم الله  
 توراندن ایرانہ بل اخلاطدن یونانہ مهاجرت و مظاہرت طریقن  
 مسلوک طو توب ایام فرصتہ ککھ ہنکام غبطتد رمی اسم  
 جانسپاریدہ انواع دقتلہ دقیقہ فوت ایتیموب سابقا ککھند ولرہ  
 یورت و اوچا قلق و یریلان محمۃ انقرہ قرہ طاغندن حوالی این اوکی  
 و خطہ ییدیعی سکود و یکی شہردن اسکی شہر و اینہ کول و یار حصار ی  
 و حوالی معموریہ نک اکثر نواحی معمورہ سنی قوت باز و ایلہ آچوب  
 ممالک اسلامیہ مضافاتہ داخل ایتد یکسندن غیری ند کلو کہ کر وہ  
 کفرہ فجرہ دھرہم الله وقھرہم (ومکروا و مکرا الله والله خیر الماکرین)  
 طبقہ اکامکر و حیلہ ایتدیلر کیر و بعنایہ الله کند ولرہ راجع اولوب  
 (عسی ان تکرہوا شئاً فہو خیر لکم) اوزرہ فوائد عمید سی کند و یہ  
 عائد اولغلہ ہمیشہ اعدای بدرائی نجل و منفعل دوشوب علی الخصوص  
 اینہ مغولہ دینان ملعونی حقایوب تغلب و تسلطی حرب مشرکینہ  
 محقق اولالی نفوس خبیثہ نک ارواح کشیفہ سی جیفہ ابدانلرندن  
 کر یزان اولوب ہر بری مردہ بیجان و خانمانلرندن آوارہ و سرگردان



مخار و بیابانده باش قورترمغه یرارایوب مایوس و منکوب پروانه بی پرکی  
 اول شمع نورانی به قصد ایتدکرنجه بال و پر لری منکسر و منحرف  
 خاک مذلته دوشوب (قل لن ینفعکم الفرار ان فررتم من الموت او القتل  
 و اذا لائمعون الا قليلا) معناسی صد و روظهور بولوب و کند و بختیار لغیله  
 و رطه هلا کدن نجات یقا سنه چیقوب انک حقنده زمین و زماندن  
 ندای (لا یتوی القاعدون من المؤمنین غیر اولی الضرر و المجاهدون  
 فی سبیل الله باموالهم و انفسهم فضل الله المجاهدین باموالهم و انفسهم  
 علی القاعدین درجة و کلا وعد الله الحسنى و فضل الله المجاهدین  
 علی القاعدین اجرا عظیما) کاخ صماخ همایونمه ایریشوب و جناب  
 الهیدن (درجات منه و مغفرة و رحمة و کان الله غفوراً رحیماً) موهبه سنه  
 مستحق اولوب جانب و آلاى شهنشاهیدن دخی (من جاء بالحسنة  
 فله عشر امثالها) رعایتنه احق و البق کوریلوب توغ صبح طراز  
 آفتاب علم و طبل و نقاره پرزمنه محشم تفویض و تخصیص قلنوب  
 لواء اسکی شهردن یکی شهره و ارنجه خطه ید و نواحبسبله مجموعا  
 بر سنجاقلق یر اعتباریله سعادت مند مشار الیهه تقلید ایدوب و یردم  
 و بیورد مکه شولکه مقتضای ذات عدالت سماتیدر مسند امارت  
 و ایالتده کمال وقار و سکینه برله تمکن و قرار ایلوب (اعدلوا هو اقرب  
 للتقوى) مفهوم من شعارود ثار ایدینوب شرطالمی مظلومدن دفع  
 و آتش مظلومی روی زمیندن رفع ایتسنه جد و جهد کوستروب  
 (عدل ساعة خیر من عبادة سبعین سنه) فوا بدندن بهر مند اولمغه  
 چالبشوب زمان حکومتده وضع و شریف غنی و فقیر عالم و جاهل  
 قریب و بعید مسافر و محاوره جمله یکسان باقوب دعوالری فصل  
 اولینجه رتبه و مقادیر لریله مقید اولیوب شرعه متعلق اموری قضاء



انام له فصل ایدوب و سیاسته موقوف اولانی بلا توقف پرینه کتوروب  
 مع هذا الشفقة على خلق الله اوزره اراقه دما ده صبر و وقاری الدن  
 قوم یوب جائز که اهلاک و افناد نصکره اول شخص مغضوبک  
 ابقاسته نو عافاته مشاهده قلنوب هزار حیف و تأسف مفید  
 دوشمیوب فرصت فوت او اغله باعث ضجرت اوله فاما (ولکم  
 فی القصاص حیوة یا اولی الالباب) وعیدندن انحراف ایتیه مکرکه  
 ورثه قتل دیتی قصاصدن افضل طوتوب ترجیح ایده لر اول حینده  
 دخی حقوق ایتامی بقصو ر ایفا ایدوروب (ولا تقربوا مال الیتیم  
 الالباتی هی احسن) نهی ایله منهی اوله وسادات عظام که ثمره نسب  
 مصطفوی و نتیجه مقدمات حسب نبویلردر (اصلها ثابت و فرعها  
 فی السماء) اوزره معزز و محترم طوتوب مذاق جانی انلرک رعایتله  
 شهد کام و رواق روانی انلرک حمایتی سببیله سدره مقام ایدوب رعایت  
 و حایه لرینی ذخیر آخرت اتخاذ ایلله و علمای عظام که ورثه انبیادر  
 ابقاء دین متین و اجرای شرع مبین انلرک وجود شریفلرینه منوط  
 اید و کن ییابوب (لحوم العلماء مسمومة) مقتضا سنجیه خاطر لرین  
 رنجیده ایتکدن احتراز ایلله و طائفه سپاهی به وظیفه و احسان قبولن  
 کشاده قیلوب افراط و تفریطدن مجتنب اوله و رعایا و برایا جانبلرینی  
 دخی کماذبخی ملاحظه ایلوب نه انلرک رسوم عرفیه سن دفتر ایلله تعیین  
 اولمان کیمسه لردن منع و نه انلردن زیاده بر حبه ناحق یره النغه جواز  
 کوستروب حال متوسطه رعایت ایده و زراع و حراثی بدایع احداثدن  
 حفظ و حراست و اسیب روزکاردن صیانت ایدوب و دایع الله فی الارض  
 امانتدار لغن وقت تام و اهتمام مالا کلام ایلله پرینه کتوروب یوما فیوما  
 تعمیر بلاد و ترفیه عیاددن خالی اولوب مقدمات نصفتی منتج سعادت



دارین ملاحظه ایدوب ثمرات نهال معداتی میوه باغ جنت کی متجدد  
ومتضاعف اولمغیچون مساعی جیله صرف ایلوب بویات حجه نیک  
حبوب معانیسن کشت زار طبایع دهقان جهانده دست نشان ایلیمه (نظم)  
(زباغی که پیشینکان کاشتنند \* پس آیند کان میوه برداشتنند)  
(چواز بهر ما کشته شد چند چیز \* ز بهر کسان ما بکاریم نیز)  
واحیای امواتده جد بلیغ وسیعی بید ریغ ظهوره کتوروب و من احی  
موتا من الارض فهی له دعا وی الارض لله ولرسوله ثم هی لکم منی  
مد لولیه طاب لینی بهر ه مند و راغبی سود مند ایلوب نواحی بلدانده  
خالی و معطل بر قوم یوب شن و شاداب قلیو یرمسنه همم عالیه سن بدل  
ایلیه و اوقات نجسته ساعاتی ادای فرائض خسه بره حرب و سلم  
و تمکن و عزمده توکل تامله کز ران ایدوب جنکده لجاجت و صلحه  
ملایمت صورتلرین مطرود طوتوب رأی و مشاوره مطبوعه و نصکره  
هر قنغیسی که لازم کله خاصه لوجه الله و تعالی سوله فرصتی فوت  
ایتمیوب غیرت دین اسلام و فائده سیدالانام ایچون روزوشب چالبشوب  
تعطیل و تعویقی روا کور میوب (الجنة تحت ظلال السیوف) مضمون  
مجاهدینه بیان ایتد یروب (ولا تحسبن الذین قتلوا فی سبیل الله امواتا  
بل احیاء عند ربهم یرزقون فرحین بما اتاهم الله من فضله)  
فضائلندن قاچیمیوب (وجاهدوا فی سبیل الله حق جهاده) حقوقنک  
استیفاسن عطیه عظمی و وسیله مقاصد دین و دنیا یلوب توقف  
واهمالی روا کور میه و مال غنایمدن خمس شرعی اخراج  
ایتد کد نصکره غزات نصرت شعاردن پیاده و سواره بحسب  
استحقاقهم توزیع و تقسیم ایلوب هر برینک حصه شرعیه سن ایفا ایلیمه  
و کفره قتلاسن میدان جهاده ییقبوب الان مبارزلله من قتله قتیلا



فله سلبه حدیث شریفی ایله عامل اولوب نفایس امتعه دن اولدیغی  
تقدیرجه اجه سزالمیوب بی وجه طمعدن زیاده محترز و محتنب اولوب  
حقوقی مستحقینه واصل ایلیه و خزائن و اموال حکام لئام اعدای  
بدفعال ندکلو اولور ایسه دفتر یله بیت المال خاصه یه ضبط ایتد یروب  
براقفه و برجه خارج قود رمیوب جواهر و اقشه متوعه دن لایق  
احشام سلطنت اولان غلمان و جواری هر غوبه برله جناب سلطنت  
مأبجه روانه ایلیه و دروع و اسلحه اقسامندن منتخبلرین بشقه طوتوب  
غیرسنی وقت حاجتده بلاوظیفه واران غازیله و یرب صفوف رجالی  
هر تب ایلیه و شاید که احتیاج چکیله دیو ذات ستوده صفاتکه  
مخصوص کوند ریلان ایکی بوغجه جبه و دیبای رومی و الاجه  
مصری و چاته قطیفه پانکی و برقبضه التونلی قلیج و بربدو ی  
سمند مستمند چند یانه سمین رخت و جها قیله یوزیک درهم نقد یه دن  
غیری یک نفر جبه و چوشن و ایکی یک قبضه کمان اللبشر اوقیله  
ملو جبه لری برله و یک بشیوزقبه سپر و اوج یک قبضه قلیج و خنجر  
و ایکی قطار دوه یوکی سنان خصم ستان ایله هر بوطا کوند ریلوب  
عمده الاعیان قره جه بلبان چا ویش زید قدره دن برموجب دفتر  
اخذایدوب لازم اولدقده غزات نصرت آیدن دریغ ایتمیوب سبیل  
جهادی مفتوح قیله سن و رسم بوغجه و تشریف و شاقان خاصه  
و عشر بوایه و رسم بیٹی و یرایع و عادات پروانه دار و صد سه دفتر نویس  
و معاوضه طغرابی و طعمه خواهی بازو یوز و پیشکش نوروز و شرفات  
سالیانه و سلامانه ملوکانه دن بالجمله شان سعادت نشانی فارغ البال  
و مقضی الامال قیلوب خاطر و عاطر یکه اول باده جزوی و کلی نسبه  
ایرکور میوب دائما حضور قلبله اوغوراج قلعنه عون الهی و معجزات



رسالتیناهی تأیدی وحاضر وغائب از نلک ظاهر و باطنی همتری  
و بنم خیرد عام برله کند و که بد رقه و قفادار ملاحظه ایلیه (ادعوا  
ربکم تضرعاً و خفیه) کلماتن دوش و گردنکه حائل صالوب (حسبی الله  
و نعم الوکیل) وردینی تذکار (نعم المولی و نعم النصیر) ذکرینی  
تکرار قلمقدن خالی اولیوب (ان الله اشتری من المؤمنین انفسهم  
واموالهم بانهم الجنة یقاتلون فی سبیل الله فیقتلون ویقتلون وعدنا  
علیه حقاً فی التوریه و الانجیل و القرآن) معامله سنک ربی ایله سود مند  
و محصل المرام (واولئک هم الفائزون) توفیقیه موفق و شاد کام اولوب  
دوام دولیم بقاسنه دعا یتکده مساعی جمیله ظهوره کتوروب خدمات  
لازمه یمه قیام کوستره تحریرا فی اوائل شهر شوال المکرم سنه ثمان  
و ثمانین و ستمائة بمقام قونیّه

اشبو منشور همایون پادشاهی و هداایای سنیه شهنشاهی  
اسکی شهره واصل اولدقده خطوات ابحال ایله استقبال  
اولنوب اعلان قلند قد نصکره مشارالیه عثمان خانک امر  
حکومتده استقلال کامله سی منشور مذکورک تاریخی اولان التیوز  
سکسان سکر سنه سی شوالک اوائلی در تواریخ سائرده دخی سلطان  
مشارالیهک استقلال حکومتی بومنشورک تاریخیله اعتبار اولمنشدر  
انجق منشور همایون مذکور دن اول التیوز سکسان اوج سنه سنده  
امر امارتک وراثتی التیوز سکسان سکر سنه سی دخی اسکی شهرک  
الحاقی قلیج ایله کفاردن فتح اولنان ممالکک دخی حکومت استقلالید سی  
مشعر منشور همایون و طبیل و علم و سینف و خنجر مشارالیه سلطان  
علاء الدین کیقباد بن فرامرزدن مقدم پادشاه اولان سلطان  
غیاث الدین مسعود بن کیکاوس طرفندن ارسال اولمنش ایدی بعده  
مشارالیه سلطان علاء الدین دخی تشریفات سابقه بی تأکید



اینگه و سیه ارار ایکن عثمان خان طرفندن تقدیم قلنان هدا یانک  
مقابله منشور مذکوری و سائر هدا یای عالییه پی ارسال ایتشد  
بونک دخی از نیق فتحنه داتراسنیدانی حاوی سالف الذکر تشریفات  
پادشاهینک تشکری اولمق اوزره جوابی بروجه آتی ذکر اوانور  
(جواب) سده سنیه خداوند کاری ابقاها الله الملك الباری ترابه  
عرض بنده قدیمی بودر که حالا قدوة الاعظم والاعیان قره جه بابان  
چاویش زید قدره قولاری ایله بوجانسیار بندلرینه توغ صبح طرازومهر  
علم و طبل خانه محشم و خلع شاهانه و سمنند مستمند چند یانه و ساز  
سلطنت و اوجیک دانه اسلحه متنوعه دن عبارت جبحانه و یوزیک  
درهم نقدیه مفصل و مشروح دفتر یله کوندیریلوب و منشور مشهور  
مستوجب الحیور زرنکار دخی اسکی شهر خطه بیت و نواحی سنه ضم  
بیوریلوب سابقا احسان بیورلدیغی مثللو بالجمله برسنجا قلق یر اولمق  
اوزره تفویض و تقلید قیلوب بین الاقران بتکرار سرفراز و ممتاز بیورلمش  
حق سبحانه و تعالی حضرتی اول برهان امیر المؤمنین لازاله مؤیدا  
و منصورا جنابنی جمیع سلاطین اهل اسلام ایجره سر بلند قیلوب  
دارینده مقام رفیع ارزانی قیلو یرمک اوزره سایه سعادتلرین مفارق  
انامدن الی یوم القیام دور و مهجور ایتیموب نیجه بزم کی خالص بنده لرینک  
وارلغی راه شریف لرنده مبدول اولوب اول دولتلو پادشاهمزک  
اکسکلوکین کورمیه و زبحرمت سید المرسلین یارب العالمین و بعد  
الوصول بود یارده اولان بندکان مقبول صفای قلب ایله سنجا ق  
همایونه استقبال ایدوب و بکلامی طویلوب کمال اطاعتله فرمان  
قضا جریان سلطانیده مشروح اولان مواد علی رؤس الاشهاد  
اوقوند قدح سمع و طاعة دیوان قیاد کوستروب دوام دولت پادشاهی به



اتفاقز ايله دعا و ثنار قلوب کلبانکدر چکلدی و غزات رفیع الدرجاتک  
 لوازمی انعام و ارسال پیوریلان تقدیه و اسلمه دن تکمیل قنور  
 بعنایه الله و توفیقہ بوکره ازینق نواحیسنه جهاد اکبره عزیم و توجه  
 قیلندی اومارمکه دولتو پادشاهک دعاری رفیقمرز اولوب عون حق  
 رهنما و معجزات حبیب خدا هادی طرق هدایت اولوب ارواح انبیا  
 قرین و همت اولیا ضمین و اصحاب کرامک طریقہ حسنہ لری شعار  
 و فعال طیبہ لری دثارمز اولوب اعدای بدرأی منکوب و مغلوب واقع  
 اوله لر بعنایه الله تعالی اگرچه بروسه جانبلرینه توجه اقدام کورینور  
 ایدی لکن یکی شهرک ضبطنه ازینق کفره سی مانع اولد قلری اجمدن  
 حضورمزده اولان ارباب رأی مسلمانلر انک تقدیم افضل کورمکله مبادرت  
 اولندی که (وما النصر الا من عند الله) باقی حالاتی مز بورچاوش قوللری  
 ايله کوندریلان طور غودالب غازی بنده لرندن تفحص و تفقد بیوره لر که  
 اخبار خفیه مز و اسرار مکتومه مز بالجمله موعی الیهک تقریرندن معلوملری  
 اولد قد نصکره امر و فرمان پادشاهمز کدر

❖ لاحقہ ❖

ایمدی قره جه بلبان چاوشه تسلیم تشکر نامه پی تقدیم ایلد کدن  
 صکره ازینق محاصره اثنا سنده استانبول طرفندن کلان امدادی  
 یوزد یغنک خبریله برطاق مال غنایم و براسرا قونیهدده سلطان سلجوقی  
 طرفنه ارسال ایتک اوزره ایکن مشارالیه سلطان علاء الدین فرامرز  
 جنکیز نسلندن اولوبده تبریز تختگاهنده بولنان شهنشاه جهان  
 سلطان غازان محمود خانک اطاعتندن خروج ایتدی کیچون غازان  
 محمود خان طرفندن عساکر سوق ایدیه لرک مشارالیه سلطان  
 علاء الدینی طوتوب حبسه القا ایلدی ممالک سلجوقیه نک حکومتی  
 علاء الدینک اوغلو غیاث الدینه توجیه قلمش ایسه ده قواعد



سلطنته عدم وقوفی وایالت بکارینک هر بری حقوق حکمداری به  
اشترک ارزوسنده اولد قلرندن تاتارلرک تسلط واسنیلا سندن کندی  
ملککرینی قورتارمق افکارنده اولد قلری ومشارالیه عثمان خانک کوکب  
اقبال افق سعادتدن طلوع ایتسیله سلطنت سلجوقیه نک بعدازین  
اعاده اقبال واستقلال ایده میه جکی جله نک معلوملری اولمق  
ملا بسه سیله چند کون هرورنده امرانک اتفاقیه هجرتک یدییوز  
تاریخنده مشارالیه سلطان غیاث الدین اعدام اولند قد نصکره  
عی زاده سی سلطان مسعودک اوغلوغازی جلی اولوقت دولت  
سلجوقیه یی اسنیلا ایلیان امرءا چوبانیانه قارشو برسوری چلی باشنه  
طوپلیوب قسطنمو نی وسنبوب طرفنه عزیمت ایدرک سلطنتک  
حقوق وراثتی دعوی ایتکده ایکن قرمانیلردخی بابایلر قولندن  
اوله رق بتکرار فرجه یاب اولمشلردر شویله که غیاث الدینک فوتی  
عقینده بابایلر جیب ازوادن باشلرینی چیقاروب بابایلرک شیخی بابا  
الیاسک ایچ ایل خلافتی توجیه ایلدیکی نورالدین صوفی نام خلیفه نک  
باشنه طوبلنمشلر ایدی بووقعه شول وقته تصادف ایدرکه ایچ ایل  
سمتدهینه نورالدین صوفی مرده سندن مخلص پاشادخی درویشلرک ابرام  
واصرار یله سریر امارته صعود وجلوس ایدوب کوچک ارمنستانی  
ضمیمه ممالک اسلامیه ایتکده ایدی بوئشاده نورالدین صوفی فوت اولوب  
قرمان نام بش یاشنده براوغلو قالمغله مخلص پاشا تربیه ایچون کندی  
یانسه آلوب انک واسطه سیله خیلی شهرت کسب ایلک اوزره ایکن  
دیار روم امرءا تاتارلارنده تقسیم اولنمش ایدی حتی ابوسعید خان  
جنکیرک امراسندن امیرچوبان سلدور وانک اوغلو امیر تیمور طاش  
والی روم اولوب لارنده وقونیه ده متمکن اولدی بوئشاده ابوسعید



جنگیز خان دخی فوت اولد قده ایران طرفلری هر ج مرج اولد یغنی  
صیره ده اصرء سلاچقه نك نامد ارلری و برطاقم صوفیلر و آق سرای  
حوالبسنى وایدین سمترلینی دخی اورالده قشلیان اتراکدن ایدین  
اوغلاری و منشا وحید بکار بولندقلری لوالری و سلاله سلاچقه دن  
غازی چلبی دخی قسطنطنی نواحبسنى حایه ایدرك حقوق ضایعه سنى  
استیصال ایله استقلال د عواسنه تصدی ایلدیلر بو حالده هر غالب  
زیر تصرفنده بولسان ملاکه طالب اولوب خصوصاً صاروخان  
و قره سی که سلطان مسعود بن عزالدین کیکاوسك بند کائنندن ایدی  
بولندقلری یرلده استقلال بولدیله سلطان کیکیادك وزیرى اولان  
صاحب کند و ولی نعمتندن زیاده غازان خانه خلوص اوزره اولوب  
نفوذ تاتاری دائماً انفاذه وسیله ارادیغی جهتک بوقعه نك حدوت  
وظهورند نصکره کند و یه خدمتی مقابله سنده قونیه امارتنی تحصیل  
ایلدی بوفترت اثنا سنده کیمسه سرقالوب اورته ده بولمانلردخی مشارالیه  
عثمان خانه التجا ایدوب طوپلندقلرندن جهانبنایلق میداندند مطلق  
العناق اولوب سلطان عالیشان اولدی درحال قره حصار سنجاغنی  
اوغلو اورخانه ارزانی قیلوب واین اوکی سردارلغنی و صوباشیلغنی  
برادری کوندرالیه واینه کول ایالتی طورغود الیه واسکی شهری ایغود  
الیه یارحصاری دخی حسن الیه توجیه بیوردیلر بونلرک عهد لینه  
توجیه قللمان نواحی کند و ناملری ایله یاد اولنوب و مزارلری دخی حالا  
اورالده باقیدر کندولری بروسه ایله ازینق اراسنده بنا ایلدکلری  
یکی شهره نقل ایدوب کوچک اوغلو علاء الدین پاشای والده سیله  
بیلمکده براغوب اده بالی نام شیخی که کند و سنک قاین پدریدر  
نظارت ایتک اوزره اصمارلشد که بوقایعک مجموعی هجرتک التیوز



طقسان طقوزی ایله یدی یوزك اراسنده اولمشدر تواریخ سائرده ده  
 آل عثمانك ظهوری التیوز طقسان طقوز سنه سنده اولمسی مجرد  
 آل سلچوقك کلیا انقراضلرینه مبنیدر یوخسه کندولرینه دفعه اولی  
 اوله رق سلطان غیاث الدین مسعود بن کیکاوس طرفندن خطه  
 یدك تأیدی ایله استقلال امارت و وراثت منشوری التیوز سکسان  
 اوج سنه سی رمضان شریفك یدنجی کونی و روایت اخرایه نظرا  
 طبل و علم و اسلحه و خدم و حشم و تشریفات پادشاهی دخی هجرتك  
 التیوز سکسان یدی سنه سی ذی القعدة سنك اون یدنجی کونی او اوب  
 دیکر بر فرمانك تاریخی دخی التیوز سکسان طقوز شوالنك او ائلی  
 یازمش ایسه ده عثمان خانك نامه خطبه اوقونمسی هجرتك التیوز  
 سکسان سکر سنه سی رجب شریفك ایکنجی جمعه سنده ایدی  
 مشارالیه عثمان غازی حضر تلرینك زمانده هر نقد ناملرینه خطبه  
 اوقونمسی یکی شهرک حاکم وقاضیسی اولان طورسون فقیهك ابرامیه  
 سنه مذکورده ده اولمش ایسه ده الدن اله تداول ایدن سکه لر  
 سلاطین سلچوقیه ایقه سیله روم ایمپراطورلرینك سکه سی ایدی زیرا  
 سکه کسمك خطبه اوقونمق کبی قولای اولیوب اعمال وادوانه محتاج  
 اولد یغندن داها اوقدر تکلفاتک زمانی دکل ایدی همده عثمان  
 غازیك عهد حکومتده هنوز هیئت اجتماعیه یولی طوتمش اولغله  
 کرک کندولری و کرک اطرافنده بولنان رفقاسی طاقیله اقینجیلیق ایدوب  
 شهر و قرایی باصوب اورمق و اموال و خیول و دوابی نهب و غارت  
 ایتک کبی چاپو جلیق ایتد کلرندن دائمال غنائم ایله حوایج ضروریه لرینی  
 اکمال ایدرلر ایدی خلاصه کلام مشارالیه عثمان خانك امارتی التیوز  
 سکسان اوج سنه سندن بدأ ایدوب سکسان سکرده ناملرینه خطبه



اوقنوب طقسان طقوزده بتون بتون استقلال کامله مظهر اولمش  
ويد پوز تاريخنده نام ونشانی آفاقه طولمش ایدی لیکن مورخین  
اسلافك بوبابده اولان روایات مختلفه لرینی تألیف واصلاح ایچون  
بیانی صد دنده اولدیغیمز آل عثمان حساب ایچده اوزره حساب اولند قدده  
حاصل اولان التیوز طقسان اوج عدد مشار الیهك هنکام استقلالنه  
تصادف ایلدیکندن روایات مذکور هك جمله سندن اولی  
آل عثمانك استقلالنه الی الابد اونودلمز بوندن اعلا تاریخ اولماز

ضمیمه

ایمدی سلطان عثمان خان حضر تلی بکی شهری کندوسی و امر ایچون  
بنا ایدرک نوبت سلطنت قیوسنده کیجه کوند وز چالنوب و همای دولت  
باشی اوزره صالنوت طور دیغی حالده کند ولری دیار کفاره جهادی  
معتاد اید نمش اولد قلرندن در حال ایکیبیک بشیوز مقداری سوار یله  
الغار و علی الصباح کو پرو حصاره واروب اها لبسی یطا قلرنده باصوب  
شهری ضبط ایدرک فتحنی تشهیر ایلدی اورادن هر مره سمتنه  
توجه اولنوب اها لبسی پنجه غارت و خسارندن مال لرینی و دند ان  
شمشیر عثمانیدن جانلرینی تخلیص ایچون اطاعت ایدوب خراج ورعیتی  
جانلرینه منت یلدر عثمان خان دخی بونلری نوازشله رعایت ایلوب  
یرلنده ابقا ایلد کد نصکره معیننده اولنلری فتح ازنیقه تشویق ایدرک  
سمند عزیمتی اول سمته تحریک ایلدی لیکن ازنیق شهری  
عصر مذکورده ممالک رومک شهرور معموره سندن  
اولدیغندن بشقه استانبولی روملرک حکومتدن لاتین  
و فرانسزلر استیلا ایلدکاری زمان حوالی مزبوره یه حکم ایدن روم  
ایمپراطور لری ازنیقه فرار ایدوب دار الحکومت اتخا ایلد کلرندن



نفوس کثیره فی شمل متین و مستحکم بر شهر اولوب اطراف فی دخی  
سازاق ایچنده بطاقلق اولغله فتح و تسخیرینه قولایلق بولمادیغندن  
ماعدل قسطنطونی حاکمی علی امور بک دخی عثمان غازی نیک خلافتنه  
اوله رق روم ایمپراطوری اندرونی ثانی ایله برلشوب عقد و اتفاق  
ایلدیکندن بشقه صقاریه نهرینه ک چوشغونلغی ملا بسه سیله  
شهرک قارشو سنده واقع طاع بماچنده بر قلعه احداث اولنه رق  
طاز علی نام بهادر ایله یوزکشی براغیلوب عودت اولندی که تاریخ دخی  
هجرتک ید یوز اوچنجی سنه سی ایدی انجیق مشار الیه عثمان خانک  
اول حوالیده چشم حشمتی و شان شوکتی کوندن کونه کسب قوت  
و جسامت ایلدیکندن اورالده بولنان احراء روم مضطرب و مغموم  
اولملریله برکون بروسه صاحبی اولان تکو و راطرافنده کی تکو و رلی  
جلب و جمع ایدوب ترک بزمه اسکی دشمندر دوست اولوب خصوصتی  
ترک ایتزو بوراده یرلشدی قالدی بعد ازین اختیار یله براغوب کیمز  
بهر نقد رمدارا ایتسک ترک ایتز همان ال برلکیله اتفاق ایدوب چاره  
کوره لیم شویبا نجیلری ملکمز ایچندن چیقاروب سوره لیم دیه رک  
وافر محاوره و مجاوبه و مشاوره و مخاطبه ایدرک عثمانلویه قارشو تدارکات  
جسمیه به مباشرت ایله سازکار زاری مرتب دوزدیلر الایلر بغلیوب  
علمر چوزدیلر چونکه عثمان خان دشمنلرک اتفاقله هجونی یلیدی  
همان میدان و غایه برار بر نیجه نامدارلی طوبیلیوب ناموس دین ایچون  
بلا ترد دشمنی استقباله واروب بروسه حواله بسنده واقع قیون حصار  
اوکنده طوپلنمش سور و سور و مخالفینه راست کله رک محاربه به  
قویولدیلر که ایکی طرفدن دخی جریان ایدن سیلاب خون نهر نیلوفر  
کل کون ایلیدی بو حال ایله بش ساعت علی الدوام باشلر ایاقلر التند



یوارلنغه باشلر ایکن مشارالیه عثمان خانك برادری کوندز الیک  
 شهادتی عقینده اوغلو آی طوغدینك دخی بدرحیاتی مخسفف  
 غمام ممت اولنجه کویا عالم ظلمات ایچنده قالمش کی اولدیغندن  
 و عثمان خان کند و جاننده اثر مغلو بیت حس ایلدیکندن میدان  
 یرندن تخلص جانہ جان آتمق اوزره ایدی بواشاده عنایت جلیله  
 ربانیہ ایریشوب دشمن جاننده دخی اهل اسلام غالب کورنگله بروسه  
 وادرنوس و کته تکووری فرارایدوب سائرلری پرلورینه کیتدی غازیلر  
 تکرار غیرته کله رک اولوباده طوغرو فانلری تعقیب ایدوب کوپری باشنه  
 ایردیلر اما کته تکووری ایله براز کفار قلعه یه جان اتوب کیردیلر ایسه ده  
 عثمان خان دخی یتشوب کوپروباشنده خیمه اقامتی قوروب شهرک  
 سورنی ماتمه تبدیل ایلادی اهالی شهر کوردیلر که عثمان خان قاقوب  
 کیتمز خصم جانی اولان مزبور کته تکوورینی و یروب صلح اولمق اوزره  
 اهالی اولوباد کند و تکوورلرینه غلوایلد کلرنده اولدیار اهابسی  
 دخی کوپرودن شهر طرفنه کچمامک شرطیله عثمان خان ایله معاهده  
 ایدوب کته تکوورینی کند و جانلرینه قریان اوله رق عثمان خانه  
 تسلیم ایلدیلر عهد مزبوره عثمان خان چوق زمان حرمت ایدوب  
 شهره کپرودن کیتمدی در حال تکوور مذکور ی غازیلر الوب کته  
 حصارینه قارشو بردار ایلد کلرنده قلعه خلایق دخی عنادی قویوب  
 اطاعت ایلدکاری هجرتک یدییوزیدی سنه سنده ایدی چونکه  
 کته حصار ی فتح اولدی اولدیار اهل اسلام ایله طولد قد نصره  
 نفس بروسه نک دخی فتح اولمنسنه نیت اولنوب بشبیک نفوسه قریب  
 مردان کارزاری احضار ایله رأیت نصرت شعاری بروسه اوسننه  
 قالد یردی و دامن قلعه یه وارنجه بولان قریه و واروشی آتشد و یروب

ادرنوس (بروسه نک  
 جهت غربی و جنوبی  
 واقع کشیش طاغری  
 اره سنده برقصه در که  
 کندویه تابع اوله رق  
 درت قریه سی وارد ر

کته) بودخی بروسه نک  
 سمت جنوبی و اقعدر

اولوباد) بروسه دن  
 برصر حله جنوبی  
 برقصه دراوکنده  
 برکولی اولوب نهر اولوباد  
 مذکور کوله منصب  
 اولور



جیش ظفر کبشی یغما ایچون اقبینه صالد پردی کند و لری دخی  
 بر طاقم کزیده عسا کر ایله قلعه قپو سنه کبشیش طاغی طرفندن  
 یناشوب طور دیلرایسه ده قلعه شهر متین اولد یغندن بشقه شهر  
 خلقی ایله برچوق ارباب حرب و ضرب و تکو و رلری بولنان بورساق  
 نام کیمسه که روم امپراطوری طرفندن شهر مذ کوره والی کی نصب  
 اولمش ایدی قلعه ایچنده محصور قالد یلر لکن قلعه دروننده زاد و  
 ذ خیره و آلات حرب و قتال زیاده اولغله صواش ایله المغه صواش مق  
 عبته اشتغال اولد یغندن عثمان خانک امریله قبلوجه جانبد ه حصار بنا  
 اید یلوب برادر زاده سی اف تیموری یوز قدر سپاه ایله سردار براغوب  
 طاغ جانبد دخی دیکر بر قلعه بنیاد اولنه رق بر اولقد مردان کارزار ایله  
 بلبلانجق نام دلاوری د زدار نصب ایدوب محاصره قلعه یه عظیم  
 اهتمام ایلد کد نصکره کند و لری یکی شهر طرفنه عزیمت اید یلر  
 ایمدی بو حال ایله یدی سنه مقداری محاصره ماده سی متمد اولدی  
 بواشاده مشارالیه عثمان خان حضرتلری کند وسیله متفق اولان  
 خرمن قیا نام محلاک ضابطی کوسه میخالی جلب ایدوب قبول  
 اسلام ایله مشرف اولسنی تکلیف ایلد کده میخال بک دخی در حال  
 هدایت الهید ایله مسلمان اولد قد نصکره شهزاده اور خانک معینیه صالتق  
 الب نام دلاوری دخی بر طاقم عسا کر ایله قره جه حصار طرفنده  
 چاودار دید کلری تاتار ایله کر میان خاندانک اتفاقندن حصوله کلان  
 مضرتی خلقتک باشندن دفع و رفع ایچون ارسال و کند و لری دخی  
 لبلبوجی حصاری جانبد جیش جوشن پوش دریا خروش ایله الغار  
 ایلد کده حصار مذ کورک صاحب و حامیسی شهر خلقیه چیقوب  
 اطاعت ایدرک قوللوغنه لایق براوغلونی دخی عثمان خانک خدمتنده



اولی نیازی بود قبول ایندی اوراد ن لفته طرفه عزیمت  
ایلدیکنده تکی و رافکه سفکه راضی اولدیغندن رعیتی التزام ایدرک  
طاعت ایلدیلر بوارالقد ه باآلاده ذکر سیبقت ایدن صمصه چاوش  
دیارمذ کوره نك زعامت و تیمارینی طلب ایتمش ایسه ده مأمولی معقول  
اولماغله شویله جواب و یردیله که رعیتی قبول ایله بزه اطاعت ایدنلری  
یرلندن راحتسزاید وب دیرلکلرینی بوزمق دیکرلری حقنده قناعبرت  
اوله رق موجب نفرت اوله جغندن شعار عدالت موافق دکلدر انجق  
صمصه چاوشك دخی مسئول حصول بولمق ایچون صقاریه  
صوینی کنارنده واقع بر حصاره سردار ایده لم دیه رك شان حکمدار اخی  
ایقاییوردیلر حصار مذکور هر ورده و رایله خراب اولوب شمدیلرده  
یالکنز چاوش کوی نامیله بر کوچك قریه قالدی اورادن دخی اق حصار  
طرفه توجه یورلد قد ه اها البسیله و البسی دست اطاعتی قبضه  
سیف و سنانه صونوب استقبال ایچون میدان مقابله یه چیقدیله ایسه ده  
غازیلر ك آهنگ جنکه آغازی بر مرتبه مردانه ایدیکه میان میداند ه  
پردانه یرو قالمیوب جمله سنی قلعه یه طیقدیله بو حال ایله چند کون  
محاربه ماده سی ممتدا اولوب نهایت روملر تحمل ایده میه رك فرار ایتمکله  
تکو ورردخی پنجه غزاته کرتار اولدی بعد الفتح مجاهدین وانصار ایله  
تکو ور بکاری سمتنه الغار ایدوب اوراسنی دخی ضمیمه ممالک عثمانیه  
ایلدیلر که بووقعه هجرتکیدیوز اون اوج سنه سنه اولمشدر ایمدی  
عثمان خان حضرتلری حوالی مذکوره یه کیمزدن اولهر نقدر چاودار  
تاتاریله کر میان اتفاقدن کند و ملکنه کله جک مضرتی دفع ایچون  
اوغلواور خان خان ایله کوسه مخال بکی و صالتق الی سردار ایده رك  
قره حصار اطرافنه کوند ر مش ایسه ده کندولری سالف البیان



کته واق حصار ستملرینه عزیمت ایلد کلرینک عقینده  
 تاتار ایلده کر میان طاقمندن بر طاقم جیش بد کیش قره جه  
 شهر بازارینی یغمایه هجوم ایلد کلری مشارالیه اورخان خانک مسموعی  
 اولجه یاننده اولانجه سپاه ظفر پناهی ارسال ایدوب کر میانی میدان  
 یرنده پریشان تاتاری دخی تارمار ایدرک چاودار اوغلو تاتار بوارالقدده  
 اسیر اولد قدده بقیه سی فرار ایلدوب فسادلری بالکلیه زائل اولد قدن  
 مسکره اورخان خان غازی اشبو اسیرلر ایلده چاودار اوغلوئی در زنجیر  
 اولد قلمری حالدده پدیری عثمان خان حضرتلری طرفنه برابر الوب  
 کتورد کلرنده مشارالیه عثمان خان بونلری قتلدن عفو ایدوب کندولرینه  
 بعد ازین اطاعت ایلک مقاوله سبله آزاد ایلدی چوق زمان آل عثمانه  
 اطاعتده اولد یلرودیرلر که کر میان ایلنده چاودارلی دنیلان قریه بونلره  
 منسوب ایدی بعضیلرک روایتنه نظرا چاودار اوغلو اورخان خانک  
 حبسنده ایکی سنه مقداری قالوب ید یوز اونبشنده تحصیل عفو  
 اورخان ایلده قورتولمشدر عثمان خان حضرتلرینک دیزلنده نقریس  
 علی اولوب سنلری دخی التمشه یتمش اوادیغندن کندولری یکی شهرده  
 سایه امارتی قورهب اوتوره غی قورمشلرایدی بناء علیه فرزندار چمنندی  
 اورخان خانی جلب ایدوب غزا وجهاده مأمور ایلدی شویله که  
 چاودار تاتاری هر نقدر اطاعت اوزره اوله جغنه عهد ایلش ایسه ده  
 تاتارک ایمان و یمانه اینانلیوب البتده بر زمین ایلده تخم فساد دی درون  
 ممالک صاچوب بر طرفدن باش کوسترانکچون بعد ازین بن بونده  
 اوتوروب سن غزایه کیده سین دیورای ایدرک الجّه قوجه و غازی  
 عبدالرحمن وقو کالب و میخال بکی اورخان خانک خدمتته تعیین ایلده  
 بر نیجه سپاه ظفر پناهه باش ایدوب غزایولنده ایاقداش ایلدی



اورخان مشارالیه ایکی یك قدر سوار نبذه دارایله قاره چیش  
 حصارینك اوزرینه یورو یوب یا قلاشدقلری حالد ه لشکرا وج بلوک  
 اولوب برطا قمی دره ایچنده پوصویه کیروب برطا قمی دخی  
 اورخان مشارالیه ایله اطرافی جوستجویه کیدوب بفرقه سی دخی  
 کوسه میخال بک ایله حصاره یناشوب عظیم محاربه یه طوروشمشلرایدی  
 هنکام جنکده اورخان غازی دخی اطرافی طولاشوب کلمش اولدیغندن  
 میخال بکک عسکری ایله برلشوب ایکی کون قدر کارزاری اوزادوب  
 نهایتنده صورت هزیمت وانکسار اظهار ایلدکلرند ه ترک منهزم  
 ومقهور اولدی دیه رک روملر ترک احتیاط ایله مغرور ومسرور اولوب  
 تعقیب ایدرلر ایکن یوللری پوصوده اولان عسکرک اوکنه راست  
 کلدکده یولک ایکی قولندن یعنی دشمنک صاغندن وصولندن پوصوده  
 اولانلر چیقوب چند ساعت محاربه دن صکره روملر منهزم وتارمار  
 تکووری دخی الغارایله فرارایتک ایسته مش ایسه ده مقتدر اوله میوب  
 غازیلر انده فوت اولدیغندن حصار مذکورک ضمیمه ممالک عثمانیه  
 اولسی اورخان مشارالیهک اولکی سفرینک ثمره مقبوله سندن معدود در  
 امدی حصار مذکوره مستحفظ و دزدار براق قدر نصکره ایه صوی  
 دیملکه معروف اولان حصاره الغارایدوب اوراسنی دخی شهرت  
 قاهره فاخره سیله بی جنک و آهنگ تسخیر ایلوب قلعه لک امر اداره سنی  
 الجه قوجه نام سرداره حواله و سپارش ایدوب اسیرلری دخی فتح نامه  
 یازه راق پدری طرفنه ارسال ایلدی که الیوم حوالی مذکوریه  
 قوجه ایل دیلر سنجاق مذکورک حدودی شرقا بولی سنجاقی وغربا  
 دخی خلیج استانبول وجنوبا خداوند کارایالتی و شمالا قره دکر واقع اولوب  
 مشهور اولان قضالری ازمید اتیق اسکدر اراقبازی اق حصار



بازار کوی صاری چایر صیانجه کیوه کورله یالوه پوروس قره صرسل  
 صمانلو قره صوقاندره شیله بازار صوی امثالید رانجق مذکور قضا الدن  
 ازنیق وازمید واسکدار دهافتخ اولنماش ایسه ده بورسه سنجاغی ایله  
 بولی سنجاغی قضا الدن خلی ممالک تسخیر اولنه رق حکومت عثمانیه  
 تحتنه ادخال قلمش ایدی یولاری اوزره یعنی دارالحرب ایچینده  
 قاره تکیر نامیه اشتهار بولان حصار دخی مدت قلیله محاصره سیله  
 فتح اولنه رق صاحب و حامیسی اولان تکوور اورخان خانه خارج ازادب  
 بعض سوزلر سولمش اولدیغندن عبرت اولق اوزره جمله نك  
 مواجهه سنده قتل واعد ام اولنوب قلعه نك اداره سی دخی صمصه  
 چاویش دنیلان مرد میدان و غایه توجیه بیوریلوب کندولری سالم  
 وغامیکی شهرده پد رلری حضورینه عودت ایلد کلری هجرتک ید یوز  
 اونا الی سنه سنده اولمش ایدی

بو اثناده احکام سیاستک وقوانین ریاستک اجر اسنده اتر عثمان خان ایله  
 اورخان خان و سائر ارکان و انصار میانلرنده مشاوره لر اولوب امور جمهوره  
 نظام و یرمک و مسلم و خرسنیان مسافرو مجاور آسایش و حضورینه نظارت  
 ایتک اوزره محاوره لر اولد قد نصکره جهانگیر لک تدبیرینه قرار و یریاوب  
 صمصه چاوشی ازنیق تضییقه ایچ قوجه یی دخی نیقو مدیا یعنی  
 ازمید نوا حبسنی المغه و قو کر الیه دخی مثال لازم الامثال وارد اولدیکه  
 بولندیغی محله لوای غزایی قالدیروب مخالفین اوسننه صالدیره  
 بوارالقد و اورخان خانی اطرناز جانبینه ارسال ایلدی کندولری بود فعه  
 عزیمته قرار و یرمشلرایدی اما نقریس مرضی مشتمد اولدیغندن  
 ضروری اقامتی اختیار ایتدی لراشبو اطرناز محاربه سنده مشار الیه  
 اورخان خانک یاننده میخال بک و طور غود الب و شیخ محمود واده بالینک



برادرى شمس الدين واوغلو حسن نام مردان میدان و غا و بش بك  
 قدر لشكر ظفر رهبر ايله هجرتك يد يوز يكرمى بشنجى سنه شى بروسه  
 حصارينك فتحى نيت و تصميم اولنه رف عزيمت اولمش ايدى شويله كه  
 اورخان خان عساكر رزم ارايله طاغلى آشوب اووالره چو يبار كوه ساركي  
 يول يول قول قول كلنجه اطرناس خلقى جمله سى بردن فرار ايدوب حصارى  
 غزاة اسلامه براقمش اولد قلرندن سهولتله اوراسى دخى فتح اولند قدده  
 بروسه حصارينك تسخيرينه اهتمام اولندى بو ارالقدده عثمان خان  
 دخى خسته ايسه ده اويله بر موقع مستثنائك فتح و تسخيرى ارزوسيله  
 كلوب بروسه بك صاحب و حامبسى يعنى حاكم و واليسى مقابله بولنان  
 بورساق نام تكووره مال و منال و اولاد و عياله عفو و امان خبريله ميخال  
 بكى ارسال ايلمى ايدى بو خبر تكووره و اصل اولنجه خيلى  
 وقت مضيق اضطرار ايله قالد يغندن تكليف مذكورى جانه منت  
 بيلوب مال و منال و اهل و عيالى استصحاب ايدرك برطاقم خانه كوچلى  
 ايله برلكده استانبول طرفنه چكىلوب كيتك ايچون اون بك فلورى  
 اجر تله كملك اسكله سنه ميخال بك حياه سييله عزيمت ايلدى  
 برو طرفده قلعه بك قپوسى آچيلنجه ابتدا شمس الدين اوغلو اخى حسن  
 برج قلعه ده اذان محمدى او قو يوب ارقه سندن اورخان خان كيردى  
 انك اردندن عساكر كيروب اطرافه ياييلوب طاغلد يلمه وجود اولان  
 كل بسالك بعضيلرىنى هدم ايدوب بعضيلرىنى دخى جامع شريف  
 اتخا ايدرك نمازى ادا ايلدى يلمه و اورخان خانك مصاحب لرندن احمد بك  
 نام صاحب خير دخى يكيدن بر جامع شريف انشا ايلمى دركه اليوم  
 جامع مذكوره ايل اري اوغلو مسجدى ديرلر يد يوز يكرمى التى  
 سنه شى عقيب فتحده ياييلمى در



بروسه نك فتحی خصوصاً صنده اختلاف كشيده اولوب از جمله اهل تاريخك  
بر طاقی عثمان خان بالذات عزيمت ايليوب فتح ايلدی د ير لر بر گروهي  
دخی عثمان خانك زمانده اوغلو اورخان خان معرفتيه تسخير اولمشدر لکن  
صحنه قریب اولان شویله در که ید یوز یکر می تاریخنه قدر غزا وجهاده  
عثمان خان بالذات عزيمت ایدرایدی انجق سنه مذکورده نصره کرده سردار اراق  
امرینی وجهانگیرلاک شمشیرینی اوغلو اورخان خان خانه تسلیم ایلش ایدی  
چونکه اورخان خان بروسه اوزرینه هجوم ایدوب تگوری جاده  
اطاعته دعوت ایلدکده تگور دخی اجابت و قبولی عثمان خانك  
بولمشنه تعلیق ایلدیکندن مشارالیه حضرتلری سکود قصبه سندن  
بعض ذوات ايله کلوب اردوی ظفر بویه وصول و دخولنده هنوز  
عروس فتحك نقابی یعنی قلعه نك بابی اچلماش ایدی مشارالیه حضرتلری  
کنند ولرینك ضعفلرنده فوت حس ایلدکلی جهته اورخان خانی  
چاغیروب قلعه ایچنده کورینن قورشون اورتولی مناسیری اشارت  
ایدوب شول کورینن کش قبه نك الته بنی دفن ايله دیو اعمارلادی  
ایرتسی کون اولنجه ید یوز یکر می الی رمضانك اونجی کونی ارتحال  
داربقا ایلدی بواثناده قلعه خلقی مقاومتیه قالقوب تسلیم قلعه دن  
نکول ایتمک ایسته مشراییسه ده قادر اوله مبوب چارناچار قلعه یی  
تسلیم ایلدیلر در حال اورخان خان پدرینك نعشی موقتاسکو تبحك  
قصبه سنه ارسال ايليوب اوسننه عالی قبه بنا ایلدی اراسندن چوق  
زمان کچمبوب ادبالی و مال خاتون دخی دار فنادن دار بقایه رحلت  
ایتدیلر حالا مزارلری بیلمکده اولوب زیارتگاه مشهور در مشارالیه عثمان  
خانك مدت سلطنتی یکر می الی سنه ممتد اولش ایسه ده اون طقوز سنه  
کنند ولری بالذات امور سلطنتی رؤیت ایدوب ید ی سنه سنی دخی



اوغلو اورخان خان خانواله پور مشلرایدی

چونکه عثمان خان فوت اولوب اتفاق امر اوارکان ایله اورخان خان  
سیرامارته اصالت وجهیله هجرتک یدیوزیکرمی التی سنه سی رمضان  
شریفک اون برنجی کونی جلوس بیوروب جاییت رعیتیه رعایت  
وحر است مملکتیه مبادرت ایلدی رعایت ایچون کوچک برادری  
علاءالدین پاشایی وزیرایدنمک مرادایتمش ایسدهده قبول ایتمیوب کته  
اوواسنده فطره دیملکه معروف اولان قریهده سجاده طاعتی سروب  
عبادته مشغول اولدی

تواریخ سائر روایتلرینه باقجهاده بالینک وفاتیه مال خانونک انتقالی عثمان  
خانک فوتندن اوج آی اول اولوب کندولری بروسه قتمی اوزرنده ایکن وفات  
ایدوب بروسه حصارینک ایچنده مناسرتنام محملهده دفن اولمشلردر روایت  
اخرایه نظر ابروسه فتحند نصکره عثمان خان حضر تلیری اورخان خانی  
یکی شهره حضورلرینه جلب ایدوب بعض مرتبه نصیحت ووصیت ایدرک  
فوت اولدقده نعلش سعادتلرینی صکره دن بروسه یه نقل ایلدیلر  
یعنی ابتدا سکو تچک نام محملهده دفن اولوب بروسه فتح اولنه رق امنیت  
کامله حاصل اولجه مناسرت دروننده دفن ایچون نقل اولندی

صکرک پدرلری ارطغرل غازینک وکرک کندولرینک فتح  
وتسخیره موفق اولدقلری ممالک سنجا ق اعتباریله لواء قره سی  
واین اوکی لواء خد اوندکار لواء قوجه ایلی لواء قره حصار اولوب  
کندولرینه سلطان علاءالدین سلجوقی طرفندن منشور  
همایون ایله تملیک اولنان اراضی دخی برلشدکده تقریباً کوچک آسیا  
دنیلان نفس اناطولینک حوالی شمالیه وغریبه سنی مشتمل ایدی  
عثمان غازی حضر تلرینک مجلس مشاوره لرنده داخل اولوب



صاحب الرأی اولنلردن طور غودالب صالتق الب شیخ شمس الدین و انخی  
حسن که اده بالینک برادری وهم کند ولرینک اماملری ایدی  
وقره خلیل چانداری در که اشبو چانداری قره خلیله بعضیلر چندرلی اولمق  
اوزره بیان ایتشلدردر حالبو که چندرله روم ایلی طرفنده برقریه اولوب  
عهد مذکورده دهها اورالری ممالک اسلامیة دن اولماش ایدی  
خلاصه کلام علاء الدین اسود که بوکادخی قره علاء الدین دیرلر  
ایدی خدمتده اولغله سلطان اورخانه اردو قاضیسی اوله رق انتخاب  
اولندی و صکره لری یعنی زمان اورخانیده هم وزیر وهم قاضی عسکر  
اولشدر توارینک بعضلرند قره خلیل مذکور قونیه دن بیلمکه حاکم  
وقاضی اولمق اوزره نصب اولمشدر دیویازلمشدر مشار الیه  
حضرتلرینک عهد همایونلرند کند ولری ایله ملاقی اولان مشایخ  
وعلمائک اعظم واشهری مولانا اده بالیدر که کتاب شقایق افاده سنجه  
اصلی قرمانلو اولوب توارینخ عثمانیه بیانه کوره ادنه شهرندند رمشار الیه  
عثمان خاتک دخی قاین پدرلرید ریوز یکر می یاشنده بولند قلری حالد  
هجرتک یدریوز یکر می بش سنه سی فوت اولمشدر مولانا طورسون  
فقیه دخی قرمانلو اولد قلری حالد عثمان غازی نیک سایه عنایتنه التجا  
ایلدیلر و اده بالی هر حومک دخی داماد لری اولمق ملا بسه سیله  
عثمان غازی حضرتلریله بیخناح اولمشدر لکن مولانای مشار الیهک  
بیوک داماد لری مولانا طورسون و ایکنجی داماد لری حضرت عثمان غازی  
ایدی بابا الیاس خراسانی جنکیر فتنه سی اشناسنده ممالک رومه کلوب  
اماسیه ده اقامت ایتش ایدی که مومی الیهک تفصیلات احوالی ذکر  
اولمشدر انک اوغلو مخلص پاشا و مخلص پاشانک اوغلو دخی عاشق  
پاشانک اوغلو دخی علوان چلبی در که بونلر شیخلق وارشاد یولیه



خلقى كىندولرینه جلب ايدرك استقلال و تفرد داعيه سنده اولورلار ديو  
سال و شانلری خىلى وقتلر تجسس اولنمش ايدى كه بونلرك اصلاحاتى  
كتاب تالاشده يازلمشدر مى اجعت بيوريله

عصر مذكورك محاكمه سى و فذلكه ومألى پيائنده در

اشبوتار يخ آل عثمانه مقدمه مقامنده اولان كتاب اولك محاكمه فصلنده  
بيان اولنديغى اوزره هجرتك يوز يكرمى سنه سندنبرو ممالك اسلاميه يي  
زيرد اثره عدالته ادخال ايليوب بشيوز سنه مقدارى عباد مسلمينه  
امامت و خلافت ايليان سلاله عباسيه نك شوكت و سلطنتى ينه مقدمه ده  
بيان اولنان اسباب عديده نك حقوق ايله منقرض و مندرس اولد قلىرى  
مثلاو ممالك غريبه و اندلسده دخی پك چوق دول و ملوكك پريشان  
اولملىرى و ملت اسلاميه نك تفرق و اختلاله اوغراد يغى جهتله هر كس  
عقل وادراكى مرتبه متأسف و متألم اولمشلرايسه ده اوكونلرده ظهور  
ايدن فترت و هنگامه اراسنده طبقه عثمانيه نك ممالك اجنبيه ده كيف  
مايشاء يرلشوب يكيدين برحكومت تشكيلنه موفق اولوشى ملت ناجيه  
اسلاميه نك دنيا يوزنده پك چوق زمانلركامران اوله جغنه حكم  
واستدلال اولنمش ايدى چونكه عثمان غازى مى حومك مدت حكومتلرنده  
كىندولرینه تابع اولان رعايانك عددى عثمانيان ايله برابر اوله رق  
اوجيوز بيك نفوسى تجاوز ايتمش ايدى يعنى عثمان خان غازينك اوجيوز  
بيك نفوسدن زياده يه نفوزى جارى ايدى مشاراليه عثمان غازينك  
طبيعت شعريه لرى دخی وارد رانجق الفاظى هر تقد ر قباكورينور  
ايسه ده معناسنده عدالت و كشور كشالغنه متعلق سوزلر اولمغله بومحله  
تبركا درج اولندي



( غزل )

كوكل كراسته سيله بر يكي شهر و پازارياب  
 ظلم ايله رنجبر لره هرنه ايسترسك وارياب  
 اسكي يكي شهری باری اينه كوله دك هب واری  
 قيروب كچوردك كفاری بورسهي ده ييق تکرارياب  
 قورد او اوب كل كير سورويه ارسالان اول باقه كيرويه  
 چار ايدوب هاي دي چرييه دل كچد يني حصار ياب  
 ازنيق شهرينه خور باقه صقاريه صويي كي اقه  
 از نكمه يده ال باقه هر برجنده بر حصار ياب  
 عثمان ارطغرل اوغلي سين اوغوزقاره خان نسلي سين  
 حقن بر كتر قولي سين اسلا مبولي آج كلزار ياب  
 ( لاحقہ )

عثمان غازي حضرتلری از ميد حواله بسنده دل نام محمده روم  
 ايمپراطورينك ازنيق امداد ينه كوند ير مش اولديغي عساكر ايله جنك  
 ايدوب غلبه ايتدكد نصكره اورالريني كاملا تسخير ايدرك بلامزاحم  
 حكومت ايله چكني ييلد يكنندن غزل مذكوزي انشاد بيور مشلردر  
 غازيء مشار اليه هرنقصد رماوراء النهر دن جنكيز خان شري ايله  
 كلش و تركان كوجبه لر ينك ايچنده تربيه اولمش ايسه ده انجق كندو  
 خاندانلرينه مخصوص اولان تجليات ربانيه نك ثمره جليله سي اوله رق  
 اداب رياستي وقوانين سياستي عدل وانصاف ايله اجرا ايدوب  
 جهانكبر لك اصولاني و كشور كشالقي يولني پاك كوزل بيلمش ايدى  
 زيرا اجنبي بر ملكه كيدوب كند و سنه رقيب اولان كرك اسلام و كرك  
 خرسنيان اراسينده يكي دن بردوات جسمه نك اساسني وضع ايتك



و غزا و جهادی پیشه آیدینه رک روم ایمپراطور لغنی و یرکوی سنوی به  
 باغلق مرتبه سنه کتورمک او وقتدن بووقته قدر تجربه اولنان وقایع  
 جسمیه و عظیمه نک جمله سنه فائقدر حتی سیف قاهره لری ایله فتح  
 و تسخیر ایلدکاری دیارک اتساعی صاروخان و خد اوند کار ایالتلرینک  
 سمت شرقی و شمالدسندن وانقره و بولی سنجاقلرینک جهت غربی  
 و جنوبدن برقاج معین شهر لری شامل اوله رق سانغار ییوش یعنی  
 صقاریه نهرینک اقدیسيله قره دکزکارینه و شيله وقاندره و یوروس  
 واق بابا و بکقوز و علمطاغی و آیدوس حوالبسيله ازمید نواحبسنی  
 و یالوه اراضبسيله هر صره طرفلری دااخلنده بولنان قوجه ایلی  
 و سلطان اوکی و این اوکی سنجاقلرینک تمامیه کوتاهیه لواسنک دخی  
 برقطعه سنی جامع ایدی ایالات مذکوره نک کافه امور ملکیه و عرفیه سی  
 شهزاده علاء الدین پاشانک رأی صائبی و مواد حربیه و عسکریه  
 خصوصلری دخی دیگر شهزاده لری اورخان غازینک فکر ثاقبی ایله  
 حکم و اجرا اولوب بونلرک هر برلرینک معیتلرند بیکباشی و بلوک  
 باشی و یکیت باشیلر بولوب حدود و ثغوری محافظه خدمتده اولان  
 دلاورلرک سروری دخی کوندزیک درکه این اوکی میرلواسی ایدی  
 و یارحصار میرلواسی دخی حسن بک و ایندکول میرلواسی دورغودبک  
 و غازی عبد الرحمن و قوجه ایلی میرلواسی اچقه قوجه بک واق تیمور  
 و صالقی بک و صمصه چاوش و صوله مش چاوش و یالوه قضاسنک  
 میرلواسی قره هرسل بک اولوب امور پولیتیکه ده دخی خرمن قیا  
 قوماندانی اولوبده عثمان غازینک خدمتده اولان کوسه میخال بکی  
 استخدام ایدرلر ایدی میرمومی الیهی روم ایمپراطوری طرفندن اولدرمک  
 اوزره مأمورلر تعیین اولمش ایدی بناء علیه کوسه میخال بک دخی



عثمان خان غازی به التجا اید وب رعایت و حرمت کورد یکنند ن روم  
 مالکینک فتح و تسخیر اولمسنه د اثر بر طاقم تعلیمات و یرد یکی کی روملری  
 دخی عدالت عثمانیانه تشویق ایتکده ایدی) (والخاصل اوزمانلرده باروت  
 هر قدر ظهور ایتش ایسه ده دهها لایقوله منشیر اولد یغندن طوب  
 و تفنک و طبایحه مثلوا آلات ناریه حریه اولیوب یالکز اوق و قلیج و بجا ق  
 و حربه و مزارق امشالی ایله کر زلر و ارایدی قلعه تسخیری دخی  
 منجینق وضع ایدرک یوک طاشلری صیان طاشی اتار کی اتمقله قلعه لرک  
 دیوارلرینی هدم ایتک و ایچنه دخی صیان ایله طاشلر اتمق و یایی او قلر  
 و عربه اوزرنده بیوک تمرنلی تاتار او قلری آلات حریه ناک کمد و حلرندن  
 ایدی وایتد کلری محاربه لر دخی بر میدان واسعه قار شوقار شویه  
 طور و شوب تیر و رماحی باران کی یکدی بکرک طرفنه یاغدر مق و کاه  
 اورمان ارالرنده قلیج چالمق دیل المق ایسه ده اکثر یا علی الغله  
 هجوم ایلوب چاپول ایتک اولد یغندن پیاده دن زیاده سوارینک  
 اعتباری و ارایدی ادوات حریه دخی ذکر ایتد یکر شیلره منحصصر  
 اولغله آلات مذکوره دن کند ولرینی محافظه ایچون بر طاقم دهر دن  
 یوزلک و باشلرینه ساجدن مغفردید کلری قاپا قلر و ارقه لرینه زرهار  
 کیمک اصولدن ایدی و الخاصل تاریخ مذکوره عثمان غازی نیک تشکیل  
 ایتدیکی هیئت الیوم اور ویا قطعه سنک الامانیا سمته بولسان  
 کوچک کوچک دوقه لقلر کی ایسه ده فقط احوال داخلیه سی تمدن  
 و تربیه ایله هر شیلری مکمل و منتظم اوله رق بر بیوک دواتک نمونه سی  
 کی دکل ایدی زیرا عصر مذکوره آسیا قطعه سنده تمدن و تربیه نک  
 موقع معتبری مصر و بغداد ایکن باد صرصر هلا کو ایله راحت  
 و حضورک اساسی صار صلمش اولد یغندن آسیا قطعه سی اوزرنده



هر نقد ردول و ملل و ارایسه جله سنك هیئت اجتماع عیلهری بوزولش  
 و رابطه نظام و انتظام مرینه خلال طاری اولوب چوزلش اولغله  
 برحق تكلفات ودارات و احشام اراسنده هم سفر براولوب عسكرلاك  
 وهم بدویت ايله نقل وطن ایدرك زراعتكراك ایتك حوایج ضروریه نك  
 الك معتناسی عد اولمش ایدی بر طرفدن دخی آسیانك حدود  
 شرقیه سندن غلیان ایدن تاتارلك تركستان و بخارا د نبرویه طوغرو  
 اهابسنی هجوم و اقتحام ايله صیقتش دیروب سور مسندن ایران  
 و تواران طرفلرندن مذاهب متعدده یه ذاهب اقوام مختلفه نك ارضروم  
 و بغداد اوزرندن دولت سلجوقیه نك ممالکنه یایلوب کلسیله یرلوايله  
 اجنبیلر برینه قاریشوب ممالك اسلامیه نك اکثریسی مجوس و بتپرست  
 امراسنك حکملری التده قالد یغندن پك چوق قانلرد و کیلوب  
 جانلر تلف اولمقده ایدی طبقه عباسیه دخی کسانیه مذهبی شعبه سندن  
 اولان هاشمیه مذهبنده اوله رق کندولرینك واحدا بعد واحد ظهور  
 مهدی یه قدر وارث تحت و تاج اولملری حقنده نصوص واهیه نقل  
 ایتدکاری مثللو طبقه مذکور ه نك ابتداسی بولنان سفاح دخی اولکی  
 خطبه سنك نهایتنده بود عوایی میدان قویوب مذهب هاشمیه نك  
 دهاتندن اولان ابو مسلم خراسانی و سلیمان بن کبیر خلافتك بنی عباسه  
 انتقالي تصدیق ایدرك خلقی انلرك طاعتنه دعوت ایلدی زیرا بونلردن  
 اقدام امامت و خلافت نسب قریشی یه مخصوص و منحصر اولق  
 اوزره ادعا ایدنلرك شوكت و سطوته ضعف و خلال طاری اولمش  
 ایدی هر نقد عباسیلردن قریشی النسب ايسه لرده کسانیه مذهبنده  
 بولند قلرندن خلافتك و امامتک نسب قریشی یه انحصاری ماده سنی یوز  
 اوتوزد رت سنه مرورنده ترك ایلدی لکن اهالی دیلم اره سنده مذهب



زیدیه منتشر و شایع اولوب امراء ديلم دخی خلفاء عباسیه یه تغلب  
 صورتند ه کسب انتساب و اتصال ایتدکلرندن مسلاک و مذهب لرینی  
 تغییر ایلدیلر بناء علیه خلفاء عباسیه نك هر برری دخی برر مذهب  
 ذاهب اولدقلرندن کند ولرینك ظهور و خروج لرینه اعانه و امداد  
 ایلان اقارب خویشاوندی اوزاقلده قالوب اجانب و اباعد مرکز سلطنت  
 و خلافته تقرب حاصل ایتدکلرندن بنای دولترینك اساسی اولان  
 مذهب و اعتقاد لری مترزل اولد یغندن ملاحده اسماعیلیه مذهبیه  
 ذاهب ابن علقمینك تحریك و افسادی ایله نصیر طوسی هلا کوکی  
 بر محوسی دار الخلافه تسلیط ایلوب ناز و نعیم ایله مأموس اولان  
 خلیفه عصرک اعدامیه عرض و ناموس سلطنت و خلافتی خراب  
 ایلدی بووقعه غریبه و دهشتفرمان صکره سلاله عباسیه بقیه سنك  
 مصره نقل ایلد کلرینك سببی دخی ابن خلدونك بیان و افاده سنه  
 نظرا خلفاء عباسیه کند و الکاسنه نصفیت اوزره مشترک اولان  
 خلفای فاطمیونك خصمی و مخالفی اولدقلرندن و خلفای عباسیه نك  
 انقراضی اثنه سنده خلفای فاطمیونك دخی اکراد ایو بیده تغلب ایتسیله  
 دولترینك بریشان اولسی دخی تصادف ایلدیکنده فاطمیونك بتون  
 بتون زوال و انقراضیه سلطنت مصره مداخله ایده ماملری ایچون  
 خلفای عباسیه نك بقیه سنی مصره جلب ایلوب مسند امامت و خلافت  
 اقامه ایلدیلر بوار القده دخی خلقک برازی اصل و فصلنی بیلدیکی  
 و حقیقتنه عقلی ایرمدیکی زهد و تقوی و مراقبه و تزویلولرینه صیارق  
 سفالت و بریشانلخی قید سزلق دیه رك پیغوله نشین عزلت و اختفایکن  
 خلق کند ولرینك مسلاک و مذهبیه جلب و دعوت ایلیه رك مرده  
 و سندگان و ددگان نامیه کند و افکارینه تابع بر طاق هوادار پیدا لدرک



چراغ اقبالانی بو طریق ایلده او یاندر مقده اوله رق عالمک نظام واسایشنی  
مختل و مشوش ایتکده ایدیلر صفوی و بابایی و قرمانی امثالی قبائلاک  
ظهور لری کی کذلک برکروهی دخی احیای احکام دین قصدی ایلده  
ظهور ایدرک اکابرو اعیان خلقی کندویه معین و ظهیر اتخاذا ایلد کد نصکره  
مقصد و مرامنی اجرایه بو وسیله ایلده موفق و مقتدر اولورلرته کیم مشایخ  
صوفیه دن شیخ بن قستی داعیه ملاک و حکومت ایلده دیار اندلسده خروج  
ایدوب خلقی طریق حقه دعوت ایدرک عباى مشیختی قباى سلطنته  
تبدیل و تحویل ایلده کند و هوا سنه برچوق جهله ناسی دخی جلب  
ایلیوب برمدت حکومت ایلدی که بونلره مرابطین دیرلرایدی کذلک  
فقهاء دن نیجه کیمسه لر تصحیح دین و مذهب دعواسیله خروج ایتشلردر  
خلفاء عباسیه زمانده سهل بن سلامة الانصارینک نواحی بغداده  
بوینونه مصحف شریف تعلیق ایلدیرک خلقی کاب الله وسنه رسول الله  
ایلده عمله دعوت ایتکله اشراف بنی هاشمدن و سائر اوساط ناسدن  
جمع کثیر مومنی الیهک دعوتنه اجابت ایتشلر ایلده مقصد و مرامی  
تحصیل نام و شان اولدیغندن باشنه جمع اولان اشخاص ایریلوب متفرق  
اولشلردر اکثر یا قبا پوشان محب وریا اولان زهاد فتنه نهاد بومسلکه  
سالک اولوب امر بالمعروف و نهی عن المنکر ادعاسیله جناب حقدن  
رجای ثواب ضمیمه عندلرنده جباردهن عدایلدکاری حکام اوزرینه  
خروج ایدرلر برطاقم اشخاص دخی ظهور و خروجی مشهور اولان  
مهدی اولق اوزره یا خودانک طرفندن دعوته مأمور اولق داعیه سیله  
خروج ایلیوب مکر و تزویری صورت حقه تصویرایدرلر بوتاریخک  
حاوی اولدیغی یدیوز سنه لری اثنالرنده افریقا الکاسنده واقع سوس  
نام شهرده مشایخ صوفیه دن توریزی نام بر شیخ ظهور ایلیوب



بر برستان اها لېسندېدن مصامده قبیله سی شیخ مومی الیهه حسن  
اعتقاد و اطاعت ایلمد کړی وینه غماده قبیله سندن مهدی اولمق  
دعواسیله خروج ایلیان عباسه برطاقم جهله ناس اقتدا و اتباع ایلمشدر  
لکن بزم بوخلده مراد من حاشا ارباب حاله و اصحاب طریقه برطریق  
ایله اعتراض ایتمکه یول بولمق دکلدر بلکه صورت حقه کورینان  
فرق ضاله نک مکروفرینه فریفته اولان مردودلرک مرده سنی بیغرضانه  
بیان ایتمکدر که جهله ناسی کند ولرینک منافع مخصوصه آیه لری  
یولنده الدانوب دنیای خراب ایتمکه سبب اولمشدر ریوخته پیران  
طریقت شریعتدن ایرماز زیر معرفت بونک حقیقتی بیلکدر  
چونکه عثمان غازی نک سایبان امارتی قوروب طور دیغی یرله هم حدود  
اولان اراضینک برازی روم ایمپراطور لرینک زیر حکومتدن چبقوب  
مستقل اولمش و برازی دها ایمپراطورلرک حایه سی التنده اولد یغندن  
کند ولرینه دخی تاتارلرک طرفندن اوج بکری یعنی کار بکی دیرلایدی  
بناء علیه روم سکنه سیله حسن معامله ایتمک بولند یغی موقعک  
اقتضاسندن اولمغله هم آسیا خلقنه بکنندیره جک یولده و هم روملرک  
اراسنه کیره جک و امنیت ویره جک صورتده حرکت ایتمکی پک کوزل  
بیلش اید و کندن روم ایمپراطور لرینک اناطولی ممالکنده اولان حکم  
و نفوذ لرینی کسر و محو ایلمک همت عظیمه به موقوف ایکن سهولتله  
موفق اولوب ابقای نامه مظهر اولدی زیرا قوللانش اولدیغی اصول  
یا لکزه عظمت و سلطنت اولیوب جلالت و صلابت ایله دائماً حربه  
النده ضرب به حاضر اوله رق (بومثل ایله بولور جمله دول فوز و فلاح)  
(حاضر اول جنکه اکر ایسترایسک صلح و صلاح) بیت مشهوری یاد شاه  
مشار الیهک ماصدق حالی اولش ایدی بعضیلر تار یخلرنده خصوصاً

بیت مذکور لایتنجه بر  
مثل مشهورک ترجمه سی  
اولمق اوزره پدرمک  
طرفندن انشاد  
اولمشدر



عالی صی حومك ترتیبی اولان كنه الاخبار نام آل عثمان تاربخنده عثمان  
غازی حضر تارینه پادشاهلره مخصوص اولان اق سنجاق ایله  
كوندریلان طبل و شمشیر و منشور و واجب التوقیرك سبب ارسالی  
بیان صره سنده علاءالدین سلجوقینك تاتارلره غلبه ایلدیکی و قته  
عثمان غازی طرفدن تقدیم قلنان هدایانك و صولی دخی تصادف  
ایلدیكندن فتح و ظفرك سرور و نشاطی اراسنده غازی مشارالیهك  
دخی تشریفات پادشاهی ایله اعزاز و تکریم اولندیغی عنایت جمیله  
ربانیه دن برشرف مخصوص اولق اوزره یازمشدر فی الحقیقه  
التیوز سنه د نبر و سریر سلطنته جلوس بیوران سلاطین عظام  
حضر ائنهك مجموعی غازی مشارالیهك سلاله سندن اولمی  
يك بیوك تشكرایده جك عنایت الهیه دندر فقط علاءالدین سلجوقینك  
طبل و علم و یرمسی هر نقدر تشریفات سنیه دن عد اولنور ایسه ده  
عجبا علاءالدین مشارالیهك طرفدن طبل و علم و منشور اعطا  
اولمش اولماسه ایدی عثمان غازی حضر تارلی زمان حیاتنده نائل  
اولندیغی مظفریته مظهر اوله مزمیدی و یو خسه سلاله طاهره سندن  
ظهور ایدن پادشاهلر اسباب شوكت و عظمتی حاضر یوله مزمیدی  
و علاءالدین سلجوقینك طبل و علم و یره رك عثمان غازی حضر تارینه  
رتبه امارتی وراثت صورتیه توجیه ایتمی دخی چونكه مشارالیه غازی  
عثمان خان پدرینك فوتند نصیره مقام حکومته بالاستحقاق جلوس  
ایتمش بولندیغندن تصدیق و قبول ماده سی مجبوریست تحتنده اولمغله  
علاءالدینك امارت توجیهی حاسلی تحصیل قیلندن ایدی وطن اولنور که  
مشارالیه علاءالدینك جلب و تأمین ماده سنه مسارعتی عثمان غازیك  
کند و طرفند تعرض ایتماسی و کوچ جنوب اناطولیده کسب تمیز و شهرت ایلان

دول اسلامیه نك  
بعضی لرنده یشیل  
و بعضی لرنده قرمزی  
رنك سنجاق تخصیص  
اولندیغی و خلفاء  
عباسیه دخی سیاه رنگی  
انتخاب ایلدکری  
مثلاو سلجوقیلر دخی  
جنکیرانی تقلید ایدرك  
بیاض رنگلی سنجاقی  
کند و لرینه حصیر  
ایلشلا ایدی



تاتارلك طرفنه كتماسى خليا سنه مبنيدر زيرا اوزمانلرده دولت  
سلجوقيه صدمات تاتار ايله مترزل اولغله پادشاه مشاراليهك كند و  
اهم اسندن بيله امنيتى اوليوب خوف اوزره اولديغندن اهم اسنى اكرام  
وتلطيف قصدنده اوله رق مدارايدرايدى

سلجوقيه دولتلك قوتى تاتارلك غارت و خسارتى ملا بسه سيله متفتت  
اولديغى مثلاً بزانسود دولتلك دخى نظام و اسايشى فرنكارك هجوم  
واسنيلارى ايله فنا شمش ايدى دولت عليه عثمانيهك ظهورى ايسه  
بو ايكي دولتلك زوال وانقراضى اراسنده طبيعتك زور و همتيله اولمشدر  
چونكه عثمان غازينك پدرى ارطغرل غازى ابتدا ممالك رومه كلوب  
سلطان علاء الدين سلجوقى به دخالت و التجا ايلديكى زمان سلطان  
مشاراليه جانبندن دخى كند و ممالكى ايله بزانسود امپراطورايغى  
اراسنده منازعه لى اولان اراضيده اقامته رخصت و يرلمش ايدى  
ميرمشاراليه دخى كندويه تملك اولنان اراضينك اولياتنى پكده ارايوب  
صورمغه مجبور اولمديغى بزانسود دولتلك پيرامن ممالكى مضبوط  
اوليوب هر والى اهالى ايله برلشوب دعواى استقلالده بولند قلىرى  
ايچوندراشته بوندن اكلا شيلور كه دولت عليهك ابتدائى ظهور و تشكلى  
بولنديغى موقعى غصب ايتك و اطرافنده بولنان بكاره هجوم ايلكله  
دكلد رفقه طرزه حكومتك توسع ايتمى ذكر اولنان ايكي دولت متجاورنهك  
حد و دلىنى كوچولتمكله اوله جغى امور طبيعیه دندربونك دخى  
سببى كندوسنه مسكن و مأوى اولق اوزره و يرلمش اولان يرلى الارندن  
المق ايچون اطرافدن مداخله واقع اولدجه مدافعه ايدرك قرانلشدر  
زير اذ كر اولنان ايكي دولت متجاورنهك ايکبسى دخى يولسزادارلرينك  
غره سى اوله رق حقوق دوليه لرينى ضايع ايلدكلر نده ايکبسنه كده



ممالکی انظار اجنبیده صاحبسز کی کورینو رایدی بو حالده دولت  
 علیه نك ظهوری حوالی مذکورده بولنان ملت اسلامیة نك  
 بازده سیلاب خسار اولسنی دفع ایلد یکنسندن مؤید من عند الله  
 اولد یغنه استدلال اولنورایدی (افریقا قطعه سنده واقع سویش  
 اراضیسیله مصر اقلیمی و صعیید و نوبه الکازی مصر حکومتی  
 اداره سنده بولنوب انجق بنای حکومتك اساسی اجنبی الاری ایله  
 قورولش اولد یغنه مبنی اهالی قدیمه سی فقر و فاقه فاقیله حقارت  
 و مذلتدن اصلا قورتله مامشدر حالبوکه اهالی قدیمه و اصلیه سی  
 هیئت حکومتی اداره ایده میه جك مرتبه بله اادن اولیوب فقط  
 جبانیت و حیله کار اقلری یکدیگردن عدم امنیتی موجب اولدیغندن  
 بر طاقم اترک و اکراد و چراکسه نك حکملری التنده اسیر اولمشلردر  
 و طبقه حکومتك دخی ممتدا ولیوب طاغیلوب پریشان اولسی وراثتک  
 قوانین موضوعه سنه رعایت اید یله مدیکندن و خلع و اجلاس  
 ماده لرینه امرانك تحریکی ایله عساکرک مداخله سی مداوله دولته  
 باعث اوله رق قوتلرینك ضعهفه قوت کلکدن ناشیدر زیرا دولت  
 و سلطنتك قوام و دوامی عصیته منوط و محتاج اولدیغنی بیلدکلرندن  
 لذا نذر و حانیه و نفسانیه بی و منافع دنیویه بی جامع اولان رتبه رفیعه  
 سلطنته هر طرفدن طلب و مداخله یه جسارت حاصل اولور بونکله  
 برابر حساب و کتاب ماده لرنده کندولرینك دقت و اعتنالی اولدیغندن  
 دفتر دارلق و تحصیل اموال ماده لری بتون بتون قبیطیلرک الارنده  
 اولغله استدکاری کی حساب ویره رک هیئت حکومتی حال فلاسته  
 ایصال ایتکده اید یلر و الحاصل مصرده حکومت ایدن یبانیجیلرک  
 حاللری بر طرفدن یرا لورک خصومت و عداوتلرندن و بر طرفدن دخی



دیگر اجنبیوں کو زدی کو بفرست کو زتکارند و فرنگی و اهل  
 صلیب هجوم و اقتحامی مصر لولرک اسایشنی بوزمقدہ ایدی  
 (اسپانیا و اندلس قطعہ سندہ ضرر و خسارتہ اوغرایان عرب  
 حکومتلرینک اخذ انتقامی قصہ دیلہ بربرستان طرفلرندن اوروپا  
 ممالکنہ کرکی کی هجوم اولغسی قرار و یریلدیکندن اہالی اسلامیک  
 استحصال ممنونیتی ضمنندہ حکمدارلری طرفندن اوروپا سواحلنہ  
 طوغرو نهب و غارت ایتک اوزرہ سفینہ لر ایلہ عساکر ارسال ایدرک  
 سچلیا طہ سنی و مسینا شہرینی تسخیر ایتشلر ایسہ دہ اہالیسنی جلب  
 و تطفیف ایدہ جک پردہ ظلم و تعدی ایلہ اخذ انتقامہ قالقد قلرندن  
 بشقہ اوروپا لولرک شدت غلیا نلرینہ دخی تصادف ایلدیکندن  
 بودفعہ کی هجوم و اسٹیلارندہ بر نتیجہ حسنہ یہ نائل اولہ مدیلر  
 وفاس الکاسندہ اولان عربلرک امراسی و زناتہ قبیلہ سنک مشایخ  
 و کبراسی بربرستان طاقنک اوروپا سواحلنہ هجوملرینی وسیلہ فرصت  
 اتخاذایدوب بربرستان و طرابلس و تونس و قیروان و مہدیہ حوالہسندہ  
 بولنان ملوک و طوائفی کندویہ تابع ایلہ رک کسب جسامت و عظمت  
 ایلان بنی حفص حکومتی بتورمک و بتون بربرستانی ضبط ایتک اوزرہ  
 مراکشدن برویہ طوغرو عساکر سوق ایلدیلر حال بوکہ اشوب بربرلر  
 بربرلرینی استرقاب و حسد ایتک کی امور نفسانیہ ایلہ اوغراشوب  
 صواش و اشوب ایدرلر ایکن اوروپانک اسپانیا و اندلس قطعہ لندہ  
 بروقت انواع فتوحات و غلبہیہ مظہر اولان ہم جنس و ہم مذہبلرینک  
 اراغون و قسستل طاقنک قلیچلری الشدہ تلف اولد قلرندن ماعدہ  
 بشیرز التیوز سنہ لردن برویاپلش بر طاقم آثار اسلامیک انجق حسد  
 و استرقابک ثمرہ سی اولان عدم اتفاق بلاسیلہ از وقت ایچندہ محو



اولسنه سبب اولدیلر و بواندلس وقعسه سی عربلرک اسکیدنبرو  
 مابه الا فتحاری اولان حیت و شجاعتلرینه پک بیوک تقیضه اولمش  
 ایسه ده برچوق و قندنبرو اتخاذا ایتش اولدقلری اصونک نتایج  
 وخیمه سی اولغله کندولرینک قزانمیدرزیرا اوروپالورایله اتناء  
 محاربه ده طوندقلری اسیرلره جبراقهرایتدیل دین ایتدیرد کد نصکره  
 امورداخلیه وحریه ده استخداام ایدوب عوام ناسک بیتدیکی سراره  
 اجنبی واقف اولدقلرندن خلقک افکارینی تغلیط ایدرلرایدی  
 وقایع داخلیه سنی بیان وایضاح صدنده اولدیغیمزدولت علیه نک  
 ظهورینه مقدمه مقامنده اولان برنجی جلدک محاکمه فصلنده تصریح  
 اولندیغی اوزره اسپانیا الکاسی مضافاتندن اولان اندلس قطعه  
 جسمه سی اهل اسلام طرفندن فتح و تسخیر اولندقد نصکره بسیط  
 بحر سفیدک داخل و ساحلنده سفاین اجنبیه نک کشت و کزاری علی  
 الاطلاق منع اولنه رق تجارت بحریه و امیرار سفاین حریه و تجاریه  
 ماده سی عربلره منحصراولمش ایکن قرون وسطینک حوادث عجیبه  
 و عومیه سنی متکفل اولان ذانک یازه جغی کابده تفصیل اولنه جغی  
 وجهله دیار غرب واندلسده ملوک عبیدین و اموییه نک قوت وسطوتلری  
 وقایع متوالیه غریبه نک ظهوری ملابس سیه قاصر اولدقد ممالک  
 اندلسه نسبتله شرقده بولنان صقالیه دنیلان سچلیا اطه سی و امثالنی  
 فرنکلر عربلرک اللرندن الوب یواش یواش دوغمتدارکیله بحر سفیدک مسلمین  
 حقیقده اولان سیاحت بحریه انحصارینه دائر اولنان مصالحه و معاهده لر  
 قروازاد یعنی برطاقم اهل صایبک زور و هجومندن ناشی فسح اولنه رق  
 سواحل شامه دخی تغلب ایدیلوب طرابلس شام و صور و عکاشهرلری ایله  
 بیت مقدس دخی اسنیلا اولمش ایدی یواشاده حوالی مصر و شامده



حکومت ایلیان خلفاء فاطمیون واکراد ایوبیه امامیه وزیدیه مذهبی  
 منازعه لری ایله قبایل اعرابی جلب و تأمین ایتمکله اوغراشدقلری حالده  
 برطرفدن دونمائی اسلامیة نك دخی نظامی مختل و پریشان اولمقده ایدی  
 سلاطین ایوبیه دن سلطان صلاح الدین یوسف اهل صلیبک قوه  
 بحریه لر بنی کسرو و محو ایلمک اوزره فاس و اندلس الکاسی سواحلنده  
 غزای بحر ایله معروف اولان ملوک موحد و دن ملک منصور یعقوبه  
 ظرفای عصر دن فاضل بیانی انشاسیله برنامه مخصوصه یازد یروب  
 امر اسندن عبد الکرم ایله ارسال و تقدیم ایلیوب دونما امدادی ایله  
 اعانه طلبنده اولمش ایدی اشته طائفه مذکوره نك زوال واضح محلانله  
 سبب و یرن حیثیتلک ملا بسه سیله کویا یازیلان نامه ده امیر المؤمنین  
 عنوانی یازلمیوبده رئیس و سید تعبیر اولندیغنی بهانه ایدرک کرچه آیین  
 ملوک اوزره سفرا حقنده جاری اولان مراسمی اجراده قصور ایتمدی  
 اما طلب اولنان دونما امدادینه مساعده ایتمیوب طرفندن جواب اولمق  
 اوزره یازدیغنی نامه ده دخی خصوص مستدعايه دائر حریف واحد تحریر  
 ایتمدی بوماده نك محاکمه سی اوله رفق د نیله بیلور که مومی الیه ملک  
 منصور یعقوبک دونما ارسالله مصر و شامه امداد ایلمکدن اعراض  
 ایتمسی باآلاده ذکر اولنان حیثیتلکه محمول ایسه ده او وقتک پولنیتقدسی  
 اقتضاسنجه ملک منصور کند و ممالکنی هجوم اجنبیدن محافظه ایلمکه  
 د اها زیاده مجبور ایدی زیرا مصر یلره امداد ایتماش اولدیغنی  
 حالده بیله ایادی اجنبیدن کند و الکاسنی تخلیص اید میوب بحر  
 سفیدک جانب غریبسنی دخی اراغون و قاستل طاققلری اسبیلایلمدیکنندن  
 ارتق اورو بالورک سطح بحر سفیده قوت وسطوتلری مؤید اولد قده  
 افریقا طرفندن اندلس حواله سنه امداد واعانه اولنسی پک مشکل



اولش ایدی چونکه عربلرک سیر سفر در یاد ه مهارت لری اندلس قطعه سی  
 اها لیسله بر لکده اولوب دریا علمنده ماهر اولان محاربه صاحبی قیودانلر  
 دخی اسنیلای فرنگ ایله طعمه نهنگ شهادت اولد قلرندن بسیط  
 بحر ده سیر سفر ایله مالوف اولان فرنگلرک قوت اصلیه لری فعله  
 چیقوب حوالی مذکور ده مسلمان غلبه و مستولی اولد یلر هر نقدر  
 افریقا سوا حمله دارالصناعه دنیلان ترسانه لر موجود ایسه ده اهالی  
 غریک اکثر و اغلی بادیه نشین قبائلدن اولوق ملا یسه سیله دونما  
 خصوصنده همت و غیرت لری قاصر ایدی بناء علیه سلاطین ابویه  
 اهل صلیه بحرا غلبه ایتکدن مایوس اولد قلرند ه قوه حریبه لرینک  
 مجموعنی بریه الشامه حصر و قصر ایلد کلرندن اهل صلیه حوالی  
 مقدس دن طرد و ابعاد ایلد یلر هجرت سنیه نک ید بی عصری که  
 علی الاطلاق التیوز سنه لرینک اواخری دیمکدر اندلس الکاسنده  
 بولنان عربلر اهالی اصلیه سنک پنجه اسنیلا سیله زبون اولویده ممالک  
 مسلمیندن امداد و اعانه طلب واستدعاسنده بولند قلمری وقت مصر یلر  
 دخی انلرک نیاز و استدعایینی اصلا استماع ایتدی لکن بو بایده مصر یلرنکی  
 حینسز لکه محمول اوله مرزیرا اطرافه امداد ایتکه قدرت لری قاصر  
 اولد یغندن بشقه کرک اهل صلیک حوالی مصر و شامه بالانحدار  
 هجوملری و کرک اولاد جنکیریا نک مغول تاتارلری ایله ممالک شرقیه دن  
 باد اتشین کی بلاد معموره اسلامیه بی نهب و غارت ایله خراب و ویران  
 ایتد کلرندن مصر یلر هر حالده امداد و اعانه یه محتاج اولمشلر ایدی  
 بزم بو کلبده براهین عدیده ایله بیان ایلد یکمز حینسز لک بربرستان  
 اها لیسنه راجعدر که قارشونرنده اولان اندلس اها لسی یازده اشکر  
 فرنگ ایکن اعانه و امداد ایلکدن توقی و مجانبت ایلد یلر علامه ذوقنون



یعنی کتاب عنوان العبر صا حی ابن خلدون ملوک غریبه وانداس  
احوالی تحقیق صره سنده دیمشدر که انداس الکاسنده بولنان ملوک  
وحکومتلرک زوال واضمحلالنه باعث اولان اسباب عدیدتک اعظمی  
هم جنس وهم مذهبلرینک حکومت وسلطنت دعوالرنده ملوک جباره  
علیهنه اولق اوزره خلقی کتاب الله دعوت ایلیانلرک اوزرینه اهالی  
اصلیه سی اولان رعایای افرنجی خدمت عسکریه وحریه ده استخدا ام  
ایدلرایدی یعنی کند ولری طوع ورضای ایله فرنگاری مسلمینه  
تسلط ایتدیلر نواحی ثغور اسلامیه به هجوم ایلیان اراغون وقاسیل  
ولیون وناوار وپورتکیز طاقیله اوله جق محارباده اهالی اصلیه بی  
اتحاد ملت ایله نصرت مسلمینه خیانت ایدرخوفیله کند ولری مقابله  
و مدافعه یه قالقوب رعایای یرلرنده راحت براغورلایدی بووسیله ایله  
حوالی مذکوره ده قوت مسلمینه ضعف وخلال کلدیکی مثلاًو سکینه  
اصلیه سنک ضعیفلرینه دخی قوت کلدیکندن دولتلری برکشته وپریشان  
اولمشدرا کرعر بلرده دعوی ایلدکلری حیتک اصلی اولیدی  
جمله سی اتفاق ایدرک اندلسولری حمایه ایچون اعانه یه چالیشورلر  
ایدی سلاطین عثمانیه حضراتی بوبابده دخی جمله یه تفوق ایتشلردرکه  
مقرخلافتلرینک انداس قطع سیله وجهها من الوجوه مناسبتی یوق  
ایکن دونمای همایونلری ایله اعانه یه همت بیورمشلرایسه ده ایامک  
مساعده سی اوله مدیغندن ضروری ترک اولندی اماعر بلرک اراسنده  
ظهور ایدن مبانیت ومخالفتک سبی ذکراولنان اسیرلرک سرکاره  
کلانلرندن اولمشدرکه تفصیلی بوراده مناسب اولما دیغندن براغلمشدر  
فقط شوقدرده ییلورزکه بردولت انقراضه یوزطوتدقده حوزة  
حکومتده بولنان اهالی برطرفه میل واستنادایدرک درون الکاده



بالطبع برانقسام ماده سی چبقوب امر ادخی حقوق اهلیده شرکت  
 واسنیلا پیدا ایاموب رتبه رفیعه حکمداری په اشتراك ارزوسيله  
 ناموس سلطنته مداخله ایتدکرنندن عصبیت واستقلال قوتی زائل  
 اولمغله هرطرفدن تعرض وتعدی چونالمقده ایدی که بواجمالک  
 تفصیلی ابن خلد ونده محرر اولدیغندن مراجعت پیور یله  
 عیسوی دولت وملتک برطاقی پاپانک طرفندن اولان وصایاوتیلیغانک  
 اجرا آتته کفدولرینی مجبورکی ییادکرنندن اوروپا قطع سنک اکثر  
 ستملرینی تعصب رهابین اسنیلا ایتکه دین غوغارینک اردی دها  
 انه میوب استرقاب وحسد قبولی دخی قباغامش ایدی هر تقدراوروپا  
 سکنه سی اسپانیا واندلسده بولنان عربله غلبه ایدوب تسکین ناره  
 غیظ وعداوت ایتشلرکی ظن اولتور ایسه ده اراضی مقدسه نک  
 استخلاصنه دخی چالیشورلر ایدی چونکه اوروپا اهلایسی اسپانیا  
 واندلس انکاسنده وسواحل بربرستانده بولنان مسلمانک سطوت  
 قاهره لرنندن برمرتبه صقلمشلرایدی که هر تقدراغلبه ونصرته نائل  
 ومظهر اولسه لریله تعصیلری ملاپسه سیله تمامیه تسکین ناره کین  
 ایدمز لرایدی فقط درون اوروپاده اولان دولتلرک دخی نظامات  
 داخلیه لری قوانین مخصوصه تحتنده اولدیغندن محافظه ناموس  
 حکومته مدار اولان حقوق ملل ودولنه دیمک اولدیغنی بیلیمه رک  
 یکدیگرک ملک موروثی غصب ایتک اتخاذایلد ککلی اصولک  
 ایجابندن اولمش ایدی چونکه عموما ممالک اغنیا واکارک مالکانه سی  
 اوله رق منقسم اولمغله حکمدارلرک قوه مخصوصه لری اولدیغندن  
 محاربه نک اوکی منع اولنه میوب هرطرفده بربری ایله فصل وتقریق  
 ممکن اوله میان انحصار تجارت ماده لرینه دوشملرینه دخی عسکری



طاقتی تیمارلی اولوب ضابطانی دخی چفتک ومانکانه صاحبی اولد قلمری  
 سبب اولمشدر بناء علیه اوروپا دولترینک قوتی دولتک النده اولدی یغندن  
 قوه حربه دخی اکابر ناسک حکم وتصرف قلمری التنده ایدی اوروپا  
 الکاسنده بولنان دولت و حکومتلرک حکمدار لری یکدیگره مناسبات  
 پیدا ایتش اولد قلمردن حکمداران فاملیالرینک استقلالی ضایع  
 اولوب وراثت و حکومت ماده لری فاملیالرک فروع و شعباتی اراسنده  
 منقسم اوله رق طبقه حکومت برخاندانن دیگر خاندانه قولایقله انتقال  
 ایتکده اولمغله حقوق وراثتدن محروم اولنلر کندولرینه طرفدار پیدا  
 ایدرک طرف طرف تاج و سلطنت د عوالری اکسک دکل ایدی اهای  
 شماییه دخی کند و اجداد لرینک عموما اوروپا خلقنه بروقت القای  
 رعب وهراس ایدرجه سنه مظهر اولد قلمری فوز و نصرتک لذت  
 و خیالیه درون اوروپایه نظر حسد و تحسیرایله آچقدن بقاراق مغول  
 طائفه سنک پنجه قهر تغلبندن تخلیصه جان اتارلر ایدی مغول  
 طائفه سیله بتون دنیا خلقنه دهشت انکیز اولان جنکیر طبقه سنک  
 برطاقی عموما ممالک چین ایچنه مالک اولدقد نصکره خاقان چینک تختنه  
 صعود ایدوب قوه قاهره مطلقه سیله کند و فاملیا سنده چین پادشاه لغنی  
 اعلان ایدرک امرای چینه قبول ایتدیرد یکنک عقینده کندوسی  
 وکندوسنه تابع و طرفدار لرک جمله سیله برلکده اوله رق تبدیل  
 مذهب و آیین ایله مغلوب اولان ملتک مذهب و دینه د خالت ایلدی لر  
 برطاقی دخی آسیانک خوارزم و بخارا اطرافلرینی اسنیلا ایتدکد نصکره  
 کذلک تبدیل دین ایدوب کویا مسلمان اولد قلمری مثللو برازی دخی  
 خرسنیان مذهبنه سالک اولمشدر حاله بوکه قاعده مطلقه دندرکه  
 برملکه غالب اولان ملتک کرک امور مذهبییه ده اولان اعتقادی



و كرك عادات و اطوار سائر سی هر نه ایسه او ملایکده بولنان ملت  
مغلوبه یه دخی سرایت ایدر حتی ولدك والد ه تقلید و اتباع ایتمی  
امور طبیعه دن اولدیغی مثل اوملت مغلوبه نك دخی ملت غالبه یه اطوار  
حرکتده تقلید ایلمی امور مسلمه دندر و نیجه بیک سنه لرد نبرو  
فوز و نصرته مظهر اولان متغلبه نك هر بری فتح و تسخیر ایلد کاری  
الساود یارک عادات قدیمه سنی و امور مذهبیه سنی هر نقد رتبدیل  
و تغیر ایتمکی هیچ بر زمانده تکلیف ایتمز و ایتمش ایسه لرده یو اش  
یو اش کند و احوالنه و مذهب و مسلکینه خلق تشویق ایده جک  
قیولری دخی بر طاقم مساعدات و امتیازات ایله اچیق براقسلرد رزیرا  
هر دولت ممالک موجوده سنه کند و مسلک و عادتنی نشر ایدوب  
امتیازات و مساعدات ایله خلقه قبول ایتد ر می اود دولتک نفوذ  
و استقلالک دوامنه سبب د رزیرا قاعده کلیه دندر که هر ملت و دولتک  
کند و حوزه حکومتدن ماعد ا ممالک سائر یه دخی نفوذ و اقبالک  
تأثیری باقوه حربه سی سایه سیله و یا معمولات و مصنوعات مختلفه سنک  
لر می جهتیه یا خود قیون عیدیه یه داتر تألیفات و تصنیفاتک ثمره  
مقبوله سی واسطه سیله اولغله بر ملت و دولت ذکر اولنان و سائط  
ثلثه نك بریسی و یا خود جمله سنک درجات شایعه سی مرتبه کسب  
اهمیت ایلیوب و سائط ثلثه مذکور نك اوز اندیغی مواقع و اقالیمه  
قد ر نفوذ و اقبالی دخی شایع اولور اکر مغول طائفه سی ضبط و فتح  
ایلدیکی السا و دیارک امور اعتقادیه سنی کند و سنک مسلک و مذهب  
قدیمه سنه کرك حق و كرك باطل ترجیح ایتمش اولاسه ایدی قزاند قلی  
شهرت غالبیتی طقسان سنه ایچنده ضایع ایتمزلر و برقاج یوز سینه  
مرورنده نام و شانلری انودوله جق مرتبه ده بتمزلر ایدی بوندن



اکلاشیلان مغول طائفه سنک مذهب و مسلاک اعتقادیه لرینک اساسی  
 شیخ برشی دیمک اولاد یغندن هر نوع دینه سهواتله میل ایدیورلر زیرا  
 نصیرطوسی هلاکو خانی کویا مسلمان ایدوب اوغلو ارغون خانی  
 دخی پاپاسلر خرسنیان ایتشلردر که طقسان سنه مدته مغول جنسندن  
 اوله رق طبقه جنگیرانیدن آسیایه حکم ایدن بش اون نفر پادشاهلرک  
 برقاج دانه سی مسلمان و برازی خرسنیان و برطاقی دخی بتپرست و آتش  
 پرست ایدی لکن خواقین مذکوره نک وارد قلری محالرده سهواتله  
 تبدیل دین و مذهب ایتد کلری هر نقدر دینسزاکلرینه حمل اولمش  
 ایسه ده بتون بتون اعتقاد لرینک ضعفندن اولوب بایککه براز دخی  
 مغلوبیت و هزمیت ملاسه سیله مایوس و مجروح اولان خلقی جلب  
 و تأمین ایچون برنوع زمینکارلق اولدیغی دخی خاطر دن چیقارلما ملیدر  
 اسایش و استراحتلری منقلب یأس و فتنه اولان مایونلرجه خلقک سعادت  
 حاللری برکشته و پریشان اوله رق انلرک انکسار قلوبی ملت غالبه یی  
 دخی بی محضور ایدر سطح ارضده کسب عظمت و استقلال ایلیان دول  
 معظمه نک هربری فتح و تسخیر ایلد کلری الکاک سکینه سی قبول رعیت  
 ایدر لر ایسه انلره بروجهله رنجیده و حقارت ایتیوب حرمت و رعایت  
 ایتکی قوانین دولتلرینه اساس اتخاذا ایتشلردر حتی دولت عایده عثمانیه  
 هر وارد بغی محلاک سکینه قدیمه و اصلیه سنی قبول رعیت ایتد کلری  
 حالده اداره سابقه لرینی تغیر و تبدیل ایتیوب اعیان مملکتی دخی اول  
 امرده مقطوع الامل ایتزایدی زیرا خلقی کندی احوالنه بر ایتیوب  
 ملت حاکمه نک اخلاق و عاداته دخالت ایتکی جبر و ابرام ایلک  
 هم بیهوده و هم نفرت و خصومتی تشدید ایدر چونکه ملت مغلوبه  
 هر حال و محالده دولت غالبه و حاکمه نک اصول و اطوارینه یواش



یو اش تقلید و اتباع ایلمکی کند ویه سرمایه فیض و سعادت اتخاذا  
ایلیه جکی وارسته قید و بیاندراشته دولت علیه بو حال عدالت  
اشتمالی توسیع دائرة حکومته مقیاس اتخاذا ایلا ریکندن انک ایچون  
کره ارضک جوانب معموره سی مفتوح اولد یغندن هر وارد یغی  
ملکه مالک و صاحب و هر طالب حکومته حاکم و غالب اوله کلد یکی  
جمله نک معلومید ریز بو محمله علی الاطلاق برد ولتک ملت واحده  
و مختلفه دن تشکل ایتسندده اولان منفعت و مضرتدن بحث ایدده جک  
دکار لاتصادف ایدن ملت و دولتلرک دوامنه و پریشانلغنه یا عث اولان  
سبیلری مورخک وظیفه سی اوله جق مرتبه ده بیان ایلییه جکر  
شویله که اسکی رومالور خرسنیا ن اولد قد نصکره هند لوردخی اسلامی  
قبول ایتدیکنک عقینده اسکی قوتلرینی ضایع ایتشلرد رزیرا حضرت  
عمر رضی الله عنه فتح و تسخیر ایلد یکی السکاده اوامر و مناشیر و تحریرات  
رسمیه نک مجموعی عربی لسان اوزره یازلمسنی و مواقع رسمیه ده عربی  
تکلم اولنمسنی امر ایدوب دیگرینی یساغ ایلشد رک کذلک انا طولی  
دیارینه سلجوقیلرک اجدادی ایران طرفندن کلمش اولمغله فارسی  
لسانک غیرنده تکلم اولمسنی منع ایلدی اورخان غازی حضرتلری  
دخی روم ایلی قطعه سنی فتح ایلد کد نصکره اوامر و مناشیرک  
لسان ترکی اوزره یازیلوب انا طولی خلقنک ترجمه تکلم ایتلرینی  
اعلان ایتشد رک کذلک بنی امیه طاقندن اسپانیا قطعه سنی  
اسنیلا ایدنلردخی عربی لسان سویلشلمسنی ترجیح ایلشلرد رزیرا  
پرمیت و دولتک تکلم ایلد یکی لسان حکومت اوملت و دولتک ممالکندن  
خارجه اوله رق نقد رنجاوزاید رایسه حکومت معنویه سی دخی او قدر  
کیتمش عد اولنور بوقاعده یه بناء الیوم روی ارضده میدان الوب



کامر انلق ایدن دولت و ملتلك هر یری بواصولی التزام ایتمکده  
 اولدقلری بوند نصکره یازیله حق جلدلرده یازیله جقدره راجعت بیوریله  
 طوائف عثمانیالك مدت قلیله ظرفنده بیک سنه لك بزانشیوایمپراطورلغنگ  
 ممالکی ایچنده یرلشوب دفع و اخراجی ممکن اوله میه حق صورتده  
 برهیئت عدیملاند راسه وضع اساس ایلد نصکره قوت و نفوذینك  
 تزايد و ترقیسنی دخی بتون بتون بزانشیوایمپراطورلرینك ممالکی اوزرینه  
 حصر ایتدیکی جهتله کیدرك ممالك شرقیه ایمپراطورلغنگ بالطبع  
 محو اوله جغی عصر مذکورده ممالك شرقیه و بزانشیوایمپراطوری  
 بولسان (اندرونیقوس پاله ارغوس) نام ایمپراطوره موجب اندیشه  
 اولد یغندن بو مشکل ایشه برچاره اولق اوزره آسیا قطعه سنك  
 پادشاهی اولان محمود غازان خان ایله مناسبات پیدا ایتکله اولاد  
 واعقابنك اسایش واستراحتنده بقاملا حفظه ایلدیکندن کندوقزینی  
 وافرهدایای رومی و فرنگی ایله غازان خانك خدمته تقدیم ایلدی  
 فی الحقیقه یو بایده ایمپراطور کوزل مطالعه ایتشد راجحق خان  
 مشارالیه مدت قلیله هرورنده فوت اولوب یرینه برادری اوجایتو خان که  
 خد ابنده خان دخی دیرلرایدی جلوس ایلد کده ایمپراطورك قرینه رغبت  
 ایلدیکندن مشارالیهانك خاطرینه حرمة ممالك ایمپراطوریه نك  
 امرای اترک و عثمانیه نك هجوملری ایله نهیب و غارات اولمسنی منع  
 ایچون مونغول طائفه سندن چاودار قلیله سنك بزانشیو طائفه امداد  
 اوله رق یعنی عثمانلو علیهنه اعزانه موجب اولمش ایسه ده عثمان  
 خان بونلره دخی غلبه ایلمش ایدی زیرا تاتارلر کند و پادشاهلرندن  
 ممنون اولدقلرندن امرینی انفاذه دخی غیرت کامله اظهار ایتزلرایدی  
 بو ارالقده خد ابنده خان فوت اولوب یرینه ابوسعید خان جلوس



ایتمش اولغله ایمپراطورک قزی کیر و وطننه عودت ایلیوب استانبولده  
 قانلی کلپسادیلان کلپسای بناید رک کندوسی دخی تارک دنیا اولدی  
 ایوم کلپسای مذکوره یه موحوایودیرلرکه مغولایدوس یعنی مغول  
 طاقنه منسوب دیمک اوله جقد رهرنقد ریزانسو طاقی کند ولرینی  
 محافظه ایچسون درلودرلویوله صاپوب کاه مدارا وکاه جنک ایتک  
 ایسته مشلرایسه ده او عصرلرده بولنان وندیکلورایله جنویز اولر  
 ممالک شرقیه ده اجرای نفوذ کامله ایلک ارزوسنده اولدقلرندن  
 اورالرده یکدیگرک نفوذ واستقلالانی بروجله هضم ایده مبوب برینک  
 نائل اولدیغی امتیازه دیکری دخی بشقه صورتله مظهر اولغله  
 چالشدقلرندن بزانسیودولتنک افکارینی کند و افکارینه جلب ایچون  
 درلودرلوتکالیف شاقه اجرا ایدرلرایدی بزانتن دولتی امراسی دخی  
 کندولرینک بقا ونجاتی ذکراولنان ایکی ملت متغلبه نک حایه  
 دوستانه لری ایله اولور خولایاسنه صیارق انلرک هر نوع مطالب  
 واستدعارینه مساعد لرویرمکده ایدیلرلکن اسکی عادت ودرلکارینی  
 ارایان اسافل ناس ایله رهابین و متعصبین گروهی ملل غریبه طرفنه  
 میال اولنلرایله مخالف اولدقلرندن درون ممالکده طرف طرف مغایرت  
 وفساد ظهور ایتمش ایدی بوملابسه ایله هر والی اهالی ایله برلشوب  
 برطاقی وندیک و برازی جنویز و برکروهی دخی اول جوالی یه برمدتدنبرو  
 مستولی اولان اتراک واکراده خصوصاً عثمانلویله اتحاد واتفاق  
 ایتکده خیر و منفعت ملاحظه ایلدکلرندن هر بری التزام ایلدیکی  
 طرفه میل و محبت کوسترمکله دولت ایمپراطوریه نک هیئت اجتماعی سی  
 طاغملش وقوه حریبه نک دوام و بقاسنه خلل کللمش ایکنینه  
 نخوت موروثه لرینی ترک ایده میه رک کیمسی یونانلو او میروس شاعر



مشهورك ايات تشويقیه سنی یاد و تذکار و کیمی دخی اسکندر کبرک  
ماکد و نلو اولدیغی حالده اقالیم شرقیه یی سراپا فتح و تسخیر ایلدیکتی  
یکدیگری اخطار ایدرک بطش و شجاعته موصوف و محرب اولان  
برملت غالبه به مقابله ایملک سوداسنه دوشمشلرایدی حالبوکه عسکر  
بسملکه الحقه و ایراد و ایراد تحصیلنه دخی مملکت و بلاد قالمامش ایدی

هجرت نبویه نك التیوز سگسان سنه سندن یدییوز یکر می بش سنه سنه قدر  
کذران ایدن قرق بش سنه لک وقایع عمومیه دولت علیه عثمانیه نك  
تأسیس و تشکیلنه باعث اولان عثمان غازی نك وقایع  
داخلیه سی ایله برلشدیریلرک اشبوا یکنجی

جلد ترتیب اولمیشدر




12







سعاد تلو خير الله افندی حضرت تیرینک  
جمع و ترتیب ایلدیکی دولت  
علیه عثمانیه تاربخنک  
اوچنجی جلد یدر







بسم الله الرحمن الرحيم

حمد لا یعد خدا ی بی همتایه و تصلیه بی حد خاتم الانبیایه تقدیم  
قلند قد نصکره (معلوم اوله که بوندن اقدم یازیلان دفتر ثانی سایه  
هما وایه یاد شاهیده رسیده حد ختام اولد یغندن اشبود دفتر ثالث  
دخی غازی اورخان حضر تیرینک تخت عثمانی یه ابتدای جلوسی  
اولان ید یوز یکر می الی سنه سندن تاریخ وفاتلرینه یعنی ید یوز التمش  
برسنه سنه قدر مرور ایدن اوتوز بش سنه مدته کند ولرینک مظهر  
اولد قلری فتوحات جلیله لری ایله امور داخلیه لرینک تفصیلی  
وعالمک جمیع جهات و قطعاً تنده و شارالیه حضر تیرینه معاصر اوله رق  
بولنان بالجمله ملوک اسلامیه و حکمداران عیسویه نک احوال  
مختلفه لرندن یالکز اوتوز بش سنه لک وقایع عمومیه بو محملده علی  
الاجمال بیان اولنور



فصل اول

اورخان غازى حضرت تارينك سري عثمانى به جلوس بيورد قلرى سنه دن  
و فاترينه دك كند ولرينه معاصر اوله رق بولنان ملوك اسلاميه  
و حكمداران و امراء عباسويه نك احوال مختلفه سى بيانده در

سلطان اورخان غازينك جلوسلرى تاريخى اولان هجرت نبويه نك  
يد يوز يكرمى التى سنه سنده سري امارت و سلطنتده بولنان ملوك  
اسلاميه دن اولامقام خلافت اسلاميه ده مستكنى بالله ابن حاكم  
بامر الله عباسى بغداد و قعه سند نصكره مصرده مسند خلافته  
صعود ايد نلرك اوچنجيسى اولوب حكومت مصر دى غلامان اترك  
ايوبيه دن دفتر ثانى سابقده ذكر اولنان ملك ناصر قلاوونك زير  
اداره سنده ايكن سلاله جنكيزيه دن تاتار پادشاهى اولان شهنشاه  
جهان سلطان غازان محمود خانك سوق ايلديكى عساكر ايله شام  
حدودنده واقع حص نام محله محاربه ايد و ب غالب اولد قد نصكره مصره  
عودتده خليفه مشار اليهدن امور اقاليمه دائر بعض مرتبه مداخله  
حس ايلديكندن بشقه خليفه مشار اليه حقنده امر انك ايلديكى افترالرك  
جزاسى اجرا اولمديغى حالده بعض مرتبه او يغونسزلق اوله جغندن  
تسكين فتنه و فساد ضمنده خليفه ي ابتدا قلعه يه قالدير و ب بعد ده  
صعيد مصره نفى ايلدى زيرا خلفاء عباسيه ايله اترك ايوبيه امر اسنك و بلكه  
على الاطلاق مصر و بربرستان اهااليسنك مسلك و مذهب خصوصنده  
بك آشورى مباينتى اولد يغندن هر نقد رعباسيلرك خلافتى خصوصنى  
تصديق و قبول ايدر لر ايسه ده ملاحده اسماعيليه نك بر شعبه سى اولان  
باطنيه قولنده اولد قلرندن عباسيلرك نفوذ و استقلالنى هيچ بروجمله  
چكه مز ايديلر لكن فاطميون طامقى بتكرار فرجه ياب اولماسونلرديو  
بالضر و ربقية عباسيه ي جلب و دعوت ايتشلايى الحاصل ملك ناصر



مشارالیه ید یوز سگز سنه سی اوائلنده امرأ مصره بعض سبیلردن  
 طولانی انفعال ایدوب سلطنت مصردن فراغت ایله کرک حکومتنه  
 قناعت ایتکه رغبت ایدوب حکومت مصر امرأ متغلبه الارینه کچمش  
 ایسه ده اهالی کندوسندن منشکر اولد قلردن تکرار مصر حکومتنه  
 دعوت ایلد کلردن کلوب ایکنجی دفعه اوله رق مقام امارتده قرار  
 اید نجه کندویه مخالف اولان امرأ ارتق مصرده اقامت ایدیه میوب  
 مصرک یوقاروسنده واقع اقلیم صعبده فرار ایلدیلر خواند میرتاریخی  
 روا یتنجه امرأ مصردن ملک ناصره عصیان ایدن سیف الدین  
 سالار وحسام الدین جاشنکیر استقلال سوداسنه دوشوب ملک ناصر  
 مذکوره سوء قصد افکارنده اولد قلمی جهتله کندویه مخصوص  
 اولان کوله لردن ایکی یوز سواری و برقاج یوک زر و جواهر استعجابیه  
 کرک قلعه سنه کیتدکد نصکره اشراف بلده و امرأ جمع اولوب  
 خلیفه عباسی مستکنی بالله حضورینه واروب سریر حکومت شاهان  
 برکیمسه نک توکیل و تعیین اولمنسنی استشاره ایدرک امیر حسام الدین  
 جاشنکیری انتخاب ایلدیلر موعی الیه دخی زمام دولتی عهدۀ مالاره  
 حواله ایلدی اما چونکه بوخیبرک مایه سی قریحه جاشنکیردن ظهوره  
 کلمش ایدی ملک ناصرک طرفندن امین اولمیوب کندو هواسنه تابع  
 امرأ ایله مشورت ایدرک ناصرک طرفنه شوصورتده تحریرات ارسال  
 ایلدی که (افند مز انجیق کندو ولرینک و همملرینه تبعیت ایله بلا موجب  
 سریر سلطنتدن فراغت و اختیار عزالت بیوردیلر اهالی بلده دخی  
 بالضرور بنده لرینه اعتبار ایله خواه و ناخواه دغدغه سلطنته القا  
 ایلدیلر لیکن معلوم همایونلریدر که عواید مصریه نک اکثریسی  
 مکرمه طرف عالیه صرف و خرج اوانوب فضله سی دخی



مهمام محافظه بلاد مصر ف اولانور ايسه ده خزينه مصريه ده  
 موجود و مجتمع اولان اموال و نقود برابر استصحاب اولنماش اولیدی  
 اعدا ايله اوله جق محاربه لك مهماتی اكله پرا ایدی بناء عليه  
 بويابده خصلت ممد و حه ملوكانه لرینه توسل ایدرك عند عالی  
 پادشاهیده موجود و مد خرا اولان نقود مسكو كه دن لوازم جه سادیه  
 اولق اوزره امداد و اعانه بیوراسی كذلك غلام جلالت نظام  
 طائفه سندن خدمت علیه لرینه كافی اولانلرندن فضله سی مرکز  
 دائرة دولته اعاده بیورملق ايله استیلاى اعدادن بنده لرینی صیانت  
 بالآخره ذات دولت لرینه عائد و راجع اوله جخی معلوم عالی ملوكانه لری  
 بیورملق بابنده ديه رك الفاظ مرتبه مصنعه ايله مشحون اولان مکتوب  
 دسایس اسلوب ملك ناصر و اصل اولد قده شویله جواب ویرمشدركه  
 \* جواب \* طرفزدن خزینه و امداد طلبنده بولند قلمری  
 عرض و اعلام اولنمش لیکن خزینه قاهره دن تقل و تحمیل اولنان  
 نقود و اموال کند و موروث پدرمز اولان خزینه لك عشری بیله دكلدر  
 و لك چوق اشیا خزینه عامره ده براقلمشدر كه وقتیه یته سز لردن  
 ارانسه كر كدر ملك اشرف و منصور لك كوله لرندن اون بیكدن زیاده  
 سواری و پیاده خدمت د ولته كمر بسته اطاعت ایكن نان و نمك  
 حقنی اعتبار ايله شمد يلاك بزم یا نمزده ذاتی اختیار ایلان برالای عجزه بی  
 خلاف مرضیه سی اولان خدماتك تكلیفی ايله راحتمسز ایتك دخی  
 لایق سزد ر جوابیله كلانلری اعاده ایلدی ( بونك اوزرینه جاشنكیرك  
 خدمتده اولان امرادخی بعضی مرتبه جانلرندن و ما للرندن امین  
 اولد قلدن ملك ناصر طرفنه فرار ایتكه باشلاد یلر ایدى كرك  
 قلعه سی عسكرمصریه ايله مملو اوغله مصره طوغری عزیمتی تصمیم



ایلدیلر مخالف اولان امرانک بعضیلری علیای مصرده واقع صعیید  
طرفنه کتدکلی زمان جاشنکیر دخی صیداجا بننه فرار ایتیش  
ایدی طوتدیریلوب ملک ناصرک حضورینه احضار اولند قدده قتل  
اولندی یدییوز اون اوج سنه سنده شرفاء مکه ارالنده نفاق ظهور  
ایلدیکندن اصلاح ذات البین ضمنده مکه مکرمه یه عزیمت ایدوب  
کند و سنک قوت نفوذینی اهالی حجازه تصدیق ایتدیرد کد نصکره  
مصره عودت ایلش ایدی یدییوز اون الی تاریخنده تاتار پادشاهلرندن  
اولجایتو خان غلات شیعه نکه ذاهب اولدیغی مذهب عقیده سالک  
اولغله حیصه نام ملحه براز عساکر ترفیق ایدرک مدینه منوره ده  
شیخین مکرمین حضراتنک جسد شریفلرینی قرب مزار رسالتدن  
چیقاروب احراق ایتک اوزره اصمارلش ایدی ایدی عساکر تاتار  
موصل اوزرندن بادیه عرب یولنه طوغرولد قلی مومئی الیه ملک  
ناصرک مسموعی اولدیغی انده بو حادثه شیعه یی دفع ایچون برهقدار  
سوار یله الغار ایدوب ملاحه مذکوره ایله عظیم محاربه لرایدرک  
تاتاره غالب اولد قلرند مذکور حیصه چول طرفلرینه صایوب  
بغداد جانبند هارب اولش ایدی ایدی مرآة کائنات نام تاریخنک  
روایتی یدییوز قرق برسنه سی ذی الحجه سنک اون طقوزنجی کونی  
و منجبه التواریخ ایله اخبار مصر قاهره تاریخنک حکایتی اوزره یدییوز  
اوتوز الی سنه سی ملک ناصر محمد بن قلاوون فوت اولوب یرینه  
اولادندن ملک المنصور ابوبکر بن محمد بن قلاوون پادشاه مصر  
اولش ایسه ده امر اسندن امیر قوصونی خدمت وکالتدن عزل  
ایتمکی تصمیم ایدنجه قوصونی اولجه حرکت ایدوب امرادن بعضیلرینی  
کند و افکارینه الحاق ایدرک پادشاهی مسند حکومتدن خلع



و حبس ايليوب قلاوونك ديكر اولاد ندن ملك اشرف علاء الدين  
اجلاس ايلديلر بودخي صغير السن بولمق ملايسه سيله زمام حكومتي  
امير قوصوني نك دست تصرفنه براقش ايدى عموما اهالى مملكت  
دخي قوصوني نك اداره سندن خوشنود اولمديغندن يديوز قرق  
ايكي شوالنده درون مصرده زور بالق اولوب هم ملك اشرفي  
مسند حكومتدن تنزيل وهم امير قوصوني بي عزل وتنكيل ايدرك  
قلاوونك اولاد ندن ملك ناصر شهاب الدين كر كدن كلنجيه دك  
اشقيا نك امراسي اي طوغش بك مقام وكالته صعود ايلديكندن  
مومي اليهه كون طوغش اولدي ايسه ده ملك شهاب الدين كلد كد نصكره  
اي طوغشي فساد باعث اولدي ديوقتل ايلدي ليكن كندوسي دخي  
اهالى بي خوشنود ايدى جك وجهله افعاله بولنه مديغندن مدت قلايله  
مرورنده شهاب الدين دخي عزل و خلع اولوب بالاخره قتل و اعدام قلندي  
بعده ملك صالح عماد الدين بعده ملك كامل شعبان بعده مظفر بعده سلطان  
حسن يديوز قرق اوج سنه سندن يديوز الى يدي سنه سنه قدر سرير  
امارتى صعود ايلديلر ايسه ده بونلرك زمانلرندى تحرير و تقدير اولنه جق  
امور مهمه دن شايد دقت برشي ظهور ايتيوب فقط درون مصرده  
اليوم مشهور اولان جامع سلطان حسن مشار اليه سلطان حسنك  
اخرخير يدر هدايه شارحي شيخ اكل الدين و غايله البيان صاحبي شيخ  
قوام الدين مشار اليهك عصرنده بولنان علما دندر كذاك بونك  
هنگام حكومتده اقليم صعيدده منفي اولان مستكفي بالله دخي  
اوتوز طقوز سنه خلافتد نصكره هجرتك يديوز قرق سنه سي  
شعباننده فوت اولوب يرينه واثق بالله مقام خلافت اسلاميه يه  
صعود ايلش ايسه ده شعار خلافته منافي حر كته بولنديغندن



مذاهب مختلفه اصحابی اداره ایدیه میوب رتیه رفیعۀ خلافتہ عدم اهلیتی  
 مسلمین شهادتیه تبیین ایلد کدن برسنه سرورنده خلع اولنوب حاکم بامر الله  
 خلیفه اولدی اولدخی اون برسنه خلافت ایتد کدنصکره طاعوندن فوت  
 اولمش ایدی یدیوزالی اوج سنه سنده المعتضد بالله مقام خلافتہ صعود  
 ایتمش ایدیکه اورخان غازی نك وفاتی خلیفه مذکورک عصرنده اولمشدر  
 مصرده بولنان خلفاء عباسیه نك تفویض سلطنت و حکومت ایلدیکنه  
 دأرجلال زاده نك مصر قاهره تاریخنده یازیلان اصول بروجہ آتی تفصیل  
 اولنور شویله که خلیفه عباسی اولان ذات یشل حریر خاادن منسوج فراجه  
 کیوب اوسننه دخی صرمه ایشله سیاه اطلس ایله اورتی وضع ایدر لود یوانده  
 ملوک مصرک اوست طرفنه اوتوروب سلطان انک طرف یسارنده اقامت  
 ایدر بونلرک مواجهه لرنده دخی امر اوارکان دولت و مملکت قیام اوزره  
 طور دقلری حالدہ خلیفه عباسی بولندیغی موقعدن ایکی خطوه ایلرویه  
 چیقوب (ان الله یا امر بالعدل والاحسان) آیت کریمه سیله بر خطبه  
 بلیغه انشا ایل یوب ایچنده رعایایه رحم و شفقت نظر یله باقیلوب یکدیگر ایله  
 حسن معاشرت اولمسنی توصیه ایلد کدنصکره ملک بولنان ذاته متوجه  
 اولوب جمله امور مسلمینی سکاتفویض ایلدم و سنی عسکر اسلامه پادشاه  
 نصب ایتدم امریکه اطاعت ایتیان اولور ایسه جزاسنی شرع شریفه  
 تطبیق ایدرک اجرا ایله دیدیکنک عقینده اولجه حاضر لشمش اولان  
 خلعت فاخره سلطنتی کندو ایله ملکه کید یروب قلیچی میانه ناسده میانه  
 ربط و تعلیق ایدر بعدہ قاضی القضاة مصر هرکیم ایسه دعارسمنی اجرا  
 ایا یوب هر طرفدن تبریک و تسعیده مسارعت اولنور ایدی

نوبت سلطنت جنه کیریه ابوسمید بهادر خانک ناسند اولوب زیر حکومتده  
 بولنان ایالات و اقالیمک اداره سنی امیر چوبان سلاورک ذاته و اولادنه



سپارش ایلش ایدی زیر امیرچوبانک طغوز او غلو ودرت  
 دامادی ایله حفید و حفیده سی اوله رق جله سی اوتوزی متجاوز ایدی  
 براز وقت مرورنده امیرچوبانک کریمه سی اولوبده امیرحسن ایلخانینک  
 عیالی اولان بغداد خاتونه ایلخان اعظم علاقه ایدوب مفتونی  
 اولدیغندن بوملا بسه ایله امیرچوبان ایله پادشاهک اراسنه منافسه  
 وفسادالقا اولندیغندن امیرچوبانی واولادلرینک جله سنی بولند قلمری  
 ایالاتده فرمان کوندیروب قتل واعدام ایتدیروب مومی الیهایی دخی  
 داخل حرمسرای شاهی ایلش ایسه ده خاتون هم پدرینک  
 وهم برادرلرینک افتراقی وهم قوجه سندن ایرلمسی کدریله ابوسعید خانی  
 یدیوز اوتوزالتی سنه سنده تسیم ایلدی بواثناده ممالک ایران دخی  
 بلادروم مثلوطوائف الملوک اولوب عالم هرج و مرج اولدیغی  
 صره ده عدالت ورافت وحقانیت ثمره سی اوله رق اورخان غازیینک  
 درخت سلطنتی برک وبارویرمکه باشلامش ایدی ایمدی بواجمالک  
 تفصیلی شویله اولورکه تولی خان اوغلوار یاخان واید وخالک اوغلو موسی  
 خان وهلا کوخان اوغلارندن محمدخان و سلیمان خان وجهان تیمور خانلر  
 ابوسعیدک فوتندن صکره امر سلطنتده اختلاف ایلدکلرندن یکدیگر  
 اراسنده محاربه اوله رق یدیوز قرق تاریخلرینه دک جله سنک استقلال  
 قالمیوب خانان جنکیریه نک اقبالی زواله ایردی بوارالقده ابوسعید  
 بهادر خالک امر اسندن امیرمسعود که امیراینجونک اوغلو در شیرازه  
 واروب یدیوز اوتوز طغوز سنه سنده دعوائی امارت ایتکده ایکن غازان  
 محمود خاندن هرات حکمدار لغنه منشور تحصیل ایلیان امیرمنظفر  
 شیرازه هجوم ایلد کده مومی الیه امیرمسعود بغداده و برادری امیراسحق  
 دیار بکره فرارایدوب امیرحسن ایلخانک یانده قرار ایلدی یدیوز



الی بدی سنه سی بغداد حاکی امیر حسن ایلخانی دخی قوت اولنجده او غلو  
سلطان او یس بغداد ده پادشاهلق مقامنه جلوس ایتدی و سنه  
مزبوره او ائلنده امیر تیمور یگر می بش یاشنده بولندیغی حالده  
شهر سبز که بو کاش دخی دیر لر والی اولمش ایدی که جهانگیراکی  
و یلدیرم بایزید ایله محاربه لری دفتر خامسده یازمشدر انا طولی قطعه سنده  
دخی جنکیریان اسنیلا سند نصره نیکده دنیلان لارنده وقونیه شهر لرنده  
تاتار پادشاهلری طرفندن والی ولایت روم اولان امیر تیمور طاش  
بعض مرتبه یولسز حرکته بولندیغندن تاتار پادشاهی ابوسعید خاکی  
غضبندن قورقوب فرار ایلدیکی ائنده آل سلچوقک دخی رونق  
واشتهاری منقلب ادبار اولدیغندن ممالک سلچوقیه امراسی مغلبه  
الارنده منقسم اولدی حتی آل قرمان و آل رمضان و منشای آیدین  
و ذوالقدریه حکومتلری دخی دولت سلچوقیه نك زوال و انقراضند نصره  
ذکر اولسان امرای قوم و قبیله لری اعانت و استظهار یله ممالک  
سلچوقیه پی ییئلنده توزیع و تقسیم و هربری مالک اولدیغی مملکتده  
استقلال و عظمت ایله ساکن و مقیم ایکن ایچلرندن آل عثمان حکومتی  
متملقات و خویشانانک تعاضد و اعانتیه ممالک مذکورده استقلال  
و تفرد داعیه سنده بولنان امرای و ملوکک جمله سنه غلبه ایدوب رفته رفته  
توسیع ممالک ایدرک آزوقت ایچنده آسیا و اوروپا قطع دزنده حصه دار  
شدید الشکجه بر دولت جسمیه اولمشدر

ابن کمال تاریخی روایتی اوزره بوماده نك دخی تفصیلی شویله اولیور که  
امیر تیمور طاش ابوسعید بهادر خانک پنجه غضبندن قورتلوق خلیا سنه  
مینی روم امارتی ائناسنده جمع ایلدیکی تحف و نوادری استصحاب  
ایدرک ملک ناصرک سایه سنه التجا ایتک اوزره مصره عزیمت



ایلمش ایسه ده ینه قهر ابوسعید خاندن جاتی قورتارامیوب هلاک  
اولدی یعنی مصره قاچدی قورتلمدی واصل بونک فرارند نصکره  
امارت روم ابوسعید خاتک فرمانیه شیخ حسن جلایره توجیه اولمشدر که  
شیخ مزبور ارغون خان جنکیرینک دامادی و حسین کورکانک اوغلو ایدی  
بو ائنده هجرتک یدیوزاوتوزالتی سنه سی ابوسعید خان وفات ایدنجه  
شیخ مشارالیه امارت رومی امرء چغتایک نامدار لرندن امیر ارتتایه  
حواله ایایوب کندوسی نواحی عراق و عجمده چوبانیان بقیه سیله  
مقاتله یه آغاز ایلدی زیرا شیخ حسن جلایره که ایلخانی دخی دیر لر  
شهرزادکان جنکیریه دن کیمخاتونسندن جهان تیمورخانی مسند خانیده  
نامدار و چوبانیان اولادندن اولوبده مصرده فوت اولان تیمور طاشک  
اوغلو شیخ حسن کوچک دخی هلاک و احفادندن سلیمان خانی  
مقام سلطنتده پیدار ایتکه اصرار ایلدکلرندن ماینلرند ه آتش جنک  
و جدال اشتعال بولوب نهایت الامر شیخ حسن جلایره مغلوب  
اولنجه یدیوزاوتوز طقوزتار یخنده بغداده فرار ایلد کده فرزندار چندی  
سلطان او یس بغداد حاکمی ایدی پدرینک بغداده ورودنده حکومت  
بغدادی بالطوع و الرضا پد رینه فارغ اولدی ایمدی چوبانیانک  
سرکرده سی دخی بالاده ذکر اولندیغی اوزره امیر تیمور طاشک  
اوغلو شیخ حسن ایدی که ابوسعید خاتک فرمانیه کماخ قلعه سی  
محبسده طیقیلوب مضیق حقارت و اضطرابده صیقلمش ایدی  
تاتار پادشاهی مشارالیه ابوسعید خاتک فوتند نصکره حبسندن  
بر تقریب ایله خلاص اولوب بغداد حاکمی مومی الیه شیخ حسن  
جلایره بعد الغلبه اذربایجان و عراق حاکم مستقل ایکن یدیوز قرق  
درت سنه سی عیالی ملک عزت خاتونک غدیری ایله فوت اولد قده



حکومت عراق واذربایجان عمی زاده سی ملک اشرفک نامنه قرائت  
اولدی ایشته مومی الیه ظالم وجبار اولدیغندن قاضی محی الدین  
بردعی نک تشویقیله پادشاه دشت قبیحاق جانی بک خان عسا کر فراوان  
ایله طاغستان حدودینی جنک و آشوب ایچون اذربایجانیه هجوم ایدرک  
خاندان چوبانیانی بی نام و نشان ایلیوب اورالینی فرزند ارچندی  
بردی بک خانه ویردی مدت قلیله سرورنده چانی بک خان دخی عازم  
محلۀ خاموشان اولنجده بردی بک خان اخی خانی اذربایجانیه وکیل و قائم مقام  
اولق اوزره براغوب کندوسی سلطنت اقلیم دشت ایچون عزیمت  
ایلدی ایسده مومی الیه اخی خان بک غدار اولدیغندن بغداد حاکی  
سالف البیان شیخ حسن جلایرینک اوغلو سلطان او یس اخی خانک  
اوزرینه عسا کر کثیره ایله هجوم ایدوب اعدام ایدرک عراق واذربایجانی  
دخی حکومت بغدادیه الحاق ایتکله عراق عرب و عجمی و دیاربکری  
ونواحی کردستانی ضبط ایله حوالی مذکوریه بربرینه ربط ایلدی  
والی روم اولان ارتنا بک آرقرمانک معاونتیه چوبانیلری ارض رومدن  
دفع ایتدیلر قرمان بکک اوغلو محمود بک مصر سلطانی ملک ناصرک  
امداد و اعانه سبله لارنده بی و نواحیسنی حوزۀ حایته الدقد نصکره  
جلایریله اطاعت ایدوب قونیه و جوارنده بولنان دیاره مالک اوله رق  
ورساق و طورغود و صماغار او عشیرت لرینه دخی صاحب اولش ایدی  
کتاب سابقده اجمالایسان اولدیغی اوزره هندستانک جهات  
شمالیه سنده فرمان فرما اولان سلطان علاءالدین فوت اولدیغی  
اثنا ده ولی عهدی بولنان خضر خان هزار دینارینک حبسنده  
بولنق ملا یسه سیله دیگر برادری شهاب الدین سریر حکومتی  
بعد التحصیل حبسخانه ده برادرینک کوز لرینه میل آتشین چکهرک



حق حکومتی اسقاط ایلد کد نصره کند وز عمنجه استقلال  
کامله نائل اولدی ایسه ده ایکی آی سرورنده دیگر برادری قطب الدین  
ظهور ایدوب مومی البهی خلع و عزل ایلوب کندوسی پادشاه هند  
اولدی درت سنه سرورنده امر اسندن خسرو خانک رأیله قتل  
اولوب کندوسی ناصرالدین نامیه تخت سلطنته جلوس ایلد کده  
حکمدار فاملیاسندن اولان فریدخان ایله منکوخانی دخی قتل ایتمکله  
امراسنی کندوسندن دلگیر ایلد یکی جهته برتقریب ایله خسرو  
خانی طوئوب پاره پاره ایدرک بیچاره لک انتقامنی الدیلر بوملا بسه ایله  
دولت خلجیه دخی قرین زوال اوله رق دولت تغلقشاه ظهور ایتشد ر  
شویله که خسرو خانی قتل و اعدامه سبب اولان امرادن مبارکشاه که  
بوکاترک لسانده قتلشاه دیرلر کثرت استعمالدن تغلق اولمشدر  
هجر تک یدییوز یگرمی یدی سنه سنده خسروی قتل ایلد کد نصره  
علاء الدینک اولادندن دخی کیمسه قالمامش اولدیغندن کندوسی  
دهلیده اعلان جلوس ایلوب بعده بنکاله طرفلرینه جنک ایچون  
عزیمت ایلدی لکن برکون کندوسی قصرده مشغول عیش و عشرت ایکن  
دیوار ییقلوب التده قالدیغندن او علی غیاث الدین محمد تغلق شاه  
لقبی ایله یدییوزاللی یدی سنه سنده هند پادشاهی اولدی بعد الفوت  
همشیره زاده سی فیروزشاه دهلی نامشهرده اعلان حکومت ایلوب  
فیروز آباد نام شهری دخی بنا ایلدی که شهر مزبور فی الاصل سامانه خلقنک  
جمعیتکاهی ایدی سامانه خلق دیدکاری دخی سامان اسمنده برینک  
کونشه طایمق اوزره اختراع ایتدیکی مذهبه تابع اولانلره دینور مذهب  
مذکور برهنه ملک اصولنک غیریدر

اشبوتار یخده هر نقدر معاصر لک احوالی تفصیل اولمق مراد من



دكل ايسهده بعض وقايعك دقايق ونكاتندن ايضاح ايتك اوعصرك  
 احوالني لايقيه بيلديره جكندن بشقه دولت عليهك دخی كسب  
 تميز وعظمت ايلسنه فصل سبيلك اعانه سي اولديغي اكلاشيله جخی  
 جهتيله تفصيلاتنه شروع اولور دفتر ثابده ذكر اولمان آل قرمانك  
 ابتداسی نور صوفيدر كه هزارفن تارینی روايننه نظرا اشبونور صوفي  
 ارمني الاصل ايكن مسلمان اولد قد نصكره صوفيون طريقنه سلوك  
 ايدرك مشهور اولمش ایدی بونك قرمان نامنده براوغلواولوب سلطان  
 علاء الدينك دولته امير اخور اولدی بواشاده نور صوفي سلفكه شهريني  
 ارمنيلردن حيله ايله ضبط ايدوب قلعه يي فتح ايلديكي سلطان علاء الدين  
 سلجوقي به اخبار اولند قدده سلفكهك حكومتني قرمان بكه توجيه  
 ايدوب كشور كشالق خصوصني سپارش ايلديكي حالده لارنده يي  
 دخی الحاق ايدرك امير قرمانی كندويه داماد ايلدی اشبو قرمانيله  
 بعضيلر بابايلردخی ديرلر كه جنكيز فتنه انكيزك شرندين بابا الياس ايله  
 كلمش برطاقم خرسانيلردن عبارتدر خلاصه كلام نورالدين صوفينك  
 اوغلوانقراض سلاطين سلاجقه د نصكره قونيه شهريني اسنيلا  
 ايدوب امراء اراسنده كامكار اوله رق نامرينه خطبه قرائت وسكه  
 ضرب ايتدر ديلر طومانچ طاغلرينك بر قسيميله ادرميد حواليسندن  
 از مير نواحيسنه قدر يعنى بروسه قضايله كوتاهيه وايدين اراسنده  
 بولنان اراضي دخی سلاطين سلجوقيه دن مسعود ابن عزالدين  
 كيكوس كوله زندن قره سي نام امير شهيرك حكيم وتصرفنده اولوب  
 سلاطين مشار اليهمك نسلاري منقرض ود ولتلي مضمحل اولد قدده  
 امير مذكور زير حكمنده اولان اراضينك قضا وقراسنه كند ونامني  
 نسبت ايدرك قره سي ايلي عنوانيله دعوای استقلاله قالمش ایدی



شویله که قره سی ایلی د نیلان سنجاق دخی سلطان مسعود سلجوقینک  
کوله لرند ن قره سی عجلان بک نامنده برامیرک اداره سنده اولوب  
کرك عثمان غازی و كرك اورخان غازی نك شك شوكت دولتلی  
کوندن کونه فیض وظفره مقرون اوله جغنی بیلد یکنندن مشار الیهم  
حضراته رعایت ایدوب حسن معامله اتمکدن خالی دکل ایدی  
هجرتك ید یوز اوتوز بش سنه سنده میرمذکور ایکی اولادینی ترك  
ایدرك فوت اولغله قره سی الکاسنك امارتی خصوصندن طولایی  
ذکر اولمان ایکی برادرلرك اراسنده نزاع اولد یغندن کوجک  
قرنداشی طورسون بک اورخان غازی نك سایه حایته التجا ایلدی  
مدت قلیله هرورنده مومی الیه طورسون بک فوت اولوب قره سی  
ایلنده حاکم اولان بک دخی سلطان اورخانه عصیان اتمکله عاقبت  
الامر دولتی لندن کیدوب امارتی شهزاده سلیمان پاشا یه  
توجیه یورلدی

دفتر ثانیده ذکر اولاند یغی اوزره آل سلجوقک انقراضند نصکره  
ایالت بکارینک یعنی صارو خان بک مغنپسادن برغمه یه دک آیدین بک  
ازمیری کوتاهییه یه قدر کرمان بک کوتاهییه ایالتی وقره سی عجلان بک  
بیغا و جنفاق قلعه سی بو غازی نه دک ومنشایک دخی ایالتلوع ولفکه  
حوالسنه قدر ضبط ایلد کلری اثناده قونییه دن انقره یه وسواسه  
وارنجه وسینوب وقسطمونی طرفلریده تاتارلر حکمی التنده قاله رق  
سلطان ارتنا نك اداره سنده ایدی آل قرماندن دخی محمودبدالدین بک  
هجرتك ید یوز اون یدی سنه سی فوت اولوب مقام حکومت یخشی  
وسلیمان بک نامیله ایکی برادرلره قالمش ایسه ده یخشی بک قونییه ده  
تخت قرمانه جلوس ایدوب نامنه خطبه قراءت وسکه ضرب ایتدردی



امراء مذکورہ دن محمود بدرالدین بک وارتنا بک و گرمیان  
و حمید بک بک ہر بریسی تا تار ایلہ عربک یعنی تبریزیان ایلہ شامی  
و مصر یلرک اناطولی قطعہ سی اوزرندہ نفوذ و غلبہ لرینک تا تیراتی  
کند و ادارہ داخلہ لریلہ موازنہ ایدرک گاہ مصریون و شامیان  
ایلہ گاہ تبریزیان ایلہ برلشوب تابعیت و استقلال اراستندہ بولندہ رق  
حقوق امارتی محافظہ ایدر لر ایدی بحرسفیدک اطہ لر دگری تعبیر  
اولنان محلہ ساحل اولان منشأ و آیدین و صاروخان و قرہ سی الکاسندہ  
بولنان امرادخی کند و مملکتلرینک ایچلرینہ قارشمش اولان روم  
طائفہ سندن خصوصاً اطہ لر اسنیلا ایدن و ندیک بک لردن  
احترار اوزرہ اولوب قرہ سی و آیدین بک لرینک دخی روم ایمپراطورلری  
ایلہ لاتین و وندیک فرنگلردن فرار ایدرک بیغا و ازنیق طرفندہ  
بولند قلری زمانلر دہ بینلرنده مناسبات حاصل اولد یغندین  
ایمپراطورلرک بتکرار استانبولہ نقللرنده امراء مذکورہ نک دخی خیلمدن  
خیلی امداد و اعانہ لری اولمشدر

چونکہ روم ایمپراطورلری حکمندہ بولنان ایالتدہ بوندن اقدام لاتین  
و وندیکلو اهل صلیبک ہجرملری ملابسہ سیلہ بلغارو صرب و اسلاو  
یعنی خروات و ازبود قراللری ظہور ایتکلہ حکومت ایمپراطورینک  
حوالی مذکورہ بہ حقوق شاملہ سنک قوتی زائل اولوب یالکز کند و  
ملتہ منحصر اولد یغندین ہیئت حکومت متفتت اولہ رق علامت  
انقراض و انحطاط باشلامش ایدی بناء علیہ ہیئت دولت متمزق  
و پراکنده اولد یغندین خاندان ایمپراطوری دخی ایکی فرقہ اولوب  
قانتاقوزن فاملیاسی ایدین اوغلو امور بکی دعوت پالہ لوغ فاملیاسی  
دخی اورخان غازی حضر تلردن استمدادہ نیت ایتلملردر کہ تفصیلی



اورخان غازينك وقايعي صره سنده ذكر اولنور غازي امور بك كه  
 ايدن بك اوغلو اولوب ازميرده حكومت واقامت ايدرايدى ميلادك  
 بك اوچيوز اوئوز بش سنه سى يعنى هجرتك يديوز اوئوز بش سنه سنده  
 تمش بش قطعه شالوپه دوتادوب مريخ نهري اغزينك قارشوسنده  
 واقع ساموتراس يعنى سمارك اطه سنى اورد قد نصكره روم ايلي  
 يقه سنه يناشوب كوهى جنبه يولنه عساكرىنى سوق ايلدى بوانشاده  
 روم ايمپراطورى اختيار اندرونى فوت اولغله يرينه جالس اولان  
 يوناني پاله لوغ صاروخان وايدن بككريله مصالحه يه طالب اولدى  
 والحاصل غازي امور بك وكنندوسنه هميا اولان اون بك قدر مرد  
 ميدان ونايله يكي شهر اوواسنه طوغرو اقينلرايتكده ايديلر  
 بووقعه نك تفصيلي قانتاقوزن تاريخنده شويله بيان اولمشدر كه  
 موسى اليه امور بك اوچيوز ايلي شالوپه ويكرى سكرى بك عساكر  
 ايله ازميد دن قالقوب روم ايمپراطورى ژان پاله اوغك عليهنه اولق  
 اوزره قانتاقوزنك امدادينه كله رك هبرنام نهركه شمدى نهركه مريخ  
 ديرلرلك كارينه عساكرىنى چيقاروب كنندوسى ايكي بك قدر كزيده  
 عساكرى ويكرى سكرى بك امداد جى عساكرى استصحاب ايله رك  
 ديمتوقه طرفنه عزيمت ايلدى قانتاقوزنك اشبو امدادى قزانق دن  
 صكره صرب قرالى دخی اتحاد واتفاهه جلب ايچون لاجل الملاقات  
 صربستان حدودينه كيتمك ملا بسه سيله عيالى ايرنه نام  
 ايمپراطور يچه بي ديمتوقه ده براقش اولد يغندن موسى اليه امور بك  
 ايمپراطور يچه ايله ملاقات ايليوب شهرى محافظه ايلك اوزره اونبك  
 نفر براغوب كنندوسى قانتاقوزنى ككوند رمله كتمدى خره نام شهره  
 وصولنده اعيان شهر قانتاقوزن طرفندن ساخته مکتوبلر ايله سيله



امور بکی عزیمتدن منع وتوقیف ایلد کلرندن عودت ایلیوب ساحل  
یولیه نهره زبورک پیشگاهنده یلکن اوزرنده بولنان سفینه لک خلقندن  
اوجیوز واطرافدن اخذ واغنام اولنان اسیرلک جمله سی برکیجه  
زیاده صغوق اولق حسبیه طونوب هـ لاک اولد یغندن بشقه هم  
موسم محاربه نک هر ورایتسنه وهم قانتاقوزنک صر بستاندن کیج  
کلسنه مبنی کله جک سنه نک اول بهارنده کله جکنی وعد اید رک  
ایمپراطور یچده خبر کوندروب رخصت الد قد نصکره کیلره بنوب  
صوب مقصوده روان اولدی انجیق اچق صولرنده یک شدید  
برفورطنه یه تصادف ایلیوب سفاین موجوده سندن یالکز ایکسی  
تلف اولوب بقیه سی دخی اغریوز جزیره سی ساحلارینه دوشوب  
اورادن کار سلامتی طوته رق اولیمبوس طاغری اوکلرندن سلا نیک  
کورفرزینه کچوب برمناسب موقعده دحر اتوب قالدیغی ائاده  
بالتصادف قانتاقوزن دخی صر بستان طرفندن عودت ایلیوب سلا نیک  
خلقنه کند وایمپراطور لغنی تصدیق ایتد رمک افکار یله حوالی مذکوریه  
وصولنده ذکر اولنان سفاین ایله امور بک دخی کلمش بولندیغندن سلا نیک  
شهرینک ضر باوحر باو یاخود محاصره ایله تضبیق اولنمسی خصوصی  
مشاوره اولوب عندلرنده زهد وعبادتله شهر تیاب اولان دیمتری نام راهبک  
روحانیتنه حرمة حرب وضر بی ترک ایلیوب محاصره ایله تضبیق ایتکه  
قرار ویریلدی میرمومی الیه سفاین موجوده سنی کیرو محلارینه اعاده  
ایلیوب کندوسی عساکرینی استصحاب ایلیه رک قانتاقوزن ایله برلکده  
سلا نیک محاصره سی ماده سنی ترک ایله ساحل یولیه یدی کونده  
قریستو پولیس معبرندن کچوب دیمتوقه یه مواصلت اولندی بواشاده  
روم ایمپراطوری بولنان یوانی پاله لوغوس مومی الیه امور بکه



التي بيك يالد يزالتوني هديه اوله رقي ارسال ايتكله امور بكي كندو  
طرفه ميل ايتد يروب طرفدار لغني قزانمش اولد يغندن ميرمومي اليه  
كندو الكاسي اولان از مير و آيد ين حواله سنده جنويز لولرك هجوم  
ايلك احتمالي اولد يغني بهانه ايدرك سنه آيه ده كلك وعدي ايله  
صوب مقصوده يادبان كشاي عزيمت اولدي انجق جنويز ووندك  
وقبرس قرالي و ردوس شواليه لري بالا تفاسق از مير هجوم ايليوب  
ميرمومي اليهك دوتاسني دخی ياقه راق شهر مزبوري تسخير ايلد يلر  
امور بك مستولي اولان فرنكلرايله بش سنه ايچون مصالح اولد قدن  
صكره ايمپراطورلق دعواسنده يابرجاي ثبات واقدام اولان قانتاقوزنه  
اعانه ايلك اوزره بتكرار روم ايلي ساحلنه كچمكه نيت وارزو ايتمش ايسه ده  
دكزدن كچمكه جنويز لولرك استيلا سندن يول بوله مد يغندن بالضرور هم  
جوارو هم حدود اولديغي صاروخان و قره سي بكلك الكا سندن  
مرور ايدرك كليبولي بوغازندن عبور ايتكه قرار و يروب اولو جهله اجرا  
ايلدي لكن يوناني پاله لو غوس كندويه وصايت وامور دولته نظارقي  
ملا بسه سياله سرير حكومه رقيب وشريك اتخاذا ايلديكي قانتاقوزنك  
كيدومضرتندن پيرامن دامن سلطنتي محافظه ايچون صاروخان بكي  
كندوسيله اتفاقه دعوت ايليوب ميرمومي اليه دخی قبول واجابت  
ايلديكندن كندو ممالكي ايچندن قانتاقوزنك اعانه سنه كيده جنك  
امور بكلك رفاقتنه ممالك ايمپراطوريه يه خسارت ايتد يرمامك اوزره اوغلو  
سليمان بكي عساكر كشيده ايله رفيق ايدرك اعزام واسرا ايلدي  
مومي اليه يوناني پاله لو غوسك والده سي ايمپراطور يچه (انا) دخی كندو  
قزلرندن بريسي ياخود كندو وتغسني سلطان اورخان حضرتلرينه عقد  
ونكاح ايله حضرت پادشاهي كندو طرفلرينه حلب ايلك افكاري



ایله امداد طلبنده اولدقلرندن اون ییک قدر پیاده و سواری ایله مشارالیه  
 حضرتلری دخی قانتاقوزن علیهنه اولقی اوزره امداد و اعانه ایلدیلر  
 بوارالقدیه سلیمان بکک عساکری امور بک طرفندن اغفال اولنه رق  
 قانتاقوزن طرفنه نهانی جلب و میل ایتدیرلمش ایدی بواثناده  
 سلیمان بک دخی بیوک حکمجه قریبنده وفات ایتکله صارو خان  
 عساکری اچقدن اچغه قانتاقوزن طرفدارلغنه باشلا دیلر لکن  
 قانتاقوزن فسون و حیلده مهاریتلی اولدیغندن سلطان اورخانی  
 دخی کند و قزلرندن بریسنی عقد و تزویج ایلیه رک کند و طرفنه میل  
 و جلب ایلادی یوانی پاله اوغوس دخی قانتاقوزنک تسلط واسئیلایسندن  
 خوف ایدرک اکا بردن قریسو اوراس نام ذاتی قانتاقوزن بهانه سیله  
 روم ممالکنه طرف طرف مستولی اولان ترک و عثمانلو طاقنک  
 مضرتندن شرق ایمپراطورلغنی حایه ایچون فلورانس وندیک و پادوا  
 و روما نام محاربه ارسال ایله اعانه و امداد لرینی طلب و دعوت ایتکده ایدی  
 بنی ایوب شعبه سندن اوله رق حانام بلده نک حاکی الملائک المؤیدر که  
 بوکا ابوالفدا دخی دیرلر ملک مظفر محمودک یرینه هجرتک التیوز  
 طقسان بش سنه سی صعود ایدوب یدیوز اوتوز برسنه سنه قدر اهل  
 صلیب ایله عظیم محاربه لر ایتدیکندن بشقه کندوسی اصحاب  
 علم و معارفدن اولمغله مؤلفات کثیره سی واردر خصوصاً فن تاریخده  
 برکوزل کتابی ایله جغرافیادن بر اثر معتبری اوروپا لورک نظرنده  
 مقبول اولدیغندن افریقا و آسیا احوالنه دائر بک چوق معلومات  
 روایت اولنور غازان محمود خان ایله ملاک ناصرک محاربه لری زمانده  
 دخی پولنیقه لی طاووراندیغندن طرفینک حسن نظرینه مظهر  
 اولمشدر بو حال ایله سنه مذکورده اوا خرنده فوت اولوب یرینه



افضل علی نام او غلو جلوس ایتش ایسه ده پد رینک اتخا ذ ایلدیکی  
اصولی اداره اید ه مد یکندن زمام حکومت مصر یون انه کچوب  
کندوسی ید یوز قرق التی سنه سی شامیلر اراسه ده مقتول اولمغله  
بنی ایوبک شعبه سی بتون بتون محو اولدی

خراسان حواله بسنده دخی سلطان رکن الدین سلجوقی نک کریمه  
زاده لرندن اوله رق چنکیر خاتک فرمانیه بر حکومت صغیره تشکل  
ایتش ایسه ده نصب و عزلاری خانان چنکیریه النده اولدیغی حالده  
نوبت حکومت شمس الدین بعده حافظ غیاث الدین بعده معزالدین  
ابوالحسن نام ذاتلره انتقال ایلدی

افریقا قطعه سنک بر برستان دنیلان سمته ده واقع الکاد ن تونس  
طرفلرند ه ملوک بنی حفصه دن ابوبکر بن عبد الرحمن ید یوز طقوز  
سنه سی امراء النده مقتول اولدیغی زمان ینه خاندان حفصه دن  
ابایحی ذکر یا مصر ده بولمغله مصر سلطانی قلا وونک امداد یله  
کلوب ابوبکرک قاتلنی اخذ و قصاصا قتل ایلد کده امیر مقتولک  
برادر ی کند ویه طرفدار پیدا ایدرک ذکر یا اوسننه هجوم ایدوب  
عساکرینی پریشان ایلدکلرندن مومی الیه ذکر یا خوفه تابع اوله رق  
اقلیم مصره فرار و رجعت ایتکله عمری آخر اولنجه یه قدر اسکندریه ده  
ساکن اولوب سلطان مصر طرفند ن تعینات و قوناق تخصیص  
اولندی مومی الیهک فرارند نصکره اچقده قالان تونس تختیه ینه  
خاندان حکمداریدن ابویحیی نام ذات جلوس ایتش ایسه ده اسکندریه ده  
مقیم اولان ذکر یا حکومت و سلطنت خصوصنده مایوس اولنجه  
امراء ممالکی لطائف الحیل ایله تحریک و فساد صایوب کندواوغلو  
محمدی مهدیه نام شهرده حکمدارلغله قبول ایله اعلان ایتدرد کده



اورالده عظیم اختلال باشلیوب اهایلی ایکی طرف اولد قلرندن  
 ابویحیی ذکر اولنان محمدایله محاربه یه قیام ایلمش ایسه ده مغلوب  
 اولد قدده افریقانک بربرستان دنیلان سواحلی بتونجه مومی الیهک  
 تحت حکمنده قالمغله الکای مذکوره ده بلامانع هجرتک یدیوز قرق  
 التی سنه سنه قدر حکومت ایلدی سنه مذکوره اوآخرنده مومی الیه  
 محمد فوت اولنجه مغلوب اولوبده ترک دیارایدن ابویحیی بتکرار کلوب  
 تحت تونسہ جلوس ایلدی فقط تونس الکاسیلہ فاس یعنی مغرب  
 اقصى دیمکله معروف اولان الکانک اراسنده الیوم جزایر الکاسی  
 وایالتی اعتبار اولنان یرلرده تلمسان حکومتی الیه قسطنطنیه بکلیکی  
 واریلدی که حکمدارلری فاس پادشاهلری طرفندن نصب اولنورلرایدی  
 تلمسان شمدیکی وقتده جزایر قطعه سنک شهرلرندن معدود در  
 خلاصه کلام فاس ومراکش الکاسنده دخی ملوک بنی مریندن  
 ابوسعید عثمان بن یعقوب یدیوزاوتوزایکی سنه سی فوت اولد قد نصکره  
 اوغلو ابوالحسن علی حاکم فاس ومکناس اولدی مومی الیه ابوسعید  
 فوت اولد قد نصکره دفترداری اولان حسون بواقک ابن خلدونه  
 عرض ایلدیکی دفترده اوغلو ابوالحسنه دور وتسلیم اولنان نقود  
 واموالک یکونی بریلیون و اوچوز قرق درت ییک کبسه لک التون ایدی  
 مومی الیه ابوالحسن دخی مبالغ مذکوره نک اوستنه ضم ایلیوب اون درت  
 قطعه خزینه جمع ایلدی ایسه ده عمیسی یوسفک قدم واستحقاقی  
 اهایلی طرفندن دهها زیاده قبول واعتراف اولندیغنه مبنی مذکور علی  
 خلع اولنوب یوسف اجلاس اولنش ایدی مومی الیه یوسف یکرعی  
 برسنه قدر حکومت ایتمش ایسه ده وهام ووسواس اولدیغندن  
 امرایله قرناسنی مخالفت اوزره طومغی کندوسنک دوام سلطنته



و سیه اتخاذا یش ایکن تلسان محاصره سنی امر انک خاطر لرینه  
 مبنی اختیار ایتدیکندن مخالفین بوماده دن طولایی کو جنوب قتل  
 ایشلردر بعضیلردیر لر که تلسان شهرینک محاصره سیه  
 فتحند نصره حکمدار لری اولان بنی عبد الواد طاقندن سلطان  
 اشغینک خزینه سنده مسکوک و ناه مسکوک اوجیوز قنطار دن زیاده  
 زر خالص العیار و سائر اکا مناسب تحف بيشمار موجود اولغله جمله سنی  
 اخذ و قبض ایلیوب امرایی یهوده چالشدیرد یغندن غنیمت  
 مذکوریه حصه دار اولیانلر انفعال ایدوب اهلاک ایشلردر  
 مومی الیه یوسف اسپانیا الکا سنده قالمش اولان عربلر ایل برلشمک  
 ایچون چوق خبرلشمش ایدی اما مقتدر اوله مدی یرینه اوغلو  
 ابوسالم قائم اولمش ایسه ده اقر باسندن اولوبده سوس نام ایالتک والی  
 و حاکمی اولان ابوثابت سلطنت خصوصنده استحقاقی کندوسنده ده  
 زیاده بولمش اولد یغندن بشقه هوا عید کثیره ایل طوائف عساکری  
 کندو طرفنه میل ایتدیروب ابوسالم اوزرینه خروج ایدرک مومی الیهی  
 قتل و اعدام ایتکله فاس اقلیمه مستقلا پادشاه اولدی انجق خاندان  
 حکمداری بونک قهر و شرنندن طاعیلوب مکبسی صحرا جاننده  
 بولان عرب شیخلرینه التجا و مکبسی دخی طانجه و اوقیانوس اطلس  
 ساحلنده اولان قبائله دخالت ایدرک اختفا ایلدیکندن زماننده  
 ممالک و اقالیمک اوتیه سنده و بروسنده قیل و قال واختلال اکسک دکل ایدی  
 بو حالده مومی الیه یدیوز الی یدی سنده سنده فوت اولوب یرینه  
 خاندان حکمداریدن ملک سلیمان جلوس ایدوب بدعت و مظالمی  
 رفع ایدرک عدل و داد ایتکله ذکر اولان قیل و قال هر نقدر برطرف  
 اولمش ایسه ده دولترینک بطانئه احوالنه دشمنلری واقف اولدقلرندن



بشقه اهلینک فقر و ضرورتنه خزینه حکومتده مدخر اولان نقود  
مسکوکه نك اصلا فائده سی اولیوب بلکه ضرری اولمشد که بونک  
بقیه سی دفترابعده تفصیل اولنور

اسپانیا احوالنه دائر کرک مقدمه ده و کرک دفتر ثانیده یازیلان واقعه  
فاجعه نك بونکابده تفصیل و ایضا حی هر نقدر اسکی درد لری تازه لیوب  
عرق حیت ملایه بی تحریک ایدر ایسه ده فن تاریخدن مقصد و مرام  
وقایع اسلامیه اخلافك کسب اطلاع ایتسیله حوادث سابقه بی  
حاضر هیه تطبیق ایدرک هر شیده متبصرانه طاورانلمغی  
موجب اولمغله اولمشدن اوله جقلره حکم و استدلال اولنور یوخسه  
تاریخ اوقومقدن مرام اووقتی بیلک و یاخود کند و وقتی مشغولیتله  
کچورمک دکلدر القصه اور و پانک جنوب غربی سنده واقع اندلس  
واسپانیا قطعه سی هجرتك طقسان ایکی سنه سی رجبه بشنچی کونی  
طارق بن زیاد نام سر عسکر عرب واسطه سیله فتح اولمغله باشلا یوب  
ممالک شرقیه ده دولت عباسیه نك ظهور و استقلالی ملا بسده سیله  
دولت امویه برکشته و پریشان اوله رق امویه امراسیله خاندان ملوکدن  
هشام اشبویکی فتح اولنان اندلس قطعه سنه کچوب انواع فوز و ظفره  
مقارنتله بشیوز سنه قدر یعنی هجرتك التیوز تاریخلرینه دك عربلرک  
شوکت و اقبالی اورالرده توسع ایدرک بتون اسپانیا قطعه سیله پورتیکر  
الکاسنی و فرانسه نك سمت غربی و جنوبیسندن خیلی اراضی دخی  
تسخیر ایدیلوب اونیش یکر می ملیون اهالی اسلام ایله بر قاج حکومته  
تقسیم اولمش ایکن برار القده افریقاده مغرب الاقصی دنیلان فاس  
و مکناس حکمدار لری ایله ینه حکومت خصوصندن طولانی اهالی  
بیلرنده رقابت و خصومت دوشه رک قطعه مذکور ه نك سمت شمالنده



واقع استوری طاغلرینه و پرینه طاغلرینک سلسله لری اطرافند  
 فراریدن اهالی اصلیه و غوت طائفه سنک ضبط و ربطی  
 خصوصنده اولان اهمیت بر اغوب هر قبیله بر مذ هبه ذاهب اولدیغندن  
 ارالنده مذ هب و اعتقاد د عواریله محاربه لراکسک اولیوب تمکن  
 وعصیتک اس و اساسی اولان اتفاق و اتحاد ماده لری خاطر دن  
 چیقارلدیغندن والی وقاعدلرک هر بری خاندان سلطنت و خلافت  
 کسب تقرب و اتصال ایتدکلرندن القاب مخصوصه خلافتی ینلرند  
 تقسیم ایدرک د عوای استقلاله قالقوب کبسی لئون و اراغون  
 قرالارینک و کبسی دخی ناوار و قستل حکمدارلرینک هجوم متفقانه لریله  
 بی نام و نشان و برطاقلری دخی ینه کند ولرینک جمله حسودانه لری  
 ایله بریاد و پریشان اولدقلرندن من القیم حکمران بلده اولان امرای  
 نصاری یرلوسی بولنان رعایا ایله بر اشوب محکوم ایکن حاکم اولدقلرنده  
 عکس قضیه ظهور ایدوب ممالکک نصفندن زیاده سنی عربلرک  
 الارندن الدیلر (مور) تعبیر اولنان مغاربه طائفه سی کرودمتغلبه یه تقلید  
 و اتباع ایله مماشات و مدارا یولنی وسیله اساس ظن ایتشلر ايسه ده  
 کند و حققلرنده رزالتدن بشقه هیچ بر شئی مفید اولمدی بوارالقد  
 اندلس اهالیسیله افریقالو بر بر قبائلی بعض دفعه بر اشوب اسارت  
 ورعیه کرفتار اولملر ایله خفی خبر اشوب برازاراضی بی شهر و قراسی  
 ایله اسپانیالوردن استرداد ایدرلر ایدی ايسه ده تملک و تفوق ماده سنده  
 حققلرینه راضی اولیوب ینلرنده شقاق و اختلاف پیدا اولدیغندن  
 نائل اولدقلری مظفریتک شهرت فاخره سنی دخی در حال ضایع  
 ایدرلر ایدی اهالی قدیمه سی دخی کند و اجداد لرینک التیوز سنه  
 اول اوغرامش اولدقلری هزیمت و مغلوبیتک اجیبنی چیقارمق



یعنی ضایع ایتدکاری حقوق ملکیه نك انتقامنی المق ایچون هیچ  
بر زمانده انسانیتیه یاقشیمیان باربارلق صفتیه ایلدکاری حرکاتك  
تفصیلی شویله طورسون (قوردو) یعنی قرطبه نام شهر جسم معموده  
هجرتك یوزسنه سندن التیوز تاریخلرینه دك شهوور عالم اولان جامع  
کبیری کلبسایه تحویل وتبدیل ضمننده لازم کلان خدمتترینی اسرای  
مسلمینه زجر اورغما اجرا ایتدیردکاری وقایع جسمه دن اولق اوزره  
اجنبی لساننده یازلمش کابلرک برنده مطالعه کذار عاجزی اولمشدر  
هجرتك یدیوز تاریخلرنده افریقالمولرک اسپانیا اوزرنده اولان مشترک  
حکومتلری بعد ازین بالکلیه منقطع اولوب فقط یالکزانده لس  
قطعه سنك جهت جنوبنده بنی ناصرو بنی احمر حکومتی بنی مرین  
طبقه سندن اولان فاس پادشاهلرینك امداد و اعانه سیله سلطنت  
ایتمک باشلیوب غرناطه شهرینی دخی دارالاماره اتخاذا ایتمشلردر که  
شهر مزبوره مواقع سائره دن خلق کلوب توطن ایدرک درتیوزیک  
نفوس تراکم ایلمش ایدی

بالآده ذکر اولندیغی اوزره فاس پادشاهی اولان ابوالحسن علی یدیوز  
اوتوزسنه سی طبقه موحدونك بقیه سندن اولوبده دعوی استقلال  
ایلیان عمرالرضایی اعدام ایدوب استقلال کامله ایله حاکم فاس  
اولدی ایدی مومی الیهی بعض تاریخلرده اسپانیا طرفه کچدی  
دیویازارلر انجق غرناطه حاکمی کندویه امداد ضمننده دعوت  
ایلدیکندن یاردم ایچون اوغلو عبدالملکی سرعسکر ایدرک سفاین  
کثیره ایله عساکری ارسال ایلدی بو اثناده غرناطه حاکمی اولان  
محمد ثالث کندوسنه امداد و اعانه ایچون کلش اولان عساکر  
مذکوره ایله قاستل قرالنه قارشو واروب گاه غالب و گاه هارب اوله رق  
هجرتك یدیوز اوتوز اوج تاریخنده ذی الحجه نك اون اوچنجی کونی



مکر اعدا ايله فوت اولمغه يرينه برادري يوسف ابو الحجاج غرناطه حاکی  
اولوب امور دينيه و اخلاق و عاداته دائر بعض تنظیمات ايله اداره  
عساکره متعلق برطاقم قوانین وضع و احداث ایلد کد نصکره  
غرناطه ده اولان جامع مشهوره و الحمره سراینه ترینات علاوه سیله  
اهالیسنده کوزل خانه لر و قپولری اتصالیله چشمه لر انشا ایتدیره رک  
شهری معمور ایلدی بو ارالقده قاستل قرالی اونبرنجی الفونس  
طاعوندن فوت اولوب یرینه هر جنس پتر و نام اوغلو اون الی  
باشنده ایکن قراللق مقامنه قائم اولدی ایسه ده مذکور زیاده سیله  
خوزیز ایدی و بو عصرده اسپانیا قطعه سنده پتر و اسمیله اوج قرال  
تصادف ایتشد رک هر برلرینک مزاجلری سفک دمایه مائل ایدی  
حتی الفونسک یرینه پرنس اولان ظالم پتر و غرناطه حاکی یوسفک  
خصم جانی اولدیغندن اهلاکنه قصد ایدوب غرناطه جامعنده  
بایرام کونی صباح نمازینه چیقمش ایکن مجنون صفتیله متصف  
برخاننه خنجر ايله مومی الیه یوسف ابو الحجاجی یاره لتدیروب اولدرتی  
مومی الیه یوسفک وفاتی غرناطه اهالیسنده و اندلس قطعه سنده قلان  
مسلمینه پک زیاده تأثیر ایلد یکنندن عموما اهالی یاس و ماتم ایدوب  
محزون اولدیلر زیرامومی الیهک حوالی مذکوره ده بولنمی او وقتک  
حانجه فائده لی ایدی و الحاصل یوسف ابو الحجاج هلاک اولدقده  
یرینه اوغلو محمد رابع یدییوز الی اوج سنه سی شوالک برنجی کونی  
غرناطه تختنه جلوس ایلدی بو اثناده جبل طارقده فاس حکمدارلری  
طرفندن والی اولان عبسی بن حسن دولت متبرعه سی طرفنه  
عصیان ایدرک یدییوز الی الی سنه سنک ذی القعدة سنده حکومت  
استقلالیه سنی اعلان ایتدی مومی الیه محمد رابعک زماننده زور بالق



ظهور ایتکله الحمره سرایندن بر کیمجه کوله قیافتیله فاس ممالکنه  
 یحیوب ملوک بنی مریندن ابوالحسن سلطانہ التجمایتمک اوزره غرناطه دن  
 فرار ایللیوب ایرتسی کون زور با طاقندن شیخ ابوسعید عبدالله ینہ  
 خاندان ناصریدن اسماعیلی غرناطه تختہ اجلاس ایتد کدنصر کره  
 الای ایلہ شهر ایچنی کزدیروب امارتی خاقه اعلان و الکای اسپانیاده  
 حکم و نفوذی جاری و مصرعی اولان حکمدار لرہ دخی مومی الیه  
 اسماعیلک نامنه اوله رق سفیر لر ارسال ایدوب مذکور ابوسعید دخی  
 غلبه صورتنده مقام وزارتہ صعود و قعود ایلدی مومی الیه اسماعیل  
 هر نقدر حکمدارلق مقامنده ایسه ده امور اداره حکومت بالاستقلال  
 وزیرک النده اولمغله مومی الیه ملک اسماعیل وزیری اولان ابوسعید  
 عبداللہک نفوذ واسنیلاسنه مغلوب ایدی بوماده ایکسینک اراسنه  
 نفاق و وسوسه بر اقدینغندن ملک اسماعیل وزیری اولان ابوسعیدی  
 ازاله ایتک ایسترایکن افکارینی اجرایه مو فوق اوله میوب وزیرک  
 تحریک و افسادی ایلہ مملکت ایچینده بتکرار قاریشقلق پیدا اولوب  
 اسماعیلی ازاله ایدرک وزارت خدمتنده اولان ابوسعیدی مقام حکومتہ  
 اجلاس ایتدیلر چونکه مومی الیه ابوسعید عبدالله غرناطه نک  
 مشاهیر مشایخندن اولمغله بوندن اقدم یوسف ابوالحجاج ایلہ قر  
 الوب قزویر مک کبی مناسبات امتیازیه تحصیل ایلدیکندن  
 ارتق حکمداران فاملیاسنه داخل اولوب القاب مخصوصه  
 مستثنایه دخی نا ئل و مظهر اولمغله اهاالی طرفندن حکومتی  
 تصدیق و قبول اولندی انجق فاس حکمداری یاننه فرار ایللیان  
 محمد بر مقدار افریقوالو عسا کر طو پلیوب جبل طارق طرفنه  
 کچد رک غرناطه اوزرینه سوق سمند ایدرک غرناطه تختی



عصیان ایلو بدہ غصب ایلان ابوسعید عبد الہک الندن نصل  
استخلاص ایلدیکی دفتر ابعده ذکر اولنه جقدر کہ مراجعت بیوریلہ  
فرانسہ الکاسندہ والوانام محلاک قونته سی خاندانندن فرانسه ممالکنہ  
قرال اولملرک ابتداسی فلیب نام قرالدرکہ بوکا فلیب سادس دیرلر  
میلادک بیک اوجیوز یکر می سکز سنہ سی یعنی سکزیوز یکر می سکز  
سنہ ہجریہ سنہ برطانیہ مخالفہ قارشو قرالیننی اعلان ایتد کدنصرکہ  
انکلتہ قرالی اوججی ادوارد ایلہ دخی عظیم محاربہ لرک حدوثنہ  
سبب اولشد کہ محاربہ مذکورہ اوروپانک معاملات دولیہ سنی تغیر  
وتبدیل ایدہ جک مرتبہ دہ ممتد اولدیغندن کتب توارینخدہ وقوعات  
عظیمہ دن اولق اوزرہ محرر و مسطور و اوجہتلہ السنہ ناسدہ دخی  
متعارف و مشہور در میلادک بیک اوجیوز الی سنہ سی فوت اولوب  
یرینہ اوغلوژان ثانی قرال اولدی بونک زمانندہ فرانسه الکاسندہ  
شد تلی طاعون ظہور ایدرک ضایعات کثیرہ پی موجب اولدی  
وانکلتہ لول طرفندن فرانسه اوزرینہ انکلتہ قرالی ادواردک اوغلو  
پرنس نوارنام ذاتک قومانداسیلہ بوکرہ دخی قالقشیلوب صولت و هجوم  
اولند یغندن بیک اوجیوز الی بشدہ سالف البیان ژان ثانی دخی  
مقاتلہ ایچون مقابلہ سنہ یورودی ایسہ دہ مومی الیہ اسیر دوشہرک  
لوند رہ یہ ارسال اولندی بونک اوسننہ فرانسه ایلہ انکلتہ بیندہ  
برمعاہدہ اولمش ایسہ دہ میلادک بیک اوجیوز التمش درت سنہ سی  
نہسانندہ لوند رہ دہ بولندیغی حالدہ فوت اولوب یرینہ اوغلو بشجی  
شارلی اعلان استقلال ایدرک قرال اولمش ایدی بودخی انکلتہ  
قرالی ادوارد ثالث ایلہ محاربہ ایدوب پور تکیز و قاستل قرالارینک  
واسطہ لریلہ بعض اراضینک انکلتہ لولر دہ قالمسی شرطلریلہ



معاهد اودی بوحال ايله اون درت سنه قدر حکومت ایلوب مدت  
حکومتنده برکتخانه جسمه بناسيله ارباب علمه یاد کار براغوب بیک  
اوجیوز سکسان سنه سی فوت اولوب پرینه اوغلو التیجی شارلی  
اون ایکی یاشنده فرانسه قرالی اولوب بیک درتیوزیکرمی ایکی سنه سنه قدر  
یعنی هجرتک یدییوز اون بش سنه لرینه معاصر اولمشدرکه تفصیلی  
کتاب رابعه براغلمشدر

اورخان غازی حضرتلرینک زمانلریله معاصر اوله رق انکلتزه  
قطعه سنده دخی اولان اوجنجی ادوارد بعده ایکنجی ریشارد قرال  
بولمشدر شویله که ادوارد ثالث بیک اوجیوزیکرمی یدی سنه  
میلادی سنده انکلتزه تحته جلوس ایدوب زمانی فرانسه اولره قارشو  
محاربات مدیده ايله کچمشدر که برازی فرانسه احوالنده تصریح  
اولمشدر انجق اکثریا فرانسه ممالکنی فتح و تسخیر سبب اولان  
پرنس نوارکه مومی الیهک اوغلودر بوکا فرانسه بکی دخی دیرلرکن  
ادوارد ثالث فرانسه قرالی شارلینک علیه کند و اوغلو قدر  
جسارتی یوق ایدی زیرا پرنسک فوتند نصکره یواش یواش فرانسه  
ممالکندن قزاندیغی یرلری غائب ایدرک سوا حمله بعض محارری  
قالمشدر میلادک بیک اوجیوزیتش سنه سی فوت اوله رق مقام قرالیه  
پرنس نوارک اوغلوریشارد جلوس ایتمشدرکه بوکا ایکنجی ریشارد  
اونبر یاشنده ایکن قرال اولدیغندن زمام حکومت متغلبه الارینه  
کچدرک اقبال واستقلاله اولان خرص و طمعلری زور بالقلمری موجب  
اوله رق بالاخره ریشاردک دخی حبسنی مستوحب اولوب هازی نامنده  
اولان عجبسی دردنجی هازی عنوانیه میلادک بیک اوجیوز طقسان  
طقوز سنه سنده اعلان قرالیت ایتدیکی هجرتک سکزیوز سنه سنه



## تصادف ایشدر

اسقوچیا پر نسلکی دخی میلادک بیک اوجیوزالتی سنه سنده بروس  
 روبرت نام ذاک زمام حکمند ه اولوب انکلتره قرالاری ایله تفوق  
 واستقلال ومحاسده واسترقاب ماده لریده دائماً حرب و قتال اولوب  
 بالاخره بیک اوجیوز اون درت سنه سی اولان محاربه ده انکلتره  
 قرالارینه کند و سنک استقلالنی اعتراف و قبول ایتدیرد کد نصکره  
 بیک اوجیوز یکرمی طقوز سنه سنده فوت اولنجده سنه مزبوره اثناسنده  
 مذکورک برادر ی اولان اد وارو پرت ارلانده قرالغنی اعلان ایلش  
 ایسه ده انکلتره علیهنه ایلدیکی بر محاربه ده حیاتی دخی ضایع  
 ایلدی خلاصه کلام بروس روبرتک او غلو بروس داوید سنه  
 مذکورده ده اسقوچیا حکمدار لغنه پد رینک محلولی اوله رق نائل  
 اولد قد نصکره انکلتره لورک خصوصتی تأکید ایدر بعض اسبابه  
 تصدی ایلدیکند ن دعوی ظفر واستقلال زبانی سیف و سنانه  
 حواله ایدرک میدان کارزاره قویولد قلرند ه اسقوچیا قرالی بولسان  
 مارالبیان بروس داوید میلادک بیک اوجیوز قرقالتی سنه سنده اسیر  
 اولوب اون سنه مقداری لوند ره قلعه سنده محبوس قالدی

قاستل قرالی بولسان الفونس دخی دفتر ثانیده اشارت اولندیغی اوزره  
 فاس حکمدار لری تصرفنده اولان جبل طارق محاصره اثناسنده  
 میلادک بیک اوجیوز الی سنه سی طاعوندن فوت ویرینه او غلو  
 پترو جالس اولمشدر انجق هر قوم بالطبع سفک دمایه مائل و متعصب  
 و متکبر اولدیغندن اندلس قطعه سنده اولان افریقیا لورک خصم  
 جانی ایدی حتی غرناطه ملکی بولسان یوسفی دخی بایرام نمازنده ایکن  
 جامع شریفده قتل ایتدیرمه که سبب اولدی کند و تبعه سنی وفامیلیاسنی



عنف و قهر ايله حکمی الته الد یغندن بشقه فاملیاسی خلقندن  
بعضیلرینی دخی قتل ایلدی بشاء علیه برادری هاتری فرانسه طرفنه  
فرار ایدوب بعدده فرانسه ارد وسیله کلوب غالب اوله رق پتروک  
ازاله سیله کندوسی قاستل قرالغنی اعلان ایلدی

اراغون ایالتده دخی میلادک بیک ایکوز طقسان برسنه سی ایکنجی  
ژاکس قرال اولمشدر که دومی الیه قرال اولمزدن اقدام یدری اولان  
اوجنجی پتروک آنجوخاندانندن فتح ونیزع ایلدی یکی سچلیا الکاسنک  
حکومتی ایدرایدی اشبو پترو ثالث بیک ایکی یوز سکسان بش  
سنه سننده فوت اولجه بیوک برادری الفونس ثالث قرال اولمش  
ایسه ده بیک ایکوز طقسان سنه سی بودخی فوت اولدقدی برینه ایکنجی  
ژاکس اراغون قرالی نصب اولند یغندن سچلیانک حکومتی فره  
دریق نامنده برادرینه حواله ایدوب کندوسی اراغون حکومتی  
ایچون عزیمت ایلدی بواشاده فرانسه قرالارینک آنجوخاندانندن  
ایکنجی شارلی نک قزینی اله رق سچلیا قرالغنک عنوان صحیحه سنه  
نائل اولدقد نصکره بیک اوجیوز یکر می یدی سنه سی فوت اولدی  
بعدده دردنجی الفونس قرال اولمش ایسه ده مدت قلیله مرورنده  
بودخی هالاک اولجه مقام قرالیه دردنجی پترو بیک اوجیوز اوتوز  
التی سنه سی صعود ایدوب بیک اوجیوز سکسان یدی سنه سنه قدر  
حکومت ایلدی بونک ایام حکومتده مایورقه اطه سی غارت  
اولند قد نصکره عربلرک علیه اولمق اوزره پورتکیز و قاستل  
قرالاری ايله اتفاقده داخل اولدی بیک اوجیوز قرق و قرق ایکی  
سنه لری اثنا سنده ساردنیا داخلی ساحلنده واقع ایچره نام محلاک  
اچقلرنده جنویز لولره غالب کلمش ایسه ده ممالک موجوده سننده



(ره وواسیون) لر ظهور ایتدیکندن پک زیاد ه قاریش قلیق اولدی بو حالده  
مومی الیه دخی فوت اولغله یرینه اوغلو برنجی ژان اراغون قرالی  
اولمش ایدی بودخی زماننی مدارا ایله کچوروب بیک اوچیوز  
طقسان بش سنه سی فوت اولد قده پرنس مارتین نام ذات اراغون قرالی  
اولمش ایسه ده از مدت ظرفنده طبقه حکومت قاستل طاقنه نقل

### ایلمشدر

میلادک بیک ایکوزیتش طقوزسنه سی پورتکیر قرالی (دانیزی) نام  
پرنس پدرینک وفاتند نصکره لیربون نام شهرده پورتکیر تخته  
صعود ایدرک قرق الی سنه مقام حکومتده پایدار اولمشدر ایمدی  
بونک زماننده قاستل واراغون حکومتلری علیهنه خیلی محاربه لر  
اولدی ویک اوچیوزاون تاریخنده غیرت دینه سی ظهوره کله رک  
عر بلرک ومغاربه طاقنه سنک استقلالنی قیرمق و دین یولنده چالشمق  
اوزره یرطاقم عساکر ترتیب ایدوب بونکله کندودینلرینه مخالف  
اولمره غلبه ایتمشدر زیرا عر بلرک اسپانیا واندلس قطعده سی اوزرندن  
حکم ونفوذلرینی کسرایتمک اوزره خلقی پاپاسلرواسطه سیله مواعید معنویه  
فریفته ایدرک دین محاربه لرینی میدانه چیقارمقدن بشقه چاره بولنماشدر  
خلاصه کلام محافظه دین ایچون وضع وتشکیل ایلدی یکی عساکرک  
کند وملت اراسنده منافعی کوروب وکوسترد کد نصکره میلادک بیک  
اوچیوزیکرمی بش سنه سی استیلاء مرض ایله هلاک اولد قده یرینه  
اوغلو دردنجی الفونس صند الی قرالیه صعود ایتکله ابتدا قاستل  
قرالی اونبرنجی الفونس ایله عظیم محاربه لرایدوب بعد المصالحه  
اندلس الکاسنده وافریرقا قطعده سنده بولنان اهل اسلامک اوزرینه  
براکده هجوم ایلوب بیک اوچیوز قرق سنه سنده تاریفه نام محلی



محاصره ایلمدیله که بونک تفصیلی دفتر رابعه براغلمشدر مراجعت بیور یله)  
 المانیا ممالککنده دخی هابسبورغ خاندانندن اولان برنجی البرت  
 ایمپراطور ایکن میلادک بیک اوچیوز سکر سنه سی فوت اولوب انا نام  
 برقرینه ایمپراطورلخی ترک ایتدیکندن المانیا الکاسنده واقع برطاقم  
 پرنسیر ایمپراطورلق مقامنه صعوده کوز آتوب حتی فرانسه قرالی  
 دخی کندو برادرینی اجلاس ایتکه چالشد قلمری زمان لو قسیمبورغ  
 خاندانندن اولان هانری قاریتی نام ایالتک دوقه سی ایکن کند و سنه  
 طرفدار پیدایدرک المانیا حکومتی استحصال ایلمد کدنصکره اتالیا اوزرینه  
 هجوم ایتک اوزره عزیمت ایلمد کده ناپولی قرالی ایله عظیم محاربه لر ایدوب  
 اثناء حربده فوت اولدقد ه باویرادوقه سی اولان دردنجی لوئی المانیاده  
 حکم ایتک سوداسنده ایدی زیرا هانری مومی الیهک فوتندنصکره  
 المانیا الکاسی اوستریا خاندانی ایله لو قسیمبورغ خاندانی و طرفدارلری  
 اراسنده مقاسمه اولندیغندن ایمپراطورلغک انتخابی ماده سنه دخی قرار  
 ویرلمش ایدی انجق انتریقالرو برطاقم افسادات ملا بسه سیله سالف الذکر  
 باویرادوقه سی دردنجی لوئی بی انتخاب ایتشلرایسه ده براز الکتور لر  
 دخی اوچنجی فره دریقی انتخاب ایلمد کلرندن المانیا ممالککنده  
 یک چوق زمانلر اختلال اکسک اولیوب بالاخره فره دریقی مذکور  
 بیک اوچیوز اوتوز سنه سنده فوت اولوب اون یدی سنه صکره دخی  
 مرقوم لوئی فوت اولدقد ه شارلی رابع نام پرنس مقام حکومته انتخاب  
 اولندی المانیا الکاسنک بود فعه کی قاریشقلخی اسویچرا اتفاقنک  
 ظهور ایتسنه باشلا نغج اولمش ایدی

عموما اتالیا الکاسنک اوزرند ناپولی وروما حکومتلری ایله برازدوقه لقلر  
 اولوب بونلرک الک مشهورلری پاپا لردر که آل عثمان پادشا هلرندن



سلطان اورخان غازينك زمانه تصادف ايدوب معاصر اولورك تفصيلاته  
شروع اولور شويله كه پادشاه مشاراليهك عصرينه تصادف ايدن  
پاپارك ايتداسي اون ايكنجي بنوادر كه ساوردون نام شهرده براتمكجينك  
اوغلو اولوب امورا اعتقاديهده اثبات لياقت ايلديكندن ميلادك بيك  
اوچيوز او تو زايكي سنه سي آوينغون نام شهرده پايانصب اولوب يك چوق  
پرنسلك نزاع و مجادله لريني دفع ايدوب اصلاح ذات البين ايتدكدن  
صكره امور مذهبيه ده برطاقم آثار احداث ايدرك بيك اوچيوز  
قرق ايكي سنه سي فوت اولدقده يرينه التجي قله مان پاپالق مقامنه  
انتخاب اولندي بودخي اون سنه مقداري امور مذهبيه ده رياست  
ايتدكله رومالور ايله عقد پيوند اتفاق ايدرك رومايه عزيمت اوزره  
ايكن ميلادك بيك اوچيوز الي ايكي سنه سنده فوت اوله رق التجي  
اينوسان اوينغون نام محمده پاپالغه قبول و انتخاب اولوب فرانسه  
مضافاتدن اولان طولوزه نام اياته قوانين مخصوصه وضع و ابقاسنه  
موفق اولديغي حالده بيك اوچيوز التمش ايكي سنه سي فوت اولوب  
يرينه بشنجي اورين پاپالق كرسي سنه اجلاس اولندي مومي اليه  
اوينغون شهرنده اقامت ايدن پاپارك التجي سيدركرسي اقامتي شهر  
مذكوردن قالدوروب كمافي السابق روما نام شهره نقل ايلدي ايسه ده  
الامانيا لورك فرانسه لوايله و اتاليا لور ايله يينلرنده تگون ايدن مغايرتدن  
ناشي حصوله كلان افساد اتدن بيمحضور اوله رق بتكرار اوينغون  
شهرينه كچوب اوراده بيك اوچيوز سكسان سنه سي وفات ايتدي  
بوند نصكره اونبرنجي غره غوار پاپا اولق اوزره انتخاب اولمشدر كه  
قوله مان سادسك برادر يدر بودخي رومايي مكان ايتك اوزره مقدماته  
تثبت ايدرك مراديني اجرايه موفق اولدي ايسه ده مدت قليمه ده فوت



اوله رق یرینه التنجی اور پن رومانام شهرده پایا نصب اولندی آوینغون  
 شهرنده دخی یدنجی قله ماننی پایا اولمق اوزره اعلان ایلدیلر  
 ایسه ده اوروپا حکمدارلرینک قوی الاقتدارلری سالف البیان  
 اور پن طرفنی التزام ایلدکلرندن اوینغون طاقیله رومانام قنک  
 معارضه لرینی تسکین ایلدیلر بعدده سکرزنجی بونیفاس پایا اولمشدر  
 بودخی امور مذهبییه ده صاحب نظام اولدیغندن بشقه پولتیقه مصالحنه  
 مداخله ایتدیکندن فلیبل وفره دریق کی حکمدارلرک صحیفه  
 افکارنده برموقع معتبره نائل اولدقد نصکره اوروپا اوزرنده نفوذی بیک  
 درتیوزدرت سنه سنه قدر جاری اولدی که تفصیلی دفترابعده محرردر  
 ناپولی احوالی دخی دفتر سابقده ذکر اولندیغی اوزره شارلی نام ناپولی  
 قرالینک اوچنجی اوغلور و برت انجونام پرنس حمایه رهابین و قبول  
 اهالی ایل برادرزاده سی شارو برتی خارجه براغوب بیک اوچیوز طقسان  
 سنه سی شارلی انجونک یرینه قرال نصب و قبول اولندی والامانیا  
 ایمپراطوری برنجی هازی به رغما رومانک حامی مذهب عنوانی بعد  
 التحصیل روماندن اوینغون نام شهره نقل کرسی اقامت ایدن بشنجی  
 قله مانک دخی وکیلی اوله رق اتالیاده ایمپراطور اولدیغی حالده اوتوز  
 اوج سنه سکرزای حکومت ایدوب بیک اوچیوز قرق اوج سنه سی  
 شباطک اون طقوزنجی کونی التمش درت یاشنده ایکن فوت اولدی  
 یرینه قدس و سچلیا حاکم سی عنوانیله مفتخره اولان ژان ناپولی  
 حکمدارلغنه انتخاب اولندی شویله که مومی الیها سچلیا الوشارلینک  
 قزی اولوب اون طقوز یاشنده ایکن مقام حکومت صعود ایلوب  
 محار قرالی شارلی روبرتک اوغلور پرنس اندره ایل ازدواجه میل ورغبت  
 ایلد کد نصکره ایکی سنه هر ورنده پرنس مذکور خدارلر الله



مقتول او انچه مومی اليها ژان دخی اتاليانك ايالات شرقيه سندن  
 اولان اوترا تا نام ايالتك دوقه سي مقامنده بولنان فليب نام پرنسك  
 ايكنجي او غلواوئي ايله محبت سابقه سندن طولايي ايكنجي قوجه سي اولق  
 اوزره نكاح اولدي ايسه ده بوماده مقتول اولان اندره نك برادري مجار  
 قرالي اولان لولي په کران کملکه يوز اوتوز درت سنه ميلادنده انتقام  
 قصدي ايله مومی اليها پرنسس ايله زوج ثاني سي اولان لولي نك  
 حوزه حكومتني نهب وغارت ايلدي محاده مذكوره نك مي ورندي نصره  
 بيك اوچيوز التمش ايكي ده زوجي اولان ثراته پرنسك او غلواوئي  
 دخی فوت اولدقده اوچنجي كره اولق اوزره مايورقه قرالي اوچنجي  
 ياكسك نكاحي التمه كيروب مدت قليله اثناسنده زوج ثالثي دخی فوت  
 اولغله دردمجي دفعه اوله رق دوراس نام شهره منسوب اولان فامليادن  
 شارلي ايله كندونفسي عقد وتزويج ايلدي و مرادي اولان اولاده  
 دخی نائل اولدقد نصره بيك ايكيوز سكسان ايكي تاريخنده فوت  
 اولديغندن التنجي اورپن نام پاپانك دعوتيله شارلي ثالث كه بوكا شارلي  
 دوراز وودوراس دخی ديرل ناپولي تختنه كلدي كه تفصيلي دفتر رابعه  
 پرا غلمشدر

دفتر سابقده ذكر اولنديغي اوزره دانيمارقه قرالي سكزنجي اريس  
 بيك اوچيوز يكرمي سنه ميلادنده فوت اولدقده يرينه برادري ايكنجي  
 قريستوف دانيمارقه به قرال اولمش ايسه ده حكم ايله جكي ممالكه ديكر  
 پرنسلك مداخله سي اولديغندن ادنايهانه ايله صندالي حكومتدن خلع  
 وعزل اولندي انجق بودخی غيرته كلهر ك محاريه به قيام ايدوب برازاراضي به  
 مالك اولديغي حالده فوت اولوب بعده او غلو والد امار بيك اوچيوز  
 قرق سنه سنده دانيمارقه قرالي اولدي شويله كه پدرينك فوتنده مومی ايله



باویراده بولنوب برقاج سنه لردخی اوراده کندوسنه یاردیچی وهوادار  
 پیدا ایدرک باویرالوردن والامانیا طاقندن عبارت قوتلو براردوایله  
 حقوق موروثه سنی استرداد ایچون هجوم ایتکله دانیارقه نك بعض  
 شهرلری ایله غوتلانده اطه سنی ضبط ایدوب اسلسویج نام شهره قدر  
 واردیلر خلاصه کلام مومی الیه میلادک بیک اوچیوزیتش الی  
 سنه سنده ارکک اولادی اولیوب ایکی قزلری اوله رق فوت اولغله  
 قزلرک بریسی نوروچیا حکمدارینک عیالی اولدیغندن اندن تولدایدن  
 اولوف نام پرنس الی یاشنده ایکن دانیارقه یه قرال اولمشدرکه درت  
 سنه صکره پدرینک وفاتنده نوروچیا یه دخی قرال نصب اولندی لکن  
 بیک اوچیوز سکسان یدی تار یخنده اسوج محاربه سی اوزرنده ایکن فوت  
 اولغله والده سی اولان مارغریت که والد مار نام دانیارقه  
 قرالینک قزیدراوج حکومتک تاجنی کندوباشنده جمع ایتشد  
 والحاصل اشبو مارغریت دنیلان پرنسس عقل ودرایتی و غیرت  
 وشجاعتی سببیه ممالک شمالیه نک سمیرامبسی اولغله اسقاندینا و  
 طائفه سنده دخی قاریلردن اوله رق حکومت ایدنلرک اولکبسیدرکه  
 تفصیلی دفتر رابعه براغلشدر

روسیه ممالکی مغول طائفه سنک حکمی الته یکدیکی زمانلرده سمت  
 غربی وجنوبنده اولان الکایه دخی له اهاالبسی طرفدن مداخله اولغله  
 اول هیئت جسمیه یواش یواش خراب اولمقده ایکن بیک اوچیوز  
 یکرمی الی سنه سنده ولاد میرنام دوقه موسقوشهرنده پاپاسلر واهالی  
 انتخابیله دوقه نصب اولنوب مغول تاتارلرینک حکمی التدن چیقسه  
 تدبیر ایتکده ایدیلر لهستان قرالی اولوبده بیک اوچیوز اوتوز اوج  
 سنه سنده فوت اولان اولاد سلاس رابعک احوالی دفتر ثانیده یازیلوب



بقیه سی بو کابه حواله اولنمش ایدی چونکه اولاد سلا س سنه  
 مزبوره ده فوت اولوب یرینه اوغلو اوچنجی قاسمیرله قرالی اولدقدن صکره  
 روسیه ممالکندن برازملکه مالک اولدی بعده لهستان الکاسنه  
 دایر بر قانون نظامی وضع ایله خسته خانه و مکتبلر احداث ایلدی  
 كذلك یهودی ملتیه دخی تشویقات کوسترمسیه کند و سنه محب  
 بنی اسرائیل دیرلر ایدی الحاصل بونک فوتیه پیاست فاملیا سنک  
 سلسله سنه انقراض کلوب بشیوز سنه دنبرو لهستانده حکومت ایدن  
 فاملیانک نهایی اولمشد ربوند نصکره زمام حکومت اولی نام مجار  
 قرالنه انتقال ایتشد شویله که مجار قرالی شارو بریک اوچیوز قرق  
 ایکی سنه سنده فوت اولغله یرینه یعنی حکومت سریرینه مومی الیهک  
 اوغلو لوئی صعود ایدوب ترانسلاوینا و خرواد و افلاق و وندیک  
 طائفه سیله محاربه لر ایلوب ناپولی قرالی اولان برادری اندرینک  
 انتقامی الیدی بعده لهستان قرالی بولسان عجمی سالف الذکر  
 اوچنجی قاسمیرک بیک اوچیوز یتیم سنه سی فوتنده له قرالغنه دخی  
 انتخاب و قبول اولوب بیک اوچیوز سکسان ایکی سنه سنده ایکی قز  
 اولادی اولدیغی حالده فوت اولدی ایمدی ترک ایتدیکی قزلرک  
 بیوکی او قسبورغ دوقه سی سیر سموتد نام پرنسک عیالی بولنق  
 تقریبیه له قرالغنه تاجنی دعوی ایتکده ایدی بوهیمیا قرالی اولان ژان  
 میلادک بیک اوچیوز اون سنه سنده پاپاسلرک انتخابیه قرالغنه قبول  
 و دعوت اولندی درون الکاده بعض مرتبه ده وولسیون یعنی زوربالق  
 اولدقدن صکره بیک اوچیوز یکرمی یدی تارینخنده لهستانک براز  
 شهرلرینی ضبط ایدوب الامانیالورک بیننده موجب دقت اوله حق  
 وقایع جسمیه احداث ایلیه رک بیک اوچیوز قرق الی سنه سی



کوزا غریسند ن خسته اولدیغی حالده فوت اولوب یرینه اوغلودردنجی  
شارلی بوهیمیا قرالی اولدیغینک عقینده ایمپراطور لغنی دخی اعلان  
ایلدی که بونک عهد حکومتده ویانه ایله براغه حکومتی  
برلشمشدر ایددی بونک فوتیله یرینه اوغلو وانس-سلاس خامس  
بوهیمیا قرالی والامانیا ایمپراطور لغنی بیک اوچیوز یتش سکر  
سنه سی اعلان ایلدی رومانام شهرده پاپالق مقامنه انتخاب  
اولان التنجی اورپن ایله آوینغون نام شهرده پاپالغه قبول ایتدکاری  
یدنجی قله مان نام پاپارک یکدیگر اراسنده حدوث و ظهور ایدن  
استرقاب و معارضه نک فصل و تفریقنی سالف الذکر التنجی  
اورپن طرفنی التزام ایدرک حکم ایلد کد نصکره الامانیاداخلنده  
واقع پرنسارک کند و علیهنده اولان تحریکاتی دفع ایتکله  
اوغراشمقده ایدی که تفصیلی دفتر رابعه براغلمشدر

قرواذاذ یعنی اهل صلیب طاقندن تشکیل قلنان قدس شریف  
حکمدار لغنی بیک ایکیوز او توزیدی سنه سی اهل اسلامک قوه  
جبرییه سیله محو والغا اولوب طقسان برسنه سی دخی بتون بتون سیریا  
سواخلندن بالضروره چکد کد نصکره قبرس اطه سنه بقیه  
حکومتلری منسل اولمشدر شویله که الیوم دولت علیه نک حکم  
وتصرفنده اولان قبرس جزیره سی بوندن اقدام اسکی مصر لولرک  
وبراز وقت دخی سیریا و فنکه لولرک وینه بطلمیوسلرک فاملیا سندن  
برطاقم حکمدارلرک وروملرک و ملوک امیه نک وانکلتره لولرک حکملری  
النه کچمش ایکن مقدمه ظهور دولت علیه اسمیله موسوم اولان  
برنجی کتابده ذکر اولندیغی اوزره قرواذاذ یعنی اهل صلیب  
طاقندن اولوبده قدس شریف حکومتدن کف یدایلیان لوزیغنان



خاندانه نقل ایلوب غازی ارطغرل بکک زما نیله معا صر اوله رق  
بر برینی متعاقب بش حکمدار کلوب هجرتک التیوز سکسان سنه سندن  
یدیوز او توتوز تاریخنه قدر دخی اطه مذکور ده حکومت ایلانلرک  
ابتداسی هانرئی ثانی در که میلادک بیک ایکوز سکسان درت سنه سی  
قبر سده قرال نصب اولغش ایسه ده سلاطین مصریه ایله اولان  
مخاربه لده قوت و اقبالنی ضایع ایلدیکی جهته کدرندن خسته لانه رک  
فوت اولوب یرینه دردیچی او کوست ایرتسی سنه قبرس قرالی اولدی  
اوتوز طقوز سنه قدر یعنی تاریخ هجرتک یدیوز یکرمی بش سنه لریندک  
مذکور او کوست قرال اولوب قبرسده حکومت ایلشدر  
مالطه وردوس و کرید اطه لری ایله سچلیا و صار دنیا و قور سیه  
وما یورقه و مینورقه اطه لرینک هر پریمی بحر سفیدک مواقع عدیده سنده  
باش کوستران افریقا اولرک صولات و هجوملرینک صدمه سندن  
هنوز قورتلش اولدقلرندن تکرار آسیا و افریقا اولرک او دکرلده  
طولا شمسی هیچ پرو جهله ایسته مد کلرندن بشقه ممالک شرقیه  
ایمپراطور اغینک حکمی التمدن خلاص اولملری سببیه بر طاقی  
جمهور بر طاقی دخی بر برستان سوا حلنده واقع ملوک اسلامیه ایله  
قدس شریفک استرداد ایچون جهادی معتاد اید غمش قبائل  
متعصبه نک قرارگاه ای اولدیغی حالده مالطه اطه سی اراغون طاقنک  
وردوس اطه سی دخی روم ایمپراطور لرینک حکمنده ایکن صکره لری  
قدس سمتدن دفع و اخراج اولنان شوالیه لره تخصیص قلنوب  
فرنکلر استانبولی غصبا ضبط ایلد کلری وقت وندیکلور دخی کرید  
اطه سنی تمامیه کند و ارینه حصه اولق اوزره ایرمشلردر سچلیا  
اطه سی دخی اراغون خاندانک النده ایسه ده ناپولی طرفنده



حکومت ایلیان انجوطا قنک افساد یله برقا ج دفعه (ره وواسون)  
یعنی زور بانق اولدیغندن بالاخره اراغون طاقندن اولان الفونس  
رابع ناپولی طرفی سچلیا حکومته الحاق ایدرک ایکی محاکم تاجنی باشنده  
برلشد ر مکه سچلیاتین قرالی اولدی

مدیترانه دنیلاناق دکرک قسم شرقیسی اولان یونان دکرده ملحقاتیله  
جزایر سبعة دنیلان اطه لمستان اوله رق ایکی بیوک مجمع جزایر ایله اوروپا  
و آسیایه منسوب برطاق اطه لری حاویدر که بونلرک اناطولی سواحلنه قریب  
اولانی لمنی و استانکوی و استروپا لیه وقاریوط و سپسام و مدلی و ساقر  
ورودوس اطه لری ایله برچوق کوچک اطه لر اولوب روم ایلی یقاسنه  
یقین بولنانلری دخی طاشوز و اندره و سمادرک و اغریبوزامالی جزیره لدر  
ایمدی جزایر مذکوره نک اکثریسی بروقتد نبر و روم ایمپراطورلرینک  
ممالک مخصوصه سندن ایکن و ندیک ولاتین طاقی اراضی مقدسیه زوار  
ومهاجرو اطراف بلاد ده دخی تجارت و ذخائر نقل و ایصال بهانه سیله اطه لرک  
یک چوغنی واک لازم بستی و ندیکلور اسنیلایتمشلم مؤخر جنویز طاقیله  
دخی استقلال و تغرد دعوالرینه مبنی ایکی جمهوریت اراسنده مدت مدید  
مخاربه لر واقع اولمش ایسه ده کرک و ندیک و کرک جنویز طاقنک بحر مزبورده  
وقره دکرک بعض سواحلنده و قریم الکاسنده و کفه دیارنده اولان  
اسنیلاری قوت قاهره عثمانیان ایله محو و تلف اولمشدر الحاصل جنویز  
دیدکاری طائفه اتالیاداخلنده واقع جنووا نام شهر دن طاغلمش اولوب  
لاتینلرایله برلکده شرق ایمپراطور اغنی روملرک لندن البوب الی و الشمس سنده  
قد رکندولرند قالد قد نصکره بتکرار منیخال پاله لوغ نام روم ایمپراطوری  
همت غیورانه سیله اجنبیلری استانیولدن سوروب چیقاردیغی اشاده  
جنویز کروهندن برطاقی قارشو غلطه طرفه نقل ایلدکاری مثلاو برچوق



قبيله لر دخی از میر شهری ایله ساقز و مدالی و تنودوس اطه لرینه نقل  
 وطن ایایوب پرلشملری و ندیکولرک غیرت لرینی تحریک ایتمکله جهوریت  
 اراسنده محاربات شدیدە نك حدوئنه باعث اولدی  
 دفتر سابقده ذکر اولنان اندریاء ثالث که بوکا (اندرونیقوس پاله لوغوس)  
 دیرلریک اوچیوز قرق برسنه سنده فوت اولنججه پرینه مومی الیهک  
 اوغاوزان پاله لوغ که (یانی پاله لوغوس) دخی دینور استانبولده روم  
 ایمپراطورلغنک تختنه صعود ایتش ایسه ده هنوز صغیر السن بولمق  
 ملایسه سیله امرانک اکابرندن (رئان قانتاقوزن) مشیرمستشار  
 دولت نصب اولنوب امور حکومتی رؤیت ایتمکده ایکن کندوسنک  
 بقاسی ضمیمه قزینی ایمپراطوره یعنی یانی پاله لوغه عقد ایتکی تصمیم  
 ایلدی بوبایده ایمپراطورک متعلقاتی قانتاقوزنک اقبال واستقلالانی  
 چکمه دیوب کیدرک ایمپراطورک خانداتی محوایدە جکی ایمپراطورک  
 والده سنه اخبار اولدیغندن قانتاقوزنک قزینه عقد اولمق خصوصی  
 صرف نظر اولنه رق ایمپراطورک یانندن دخی استئقال اولمغله  
 قانتاقوزن اعداسنک سوزلری ایمپراطور عندنده تأثیر ایلدیکنی  
 و بویله کیدرایسه نهایی کندو حقنדה فناوله جغنی جزم ایتدیکنندن  
 خدمت و کالتدن صورت استغنا کو ستردی انجق مومی الیهک  
 استعفا واستغناسنی اعداسی وسیله فرصت اتخاذا ایلیه رک جاننه  
 و بالجمله خاندانه قصد ایلیه جکارینی دخی یک رعنا ییلدیکنندن بالاده  
 محرر اولدیغی وجهله ایدین یک زاده امور بکی کندویه جلب ایلیوب  
 انک واسطه نفوذ اقتداری ایله تراسیا یالتنده خیمی ایش کورد کد نصمکره  
 سلطان اورخان حضرتلرینک طلبنه مینی قزلرندن بریسنی دخی  
 مشارالیه حضرتلرینه و یروب سلوری اوو اسنده غایت تکلفی برجعت



ترتیب اولمش ایدی بوند نص کره کند ویه طرفدارلق ایلیان عسکری  
 طاقنی دخی تحریک ایدرک پیک اوچیوز قرق بش سنه سنده زور ایله  
 استانبوله دخول ایدرک ژان پاله لوغ ایله مومی الیه قانتاقوزن ایکپسی  
 برلکده اوله رق استانبوله حکم ایتکده ایکن ایمپراطور طرفدارلری  
 اغفالیه مومی الیه قانتاقوزن علیهنه اوله رق عسکر سوق ایتش  
 ایسه ده بالاخره مساواته صلح اولدیلر لکن قانتاقوزن استانبوله کلزدن  
 اول قزلرندن بریسنی سلطان اورخان غازی یه عقد و تزویج ایتدیکندن  
 مشارالیهک بوماده ده اعانه سی اولمش ایدی ایمدی سورمذ کورک  
 تفصیلی شویله بیان اولمشدر که سلطان اورخان حضر تلی سفیر  
 ارسالیله قانتاقوزنک اوج قزلرندن بریسنی نکاح ایله المغه التماس ایلدیکی  
 وقت قانتاقوزنک ایمپراطور یوانی پاله لوغوسک امدادینه کلان  
 صاروخان عسا کردند صیقلدیغی زمانه تصادف ایلدیکندن بشقه  
 یوان پاله لوغک والده سی ایمپراطور یچه دخی سلطان اورخانه کندو  
 نفسی عقد و تزویج ایتکه ارزوکش اولدیغندن سلطان مشارالیهک  
 التماسی قانتاقوزن درحال قبول ایلوب سلوری قضاسی فضا سنده کلین  
 المغه کلانلری اعزاز واکرام ایچون سور ترتیب اولوب محل مذ کوره  
 دبدۀ دودمان قیا صره اولان عروس عفت مانوسک جلوسی ایچون  
 اطرافی اطلس زریندن مصنوع سرادق وستاره لرایله قیالو مرتفع  
 برکرسئ مکلف وضع اولنه رق اتصانه دخی مومی الیه قانتاقوزن  
 وعیالی ایمپراطور یچه و دیگر ایکی قزلری ایچون بشقه جه مکلف  
 اوتاد و طناب زرین ایله مزین برسایبان قیصری قورولوب کرک کلین  
 المغه کلانلر و کرک دعوت اولنوبده کیدنلر دخی کرسی و سایبان مذ کورک  
 پیشگاهنی میدان براقه رق دائر امدادار احاطه ایدرک رسم تسلیم و تسلطه



دیده کشای انتظار اولاد قلمی حالده امر انك وعسا كرك تصدیق و قبولیه  
 تغلبا ایمر اطور لقی مقام و عنواتی غصب و تحصیل ایلیان قانتاقوزن دبدبه  
 وحشمت ایله آنه بنوب میدان مذ كورك وسطنه كلوب ایله اشارت  
 ایلد یكی آنده پرده آچیلوب سازنده و خواننده لر بر اغزدن اوله رق  
 نغمات و سازه آهنگ ایتد كلری زمان حمله گاه مخصوصه نك اطرافنده  
 خدام طواشی الارنده تقدیس و تبریک و تعظیمی مشعراولان مشعله  
 محبتی طوتوب دیزچو كوب طور د قلمی حالده عروس عفت مأ نوس  
 دخی قامت وقار و تمکینه اهتر از ویره رك اطرافنده بولسان امر  
 واركان دولتی نظر التفات ایله تلطیف ایلد كد نصره آویخته اولان  
 ستاره لر اندیر یله رك ضیافت عمومی ترتیب اولنوب بعده آلائی ایله  
 کلینی المغه کلانلره تسلیم ایلمیه رك نیلوفر خانونه ایکنجی اولق اوزره  
 حرمسرای حضرت سلطان اورخانه اعزام ایلد یلر سلطان اورخان  
 حضرتلرینك وقایع داخلیه لری اراسنده تفصیل و ایضاح اولنه جغی  
 اوزره اولند كلرینك ایرتسی سینه ایمر اطور قانتاقوزن ایله ملاقات  
 ایتك اوزره اسکدار صحراسینه كلد كلرنده ایمر اطور دخی کندویه  
 مخصوص اولان قدرغه سیله کیدوب اوراده حضرت اورخانه فوق  
 العاده اکرام و رعایت ایلد كد نصره سلطان مشارالیه بروسه یه  
 وایمر اطور دخی استانبول طرفنه عودت ایلد یلر (بارون حاصر جمع  
 و ترتیب ایتد یكی دولت علیه تار یخنده روم مورخلرندن اوله رق  
 شویله بیان ایتشد كه هر تقد رومی الیه قانتاقوزن دیکر دامادی  
 اولان یوان پاله لوغك سریر حکومتنه ایدین بکرزاده امور پك كه بوكا  
 بعضی تار یخلرده عمر پك دخی دیرلر و منشش بکرزاده اسحاق پك  
 و سلطان اورخان حضرتلرینك همت و اعانه لریله اشتراك پیدا



ایلیوب اهل اسلامك سایه سنده املنه نائل اولمش ایسه ده  
 صکره سنده ممالکنی اشبو یارد مجلرک استیلا سندن قورتاره مامشدر  
 زیرا بویله اولماش اولسه عسا کر بلو کباشیلرندن قره محمد قومانده سیله  
 بیک درتیوز پیاده وقره عثمان اداره سیله بیک ایکبوزدن زیاده سوارینک  
 کلیه لی بوغازندن روم ایلی یقه سنه ایاق باصوب سلوری یه قدر غارت  
 و خسارت ایتدیرمزایدی حتی مومی الیه قاتاقوزنک اولادند ن پرنس  
 ماتپاس دخی سلوری والپسی بولندیغی حالده ن کر اولمان اقبجی  
 عسا کره تصادف ایدرک ارالزنده خیلیدن خیلی جنک اولمش ایدی  
 کیفیت مومی الیه قاتاقوزن طرفنه بلدیردکده مخالف عهد و پیمان  
 اولان اشبو اقبجی عسا کرک منع اولمسی باینده سلطان اورخان حضر تیرینه  
 شکایت ایلدی روم مور خلرینسک اکثریسی مخصوصا دوقاس  
 و قالقاند یلاس نام مور خلر بو ماده پی سلطان اورخان طرفندن  
 قاتاقوزن علیه نه مخصوصا اجرا ایتدیرلدی دیه رک حقوق قرابت  
 و مناسبتیه اصلا رعایت ایتدی دیو پرچوق اعتراضات بیان ایتشلردر  
 حالو که بو بابده خطاده بولند قلرینی نه بریشقه ماده نک بیان و حکایه سیله  
 اعتراف ایدرک دیرلر که هر نقدر پادشاه مشارالیه شرق ایمپراطورلغی  
 الکاسنه اقبجی سوق ایلیوب نهب و غارت ایتدیرمش ایسه ده قاین  
 پدیری قاتاقوزنک خصم جانی اولان صرب قرالی علیه نه اولمق  
 اوزره برادری علاءالدین پاشایی نیجه بیک بولداشه باش ایدرک صربستانه  
 اعزام ایله کوسندیل و اختمان حواله سنده واقع علاءالدین  
 اوواسی دنیلان محله قدر کیندوب ینه قاتاقوزنک رخصتیه عودت  
 ایدوب آسیایه کچمشلر ایدی ایشته بو فقره مشارالیه حضر تیرینک  
 حقوق برور اولد قلرینه دلالت واضحه در بو ارالقده خاندان ایمپراطوریدن



اولو بدنه نوبت وراثت استحقاقيله ايمپراطورلق مسندينه صعود ايدن  
 يوان پاله لوغوس كندوقاين پدري اولان قانتاقوزنك تسلط واسئلا سندن  
 سرير حكومتى قورتارمق اوزره غلطه طرفنده بولانان جنويز جمهورى  
 رئيسيله اتفاق ايلدكلرى زمان قانتاقوزن دخى دامادى يوان  
 پاله لوغوسك متفقى بولنان جنويزلر عليهنه ونديك طاقيله معاھد  
 اولمشلرايدى سلطان اورخان حضر تلى ايسه كند و ملكى  
 سلاكنده عد ايلديكى آسيا سواحله بي پروا مسلط و مستولى اولان  
 مذكور ونديكولرك بالطبع خصم قويسى اولديغندن بشقه جنويز  
 جمهورى دخى مشار اليهى كند و طرفنه ميل ايتديره جك اسبابه  
 تشبث ايلش ايدى اما بوتشبت و اتفاقك بوغاز ايچنده اولان محاربه  
 بحريه بي منع ايدى مديكى مثلاًو جنويزلورك دخى مغلوبيت وهزيمته  
 فائده ايتدى بزانتن دولتى كه بوكا على الاطلاق شرق ايمپراطوراي  
 دخى ديرلر داماد وقاين پدر اراسنده فصل و تفريقى ممكن اوله ميان  
 تاج و سلطنت غوغالرى ملابسده سيله هر برى امداد واعانه مأمول  
 ايتديكى طرفك مطالب ومسئولاتنه مساعدده ايله استدعا والتماسلرينى  
 طوتديغى مرتبه اجرايه مأذونيت تامه ويردكلرندن ييانچيلر كند و  
 ملكلى داخلندن زياده امتيازاته مظهر اولمشلرايدى بزانتن دولتنك  
 حكومت و استقلالى مساعدات پيدريدن طولايى ييانچيلره نقل  
 ايتكله هركون برقانون وضع اولنوب استدكلرينى اجرايه اركان  
 دولتى مجبور ايدر لر ايدى اركان وامراتك بعضيلرى امور مذهبيه ده  
 متغلبه طرفنه ميل كوستر مشلرايسه ده نفقه وتعبشلى بزانتن دولتى  
 سايه سنده اولديغندن گروه متعصبه ورهابين متدينه نك لوم واعتراضنه  
 هدف اوليه جق وجهه تردد و احتياط ايله حركت ايدر لر ايدى



سلطان اورخان حضرتلری ایسه دولت ایمپراطوریه نك ارتق قایل  
اصلاح اولیه حق صورتده اولان پریشانلغنی کورد کلرنده عساکر  
کثیره ایله قانتاقوزنه امداد بهانه سیله چناق قلعه سی معبرندن  
کلیبولی طرفنه شهرزاده لری سلیمان پاشایی سردار ایدرک اعزام  
واسرا ایلدیلر اشته سلیمان پاشا نك روم ایلی طرفنه کچمسنه

سبب بودر

الحاصل دوقاس نام مورخ که ایمپراطور فاملیاسندن اوله رق سلطان  
محمد ثانی حضرتلری استانبولی فتح ایلد کلری وقت دهها حیاته  
اولغله اشبوز کری صد دنده اولدیغمر قانتاقوزن وقتندن برانئن دولتک  
زوال وانقراضنه قدر یازمش اولدیغنی تاریخدن برفقره طویله بومحله  
درج اولنشد ر مورخ مذکور یازدیغنی تاریخده شویله بیان ایدر که  
سلطان اورخان طرفندن قره سی والیسی اولان شهرزاده سلیمان  
پاشایه قانتاقوزنک خدمتده بولمق اوزره امر وارد اولدیغندن اونبیک  
قدر عساکر ایله قره سی دیارندن قالقوب تفصیلی مشارالیهک وقایع  
داخلیه سی اراسنده یازدیغنی وجهله روم ایلی طرفنه کچوب ایمپراطور  
یوانی پاله لوغک التماسیله قانتاقوزن علیهنه اوله رق کلمش اولان صرب  
وبلغار وارنود بکارینک بولند قلری محله سرعتله هجوم ایلیه رک  
برمحله جمعیتلرینی پریشان ایلد کد نصکره بلغار ممالکی حدودی  
اولان بالقانلری جنک و آشوب ایچون آشوب اورالرینی بربرینه قادی  
لیکن عساکر اسلامیه نك شدت وصولتی اول حوالی اها لیسنه خصوصاً  
تراسیا والیسنه موجب شکایت اولدیغندن مشارالیه سلیمان پاشایه اون بیک  
دوقه التونی ویریه رک حوالی مذکورده دن چکیلوب عودت ایتلرینه  
دار کندوسنه قانتاقوزن طرفندن تحریرات واصل اولد قد کندی ولری



قبول ایتشایر ایسه ده معیتلرینه کوکالی اوله رق قوشولمش اولان امرادن  
 اورنوس بک وفاضل بک واجه بک امشالی ضابطان عسکریه عودت  
 ماده سنه پروجها راضی اولمیوب کیر وکتک احتمالز یوقدر دیو  
 سلیمان پاشایه جواب ویرمشلر ایدی مشارالیه دخی کیفیت پدیرلری  
 حضرت اورخانه عرض وافهام ایند کلری وقت بالتصادف  
 قانتاقوزن طرفندن دخی بونلرک اناطولی طرفنه عودتلری التماس  
 اولمش ایدی حضرت پادشاه دخی سلیمان پاشایه یازار چاره سنی  
 بولورم جوابی ایله قانتاقوزنک ابرامی کچشد یروب دولت ایمپراطوریه  
 ممالکنه صارقندیلق اید لمامک اوزره فرمان ارسال ایتشلر ایدی  
 بواشاده تراسیا ایالتی که کلیبولیدن استانبول جوارینه وارنجه دک  
 مبسوط اولان اراضیدن عبارتدریک شدید بر حرکت ارض وقوعیله  
 کرک ساحلده وکرک داخلده بولنان قلعه و پلانقه لک وبلکه  
 بالجمله خان و دیوارلرک اساسی مترزل اوله رق خراب و ویران  
 اولدیغندن حوالی مذکوره نک اکثر طرفلری بالسهوله تسخیر اولمش  
 ایدی مومی الیه قانتاقوزینوس بر طرفدن یوانی پاله اوغک دعوی  
 اصالت واستحقاق ایدرک کند ویه رقیب اولسی اضطرابی اوزرینه  
 بر طرفدن دخی دیگر دامادی سلطان اورخان حضر تلری ایله  
 معاهد اولد قلری حالده بویله فوق المأمول درون السکانک نهب  
 وغارت ایله ضبط اولمش جهتیه مستغرق دریای حیرت اولوب  
 نه ایده جکنی شاشیروب امداد واعانه بهانه سیله مسافرت صورتده  
 کلان عساکر اسلامیه نک ممالک ایمپراطوریه دن دفع و اخراج  
 اولملری خصوص صنده حضرت پادشاه کمال سوز و کداز ایله نیاز  
 وشکایت ایلدکده بزم عساکر مزک امراسی هیچ بروقتده عهد  
 و اتفاقه مخالف حرکتده بولمنزل فقط حرکت ارض ملابسده سیله

فرمان مذکور  
 سلطان اورخانک  
 وقایع داخلیه سی  
 اراسند میازمشدر



مسکن و مأواری خراب و ویران و اسایش و استراحتلری بلغارلرک  
 هجوم باغیانہ لرندن پریشان اولان اہالینک طلب و استدعاری ایله  
 کیرمشلرد یوجواب و یرمشلر مومی الیه قانتاقوزینوس حضرت پادشاهہ  
 بتکرار سفیر ارساللہ شہور و قرایہ جراد قضاکی منشر اولوب دولت  
 ایمپراطوریہ نک تراسیا ایالتی ضبط و اسٹیلایلیان عساکرک نصیل  
 کیرد کلرینی صورمام انجق الکای مذکورہ دن کیدہ جکلرمی  
 یوخسہ تملک ایلیوب قالہ جکلرمی دیو صوز دقدہ بومادہ یہ بردن برہ  
 جواب و یریلہ مز اورالردہ اولان امرا ایله مخابره ایتککہ محتاج اولد یغندن  
 بشقہ بلغارلرک هجوم لرندن حوالی مذکورہ بی محافظہ ایلمک  
 لازمدر جوابیلہ سفیری اعادہ ایلدی قانتاقوزن ایسہ مأمول ایتدیکی  
 وجهلہ جوابہ نائل اولہ مد یغندن عساکر اسلامیه نک ارتق اناطولی یہ  
 چکلیمہ جکلرینی ود یکرد اما دی یوانی پالہ لوغوس ایله سلطان  
 اورخانک کند و علیہنہ برلشد کلرینی ہر نقدر جزم ایتش ایسہ دہ  
 پادشاه ایله اولان مناسبت و قرابتی ملا یسہ سبلہ بومادہ نک بالمشاورہ  
 مذاکرہ اولنسی ضمنندہ پادشاہی (نیقومدیا) یعنی ازمید  
 شہرینہ دعوت ایلدی لیکن سلطان اورخان حضرتلری خستہ لک  
 حالندہ بولند یغندن ماعداروم ایلی الکاسندہ اقتضای حالہ کورہ  
 حرکت ایتسنی شہزادہ لرینہ حوالہ پیورد قلرندن کند و لرنجہ بوکادائر  
 مذاکرہ ایتککہ مجبوریت یوق ایدی مومی الیه قانتاقوزن دخی طود یغنی  
 ایشک باشد چیقیمہ جغنی اکلا یوب فضولی ایتدیکی ایمپراطور لاق  
 ادعاسندن فراغت ایدرک علم طاغندہ واقع برمناسترہ چکیلوب راہب  
 اولدی مومی الیہ ہم فن پوائیقہ دہ ماہر و ہم عسکری اراسندہ مشہور  
 بہادر اولوب میلادک بیک اوچبوز یکر می سنہ سندن الی بش سنہ سنہ



قد رمالك شرقیه ایمپراطور اغنه د اتر فصاحت و بلاغت اوزره بك  
 مبالغه لی بر تاریخ قلمه المشد ر کذلک دین اسلامک ردینه د اتر تقاریر  
 مخصوصه یازوب نشر ایلمد کد نص کره مناسترده فوت اولدی مرقومک  
 دین اسلامک ردینه د اتر یازد یغی تقریر لک سبی کروه اسلامیان دن  
 عثمانیاک اناطولی الکاسنده واقع روم ممالکنی بعد الفتح اوریا  
 قطعه سنه دخی عبور ایلمد کارندن اهالی اصلیه سنی اهل اسلام  
 علیهنه ترغیب و تشویق ایچون ایدی یاخود اورخان غازی کندوسنک  
 د امدادی بوانقی ملا یسه سیله عثمانیانه طرفدار ظن اولمسون دیو  
 یازمش اوله خلاصه کلام ژان قانتاقوزن علم طاغنده واقع مناستره  
 چکیلوب معلوماتنی وافکارینی قلمه الوب تکمیل ایتمکده اولسون (بزینه  
 یانی پاله لوغک بقیه حکومتی بیان ایده لم ایدی قانتاقوزن غائله سی  
 بر طرف اولوب حکومت ماده سی یالکزیانی پاله لوغه قالمش ایسه ده  
 عهد حکومتده سلطان اورخان حضرتلرینک شهرزاده لرند سلیمان  
 پاشا بکرمی بیکه قریب غازیان میدان و غایله کلمبو ایدن  
 کفور طاغنه و بیوک چکمهجه یه قدر یا یلمش اولمسیله ممالک شرقیه  
 ایمپراطور اغنک ممالکی ایکی یه منقسم اولوب تراسیا ایالتی  
 سلیمان پاشانک لشکری قاپله مش و ماکدونیا سمترلینه دخی  
 امور و فاضل واجه بک نام غازیلرک عسکری اتله مش و چاپول ایدوب  
 حقه مش اولدیغندن ایمپراطوره هیچ بر طرفدن امداد کلمک احتمالی  
 قالمش ایدی زیر بلغار حکومتی و طائفه سیله برانسیو ایمپراطورلرینک  
 خصومتی عثمانیانه اولان عداوتدن زیاده اولمغله بلغارلرک شرندن  
 محافظه ایچون عثمانیان ایلهر نصل اولور ایسه اولسون صلح اولمق  
 خیرلور کوریندیکندن شهرزاده سلیمان پاشانک هجومی منع ایتک



اوزره سلطان اورخان غازى طرفنه ايلچى وهدايا تقديم ايدرك غا ئله  
 حريدن باشنى قور تاردى ايسه ده اوكونلرده مشار اليه شهرزاده  
 سليمان پاشانك وفاقى ايمپراطورك تحريك عرق حرصنه باعث  
 اولد يغندن هرنقدر غيرته كلكش وروم ايلي طرفنده بولنان اهل اسلام  
 ايله تحارب به لره قالمش ايسه ده بتكرار مغلوبيتنى تجربه ايتكندن  
 بشقه برشى مفيد اولدى

بومحمد طونه نام نهر ك ساحلى داخلنده واقع اقوام و قبائلدن اولا  
 صرب طائفه سنك احوالى بيان اولنور شويله كه بونلر فى الاصل  
 اسلا و نسلندن اولوب قارپاج طاغلرينك دامنلرند ه ساكن ايكن  
 هراقليوس نام ايمپراطور التيوز اوتوز سنه ميلادنده بونلرى اليوم  
 بولندقلرى ايلته نقل واسكان ايتد كدنصكره مدت قليله ده چوغالوب  
 طقوز يوز يكرمى اوج ميلادنده غيرمنتظم اولدقلرى حاليه برهيئت  
 صغيره تشكىل ايلدى ايسه ده تفصيلاته مورخلك لايقيه اطلاقلى يوق  
 ايدى فقط كيدرك بلغار طاقيله بر اشوب بزانشو ايمپراطورلى حمايه سى  
 التنده اوله رق ميلادك يك تاريخلرينه قدر طياند يلر تاريخ مذكوره  
 صربستانك غرب طرفى ايريلوب كندو كندولرينه قرال عنوانيله  
 بر حاكمدار نصب ايتمشلر ايسه ده ميلادك يك يوز سنه لرنده يعنى  
 هجرتك التجبى عصرند ه قوتلرينه بتكرار ضعف كلكله طوپلنوب  
 برلشمشلا ايكن بزانشو ايمپراطورلغى لاتينلرك اسنيلا سيلاه ناموسنى  
 ضايع ايلوب هيئت حكومتلى دخى مترزل اولديغى حاليه صربلور  
 بتكرار تراسيايالتك بر قسيميله تقريباً ماكدونيايالتنى و تساليه يعنى  
 ترحاله سنجاغنك متعين شهرلرني والبانى دنيلان ارنبودلق الكاسندن  
 براز محللرى دخى ضبط ايلدىلر فقط اوروج نام قرالارينك زماننده



قوتلرينه برگره دخی ضعف کلمکله بنای حکومتلری بتون بتون انحطاطه  
 میل ایدنیجه بیک درتیوز الی طقوز سنه سی بلغراد قلعه سی ابتدا آل  
 عثمان پادشاهلرینک قوتیه فتح اولندی که تفصیلاتی د فترآتیده یازیلور  
 (بلغار طغنه سی دخی وولغانام نهرک ساحلنده ساکن ایکن تانارلرک  
 دفع واستثقالیه میلادک بشیوزاللی تاریخلرنده بزانشیوایمپراطورلغنه  
 دخالت ایدوب یدییوز تاریخلرنده برقاج قسمه منقسم اولمش لرایسده  
 صکره لری هیئت اجتماعیه لرینه خلل و پریشانلق کله رک برطاقی  
 روسیه و برطاقی بزانشیوایمپراطورلری حمایه سنه کیرمشلرایدی طقوز یوز  
 سکسان سنه میلادنده ماکدونیا ایالتنده دخی بلغار حکومتی تشکیل  
 اولنوب بیک یوز تاریخلری اثناسنده دخی بزانشیوایمپراطورلرینک حکملری  
 الته کچمش ایدی بیک یوز سکسان سنه لری حدودنده طونه نهری  
 کنارارنده اولان بلغار ممانکیله افلاق حکومتی برلشوب و دین نام شهر  
 کرسی حکومت اتخاذا اولنه رق بربرینی متعاقب بش حکمدار کلش  
 ایسده بزانشیوایمپراطورلری ایله حسن آمیرنش واثلاف قبول ایتیه جک  
 صورتده یک دیگر حقنده اولان عداوت و خصوصمتلری هم کندوارینی  
 وهم بزانشیوایمپراطورلغنی خراب ایتشد رایمدی بلغارستان دنلان  
 الکا دخی کتب جغرافیاده بیان اولندیغی اوزره ملحقاتیله و دین  
 شهرندن بدایدیرک قره دکره قدر طونه نهرینک جریان ایلدیکی محال  
 و مواقعهک ساحل غریبسنده بولنان اراضی علی الاطلاق بلغارستان  
 اعتبار اولنوب نهر مزبورک بحره منصب اولدیغی محلدن بورغاز  
 کورفزینه قدر قره دکرک ساحل غربی و شمالی دخی تشکیل ایدرکذلک  
 روم ایلی الکاسیله بلغارستانک اراسنی حد فاصل اولان بالقان طاغلری  
 ایله دوینیجه یه دک کیدوب اورده مورایا نهر یله نیش اوزندن و دینه



وارنجیه قدر محدود و محاط اولان اراضی به بلغارستان دینور و قتیله  
 اورالری بر حکومت مخصوصه ایکن دولت علیه عثمانیه نك قوه  
 قاهره سیله فتح و تسخیر اولنوب ایوم دولت مشار الیهانك ضبط  
 و تصرفنده اوله رق و دین و سلسله ایالتلری ایله نیش و صوفیه امثالی  
 سنجاقلره تقسیم اولمشدر که حوالی مذکوره ده قدر نفوس بولندیغی  
 و محصولات ارضیه سی نه نوع شیلره منحصر اولدیغی کتب جغرافیه  
 تفصیل اوزرمیازلشد رمر اجعت یوریه (قره دکن ساحلی داخلنده  
 واقع طربزون شهری وایالتی ممالک شرقیه ایمپراطور لغنه تابع ایکن  
 وندیک ولاتین و جنوبی طاقنک استانبوله هجوم واسنیلارینک عقبنده  
 یک چوق فاملیار ازینق و بروسه طرفلرینه نقل ایلدکری مثلاً و براز  
 اهالی دخی طربزون جانبده کیدرکینه اسکی روم ایمپراطورلرینک  
 خاندانندن اولمق اوزره بر حکومت مخصوصه تشکیل اولندی انجق وندیک  
 و جنوبی ولاتینلرک قوت اسنیلاری بر طرف اولوب کافی السابق روم  
 ایمپراطورلغی شکل ایلدیکی زمان طربزون حواله سنده تأسیس اولنان  
 حکومت دخی استانبول اداره سنه ملحق اولمش ایسه ده اداره داخلیه سی  
 یالکز خاندان ایمپراطوریدن بر پرنسک عهده سنه وراثت طریقیه  
 و بر یله رک سائر الکادن ممتاز اولمشدر ایمدی ذکر اولان پرنسده نصکره  
 طربزون قرالغنه کلانلردن عثمان غازی نك عصرینه تصادف ایدنلری  
 کتاب ثانیده یازلش اولمغه سلطان اورخان حضرتلرینک زمانلرنده  
 دخی معاصر اوله رق طربزون حکومتنده بولنان قرالارک ابتداسی  
 اندرونی بعده مانوئل بعده بایزید بعده ادن وانا نام قرالیمچلرک  
 اداره سنه یکوب بیگ اوچبوز قرق برسنه سنه میخال نام اوغلونه  
 حکومت نقل ایلدیکه اورخان غازی حضرتلرینک عصرنده طربزون



الکاسنده دخی میخال مذکور مقام حکمداریده ایدی  
 قریم اقلیمی دخی دشت قیچاق الکاسنده داخل اوله رق اداره اولور ایدی  
 انجق بو کابده دشت قیچاق الکاسنک موضع جغرافیسی ایله احوال  
 قدیمه سنک تفصیلندن صرف نظر اولنه رق یالکنز اوراجه شایان  
 تحریر اولان حکومهتک ابتدای تشکیلندن بحث اولور شویله که  
 جنکیز سلاله سندن اوله رق میلادک بیک ایکوز یکرمی الی سنه لری  
 اثناسندن جوجی خان تاتارستان کبیرده واقع مغولستاندن برطاقم  
 عسکر جمع ایدرک بحر حزره شمالدن جنوب شرقی یه طوغرو جریان  
 ایلان وولغانام نهر مشهور ایله دون دیدک لری نهرک اوزرندن اشوب  
 قالموق وقوبان وچرکس و ابازه ممالکیله نوغای طاقمی و روسیه نک  
 بلاد شرقی جنوبنده واقع اراضی بی براشد یروب بر حکومت مستقله  
 تشکیل ایتدکد نصکره کندوسی پدیری جنکیز خانک وفاتندن اول  
 فوت اولنجده یرینه اوغلو باتوخان بیک ایکوز یکرمی یدی سنه میلادنده  
 دشت اقلیمده خان اولوب اورادن روسیه نک الکای جنوبی سندن  
 یور و یوب له و بلغار ممالکیله مولداوی یعنی بغدادن اراضیسنی و مجار  
 ولایتی بیک ایکوز قرق برسنه لرنده و قرق ایکی سنه سنده دخی دالماسیا  
 طرفلرینی نهب و غارات ایلدیکي وقت عمبسی اولان منکو خان چین  
 دیارینی اسنیلایتمش برادری هلاکوخان دخی منکو خانک خبری  
 اولقسزین بعض تشویقاته الدانرق بغدادده هجوم ایلایوب خلیفه عباسی  
 مستعصم باللهی قتل و اعدام ایلیه رک دولت عباسیه نک زوال  
 واضمحلالنه سبب اولمش ایدی اول اراق موئی الیه باتوخان دخی  
 فوت اولدقده مقام حکومتیه برکت خان بیک ایکوز الی الی سنه سی  
 جلوس ایدوب بودخی سلاطین سلجوقیه نک التماسنه مبنی طونه



اوزرندن بلغارستانه و بالقانلری پروچکه رك استانبول طپراغنه قدر  
اقتیلایدوب چاپوللرایلادی هلاكونك بغداده هجوم ایلوب خلیفه  
عباسی به حرمت و رعایت ایتیموب یواسن حرکت ایتدیکنه طاریلوب  
هلاکوايله عظیم محاربه ایدرك غلبه به مظهر اولد قدر نصیره بودخی  
فوت اولججه یرینه منکو تیمورخان بادشاه دشت قیچاق اولمش ایسه ده  
مدت قلیله ده فوت اولوب بعده تودان منکو بعده قولابوغا بعده  
توقتاغومقام حکومته کچوب دشت قیچاق الکاسنه کیف مایشاء حکم  
ایدرك بيك اوچيوز بش سنه میلادنده هر قوم توقتاغوخان فوت اولوب  
زمام حکومت اوزبك خلك دست استقلالنه انتقال ایلوب بيك اوچيوز  
قرق ايكي تاريخ میلادينه قدر سلطنتی ممتد اولدی که بقیه سی خداوند کار  
غازی سلطان مراد خان حضرتلرينك زمانلرینه تصادف ایلدیکندن  
کتاب رابعه براغلمشدر

نوغای دیدکلی تانارلك اصلي ترکان طاقندن برقبيله اولوب روسیه  
الکاسنك نواحی جنوبیسنه و قوقاز طاغلرينك وقوبان نهرينك و قریم  
دیارينك جهت شمالندن پروت نهرينك حوالیسنه قدر یایلمش اليوم  
اوچيوز بيك قاملایي جامعدر لیکن هر قاملایا بش نفر اعتبار اولمغله  
قبائل مذکوره بر بچق ملیون نفوس اولق لازم کلور حال بوکه نوغای  
تانارلینك مقداری اليوم یارم ملیونی بيله تجاوز ایتمز و بونلر تانار قبائلندن  
اولوب فقط جنکیر خاك احضاردن نوغای اسمیله بنام بر بکک  
اداره سی تحتده اولدیغندن نوغای تعبیر اولور کندولری حالا اهل  
اسلامك سنی طاقندن اولدیغی و قره دکر ساحلارینه دك توطن  
ایلدکلی کتب جغرافیاده مسطور و مقید در

حرکس و ابازه و قبارطای طاقی هر نقدر اتم موجوده نك الکوزلارندن



ایسه ده موقع لرینک بر حکومت مخصوصه تشکیله مساعده سی  
اوله مد یغندن همان کوجیه کی تعیش ایدرک او وقتلده تاتار طر فلرینه اظهار  
اطاعت ایلش غایت جنگی بر طاق قبائلدن عبارتدر که حوالی مذکور  
صکره لری دولت علیه عثمانیه نک قوتیه تسخیر اولند یغندن تفصیلی  
بوند نصکره یاز یله جق جلدلده بیان اولمشدر مر اجعت بیور یله

### فصل ثانی

سلطان اورخان غازی نک جلوسندن وفاته قدر یعنی ید یوز یکر می  
القی سنه سندن ید یوز التمش بر سنه سنه قدر اوتوز بش سنه لک  
وقوعات داخلیه سنک بیانده در

عثمان غازی نک وفاته د ارقرین صحت اولان روایات هر نه ایسه دفتر  
سابق ثانیده تفصیل اوزره یازلمش اولمغله ارتق بوراده تکرارندن  
صرف نظر اولنوب یالکیز جلوس اورخانیدن ابتدا اولمشدر شو یله که  
هجرتک ید یوز یکر می القی رمضانک اونبرنجی کونی مقام حکومته اصالت  
وجهیه جلوس ایدوب جهانگیر لک احوالک تد بیرنده قوت واستقلال  
بولد قدر نصکره هیئت حکومتک تشکیل و تأسیسند مد خلاری  
اولان ارکان واعیانک دخی قابلیتلی اولنلرینه مکافات اوله رق بعض  
قریه وقصبه لک اداره لریله اوجاقلق و بر طاقلرینه دخی فتح و تسخیر  
ایلیه جکی ممالک کندویه تملیک اولمق اوزره کشور کشالق براتلری  
عنایت بیورادی ازان جمله قوکرالب دیدکاری مرد میدان وغایه کرده  
ایلی حواله سنی یغمایه واجه قوجه دیدکاری دلیر صاحب تد بیره دخی  
نیقومد یا یعنی از مید نواحب سنک تسخیری واق باش محموده دخی قره دکز  
ساحلنده شیه طر فلرینک ضبطی و قره هر سل نام شهزاده دخی مر مره  
دکزی ساحلنده واقع اراضینک ممالک اورخانیه ربطی ماده سی



حواله بیورلد یغی صره ده یلاق آباد یعنی یا اوه دنیلان محلاک دخی  
فتی قاره رحن دید کاری غازی عبد الرحمانه ویرلدی اشته قوکرالب  
دید کاری نامدار سلطان اورخانک امریله لوای غزایی قالد یروب  
کند ویه تابع اولان غازیلری اق یازی جانبنه اقمین ایچون  
صالد یرد یغندن اورالری ضمیمه ملک اورخان اولد قد نصرکه مودرنی  
دیارینه توجه ایتکه کند ولرینه قارشو کلا نلرایله عظیم جنک  
ایتکه اید یلر

امرای صف آرادن ایچ قوچه نام صاحب رأی دخی یاننده اولان  
شیران ایله قاندریه واروب اولد یارده بروجله جنک ویرخاش ایتد یلرکه  
اقان قان دره یی طواد یروب کووده یی کوتوردی وکشته لردن حاصل  
اولان پشته لردخی صحرای کهساره همسر اولوب خیلی زمانلر اورالده  
طوردی ارتق دوشمنک بو مرتبه خسارتد نصرکه تاب وتوانی قالمیوب  
بروجهله مقاومت مجالی اولد یغندن معموریت وکثرت نفوس ایله عادتاً  
برقصبه دیتکه شان اولان قاندره نام قریه یی دخی مومی ایله ایچ قوچه  
تمامیله ضبط واسنیلا ایلیوب کند و لرفندن برقاج یرار کیمسه لر براغوب  
اورادن ارمنی بازاری طرفنه هجوم ایدرک متاع کارزاره رواج و یروب  
شهری الدیلر بو اثناده خبرالد یلرکه صماندیره تکوورینک او غلو  
اولمش واهالینک اکثریسی انک جنازه سنه جمع اولمش اولغله قلعه  
اهالیدن خالی قالد یغی جهته غازیلر سحاب قضاکی طاغلری  
یورویوب صماندره دره سی اوزرینه سیل کهسار وار یورودیلر وتلاق  
امواج صفوف لشکراراسنده تکوورینی دخی طوتوب ایدوس حصار یله  
مبادله ایتک اوزره سور دیلر ایسه ده مطلوبلری قرین حصول  
اولد یغندن استانبول ایمپراطورینه صائمق واجه سنی دخی اموال



غنايمه قائم قرار يني و يرد گلرندن بوغازد کزي ياليسنه يعني يوروس  
حواليسنه اينوب استانبوله خبرارسال ايلد يلر

ايمدي اشبوقاندری دیدکاری اليوم اسکدار ناحیه سندن اولوب اقبابا  
ويوروس قضالرينك سمت شرقيسنده اولغله اسکداردن ايکي  
مرحله در يوروس قضاسی دخي قره دکز بوغازی قرينده يوشع  
طاغنيك صاغنده قلعه مستحکمه سيله مشهور و معلومد ر آيدوس  
دخي قره دکز بوغازينه قريب اولوب يوشع طاغنيك ارقه سينده درکه  
حالا قوجه ايلي سنجاغی مضافاتندن عد اولنور

روم ايمپراطوری بولنان اوچنجی اندرونيقوس طوائف عثمانيانك بکقوز  
سواخانه قدر کلد کلرينه تحمل ايدمه ميوب ماونه ل ايله براز لشکر  
کوند رمش ايسه ده بوغازی عسکر کلان لشکری قره يه چيقار ممقده  
يوز اقلغی **کوسرتمک** ايچون جنک پر خاشه صواشد قلری جهته  
ايمپراطور مشار اليهک عساکری مغلوب اوله رق کلد کلری يواندن  
کيرويه کيتديلر اچمه قوجه يه رفاقت ايليان غازيلردخي صماندره  
حصار يني مسکن و مأمن اتخاذا ايلد کلرندن اورايه عودت ايدوب ظهوراته  
منتظر طور د قلری حالده حوالی مذکور ه يي عدل و داد ايله آباد  
ايليوب ترک کلدی ديورک ديار ايد نلرايتميانلرک خوش حال اولوب قبول  
رعيت ايله رعایت اولند قلرين کورد کجه کيرو وطنلريني اوزليوب کلد يلر  
نامدار مذکورک فتح و تسخير ايلديکی اراضی قوجه ايلي دنگله شهرت  
شعار اولمشدروغازی مشار اليهک مزاری دخي قاندری قرينده واقع  
زيارتگاه انامدر قانتاقوزن و پاشير نام روم مورخلری طرفسندن اشبو  
مخاربه شو صورتده بيان و تفصيل اولمشد درکه سلطان اورخانک از ميد  
حواليسنه هجوفندن اولجه ايمپراطور اندرونيقوس پاله لوغوس نام



بزانیو ایمپراطوری کند و خواص و خدامندن قانتاقوزن و قونتو فرو نام  
 مدیر لک ثمره استنشاره سی اولمق اوزره استانبولک جوارنده واقع  
 قری و قصبات و شهوردن برقاج بیک پیاده و سواری جلب ایلیه رک  
 علی الحمله اسکداره کجوب ماتبه نک قواغنی الدیلر سلطان اورخان  
 حضرتلری ایسه سکز بیک قدر عساکری ایله علم طاغی و قایش طاغی  
 وراسنده بولند یغندن فنار او و اسیله یالماکز سروی او و اسنی موقع محاربه  
 اتخاذ ایتد کلمرندن صاغ قول و وصول قول و قلبگاه اولمق اوزره  
 عساکری تنظیم و ترتیب ایتد کد نصکره آت اوزرنده اوق اتمقده  
 مهارتی اولان عثمانلردن اوچیوز سواری تفریق ایل یوب بزانیو عساکری  
 طرفنه سوق و اعزام ایلد کده ایمپراطور مشار الیه دخی عساکر  
 عثمانیانه قارشو اوچیوز سواری چیقاروب جنکه طوروشدیلر عساکر  
 عثمانیه پک شدتله کیرشد کلرندن او توز قدر تلفات و قاقع اولمغله بتکرار  
 اوچیوز سواری دخی سوق اولندی ایمپراطور مشار الیه بوارالق عساکر  
 موجوده سنه برنطق رسمی بیانیله عساکری تشجیع ایتک استدی کندن کمال  
 تلاش و یجتابندن امنیت سزلک ایله قورقوسنی بیان ایلدیکندن عساکرک  
 غیرت و همتنه فتور و کسل کتوردی بواشاده سلطان اورخان طرفندن  
 بیک نفردها سوق و اعزام اولندی بزانیو عساکری بونلره مقابله صد دنده  
 اولمشلر ایکن سلطان اورخانک برادری علاء الدین پاشا قوه حربیه سنک  
 جمله سیله جمله ایلدیکندن ایمپراطور دخی صاغ و وصول قول قوماندالری  
 قانتاقوزنک اداره سنه حواله ایلیه رک مقابله و مدافعهیه تصدی ایلش  
 ایسده قانتاقوزنک حیوانی تلف اولوب ایمپراطور دخی ایاغندن یار دلندیغی  
 جهتله هر فصل اولور ایسه اولسون مصالحه اولمق شرطیله استانبوله  
 عودت ایتکی آرزو ایلدیکندن ماتبه ساحلینه سفینه یناشوب



ایمپراطوری برقا ایچمه ایچنه وضع ایدرک درون سفینه به ارکاب ایله  
واستانبوله طوغرو بادبان ککشای عزیمت اولدی اورخان غازی  
حضر تیری دخی عساکری کبرویه چکوب فقط بالاده ذکر اولنان ایچمه  
قوجه نك رفقا سندن غازی عبد الرحمن سگسان قدر مرد میدان وغا  
وشیران معرکه هجما ایله آیدوس حصارینک اطرافنده چاپول ایچون  
طولاشوب طور پر ایکن حصارک برج و باروسندن کند و سنه اشارات  
مخصوصه ایله القا و اطاره اولنان ورق پاره بی الوب دروننده یازیلان  
شوصورتده ایمش که کچن کیچمه عالم منامده برقوی یه یوزی قوی  
دوشمش ایدم الیمدن بریکیت طوتوب چیقاردی او وقتد نبر و اول  
یکیدک شکل و شما ثلنه مائل اولدیغمدن خیالی حسب حالم اولوب  
دائما خاطر نشاتم اولغله اکا مکافات ایتکه عهد ایتش ایدم مکر بنی  
اول برزخ بلادن قورتاروب چیقاران سن ایمش سن اشته بن دخی  
عهد و وفا ایتکه حاضر م بناء علیه شمدی بورادن صاو و شوب  
کیدوب یارین کیچمه یاریسی اولد قده حصارک یسارنده واقع طاغ  
طرفندن صارقیدلمش اولان ایپه صاریلوب تحریک ایله سنی  
یوقارویه الورلر بعد الملاقات قلعه خصوصنه دخی قرار ویریلور  
دیویازلمش ایدی غازی مذکور حصارک سهولتله تسخیر  
اولنسه جغنگ سرور یله قلعه دن اوزایوب سردار اولان ایچمه  
قوجه یه کیفیت افاده ایلد کد نصکره لیله معهوده و موعوده نك  
حلولنده کندویه موافق و هوادار الی قدر قفا دار ایله آیدوس حصارینک  
کارینه یقلا شوب اشارت اولنان محمله صارقیدلمش ایپه مذکور غازی  
عبد الرحمن صاریلوب تحریک ایدنجه یوقارودن دخی در حال جکدیلر  
برج قلعه ده حاضر دوران آیدوس تکورینک قرنی ایمش مومی البها



ایله ملاقات ایدوب قلعه نك فتحی بانبده شویله قرار ویرلمش که  
 کیجه یاریسند نصکره قلعه قیوسی طرفنه واروب باسبانلری او یقوده  
 باصوب قیوی اچه لر فی الواقع قرار ویرد کیری کی اجرا ایتد کیرنده  
 عروس فتحك اقبالنه ناظر اولان غازیان درون حصاره کیروب  
 طاغیلوب راست کلد کیری نی شمشیر عدوتد میر ایله هلاک ایدرك  
 اورالری دخی تمام ایله دوات علیه نك ممالک سائره سنه ملحق ومنضم  
 اولد قد نصکره برنیجه اموال غنایم ایله قلعه نك فتح و تسخیرینه همت  
 ایلیان د ختر فرخنده اختری دخی غازی مشارالیه ترفیقا آستان  
 حضرت سلطان اورخانه روانه ایتدیلر سلطان مشارالیه حضرتلری  
 دخی مقابلنده مکافاتہ روانه ایسه اجرا پیور مشلر و بوبابده ممنون  
 و محظوظ اولد قلربی ظریفانه طیور مشلردر

ایدی روزنامه وقایع عالم هجرتك ید یوزیکرمی ید بی سنه سیله  
 مورخ اولد قده اورخان غازی حضرتلری دخی سمند همت بلند  
 بنوب کرسفری قوشانوب کشور کشالوق یولایله بولی شهرینه طوغرو  
 اوزاند یغندن قو کرالب نام سر کرده بی حبلی حبلی عسکر ایله کرده ایله  
 ارسال ایلدیکنده یر اراق ایدوب اوراسنی فتح ایلدیلر ایدی بویول دخی بولی  
 فتحی ایچون لوای غزایی قالدیروب عسکر ظفر رهبری چکدیردی کیتدی  
 بولی شهرینی ضبط و تسخیر ایتدی ایسه ده یانکز شهر ایله قناعت اولمبوب  
 قراوقضاسی دخی ممالک عثمانیانه ربط اولندی انجق غازی  
 مشارالیه کندو طلبی ایله رفاقت ایلیان برقاج بیك نامدارك سرداری  
 خضر و افغان بکار دخی کندو باشلرینه جهاده قویولوب فتح  
 ایلدیکی دیارده ترك حیات مستعار ایدنجیه دك خیمه اقامتی قوروب  
 طور دیغندن اورالره السنه ناسده خضر بك ایلی دیرلر کذلک افغان



بکک دخی دیار اسلامه ربط و ضمیمه ایتد یکی پرلر افلغان ایلی  
 دیمکله مشهور در بونا حیه لرک ایکبسی دخی بولی سنجاسی  
 حواله پسنددر که تفصیلی دولت علیه عثمانیه نک ممالکنی الویه وایالاتله  
 بیان ایلیان جغرافیای عثمانی نام کتابمزدده محرر اولمغله مر اجعت  
 بیور یله (والخاصل بو ایکی سردار نامدار که یرینه قوکرالپ دیکرینه  
 الحقه قوجه دیرلر ایدی بری کرده ایلنده او بری قوجه ایلنده امیر  
 شهر اولوب اولمجه اوراده طور دیلر ایه ده آخر کار بودار پرافاندن  
 سرای صفایه رحلت ایلد کلر نده قاندری دیارینک یعنی بکتوز  
 کارینک اداره سی اق باش محموده وقوجه ایلی امارتی دخی فرزند  
 عالی نژاد سلطان مراده ویریلوب قوکرالپ نام مرد جسور دخی  
 عازم دار السمرین اولد قده کرده دیاری والی عالی مقدار دن مغالی  
 قالمغله شهرزاده اکبر عالیشان سلیمان پاشای کامکاره عنایت واحسان  
 بیورلدی

ذات همایون شاهانه لری دخی پیاده و سوار عساکر انجم شمار ایله  
 دارالملک بورسده دن نفس ازمد حصارینک فتحی قصد یله حرکت  
 بیوروب یکی شهر اوواسته قوندیلر ایه ده روم امپراطورلرینک ایکنجی  
 مرتبه ده دارالحکومه لری اولان ازنیق شهری اوتارینخلرده ده  
 لایقینه فتح اولنه مدیغندن بالضرور کیوه طریقیله کیدلمسی ترجیح  
 اولمغله ایه صوبی کارینه قونلدی که اوراده شهرزاده سلیمان پاشا  
 اوردوی همایونه جیوش اهن پوش ایله کلوب ملحق اولدی سردار  
 نامدار غازی عبدالرحمن دخی ایدوس طرفندن برطاقم اقبی عساکر  
 ایله اردوی همایون اورخانییه دخالت ایدوب حضور اورخانیده  
 شرف زمین پوسه مظهر اولدی اورادن اردوینی جهان پوی دارات



کامله و مهمات تام ایله ازمید دیارینی باصوب حصارینی محاصره  
ایتدکاری ائنده حصارک صاحبی اولان تکورور فوت اولوب وراثت  
حکمنجه زمام حکومت تکورور مذکورک برنفر قزینک تحت اداره سنه  
انتقال ایش او لمغله حاکمه مذکوریه امداد و اعانه اولوق اوزره  
استانبول طرفندن خیلی عسکر و مهمات ارسال اولندیغندن بشقه  
آل عثمانک فتح ایلدیکی ممالکده قبول رعیت ایتیوب ترک وطن ایلیان  
متعصب طاقی نیقومدیا یعنی ازمید حصارینه متحصن اولدقلرندن  
نفوس کثیره تراکم ایش ایدی زیر احصار مذکورینه کند و اسمنه منسوب  
اولان برکورورک نهایتنده اولوب جوارنده بولنان واسع اورمانلردن قطع  
اولان کراستنهک صبا نجه کولی ونهری دلا بسه سیله بحر نقل و ایصالنده  
سهولت اولغله سفینه لرا نشاسی خصوصنده استانبول اسنیلا سیچون  
بک مهم بر محل اولدیغی مثلاً استانبول الده بولندجه اوراسنک دخی  
محافظه سی لازمه حال دند ر بناء عایه کرک حصاره و کرک شهره  
اقتضاسندن زیاده حصانت و متانت ویرلش ایسه ده آل عثمانک  
قوه قاهره سی و موفقیت و مظفریت باینده مجرب اولان شهرت  
فاخره سی دنیا پی طوتمش اولدیغندن اوبله برشیدالشکجه قوت  
جسیمه یه قارشو طورمغه و مقاومه محالاری اولیوب حصاری تسلیم  
ایتمک و مال و جانلرینی تخلیص ایچون استانبول طرفنه کیتک التماسیله  
دامن امانه یا شوب استیمان ایتدیله التماس واستدعاری مقبول عالی اولنجه  
اموال و اشیا ریه قایقلره بنوب استانبوله کیتدیله حصاره دزدان نصب  
اولنوب مواقع معلومدلی جامع و بعضیلری دخی مدرسه مدرسه تعیین  
بیورلدی (بیت) اثر خیرایله کشی دیریدر\* کند و اولور ایسه ایشی دیریدر\*  
خواسنجه ناملرینی ابقا و اداره داخلیه سنی دخی قاره مرسل نام



بهادره احاله ایلد یلر قاره مرسل دخی فرمان اورخانی ایله ازمید  
 کور فرینک ساحل جنوبه واقع اسکله لری فتح ایلد یکندن  
 کندو نامنه منسوب دریلاق آباد دیدگری یالوه دخی بونک پاروی  
 همته داخمل ملک عثمانی اولمشدر یالوه قضاسی دخی صمانلو  
 طاغری دره سنده کستانه قورولخی درونده معدنی صیچاق صولرک  
 نهمانی ملا بسه سیله روم ایمپراطور لرندن اسکی قسطنطینک  
 والده سی ایمپراطور یچه هلنه بعض مرتبه امراض جلدیه یه مبتلا  
 اولد یغندن تدبیر اطبا ایله محل مذکوره کیدوب پردن طبیعی قاینیان  
 صیچاق صولره کیروب شفا یاب اولغله کندو سنده مخصوص  
 بر سرای ایله برخسته خانه وسائر خانه لری دخی انشا اولنوب هلنه پولس  
 یعنی هلنه شهری نامیه بر شهر بنا اولمش ایسه ده هواسنک فناغی  
 جهتیله صکره نری خرابه یوز طوتمشدر یوارالقه ده هرکه حصاری  
 دخی تسخیر اولنوب قاضی کوی واسکدار ارقه لرینه یعنی قایش  
 طاغی و بواغورلی قریه لرینه قدر عثمانلو اتلوسی اقینه کلورلر ایدی  
 کندولری دارالملک بورسایه عودت ایدوب ازینی تضبیقه براققلری  
 طازعلی و قره تکین نام سردار لر دن خبر فتحه ناظر اولمشلر ایدی  
 سلطان اورخانک برادری اوایده بیلچک قضا سنده اقامت اوزره  
 بولنان علی پاشا که یو کاعلاء الدین پاشا دخی دیرلر برادرینی زیارت  
 قصدی ایله بورسایه کلدیکی ائشاده شهرزاده سلیمان پاشا و سلطان  
 مراد و سائر اعیان و اکابر جمع اولوب هیئت حالیه بدویه لرینه نظام  
 و یروب دولت و سلطنت اقتضاسیجه بعض مرتبه اطوار و قوانین  
 وضع اولتمق خصوصنده عقد مشورت اولدیغی صیره ده ابتدا  
 نسللری منقرض اولمش سلاطین سلجوقیه نک نامیه مسکوک اولان



سکه زك ايدى ناسده تداول ايتمى منع اولوب دراهم و دنانير نام نامى  
 اورخانى ايله زينت پذير اولد يكه تاريخ دخی هجرتك يد يوز يكر مى  
 سكر سنه سنك محرمنده ايدى ثانيا دولت عثمانيه ك خدم و حشمى چو غالب  
 اطرافه طاغى سلطنت اورخانه برهان اولد يغندن قبائل كوردو تركدن  
 خيلى آدم خيل سلطان عالمه قار يشوب يرلايله مسافر و خواص ايله  
 عوامك ظاهر اولسى ضمننده عموما سپاه ظفر پناهه قرمزى بك كيمك  
 و ذات شاهانه لرى ايله خواص بندكانك يعنى عثمانلو تعبير اولنان اعوان  
 و انصارك بياض بك اكسا ايتلرينه قرار و يرلشد رزيراپردولتك  
 تشكّل و تأسس ايتمى اعوان و انصارك اتفاق و همتلرى ايله مقام  
 حكومتك خاندان حكمدارى به وراثتى و خلقك دخی قبول و تصديق  
 ماده لرينه منوط اولد يغندن شرع شريفك احكام منيفه سنى  
 التزام ايله رك عبد المؤمن اولان جمعه كونلرى جامع شريفده كندو  
 طرفندن وكالة خطيه اوقومتق و ناسك اخذ و اعطا سنده امنيت كامله  
 كوسترمك اوزره كند و نامى و دولتك علامت و نشانيله مضروب الحقه كسمك  
 و معاملات عبادى تشويش واضطر ابدن قورتارمق و سوارى و بياده  
 و محافظ و اقنيجى ناسيله عساكر تدارك اولمق و خدمت ايد نلره مكافات  
 و ايتيانلره مجازات ايلك و درگاه دولته استقامت و صداقت اوزره  
 بولنان امكر ارانه مراتب مخصوصه كوسترمك و هم جوار لرى اولان  
 سلاطين و ملوك ارا سنده حقوق دوليه بيدا ايتك كى قوانين جديده بى  
 اجماع امت ايله وضع و احداث ايلديلر و مسكوكات خصوصنده  
 اوج دفعه تبدل واقع اولمشدركه برنجيسى امير و سلطان روم عنوانيله  
 يلد يرم بايزيد زمانه قرر ممتد اولوب ايكنجى تبدل دخی بحر سفيد  
 و سياهى قتحّد نصكره سلطان البحر بن عنوانى سلطان سليم اول



وقتہ دك سورمش ايكن مصرك فتي و حجازك داخل عمالك عثمانی  
اولمسی و لایسہ سیلہ مکہ مکرمہ و مدینہ منورہ نك حایہ خد متی دخی  
ضمیمہ عنوان پادشاہان اولمشدر باشلرینہ کید کلری عمامہ لری دخی  
کند ولرینک آسیانک سمت شرق پسندن کلش اولد قلرینی بیلدیرر  
شکلہ ایدی ہجرت نبویہ دن سکرظقوز یوزسنہ اقدم اسکندر  
مشهورک عجمستانہ فتح و تسخیر ایلدیکی جہل منار یعنی قرق ستون  
نام شہرک خرابہ لری ایچندہ بولان تصاویر قدیمہ نك باشلرندہ الیوم  
خرسانیلرک کید کلری عمامہ کی صارقلرک اولدیغی کورلشدر و الحاصل  
روملردخی باشلرینہ التونلی برک کیوب اوزرینہ صارق صارد قلرندن  
بیلمکدہ مخصوصا برک یایمق و دابند طوقومق ایچون دستکاهلرتنظیم  
اولمش ایدی

غازی ارطغرل بکک وغازی عثمان خانک زمانلرندہ اطرافہ سوق و اعزام  
اولنان عساکرک مجموعی اقینچی نامیلہ سواریدن عبارت ایکن  
یوعلاء الدین پاشانک ہمت و اقدامیلہ یومیہ براحقہ علوفہ و یریلہ رک  
برطاقم پیادہ عساکردہا حاضرایتدیلر خدمت مخصوصہ سلطانیہ  
بولنان عثمانی لوصفتیلہ متصف اولنلر باشلرینہ بیاض برک کیوب  
اقنچیلق ایشندہ اشلروا تراک واکراد باشلرینہ قرمز برک کید کلری  
کی سرکردہ عساکردخی باشلرینہ التون اسکوف کیوب اوزرینہ  
مہقد صارق صار نورز ایدی سرورد ہور ایلہ صارق بوزولوب اسکوف  
بشقہ کیلور اولدی

چندرلی قرہ خلیل کہ ہم وزیر و ہم قاضی عسکر اولمشدر شیخ ادبالیکنک  
دخی اقر باسندن اولمغلہ آل عثمانہ مناسبتی وارایدی علاء الدین پاشا  
برادری اورخان غازی حضر تلرینہ وزارت مشغولیندہ ایکن اشہو



قره خلیل دخی معاملات عبادی تسویه ضمننده قاضی عسکر لک  
 خدمتہ تعیین اولندی لیکن مومی البسہ قره خلیل افکار جیدہ  
 اصحابندن اولغله یالکز قوہ قاہرہ ایله روم ایلارندہ افینچی ترکان ایله  
 آل عثمانک پایدار اولمسندہ مشکلات بولد یغی جهتہ قبول رعیت ایله  
 رعایت بولان اہالینک کنج و دنجہ لرندن وظائف سفریہ و حضریہ  
 دیہ رک تعیینات معتدلہ ایله پیادہ و سواری یازمق باندہ تحصیل  
 مأموریت ایلدی رعایان عساکر یازمق مادہ سنہ شویله تدبیر  
 ایشدر کہ دولت عثمانیہ اوقاتنی غزا و جہادہ صرف ایتکی کند و سنہ  
 وسیلہ فیض و نصرت بیلش اولد یغندن ہر زماندہ سفر بر و عسکر  
 پر و برد و ات اولق ملابسہ سیلہ زحرہ سپاہی درگاہ سلطانیہ  
 ملترم اولوب رعایانک دخی حمایہ سی دخی و تعدی عساگردن وقایہ سی  
 مطلوب عالیدر دیہ رک خریسٹیان اولادندن یکی چری نام و عنوانیلہ  
 برمقدار عساگر یازمشدر چونکہ کرک سلطان اورخانک و کرک ہیئت  
 دولتی تشکیلہ سبب اولان امر اوارخانک اول امردہ مقصد و مراملری  
 کوچک آسیانک سمت شمالندہ صیغنیوب کند و لرینہ اورالرینی اصندر مق  
 و دشمنلری صندر مق ایکن عدالت و مرحمتک ثمرہ عزیزہ سی اولق  
 اوزرہ عنایت باری باری اولغله شوکت و عظمتلری دولت و حشمتلرینک  
 ازدیادینہ بادی اولہ رق روم ایلینک و استانبولک روم النندن تخلصی  
 ایله اسپانیا قطعہ سندہ بولنان عربلرک مغلوبیتنہ مقابل بو طرفلردہ  
 غلبات کثیرہ یہ مظهر اولوب کشور کشالق افکاری صکرہ دن اذہان  
 عمومہ ساری و طاری اولمش ایدی بناء علیہ روم ممالکی اوزرندہ  
 اساس دولت عثمانیانی اوروب قورہ جق و سایبان امارت اسلامیانی  
 قوروب طورہ جق حکومت طرفلوسنک خدمات شدیدہ حریبہ دہ



تلف اولوب ککنام اولسی رعایانک راحت واسایش ایله علی التوالی  
چونغالوب ایله وده بالطبع کام المستی موجب اوله جغندن رعایانک  
دخی بویولده استخدا می اولاد واعقابنک اسلامی قبول ایتسنه  
وسيله جزيله اتخاذا اولمشدر

ایمدی خرسنیان اولادندن شرف اسلامه مشرف اولنله وظائف  
مخصوصه تشویقیه ویرلدیکندن اولکی سنه بیک نفر رعایا مسلمان  
اولمش ایدی بونله ینه کند ویزندن اون باشی یوز باشی و بیک باشی  
نصب اولنوب مستعد لرینه دخی مناصب مناسبه توجیه بیوریلورایدی  
اسیر اولانلردخی اسلامه کتوردلک قاعده هر عیه دن اولمغله وقت  
سفرده یومیه بر اچه عثمانی که ربع درهم شرعی ایدر وظیفه ویریلوب  
خرسنیانی تکالیف عرفیه دیوانیه دن معاف اولمشلر ایدی سواری  
تخصیص اولنان گروهنه دخی وظیفه وعلوفه بدلی اولمق اوزره اراضی  
مرزعه نکه اعشاری تیمار اوله رق تعیین وسفردن عودت اولند قدده  
ینه هر کس محالرینه کیدرک زراعتیه مشغول اولدیلر کذلک تکالیف  
دیوانیه دن معاف اولمق شرطلریله برطاقم عساکردها یازمشلردر که  
انله مسلم تسمیه اولمش ایکن صکره لری سپاهی دیمشلردر و یکی چری  
ایله سپاهینک یکدیگره عداوتی بوندن نشئت ایتشد رزیرا یکی چری  
دیدکاری رعایا و خرسنیان دن مرتب اولوب اهل اسلامه مخصوص  
برطاقم اورته لردخی کساد اولندیغندن بشقه هراون نفره براون باشی  
و بهراون اون باشی یه براوسته و برقره قولنجی و حربه جی واورته  
اوسته لری ترتیب وتنظیم اولنده رق حکومتک تفنک انداز اولان عساکر  
مرتبه سندن اولدقلری جهتله سپاهی بلوکلرینه مسلم عنوانی  
چکه میوب یکدیگره نظر احسد و عداوت ایله بقارلر ایدی خلاصه



کلام بوند ببرد لیر ایله درگاه پادشاهیده الی بیکدن زیاده عسکر  
طوبلیمش اولغله سابقا ذکر اولنان از نبق حصارى اوزرینه عزیمت  
اورخانی واقع اولمشدر

چون پادشاه نوجاه همجرتک ید یوز اوتوزد رت سنه سی عساکر مرتبه  
جدیده ایله دارالملک بروسادن حرکت ایله یکی شهر طریقله قطع  
مراحیل ایدرک از نبق کولی کاریله حصاره مواصلت ایدوب محاصره  
ماده سنه مأمور اولان طازعلی وقاره تکین نام سرکرده نک پازوی  
همتلرینی برقات دخی تقویه بیورد یلمر مکر حصار ایچنده مدت مدیده  
محصور اولان اهالی باغ و بستانلرینه خر و جده مقتدر اوله مد یقلمدن  
خط و غلا جانلرینه بر مرتبه کار ایتش ایدی که سوقاقلرد ه برد ایمنانه  
جان و یرلرایدی بومر تبه ضعف و زبونلق اوزرینه معیت اورخانیده  
بولنان عساکر جدیده نک هجوم و اقتحامنه برو جسته تاب آور  
اوله میه جقلمرینی بیلمد کلرندن تکیورلری حصارى ترک ایدوب کندولری  
کول یولیه استانبول طرفنه الغار ایله فرار ایتد یلمر قلعه نک یرلوسی اولان  
از نبق شهر اوسی قیوی اچوب مقام تضرع و ترجده باشلرینه طپراق  
صاچوب طور د یلمر اولامره عساکر دن بر قاج باوک کیروب برج و باروی  
قلعه یه رایات ظفر آیات سلطانی قونوب اذان محمدی او قوند قدن  
صکره اورخان غازی دخی خدم و حشم ایله درون قلعه یه کیروب بوش  
قالان خانه لری وصاحبسن کاشانه لری امر ایه تقسیم ایدرک بارگاه  
سلطنتی بروسادن قالد یروب از نبقه نقل ایلدی قوجه سی اولیان  
قاریلری عساکره نکاح ایله ویروب شهری معمور ایلدی یکی حالده جامع  
و مدرسه و عمارت دخی بنا ایتش ایدی

ذات همایون اورخانی خواص خدم عثمانی ایله از نبقه نقل بیورد قلمندن



بروسانك ضبط وربطی ايله اورانك اداره سنی شهرزاده سلطان مراد  
 حضرتلرینه توجیه بیورمشلردر شهرزاده مشارالیه دن قلان قوچه  
 ایل سنجاغی دخی عمی زاده سی کوندز بکه عنایت بیورلدی  
 اشبو ازنیق شهری ابتدا اسکندر مشهور دن اولجه اندیغون نام  
 شخصك امریله بنا اولمش ایکن اسکندر د نصکره لیسماق نام جنرال  
 توسیع ایدوب کند و عیالی نیدسانك نامنه نسبت ایدرك نیدساتسمیه ایتش  
 و اوچیوز یکر می بش سنه میلادنده ایمپراطور قسطنطین امریله بر مجلس  
 عمومی دخی عقد اولند یغندن مشهور در عهد قدیمده يك معمور و مشهور  
 اولد یغندن نفوس کثیره تجمع ایلش ایدی اناطولی ممالکی سلجوقیلرك  
 حکمنده ایکن يك ایتش التي تاریخ میلادنده یعنی هجرتك ۴۶۰ سنه سنده  
 سلیمان سلجوقی فتح ایتش ایسه ده صکره ینه روملرك حکمنه یکیش  
 ایدی استانبول ایمپراطور لغی فرنكلرك تصرفنه نقل ایلد کده روم  
 ایمپراطور لری دخی نیدسا یعنی ازنیق شهر ینه کیدوب بنیان حکومتی  
 قوردیلر طور د یلر که بوراده حکومت ایلیان روم ایمپراطور لری نك  
 اولد کیمسنه تؤد و رلا سقاریس دیرلر ایدی الی یدی سنه مرورند و میخال  
 پاله لوغ استانبولی فرنكلردن الد قر نصکره نیدسا ایمپراطور لغی ايله  
 استانبول ایمپراطور لغی برلشمشد ر بعدده ایمپراطور لر فاملیاسندن وراثت  
 طریقله بر حکمد ارك زیراداره سنده ایکن ابتدا عثمان غازی طرفندن  
 هجوم اولمش ایسه ده استانبول دن امداد کلد یکنندن بشقه عثمان  
 غازی نك غائله سار هسی دخی ظهور ایتمکه محاصره ماده سنندن صرف  
 نظر ایتلر ایدی مؤخر ا اورخان غازی حضرتلری طرفندن محاصره سنه  
 اقدام اولنه رقید یوز اوتوز د رت سنه هجریه سنده فتح اولنوب  
 دارالملک اتخاذا اولمشد ر تاریخ مذکورده نفوس کثیره بی شامل ایکن



هواسنك وخامتي ملا بسه سيله شمد يارده ايكبك نفوسي حاوید رقر بنده  
 واقع غدیرك مر مره دكزی ايله تحت الارض اشراكی اولدیغی مره یدر  
 براسی من القدیم کوزل چینی لایله مشهور اولدیغی مثلاً واپك وتوتون  
 وکجه ومیوه تجارتیله دخی معروفدر شهر مذکورك روم قرالری نده مقرر  
 حکومت اولدیغی شهرتندن بشقه غرب وشرق کلبسالرینك دخی  
 برلشمسی خصوصنه دائر عقد اولنان مجالس مشهوره نك برنجبسی  
 شرق ایمراطورلغی تشکیل وتأسیس ایلان قسطنطنینك حضورنده  
 اولق اوزره شهر مذکورده عقد اولدیغی كذلك یدخی مجلس  
 کیرك دخی اوراده عقد اولنوب آیین ومذهبه دائر بعض تعدیلانك  
 اجرا واعلانکه قرار ویرلدیکی جهتله مشهوردر چونکه اورخان  
 غازی ازینق قح ایلیوب اوزمالک بولتیقه سی اقتضاسیجه ازینق بردها  
 اعدایه ویرممک اهم مهمامدن اولمغله بروسادن بارگاه حکومتی  
 ازینقه نقل وتبدیل ایلدیکی اثناده دیوان همایوند مشیروسپهسالار  
 نصب اولنوب لازمه شان دولت هر نه ایسه اجرا اولمق زمانی  
 کلمش ایدی زیر معاصرلرک احوالی بیان ایدن فصلده یازلدیغی  
 اوزره طبقه جنکیر یاندن ابوسعید بهادر خانك فوئیله دولتری  
 قرین زوال اولوب ممالک ایران وتوران فساد واختلال ايله  
 قاریشوب هر ج مرج اولدیغی وقتلرده قرمانیلر وسائر اهرای  
 رومك ملجأ وپناهلری طاغیلوب اساس شوکتلری بوزولدیغندن  
 آل عثمانك اتباع واشیاعی قوت طوتوب هر طالب ملکه غالب اولمغله  
 شان شوکت اورخانی دنیایی طولدرمش ایدی بناء علیه قاعده مرعیه  
 سلطانی اوزره دردیوان عثمانی مشیر صاحب تدبیر وسپهسالار عالی  
 مقدارك نصب واحداثیله مصالح مشکله انامی تسهیل ایتک صیره سی



کلیش اولدیغندن شهرزاده اکبر و امجد بو خد مته تعیین قلمسیله طرف  
سلطانیدن بر قطعه برات عالی و برلشدر

صورت برات عالی

مثال بی مثال نفذه الله الملك المتعال بیوردیغی اولدر که چون محافظت  
و مراقبت حدود اسلام و مواظبت مظاهرت مصالح انا م ورعایت  
حقوق ریا عا و حایت امور بریا که عماد ملک و سروری و اوتاد سلطنت  
و عدالت کسری انلرک دعاسیله قائم و مستحکم اولوب ارباب دولتک  
پای همتری رکاب سعادتده انلرک اسایشی ایچون نهاده و سمند مراد  
رفاهیت عبادی ملاحظه ایدنلر ایچون جناب اقدسدن مهیا و آماده  
اولوب (اعدلوا هو اقرب للثقوی) مصداقجه مسند خلافتده متمکن  
اولان سلاطین عظامک سنت سنیه لری اوزره احیاء مراسم دین  
و دولت ذمت همتمزه واجب و لازم اولغین دائما قصارای همت  
و منتهای رغبتنزا کامصروف و معطوفدر که جمله ناس علی مراتب  
طبقاتهم دیوان همایونزدن بهره مند و مرعی اولغله حفظ ثغور  
و تکمیل قصوره ساعی و مجد اولوب ضرب و قهرایله اعدای مقهوری  
منکسر البال و نا امید ایلیوب دمدم و ساعت بر ساعت بر یکی فتح  
و تازه ظفر له دل و جانمزی شاد و خرم قیلوب (فرحین بما آتیهم الله  
من فضله) مرده سیله جهان وجهانیانی مسرور و مغتنم ایلیوب مستحق  
احسان اولنلر باینده عمان کرم بی پایا نمزد در فشان ویم عاطفتمز  
غواصلری بهره مند و کامران اوله لر دوکلی ممالک محروسه یه نصب  
اولنان امر اوعمال اوزره بر سه سالار کاردان و مشیر عالیشان مقرر  
بیورلق اهم مهماتدن اولدیغیچون رأی جهان آرا و خاطر عاطر  
مملکت کشامز که ضامن ملک مؤبد و تأیید حق ایله مؤیددرانی اقتضا



ایلدیکه قوه قاهره مزایله قحی مپسر اولان محیه ازینق حرسها الله  
 عن التخريب والتخريق ایالتن فرزند شجاعت شعار دولت یار  
 و سپهدار شهامت دثار کامکار نخل باغ سلطنت و نهال چوبار  
 خلافت کل کلبن عدل دآوری و ثمره شجره شهر یاری و سروری  
 المؤید من عند الله او غم سلیمان شاه طال بقاه و نان منامیه که ناصیه سنده  
 نجم دولت تابان و جبینده غره سعادت درخشان در تقوی و تقالید  
 ایلیوب و یردم و بیورد مکه غز و اقیال و شوکت و اجلا لیله محیه  
 مزبوره ایالتیه دیوان هما یونمده مشیر و عسا کر منصوریه سپهسالار  
 اولوب وزارتیه میر میرانلق لواز من ذهن وقاد و فکر نقاد یله بریده  
 جمع ایلیوب ایلا و نهارا جبلت پاک نهادنده هر کوز و مرموز اولان  
 غیرت بهیه و حیت مرضیه سن وجود و ظهوره کتوروب (ومن یتعد  
 حدود الله) خواستجه هر کیم انحراف ایدر ایسه حقندن کلوب والله  
 (واعلموا انکم الیه تحشرون) مضموتی نصب عینی یلیوب معتادی اولان  
 عادات حسنه سن خواص و عوامه مبذول و بیدریغ ایلیه و اعدای  
 دینی ضرب قهر شمشیر آبدار و تیغ ظفر نکارایله پریشان و تارومار ایلیوب  
 استدامت امور دین و دولت و استقامت مصالح ملک و ملت باینده  
 دقیقه رقیقه قوت ایلیوب احباء سلطنتی مسرور البال و مرفه  
 الحال ایملکه (یوم تجد کل نفس ما عملت من خیر محضرا و ما عملت  
 من سوء) خواستندن برومند او اوب افعال ناپسنددن ناشی اولیه و حقوق  
 ربانی و عواطف یزدانی بی مواهبین اقامت ایدوب و سع طاقبت بشریه  
 اوزره شکر نعم الهی و حمد عطا یای غیر متناهی بی مؤدی قیلوب  
 فان الشاکر یشحق المزیذ خلعتنه سزاوار او اسنه قامت پر استقامتی  
 طاعت و عبادت مقامنده شاهد راست رفتار او اوب عموم ناسک



فصل خصوصیات و سائر مصالح و مهمانده اهتمام تام و اقدام تمام  
 ظهوره کتوروب رأی سدید و خلق حمیدی بر له شفقت و مرحمت  
 قیوسنی آحق طو توب هر کیمسه نک تحصیل مر امنده توسعه دائره  
 ایدوب افراط و تفریطدن حذرو اجتناب اوزره اوله و بیکانه و خویش  
 و توانکر و درویش و خرد و بزرگ و تازی و ترک و طوائف مختلفه الادیان  
 و پیر و جوانی بالجمله تقریر دعوا ده مساوی ییلوب احد همایی آخردن  
 ترجیح ایلبوب ماینلرنده اولان منازعاته میل و محاباتی مطرود و مطروح  
 طو توب (فن یعمل مثقال ذره خیرایره) معیارین ذخرا آخرت ایدینه  
 و ظالمدن مظلومک حقنی المقده تأخیری روا کور میوب (ومن جاء  
 بالسبئة فلا یجزی الامثلها) سیاستگاهنده حقندن کله و همیشه اطراف  
 و اکافندن جاسوسارین اکسک ایتیوب اخبار جوانبدن پرسان و هجوم  
 حوادثدن ترسان اولوب و غفلتی ارا لکدن عدا ایلبوب و کید و خصومدن  
 اجتناب ایدوب عزم و حرزده تیقظ و تحفظ طریقنه سالک اوله زیرا  
 هنگام وسعتده طارلق تدارکی کور یلیجک باعث مضایقه کلیه اولمز  
 و رأی و تدبیرده قصور اولیجق آینه تقدیرده صورت پذیر اولان  
 اشکال فرخنده مأل خیرایله جلوهر اولمقدن غیره مجال قالمز هذا  
 عهدنا الیک و حجتنا علیک و الله تعالی یوفقک و یمهدیک و یحقق  
 ظنوننا فیک انه الهادی الی الرشاد و الموفق للسداد کر کدر که اول  
 دیارک و ضیع و شریف و قوی و نحیف و اکابر و اصاغر و رعایا و بریایسی  
 بالجمله ممالک محروسه م متمکنلری مشارالیه او غلومی کند ولره والی  
 بالاستحقاق و امورده مشیر علی الاطلاق ییلوب جمیع خصوصیه  
 مراجعتی مشارالیه ایدوب سوزندن و حکمندن تجاوز ایلمیه لر  
 و جمیع امراء و حکام و سپاه ذوی الاحشام و غزاة نصرت انجام



وقضاه اسلام و علماء انام ابقاهم الله الى يوم القيام برله مشار اليه او غلبى  
 حرب و قتال و جنگ و جدالده و سائر احوال خير مآلده كند و لره  
 سپهسالار و جناب همایونمندن قائم مقام عد ایدوب امر یمه مخالفتمندن  
 اندیشه و حذر ایلده لر و واقع اولان غنائم و اشیا و غیرى اسباب  
 و اموالکده بتوفیق الله مبسر اوله خمس شرعین اخرج ایدوب  
 تقسیم و توزیعن مشار اليه او غلبك معرفتيله ایلده لر و باصمه د فترنده  
 تعیین اولنان حاصلرینه خارجدن کیمسه مداخله ایلوب عشر لرین  
 و رسملرین ییلدن یيله انك و کیلرینه تسلیم ایلوب عذرو بهانه ایتیهن  
 و یکی اچیلان ایل و مملکتدن اذن شریفم اولمىجه کیمسه یه د خل  
 ایتدیرمیوب قیومه عرض ایلد کد نصکره امر یمك صدورینه کوره  
 عامل اوله لر و اخذ ایتدیكى اسیر لر دن و دل طوتیلوب اغر بهایله  
 صاتیلیحق اولنلری درگاهمندن اذن اولمىجه اطلاق ایتوب مشاوره  
 ايله عمل ایلده و یوز اقلغنده بولنا نلرك حقن **ك**تم ایتوب رقی  
 درجالتلرنده لطف و عنایتی شامل اوله و بنم خیرد عامی بالمله كند و لره  
 رفیق ییلوب سبیل جهادده کمال مرتبه اجتهاد ایتكدن خالی او ایوب  
 خالصا اوجه الله كوشش قیلوب دین مبین تقویتنده ثواب عظیمه  
 فائز اوله جقلرین مقرر بيله لر و بومنشور همایونمى کورنلر مضمونيله  
 عامل اولوب علامت شریفه اعتماد قيله لر تحریرا فی او ائل شهر  
 ربيع الاول سنة ثلث و ثلاثين و سبعمائة

منشور مستوجب الخیور ايله سر **ك**ر لك عنوان عالسنی  
 توجیه بیوره رق شهرزاده مشار اليهك قدرینی ترفیع ایلد **ك**دن  
 صکره كند و لری قره سی دیارینی فتح و اسنیلایه نیت ایلد یلرتوارنج  
 موجوده نك بعضیلرنده قره سی دیاری حاكى بحلان بكك وفاتيله



درگاه، ایوبنه التجا ایدن طورسون بکی پدرینک مقاضنه اقعاد واصعاد  
 ائمک نیتیه عزیمت اولندی دیرلر بعضیلرنده دخی بوم - لا بسه ایله  
 کلیبولی بو غازینی ضبط ایدوب وندیکلورک و سائر فرنگلرک قوت  
 بحریه سنی اورالردن منع و دفع ایلمکدرد یویازلمشدر تفصیلی  
 شویله درکه قره سی دیارینک امیرشهری عجلان بک کوچک اوغلو  
 طورسون بکی درگاه پادشاهیده طورسون قابیلیتی مرتبه تربیه کورسون  
 اوتورسون دیه رک وضمننده کند و سنک اطاعت پادشاهیده اولدیغنه  
 کفیل اولق اوزره مومی الیه طورسون بکی خدمت اورخانییه کوندرمش  
 ایدی مدت قلیله هرورنده یعنی هجرتک یدیوز اوتوز بش سنه سنده  
 مومی الیه عجلان بک فوت اولنجه مقام حکومته بیوک اوغلو جلوس  
 و صعود ایش ایسه ده پدری مثالومد ار اورعایت طریقنه کیمدیکندن  
 بشقه درعائی اورخانیده طوران برادرینک حصه ارثیه سنی دخی غصب  
 ایلمدیکندن طورسون بکک حقنی المق شویله طورسون بلکه مقام حکومته  
 قدر چیقارمق اوزره غیرت سلطنت اقتضاسنجه عنان عزیمتی  
 قره سی دیارینده و غرولدوب لشکرکشورگیری طوپلیوب سوردی  
 ایمی عساکر ظفر مأثرک هجومندن یعنی پادشاهک بالذات اولدیاره  
 قدمندن قره سی اوغلو عجلان زاده خبردار اولنجه عقلی باشنه کلوب  
 مقاومته مقتدر اوله میه جغنی ییلدیکندن برکیجه دارالملکی اولان  
 بالی کسری حصارندن بیک غمه مبتلا اولدیغی حالده حرمنی  
 و بعضی اشیاسنی استحباب ایدرک طوغرو برغمه طرفنه فرار ایلمکده  
 حصارمذکور بی جنک وجدال فتح اولنوب اموال و املاک رعایایه تعدی  
 اولمامسی خصوصنده امرلرندا ایتدیردک نصکره برغمه حصارینه  
 سمند همتی تحریک ایدوب اطراف قلعه بی صاردی ایسه ده بنیمان



امارتنی ییقمغه وحصار ایچنده اولنلری پنجه شکجه ایله پک زیاده  
 صیقمغه اهتمام واقدا ام ایتیوب معینده طوران قره سی اوغلو طورسون  
 بکه امر اولندیکه واره حصاره قارشو طوره برادرینی جاده اطاعته  
 دعوت ایچون نصیح وپندایده وایجاب اید رایسه پادشاه طرفندن  
 اوله رق مومی الیهی تأمین ایچون سوکنده اید بناء علیه طورسون پک  
 امر سلطانی بی یرینه کتورمکه کیدوب حصاره یقین کلدکده برادر  
 محصورک طرفندن اشارت مخصوصه ایله برتیزهرناک ایرشوب درحال  
 میرمومی الیهک خاکهلاکه دوشدیکي حضرت صاحب قرانک معلومی  
 اولنجه فرمان اورخانی صادر اولدی که شمیدین کیروولایت قره سی  
 سلطان اورخانک اولوب امور ریاست و احکام سیاست حضرت سلیمان  
 زمانکدر اطاعت ایتیانک جان شیرینی شیرشمشیره علف و اهل و عیالی  
 پایمال اولوب مال و منالی تلف اولوردیه رک ند او اعلان اولند قده قاهره  
 عثمانیه قارشو طورولیه جغنی ییلنلری یلمعیانلره خبر و یروب هرکس باشی  
 قیغوسنه دوشوب زیر سایه دولت علیه ده مستریح البال اولمشلردر خلاصه  
 کلام عنایت جلیله ربانیه ایله عدالت وحقانیتک ثمره سی اوله رق بالی  
 کسر و برغمه وادرمید و مایاس و الحاصل قره سی دیارینک بالجه نواحی  
 وقراسی زیر سایه عدالته دخالت ایلدکلرند نصکره امور حکومتی دخی  
 شهرزاده سلیمان پاشایه توجیه اولدیغندن رکاب کامیابدن ایریلوب اتباع  
 وکنده اتباع ایدن اشیا عیاله بالی کسرده قالدی

قره سی دیارینک فتحند نصکره حاکم قره سی اولان عجلان زاده یوزینک  
 قره سی ایله درگاه سلطانه واروب یالواروب قتل و قصاصدن عفو  
 و خلاص اوله رق بروسایه نی اولنوب ایکی سنه هرورنده مطعونافوت  
 اولمشدر ایمدی پادشاه حضرتلری دیار مذکور الوب امارتنی دخی



شهزاده مشارالیه و یرد کد نصکره تد بیر امور مملکتده دخی حاجی  
 ایلیا بکی وغازی فاضل وخواجه بك واورنوس بکی مسنشارنصب  
 وتعیین ایلدی اوراد ن ارد وی همایونی دشت وهامونی باصه رق  
 قالدیروب دارالملک بروسایه کید رکن یولاری اولوباد قضااسنه اوغرامش  
 ایسه ده تکووری اولان مغرور متانت حصاره اعتماد ایله وادی  
 عصیانده پابرجای عناد اولد یغندن قلعه سی محاصره اولنوب آلات کار  
 وزار ایله زیاده جه تضییق اولند قده حصارک قیوسی قیریلوب  
 درونی فتح اولنجه تکووری دخی ارالقده قتل اولند یغندن سهولته  
 طواحصاری ومیخالیج وایدینجک نام محارده دخی تمامیه مسخر اولدی  
 ایمدی سلطان اورخان عادل دارالملک بروسهیه واصل اولوب سرای  
 همایونه داخل اولد قد نصکره بروسه حصاری دروننده واقع مناستر  
 قدیمی مدرسه مدرسه ایدوب خارج شهره دخی جسیم عمارت انشاایتمسینه  
 اطرافدن ایشی اولمایا نلر طویلوب حاضریمکه قویولوب طولدی لر  
 مدت قلیله ظرفنده بر مرتبه لره وارد یکه بد سیرت مجهول النسب  
 مخذوللر شوریده حال ابداللا صفتنه کیروب شراره شرلری اطرافه  
 اندشار بوله رق هربری بر محمله چراقلر پیدا ایدوب درگاهلراویاندره رق  
 شرع قویمک وعقل سلیمک تجویز و قبول ایده میه جکی اباطیل بی مالی  
 اوهام وخیالاته قارشید یروب خلقک افکارینه بر طاقم فساد وضلالت  
 القا اولند یغندن کشور کشا لقده اولان غیرت عمومیه یه بو جهته  
 بطائت کلوب هرکسک افکاری سفر در وطن خلوت در انجمن اصولنه  
 صایوب قید سزاق یولنده اوله رق حاضر بر خرقه برلقمه بی چالیشوب  
 جبالقی ایله تحصیل اولنان ثروت وسامانه ترجیح ایملک کی شیلرک اذهان  
 ناسه سرایتندن اصحاب عقول حیرت و تردیده قالمش ایدی وحوالی  
 مذکور هی بومرتبه لرده ابدالارودرویشلرک اسنیلایتمسی دخی جلد سابقده



ذکر اولان بابا الیاس خراسانی که مرده و بند کاندن ازمشردر نته کیم  
 بر وقت روم ایلی قطعه سنده بکاشیلرک نفوذی جاری اولوب  
 صکره لری آداب شریعت و طریقه و حقیقه مخالف حرکتده  
 بولند قلرند اصلاح حالارینه فرمان یورلش ایدی و الحاصل  
 ذکر اولان بابا ییلرک ایچیندن و دیار هند و چیندن کیش برطاقم عارف  
 کجنان نادان جهله و سئله نک حالارینی تفتیش ایتک اوزره مأمور لر  
 تعین ایدیلوب کسوتلرینک اصلی و بدعتلرینک فصلی صوریلوب  
 جوابندن عاجز اولان طورلقلرک چراقلری سوندیریلوب کند ولری  
 دخی بلاد عثمانیه دن خارجه کوندریلوب سوریلدی یکی حالده آداب  
 شریعت و طریقه رعایت ایدوب مظنه حسن حال اولنره وظائف  
 و نفقه تخصیص قیلنوب طالب وصول اولان راغبلری اصول اوزره  
 تربیه ایتکه مأذون اولدیلر ازان جمله اینه کول خوارنده یعنی  
 کشیش طاغی کارنده شیخ ابوالوفاء بغدادی قولندن اولان  
 بابا الیاس خراسانی که خلفاسندن حیوانات و بهایم ایلله الفت و انسبت  
 ایتکه کله کیکلو بابا دنیلان ذات اختیار مسکن ایدرک مشهور آفاق  
 اولمش ایدی سلطان اورخان حضرتلری طرفندن اینه کول  
 میرلواسی و صاحب تیماری بولنسان طورغود الب دخی کند ویه مرید  
 اولدیغندن درویشلرک تفتیشی وقتنده ابدال مشار الیهک سیر  
 وسلوکی حقنده حسن شهادت ایلدیکندن بشقه طورغود البک  
 مشهودی اولان کشف و کرامتدن دخی بعض اسرار و واقف اولغله  
 حضرت پادشاهک ابدال مشار الیه غائبانه محبتی حاصل اولوب  
 مواصلته راغب و طالب اولدی ایسه ده ابدالک طرفندن مساعده  
 اولنماش ایکن برقاج وقت مرورنده ابدال مشار الیه النده برقواق

بابای مشار الیه  
 آذربایجان ایالتی  
 داخلنده خوی نام  
 قصبه ده متولد اولوب  
 عصر اورخانیده بلاد  
 رومه متوجه اولمشدر



دالی ایله پورسایه سایه صالوب سرای قیوسی پیشگاهنده کلدیکی  
 سلطان اورخانه خبرویریلنجه درعقب استقباله شتاب ایلدیلر  
 ورعایت ایچون کندولرینه اینه کول تارلارینک اعشاری نفقه اولق  
 اوزره عرض اولندقدیه قبول ایتیموب فقط جبل مذکورک کارنده  
 برزاویه یاپدیرلسیله اکتفا پیوردیلر وقواق دالی دخی سیرایک قیوسی  
 جوارینه دیکوب عودت ایلدیلر اوراری صولاق اولدیغندن قواق  
 اغاجنک دیکلدیکی حالده تخلف ایتدیکندن وقتیه یشلانوب یک  
 بیوک اغاج اولدی خلاصه کلام اناطولی دیارینه یاییلان درویشلرک  
 تفتیشنی سلطان اورخان حضرتلری اهتمام پیوردقلرندن بابایلردن  
 چوق بابالرک اناری اغلادی ایسه ده بوارالقدیه طریق ضلالتیه کیدنلرک  
 دخی ایشرینی صاعلادی

ترکستانده مشایخک مشهورلرینه بابا تعبیر اولنور بخاراده خواجه  
 دینلیدیکی کی حتی حاجی بکاش ولی قدس سره الجلی حضرتلرینه  
 دخی بابا دیرلیدی بناء علیه بکاشی شیخلرینه حالا بابا تعبیر اولنور  
 عصر مذکورده خلقتک مشایخه حرمت واعتمادی و میل واعتقادی  
 زیاده ایدی حتی کردستان و عراق عرب و عجم حواله بنده الی و الشمس  
 یک مریدی شیخلر و اریدی و مقام مشیخت دخی اولاده انتقال  
 ایلدیکندن بشقه قوه روحانیه ایله خلقتک برچو غنی تصرف و حایه  
 ایلدکلرندن دائرة حکومتیه برنوع مداخله معنویه لری دخی اولمش ایدی  
 کتب توارینخده ذکر اولندیغی اوزره بعضیلرنده دعوائی سلطنت  
 دخی ظهور ایتدی لکن سلطان مشارالیه حضرتلری فناری ایولر  
 ایچندن ایرمش و حققلرنده حسن ظن اولناتلری رعایت ایدوب وظائف  
 مناسبه ایله کندولرینی قایرمشدر



فصل ثالث

اوروپا قطعہ سندھ واقع روم ایلینک تسخیری بیانہ در

سلطان اورخان حضرت تلی ہمت و اقدام پیورہ رق خرابی عالمی موجب  
اولان قید سزلق افکارینی خلقہ القایدن ابدالارک احوالی تفتیش  
ایتدیروب برطرف ایتد کد نصکرہ یدیوز اوتوز طقوز سندھ سی اول  
بہارندہ دارالملک بورسادن کوس عزیمتی چالدیروب رایات ظفر آتانی  
کملیک یولیلہ سمت ساحلہ طوغرو قالدیروب امرودی قضا سیلہ  
اوحوالی سواحلی ضمیمہ ممالک ایدوب تمامیلہ مالک اولدقد نصکرہ  
اوروپا قطعہ سندھ واقع الیوم روم ایللی اطلاق اولنان الکاکی دخی  
ضبط ایدرک کیدرک روم ایمپراطور اغنی اورتہ دن قالدرمق مشارالیه  
حضرت تلرینک نتیجہ افکاری ایدی بو خصوصہ دولت علیہ تاریخنی  
یازانلرک اکثریسی روایات عدیدہ مختلفہ بیان ایتشلردر لکن جملہ دن  
زیادہ صحتہ قریب اولانی بو محملہ بیان اولنورشویلہ کہ غازی امور بک  
وایدین بک اوغلی عمر بک وجعفر بک لک هر بری فوجہ وازمیر دن  
مارمرس لیمانہ وارنجیدک مواقع عدیدہ دن سفینہ لرتدارکیلہ اوروپا  
قطعہ سندھ ہجوملر ایلدکارندن بشقہ قاتاقوزن نام روم سیر عسکر یلہ  
براکدہ اولہرق ایمپراطور علیہنہ دخی یاردم ایتد ککلی جہتلہ  
ایمپراطورک والدہ سی انا نام ایمپراطور یجدنک نیاز والتماسنہ مبنی حیت  
عثمانی اقتضاسنجہ غیرت اورخانی دخی ظہورہ کلوب بوغازی پادشاہ  
بوغازی اسنیلا ایتکی وتوفیق حق رفیق اولنجہ اورادن استانبولہ  
طوغرو کیتکی قورمش اولدیغندن ایمپراطور یجدنک دعوت والتماسنی  
وسیلہ ظفر اتخاذایتش ایدی زیر ابوغازالدہ اولدقچہ مرمرہ دگری  
داخلندہ کائن اسکله لرو شہر لک حفظ و حراستندہ امنیت کاملہ



حاصل اوله میده چخی معلوم اولدیغندن ابتدا بوغازک ضبط اولمسی  
اهم مهامدن عد اولمش ایدی روم ایلی الکاسنه عساکر عثمانیه نک  
کیریشی خصوصنده پک پولیتیکه لی طاورانلشد چونکه حضرت  
پادشاه اول طرفلری فتح و تسخیر ایملک ایسترایسه ده قانتاقوزن کندولرینک  
قاین پدری وایمپراطور دخی قانتاقوزنک دیکر دامادی اولدیغندن  
برد امادینی قهر و تدمیر ایچون دیکر دامادی اولان حضرت پادشاهی  
دعوت ایلمدیکی مثلاً وایمپراطور دخی پادشاهدن استمداد ایتمش ایدی پادشاه  
حضرتلری ایسه امداد بهانه سیله درون ممالکه کیروب تسکین قیل  
وقال ایتدکد نصکره روم اهل بسنی بلغارلرک شرو و مضر تندن حایه  
وایمپراطوره عصیان اوزره اولان روم بکترینی دخی تریه ایملک ایله فقرا  
ورعبتی خلجان واضطر ایدن قور تارمق لازمه انسانیتدردیه رک  
قالمشلردرا حاصل قره سی والیسی اولان شهزاده سلیمان پاشایه روم ایلی  
طرفنه کچمک و بوغازی ضبط ایتمک اوزره تعلیمات ارسال اولندیغندن  
هجرت نبویه نک ید یوز قرق سنه سی شهزاده مشارالیه حضرتلری  
دخی قره سی دیارینک نامدارلرندن اورنوس بک و فاضل بک و اجه بک  
و حاجی ایل بک رفاقتیه قیوطاغی نام محله وصول وایدنجیک قضاسی  
فضاسنه عساکر موجوده سیله نزول بیوردیلر شهر مذکور عهد قدیمده  
بک مشهور اولغله معموریت قدیمه خرابه لری حیرت اقزای عقول  
بشردر ایدی شهزاده حضرتلری سیر و تماشایه شایان اولان اشبو  
تماشاغی سیرایتدکد نصکره ایمپراطور یچمه مشارالیه انک التماسنه بناء  
سر عساکر قانتاقوزندن خفی اولمق اوزره روم ایلی ساحلنه کچمکی  
تصمیم ایلمدی ایسه ده ذکر اولنان محارده قایق بولمق مشکل  
اولدیغندن ضروری ده ایلرویه یعنی بوغازه قریب بر محل مناسب



ارامغه قالقد یلربوار القده عساكر عثمانیك امپراطور بچه به امداد  
 اید ه جکری روملرک سر عسکری اولوبده کند و دامادی اولان  
 امپراطورک علیهنه اوله رق اعلان استقلال ایلیان قانتاقوزنک معلومی  
 اولیحق اولجه طاورانوب کند و قزلرندن بریسنی اورخان غازی  
 حضرتلرینه هدا یای لایقه ایله عرض ایلد یکی و بومناسبتله کندوسنک  
 استانبول امپراطورلغنی تحصیل معاصرلرک احوالی بیان ایدن بری  
 فصلده تفصیل اولمشدر فقط وقوعات مذکوره دن برسنه سرورنده  
 سلطان اورخان حضرتلری سلیمان پاشا و مرادخان و قاسم چای نام  
 اوج شهزاده لری ایله برقاج بک سوار و پیاده استصحاب ایلیه رک  
 قانتاقوزنی کورمک اوزره اسکداره مواصلته ملاقات طلبنده اولدقده  
 قانتاقوزن دخی دبد به حشمت رومیان ایله اسکداره کچوب حضرت  
 سلطان اورخان ایله بعد الملاقات ایکبسی برلکده بشقه جه طعام  
 ایتدکری زمان شهزادگان حضراتی دخی ایروجه بر محمدیه بک یمشدر  
 ایدی بعده قانتاقوزن استانبول طرفنه عودت ایلیوب سلطان اورخان  
 دخی ازینق جانبده توجه ایتدیلمکاب اولدن اشبو اوجنی کابه کلنجیه دک  
 ذکر و بیان اولنان وقایع صره سبیله تتبع و مطالعه اولند یغی حالده  
 آن عثمانک اوروپا قطعه سنی تسخیر ایلمک افکاری اوج اساسه مبنی  
 اولسی تخمین اولنورشو یله که فرنکرک استانبولی اسنیلا لرنده نصرکه  
 روم امپراطورلغنک مترزل اولمسيله استانبولدن ادرنه یه و قالی پولی  
 دنیلان کایبولی و دار دنللو بورغازی ایله سلانیکه قدر بولنان شهرور  
 و قرایه برطرفدن فرنکرک تعدیسی و برطرفدن دخی بلغارلرک غلبه لری  
 باعث اولمشدر زیرا عصر مذکور ده بلغارستان حکومتیه روم  
 امپراطورلغنی اراسنده مبیانت عظیمه اولد یغندن دایما ایکبسی



بری برینک زبال و اضحی لانی هر نه صورتله ایسه آرزو ایتلر یله روملرک  
اعداسنه بلغارلر و بلغارلرک دشمنلرینه روملردوستلق ایدوب اعانه  
ایدلر ایدی بو ائنده روم ایمپراطورلغی دخی فرنکارک هجوم و تسلطی  
ملا بسه سیله مترزل اولد یغندن بشقه آسیا قطعه سنده بولسان  
الکاسی دخی آل عثمانه انتقال ایلد یکنندن خاندان ایمپراطوریدن  
عصر مذکورده تصادف ایدن ایمپراطورک دخی نفوذ و اقبالی منقلب  
زوال واد بار اولدیغی حالده امراسی اتحاد و اتفاق یوانی طوتاراق  
نظامات داخلیه لرینی حفظ ایتد کله برابر هیئت دولتینه مستولی اولان  
بلایای خارجییه بی دفع ایلک لازمه حالاری ایکن اورالره هیچ بریسی  
یناشمیوب کمیسی غرب و شرق کلیسارینک برلشمسی طرفنده اصرار  
و کمیسی دخی غرب کلیسایله برلشمکی تجویز ایتمیوب یالکن بلغارلر ايله  
اتفاقه قرار برازی ایسه بولندقلری درجیدی حفظ ایدرک متغلبه کروهنه  
مدارا و مداهنه ایتکی رأی ایتد کلرندن ارکان دولت امور داخلیه  
و خارجییه نك اداره سندن عاجز اوله رق باتاسی یه کیدرلر ایدی ایمپراطور  
طرفندن اولان ایالات والیلری و بکلی دخی متبوعلری بولسان بزانتن  
دولتک صدمات متوالیه ايله پریشانلغنی کورد کچه اجنبیلرک تسلط  
و نفوذنی منع و دفعده عاجز اولان دولته اتباعدن عارایدوب باشلو  
باشنه اولدقلرندن دولت مشارالیه یه طبیعی برانقسام عارض اولمش  
ایدی لهذا روم ممالکنه مستولی اولان اشبوضعف و پریشانلق توسیع  
ممالکه محتاج اولان عثمانیه زمان فرصت اوارسی زیرا سلطنت عثمانیه نك  
اساسی آسیا قطعه سنده واقع اناطولی الکاسنک او یله برجهتیده  
قورلمش ایدی که اوروپا قطعه سنک روم ایلی اطلاق اولنان سمترلرینی  
المق و بحر سفید و سیاه بوزغزلری دائما الده اولمق دولتک دوام



و بقاسنك مفتاح و كيدي مقيمنده اولديغى دخی عثمانيانك معاوی  
اولمش ایدی و بحر سفید و سیاه بوزغازلی ایله اوروپا قطعه سندن برار  
اراضی الیه اولدجه یالکز آسیا قطعه سی اوزرنده لایقیله توسیع  
ممالك ایدوب ملوک اسلامیه اراسینده بوردن بره میدانه چیقوب تفرد  
ایتمک ممکن اوله میه جغنی دخی اکلامش ایدی

والحاصل سلیمان پاشای آصف رأی موجود معیتی اولان گروه دریا  
شکوه ایله قارشو ساحله واقع جی جک نامیه مذکور اولان قلعه که  
حالا ویرانجه حصار دیه کله مشهور در اوراسی اوروپا قطعه سنک  
روم ایلی الیکاسنه عبور ایتکه الک یقین محلی اولدیغندن اورایه کچمکه  
قرار و یردکارندن اورمانلار ارسنده کیرلنوب سفینه تدارکنده اولدیلر  
لکن قارشویه کچمکه حاضر کیمی بولمبوب یاپد رمغه دخی وقت  
اولمادیغندن اورماندن اغاجلر کسوب اوکوز دریسندن دخی طلوملر  
شیشیروب ایکی دانه صال اعمال ایدرک قارشو طرفدن سفینه تدارک  
ایتمک اوزره برکیمه سکسان قدر عثمانلوايله اجه بک و فاضل بک نام  
سرکرده کرد نیلان ساحلندن ذکر اولسان صالاری سورصال ایدوب  
موج روان کی اقلدیلر ایله بالسهوله قارشو کارده جی جک حصار  
اطرافنده باغلر ارسنه یناشوب چیقدیلر و برار اورالینی ارشد ردقلری  
اشاده صباح دخی اولمش ایدی حصار طرفندن اعیان شهردن بریسی  
باغه طوغروکلور ایکن فی الحال طوتوب اولدیره جک اولدیلر ایسه ده  
بن سزک ایشکزه برارمینی اولدرمیک دیدیکنه مینی بوارقلری کیمی بهارکاب  
ایدوب شهراده حضورینه ایصال وشهرک عمارینی و حصارینی  
ولیمانک مناسب و مأمن اولدیغنی دخی اعلام ایلدیلر

دولت علیه عثمانیه نک وقایع جملیه سنی ضبط و تحریر ایدن تاریخلرک



هر بری دیگرینک یازد یغی وقایعی محاکمه ایتیه رک یالکز کورد یکنی  
 وایشته یکنی یازد قلرندن برطاقم اراجیف واکاذیب دخی وقایع صحیحینک  
 ایچنه قارشمش اولغله برتاریخک مطالعه سندن تمامیه مقصود حاصل  
 اولساز حیت ملیه وناموس دینه می ارضا ایله برابر کند و سنک  
 اورو پا لولرک افکار تعصبیه سنی تحریک و تشویق ایچون الحاق و علاوه  
 ایلدیکی فقرات زائده سی طرح و اخراج اولندیغی حالده دولت علیه  
 احوالنه حامرک تاریخندن اعلا تاریخ اولدیغی دخی تصدیق و قبول  
 ایدر ایدم اشته آل عثمان تاریخلرینک اک مشهور لرند بیه قیوطاغی  
 قربنده واقع اسکی حصارلق دید ککری محله کائن آثار قدیمه  
 خرابه لر بنی بعضیلر قصر بلقیس و بعضیلر ایوان سلیمان علیه السلام  
 اولق اوزره روایت ایتیلر د رمع هذا که حضرت سلیمان ارض فلسطین  
 دنیلان قدس شریف سمتلرند اولوب نفوذ و استقلالی دخی سوریس  
 دکزی طریقله افریقانک و هندستانک بعضی سواحله قدر کیتیلر که  
 تفصیلی تواریخ مقدسه لده بیان اولمشدر ببناء علیه رومستان حواله سنه  
 اصلا کلامشدر بلکه ذکر اولنان آثار قدیمه اسکی روملرک و رومالورک  
 زمانده اوله زیر اوزلری عهد سالغده پاک معمور و مشهور ایدی  
 کذلک روم ابلی الکاسنی عثمانیانک فتح و تسخیر اولان غیرت و اتمام لرینک  
 سببی دخی بیان اولغیوب کویا شهرزاده سلیمان پاشا حضرتلرینک دکز  
 کارنده طولاشوب آه شوقر شو طرفه کچه بیلسک کفاره قلیج اورسق  
 دیمشدر دیه رک تاریخلری طواید رمشلرد رحالبو که اورو یا قطعه سنک  
 تسخیریه نصل فائدله نائل اوله جقلرینی اولجه مطالعه ایتیلر در یوخسه  
 برطاقم افکار ضعیفه اصحابنک بیان ایلدکاری اوزره روم ایلارینک  
 فتحی اولجه تصمیم اولغیوب صکره لری ایجاب زمان ایله تصادف



قبیلندند ردید کلری کی دخی دکدر

بزینه مانحن فیهه صراجعت اید ه لم چونکه ذکر اولان غازیلر قارشو  
 یقه دن کی تدارک اید وب پرو طرفده خبر خیره منتظر اولان شهرزاده  
 سلیمان پاشانک یانه کلوب اعیان واکابر شهر دن اولوبده برابر  
 کتورد کلری رومی دخی شهرزاده حضر تلرینک حضورینه  
 چیقارد قلری حالد ه روم صر سومه شهرزاده مشارالیه جانبدن برخلمعت  
 فاخره الباسیله مبالغ کثیره احسان اواند قد ه (الانسان عبید الاحسان)  
 خواستجه صر سومی تمامیه کندویه بند و مطیع ایلد کد نصرکه حصارک  
 فتح و تسخیری خصوصنده دلالت ایتسی و بعد الفتح قلعه نک  
 دزد ارلخی دخی کند و سینه توجیه اولنه جخی و عد و بیان اولوب  
 اولوجهله صر سوم دخی متعهد اولد یغندن هجرت سنیه نبویه نک  
 ید یوزالی درت سنه سی صفری اول بهارنده بتکرار ایکی دانه صال  
 وبرکی ایله سکسان وبر روایت نظر ایاکیوز قد رجنهک و آشوبه برار  
 نامدار غازیلری مشارالیه سلیمان پاشا حضر تلری استصحاب اید رک کیجه  
 وقتی دریایه صالاری صالوب موج دریا بونلری صبح اولمزدن  
 اولجه قارشوکارده حصار دبی نام محله ایصال ایلد کده صالاردن  
 قره یه اوغرایوب قلعه نک یانده واقع مزبله کومه سنک الته  
 گیراند یلرکه کند و لرینی اهالی قلعه دن حفظ ایتکه اورالده بوندن  
 مناسب محل یوق ایدی تحقیق احوال اهالی ایچون یانلرند برابکده  
 بولنان رومی بی قلعه ایچنه کوند رمش اوار قلرندن کیدن کلوب خبر  
 و یردیکه موسم بهار اولد یغندن اکین بچمک زمانی اولمغه شهرک  
 خلقی عموما باغله چوزلش و هربری کومه کومه اولوب محصول طوبلغه  
 طاغلمش اولد قلرندن درون حصار اهالیدن خانی اید و کی محقق



اولنجه براغوردن قلعه په طوغريلوب حصارى فى الحال ضبط وتسخير  
ايتديلر انجق اهايدن كيمسه نك مال وجاننه رنجيده وخسار اولامق  
اوزره يالكن قلعه بي الوب برج و باروسنه علامت عثمانيانى وضع  
ونصب ايتديلر وكند و لرينه دلالت خدمتى ايدن رومه دخی نوازش  
والتفات ايدرك باغلرده و طاغلرده طاغملش اولملرى كير و وطنلرينه  
دعوت ايلك وعفو و امان سليمان زمانى كند و لرينه بيلدرك اوزره  
كوند يروب راه فرارى طوتوب قاچانلرى بوتقريب ايله كير و دوند يروب  
هر كس يرلويرنده راحت و حضور بولديلر زيرا شهزاده مشارالیه  
حضرتلرى اشبوجى جك و ويرانجه حصارديد كلرى قلعه نك  
اها لېسنى وجهها من الوجوه انجتيوب اها لېنك عادات سابقه سنى  
دخی پوز مبوب اختياره حرمت و معتبرانه رعایت ايلش ايدى  
پوند نصكره ايمان ايچينده بولنان كيله اها لېدن براز روم قوبوب  
يانلرينه غازيلردن دخی برقاج نامدار ترفيق ايدرك قارشويقاده يعنى  
اناطولى ساحانده واقع كمرنام محمله خبر حيره منتظر اولان عساكرى  
تبشير ايچون ارسال ايلديكندن ايكي كون طرفينده اوچبيك اهل  
اسلام روم ايلي طرفنه عبور ايليوب شهزاده حضرتلرينك خدمته  
جمع اولديلر

اشبوحصارك فتحنه كلنجيه دك اهل اسلام طرفندن اوروپا قطعه سنك  
روم ايلي اطلاق اولنان سمتنه اون سكر دفعه عبور اولمش دركه دفعات  
مذكوره نك التېسى يالكن عثمانيان جانبندن اولمش ايسه ده هيچ بريسنده  
پايدار اوله مامشلايدى انجق اشبوتنجي دفعه به تصادف ايدن كچه لرى  
هجرتك يديوزالى درت سنه سى صفرينك يديسنده اولوب شوتارمخك  
يازلدېغى تاريخه وارنجه په قدر عوماروم ايلي الكاسيله بلغارستان

فقط عثمانلوك روم  
ايلي طرفنه بش التى  
دفعه كچه لرى حرب  
وضرب ايله اولوب  
روم امپراطور لرى  
خصم لرى اولان  
بلغار لرى وفرنكلردن  
صقلد قه سلاطين  
عثمانيه دن امداد  
طلب ايدر لرى ايدى  
وايشلرى تكميل  
اولدقد نصكره ينه  
اناطولى طرفنه عودت  
ايدر لرى ايدى



وارنبودلق و بوسنه و صرب و حر و اتلق و افلاق و بغداد و ممالکی آل  
عثمان پادشاهلرینک تحت حکومتده اولدیغی و اسکای مذکوره نك  
قاج ایالتیه منقسم اولوب نقدر نفوسی بسلدیکی و موجود اولان ملل  
مختلفه نك احوالی بوند نصیره صر سیه ذکر و تفصیل اولانه جقدر  
القصة حصار مذکور همت سلیمانی ایله فتح اولوب درونه عساکر  
اورخانی طولقدن صکره ایجه قوجه نك اوغللارندن قره حسن و قره  
علی نام بهادرلره ایکیوز قدر غازیلردخی رفاقت ایدوب قلعه ایچنده  
بولان حیوانلره سوار اوله رق ایجه لیمان نام محله و واقع بر اولرک کیملرینی  
باترمق اوزره شهرزاده حضرتلرینک اشارتلی اولدیغندن علی السحر  
بولند قلی یردن حرکت ایدرک لیمانده بولند قلی کیملرک کیملرینی باتروب  
اخشام وقتی ینه حصاره کلدیلر تار یخلرک بعضیلرنده بو خدمت  
اجه بکله فاضل بکک قومانداسیه اولدی دیو یازلمشدر ایمدی شهرزاده  
حضرتلرینک روم ایلی طرفنه عبورلرینک بشی کونی ایاشلونیه  
دیدکلی شهرک ضبطنی و حصارک فتحی دخی تصمیم ایدوب کیجه وقتی  
جی جک حصارندن اجه بک و فاضل بک اداره سنده اوله رق بر قاج  
یوز غازی حرکت ایدرک زمان صباحه قریب اولدقده بونلردخی قلعه  
دیوارینه یقلاشوب قیونک اچلمسینه انتظار اوزره طور دیلرایسه ده  
توقفه وقتک مساعدده سی اولوب خارج دیوارده طورلدیجه قلعه نك  
تسخیری کسب صعوبت ایدوب تدارکات عظیمه و همت جسمیه به  
محتاج اولنه جغندن حصارک دیوارندن اشقی ایله قیو جیلری صیق  
بوغاز ایدرک قیوی اچق ترتیبه تشبث اولندیغندن فی الحال زردبان  
طیامق و دیواره اکسرقاقق و بربری اوزرینه بنک کی شیلرک اجرا سیه  
قلعه دیوارندن آشیلوب قیوی دخی اچدقنرند طوپدن حصار ایچنه



کیروب اهل بی خیواب غفلتله پسترفراغنده یاتورکن قولاقلمری دینده  
 صوراسلامی چالدیلربو حال ایله هر برلرینک عقالمری باشلرندن کیدوب  
 تحقیق احواله باقدیلرقالدیلر ایسه ده ارتقایش ایشدن کچوب چاره سن  
 قالدقلرندن غازیلرک ایاغنه دوشوب امان دیلایلر اما حسام انتقامی  
 وقتنه تعلیق ایدوب سکین کینی بیله دیلربوند نصکره شهرزاده کامیاب یعنی  
 سلیمان پاشای عالیجناب طرفندن کیسه نک مالی یغما و اولاد و عیالی اسیر  
 اولسون دیو امرصاد را ولد یغندن صدمه هجوم ایله اختلال بولان  
 احوالترینی ضابطه عدل ایله نظام و یروب حصار و جوارنده کی  
 دیاری ضبط ایلیوب ممالک اسلامیه به ربط ایلمدی

چونکه روم ایلی الکاسنک بویله سهولتله فتح و تسخیر اولندیغی بیغا  
 و قره سی و ایدین ایللارنده بولنان اهلینک معلوملری اولدقده فوج فوج  
 روم ایلی طرفنه عبور ایتکه باشلیوب مدت قلیله طرفنده اون بیکدن  
 زیاده اهل اسلام نقل وطن ایلدکلرندن کلیبولی حصارینک دخی تسخیر  
 اولمسی لازمه حالدن اولمش ایدی زیرا کلیبولی نام شهر آق دکر  
 بوغازینک او یله بر ساحلنده واقع اولمشدرکه بوغاز مذکور دن کچان  
 کیلرک مجموعنه زاد و ذخیره المغه بر بندر مناسب اولد یغندن ازمان  
 سالفه ده دخی اما کن مشهوره و معموره دن عسدا اولوب خصوصاً  
 روم ایمپراطورلرینک پک اعتنا ایتدکلری براسکله ایدی میلاد عیسی  
 علیه السلام دن بشیوز سنه اقدم شهر مذکورک بنا اولندیغی اسکی  
 روم تاریخلرنده محرردر و الحاصل شهرزاده جلیل الاعتبار اجه پک و فاضل  
 پک نام مر دان روزکاری برقاج بیک سواره سردار ایدوب کلیبولی  
 حصارینک تسخیرینه حواله ایدرک کندیلری دخی برقاج بیک قدر  
 حیوش جوشن یوش ایله تکفور طاعی نوا حبسنه اقین ایتکه نیت



ایتمشرایدی انجق ذکر اولنان سردار لک کلیبولی حصارینی محاصره  
ایتدکاری جهته قو کور حصارینک (قالو قونیا) نام قوماندانی کلیبولی  
حصارینک قرماندانی ایله قرابتی واهالینک هم ملتی اولدیغندن  
امداده کلک اوزره اولدیغی خبر ویرلش اولغله کیده چکی یردن تحویل  
نیت ایدرک قور کر حصار ی اوستنه علی الغله هجوم ایلمکی مناسب  
مطالعہ ایلمک لردن تصمیملری وجهه یورویوب قلعه پی تسخیر  
وقوماندانی دخی اسیر ایلمک د نصکره کلیبولی حصارینه قارشو صلب  
اولنق اوزره امر ایتدیلر حصار مذ کورک قوماندانی اولان تکفور  
محصور بو وقعه دن زیاده سبله ببحضور اولدیغندن بالضرور اعتراف  
قصور ایدوب طالب امان ایلدی کیفیت شهر زاد مشار الیه عرض  
اولند قده کندوسی و مال و منالی واقارب و اولاد و عیالی ایله دیله دیکی  
طرفه کتک اوزره رخصت بیور لمغله او یله جه خبر ویریلوب استانبوله  
عزیمت ایتکی استدعا ایتکله ایکی قطعه سفینه لره ارکاب ایله استانبوله  
ارسال اولند قد نصکره حصار مذ کوری کروه عثمانیان الدیلر و ایچنده  
قالدیلر که تاریخ دخی هجرتک ید یوز التمش سنه سنه ایدی اورا لردن  
اجه بک بک چوق سفر لر ایدوب اشدیکندن حوالی مذ کوره یه اجه  
اووایی نام اولوب قالشدر (ایمدی قلعه مذ کوره فتح اولوب درونی  
اهل اسلام ایله طولد قد نصکره معافره و ایصاله و بولایر نام قضاری  
دخی تسخیر ایلوب تکفور طاغی ده ضمیمه ممالک اسلامیه ایتدیکنه  
دائر پدرزی طرفه تقدیم اولنان عریضه نک صورتیدر که ذکر اولنور

✽ صورت عریضه سلیمان پاشا بدرگاه پادشاهی ✽

درگاه عالی و بارگاه متعالی جنابنه معروض اولان بودر که دولتو بابام  
خدوند کار اعز الله انصاره نک خیر دعاری برکاتیه قو کور حصار یله

بواثنا ده بزانسو  
دولتک اورتہ سنده  
داماد و قاین پدر ایله  
فصل و تفریق ممکن  
اوله میان تاج و سلطنت  
دعوالری میدانه  
چققد یغندن  
قانتا قوز نه امداد  
بها نه سبله عسا کر  
عثمانیه روم ایلی طرفه  
عبور ایلمک د نصکره  
قانتا قوز نک دعواسی  
باطل اولدیغندن یوانی  
پاله لو غک طرفی  
الترام ایتمشرایدی  
بوار القده بلغار لردن  
روم ممالکنه مستولی  
املد قلرندن انلرک  
شر لردن دخی درون  
الکابی محافظه ایتک  
لازمه حالدن  
اولمش ایدی امپراطور  
ایسه عسا کر اسلامیه  
چقیمیه جقلردیوخیلی  
سویلنوب سلطان  
اورخان حضرتلرینه  
شکایت ایتمشرایدی



کلیبولی حصارینک تدارکی هر نسنه دن کوریلوب حق تعالی نک  
 عونیه دزدارلینه مقدارلومقدارنجه علوفه و تیمار تعین قلوب دفتر  
 و یوقلمه اولندقدنصکره سلوری بکی ارنلر قوچاغی ایل بکی دام عزه  
 ایله استانبول اطرافنه واریلوب حکمجه قلعه سی محاصره اولندقدن  
 کشان قلعه سی اطرافنه واران قدوة الامراء الکرام اورنوس بک زید  
 قدره دن اولاغله خبر کلوب دیمتوقه لی اعدا خذ لهم الله تعالی اندریه  
 دنیلان ایله سوز برلشدیروب دون باصقنی ایچون فکر فاسد ایتدکلرین  
 اعلام ایلمکله زمره سپاهدن او یود یکیت باشی بک نفر سوار نامدار  
 ایله برغوس سمتنه کوند ریلوب اورنوس بکه دخی کلوب اوراده بک  
 باشیله جمعیت اید سین دیو بی یازیلوب تنبیه اولمشیدی واروب توفیق  
 حقله ملاقات ایتدکده برغوس حصاری اطرافندن خیلی طویوملق  
 ایدوب یات ویراغله حاضر و مہیار ایکن اشبویدیوز الی طقوز سنه سی  
 شوالنک اون یدیسنده اندریه نک بکلرندن دیمتری اشتوان دیمتوقه  
 بکیله بیله کلوب اوزرلینه دون باصقنی ایدرکن اورنوس بکله  
 یکیت باشی قوللری خبردار اولدقلرچون هر بری بر طرفدن  
 پوصویه کیروب ویرلنده قره جعفر قوللرین بر مقدار غاز یلرایله قویوب  
 فرصت کوزلر ایکن ناکاه سحرده انلر قره جعفر اوزرینه دو کیلوب  
 میدانده دورشمه اوزرینه ایکن پوصوده اولان غاز یلر انلرک ایکی  
 طرفن آلوب الله الله دیو کلبانک محمدی ایله ارسلان صغنه و قورد  
 قیونه دو قنورکی اطرافلرین قوشادوب قلیج صوند قلرنده فی الحال  
 هر برین بر طرفه طاغدوب صباح اولدقدن بشیوز باشند زیاده باش  
 کسلدیکلی معلوم اولوب وایکی یوز نفر دن زیاده دل طوتیلوب و بکلری  
 دخی مجروح اچوب کیدر ایکن فوت اولدیغی استماع اولوب غزات



اسلام سالم و غانم الشكر على نعم الله ديو بن قواكه كلوب بولشوب ماه  
مزبورك اواخرنده ذكر اولنان باشلى و طوبلان دلارى قره جعفر  
قولارى ايله يوجه درگاهلرينه كوند يريلوب خير دعارى بركاتيله بزدخى  
يوزاقلغى اميدنده ايدك نه چاره كه تكفور جانبدن دولتلو خد اوندكاره  
ايلچى واروب ويركوقبول ايتكله تضرعى مقبول اولوب محاصره دن  
فراغت اولنه ديومبارك بيتلى سوندك چاوش ايله كلوب واصل اولدى  
و تكفور دن دخى اول حينده بزم ايجون بشقه ويركو كلوب دولتلو  
خد اوندكاره مطيع اولديغيجون چكجه دن قانقيلوب ديمتوقه يه  
عزيمت اولدى حق تعالى حضرتلى خير لر نصيب ايدويوره  
اماردوسچغه واريلوب شدت شتا برطرف اولجه اول نواحيده توقف  
ايلوب شويله فرصت ال ويره تأخير و تراخى روا كورلديكى پايه  
سر برلرينه عرض اولندي باقى فرمان رأى عالیشانلرينه مفوضدر  
(بنده كمتر سليمان)

هو محله تكفور دن  
مراد بزا نسيو دولتى  
ايمپراطورى ديمكدر

عريضه مذكوره اندريه ديويازيلان اندرونيقوس نام روم ايمپراطورى  
اوليوب اورالك والى وقوماندارلرينك الكزیده سى اوله يا خود  
اندريه بكلى ديمكدن مراد ادرنه شهرينك بكلى ديمك اوله زيرا  
اوتار مخلصه روم ايمپراطورى بولنان يانى پاله لوغ دركه صلحه طالب  
اولوب ويركو ويره جك ديويازيلان استانبول تكفورينك اديدر

اورخان غازى طرفندن سليمان پاشايه كوند ريلان جوابدر

فرزند جليل القدر كامكار و مشير سپهدار عالمقدار الموبد من عند الله  
او غلوم سليمان شاه طال بقاه بتى واصل اوليحق معلوم اوله كه عرضك  
ايله قره جعفر كلوب اندريه لودن كوند ريلان باشلى و دلارى كتوروب  
ديوانم قپوسنده يوزى قوينى دو كه قيوب دلار حبس اولوب مزبور



جعفره یکتا باشیق و یریلوب ایود بکه سنجاق کوندردمکه انده یر  
و یروب تعین ایده سن واورنوس بکه دخی قلیج و قفتان کوندروب  
وقف ایچون استدیکی یرلی تملیک ایلدم و سکا دخی برمر صع قلیج  
وایکی باش یرارات رختیه وایکی خفتان وایکی جبه فراجیه کوندروب  
انلردن غیری قرق عدد خفتان دخی خلعت ایچون ارسال ایلدم که  
یولداشلقده بولنان بکله وغازیلره انعام ایده سن فرصتال و یررایسه  
بعنایه الله دیمتوقه تسخیرنده تأخیر ایتمیوب اندریه دنیلان اعدا جانندن  
دخی غفلت ایلیوب اکاه اوله سن و قرق کلپسا جانبیه حالاسنجاق  
و یریلان ایود بکی کفایت قدری لشکر ایله کوندره سن که بتوفیق الله  
تعالی فتح ایدرایسه انک اولسون و کلیبولی معبرندن عبور ایلیان جنویر  
کیلرینی بیوجه رنجیده ایتدیر میوب اللرنده اولان عهد نامه لر مضمونیه  
عمل ایلیه سن و قدوة الامراء حاجی ایل بکه دخی بر فراجیه و جبه  
و بر باش یرارات رختیه کوندراشدر ایصال ایتدیره سن و دیمتوقه  
خالق تضرع یونندن و یرکویه کسیلور ایسه حاجی ایل بکی دخی  
ایود بک ایله قرق کلپسایه واروب تسخیرینه سعی ایده لر و دیمتوقه لول  
جنک ایدر لر ایسه انی بر طرف ایتمیجده آخر یرایله مقید اولیه سن  
و بو بنینک مضمونیه عمل ایده سن تحریرافی اوائل محرم الحرام سنه  
ستین و سبع مائه

(لاحقه)

سلطان مشارالیه حضر تلری فرزند جلیل الشانلری سلیمان پاشا  
حضر تلرینک روم ایلی الکاسنده اولان فتوحات عظیمه لرینی  
بیلدکن صکره کندویه رقیب اوله رق اناطولی الکاسنده سلجوقیه  
مالکنی تقسیم ایدن کرمان وایدین وقره مان و سائر بکله فخریه ایچون



بشارت نامه لر نشر ایلشد که هر برلری فریدون بک مجموعه سنده  
 مسطور و مقید در چونکه شهزاده مشار الیه حضر تلرینه پدر لری  
 سلطان اورخان غازی طرفندن تشریفات شهر یاری واصل اولدی  
 در حال جمله نک مواجهه سنده اوقوتد یروب خلعتلری دخی اصحابنه  
 توزیع و تقسیم ایلد که نصکره کندولری فتح ایلد کیری بولایر حصارینی  
 دارالملک اتخاذ ایدرک امرای جنک از مای طرف طرف سوق ایتکده  
 ایکن دونمای کثیره ایل از میر حاکمی ایدین اوغلو امور بکک لیمانه  
 ورودی اخبار اولند که دعوت اولنوب شهزاده مشار الیه ایل ملاقات  
 ایلدیلر مومی الیه امور بک از میردن چند پاره سفاین تدار کبله اون بیک  
 قدر غازی لری استصحاب ایدرک روم ایلی ساحلنده واقع دوره طرفلرینک  
 نوا حبسنه قانتاقوزینک التماسنه مبنی باییلوب غازی امور بک یوقوشی نامه  
 حالیه قدر مشهور اولان محله بلغارلر ایله عظیم محاربه لرایدوب منصور  
 و مظفر اولد قد نصکره یکی شهر اواسنده دشمنی طاغله قاچروب  
 چتالچه دن اسیرلر الوب فلورینه ده برفلوری بر اقامشدر بو حال ایله بر قاج  
 سنه لردن زیاده اکلنوب ارزوی وطن ایل از میره کیدر کن مخالف روز کار ایله  
 یولنک بولایر طرفنه اوغرا دیغنی ورخصت بیوریلور ایسه ولایتی جانبنه  
 کیده جکنی شهزاده نک حضورنده افاده ایلد که شهزاده کامکار  
 دخی بوند نصکره اناطولی طرفنه کچمک افکارندن کچمسنی بیان  
 ایدرک اطه لر دکرنده دونما ایله طولاشوب روم ایلی سواحلی محافظه  
 و بلوقه ایتک اوزره قان دیروب مأمور ایلدی ایددی شهزاده مشار الیه  
 روم ایلنده فتح و تسخیر ایلدیکی دیاری سلطان اورخان غازی  
 حضر تلرینک امر لری موجب منجه یاننده بولنان امر ایل تقسیم ایلدیلر  
 شویله که کندولری کلیولی و بولایر حصارینی دارالملک اتخاذ ایدرک



دیمترقه په قدر حد و دینی توسیع ایلا دی حاجی ایل بک که قره سی  
 دیارینک بکی عجلان بکک وزیر ای دی چورلیدن خیره بولی په قدر  
 توجیه قلوب اجه بکه دخی کند و نانه منسوب اولان یرلری تعیین  
 ایشلر ای دی حوالی مذکور نک فتح اولند یغی سنه اورا لرده عظیم  
 حرکت ارض دخی واقع اولوب ساحلده بولنان شهر لارک  
 وقصیه لارک اکثریسی خراب اولدیغندن بشقه کویا بلغارلرک شر  
 ومضرتدن روملری تخلص ایچون عسا کر عثمانیه کیشلر در کبی  
 اشاعه اولمش ای دی قاتاقوزن دیوان پاله لوغ عسا کر عثمانیه نک  
 کیر و محارینه رجعتی خصوصنی حضرت پادشاهدن التماس و نیاز  
 ایلدکلی نامه هما یوندن اکلا شمشدر که تفصیلی قاتاقوزنک احوالی  
 ارا سنده یازمشدر مر اجعت بیور یله ایملدی شهرزاده مشارالیه بر کون  
 ارزوی شکارایله بولایردن چیقوب معیتلرنده قرق الی بلای باشلی  
 اتلی ایله اووالری طولا شوب طاغلی اشوب کزکن شهرزاده نک  
 او کندن بریان قازی قاقوب قیصه قیصه اوچد فیه شهرزاده بی  
 شوقه کتور مکه ات سور مسنه باعث اولمش ای دی انجق بعض یرلری  
 سارلق و بطاقلق اولغله اتک ایاغی پرسوراخه کپروب یوارلندیغندن  
 شهرزاده مشارالیه دخی در حال اتدن اشاغی کندوی اتمش ایسه ده  
 باشنی برطاش پارچد سنه اوردیغی جهته شه باز روحی عالم بقایه پرواز  
 ایلد کده خدمتده بولنان تازی سوار غازیلر یشوب دار دنیا ده اولان  
 ولی نعمتلرینی بو حالده کوردکلی کبی دنیا باشلرینه طار اولوب غریو  
 و فریاد ایدرک نعش سعادتلرینی بولایره ایصال ایتدکلرنده ناکاه اول  
 واقعه فاجعه و صا قعه صاعقه اتاری ظاهر اولنجه یعنی اول زینت  
 افزای تاج و تخت سلطنت شاه جوان بختک فوت اولدیغی طویونجه



دریای جهان پیاپی صحراره صغیمیان ارلر جکر داغی پکارندن اقان  
 قانلو یا شلرک سیل روانیله مغاک هلاکه اقه یازدیله و بارکاه فلاك  
 اشنباهی پناه ایدوب قوشادن دلاورلر آه آتشین ایله یانوب یاقیلوب  
 چرخ طولاب کی دولاتوب ناله وانین سوزناک ایله زمین و آسمانی  
 ییاقوب یاقه یازدیله چاره نه الحکم لله دیه رک عمارت عامره سنک  
 قربنده (بیت) قننه کیردی اول غزا قلیجی \* دون و کون دین ایچون غزا  
 قلیجی \* فواسنجه قالب مطهرینی مرقد منور و مشهد مقدرینه وضع  
 ایتدیله کیتدیله لکن اول مهر سپهر سعادتک افولی یدیوز التمش  
 سنه سی ایتدالرنده شیوع بولدقده اعدای دینه غیرت کلوب مسلمانلرک  
 ایاغنی روم ایلندن کسمک اوزره شرط حیاتی دریش ایدرک روملرایله  
 بلغارلر و افلاقلولر ایله صر بلولر اتفاق ایدوب اوتوزیک قدر روم  
 و سائر متفقین التمش پاره سفینه لره راکب اوله رق اوتوز قطعه سی  
 اوندشیک عسکر چیقارمق ایچون طوزله اوکنه یناشوب سیدی  
 قواغنه چیقاردیغی دیگر قطعه لری دخی اوندشیک نفوس کلبولی  
 قربنده مناسب برموقعه چیقاره جغی خبری اولاغله واصل اولدقده  
 اهل اسلام طاقنه موجب اندیشه اولوب کی ترک دیار ایدوب کیتکی  
 کی فرار ایتکی کی جنک ایتکی رأی ایتشلرایسه ده جمله سی شهرزاده  
 شهیدک مرقد منورینه واروب روحانیتدن استمداد ایتدکد نصکره  
 جنکه حاضر طورمغی ترجیح ایلدیله و اوایل ایتدیله خلاصه مقال  
 اعدا بولایر قربنده کائن طوزله وسیدی قواغنی نواحبسنده بولسان  
 عمارت اسلامیه بی یاقوب بولایر حصارینه طوغری موج اورر دریا کی  
 ساحلدن بروکلدکاری حالده اجه بک و فاضل بک و حاجی ایل بکی  
 واورنوس بک و سائر بک باشیلر دخی عساکری جنک ایچون ترغیب



ایند که نصیره بولایر قریبده کی بایره بمانوب الایلرین باغله دیلر معامله  
 دشمنه احاله نظر ایدوب طور لر ایکن دشمن الایلرینک صفوفی  
 بوزلوب قین قین جکله یلرو فی الحال کیرویه دونوب عادتاً فرار  
 ایلدکلرندن غازیلردن وقعده یی تحقیق ایچون برقاج ییک نامدار سواری  
 اردلرینه دوشوب قیره راق دریاه دوکدیلر و الحاصل بو بروقه غریبه  
 ایدیکه اول بدکملرک چوغنه چوکان شمشیر طوقمادین میدان  
 کیرودارده سرپی سامانی طوب کی غلطان اولوردی و یک چوغی  
 دخی مضمار جنکه ایرشمدین آتندن تکرانوب اولوردی بو بایده مورخین  
 بالاتفاق اول وقعده اولان حالت غریبه یی اسرا اغزندن اولق اوزره  
 شویله روایت ایدرلر که قنی اول بزی تعقیب ایدن بیاض اتلور شمدی  
 انلردن بریسنی بوراده کور میورز یا قومانداری اولان یکیت دخی  
 یوقدر دینجه ییلدیلر که بی الت ظاهر اولان حالت عجیبک اصلی واریمش  
 وغیب ارنلردن کندولرینه امداد ایرشمش حقه شکرلر ایدوب شهرزاده  
 مشار الیه فاتحه خوان اولدیلر انجق کبفتی یعنی شهرزاده نک نهال  
 کلزار دولت و اقبالی ذبول اولد یغنی و دشمن عساکرینه غلبه  
 ایتد کلرینک مرده سیله ماتم و سروری بربرینه قارشید یروب  
 دربار شوک متقراره عرض و انه ایلدیلر بالجمله اصحاب  
 تواریخ بو ماده یی شویله بیان ایدرلر که مکر سلیمان پاشا زمان  
 حیاتلرنده برکون معیت عالیلرنده بولسان غازیلر ایلر روم الینک فتح  
 و تسخیرینه و اهل اسلامک الکلای مذکوره ده پایدار اولوب قالمسینه  
 دائر سوز آجیلوب هربری حیاتده بولندجه عمرینی غزایه صرف ایدوب  
 اولاد و اعقابنی دخی کندو مسلماننه دعوت و تشویق ایده جکنی عهد  
 ایلدکلری صیره ده شهرزاده مشار الیه دخی بیور مشلر ایدیکه اگر بن



غزایولنده اولورسم یعنی شهید اولورسم جسمی اجدادمک تربه لرینه  
ایصال ایتیک بوراده یایدیغم عمارتک کنارنده دفن اولنسون واکر اعدا  
هجوم ایده جک اولور لر ایسه بخله برلکده بوانان غازیلر قارشو طرفه  
کیده جک ولماسونلرمقا بله ایچون قارشو طور سونلر حکمت مولایی سیر  
ایدوب کورسونلر دیو رقت و خلوص قلب ایله مافی الضمیرنی بیان  
ایلد کده هر طرفدن القشلا اولوب ریمز سنک وارلغکی و بزم اوزریمزه  
سردارلغکی اکسک ایتسون جمله مر سنک مر ادک اولان غزایولنده اولور  
دیه رک معاهده ایتشلر ایدی زیر شهرزاده مشارالیهک برادری سلطان  
مراده بعض مرتبه منفعل اولدیغنی ییلد کک لرندن انی دخی  
ایما ایتشلر ایدی

سلطان اورخان غازی که عدل و داد ایله انا طولی وروم ایلمنده بلاد  
اسلامی آباد ایتکله نام و شانی جهانی طوتمش و همای همایون حتی  
حوزه حکومتمده اولان بلادی سایه سنه الوب قورتمش ایدی یکر می  
درت یا شنده ایکن شهر یارلق پایه سنه قدم باصوب اوتوز طقوز ییل  
سلطنت ایلمند ر مزارلری بروسه ده حصار مناسترنده واقع در این کمال  
روایتی موجججه سنلری التمش اوج سنه در تواریخ سائرده سکسانه ابلاغ  
اولور مشارالیه حضرتلری اکثر اوقاتده باشلرینه التوتلی اسکوف کیرلر  
واوزرینه دخی بیاض دلبد صارنور لر ایدی که شهرزاده لری سلیمان پاشا  
مر حوم دخی اسکوف کیمکی التزام ایدر لر ایدی سببی سکه شریفه  
مولانایه محبتدن اولدیغنی روایت اولور ارباب علمه رعایت ایدوب محضا  
رضای خدا ایچون لوای غزایی قالدیروب کیدر و خدمت ایلیان امراء  
و بیکیاشیلره دخی علی مقادیر هم حرمت و مکافاتلر ایدر بروسه و ازینق  
وازمیده جامعلری و مدرسه لری و عمارتلری اولدیغندن بشقه اوقافی



وارد كنند و لرینك وفاتلری ساعتده ایكنجی شهرزاده لری سلطان  
مرادك اوغلو یلدرم یازید ظهوره كادی وفاتلرند نصكره شهرزاده لری  
سلطان مراد غازی بروسه شهرنده ایكن در عقب ازینقه الغار ایدرك  
سریر سلطنته صعود ایدوب پادشاه اولمشد رتفصیلی كله جك دفتره  
براغلمشدر

تواریخ موثوقه نك برنده مر حوم مشار الیهك مدت سلطنتی اوتوز  
بش سنه تعیین اولنوب سن عمر لری دخی یتش بش اولمق اوزره یازلمشدر  
دوات علیه نك اوائل ظهورنده وزیر نامه اوله رق بللی باشلی مشیر  
ومرجع یوق ایدی انجق عثمان غازی كه پدر لری ارطغرل بكك اواخر  
امارتنده مسنشاری اولدیغی مثلاً سلطان عثمان غازیك ایام حكومتده  
غازی اورخان حضر تلی سر عسكری اولوب دیگر اوغلاری علاءالدین  
پاشا كه بعض مورخین علی پاشا دخی دیمشدر درگاه عثمانیده مدیر  
امور اناام وملاذ خاص وعام اولوب فی زماننا كوریلان وكالت مطلقه  
خدمتی انلر اداره ایدرایدی وقبائل اترك لساننده اولادك الكیو كنه پاشا  
تعبیری عادت اولمغله شهرزاده علاءالدینه دخی پاشا دینمشدر نكیم شهرزاده  
سلطان سلیمانده دخی پاشا دیرلرایدی مورخین اسلافك برطاقی پاشا تعبیرینه  
دراودر او معنار ویرمشلر ایدسه ده تفصیلی بوراده مناسب دكلدر

خداوند كار غازی حضر تلرینك زمانلرنده یازلمش بر تاریخ معتبرك  
روایتله خواجه سعدالدین مر حومك یازدیغی تاریخ مفصلك حكایتی  
بومخلده شویله اجمال اولنور كه سلطان اورخان حضر تلی شهرزاده  
سلیم ن پاشاك فوتندن خبری اولیوب اولکی سرور ونشاط ایله آسیا  
قطعه سی اوزرنده خصو صا انا طولی الكا سی جوارنده بولنان ملوك  
طوائفه فتوحات متعاقبه بی اخبار ایدرك كشور كسالق یولنی طوتوب



دارالملک از نیقه آتوب طوتوب طورر ایکن ناکاه روم ایلی دیارنده اولان  
 صفدر لر جانندن نامه سیاه جامه واصل اولوب مال رقت اشتمالی  
 معلوم اولدقده زمان پیریده بویله بروقه دلسوزه اوغرا دیغندن  
 سلطنت جهانندن نفرت ایدوب کان کیروداری یاصدی قلیجن اصدی  
 بعد ازین ترک سلطنت ایتکه نیت ایدوب ایاغنی باصدی ایسه ده روم  
 ایلمده مضیق اضطراریده قالان اهل اسلامی یوزی اوزرنده براغوب  
 صاحب سر قویق لایق اولدیغندن شهرزاده سلطان مراد حضر تلیزینه  
 امانت سلطنتی ترک ایتک و کندولری اناطولی السکاسنده وکالت صورتیله  
 قالوب شهرزاده مشارالیهی دخی روم ایلمه اعزام ایتک ایچون بروسه دن  
 از نیقه دعوت ایتشیر ایدی مزاجلرینه سلیمان پاشانک وفاتی کدری  
 تأثیر ایلدیکندن کندولرنده علامات انتقال کورونمکه باشلا دقده شهرزاده  
 مشارالیه حضر تلیزینی جلب وشو کونه نصیحت ایلوب وصیت ایتدیلر  
 \* \* \* نظم \* \* \*

الای میوه باغ مرادم \* شه عالی نسب سلطان مرادم  
 وصیت ایلرم کوش ایله انی \* بنچون ایلمه آه و فغانی  
 ظهور دینی دائم نصب عین ایت \* وجودک خلعتن عدل ایله زین ایت  
 رعایا حفظ نه سعی ایت همیشه \* شریعت اتبا عن ایله پیشه  
 رسول الله شرع عن پیشوا قیل \* معین دین اولوب نصب اواقیل  
 چون استقلال بولدک سلطنتده \* عدالت ایله دائم مملکتده  
 جهاد امرنده صرف اجتهاد ایت \* جهاننده نامکی غازی مراد ایت  
 بوفانی ملکه مغرور اوله زنه ار \* طریق شرع دن دور اولد زنه ار  
 فنا در عاقبت دنیا ناک امری \* اولور هر کس ندکلو اولسه عمری  
 ایرشدی چون بکا امر الهی \* سن اول مسند نشین تخت شاهی



کرم ایله بکا جلب دعا قیل \* مرادم بودرای فرزند عاقل  
 نظام عالمه دائم مدار اول \* سریر سلطنته پایدار اول  
 دیو بیورد قد نص کره امرایی دخی تلطف ایدوب بر قاج ساعت مرورنده  
 مرغ روحی عازم خلد برین اولد قد شهزاده لری مشارالیه سلطان  
 مراد حضر تلی تخت عثمانی یه بالاستحقاق جلو س بیورد قلی  
 هجرتک یدیوز التمش بر سنه سی ایدی مرحوم سلطان اورخانک  
 ولادتلی التیوز سکسان سنه سنه جلو سلی دخی یدیوز یکر می التی  
 سنه سی اولغله مدت سلطنتلی اوتوز بش و مدت عمر لری سکسان  
 بر سنه یه بالغ اولمشدر اکبر شهزاده لری سلیمان پاشا و سلطان مراد اولوب  
 کریمه لری دخی اولمش ایسه ده نام لری تحقیق اولنه مدی

### فصل رابع عصر مذکورک فذلکه ومألی بیاننده در

سلطان اورخان حضر تلی نک مدت سلطنت لرنده ضمیمه ممالک عثمانیه  
 اولان یرلرک وسعتی از بنق و قره سی دیار یله روم ایلی قطعه سنه دخی  
 کلیبولی ایالتی و دیمتوقه و برغوس و چورلی و زغره حدودینه قدر ممتد  
 اولور شویله که عصر مزبورده دولت علیه نک ممالک موجوده سی  
 دولت سلحوقیه الکا سنک نصفندن زیاده واسع ایسه ده اکثر خلقی  
 اسنیلا خوفیه دیار آخره نقل وطن ایتمش اولغله حکومت خلقی ایله  
 رعایا ویرلرک مقداری دخی اوج درت ملیون نفوسدن زیاده ظن  
 اولور ایدی چونکه عثمانیان طاقی روم ایلی قطعه سیله بحر سفید بوغازینی  
 فتح ایتمزدن اول سلحوقیه ممالکینی مقاسمه ایدن منتشا و صاروخان و آل  
 رمضان و آقرمان امشالی هیئت صغیره لک بریسی ایدی سلطان مشارالیه  
 حضر تلی جهادی معتاد ایدتمش اولد قلرندن بشقه زیر سایه علیه لرنم  
 التجا و دخالت ایدوب بارگاه همایونی بکیان بکارک هربری دخی



اطراف بلادہ اقبال صالوب چاہل ایٹک ایله کچنورل و مالک اود قلی  
 شہور و قرانک اعشار و خراجی ایله دیراک ادینورل ایدی و کندورلینک  
 روم ممالکی اوزرنده ظفر و غالبیت ایله یورد و مسکن طوتد قلیرینه سلاطین  
 و ملوک اسلامیہ دن ہم جوار بولنا نلرک تصدیق و قبوللرینی تحصیل  
 ایچون قرنادن امیر سلیمان و فقہا سندن علی فقیہی و چاوشلردن دخی  
 طور مش چاوش و بکاش چاوش و صالتوق چاوش نام کیمسه لری ناده  
 مخصوصه لر ایله اطراف حکمدارلرینه ارسال ایتشلردن و ساططان  
 مشار الیہک زمانده روم ایلی طرفنه اهل اسلام ایله شہزاده سلیمان  
 پاشانک کچوب عثمانیانک ایاق بصمه سی وندیک و الامانیا و مجار و بوسنه  
 و بلغار و صرب و اسلاو و بغدادان اہا لہسنک برانسیو ایمپراطورلرینک  
 مطالعه لرینہ یک آشوری تأثیر ایلشدن و وزیرا اووقته قدر آل عثمان اور و پالورک  
 نظرندہ سریع الزوال اولان طوائف ملوک روم مثلاً و غاصب و یغماچی  
 ظن اولندیغندن حکمداران قدیمہ نک اراستندہ صایلن ایکن سکسان  
 و یوز سنہ طرفندہ عموماً رومستانی ضمیمہ ممالک ایدوب یوتہ حق و بلکه  
 شرق ایمپرا طور لغنک یرینی طوتہ حق مرتبہ لره کلمسی اور و پالورہ  
 موجب انتباه اولغله خلقت افکارندہ آل عثمانک مکنت و حیثیتی  
 بشقہ لشمش ایدی شاہ مشار الیہک دولت و حشمتی بونکله دخی اثبات  
 اولنہ بیلور کہ اوائل حکومتلرنده تحت نکاحلرینہ الدقلری لؤلؤ فرخانم  
 اعیان قصبہ دن برینک قیزی ایکن قایوب قاچرمہ طریقہ المشر ایدی  
 اواخر سلطنتلرنده بیک سنہ لک دولت ایمپرا طور یہ نک فاملیا سندن  
 بردختر پاک اختری کشیدہ سلیک ازدواج بیور مشلردن وعدل و دادی  
 اولمرتبه ایلرولتمشر ایدیکہ بی سبب کیمسه بی رنجیدہ ایتیموب حقارت  
 دخی ایتمز لرایدی و مذهب و اعتقاد مادہ سی امور ذاتیہ دن اولمق



ملا بسه سبله هیچ تعرض ایلوب خد متلرنده هر نوع اشخاص بوانوب  
 کمال امنیت و حضور قلب ایله جانسپارانہ چالبشورلر ایدی فتح و تسخیر  
 اولنان الکاتک رعایاسنی رعایت ایدوب مال و منالنی باغشالرایدی فقط  
 کلیبولیدن کلید البحر قلعه سنه واورادن معارض کورفرینه واجه  
 اواسی دیلان یلره اسکان ایچون قره سی دیارندن عز بلر نقل ایتدیر یلوب  
 بر اولردن دخی بر طاق نفوسی قره سی دیارینه کچوردکلرینک سبی ظن  
 اولنور که روم ممالکی هنوز فتح اولمغه باشلا دیغندن بر اولر هر تقدیر زیر سایه  
 عدالت عثمانیه دخالت ایدوب راحت بولمشلر ایسه ده ینه هیئت  
 قدیمه لرینک تجدد و احیاسنه وسیله ارایه جقلری امور طبیعیه دن  
 اولغله تمامیه امنیت حاصل اولدیغندن ارتق افکار عتیقه لرینی کلیاسلب  
 ایدوب او یولده اولان امید وامل قبولرینی سد و بند ایتک عثمانلو  
 طاقنه اقتضای مصلحتدن اولمش ایدی زیر روم ایلینک روم اندن  
 چیقوب اجنبی ایاقلری التده قالمسنی هیچ چکه مزلر ایدی چونکه الیوم  
 اوروپا قطعه سنده واقع دولت علیه ممالکنده مئوطن اولان  
 مال مختلفه دن بلغار و صرب طاقلری دخی الکای مذكوره نک  
 اصل بر لوسنده ن اولیوب انجق تاتار لک هجومی کی بر قوت فاعله  
 مطلقه ایله کند و مملکتلری اولان وولغانام نهرک کارندن دفع  
 و طرد اولنه رق ضیقشوب دخالت ایشلر و بپرسنک شعبه سندن  
 اولان مذهب و آیینلرینی دخی شرق کلیساسنک اعتقادینه تطبیق  
 ایدوب دکشدیرمشلر ایکن ینه روملر ایله نصل خوئریز محارب لره  
 قاقوب خصومت ایتدکلری بوندن اول کی جلدلرده مناسبتله ذکر  
 و نقل اولمشدر ارتق عجز واضطراب ایله دخالت ایدنلردن خلاف  
 مأمول اوله رق اویله وفاسزلق و مضرت کوردکلری حالده امور



اعتقاد به سنك اساسی دعوت وجهاد ايله قورلمش اولان برملتك قوه  
 قاهره سيله كيروب يرلشمسنى خوش كورميه چكلى اصلا بحث  
 واشنباهه محتاج دكلدر ملت اسلاميه دخی عنایت الهیه اولق اوزره  
 اسپانیا قطعه سی اوزرنده اولان مغلوبیت وضایعات متوالیه سنی  
 جهت شرقیه ایمپراطورلغی الکاسنده قزانوب جبر نقصان ایلدیکی  
 هر قدر برنوع مکافات معنویه قبیله ن ايسه ده سبیلری ارایله جق  
 اولسه برنجینك نفاق ایکنجینك اتفاق اولدیغی میدان چیقاریلور  
 بردوات وملتک و بلکه برخانه نك اراسنده اولان اتفاق ايله نفاقك  
 منفعت ومضرتنی تعداد و بیان ایتکه بوکتابك حوصله اوراقی متحمل  
 اولیوب فقط شوق قدر دینله یلور که وقایع عالمك ضبط وتحریر اولندیغی  
 زماندن شووقته کلنجیده ك انواع ظفر وغالیبت ايله دنیاده کامرانلق  
 ایلیان ملل واقوامك قراندقلری شان وشهرت دخی انجق اتحاد واتفاقك  
 ثمره عزیزه مقبوله سیدرتکیم رومالورك بتون دنیایی استیلا ایتله لری  
 وقارطاجیون سرعسکرلرندن جنرال هانبالك افریقادان اوروپلیه  
 کچدرک الیه طاغلرینه قدر کیدشی واسکنسدرک ماكدونیالور ايله  
 هندستانه دك ضبط ایدیشی وصدر اسلامده حضرت عمر الفاروقك  
 آسیا الکاسنی قبضه تسخیره کتورشى وطارق بن زیادك سپته بوغازندن  
 اسپانیا الکاسنه کچیشی وقروازاد كروهنگ عموما بلاد اسلامیه به  
 یوروشی و عثمانیانك روم ممالکنى فتح ایدرک برانتن دولتی محو ایلدیشی  
 والحاصل هر دولتك ظهور وتشکلی برطاقم اشخاصك جمعیت  
 واعانه لری ايله اولمشدرکه اودخی اتفاق واتحادك ثمره سیدر ایدى  
 بونك عکسى واقع اولان الکاو ممالکده دخی افسادات وتحریكات  
 خارجیه مثلاً اسباب کثیره دن ناشی ارا رنده نفاق وتفرقه حاصل  
 اولمقدن نشئت ایتشد رملت اسلامیه نك هیئت اجتماعیه سی خلافت



وسلطنتك اجماع امت ايله بر محمله طائفسی اوستنسه مشروط ایکن  
 بلاد اسلامیه نك وبعثی ملا بسه سیه مذاهب مختلفه نك ظهوری  
 افکار عمومی ده اولان اتفاقه خلل ایراث ایتمکله ملت اسلامیه نك  
 بولندقلری موافقه نسبتله منقسم اولوب ایرلمسی موجب اولمشدر  
 ایمدی ضعف و پریشانلیغی مستوجب اولان اشبوانقسام ماده سی دخی  
 بکر بکر حوزه حکومتی فتح و تسخیر فرصت کوزه دن دولتلرک  
 ظهور وتشکله سبب و یرمشدر بولنلرک دخی هر بری تفرد واستقلال  
 داعیه سننده بولندقلرندن از وقت ایچنده سلسله حکومتک خلقه  
 اتحادی چوزولوب محو ومنقرض اولمشدر شویله که بنی ادیه طبقه سی  
 وظیفه سنندن خارج اولان قان دعواسنی وسیله ایدرک طرفدار  
 تدارکیله فرجه بولوب اولاد واعقابی دخی او یولده بولنه رق هجرتک  
 یوزیکرمی بش سنه سنه قدر دعوائی سلطنت وخلافت ایتمشیرایکن  
 هر نصل ایسه اتحاد واتفاقلرینه خلل کله رک عباسیلر ظهورایلده کده  
 امویه فاطمیلیسی مصر وشامده اکلنه میوب او کونلرده یکی فتح اولغه  
 باشلیان اسپانیا واندلس الکاسنه فرارایلیرک اوراده یکیدن برحکومت  
 وسلطنت تشکیل ایتدیلرکه ملت اسلامیه نك اولنکی انقسامیدر  
 بوندنصکره دخی دیالمه و سلجوقی مثلاًو عباسیه امراسی بولندقلری  
 ممالکده کسب عصبیت ایدرک خلفایه تغلب صورتنده کورندکاری  
 موحدون و فاطمیون امثالی طائفسه متغلبه دخی ممالک غریبه ده  
 تشکیل دولته ادعای خلافت ایلان امویه سلسله سنی محو و پریشان  
 ایلدکاری اثناده نسل جنکیره دن اولان هلاکونک هجوم وغدیری ايله  
 هجرتک التیوزالی بش سنه سنده عباسیلرک دخی اساس دولتلری  
 خراب اولدقده ممالک غریبه ده خلافت ادعاسنده بولنان فاطمیلرک



نفوذ و اقبالانی کسر و ابطال ایچون عباسیه فاملیه سنک مصره دعوت  
 و قبول اولمسیله دولت فاطمیه سنک قرین زوال اولمسی و طبقه جنکیریه سنک  
 آسیا قطعه سنی استیلا ایتلرندن دیالیه و سلاجقه و ایوبیه کی دولت  
 عباسیه دن ابریلان کوچک کوچک حکومت مخصوصه لک پریشانیخی  
 اراسنده دولت عثمانیه دخی مذهب حنفیه بی ترویج ایدرک تشکل ایتشدر  
 آسیا قطعه سنک انا طولی تسمیه قلنان جهته طرف طرف دعوی  
 استقلاله قالقان ایالت بکلرینک هر بری یکدیگره غلبه سودا سنده اوله رق  
 بعضیلری ناملرینه سکه باصوب خطبه او قونمق و بعضیلری مصر ملکینه  
 تابع اولدقلرندن خطبه لری اشتراک اوزره قرائت ایتدیرمک کی امور  
 ذاتیه ایله اوغراشوب حتی بونلرک الک مشهور لری اولان آل قرمان  
 آل عثمان ایله کویا عهد و اتفاق ایدوب سلطان اورخانک کریمه لری  
 نفیسه خانم سلطانی المق و کندو قزی سلطان خاتونی ییلدرم بایزید  
 خان حضر تلی نه و یرمک مثلاً و مناسبات قویه پیدا ایتشلرایکن سلطان  
 اورخان غازی حضر تلی دارالملک لرندن ازاجق اوزاجق بولنسه لر دی  
 در حال قرمانیلر نقض عهد ایدوب ممالک عثمانیه یه هجوم ایدرک  
 نهیب و غارت ایدرلرایدی تاتار پادشاهلری طرفندن کوچک آسیایه  
 والی و حاکم نصب اولنان سلطان ارتنا قیصریه شهرینی دارالحکومه  
 اتخاذایدرک یدییوز الی اوج سنه سنه د ک حکومت ایلوب فوت  
 اولدقده اوغلو سلطان محمد بن ارتنا التمش یدی ییلنه قدر حکومتده  
 بولنوب بعده کوچک اوغلو سلطان علاءالدین دخی سکسان ایکی  
 تار یخنه وارنجه مقام حکومتده اولدیلر ایمدی بونلرک والده لری و سلطان  
 ارتناک عیالی سولی پادشاه خاتون جمله سی برلکده اوله رق شهر  
 مذکورک قرینه برتریه مخصوصه ده مدفون اولدیخی و کندوسی



زیارت ایلدبکنی عالی مرحوم فصول حل عقد نام کتابنده یازمشد  
والحاصل یلدرم یازید ایله تیمور وقعه سنه سبب اولان ارزنجان حاکی  
طهرتن مشار الیه سلطان ارتناک برادرزاده سیدر بواشناده قزل  
احداو یعنی اسفندیار طاقی ایله ذوالقدریه سلسله لری دخی ظهور  
ایتمشدر ایسه ده تفصیلی دردخی و بشنجی کتابلره حواله قلمشدر  
طبقه جنکیریه نک اناطولی الکاسی اوزرنده قوه قاهره لرینک تأثیرنده  
قوت قالمیوب یالکز همد و چین ایچنده نفوذ لری جاری ایدی فقط  
یدیوز اوتوز تارینخنده چین ایمپراطور لقی مقامنه صعود ایدن چین  
لسانی ایله شونتی و مغول لسانجه جهان تیمور خان طبقه جنکیریه نک  
الک نهایی اولدیغنه سبب دخی کند و سنک ضعف عقلنه و همی  
منضم اولدیغندن ذات حکمداری یه عائد اولان اموری رؤیتدن  
توقی و مجانبت ایلدیکدر چین اهل بسنک مسلك و مشاوری اقتضا سنجه  
او کونلرده تصادف ایدن حرکت ارض و کسوف و خسوف و صالغین  
خسته لك وصولك فوق العاده جوشوب قریه لری خراب ایتدیکی  
ایمپراطورك کاهلرندن ناشی اولق اوزره اعتقاد اولنمشدر هر نقدر  
بومثالو حادثات هائله اولانغان شیلردن ایسه ده ارتق افکار عامه او یولده  
متفق اولدیغندن ایمپراطورك خلع وز وانه قدر باعث اولدی کرچه  
ایمپراطور مذکورک دخی زمان حکومتی هر جهتله استعاضه اولنمغه  
شایان ایدی چونکه الکای جینک ایالات جنوبیه سنی اول مرتبه فقط  
وفقیر لك استیلا ایتش ایدی که میلادک بیک اوچیوز اوتوزد رت  
سنه سنده ایکی ملیون ایکی یوز ایتش بیک فاملیا یالکز اچلمقدن هلاک  
اولدیلر بقیه اهلینک ارتق تحمل لری قالمیوب ایمپراطورك علیهنه  
اتفاق ایله عصیان ایدوب تاتار نسلندن اولان حکمداری مقامندن



دوشوروب کندو ایچلرندن ایمپراطور نصب ایلد یلر که تفصیلی دفتر  
 رابعده ذکر اولندی اورو پالوردخی کندو ملکاری داخلنده قارشقلق  
 وامنتسزلک ماده لرینک چوغالمسنى کوردکجه اداره داخلیه لرینک  
 اصلا حاتنه باقوب بتون دنیايه مالک اولمق تمدن و تربیه نك اساسی  
 اولان علم و معارفک سایه سنده حاصل اوله جغنی ییلد کلرندن بشقه  
 پاپانک دخی مرامی خلقی دینلری اوغورنده محاربه یه تشویق ایدرک  
 دائمی صورتله مشغول ایتدیکی یالکز قوه روحانیه سنک تأثیرات قویه  
 دائمیه سنی اذهان عمومیه یه یراشد یروب اوجهته کندوسی دخی  
 زروه اقباله چیقماق املنده بولندیغی اکلا شلد یغندن قروا زاد  
 طاقنک غیرت و همتلرینه فتور و بطائت کلکه باشلا مش ایدی  
 اوتار یخلرده بحر سفیدک اکثر یلری ایله اطهرک دخی الک کزیده لری  
 وندیک و جنویر طاقنده اولغله دیکر لرینک اود کز لرده نفوذ کسب ایتسنى  
 یک استمد کلرندن وندیکلور آل عثمان ایله معاهده ایتشلر جنویر لوردخی  
 مصر لور ایله مصالح اولد قلرندن قروا زاد کروهنی شوق ایده جک  
 سبب قالمیوب ارتق عثمان اضطرابده قلان فلکز ده لره ساحل سلامت  
 کورومش ایدی

درون اورو پاده داهادین یولونده اولان محاربه لری اردنی المیوب کتاب  
 اول و ثانیته محاکمه لرنده بیان اولنان افکارک جمله سی مشار الیهک  
 عصر نده باقی اولغله تفصیله حاجت قالمامشدر فقط دفعه اخیر اوله رقی  
 یالکز عثمانیان علیهنه اولمق اوزره روم ایلی طرفنه بتکرار هجوملر  
 اولمشدر که تفصیلی قوسوه محاربه سی ملا بسه سیله کتاب رابعده  
 یازلمشدر بوند نصکره اماریکا حوادلری ایله خریستیانلق مذهب  
 و آیینده برطاقم فروعات و مخترعات پیدا اولد یغندن بولتیقه نك اساسی  
 بشقه افکار اوسننه قورولمشدر که کتاب آتیده ذکر اولنور اندلس



الكاسنده بولمان عرب حكومتلرينك اساسى مذهب مختلفه اوزرپنه مېنى  
 اولديغندن بشقه درون ممالكده برطاقم متغلبه ظهورايدرك رتبه رفيعه  
 حكمدارى به اتصال واشراك سوداسنده اولدقلرندن قولايقله دولت  
 وحكومت تبدل ايدرايدى بربرستان اهابسى قبائل عديده دن عبارت  
 اولدقلرندن بياغى هر قبيله نك شينجى بولنديغى محلده حكومت خولياسنده  
 اولديغندن دعائم دولتك قيام و دوامى وميائى عز و سلطنتك قوام ونظامى  
 نصل اسبابه منوط ايدوكنى بيله مدكلرندن هم جوار اولد قلى دول  
 معظمه نك عندلرنده حقوق دوليه دخى تحصيل ايدمه رلك حال بداوت  
 اوزره قالب منقرض اولورلايدى بوندن ماعدا اندلس قطعه سيله  
 مغرب الكاسنه برمرتبه لرده طاعون عظيم مستولى اولمش ايدى كه  
 برقاجوز سنه لك فامليارلك اعقاب وانسالى محو و نابود اولديغندن  
 حكم وتصرف برطاقم اجنبى و متغلبه الرينه كچمش ايدى حوالى  
 مذكوره نك اهابسندن اولوبده مصرده مذهب مالكى قاضيسى اولان  
 ابن خلدون هجرتك يديوز سنه لرى اثناسنده يازمش اولديغى بربرستان  
 واندلس تاريخنده مغلوبك غالبه تقليد و اتباع ايتسى امور طبعيه دن  
 اولوب ملت غالبه نك اصول وعاداتى برطاقم مغلوبه اراسنده شايع و منتشر  
 اولدقجه غلبه واسنيلا لرى دخى جوغالوب بالاخره صاحب وغالب  
 اولورننه كيم اندلس قطعه سنده بولمان طوائف ملوك عرب اطرافنده  
 اولان حكمداران مخالفه نك غلبه واسنيلاسى السنده قالدقجه مماشات  
 ومدارايولنى طوته راق ملابس و مر اكبده و اطوار و عاداته ملت غالبه به  
 تقليد ايدرك حتى اوطه لرينك ديوارلرني صور و تماثيل و نقوش ايله تزئين  
 ايدوب كندولرني دخى ملت غالبه مستوليه نك تربيه سنده كوستر مكي  
 التزام ايتديلر ديدة عبرت ايله بواحواله حواله نظر ايدنلر ممالك اندلسده  
 عربلرلك محو و منقرض اوله جغنه حكم واستدلال ايتشلردرد بويان ايندر



اشبو کاب ثالث هجرتک یدینوز پکرمی بش سنه سندن یدینوز التمش  
 برسنه سنه قدر اوتوز بش سنه لک وقایع عومیه ایله خداوند کارغازی  
 سلطان مراد اول حضرت تکرینک غزوات جلیله لرینی  
 مشتمل اولوب بقیه سی جمله رابعه  
 یازمشدن



3



❦ ❦ ❦ فصل اول ❦ ❦ ❦

حضرت خداوند كارك زمانده عالمك احوال مختلفه سي بيانده در

۳

❦ ❦ ❦ فصل ثاني ❦ ❦ ❦

حضرت خداوند كارك وقايع داخله سي بيانده در


۴۶

❦ ❦ ❦ فصل ثالث ❦ ❦ ❦

عصر مذكورك خلاصه سي و محاكمه سي بيانده در

۹۷







سعادتلو خیر الله افندی حضرتلرینک جمع  
وترتیب ایلدیکی دولت علیه عثمانیه  
تاریخینک دردنجی جلد یدر





کتاب رابع  
من وقایع دولت علیه عثمانیه  
من سنه ۷۶۱ الی سنه ۷۹۱

بسم الله الرحمن الرحيم

در رد و دبی شمار اول حضرت پادشاه بی زوالک سرادق عظمت  
و اجلالنه نثار اولسونکه اوتاد متین سلاطین کامکار ایلہ اقطار  
ارضی استوار ایدوب بونجه خلایق و عبادک حضور و اسایشلرینه  
مدار ایچون سلطنت جہانی برقرار ایتشد  جواهر زاهره صلوة  
اول تاج سعادت نتاج رسالتہ سزادر کہ شعاع نور شریعتی اقصی  
اقالیمہ کتشد  معلوم اولہ کہ بوندن اول ذکر اولسان جلد ثالث  
ولی نعمت بیتمن پادشاهمن (السلطان الغازی عبد المجید خان)  
افندیمن حضر تلبینک سایہ ملوکانه لرندہ رسیده حد ختام اولدیغندن  
اشبود رد نبی کتاب حضرت خداوند کارغازی سلطان مراد  
خان مرحومک سنہ جلوسندن وفا تلبینہ قدر یعنی یدیوز التمش  
بر سنہ سندن یدیوز طقسان بر سنہ سنہ دک کند ولرینک حوزہ  
حکومتلرنده اولان وقایع جلیله ایلہ عصر ہمایونلرینہ معاصر اولان  
بالجملہ ملل مختلفہ وملوک موجودہ نک وقایع صحیحہ سی اجمال اولہرق  
براشد یریلوب اوج فصل اولق اوزرہ بیان اولنور



فصل اول

حضرت خداوند کارك زماننده عالمك احوال مختلفه سی  
بیاننده در

کتاب سابق ثابته بیان اولندیغی اوزره سلسله عباسیدن متاسل  
اوله رق مصرده وظائف و تعینات ایله اقامت ایتمکده اولان  
خلیفه عباسی مستکفی بالله عزیز مصرک استرقایله منفاده فوت  
اولد قد نصکره مقام خلافته اوغلو حاکم باهر الله خلیفه اولوب  
لکن حکومت دائرانده اصلا قوت اولیوب فقط اعتبار معنویسی  
افکار عامهده قالمش اولدیغندن حکمداران اسلامیه دن کندوی  
تصدیق ایدنلر و مذهب امامیه ده اولانلر مقام حکومتیه جلوس  
و صعود ایلد بجه فقط دفعه اولی اوله رق خلیفه دن بیعت ایچون  
اجازت آلورلر ایدی بناء علیه مصرده بولنان سلاطین چرا کسه دخی  
خلیفه نک کند و نزدنده مسافر اولسی جهتیله ملوک اسلامیه  
اراسنده بر نوع تمیز و حیثیت تحصیل ایتش ایدی خلاصه کلام  
خلیفه مشار الیه هجرت نبویه علیه افضل التحیه نک یدیوز الی  
اوج سنه سی طاعوندن فوت اولغله یرینه برادری المعتضد بالله  
مسند خلافته جلوس ایلوب اون سنه مقداری آداب خلافتی حفظ  
ایلد کد نصکره یدیوز التمش اوج سنه سی جهادی الاولینک یدیسنده  
وفات ایتمکله مقام خلافته المتوکل علی الله محمد بن معتضد بالله جلوس  
ایلدی مشار الیه متوکل خلیفه مصرده اولان خلفانک عظماسندن  
اولغله قرق بش سنه مقام خلافته بولنمشدر حتی مشار الیهک  
زماننده ابتداغازی خداوند کار حضرتلری جانب مصره سفیر تعیین  
ایدوب تنفیذا حکام شرعیه مثلاً و اجراسی اذن سلطان مسلمینه مشروط  
اولان امورک صحتی ضمنده ممالک عثمانیه نک سلطنت و حکومتیه



دائر خلیفه عصر دن منشور اجازت تحصیل ایتش لرد ر که تفصیلی  
 خداوند کار حضر تلیرنک وقایع داخلیه لری صیره سنده یازم شد ر  
 والحاصل خلیفه مشارالیه ایلده مصر سلطانی اراسنه مخالفینک تحریک  
 و افسادی ایلده بعض مرتبه منافسه دوشد یکندن سلطان برقوق  
 خلیفه مشارالیهی اتفاق عامه ایلده مقام خلافت دن خلع ایتدیروب  
 مصرک قلعه سنده حبس ایلک ایسته مش ایسه ده مشارالیه متوکل  
 خلیفه مقام خلافت دن حسن رضا سیله استعفا ایتدیکندن یرینه  
 کیمسه نصب اولمویوب الی سنه خلافت و کالتله اداره اولمش ایدی  
 صکره سلطان برقوق بو خصوصده اغفال اولنوبده خطا ایتدیکنی  
 یلدیکندن کندوسی بالذات قلعه یه کیدوب رعایت و احترام ایدرک  
 مشارالیه متوکل خلیفه یی حبس دن چیقاروب مقامنه ایصال ایلده  
 لوازم ترضیه یی اجرا و اکمال ایلدی ایسه ده خلیفه نک حقنده اولان  
 حرمنسیر لک اطرافه شایع اوله رق ملوک اسلامیه ارازنده خیلی  
 قیل و قاله باعث اولدیغندن ما عدا سلطان ممالک روم یلدریم بایزید  
 خان حضر تلی دخی امر اسندن سعدالدین بکی یدیوز طقسان اوج  
 سنه سی سفارتله مصره ارسال ایدوب خلیفه یی بروسایه دعوت  
 ایلشد ر که بونک دخی تفصیلی بشنجی کابده یازم شد ر

✽ سلاطین مصر و شام ✽

بوندن اول ذکر اولانان دفتر نالیده اترک ایوبیه دن ملک ناصر سلطان  
 حسن بن محمد بن قلاوون تخت مصره یدیوزاللی یدی سنه سی جلوس  
 ایتش ایسه ده طبقه حکمدارینک انقراضنه علامت اولان مداخله  
 و اعتراضلر چوغالمش اولدیغندن بشقه کندوسی دخی کتب توارینخده  
 ایما اولندیغی اوزره ریاست و حکومتده مقتدر اولامغله مقام حکومت دن

مصرده بولانان خلفاء  
 عباسیه نک اکثریسی  
 قلعه نک خارچنده  
 واقع مناظر الکبش نام  
 عمده اقامت ایدرلر  
 ایدی



خلع اولنوب امرای نظارتیله حبسه وضع اولمش ایسه ده مومی ایله  
 عسکری طاقیله نهانی خبرلشوب بتکرار مقام حکومتیله ارتقا ایلمدی  
 انجق کند و سنه مخالف اولنر بوماده دن بخصور اولد قلرند ن  
 ازاله سنه فرصت کوزه درلر ایدی زیرا امرای اترک ایله امرای  
 چرا کسه نک بینلرنده عظیم نفسانیت اولد یغندن ید پیوز التمش ایکی  
 سنه سی برکیجه چرکس کوله لردن امیر بلیغاسلطان حسنی علی الغفله  
 قتل ایلمدی بو اول سلطان حسن درکه مصرده مشهور اولان  
 سلطان حسن جامعک باندیسیدر کذلک هدایه شارحی شیخ اکمل الدین  
 وغایت البیان صاحبی شیخ قوام الدین دخی مشارالیهک عصرنده  
 بولنان علماد ن ایدی الخاصل ایتسی کون مقتولک برادری منصور  
 سریر حکومت ایله مسرور قلنمش ایسه ده التمش درت سنه سنده  
 بودخی خلع و حبس اولنوب یرینه اوغلو ملک الاشرف انتخاب اولنه رق  
 مصر سلطانی اولمش ایدی مومی الیهک زماننده قاتل سلطان اولان  
 امیر بلیغاید پیوزیتش سکر سنه سی مکافات اوله رق حلب عاملی  
 نصب اولندی وینه بوسنه نک رجبنده اهل صلیب طاقندن برکروه  
 اسکندریه قلعه سنه وحوالسنه مستولی اولدی ایسه ده ملک  
 اشرف عساکر ایله هجوم ایدوب سواحل مذکوریه تخلص  
 ایتدی سنه مذکور ذی القعدة سنده بودخی فوت اولوب یرینه  
 مومی الیهک اوغلی منصور علاء الدین بعده صالح زین الدین حاجی  
 ید پیوز سکسان اوج سنه سی سلطنت مصره نائل اولدی ایسه ده  
 زمام اداره بی امرادن برقوق چرکسی به حواله ایلمدی بودخی  
 مهام سلطنتی انه الدقد نصرکه امرای کند و جابنده مواعید  
 وعطایا ایله میل و جلب ایلوب صالح زین الدینی خلع ایدوب کندوسی



مستقل پادشاه اولشد ر که بو وقعه ید یوز سکسان درت سنه سی  
 زمضانک طقوزنجی چهارشنبه کونی اولوب بو کونده طبقه حکومت  
 اتراک صحیحاً منقرض اوله رق چرا کسه طبقه سی بدأ ایتشد ر که بونلرک  
 اولی برقوقدر و الحاصل طبقه حکومت اتراک یکرعی یدی نفر سلاطین  
 ایله یوز او تو ز درت سنه متمد اولشد رو بونلرک دولترینک زوالی  
 نصل اسباب ایله اولدیغی اشبوتار یخک محاکمه طرفند ه  
 یازلشد ر

الحاصل امیر برقوق قلاوون فاملیاسنک اشترا ایلد یکی چرکس  
 کوله لر طاقندن ایکن کندوسنک استعداد و قابلیت سایه سند ه  
 سلاطین خدمته کسب تقرب ایدرک امور حکومته نایب السلطنه  
 اولمش ایدی علمایه فوق الحد ایلد یکی حرمت ملا بسه سیله فتوی ایله  
 تخت مصره جلوس ایدوب خلیفه کبسه سندن اولان انعام واحسانیه  
 جمله بی کند و سندن خوشنود ایلدی زیرا امیر برقوق خلقت  
 عندلرند ه مقبول اوله جق شیرلی هم ییلور و هم اجرا یدرایدی حتی  
 مصرده بنا ایلدیکی جامعک و مدرسه سنک لوازماتنی بالذات رؤیت  
 ایتک و مقام خدمته بولمق ملا بسه سیله ممنونیت جسمه یه باعث  
 اولوب عظیم دعالره مظهر اولمش ایدی یوز طقسان برسنه سی  
 حلب والیسی بلیغانا صری عساکر کثیره ایله مصره یور یوب هجوم  
 ایلینجه امیر برقوق دخی قورقوسندن سمت استغفای اختیار ایتش ایدی  
 ایمدی ناصری بلیغانا دخی محبوس اولان سلطان صالحی بتکرار تخت  
 مصره اجلاس ایدوب کندوسی اتابک اولدی انجق ملک صالح  
 مدت حبس و خلعهنده دوست و دشمنی او کرنوب یک چوق کبسه لک  
 اطوار و مشارینی تجربه ایتکله انفعال ایلد یکی امرایه نشان قویوب



اخذ انتقامی وقت مرهونه تعلیق ایتش اولدیغندن بود دفعه کی  
 حکومتده هیچ برایشه باقیوب اول امرده اخذ انتقامه قاقوب بلا  
 سبب چرا کسه طاقنی قتل ایتکه نیت ایتدیکی برقوقك اعاده  
 حکومتنه باعث اولمشدر که برقوقك دفعه ثانیه ده اولان سلطنتی کتاب  
 خامسده یازمشدر مر اجعت بیور یله فقط برقوق ایله ناصری بلیغانك  
 عداوته سبب شو یله روایت اولنور که برقوق ایله ناصری بلیغانك  
 معارفه لری اولدیغی زمانلرده برقوق عادتاً کوله لردن مستعد و معتبر  
 بر خدمتکار اولوب ناصری بلیغانك اعتبارلوسی اوله رق  
 مصرده بولندجه برقوق ایاق اوزرنده ناصری بلیغانه و سائر امرایه  
 مقام خدمتده بولنورایدی پرارالقه ناصری بلیغانك مخالفلری دائره  
 سلطنته تقرب ایدوب ممالک مصریه یه تعدی و تجاوز ایلان تاتاره  
 مقابله و مدافعه ایتکه مقتدر امرادن معمور الجوانب بریسی حلبده  
 دشمنه قارشو بولنسی خیرلوردیه رك ناصری بلیغانی اعزاز و اکرام  
 ایله نائب السلطنه عنوانی و یر یله رك حلبه اعزام ایله قرب سلطنتدن  
 دفع و تبعید ایلد کد نصکره کندولری قرب سلطنتی استدکاری کی  
 اسنیل ایتدکاری صیره لرده برقوق دخی برطرفدن انواع دسایس  
 و حیلی درپیش ایدرك فرجه بولوب بالاخره ملک صالح زین الدینی  
 هم قوه دافعه سی یوق وهم موسوس و وهام اولغله نظام دولتی  
 بر برینه قاریشدردی دیوملاک صالح زین الدیندن خلقی تنغیر ایلوب  
 علمادن کندوسی ایچون فتوی اله رق تخت مصره جلوس ایلدیکی  
 آنده بغداده و ایرانه و ممالک روم سلطانی خداوند کار غازی طرفنه  
 هدایا ارسالله خطه و سیه مصریه نك حکمدار لغنی تصدیق  
 ایتدیروب بعده ناصری بلیغانی حلبدن عزل ایدوب برینه امیردانیالی



نصب ایلادی لکن ناصری بلیغادخی اشبو موجب سزا ولان عزادن  
متأثر اولوب يك آشوری ناموسنه طوقمغله همان عسا کرندار کیمله  
اکمال ناموس ایچون اولاشامی ضبط ایدوب بعده مصره طوغرو هجوم  
ایلمشدر که تفصیلی بشیچی کابك مدته تصادف ایلدیکندن  
کتاب مذکور براقلمشدر هر اجعت بیوریلله

### ✽ احوال حجاز و عراق ✽

شرفاء مکة مکرمه هر نقدر اقطار حجاز و یمانه ده کندو کندولرینه  
اوله رق حکومت ایدر لر ایسه ده حوالی مذکور مک ارزاق و ذخایری  
وسائر لوازماتی خطه مصر دن تخصیص اولمغله شرفانک عزل  
و نصب لری ماده سنده سلاطین مصریه نک قوت و نفوذ لری جاری  
اولد یغندن برنوع مربوطیتی وار ایدی بغداد طرفلرنده دخی امیر شیخ  
حسن ابن امیر حسین ایلخانی هجرتک یدیوز اللی یدی سنه سنده فوت  
اولوب یرینه اوغلو سلطان او یس بغدادده پادشاه اولمش ایسه ده  
اللی طقوز سنه سی آذر بایجان و واروب جانی یک خانک تبریزده براقدیغی  
اخو خان ایله چوق جنک ایدوب یدیوز التمش برسنه سنده منصور  
اولد قد نصرکه حوالی بغداد دجله و فرات امشالی نهر لرک  
طغیانله خراب اولدیغی اثنا لرده سلطان او یسک خدا مندن  
خواجه مرجان دخی اشبو قاری شقلغی وسیله فیض و تفرد عد ایدرک  
عصیان ایلد کده عشار و قبا ثلک هر بری بروادی به حکم مسندن  
سلطان او یس ایلخانی حیرت واضطرابه دوچار اولمش ایدی لکن  
خواجه مرجان ایتدیکی عصیان نادم و یشیمان اولد قدده علمانک  
رجاسیله جرایمی عفو اولنوب بغدادده بکرار دخول مبسر اولدی  
ایرتسی سنه خزینه دارشاهی بغداد و البسی و برادری خواجه ترکمانی



موصل والیسی نصب ایلوب کندوسی موش صحراسی یولندن قره  
یوسف ایله محاربه ایتک اوزره چاکلی کلپسای کچوب تبریزه روان  
ویدیوزیتش بش سنه لرینه قدر شیروان و اصفهان حوالهسند  
یولوب بعده یدیوزیتش اتی سنه سی فوت اولدیغنده پرینه سلطان  
حسین تخت بغداده جلوس ایلدی لکن مومی الیه لهو ولعبه مائل  
وتدبیر مملکت وعسکردن غافل وزاهل اولغله امراسی کندو سندن  
روکردان اولوب سلطان حسینی تبریزه ترک ایدرک کندولری بغداده  
شتاب و سلطان حسینک اولادلرینی اعدام ایله مکنام ایلد کدنصکره  
سلطان اویسک احقادندن شیخ علی بی اجلاس ایلدکاری تبریزه  
سلطان حسینه دغدغه رسان اولدقده عجم ملکنه مستولی اولان اغا  
عادلدن امداد اله رق بغداده یورودکده شیخ علی محاربه ایچون  
مقابله سنه وارمش ایسه ده تاب آوراوله میوب سیول وتستر طرفلرینه  
فرار و سلطان حسین دخی بتکرار حکومت بغدادده قرار ایلدی ایسه ده  
ظالم وغدار اولدیغندن وشهزاده شیخ علی خلقه لطف و ملایمت  
کوسترد یکندن خلق شهزاده مشارالیه طرفنی التزام ایدوب دعوت  
ایچون جمعیت ایتشلر ایکن سلطان حسینک برادری سلطان احمد  
دخی برجانبدن باش کوستر مش اولغله کندویه طرفدار پیدا ایدرک  
اردیل طرفندن یورو یوب سلطان حسینی یدیوز سکسان درت سنه سی  
مسافردار بقا ایلوب کندوسی حکومت بغدادی تحصیل ایلدیکی ائنده  
مصرده حکومت ایلان طبقه اتراکک دخی طوماری دورولوب سردفتر  
طبقه چراکسه اولان برقوق جلوس ایتشدرکه بالاده ذکر اولندی  
والحاصل سلطان احمدک دیگر برادری شهزاده بایزید دخی برادرندن  
خوف ایتکله عجم ممالکته مستولی اولان عادل اغایه تضرع والتجا



جلایر دخی طاغستان  
حدود دنده بر قصبه  
معموره در

اشو سلطان احمد  
دید کاری سلطان  
احمد جلایری در که  
تیمورک ظهوری ایل  
بغداد حوالی بسند  
صاوشوب یلسدیرم  
بایزید خان حضرت تیرینک  
زیر سایه عدا لتیرینه  
دخالت والتجارت تکله  
انقره وقعه مشهوره سنه  
باعث اولمشدر که  
تفصیلی بشنجی کابده  
یازمشدر

شهر مذکور کوش  
دخی دیرلر که سمرقندک  
جهت جنوبنده  
اوایوب سکنه سی اوزبک  
طائفه سندندر کوش نام  
شهر خراب اولدقده  
سیر نامیله یکیدن یر شهر  
بنا اولمشدر که تیمور  
مشهورک دخی مسقط  
رأسیدر

و بغداد اهل بسند ن بعضی لایله عقد اتفاق ایتد کاری سلطان احمدک  
مسموعی اولنجہ ترکان کوچیه لرینک سر کرده سی قره یوسفک پدری  
قره محمد دن امداد رجاسنده اولمغین فوج فوج عسا کردر یا موج  
ایله سلطان احمدک طرفنه طوپلنوب شهزاده بایزید طرفلوری ایل  
عظیم محاربه لرد نصکره شهزاده بایزید طرفلوسی شکست ایدوب  
عز و اجلال ایل مقام حکومته استقلال بوادی ایسه ده یدیوز طقسان  
بش سنه سی تیمور ظهوریله دنیا بر بشقه حال کسب ایتمشدر که برای  
بو محله تفصیل او انور

### ❖ ظهور تیمور ❖

بز بو کابده تیمورک اجدادینه دائر اولان تفصیلاتی بیان اید ه جک  
دکلز انجق ظهورینک سبیلرینی کویستره رک بو کابک حاوی اولدیغی  
سنه لرده ظهوره کلان شرو شورند ن بعضی مرتبه حکایه ایلیه جکر  
شویله که هجرتک یدیوز اوتوزالتی سنه سنه سبر نام شهر ده متولد  
اولوب عقل واد راکی ثمره سیله کوندن کونه کسب تمیز اید رک سنی  
یکرمی بشه بالغ اولدیغی ائاده ترکستان وما وراء النهر پادشا هی  
اولان امیرزاده عبدالله که جنکیر خانک بقیه سلسله سیدرفوت اولدقده  
حوالی مذکور کوره هرج و مرج اولوب هر شهر ده بر متغلبه ظهور  
وهر قصبه ده بر متهور دوات و اقبال هوسیه اذهان ناسه القای شراره  
شروشور ایتدیکی ائاده قره جوریان اولادند ن امیر حاجی برلاس  
شهر سبرده والی و امیر بایزید جلایری دخی نچنده نام شهرده فرمان  
فرما وقبه الاسلام بلخ نام شهرده دخی امرای جغتایدن بریسی و بلده  
شیر غانده دخی محمد خواجه نام ذات عروس مملکتده دلبسته اولمش  
و بد خشان حکمداری دخی کسند و سنی کوهستان پادشاهی مقامنده



عد ایتش ایدی بوارالق تیموردخی خبوه حاکی اولان اولاد چغتایدن  
 امیرتو غلقتورک حضورینه کسب تقرب ایدوب سوزه قارشمنه  
 باشلادیغندن و شهرسبز و البسی امیر برلاس دخی فرار ایلدیکندن مسقط  
 رأسی اولان سبز نام دیگرکش شهری توابعیله کند و سنه توجیه  
 بیوریلوب راحت و حضورایله حکومت ایتکده ایکن توغلقتورک  
 غیوبتند نصکره امیر حسین زماننده خبلی تمیز کسب ایلدیکندن تیمورایله  
 امیر حسین اراسنه منافسه دوشوب محاربات شدیدیه بی موجب اولدی  
 بوارالقده اعظم شرفاء مکهدن سیدبرکه اوقاف حرمین شرفین ایچون  
 امیر حسینک یاننه وارمش ایسه ده بروجده دلخواه جواب اله مدیغندن  
 عودت ایلیه رک آمویه صویندن کچوب مشارایله امیر تیمورایله بعد  
 الملاقات اظهار علا مات سلطنت اولان طبل و علم اهدا سیله  
 تیموزی مسرور ایلدکده مشارایله دخی بعد ازیں وظائف حرمین  
 شریفینی کندو طرفندن ارا نلمسی ایله تعهد ایلدکده نصکره ید یوز  
 یتش برسنه سی بلخ نام شهرده امیر حسینی اعدام ایدوب نسل چاغتایدن  
 سیور غمتش خانی مقام حکومته اصعاد ایلوب کندی و سی  
 جهانگیر لک یوانی طوته رق صاحب خروج اولق دعوا سیله  
 او توزالتی سنه آسیا قطعه سی اوزرنده ککامرا نلق ایلدی  
 بوماده نک تفصیلی مورخان صاحب ایقان نسب تیمور کورکانی بیان  
 صره سنده امیر حسینک قتل و اعدامی ایله جهانگیر لک یوانی  
 طوتدیغنی شویله حکایه ایدرلرکه امیر حسین تیمورک سعادت و اقبالانی  
 کوردکجه کند و سنک دولت و سلطنتنده زوال ملا حظیه ایدرک  
 تیموری هر شیده قیرمق طرفنی التزام ایتش ایدی حتی دارالملک  
 قدیمی بلخ نام شهره نقل ایتک مراد ایلدکده عمیکز امیرزاده عبدالله



پدرند ن موروث اولان مقر حکومتی ترك ايله سمرقندی کرسی حکومت  
 اتخاذ ایلش ايسه ده کندوسنه مبارك اولیوب خیلی زحمت واضطراره  
 اوغرا دی سزدخی بوفکردن فراغت بیورسکزدیمش ایدی فائده سی  
 اولدیغندن جمله بندگان وامر ایه قارشواولهرق بلخه نقل ایلوب حتی  
 تیموری دخی برلکن بلخه کتوردی لکن مغول لشکرندن برطاقم عامی  
 نهر آمویه و ترمذ حواله سی غارت ایتدیکده اولدقلری امیر حسینه خبر  
 ویرلکده یتیه عودت ایلایلر کذلک امیر تیمورک همشیره سی شیرین بک  
 اغاک زوجی امیر مؤید ارلات جادو جی نام شخصی مجلس پزنده  
 هلاک ایلوب فرار ایلش دیو اشاعه ایلدی والخاصل بومقوله ناسزا  
 حرکات ظهوری ايله امیر تیمور مومی الیه امیر حسینه مغیر الخاطر  
 اولقده ایدی امیر حسینه ک ايسه بخل و خستی بر مرتبه یه ایر شمش ایدی که  
 براقچه ایچون ایکی آدم قتل ایدر ایدی بناء علیه امر او شهرزاد کانک  
 جمله سی متفر اولمشلر ایدی ارتق خلق امیر حسینه حکومتی قبول  
 ایتدکلرندن اتفاق اعیان وامر ايله اوقتای قا آنک نسلندن اولان  
 سیور غتمش میرزایی پادشاه نصب ایلوب طنطنه دارات ايله جانب  
 بلخه غازم اولدیلر امیر حسین قلعه بلخه قیابوب مدافعه قصدنده اولمش  
 ايسه ده امیر مذکورک ناصیه روز کارنده عجز وانکسار علامتی یدیدار  
 اولدیغندن حج شریفه عزیمت ایتک اوزره رخصت طلبنده اولدی  
 امیر تیمور جانبندن دخی استدعاسنه مساعدده اولمش ايسه ده امیر  
 حسین اعتماد ایده میوب میان خوف و رجاده قلعه بلخه زن چیقوب  
 خدامی بشقه ایشلر ايله مشغول ایدرک کندوسی بر مسجد خرابه نک  
 مناره سنه صعود ايله اختفا ایلدی ایرتسی کون امیر تیمورک امر اسی  
 درون شهره کیروب یاغما یه قیولدقلری وقت تصادفا بر شخص احوال



شهری کورمک اوزره مناره مذ کوره یه صعود ایلد کده امیر حسینی  
 آنده بولوب و ذاتنی دخی ییلدی مذ کور امیر حسین ایام رفاهیئنده برقبضه  
 قاورولمش بغدادی بر پهلوانه و یردکی چوق کور رایکن اول محله کمال  
 خوفندن شخص مذ کورک کتم سر ایتمسیچون برقبضه اینجو یدینه  
 طولدیروب و نیجه مواعید ایله مزبوری امیدوار ایلدی لکن شخص مزبور  
 امیر حسینک اوراده کیرلنه میه جکنی فهم و جزم ایتمکله کلوب حضور  
 تیموره کیفیت عرض ایلد کده بر بلوک عسکر ایله امرادن بعضیلری  
 ارسال اولنه رق امیر حسینی اخذ و گرفت ایله بارگاه تیموره ایصال  
 ایلد کلرنده امیر تیمور امیر حسینی کور نیجه امرایه باقوب بن بونک قانی  
 دوکه دن فارغ اولدم بکا ایلدیکی جقاری کان لم یکن حکمنده طوتوب  
 فراموش ایلدم دیو سویلد کده موکلر مزبوری حضور تیمور دن  
 اخراج ایلدیلر بواثناده امرادن کندویه اینچنمش اولان کینخسرو  
 اغا آغاز اضطراب ایدوب امیر حسینی بکا ویرتا که قرنداشم یرینه  
 قصاص ایله یم دیو اعلام حال ایلد کده امیر تیمور کینخسروک ناره عداوتنی  
 تسکینه خیلی چالشدی بوار القده امیر حسینک رشته حیاتی مقراض  
 قصاص ایله قطع ایدوب خان سعید ونوروز سلطان نام ایکی  
 اوغلونی دخی اول کونده قتل ایتمکله غائله مذ کوره یی دفع ایلدیلر  
 امیر تیمورک امیر حسینی قتل و اعدام ایلمک منوی ضمیری اولمادیغندن  
 بوفعلک امرادن صدورینه خیلی ییحضور اولدی نه چاره اوله جق  
 اولمش ایدی ایمدی بووقعه نک ظهوری که بدیوز یتش سنه سی  
 رمضانک اون برنجی صالی کونی ایدی یرتسی چهارشنبه کونی قرق  
 اوج یاشنده ایکن حکومت ایران و توران یداستقلال تیموره انتقال ایلدی  
 کاب سابقده ذکر اولندیغی اوزره هجرتک ید یوز اوتوز یدی سنه سی



جمادی الاولیده ابو سعید بهادر خان عازم محله خاموشان اولدقدہ  
 مسند شاهی به شایان نسل جنکیر یاندن کیمسه قالماسغله هر شهرده  
 برمتلغبه خصوصاً یزد نام شهر که طبقه جنکیر ناک دارالحکومه لری  
 ایدی هر فرومایه رتبه سودا سیله حرکت و رفتاره باشلدی از جمله امیر  
 محمود شاه اینجو خطه شیرازه مسلط و برادری مسعود شاه دخی بلده  
 اصفهانی ضبط ایله کامیاب اولدی کذلک امرای جنکیر یه دن امیر  
 شیخ ابواسحق دخی یزد نام شهرک تسخیری افکاری ایله حرکت  
 عسکریه ایلمکده محمود غازان خانک ایام حکومت و سلطنتنده اکر اما  
 کرمان شاهان حکومتی توجیه ایلدی یکی سلطان مظفرک اوغلو  
 مبارز الدین دخی هیئت مسلحه ایله تبریز حواله سنی استیلا ایتمکده  
 ایدی لکن ید یوز الی طقوز سنه سنده امیر مبارز الدین محمد مظفر گروه  
 متغلبه یه غلبه ایلیه رک خطه اذر بایجانی فتح و تسخیر خیا ایله جانب  
 اصفهانه روانه اولمش ایدی اصفهان حکمداری بولسان همشیره  
 زاده سی شاه سلطان مراسم استقبالی احیا و امیر شیخ ابواسحق کی  
 برد شمن قوی الاقتداری اخذ ایتمکله لوازم اخلاصی اجرا  
 ایلدیکندن کندویه دایسی محمد مظفر طرفندن مکافات اولور  
 خویا سنده ایکن اصحاب اغراضک حسد و نفاق ملا بسد سیله شاه  
 سلطان تحقیر اولمش ایدی محمد مظفر ایسه غایله تندخوا اولدیغندن  
 شهزادگانی دخی جابجا بجا و نابجا سوزلر ایله رنجیده ایدر ایدی بناء علیه  
 ید یوز التمش بش سنه سنده شهزادگانک الارنده تلف اولوب یرینه اوغلو  
 جلال الدین شاه شجاع جلوس ایلدی ایسه ده برادری شاه محمود ایله  
 ارالنده برقاج دفعه مقاتله اولوب آخر الامر شاه محموده غالب اولدی  
 بوراده پادشاهلرک احوال و کلا بی تحقیق و تحری ایتمکده اولان



فائده بی بیان صره سنده بر فقره غریبه نك درج و تسطیری مناسب  
 و رلديكندن بطبقه یازادی مومی الیه شاه شجاع مدت قلیله  
 ظرفنده مأموریتده بولنان ذاتلری تبدیل ایلدیکندن عصرنده معزول  
 وزراچو غالمش ایدی ایمدی شاه رکن الدین حسن وزیر نصب اولندیغی  
 وقت اسلافندن خواجه جلال الدین تورا نشاه و خواجه همام الدین  
 محمود و خواجه قطب الدین سلیمان شاه نام وزیرادن متوهم اولغله انلری  
 ورطهءهلا که القاضی مندره مشار الیه همك لسانلرندن اولمق اوزره ساخته  
 بر مکتوب پیدا ایدوب مکتوب مزبوری کویا پادشاهك برادری اولان  
 شاه محمود طرفنه ارسال ایلدیلر دیو پادشاهه عرض وانها ایلدی  
 ❦ مضمون مکتوب ❦

هرقنغی وقتکه حوالی شیرازه وضع قدم ایله وصول ایدرسکن یزبنده لر  
 ابواب شهری کشاده ایلوب عسکر یکزی شهره اد خاله متعهده  
 اولشزدر جواب اوله رق مکتوبك ظهیرینه یازلمسی دخی التماس  
 اولندیغندن شاه محمود طرفندن ظهیر مکتوبه شویله بیان اولمش ایدیکه  
 فلان کون خارج شهره کلوب اقامت ایده رزامید وارعا طفمن اولملر  
 اولوقتده خصوص معهودك حصوله بذل قدرت ایلیه لر پادشاه  
 ایسه مکتوب مذکورك وقوعنه جانی صیقیلوب معزول اولان  
 وزیرلری طلب و موقف خطاب و عتابه احضار و جلب ایلدکده اول  
 بیکناهلر پیشگاه شاهده یوزلرینی یره سوروب بزبوم مکتوبك وقوعندن  
 قطعاً خبردار دکلز دیو قسم ایللری ایله شاه شجاع بوماده قنغیکرک  
 خطیله در دیو اعاده سؤال ایتدیکنده جواب ویردیلر که بو خط بر مرتبه لرده  
 بزم خطمه مشابهدر که بروجله انکاره قدرتمن یو قدرلکن بو واقعه دن  
 خدا علیم که آگاه دکلز شاه مشار الیه پر غضب اولوب خط سزك



اولدیغنی اقرار ایتد کدنصکره نیجه بیخبر اولمش اولور سزدیواظهار  
آثار عتاب ایلد کده بو وجهله عرض نیاز ایلدیلر که بزلر بوندنصکره  
قتلرزه قرار داده اولوب حیاتمزدن بالکلیه نومیث اولدق اما امیدوارز که  
پادشاهمز کاینیغنی حقیقت حاله تحصیل و قوف ایتکه قادر در کرم  
ایدرلر سه حل شبهه بیورمش اولورلر اول کون وزیر اعظم شاه حسن  
دیزلرینک آغریسی ایچون مسهل ایچمکله خانه سنده ایدی شاه  
حضر تلری وزیره آدم کوندردیکه بو مکتوب سکا کیمک طرفندن  
کلدی شاه حسن خبر کوندردیکه وزیر اسبق خواجه جلال الدین  
توران شاهک دواتد ارندن ایکی بیک آلتون مقابله سنده آلدیم فی الحال  
دواتداری احضار و ضرب و شکنجه ایلدیلر ایسه ده اصلا مقر  
اولمادیغندن بتکرار وزیره خبر ارسال ایلد کده جوابنده دواتدار اقرار  
ایتمدی ایسه وزیرله شکنجه ایلمسونلر آنلر اعتراف ایدرلر غلامک  
نه کاهی وار دیمش ایدی مشار الیه شاه شجاع بو کلامی ایشتم کده  
بوماده ده حیله واردرو بردیکی جواب جواب معقول دکلدر ز راهیج  
برکمسه بویله اسراره متعلق مکتوبی غلامنه و یروب محفظه دفتره  
ادخال ایدرمی در حال حکم ایلیوب امر ادن اختیار الدین وزیرک خانه سنه  
کیده و شدت و عنفله کند و سندن بوماده بی تحقیق ایلیه امیر اختیار الدین  
امر سلطانی بی پرینه کتورد کده وزیر بی تدبیر مضطرب اولوب دیدیکه  
بن حاجی عمر منشی یه بو مکتوبی تقلید ایتدردم زیرا که پادشاهک آنلره  
بندن خفی و بندن زیاده توجهی وار ایدی بو حیلله ایله آنلره ظفر یاب  
اولورم ظن ایتدم صحیحی بودر باقی رأی و تدبیر جناب پادشاه روشن  
ضمیر کدر وقتا که صورت مکر و تدویر شاه صافی نهاده عرض  
و تقریر اولند قدده وزیر مذکور قتل اولنوب کیفیت خلقه اشاعه و اعلان



اواندی بواناده شاه شجاعك اوغلو سلطان اویس بعض اوهامه  
 تابع اوله رق زیر سایه پدران صاوو شوب عیسی شاه محمود طرفنه  
 دخالت ایلدی قطب الدین شاه محمود دخی یدیوزیتش التي سنه سی  
 شوالک طقوزنجی کیجه سی فوت اولدقده مشارالیهک وصیتی مرجینجه  
 تخت اصفهان شاه شجاعك اوغلو سلطان اویسی اجلاس ایتکده  
 اولدیلر ایسه ده برازی دخی مخالفت ایلوب حکومت اصفهانک  
 شاه شجاعه ضمیمه اولسنی ترجیح ایلدکارندن بالاخره بلده اصفهان  
 دخی داخل حوزه شاه شجاع اولدی بعده شاه شجاعك بلده  
 اصفهان مالک اولوب حوالی مذکوره ده عساکر کثیره ایله  
 اقامت ایتکده اولدیغی بغداد و آذربایجان حاکی سلطان اویسک  
 اوغلو سلطان حسینیه منعکس اولدقده تحقیق احواله قالقوب ارالنده  
 برقاج دفعه ل مکتوب بلشمتق واقع اولمش ایسه ده نهایتی محاربهیه قرار  
 ویریلرک صحرای جرما خوران که اصفهان ایله تبریز میانه سنده  
 واقعدر ملاقی اولوب غبار پیکار ارتفاع و آتشکارزار شعاع بولمش  
 ایسه ده شاه شجاع طرفی غالب و سلطان حسین ایلخانیک جمعیت  
 عسکریه سی هر تقدیر زیاده ایسه ده اکثریسی میدان حربدن  
 هارب اولغله مغلوب و منکوب اولمشلرایدی بوارالقده سلطان حسین  
 طرفندن سلطانیه حاکی اولان عادل اغا سوار بسیار ایله شاه شجاعی  
 مشغول ایتک اوزره فارس طرفلرینه شتاب ایلدکده آنک دخی اوزرینه  
 عسکر سوق اولنه رق حدی ییلدیرلدی (۷۸۴) سنه سنده بغداد  
 حواله سنه مستولی اولان سلطان احمد جلایری که سلطان اویسک  
 اوغلو و سلطان حسینک برادریدر خروج ایلوب برادرینی قتل  
 ایلدکده دیگر برادری سلطان ابویزید سلطانیه حاکی عادل اغاک



همت و اقدامیه (۷۸۵) سنه سی تخت پدره اجلاس اولندی بواشناده  
 شاه شجاع دخی بعض اغراض وعلاماتدن وقت ارتحالک قریب  
 اولدیغنی اکلایوب سلطان عمادالدین احمدایله سلطان زین العابدین  
 وکوجک برادری بایزید خانی جلب ایلیوب سلطان زین العابدینی  
 ولی عهد ایلد کدنصکره سلطان عمادالدین احمدی کرمان شاهان  
 طرفنه مأمور ایدرک حوزه حکومتی تقسیم وکندوسی (۷۸۶) سنه سی  
 شعباننده عازم دار النعیم اولدی حتی کندوسنک وفات ایده جکنی  
 جزم ایلدیکندن صورت تقسیمی بیان بهانه سیله ایکی مکتوب یازوب  
 برینی سلطان احمد جلایره دیگرینی تیمور کورکانی یه ارسال ایله اعقابنی  
 توصیه ایش ایدی (الحاصل تیموریدیوز سکسان اوج سنه سننده  
 خراسان دیارینی نهب و غارات ایدوب پادشاهی اولان ملک غیاث الدینی  
 فاملیا سیله محبوسا سمرقنده اعزام ویدیوز سکسان بش سنه سننده  
 قندهاری قهراتسخیرایتدی سکسان سکزده آذر بایجان واروب سلطان  
 احمد ایلمخانی که بوکا جلایری دخی دیرلر فرار ایتکله تبریز و تفلیس  
 ضبط ایدرک ارپه چایی کچوب قارصی آلد قدنصکره قره باغ طرفنه  
 عزیمت ایلیوب طاغستان و شروان الکا سنه هجوم ایتک ایسته مش  
 ایسده اهل البسی ایله پادشاهی اولان شیخ ابراهیم برچوق تحف و نوادر  
 تقدیم ایدوب مقام عبودیتده اولدیغندن اورانک اسنیلا سندن صرف  
 نظر ایدرک یدیوز سکسان طقوزده اصفهان عازم اولدی شاه شجاعک  
 برادری سلطان زین العابدین اطاعت ایتدیکندن شهرمذ کوری یغما  
 ایتدیروب سلطان زین العابدین دخی شوشتر طرفنه شتاب ایدرک  
 حاکی اولان شاه منصوره التجا ایتش ایسده خوف تیموردن حمایه یه  
 مقتدر اوله میوب قلعه سلاسله ارسال ایله حبس و توقیف ایلدی



(سلاطین آل مظفر دین دخی شاه یحیی و سلطان احمد عماد الدین و سلطان  
ابو اسحق اردوی تیمور ملحق اولد قلری ایچون حکومت شیرازی شاه  
نصیرالدین یحیایه و کرمانی سلطان عمادالدین احمد و ایالت سیرجانی  
دخی سلطان ابواسحاق توجیه ایلیوب کندوسی حدود سمرقنده  
توجه ایلدی بآلاده ذکر اولندیغی اوزره شوشتر پادشاهی اولان شاه  
منصور سلطان زین العابدینی قلعه سلاسله ارسال ایلد حبس  
ایلد کد نصرکه تیمورک دخی سمرقند طرفنه مراجعتی مسموعی اولنجه  
علم عزیمتی جانب شیرازه رفع ایدرک نصبکرده تیمور اولان برادری  
نصیرالدین شاه یحیایی یرندن چیقاروب کندوسی بلده مذکوره یه  
مالک اولوب باب عدالتی کشاده و خلقی کندویه دلدادده ایلدی حتی  
خواجه حافظ شیرازی اول شاه صاحب کرمک تهنیت مقدمنده برغزل  
بی بدل انشاد ایلشد براییکی بیی خاطرده اولغله ثبت و املا اولندی

بیت

\* بیا که رایت منصور پادشاه رسید \*

\* نوید فتح و بشارت بمهر و ماه رسید \*

\* جمال بخت ز روی ظفر نقاب انداخت \*

\* کمال عدل بفریاد داد خواه رسید \*

(محصول بیت اول) کل ای شاهک هوادار و دولخواهی که پادشاهک

رایت منصور و مظفری ایرشدی و فتح و ظفر بشارتی مهر و ماه

واصل اولدی (محصول بیت ثانی) جمال بخت و دولت ظفر یوزندن

نقاب ری رفع ایلدی یعنی جهره فتح و ظفر کورندی و کمال عدل و داد

خواهک فریاد نه ایرشدی یعنی ارباب تظلمه فریاد رس اولدی خواجه

حافظ شیرازی سلاطین آل مظفرک عصرنده بولسان شعرانک



فضلا سندن اولوب شاه شجاع ايله ارالنده برنوع برودت پيدا اولمغله  
بعض اطيفدلر كذران ايتش ايكن مشاراليه شاه شجاع بر ييتك معناسيله  
خواجه مشاراليهك قتلنه فتوى آلمش ايدى كيفيت خواجه حافظك  
مسموعى اولنجه تلاش ايليوب شيخ زين الدين تياريدن استرحام  
ايلد كده ييتك اولنه بر ييت دها ضم ايدرك فلان بويله ديمش ديه سين  
او حالده تهمتدن خلاص اولورسون ديديكى مشهوردر كه ذكر اولنور  
\* اين حديثم چه خوش آمد كه سحر كه ميكفت \*

تاييد سمرقند قرا سندن  
بر قريه در

\* بر در مي كده باد فونى ترسايى \*

\* كر مسلمانى هينست كه حافظ دارد \*

\* آه اكرا ز پى امر وز بود فردايى \*

(محصل) بوسوز بكا خوش كلديكه سحر وقتنده بر ترساد فونيله  
بر ميخانه قيو سنده سويلدى وسويلديكى دخی اكر مسلمانلق حافظك  
مسلمانلغى كى ايسه آه اكر بو كوند نصكره ايره اولور ايسه يعنى دنيا دن  
صكره آخرت وار ايسه حافظك حالى نيجه اولسه كر كدر

طبرستان تار يخنده و مر قوم خامه بلاغت نشان اولمشدر كه لورستان  
ايكى قسمه منقسم اولوب اولكيلر بزرگ اينكچيلر كوچكدر ايمدى بو تقسيمك  
منشائى و وجه تسميه سى بودر كه زمان سابقده ايكى برادر وار ايديكه  
يوكلرينك اسمى بدر كوچككرينك اسمى ابو منصور ايدى بر بريله  
معاصر اولملريله ولايت مزبورده دن ايكى موضعى مقر حكومت اختيار  
يملشلا ايدى منقولدر كه ذكر اولنان برادرلر معبر فنادن كذر ايلدكلارنده  
محمد بن هلال بن بدر ولايت مر قومده مسند نشين حكومت اولوب  
منصب وزارتى محمد بن خورشيده توجيه ايلدى بو ائاده شام  
حواليسندن به زقرا كرا خانه سى جلاى وطن ايدرك اورستانه وصوللارنده



مظهر نوازش اولد قلی ایچون اوراده قالمش ایدی بعد زمان قبیله  
اکرادک رئیس بولنان ابو طاهر لورستان حاکمک اوستنه هجوم  
ایلیه رک اوراسنی قبضه تسخیره کتورد کد نصر کره فوت اولوب یرینه  
نصر الدین هزاراسب مسند نشین حکومت اولدیغی وقت بغدادده  
اولان خلیفه عباسیدن منشور حکومت ایله خلعت دخی کلمش ایدی  
اشبو هزاراسب دخی فوت اولجه یرینه اوغلو تکه جلوس ایلدی  
خلیفه عباسی بغداد وقعه سنده هلا کونک قهری ایله هلاک اولد قدده  
اشبو تکه وقعه مذکوره دن طولای خلی متحسر و متأسف اولدی  
دیو ایلمخان اعظمک مسموعی اولد قدده تکه بی قتل ایلمک ایستد یلر  
تکه وقعه دن خبردار اولدیغی آنده لورستانه فرار ایلدی آنجق جانی  
قصد هلا کونن تخلص ایده میوب قتل اولد قدده برادری الپ ارغون  
حکم هلا کو ایله والی لورستان اولدی بودخی فوت اولجه هلا کونک  
اوغلو اباقا خاک امریله اوغلو یوسف شاه مسند حکومته صعود  
ایلدی بونک فوتد نصر کره فرمان کیختوخان ایله اوغلو افراسیاب  
حاکم لورستان اولمش ایدی بودخی فرمان غازان ایله اعدام اولد قدده  
یوسف شاهک اوغلارندن نصر الدین احمد لورستانه حاکم نصب  
اولندی حتی مولانا فضل الله بن عبد الله وصاف تاریخ معجمی بونک  
نامه یازمشدر (۷۳۳) سنه سنده فوت اولغله یرینه اوغلو رکن الدین  
جلوس ایلدی (۷۴۷) سنه سی بودخی حلول اجل موعود یله انتقال  
ایلد کده اوغلو مظفر الدین حکومت لورستان ایله اعزاز قیلندی  
تاریخ ظهیرده هر قوم قلم تحریر اولمشدر که هجرتک التیوز بش سنه سی  
آسیا قطعده سی سیما بلاد ماوراء النهر و ایران تسلط عسا کرتوران  
وافغان ایله خراب و ویران اولدیغی وقت ملوک باوندک اوچنجی

باوند ماوراء النهر  
حوالینده برکوجک  
حکومت ایدی



طبقه سندن حسام الدوله كه بوكا ابو الملوك دخی دیرلر اولاد  
واحفادندن یدی نفر ملوک دیار مذ کوره ده مسند نشین حکومت اولوب  
مدت دولتری یوز اون بش سنه ممتد اولمشدر

سید ظهیرک تاریخ طبرستانده تحریر و بیانی اوزره مشایخ صوفیه دن  
اولوبده مذهب امامیه ده اولان سید قوام الدین مرعشی حوالی  
خراسان و آملده سجاده نشین ارشاد ایکن اورالک حکمداری اولان  
افراسیاب عجمی حقنده ایلدیکی غدرک توبه سی ضمننده درگاه  
سیادتنامه رومال اولوب عرض مسکننت ایلدکده سید مشارالیه دخی  
(نحن نحکم بالظاهر) حکمنجه ابواب شفقتی کشاده و سرافراسیابی  
تراش ایلوب اوزرینه طاقیه درویشان نهاده ایلدی و خلق افراسیابی  
عن صمیم القلب مرید جناب سیادتنام اب اولدی ظن ایدرک خیالی  
منون اولدیلر و اولاد افراسیابی شیخی لقبی ايله تلقیب ایلدیلر که تجوری  
حوالی مذ کوره ده مشغول جنگ و پیکار ایدن شیخی بونک اولادیدر  
و قتا که خراسان و البسی و حکمداری اولان افراسیاب اظهار  
ارادت ایلدی (الناس علی دین ملوک هم) معناسی ظاهر اولوب  
اودیارک ساکنانی هر کون عتبه شیخه فوج فوج شتابان اولدیلر چونکه  
افراسیاب داخل حلقه توحید اولدیغندن مریدان و بنده کان  
مشار البهی کندولر یله اخوان یلدا کلرندن سرای حکمداری یه  
واروب اقران معامله سی ایدرک محتاج اولدقلری شیلری طلب و سن  
پادشاه سین کندو که بشقه سنی تدارک ایلر سین دیه رک دست کستاخ  
ایله دوشندن فراجہ سنی آلورلر ایدی مشارالیه افراسیاب دخی  
مریدلرک اوضاع متجاوزه سندن بیحضور و مضطرب اولمش  
ایدیکه سید مشارالیه بوندن اقدام طبرستانده اعلان کلمه توحید ايله



خروج ایلیمان سادات مثلاً و هوسکار حکومت اولور ایسه کند و سنک بنای  
دولت و سلطنتی خراب و مندرس اولور خلیا سیله در حال سید کرامت اثره  
رشک آور اولان علمای آملدن بر جماعتی جلب و احضار و مافی الضمیرینی  
عرض و اظهار ایلد کده جماعت هر قومه جواب و یردیلر که اکر سید  
مشار الیهک حالی بو منوال اوزره جاری اولور ایسه امور ملک و ماله  
فساد و اختلال طاری اوله جغنده شبهه یو قدر و مناسب اولان دخی  
سیدی حوزه حکومت کزدن اخراج ایتدیکدر افراسیاب بونلرک سوزلرینی  
سند اتخاذا یدرک شیخی نفی ایتک اوزره وضع زندان ایلدی اول کیجه  
افراسیابک ولی عهدی اولان کاسیف الدین قولنج علی اسنیا سیله  
فوت اولدقده خلق بو حادثه بی کرامت سیده جل ایلوب پیر و جوان  
در زندانه شتابان اوله رق شیخ سید قوام الدینی اطلاق و اقامت کاهی  
اولان رابونام قریه یه تعظیم و توقیر ایله ایصال ایلدیلر (۷۳۰) سنه سنده  
افراسیاب اکثر فرزندان و بر مقدار لشکر ایله سید مشار الیهی اخذ  
قصیدله قریه مذ کوره یه متوجه اولدقده سید قوام الدین اهالی  
مازندران دن اوچیوز نفر ایله صعب المرور محله مدافعه صد دنده اولمش  
ایکن تقدیر خدای قدیر ایله تیر اول افراسیابه واصل و هنکام معرکه ده  
اوج اوغلنک دخی قتل و اعدام لری حاصل اولدقده اکثر یسی فرار  
واسکندر شیخی دخی ممالک رستم داره ایریشوب آنده قرار ایلدیلر ایمدی  
قامت قابلیت سید قوام الدین خلعت حکومت ملکیت آمل ایله پرز یور  
و کلاه شیخانه سی مبدل تاج و افسر اولدقده اولاد و امجادینی  
جمع ایلوب بیوک اوغلو کمال الدینی مسند حکومته اقعداد و برادری  
سید رضی الدینی دخی حکومت آمل ایله بر مراد ایلدیکه  
بونک بقیه سی کتاب خامسده یازلمشدر مرا جعت بیور یله



(ا) اکابر مورخین سید ظهیر الدین تألیفی اولان تاریخنده ملوک  
 سریداران حقنده بو وجهله تحریر ایتشد که بیهق قرالردن  
 باشتین نام قریه ده شهاب الدین فضل الله دیمکله موسوم غایت مکنت  
 صاحبی برخواجه اولوب بدری طرفندن سلسله نسبی امام عالمقام  
 حسین بن علی المرتضی رضی الله تعالی عنهما حضرت تهرینه و مادر  
 طرفندن دخی مرحوم یحیی برمکی بن خالد برمکی یه منتهی ایدی  
 ایدی خواجه موی الیهک امیر امین الدین امیر عبد الرزاق امیر وجیه  
 الدین مسعود امیر نصر الله امیر شمس الدین نامیله بش نفر اولادی  
 اولوب بو جمله دن امیر امین الدین سلطان ابو سعید بهادر خاتک  
 خدمت مخصوصنده ایدی اول ائاده ابومسلم دیمکله کنیه دار علی نام  
 بر مرد بهادر پهلوانلق و تیر اندازلق فنلرنده ماهر اولمغله اودخی  
 حضرت سلطانک خدمتده اولور ایدی بر کون سلطان مشار الیه  
 عجباً ابومسلم ایله کورش طوتمقده و اوق آتمقده معادل کیمسه وارمیدر  
 دیو صور دقده امیر امین الدین کندی برادر لر دن امیر عبد الرزاقک  
 پهلوان مذکوره معادل اوله جغنی بیان ایلدیکندن احضاری ایچون  
 آدم ارسال واعزام اولندی و کلوب ابو مسلمی صنعت مصارعده  
 سرنکون ایلدیکندن کندوسنه مکافات اوله رق یوز یکر می بیک دیناره  
 مقطوع اولان کرمان محصلاغی توجیه اولندقدن صکره یکر می بیک  
 دیناری کندوسنه معاش مقابلی اولوق اوزره تخصیص اولنش ایدی  
 عبد الرزاق دخی کندی مخصصاتنی تلف ایلد کد نصکره دولتک  
 وارداتنی دخی حظوظات نفسانیه سی یولنده صرف ایلد کده مبالغ  
 مذکوره بی قنغی طرفدن استحصال ایده یلورم دیواندیشه ایتکده  
 ایکن سلطان ابو سعید خاتک وفاتی امدادینه ایریشوب ذمتنی تأدیه

مصارع کورش  
طوتمقد



ایتمکسزین وطن معهودینه عودت ایلدیکي زمان برفتنه ظهور ایتمش  
ایدی شویله که امرای مغولدن بریسی قریه مذکوره یه کلوب حسن  
جزه و حسین جزه نام ایکی نفر برادرلردن می و محبوب طلب ایلد کده  
محبوب خصوصنده اعتذار ایتشلا ایدی حریف اصغلا ایتبوب  
عورتلرینه تعرض ایتکه باشلا دقده ذکر اولنان برادرلر تیغ برکف اولوب  
\* ماسر بردار آریم و تحمل این رسوایی نداریم \* دیدیلر یعنی بزباشمزی  
بردار ایدرز بور سوایلغه تحمل ایده مز دیوب امیر مغولی قتل ایلدیلر  
خراسان والیسی اولان خواجه محمد بو ماده نک ظهوری ایچون  
مغولانک عتابندن هراسان اولدیغندن حسن ایله حسینک احضارینه  
آدم ارسال ایلد کده بونلر والینک آدمی قتل و اعدام  
ایلدیلر و بیلدیلر که ایتدکلی ایش فنادر آرتق اولدی اوله جق دیه رک  
کندولری والی مذکور عصبانده ثبات ایتدیلر و والی خراسانه  
عالب اولد قلنده مومی الیه عبد الرزاق اشبوسر بداران طاقنه رئیس  
اوله رق سبز وارانام شهره هجوم ایلوب مسند حکومتیه صعود ایتدکلی  
هجر تک ید یوزاوتوز سکر سنه سنده ایدی مومی الیه عبد الرزاق برادری  
وجیه الدین مسعودک النده مقتول اولد قده مسند حکومت سر بدار  
کند و سنه انتقال ایلدی ید یوز قرق یدی سنه سی بورا حراسنده قتل  
اولمغله یرینه کند و مقامنه وکیل و نائب نصب ایلدیکي محمد تیمور نام  
کمسه دعوای استقلاله قالقوب ایکی سنه حکومتده بولندی بعده  
خواجه شمس الدین علی مقام حکومتیه صعود ایلدی بودخی حیدر  
قصاب نام محصلک غدیری ایله شهید اولد قده یرینه یحیای کرابی (۷۵۳)  
سنه سنده شهر یار اولدی بش سنه هر ورنده خواجه یحیای کرابی دخی  
فوت اولمغله خواجه ظهیر کرابی جماعت سر بدارانه سردار نصب



اولندی لکن خواجه مشار الیه کم ازار و متصل لعب شطرنج ایله  
 اوتاتگذار اولدیغندن ایکی آی سرورنده حیدر قصاب مشار الیه ظهیر  
 الدینی خلع ایلوب سردار سرداران اولدی انجق پک زیاده غدار  
 اولق ملا بسه سیله خواجه وجیه الدین مسعودک اوغلو امیر اطف  
 اللهک همتهیه حیدر قصاب دخی قتل اولندیغی آنده حسن دامغانینک  
 زور همتهیه کندوسی دخی زندانه القا اولنه رق مقام حکومت پهلوان  
 حسن دامغانی به انتقال ایلدی (۷۶۵) سنه سنده حسن دامغانی دخی قتل  
 اولنه رق یرینه گروه صوفیوندن درویش عزیز مرده و بند کان  
 اتفاقیه حاکم سبزوار و سردار سرداران اولدی (۷۸۳) سنه سنده  
 تیمورک استیلا سیله اورالری قارمه قاریشق اولوب نتیجه سنک نصل  
 اولدیغی بوند نصکره یازیلان جلدلرده بیان اولنه جقدر مرا جعت  
 بیوریه یدیوز طقسان تار یخنده بتکرار اناطولی اوزرینه مستولی  
 اولوب وان قلعه سنی استیلا ایتد کد نصکره اصفهانه دونوب اهابسی  
 مقابله سنه چیققدقلری ایچون سکنه شهری عموما قتل و اعدام ایلدی  
 و سفر مذکوره سفرده سال دیملکه مشهوردر که بقیه سی کتاب خامسه  
 براغملش در مرا جعت بیوریه

❖ عشائر اکراد ❖

قره و آق قیونلو قبیله لری ترکان کوچبه لرند ن اولوب جنکیز خان  
 وقعه سنده ترکستاندن چیقوب ارمنستان کبرایه طوغرو یا ییلوب  
 قره قیونلو طاقی موصل و سنجار و کردستان سمتلری اوزرنده طبقه  
 حکومتی آچوب طور مشلراق قیونلو دنیلان گروهی دخی دیار بکر  
 وماردین طرفلرنده خیمه عصبیتی قوروب اوتور مشلرایدی که بونلردن  
 اولکی طاقک سرداری بیرام خواجه اولوب یدیوز سکسان ایکی



سنه سنده فوت اولغله یرینه قره محمد یکمیش و دیکرینک دخی رئیس  
قبیله سی قره ایلوک عثمان بک در که بعد الفوت طور علی بک یرینه  
اوپورمش ایدی و سکر یوزایله طقوز یوزتاریخلری اراسنده قره قیونلوونک  
دوات وکامرانیلغی اق قیونلو طبقه سنه انتقال ایلدیکی مثلاًواق  
قیونلو طاقنک دخی دوات واقبالی شاه اسمعیل اردبیلی یه نقل ایلشدر که  
تقصیلی بوندن صکره ذکر اولنه جقدر

✽ عشارترکان ✽

ذوالقدریه طاقی دخی ترکان کوچبه لرندن اوله رق وقعه جنکیریه ده  
کلان تاتارلردن اولوبده روم ممالکنده حکمدار اولان سلطان ارتناک  
انقرا ضندن صکره هر عیش و البستان طاغلرند و عمق اواسنده  
یایلا یوب قشالار لر ایکن طرفلور لی تکراید و البستان حاکمی  
مبارک شاه ایله ایتدیکی جنکری قزاندقدن صکره قراجیه ابن ذوالقدری  
حکومت بساطنه اقعاد ایلدکلی هجرتک ید یوز سکسان اوج سنه لرینه  
قریبدر چونکه عهد مذکورده اناطولی قطعه سی همان صاحبسز  
کی اولدیغندن هر طرفده کوچک کوچک حکمدار لر ظهور ایدر لر  
ایدی از جمله رمضانلو قبیله سی دخی رمضان اوغلو یایلا غنه و اوروج  
اوواسنه و ادنه و ایاس و مسیس و پیاس ولایتلرینه هجرتک ید یوز  
سکسان سنه لرند مستولی اولوب بونلرک دارالملکی ادنه شهری اولغله  
اورادن حلبه قدر حکملری جاری ایدی و مقام حکمداری یه قعود  
ایدنلرک اولکبسی احمد بکدر که رمضان بکک اوغلیدر کذاک سیواس  
حکومتده اولان قاضی برهان الدین دخی ذوالقدریه قبیله سیله مناسبت  
پیدا ایدرک کند و حد و دی ایله ذوالقدریه الکاسنک حد و دینی  
براشدر مکده ایدی قرمان دیارنده حکومت ایدن آل قرماندن



علاء الدین بك قونیه ده تخت قرمانه جلوس ایدوب سلاطین عثمانیه  
 حضراتیله حسن مدارا ایدرك كچنمكده ایكن خداوند كارغازینك  
 غزاییتیه روم ایلی طرفلرینه عزیمتلی ائنا سنده ممالك محروسه  
 عثمانیه په دخی قرمان حاکی علاء الدین بك هجوم ایتش ایسه ده  
 نتیجه سنی ضایع ایلشد ر خداوند کارغازی سلطان مراد اول  
 حضرتلرینك اعتماد و امنیتی تحصیل ضمنده همشیره زاده سی حضرت بك  
 واسطه سیله ید یوزیتش طقوز سنه سی ربیع الاول اوائلنده برطاقم  
 هدایای مناسبه تقدیم ایلد کدن صکره مشاهیر علما سندن مصلح  
 الدین افندی بی قرناسندن عبد الوهاب بکه ترفیق ایدرك مصاهرت  
 استدعاسیله حضرت پادشاه انامه رومال ایلدی و مطلوبی حاصل  
 اولد کدن صکره ینه دماغنده هر کوز اولان حسد وعدا و تی ترك  
 ایده میوب برار القده ممالك عثمانیه حدودینه تجاوز ایتدی ایسه ده  
 حضرت پادشاهك صدمه قاهره سنه تحمل ایلیه میوب فرار ایدرك  
 عیالی بولنان نفیسه خانم سلطان شفیع اتخاذ یله دامن امانه صارلدی  
 میرموی الیه هر نقدر مقام حکومت وراثت طریقله جلوس ایلوب  
 نامه خطبه او قودوب سکه ضرب ایتدیرمش و دعوی سلطنت  
 و امارت ایتکده ایسه ده ینه هر طرفدن کندویه بك دیتلور ایدی و حکم  
 ایلد یکی بلاد و اراضینك حدودی الیوم دولت عثمانیه نك حکمنده  
 اولان قرمان ایالتك حدود یله محدود اولوب فقط عمارت و نضارتی  
 و نفوسنك کثرتی شمد یکی حالندن چوق مرتبه ایلروده  
 ایدی

کرمیان حاکی پیر اولد یغندن اوغلو یعقوب یکی جلب ایدوب بزم  
 بولند یغمر موقعه بوند نصکره خاندانری چوق سنه لر حفظ ایتك یا خود



اطرافزده بولنان آل قرمانك شرندن ملاكمزى حياه ايلك پك مشكل  
اولمغله بزه كوره آل عثمان ايله يولنى بولوب مناسبت پيدا ايتكدن بشقه  
چاره ونجات قالمى ديه رك قزلرند ن بريسنى خداوند كارغازينك  
شهزاده سى يلد یرم بايزيد ايجون عقد وتزو یخ اولنمسی خصوصى  
مومى اليه يعقوب بکه وصيت ايتدى وچوق سورميوب آخرته كتدى زيرا  
كرميان بك سلاطين سلچوقيه نك امراسند ن ايكن كوتاهيه نك  
جهت جنوب غر بيسنده بولنان اراضى يى مالكانه ايدينوب كرك  
ارطغرل غازى وكرك عثمان غازينك حوزه حكومتلرينه چاپول ايجون  
هجوم ايتكدن خالى دكل ايدى لکن بوطريق ايله آل عثمان مما لکنى  
ضبط ايدمه جكنى يلد يكدن خاندان حكمدارى ايله مناسبت  
حاصل ايدرك ايلروده اعقاب واولاد ينك سريرسلطنته حصه دار  
اولسى خلیاسنه صپاراق كند وقزینی شهزاده يلد یرم بايزيده عقد  
ايجون فقها سند ن اسحاق خواجه يى هداياى لایقه ايله جهازه  
مقابل اوله رق كوتاهيه يى وسماو حصارینی واکری کوز و طوشانلو  
حصارینك مفتاحلرینی ارسال ایلدى قسطنطنی نوا حبسنی دخی  
اسفند یار طاقی استیلا ایتشلرایدى شویله که بونلرك جدی كند و  
دعوالرینه اعتبار اولند یغی حالدیه حضرت خالد بن ولیدیه منتهی  
اولورهرنه ایسه سلطان مراد حضرت تلرینك زمانلرنده نواحی مذکوره  
بايزيد نامنده برکرد بکینك حکمندیه اولوب انك اوغلونه اسفند یار دیرلر  
زیرا مومى اليه بايزيد کوترم اولد یغند ن کوترم بايزيد دیمکله  
مشهوردر وکوترم بايزيد ك برکریمه سنی دخی سلطان مراد خان  
حضرت تلری الدیغند ن آل عثمانه مناسبت دعوا سنده ایدی قیصریه  
حواليسنده دخی استیلاء جنکیز یاندن قالمش تاتار امراسند ن ارتنا بکك



او غلاری حکم ایدر لر ایدی مومی الیه ارتنا بک ممالک رومه جنکیرخان  
طرفندن والی ووکیل اواق اوزره کوندرلش اولدیغندن سلطان ارتنا  
دیرلر ایدی بران مدت سرورنده ایرانده فترت وفساد ظهور ایتکله  
جنکیریانک روم ممالکی اداره سنه تقید ایتکه وقتلری اوله مدیغندن  
دولت سلجوقیه ممالکنده ایالت والیکلی ایلیان امرادن کر میان  
و قرمان و آیدین و مننشا و قره سی و حید بکارک هربری بولند قلری  
الکاده حاکم مستقل اولمق دعواسنه قالدق قلری زمان برطرفدن دخی  
آل عثمانک کوکب اقبال واستقلالی درخشان اولدجه سلطان ارتنا دخی  
اناطولی الکاسنه اولان نظارت عمومیه ماده سندن بالضرور استکاف  
ایدوب قیصریه نواحیه سیله اکتفا وقناعت ایده رک هجرتک یدییوز الی  
اوج سنه سنه قدر مرکز حکومتی اولان قیصریه ده بولندیغی حالده  
فوت اولدقده یرینه اوغلو سلطان محمد بک صعود ایتش ایسه ده یدییوز  
الی یدی سنه سنه دیک بلا ایل زما تکی چوروب وفات ایلد کده اوغلی  
سلطان علاء الدین بک اورالری زمام اداره سنه المش ایدی بودخی یدییوز  
سکسان ایکی تاریخ هجریه سنه ده بلا ولد فوت اولمغله حوالی مذکور هک  
اداره سی آذر بایجان حاکمی طهرتنه انتقال ایتشد که سلطان ارتناک  
برادر زاده سید رانجق سلطان علاء الدین صغیر السن بولمق سبی ایل  
اماسیه حاکمی بولسان علماد ن قاضی برهان الدین بونک والده سنی  
الوب خدمت وزارتده اتابک اولمش ایکن علاء الدین بکک قوتیله  
مقام حکومته اتفاق اهالی ایله صعود و سیواسی دار الملک ایدینه رک  
قیصریه و اما سید و نیکساری و حوالی مذکور ده برچوق دیاری  
تسخیر ایدوب سلطان مراد غازی حضرتلرینه مدارا ایلیه رک امرار  
وقت ایتکده ایدی که بونک نتیجه سی نصل اولدیغی کتاب خامسده



ذکر و تفصیل اولم شد

اندلس و مغاربه

اورو پا قطعه سنك جنوب غریب سنده واقع اندلس و اسپانیا و پورتگیز  
الکاسنی فتح و تسخیر ایلدوب التبیوز سنه دنیرو حکومت ایتکده اولان  
عربلردن آل عثمان پادشاهلرینک عصرلرینه تصادف ایدنلرک احوالی  
بوندن اولکی کابلرده بروجہ اجمال ذکر اولندیغی مثلاً واشبوکاب رابعده  
دخی هجرتک یدیوز التمش برسنه سندن یدیوز طقسان برسنه سنه قدر یعنی  
اوتوز سنه مدته غرناطه و اسپانیا ده اولان وقایع مفصله نک اجمالی  
شویله درکه چونکه محمد رابع غرناطه تختی یدیوز التمش اوج سنه سنده  
عاصیلرک الندن آلدقد نصکره قاستل قرالی پترویه دخی رخت ورشده سی  
آلتون و الماسلی اوله رق یکر می بش رأس اسب ایله بر سفیر تعیین ایدرک  
دفعه ثانیه ده اولان حکومتی اعلان ایلدی و قرال مومی الیه ایله صلح  
و صلاحی محکم و پایدار ایتک اوزره غرناطه محبسنده بولنان خرسنیا  
اسیرلرینی بدلسر اوله رق اطلاق ایدوب رعایای دخی تلطف و اعزاز  
ایله سر بست ایلدی که بوندن مرادی دخی کند و زمانی خوش کچور مک  
ایدی برقاج آی هرورنده خاندان سلطنتدن علی احمد بن ناصر دعوی  
حکومت ایدرک غرناطه شهرنده زور بالی احداثه سبب اولدیغندن  
محمد رابع دخی امرادن برینی سر عسکر نصب ایدوب علی احمد بن  
ناصرک دفعه وقعی ایچون مقابله سنه ارسال ایتدیکی هجرتک یدیوز  
التمش بش سنه سی ایدی وقعه مذکوره مندفع اولوب نزاع منقطع  
اولدقد نصکره مومی الیه محمد رابع بلا مانع غرناطه حکمدار لغنده  
قالدی وزمان حکومتی راحت و اسایش ایله هرور ایلدیکنندن امور  
ملکیه نک تنظیماتیه حقوق تصرفک اصلا حانه دائرک چوق قوانین



نافعه نك وضع واحد انه موفق اولديغي حالده يديوز سكرسان برسنه سي  
 فوت اولوب يرينه اوغلو يوسف ابو عبدالله ثاني غرناطه تختنه صعود  
 ايليوب پدرينك طوتديغي اصولي براقيوب ايلرو ملك طريقني التزام  
 ايتدي حتى سويل نام شهر طرفنه بر ايلجي ارساليله سرير پدره  
 جلوسني اعلان ايدوب قاستل قرالي بوانان كنج هانريء ثالث ايله دخي  
 ملاقاتلري وقوعيله موالات سابقه بي تحكيم ايلدي انجق مومي اليه  
 يوسف ابو عبدالله ثانياك اوغلو محمد پدرينك عليهنه اولان فرقه ايله  
 براشوب غيرت دينيه صورتيه پدرينك خريستياندن عساكر ترتيب  
 ايتديكنه ورعاياني تلطيف ايلديكنه دائر اعتراضلرايدرك خلق واديء  
 عصيانه سوق ايتكه دلالت ايلديكندن اهالي غلوايدوب سرايه هجوم  
 ايلدكلرنده الحمره سرايندن آت بنوب اهالي يه قارشونه استر سكرزيو  
 صور دقه جلوس ايسرزيو چاغرشديلر نيجون بويله عصيان  
 ايدوب دشمنلر يمزك منافعه خد مت ايدر سكرزو بوعدم اتفاق ايله بني  
 اميه نك زوال وانقراضنه ومرا بطين طبقه سنك بوزولوب پریشان  
 اولسنه وموحدين و بني هود طبقه لر ينك اضمحلا لسه سبب  
 اولديغكرزي فراموش ايتديكرمي مثلاو نصايح ايله خلقك افكارنده  
 اولان ماده فاسديه ازاله ايلديكي هجر نك يديوز طقسان اوج سنه سنه  
 تصادف ايتشدركه تفصيلي كتاب خامس اعتبار اولنان ييلديرم بايزيد  
 خان حضر تلرينك زمانلرينه براغلشدر

مغرب الاقصي ده واقع فاس نام الكانك پادشاهي كه بني هرين  
 طبقه سندن ملك سليمان ايدى يديوز التمش ايكي تار يخنده فوت اولوب  
 يرينه عمر بن ابوسعيد عثمان بن يعقوب جلوس ايدوب يديوز التمش  
 سكرسنه سنه بودخى خلع اولنه رق برادر زاده سي ابو فارس عبد العزيزي



اجلاس ايتديلايسده زمانى خاندان حكامدار يدن تلمسانده ومراکش  
 شهرنده دعواى سلطنت ايليان اميرلك قهر و تد ميرى ايله كچوب  
 حكومتك بشيحي سنه سى فوت اولمغله برينه سيد محمد بن ابو فارس  
 جلوس ايلدى انجق درت سنه صكره فاس الكاسنده فترت ظهور  
 ايلديكنندن هجرتك يديوز يتش يدى سنه سنه غرناطه طرفنه  
 فرار ايتكله مقام حكومته المستنصر بالله ابو العباس احمد بن سالم  
 ابراهيم ابن ابوالحسن على جالس اولدى يتش سكر سنه سى مراکش  
 شهرينى ضبط ايلوب اورادن تلمسانه طوغرو سوق سمنند اجلال  
 ايلد كده حاكمى فرار ايتديكنندن شهرى ياغما ايتد يروب سراى  
 وقصورى غارات ايلدى بوار القده ينه حكامداران فاملياسندن موسى  
 ابن عثمان دعواى سلطنت ايدرك خروج ايلد كده المستنصر بالله  
 ابو العباس احمد بن سالم ابراهيم ابن ابوالحسن على عسكر تدار كيله  
 موسى بن عثمانك اوزرينه وارمش ايسده كندى عسكرى اراسنده  
 تفرقه پيدا اولديغندن بالطبع مغلوب اوله رقى موسى بن عثمانك لینه  
 اسير دوشديكنندن بونى دخى غرناطه حاكمى طرفنه ارسال ايتديلر  
 بوار القده موسى بن عثمان فوت اولدى ديو حوادث نشر اولديغندن  
 برينه واثق بالله محمد بن ابوفضلى اندلسدن يوانى بوله رقى صاووشوب  
 فاس ومراکش حواليسنده عسكر و طرفدار پيدا سيله دعواى  
 حكومته قالدى ايسده بنى احمر طرفنه صورت عصيان كوستردىكى  
 جهته ينه المستنصر بالله احمد بن سالم عسكر ترفيق ايدرك ايكنجى  
 دفعه اولمق اوزره فاس طرفنه ارسال ايله واثق بالله محمد بن ابوفضلك  
 حكومت استقلاليه سنى اخلال ايلدىلر حالبوكه استقلاللار ينه خلل  
 كلد كجه كرك اندلس اها لپسى وكرك افرىقا سكنه سى اراسنده



قاریش قلیق و امنیت سزلک ماده لری چو غالوب بودخی اهالی اصلیه سنک  
قوتلنوب غائب اولسنی موجب اولمشدر شویله که دولتری انحطاطه یوز  
طوتدجه اتفاق سزلق و امنیت سزلک کی فنالق بر برینی ولی و تعقیب ایلدجه  
قلیح سز و سلا حسر پریشان اولوب بولندقلری الکا ده حاکم ایکن  
محکوم اولسدیلر

❖ فرانسه ❖

کتاب سابقده ذکر اولنان فرانسه قرالی شارلی میلادک بیک اوچیوز  
التمش سکن سنه سنده متولد اولوب پدری حیسانده دوقین ایالتی  
نان پاره اوله رق و یرمش ایدی بیک اوچیوز سکسان سنه سی پدرینک  
وفاتیه فرانسه یه قرال اولوب انجق مومی الیهک کنجلیکی عملری  
بولنان انجو دوقه سی و بری یه دوقه سی برطانیا دوقه سنک فرانسه  
اوزرینه حرص و طمع لرینه سبب اوله رق بر طاقم فساداته باعث  
اولمشدر لکن شارلی اون درت یاشنه رسیده اولدقد بیک اوچیوز  
سکسان ایکی سنه سی کندی دوقه لری علیه نه قیام ایلیان فلاماندر  
اوزرینه هجوم ایدرک یکر می بش بیک قدر زور با قتل و اعدام ایتکله  
عاصیلری اطاعت کتوردی ایسه ده الکا ی مذکورده کتدجه فساد  
ایلر و لیوب خاندان قرالیه کندولرینه طرفدارلر طوته رق عاقبت  
فرانسه ممالکی ایکی یه منقسم اولوب ارمغناس طاقی دورلیان  
طرفنی بورغون طاقی بورغون دوقه سنی التزام ایتمشدر درکه  
تفصیلی کتاب خامسده یازلمشدر

❖ قاستل ❖

قاستل قرالی دخی ترانستامار دوقه سی دیملکه مشهور اولان ایکنجی  
هانری درکه کتاب سابقده ذکر اولنان ظالم پترونگ برادری اولوب



برادری ایله حکمدارلق ماده سندن طولای بینه لرنده پک چوق نزاع  
ومناقشه لر اولمش ایسه ده بیک اوچیزو التمش طقوز میلادنده  
برادرند نصکره مقام قرالیتہ صعود ایدوب برادرینک ظلم وقهری  
اوزرینه خیلی مساعده لر ایتدیکی حالدہ بیک اوچیزو التمش طقوز  
سنه سنده فوت اولوب یرینه برنجی ژان قرال اولمشدر

✽ پورتکیز ✽

پورتکیز قرالی دردنجی الفونس بیک اوچیزو یگرمی بش سنه سی مقام  
حکومه چیقوب بیک اوچیزو قرق سنه سنده تاریفه نام محلی محاصره  
ایلد کد نصکره الی بش سنه سی فوت اولمشدر بونک زمانی دخی  
عربلر ایله محاربہ ایتکله کچمشدر که غرناطه حاکملرینک احوالی  
صیره سنده یازلمشدر

✽ انکلتره ✽

انکلتره قرالی دخی کتاب سابقده ذکر اولنان مشهور پرنس نوارک  
ایکی برادری وار ایدیکه یرینه لیونل دیرلر ایدی میلادک (۱۳۶۸)  
سنه سی اتالیاده فوت اولدی دیگرینه دخی ژان دیرلر که لانقاستردوقه سی  
اولوب (۱۳۹۷) سنه سنده فوت اولمشدر لکن پرنس نوار هر تقدیر پدیری  
اولان اوچنجی ادواردن اول فوت اولمش ایسه ده ولی عهد بولمق  
ملا بسه سیله تاج قرالیت پرنس نوارک اوغلوریشارد ایکنجی ریشارد  
نام وعنوانیله بیک اوچیزو التمش یدی سنه میلادنده جلوس  
ایتد کد نصکره پدیرینک فرانسه اوزرینه اولان غلبه نفوذینی  
محافظه ایده مدیکه جهتله کندوسنک حکمدارلغنه تحصیل اکثریت  
ایلیه مدیکندن خاندان حکمداریدن بولنان پرنسلرک هربری  
زروه استقلاله قالدوب درون اسکاده اسایش واستراحتک



قبولری قیامتش اولدیغندن عظیم اختلال ظهور ایتکله  
 بیک اوچبوز طقسان یدی سنه سنده مومی الیه ریشار حبس  
 اولنوب لاقاستری دوقه سی ژان که محبوس اولان ریشارک عیسیدر  
 انک اوغلی اولان هازینک طرفلوسی غلبه ایلوب دردنجی هازی  
 عنوانله بیک اوچبوز طقسان طغوزتاریخ میلادنده انکله قرالی اولدی  
 چونکه لاقاستر انکله جزیره سنده برشهر ویا لت اولوب انجو  
 فاملیا سندن اولان انکله قرالی اوچنجی اد واردک اوغلو ژان اورایه  
 غران دوق اولمش ایدی که اشبو هازی دخی مذکور ژانک اوغلو اولمغه  
 انکله حکمدار لغنه کسب استحقاق ایدرک سالف البیان ریشاردی  
 حبس ایلوب انکله حکمدار لغنی غصب ایلدی انجقینه قرال  
 فاملیا سندن اوله رق یورق نام ایالتک دوقه سی ریشاردک اولادریله  
 انکله تاجی استحقاقنه دائر منازعه لر ظهور ایدرک عمو ماهاالی قرمری  
 کل بیاض کل علامتیه ایکی به منقسم اولمشردر که یوروق خاندانی  
 طاقنه بیاض کل ولا تقاستر خاندانه قرمری کل دیه رک ایکی فرقه  
 اراسنده عظیم مخالفت پیدا اولوب اوتوز سنه مدت محاربات داخلیه  
 ممتد اولدیغندن تقریباً میلیون نفوس بویواده تلف اولمشدر که بوماده نک  
 سببی نتیجه سنی بیان ایتدکجه اکلشیله مدیغندن اوزون اوزادی به  
 تفصیلی کتاب خامسه براغلمشدر که مراجعت بیوریه

✱ اقوسیا ✱

اسقوچیا حاکی بولنان ایکنجی روبرت که استوارد فاملیا سندن اولان  
 برنجی روبرتک فرانسه لورایله عقد معاهده ایدرک انکله علیه محاربه به  
 قیام ایدوب مشهور اولان اوتوبروت محاربه سنی قزانقد نصکره  
 صلحه رغبت ایلوب بعده بیک اوچبوز طقسان سنه سی فوت اولدقده



برینه استوارد رو برت ثالث که مومی الیه ایکنجی رو برتک او غلودر  
 سنه مذ کوره ده اسقوچیا حکومتیه مالک اولدی ایسه ده زمانده  
 اختلال ظهورایتدکن بشقه انکله قرالی دردیجی هانرینک اوزرینه  
 هجومی الیه برطاق فساداتک ظهوری کندوسی بوتونام اطهیه  
 جکیلوب منزوی اولماسنی موجب اولد یغندن دیکراوغلو برنجی زاق  
 فرانسه یه ارسال ایلدیکی زمان انکله لولر اسیر اولدیغی رو برتک مسموعی  
 اولد قد ه انک اقدار یله بیک درتیوز التی سنه سی فوت اولدی اسقوچیا  
 حکومتی هر نقدر زاق نام برنسه انتقال ایتش ایسه ده مومی الیه انکله یه  
 اسیر اولق حسبیه حکومت مذ کوره عجمسی بولنان البانی دوقه سنک  
 ید اماننده قالدی که تفصیلی بشنجی کابه براغملشد ر کتاب سا بقده  
 بیان اولنان مارغاریت نام دائیمارقه قرالجه سی نور وچیا قرالینک بیک  
 اوچیوز التمش اوج سنه سی نکا حلبسی اولوب پد ری بیک اوچیوز  
 یتش التی سنه سنه فوت اولجه دائیمارقه تاجی بالارث مومی البهانک  
 باشنه انتقال ایلد یکنک عقینده یعنی بیک اوچیوز سکسان سنه سی  
 قوجه سی بولنان نور وچیا قرالی دخی فوت اولد قد ه اورانک دخی  
 حکمدار لغنه کسب لیاقت ایلدیکی حالده اسوج اهالی سی کندولرینک  
 قرالری اولان مکلمبورغ دوقه سی البرک علیهنه قیام ایدوب مقام  
 حکومتدن دفع ایتد کد نصره بیک اوچیوز سکسان یدی سنه سنه  
 دخی اسوج تاجنه نازل اولوب جهت شمالیه ده واقع دائیمارقه واسوج  
 ونور وچیا الیکالرینی بربرینه ربط ایچون برملت مجلسی ترتیب ایلوب  
 برلشد ر ایدی مومی الیه کندو جنسنه مخصوص اولان حسن  
 وجمال و لطافته ضمین اوله رق پک مشهور و بهادر برذاتک صفاتندن  
 اولان اقدام و متانت الیه اثبات درایت ایدرک بیک درتیوز اون ایکی سنه



میلادینه قدر اداره ایلوب ناموس و شاننی وقایه ایدرک فوت اولمشدر

✽ المانیا ✽

کتاب سابقده ذکر اولنان لو قسمبورغ خاندانندن اوله رق المانیا ایمراتوری  
بولنان دردنجی شارلی میلادک بیک اوجیوز اون التی سنه سی تولد  
ایدوب کندوسی المانیا ایمراتوری یدنجی هارینک اوغلو اولان بوهیمیا  
یعنی چه قرالی ژانک اوغلو اولدیغندن بیک اوجیوز قرق التی سنه سنده  
پدرند نصکره بوهیمیا قرالی اولوب ایرتسی سنه دخی ایمراتورلغیه  
انتخاب اولمشدر المانیا الکاسنده حالیه قدر اثری باقی اولان برقانون  
داخلیه نک وضعنه موفق اولمش ایسده پاپانک انفاذ نفوذینه کندوسی  
مجبورکی کوردیکندن بشقه برطاقم تکالیف شاقه ایله دخی خلقی  
کندوسندن دلگیر ایلدیکی حالده فوت اولوب یرینه اوغلو بشنجی  
وانسلاس هم المانیا ایمراتوری وهم بوهیمیا قرالی اولوب بونلرک  
احوال داخلیه لری کتاب سابقده ذکر اولندیغندن بومخلده تکرار  
اولمادی لکن براند بورغ خاندانندن اوله رق مجاروله قرالالخی ایله  
المانیا ایمراتورلخی عنواننی دعوی ایتکده اولان سیر سموند باآده  
ذکر اولنان دردنجی شارلینک اوغلو اولوب میلادک بیک اوجیوز  
التمش التی سنه سی تولد ایدوب مجارقرالی لویئنک قزینی تزوج ایلدیکنندن  
بیک اوجیوز سکسان التی سنه سی قاین پدرینک فوتبله مجار حکومتی  
انواع مکاید و مشتقله تحصیله کسب استحقاق ایلدی بیک اوجیوز  
طقسان سنه سنده افلاق و بغدادان کندویه اطاعت ایلوب بیک  
اوجیوز طقسان برسنه سنده بوسنه بکری دخی تابع اولدی لر لکن  
آل عثمان پادشاهلرینک قوه قاهره سنه سیر سموندک بختیارلخی مقاومت  
ایده میوب بیک اوجیوز طقسان التی سنه سی نیکبولی محاربه سنی

اشبو لو قسمبورغ  
خاندانی میلادک بیک  
اوجیوز سنه لری  
اثناسنده ظهور ایدوب  
یدنجی هارنی دردنجی  
شارلی و وانسلاس  
وزوسی و سیر سموند  
نام ایمراتور لر ایله یوز  
یکرمی طقوز سنه  
المانیا ده ممتد اولمشدر



ضایع ایلدیلمحرار به مذکوره ده سیر سموندك طرفنده بولنان عسا كرك  
مقداری التمش بيك نفوس اولوب بولند قلمی موقع دخی خیلی متین  
و مستحکم ایکن اوج ساعت طیاره میوب و زوادیلر که وقعت مذکوره نك  
تفصیلی سلطان مراد حضر تلرینك احوال داخلیه سی ارا سنده  
یازلمشدر ایدی ایمپراطور مذکوره تابع اوله رق خراج کنار اولان  
افلاق و بغداد بکلرینك اسملری دخی اولکینك الکساندر ایکنجینك  
استغان تاشدرنی کبولی محاربه سی انهرزامند نص کره بتکرار باش قالدرمش  
ایسه ده اولکی انهرزامی ایله غیبرتی اثناسنده محارقرالی نصب اولنان  
التنجی لادیسللاس و المانیا ایمپراطور لغنی اعلان ایلیان البرد و تریش  
نام حکمدار لر کندوسنه رقیب اولدقلرندن انلری محارستان داخلندن  
دفع و تبعید ایلمك لازم کلمش ایسه ده خصا ئل ممدوحه سی دلالتی  
ایله محار اولرک قلوبنی کندو طرفدارلغنه جلب و میل ایتدیردی کذلک  
بيك درتیوزاون برسنه سنده وفات ایدن (ژوس دوموراوی) نام پرنس که  
کندو عجمیسی اولان و انسلاسدن لو قسمبور غ دوقه لغنی اشترایلیوب  
بعده المانیا ایمپراطور لغنه دخی انتخاب اولمش ایدی انک رقابتی وقتنده  
غربك پک عظیم وجسیم اولان مذهبنی بتورمک املیه (۱۴۱۴) سنده  
(قونستانس) نامیه برطاقم پاپاسلردن عبارت بر مجلس مخصوصک عقد  
و تشکیلنی امر ایلدی که بقیه سی بشنجی کابه برا غلمشدر مر اجعت بیوریه

❀ له ممالکی ❀

له قرالی اولان قاسمیر دخی بيك اوجیوز طقوز سنه سی تولد ایدوب  
بيك اوجیوز اوتوز اوج سنه سنده پدرینك وفاتند نص کره جالس  
ویک اوجیوز تمش سنه سی فوت اولغله بشپوز سنه دنبرولهستانده  
اجرای حکومت ایلیان پیاست فاملیاسی بونک فوتیه منقرض اولوب



یرینه انجو دوقه لرینک طبقه سندن بیوک لوئی نام مجار قرالنه انتقل  
ایلیوب بعده ماری وهدویج ناملریله ایکی قزلره تاج حکومتی ترک  
ایدوب کتدیکی کتاب سابقده یازلمشدرکه تاریخ هجرتک ید بیوز سکسان  
سنه لرینه مقابلدر ایددی اشبو قزلرک برنجیسی مجار قرالی سالف البیان  
سیر سموند طرفنه دیکری دخی ژاژه لون فاملیاسندن اولانله قرالی  
طرفنه ایرلمشدر شویله که مومی الیهاماری مجار قرالی  
سیر سموند ایله برلشدیکی مثلاًو ایکنجی قزی اولان هدیج دخی  
بیک اوچیوز سکسان الی سنه سنده لی تویانی نام محلاک دوقه سی  
ژاژه لون ایله نکاحلندقد نصکره بشنجی اولاد سلاس عنوانیله قوجه سی  
لهستانه قرال ایدوب قرا قوبای نام محله بیک اوچیوز طقسان  
طقوز سنه سی یعنی هجرتک ید بیوز طقسان وسکز یوزی اثناسنده فوت  
اولمشدر قوجه سی اولان اولاد سلاس خامس دخی بیک اوچیوز سکسان  
الی سنه سندن بیک درتیوز یکرمی درت سنه سنه قدر کرسی حکومتده  
بولنوب او اثنالرده برطاقم وقایع غریبه ظهور ایتمشدرکه هجرتک سکزیوز  
سنه سندن نصکره لرینه تصادف ایلدیکندن بشنجی کابه برا غلمشدر

### ✽ اتالیا ✽

اتالیا مالکی دخی برقاج قسمه منقسم اولوب از جمله برازی پاپا لک  
حکمنده ایسده الامانیا لولر ایله فرانسیز لک ارا سنده تگون ایلیان  
فساد ومغایرت اقتضاسیجه ذکر اولنان پاپا لک برطاقی فرانسه الکاسی  
مضافاتندن اولان اوینغون نام شهرده برازی من القیم اوله کلدیکی  
وجهله روما شهرنده حکومتده بولنوب برچوق وقتلردخی عین وقتده  
ایکی محله دخی بشقه بشقه پاپا انتخاب اولنوب یکدیگری رد و جرح  
ایدرك زمانلرینی امرار ایدرلرایدی اشته بولردن سالف الذکر اوینغون



شهرنده انتخاب و اعلان اولنان پا يالردن اون اوچنجى بنوادر كه اراغون  
 شهرنده اورته حالو بر فامليا دن اولوب اوائل حالنده پتر و تسميه  
 اولمش ايكن صكره لرى بنوا اسمنى اخذ ايدرك اوينغونده پاپا اولمشدر  
 انجق اتاليا الكاسنى تقسيم ايدن حكومتلردن سچليا و ناپولى و صاردينيا  
 و ونديك جمهوراغى ايله جنويز جمهوراغى و موده ناوميلان و مانطوا  
 و پارمه و اوترانده و طوسقانه امثالى بيوك دوقه لقلردخى واردرك  
 هر بريسي صره سيله كتاب آتيده بيان اولمشدر ناپولى قرالى بولنان شارلى  
 دوراس ميلادك بيك اوچيوز سكسان التى سنه سى فوت اولمغله يرينه  
 اوغلو لاد سلاس جلوس ايتش ايسه ده صغير السن بولمق ملا بسه  
 سيله والده سى امور حكومه نيابت و وكالت ايتدى انجق لاد سلاسك  
 حديث السن اولمسي و والده سنك وصى بولمسي ملا بسه سيله سابقده  
 ناپولى قرالى اولان انجو خاندانندن برنجى لوئى نام پرنس يدنجى قله مان  
 نام پاپانك اعانه و غيرتيله ناپولى قرالغنىك تاجنى تحصيل ايتكه قالقدى  
 لىكن مقاومتهمقدر اوله مديغى حالده فوت اولمغله بيك درتوزاون درت  
 سنه سنه قدر ناپولى حكومتى لاد سلاسك النده قالوب بعده همشير سى  
 ايكنجى ژانه انتقال ايلدى صاردينياك احوالى بوند نصكره تفصيل  
 اولنه جغندن بوراده ايضا حه محل قالمبوب فقط ونديك جمهور پتى يونان  
 دكزنده واقع بيوك اطه لرى ضبط ايلبوب سلاطين عثمانيه حضر اتيه  
 رقابت معامله سى ايدرايدى جتويز جمهوراغى دخى برانسيودولتنك  
 خرايتند نصكره قره دكزده كائن خيلى موافقى ضبط واسنيلا ايدرك  
 ونديك طاقنى حوالى مذكوزه ده راحت كزدرمز لرايدى

✽ قريم ✽

دشت قبيچاق و قريم حواله بسنده جنكيز نسلندن اولان اوزبك خان هجرتك  
 يديوز قرق اوج سنه سى فوت اولوب يرينه جاني بك خان بعده بردى بك



خان بعده حیدر مراد خان سریر حکومت کلمش ایرایسه ده بیك اوجیوز یتش  
التي سنه میلادنده تیمورلنك وقعه سی ظه وریله دولترینك نظامی بوزولمشدر  
✽ روس ✽

کتاب سابق ثالثه روسیه پرنسی ولاد میر اولق اوزره بیان  
اولمش ایرایسه ده صحیحی ایکنجی الکساندری اوله جقدر میلادك (۱۳۲۶)  
سنه سنده موسقه دوقه سی نصب اولمش ایدی ایکی سنه مرورنده فوت  
اولغله یرینه برنجی ایوان نام پرنس موسقه و روسیه دوقه سی اولمشدر که  
اورالری ولاد میر نام پرنسك دائرة حکومتدن معدوددر بونلرک زماننده  
الکابی مذکورہ تیمورک غلبه واسنیلا سی بلاسنه اوغرا دیغندن  
حالی پک فنادرجه یه وارمش ایدی تیمورک عسکری الکای مذکورہ نك  
ایالات جنوبیه سنی ضبط و یغما ایلد کد نص کره ازاق د کزینی دخی اسنیلا  
ایتمش ایدی که بونك تفصیلی بشنجی کابه درج اولمشدر مر اجعت بیوریله  
✽ احوال روم ایلی ✽

روم ایلی الکا سنده اولان بلغار و صرب و بوسنه وارنبود بکری  
وقرالارینك هر بری عسا کر عثمانیا نك طرف طرف هجوم و غلبه سنی  
کورد بکجه بعضیلری مدارا یولنی طو توب عثمانیان ایله مناسبت پیدا  
ایتمکده بعضیلری دخی دیکر لر یله اتفاق ایدوب مقابله و مدافعه یه  
قالقمقده اولدقلرندن اورالرده آل عثمانه تابع و ملحق اولمیان الکا و دیارک  
جمله سی امنیت سزلک ایله برابر اضطرار ایچنده قالمش ایرایدی از جمله ممالک  
شرقیه ایمپراطوری بوانان یانی پاله لوغ حکم ایلدی کی دیارک پریشانلغنی  
و خرابیتنی و کندوسنك شهزاده سلیمان پاشا و فاتند نص کره بولایر قریبنده  
اولان محاربه ده مغلوبیتنی کورد کده بزانتن دولتنك ارتق اعاده استقلال  
ایده میه جکنی بلد یکنندن خداوند کار غازی سلطان مراد خان  
حضر تیرینه هدیه نامیه سنوی بر مقدار ویرک و ویرمک  
اوزره عقد مصالحه یه راضی اولدقد نص کره قزینی شهزاده ییلدیرم



بازيد خانه و يرمك شرفنه دخي نائل اولدى چونكه حكومت مذكورنك  
اداره داخله سى بر مرتبه لده مختل ومشوش اولمش ايديكه بقاى  
دولتلىر ينه عثمانلو ايله مناسبات صحيحه و دائمه پيدا ايتكدن بشقه چاره  
ونجات قالمامش ايدى بو اثناده ادرنه شهرنده حكومت ايليان روم  
پرنسلى الندى ادرنه پى سلطان مراد غازى فتح ايلد كده پرنس  
مر قوم مريج نهري طغيانى ملا بسه سيله اينوزه اينوب صرب قرالى  
يانه التجا واورادن دخي بشنجى اورپن نام پاپايه دخالت ايدرك آسيا  
قطعه سندن كلان ملت متغلبه دن اخذ انتقام قصد يله مجار قرالى  
وصرب و بوسنه و افلاق بكارينى اتفاقه دعوت ايليوب عثمانلو  
عليهنه ايكنجى كره اولمق اوزره عساكر كثيره جمع ايليه رك  
ادرنه شهرى اوسئنه هجوم ايلدى ايسه ده غازى خداوند كار طرفندن  
روم ايلي ايلتلىرىنك بكار بكي بولنان لالا شاهين پاشا بونلرك قارشوسنه  
چيقوب تفصيلي پادشاه مشار اليهك وقايع داخله سى صيره سنده  
يازلدغي اوزره ميلادك ييك اوچبوز التمش اوج تاريخنده ينه مغلوب  
اولمشل ايدى سلطان مراد ادرنه پى فتح ايلد كد نصكره بزانسيو  
ايمپراطورى يانى پاله لوغوس ايله دخي دوستلغه معاهده ايتكله صرب  
و بلغار و افلاق قراللىرى و برطانيه كند و كندولر ينه ادعاى استقلال  
ايليان روم پرنسلى ايله محاربه ايدرايدى انجق موهمى اليه يونانى  
پاله لوغوس هر نقد ر حضرت پادشاه ايله يدى سنه مدت ايچون  
معاهده ايتمش ايسه ده طائفه عثمانيانك روم ايلارنده فتوحات پيدر پى  
ايله كسب جسامت ايتمى بالاخره كند و سنه مضر اوله جغندن  
شرق كلپساسى پاپاسلرندن خفى اوله رق روماده مقيم اورپن نام پاپانك  
رياست مذهبيه سنى تمايله تصديق و قبول ايتديكنى بيلدرديكنه



مبنی اون بش قطعه شالوپه وچکیره ايله يك بشيوز سواری و يك  
 قدر تیر انداز پیاده و برازدخی کوکلی عسا کردند عثمانلو علیه نه  
 اولق اوزره کوندريله چکنی خبر المش ایدی اوئاناده ایمپراطور مشار  
 اليهك رومایه عزیمت ایتسی دخی لازمه حالدن اولمغله اندرونه نقوس نام  
 اوغلونی قائم مقام نصب ایلیرهك کندوسی رومایه عزیمت ایلدکده  
 روماده واتیقان سرایی که شارلی غراند و قسطنطنین نام دیگرایی بیوک  
 ایمپراطور لره دخی مسافر خانه اولش ایدی مشارالیه دخی اوراده درت  
 قاردینال شهادتیه پاپانك حکومت روحانیه سنی قبول و اعتراف  
 ایتدکدنصکره سان پتر و کلبسای مشهوره سنده دخی پاپانك ایاغی اوزرنده  
 موضوع اولان چلیبایی بعدالت قبول سوارا واه جغی حیوانك یولارینی  
 طوته رق واتیقان سراینه ماشیا عودت ایلوب سرای مذکورده  
 حاضرلن ان ضیافت رسمیده دخی بولندقنصکره امداد اولق اوزره  
 ویريله جك چکیره لر ايله عسا كرك کوندریلسی ماده سنی دخی  
 سویلشوب قرار ویره رك عودت ایلدی وندیکه کلوب کی به سوارا اولق  
 اوزره ایکن كرك روماده و كرك کزدیکی سائر شهرلرده فوق العاده  
 مصارفی اولدیغندن اکثریسی ویریلوب برآزینی دخی مقر حکومتنه  
 وصولنده کوندرمك اوزره تحویل ربط ایتك ایسته مش ایسه ده اله جقلولر  
 بوقراره بروجله راضی اولوب بزپاره مزی بوراده ایستز و سنی برطرفه  
 براقیردیه رك توقیف ایلدی لمشارالیه دخی کندوسنك غیبوتی وقتنده  
 قائم مقام براقیدیغی درت نفر اولادندن الك بیوکی اولان اندرونه نقوسه خبر  
 کوندروب اله جقلولرك براقد قلوبی و نقدر ممکن ایسه کندویه اچقه  
 ارسال اولمسنی و هیچ اولماز ایسه کلبسالك خزینه مخصوصه سندن  
 استقراض اولنهرق کوندریلسنی سپارش ایدرك کندوسنك مضیق



اضطرار بدن قورتارلمسنى ايا ايلش ايدى لكن اندرونيقوس طرفندن  
 پدريك احواله جواب ويرلمديكى ديكر برادرلى كورد كده اشياى  
 موجوده لىنى صتوب و برازلىنى دخی رهن قويه رق الحقه تدار كيله  
 پدرلىنى اله جقلولردن قورتارمغه چالشدیلر مشارالیه یوانی پاله غوس  
 ايسه مقصد و مراعى اولان امداد ماده سنك اصلى اولمديغنى  
 واوله ميه جغنى كند و حقنده اله جقلولرك ايلديكى حقارت  
 و عدم رعایتدن و حكومت بلده نك قيد ايتد يكندن اكلامش  
 ايدى نه چاره كه مایوسیت و انفعالی دخی بیلدرمك اصولنه توافق  
 ايتد يكندن ویره جگنى و یروب كند و ملكنه بر كون اول عزیمته  
 جان آتوب ايتد يكنه پشیمان اوله رق در حال طوغدوروس نام  
 اوغلونى هم سفیر اولق و همده خدمت پادشاهیده بولمق اوزره درگاه  
 خداوند كاره اعزام ایلدى و بيوك اوغلو اندرونيقوسى وزارت خدمتدن  
 چيقاروب سلايك حكمدارى اولان ديكر اوغلو مانوله حواله ایلدى  
 اندرونيقوس دخی حضرت پادشاهك شهرزاده لردن ساو یچی بك ايله  
 پدرلى عليهنه برلشد كلردن ايکېسنكده جزالى ترتيب اولنمشدر كه  
 محملرنده تفصیلاتى مرور ايتمشدر بزانتن دولتى امراسى بيك اوچبوز  
 طقسان سنه سنه قدر هر نه حال ايسه تحمل ایده بیلوب سنه مذكوره  
 اثناسنده ديكر براتفاق عمومى ايله مشهور اولان قوصوه محاربهنى ميدانه  
 چيقارمشلردر كه محاربته مذكوره بی ضایع ایلد كلرینه قارشو خداوند كار  
 غازينك دخی شهيدا و فاتلری وقعه سنى قزانمشلردر

ماكدونيا و سلايك و موره وارنبودلق و ونديك واطه لراحوالى  
 دخی يكدیكره بكره مزبر اصولده اولوب شویله كه كتاب سابقده ذكر  
 اولنان اطه لردن بعضیلرینك اداره سى قدس شریف و بریه الشام



ومصر سوا حله من طرد و دفع اولان شوالیه لر حکمنده قاله رق اورانک  
دکز لرنده قور صانلق ایتمکله کچنمکده اولدقلری مثالو وندیکلور دخی  
قروا زاد لره ایصال اسلمه و ذخائر بهانه سیله قایدقلری اطه لری حفظ  
ایدرك استانیولی روملرك الندن الوب بتکرار و یرد کدنصکره قره دکرک  
ساحلارنده واطه لرد کزینک بعض کنار لرنده موره و اواونیه و دالماسچیا  
کبی یرلری عثمانیا نك صدمه صولتندن وقایه ایچون ما کدونیا و سلا نیک  
الکا و ایالتنده بولنان روم پرنسلیرینه اعانه ممکنه ک اجراسنه دائر پاپانک  
واقع اولان همت روحانیه سنک انفا ذینی وسیله مخصوصه اتخا ذ  
ایدوب حوالی مذکوریه خیلیدن خیلی قوت صرف ایتمسرایسه ده  
قاتو لیکار و لاتینلرایله روملرك اراسنده فصل و تفریق ممکن اوله میان  
شرق و غرب کایساری مخالفتندن ناشی روملر کندولرینی خرسنیا نلقده  
اصل عد ایلیموب مذاهب سائره یی کندولرندن تفرع ایتمش نظریله  
بقارلرایدی کذلک قاتولیکلر دخی کندو مذهب لری صحیح در دیه رک روملره  
اعتراض ایلام کلرندن لاتینلرك ایلیمه جکی اعانه دخی اصول مذهبییه ده  
برلشمک شرطیه اولد یغندن بر وجهله قبول اولنه مدی ایشته بونلر  
نخوت موروثه قدیمه لری سببیه هم ذکر اولنان شوالیه لری کندولرندن  
متفر و هم وندیک و پاپانک همت و حایه لرینی رد ایتد کلرندن بلغارلرك  
الندن کوستندیل و صوفیه ونیش حوالیسی و روملردن دخی ما کدونیا  
ایالتیه سلا نیک سنجاغی ممالک محروسه عثمانیه یه ضمیمه اولشدر

### ✽ فصل ثانی ✽

حضرت خداوند کاک و قایع داخلیه سی بیاننده در

هجرت نبویه علیه افضل التحیه نك ید یوز التمش برسنه سی اوائلنده  
سلطان اورخان غازینک وفاتلری ملا بسه سیله سریر سلطنت



عثمانیه به بالاستحقاق دار الملک ازینقدہ جلوس بیوریلوب امراء  
 و حکام طرفلرندن بیعت رسمی اجرا اولندقد نصکره بارگاه اقامتی  
 بورسایه قالدیروب ریات ظفر آیاتی برج باروی حصاره قوندردیلر  
 زیرا کتاب سابقده بیان اولندیغی اوزره ازینق شهری فی الاصل معمر  
 و مشهور ایکن هواسنک وخامتی ملابسہ سیلہ ارکان دولتک اقامتنہ  
 و حرم سلطنتک حضور و راحتنہ مضر اولغله بورسایه نقلی ایجاب  
 مصلحتدن اولمش ایدی چونکہ روم ایلی الکاسندہ بولنان اهل اسلامک  
 احوالی نظامہ محتاج اولدیغندن لاشاہین پاشایی و بورسہ قاضیسی  
 چانداری قرہ خلیلی و سائر امرایی استصحاب ایدرک روم ایلی یقاسندہ  
 کچمک اوزره دامن درمیان ایتدکری اثناده آل عثمانک شوکت اقبال  
 واستقلالانی چکہ میوب حسد اوزره اولان قرمان و کرمان واسفندیار  
 و سائر درہ بکی مثللو اناطولیدہ کیف مایشاء حکومت ایتکله فرصت  
 بکلیان بککرمک ممالک عثمانیہ حدودینہ تجاوز و تعدی ایلدکری خبر  
 آندیغندن روم ایلی احوالی حاجی ایل بک ایله آورنوس بکہ سپارش  
 اولنہ رق کندولری بورسایه سایه صالوب علماک اتفاقیلہ مخالفین  
 اوزرینہ اولان غزاتاً خیر اولنوب منافقینک شر و مضر تلری دفع  
 و رفع اولنق ترجیح اولندقد نصکره اهل اسلام اوزرندن مظالم  
 متغلبہ بی دفع ایچون اخیلر مجمعی اولان انکوری یعنی انقرہ قضاسی  
 فضا سنہ طوغرو یکر می بش بیک مقداری سپاہ ایله یورودکده  
 ذکر اولنان اخیلر دامن امانہ صاریلوب قلعه سلاسلی کہ الیوم انکوری  
 قلعه سی دخی دیرلر تسلیم ایلوب اطاعت پادشاهی بی جانلرینہ منت  
 یلدیلر قلعه مذکورہ نک شهرت سابقہ سی خلفاء عباسیہ دن هارون  
 الرشیدک اورالرینی فتح و تسخیر ایلدیکی زماندن قالمشدر لکن شهر



مذکوری بوتار یخاره قدر حفظ ایدن اخیلردخی ترکان قبا ئلندن  
اوله رق شهر مذ کوره یرلشمش برطاقم متفقین ایدیلر ایسه ده قوه  
قاهره پادشاهی به قارشو طوره میوب مقام تسلیمیتده طوروب عبودیتی  
الترام ایلدیلر پادشاه کشور کشا انکوری نواحبسندن سلطان  
او یوکنه کلوب سر کشک ایدن اها لپسنی جاده اطاعتنه جلب  
ایلدکنه صکره دارالملاک بورسایه عودتلیری واقع اولوب ایرتسی سنه  
یعنی یدییوز التمش ایکی سنه سی اول بهارنده اعدای دینه غزانیته  
لالا شاهین پاشایی الوب بورسادن حرکتله ایدنجکه موصلت اورادن  
دخی صازلی دره وچفتلک دره سی وقره برون یولیه لایسکی کارینه کلدرک  
بوغازی پادشاه بوغازی کوچک سفیندر ایله کچوب بولایر قضا سنه داخل  
اولدقدن صکره عسکر جرار ظفر شعاری کلیبولی حصاری اوستنه  
حواله ایدوب برقاج کون قلعه یی محاصره ایدرک اطرافنی آتسه یاقوب  
حرب و ضرب ایله دیوارینی یقیدیلر چونکه حصار مذ کور حرب ایله  
النوب قلیج ایله فتح اولندیغندن درون شهر یاغما یه امر اولوب مواقع  
مناسبه سی مساجد اهل اسلام اولدیغنی حالده خانه لردخی غازیلر  
الارنده تقسیم اولندی بعضیلر شهر مذ کوری شهزاده سلیمان پاشا  
فتح ایتشدردیه رک یازمشلر ایسه ده انجق صحیحی سلطان مراد  
حضر تلیرنک روم ایلی یقاسنده اولان اولکی فتحلریدر کلیبولی حصاری  
قربنده نبطوز حصارینه دخی توجه ایلدکننده قلعه اها لپسنی دامن امانه  
یادشوب حصاری ویردیلر غازیلر دخی درون حصاره کیردیلر فقط  
یرلورک مال و منال و اولاد و عیالنه مداخله اولمییوب یالکز جزیه شرعیه  
وضع ایدیلر رک کندو حاللرینه ترک اولندی معیت خداوند کاریده  
بولنان حاجی ایل بکی ادرنه نواحبسنگ غارتنه واورنوس بکی کشان



ولایتنه بر مقدار عساکرایله ارسال و کندوری دخی جوش جوشن  
 یوش دریا خروش ایله چورلی طرفنه سوق سمند اجلال ایدرک  
 قلعه بی محاصره ایدوب ضرب و حرب ایله فتح ایلد کد نصکره  
 لوله برغوس قضاسنی دخی بر لکده ضمیمه ملک عثمانی ایتدیلمر یعنی  
 کلیبولینک سمت شمال بسنده قصبات و قرایی الوب ادرنه جوارینه بلکه  
 قلعه دیوارینه دک کیتدیلمر اورنوس و حاجی ایل بکار دخی مأمور  
 اولدقلری ستملره بر برینی متعاقب اقیملر ایتکله اورنوس بک ایصاله  
 و معلقره و کشان طرفلرینی غارت و حاجی ایل بک دخی دیمتوقه یه  
 خسارت ایلد کد نصکره هریج نهری کنار ایله قرا و قصباته اقیق  
 ایدرک بورغاز نام قصبه بی کندوسنه مسکن ایدنک اوزره فتح ایدوب  
 یورداتخاذ ایلدیکندن کندو نامه نسبت اوله رق ایل بکی بورغازی  
 دیرلر ایدی خداوند کار حضرتلری ایله ذکراولنان امر اجمع اولوب  
 اندریاناپو لپسی دنیلان ادرنه شهرینک فتح و تسخیر اولمنسده دائر  
 مشاوره د نصکره شهر مذکور المغه نیت اولنوب رایات همایونی  
 بابا اسکبسی جاننده قالدیروب کوس غزای عزیمتی ادرنه فتحی ایچون  
 چالیدیلر چونکه ادرنه شهری ارده و هریج و طونجه نهیرلرینک  
 برلشدیکی محله بولنوب بلغارلر ایله روملرک اراسنده اولان شقاق  
 واختلافدن طولای و تراسیا ایالتنک هرگزنده بولندیغی جهتله مشهور  
 اولدیغندن بشقه روم ایلی قطعه سنی الده حفظ ایتک اوزره ادرنه  
 شهرینک ضبط و تسخیر اولمنسی ایجاب مصلحتدن اولغله لالا شاهین  
 پاشا بوماده نک فعله کتورلمسنه مأمور اولوب اقیقچی اوله رق کوندردی  
 ایمدی لالا شاهین پاشا بکار بکلی ملا بسه سیله مقدمه الجیش اولق  
 اوزره سازلی دره دنبرو ادرنه نواحیسنی یاقه رق اندریابکلری ایله محاربه



ایدرک ادرنه بی محاصره ایلدی حمله و دسپسه فن حربک اصولندن  
اولغله ادرنه نك تسخیر اولمسی درون شهرده بولنانلر ایله مناسبات پیدا  
ایلمکه موقوف اولدیغندن حاجی ایل بک نام سر کرده که رومی الاصل  
ایدی کویا کندو حقنده حضرت پادشاهک معاملات غیر لایقه سندن  
ولالا شاهین پاشانک خصومت و نغسانیتندن دلگیر اوله رق عساکر  
عثمانیه دن امین اوله مدیغی جهتله درون حصارده بولنان پرنسه دخالت  
ایلدی مومی الیه جری وجسور اولدیغندن اسکی رتبه و حیثیتی ضایع  
ایتمیوب ینه سر لشکر اولمش ایدی اولجه مقاوله ایلدی کی عسکر دن برازلی  
چند کون هر ورنده کویا بد معامله کوردکلرندن و روم پرنسلی طرفندن  
حاجی ایل بکه اولان التفاتی ایشدکلرندن برر ایکبشر قلعه طرفنه فرار  
ایلدی لر بو حال ایله عساکر عثمانیه دن قلعه ده خیلی عسکر طو پلنمش  
اولدیغندن جمله سی بالاتفاق قلعه قیوسنک بریسی آچوب محاصره ایدن  
عسکر عثمانیانی جلب و دعوت ایتشلر ایدی ارتق بو مرتبه دن صکره درون  
حصارده بولنان روم پرنسی صدمه عثمانیانه تحمل ایده میسه جکلی  
بیلدی کندن هر یج نهر ینک طغیان ملا بسه سیله بر کجه وافر مالی و اولاد  
و عیالی ایله نهر طریقندن اینوزه طوغرو قاچدیغی قلعه ده قلانلرک  
معلوملری اولنجه اهالی امان دیلیوب قلعه بی لالا شاهین پاشایه تسلیم  
ایلدی کلری زمان خداوند کار غازی دخی بابا اسکبسی غائله ها ئله سنی  
بر طرف ایدوب لالا شاهین پاشایه امداد ایچون کلش ایدی یدیوز التمش  
ایکی سنه سی عساکر عثمانیان ایله ابتدا بکلر بکی اولان لالا شاهین پاشا  
کیروب برج حصاره علامت فتح اولق اوزره عملردیکیلوب طوپلر اتلقدن  
صکره خداوند کار غازی دخی بقیه عساکر ایله دخول ایدوب برازمدت  
آرام و استراحت بهانه سیله شهرک خراب اولمش یرلر نی تعمیر ایتدرد کلری



اثناده روم ايلي بكار بكي اولان لالا شاهين پاشاي ز غره و فلبه  
 طرفلرینه و غازي اورنوس بكي دخی اصاله اطرافنده بولنان کویلری  
 زیر سایه عدالت عثمانیه جلب و دعوت ضمنده ارسال ایلدیلر  
 روم ایلینک و بلغارستانک طرف طرف فتح اولنوب عساکر  
 اسلامک مال غنایه قبولدیغی انا طولی اها لیسنه طویولدیغی  
 آنده کلیبولی معبرندن فوج فوج ترکلرک کچوب کلدیکنه مقابل مال  
 غنایم ایله برابر غازیان اسلام الالرنده بولنان اسیرلری دخی انا طولی طرفنه  
 نقل و ایصال ایلدکلرندن خمس شرعیسنی الموق اوزره علمادن قره رستم  
 فتوی و یرمش ایدی شویله که قرمان دیارندن جهاد یتیلر روم ايلي  
 طرفنه کچن قره رستم اسیرادن خمس شرعی النمدیغی کورنجه قاضی  
 عسکرلک خدمتیه وزارت مأموریتنی حائر اولان خیرالدین پاشایه واروب  
 پادشاهه عائد اولان مالی نیچون تحصیلده مسامحه ایدوب ضایع ایدرسین  
 جهادی براغوب اسیرلر الوب ولایتنه کیدنلردن بشده بریسی مشروع  
 ایدوکن بلزمه سین دیدکده کیفیت خداوند کار غازی حضر تلرینه  
 افاده اولنوب مولانا قره رستم تلمطیف و اعزاز اولندقد نصکره خدمت  
 مذکورک اجرا سیچون کلیبولی اسکله سنه تعیین قلنه رق بوغازی  
 کچن اسیرلردن یکر می بش الحقه الدی ایمدی عساکر بووضع جدیدی  
 بیلدکده اسکله لره اسیر آسیرا ایتوب بعض قاچر مه لرو بعضا دخی  
 اولدیغی محله کیر ملک وینه الدیغی یره صاتمق کبی قاریشقلقلر  
 اولدیغندن لالا شاهین ایله اورنوس بکه احرا اولندیکه اقیندن و چاپولدن  
 النان اسیرلردن بش نفرده بریسی سلطان ایچون النسون اکر اسیر  
 بش رأسی تجاوز ایتامش ایسه بهرنندن یکر می بش الحقه تحصیل  
 اولنسون و بو اسیرلرک بشنده برینی و بهرنندن یکر می بش الحقه الموق



خصوصی حیلہ وارتکا بدن عاری اولمق وعسا کرک افکارینی فساد  
وقیل وقالدن منع ایتک ایچون اقینجی قاضیلری نصب اولنوب پنچیک  
رسمی احداث اولمشدر واشبواقینجی قاضیلری دخی صکره دن اردو  
قاضیلخی عنوانه تحویل اولندی

اسکی ویکی زغره وقلبه نوا حبسیله ادرنه حوالہسی فتح اولندقدن صکره  
یدیوز التمش د رت سنہ سی خداوند کار غازی دار الملائک بورسایه  
عودت بیوره جقلرندن لالا شاهین پاشایی ادرنه ده واورنوس بکی  
دخی بلغار و صرب حدود لری نیک محافظہ سی ماده مهمہ سنہ مأمور  
ایدوب کند ولری بورسایه توجه وعزیمت بیوردیلر حاجی ایل بکی  
اواشنادہ فوت اولد یغندن انکدخی مأموریتی غازی اورنوس بکہ حوالہ  
قلندی وکلیبولی ساحلہ وصوللری کونی وزارت ایلہ قاضی عسکرلکی  
جمع ایدن خیرالدین پاشادن قاضی عسکرلک خدمتی تقریق اولنہ رق  
مولانا قرہ رستمہ توجیہ اولندقدن صکره اورادن بیغا طرفنہ کچوب اول  
دیاری دخی فتح ایلدیلر بعدہ دار الملائک بورسایه عودت ایدرک روم ایلندہ  
فتوحات عظیمہ نیک اعلان و اشاعہ سی ضمنندہ قرہ زغیم ایلہ قرمان اوغلو  
علاء الدین بکہ و کرمان حاکی واسفند یاربک طرفلرینہ و عجم شاهی  
شاه اوئیس و عراق عجم پادشاهی امیر مبارزالدین طرفلرینہ و حیدایلی  
حاکی حسین بکہ بشقہ بشقہ نامه لراسال اولتمشد

ذکر اولنان نامه  
همایونلر فریدون بک  
مجموعه سنده مقیددر

بواشنادہ زغره وقلبه نیک فتح واستیلا سنہ مأمور اولہ رق بکلر بکیلاک  
عنوانیله روم ایلندہ براغلمش اولان لالا شاهین پاشایانندہ بولنان  
غازیلر ایلہ مریج نہری طریقہ قلبہ شہرینک استیلا سنہ عزیمت  
ایلیوب بلغارلرک اسانید فاملیا سندن اولمق اوزرہ شہرمذ کورک  
قوماندانی اولان پرنس قلبہ قلعه سنی تسلیم ایدوب کندوسی اموال



و اشیا سنی و متعلقات و اقربا سنی بالا استصحاب بلغراد جا نبنه  
 یعنی صرب قرالی یا نه فرار ایلد یکی خبر بشارت اثری حضرت  
 خداوند کاره بورساده واصل اولد قده تشریفات پادشاهی ایله  
 مشارالیه لاشاهین پاشا تلطف و تکریم اولند قد نصکره هجرتک  
 یدیوز التمش درت سنه سی قلبه وزغره و کولجنه و کوستندیل وادرنه  
 و دیمتوقه شهرلرینک ضبط و تسخیری ملا بسه سیله اورالردن  
 چقان بلغار و صرب بانلری و روم پرنسلی و یوسنه و افلاق بکلی  
 برلشوب عموم اوزره هجوم ایتک ایچون عظیم تدارک اوزرنده  
 اولد قلیزینک خبری روم ایلی جانبندن کلمش و خداوند کار غازی دخی  
 بتکرار روم ایلی یقا سنه ایاق با صمغه نیت ایتمش ایکن قره سی  
 دیاری کارنده بیغانام قلعه یی برطاقم عاصیلر استیلا ایلوب  
 روم ایلی طرفنه کیدن و کلانلره قورصا نلق ایتد کلرندن اول امرده  
 بیغانک فتح اولنسی مناسب کوریلرک قلعه اوزرینه هجوم ایتد یلر  
 بواشاده روم ایلنده بولانان ملل متفقه عساکرینک التمش بیک نفوسدن  
 عبارت اوله رق ادرنه یه ایکی مرحله بعید مریح کارینه نزوللری  
 لاشاهین پاشانک مسموعی اولیجق اورتوس بکی دیل المغه ارسال  
 ایلدی میر مشارالیه دخی کندویه موافق براز دلا ورلر استصحاب  
 ایدرک دشمن اردو کا هنه کلوب نظر ایلد کده اچقدن اچغه  
 محاربه یه طور و شمع ممکن اوله میه جغنی ییلدیکندن کیجه خبر سزجه  
 باصمق و الحرب خدعه مضمونیه عمل ایدوب برحیله تدبیر ایلک لازم  
 کلدیکی برلکده اولان غازیلر ایله بعد المذاکره قرار و یروب قر بنده اولان  
 مېشه لکه کیروب اورتالغک قراروب کیجه اولسنه منتظر طور دیلر  
 چونکه کیجه اولوب صولر قرار قده غازیلر درت فرقه یه منقسم



اوله رق طبول ونقاره چالوب صدای الله الله ايله طرف طرف دشمن  
 اردوگاهنه هجوم اولندیغی وقت گروه متفقین دخی کندو عسکر لرینک  
 کثرت و وفرتنه مغرور اوله رق خواب غفلته طالمش قالمش ایدی اردو  
 ایچند دظهور ایدن قاریش قلیق سببیه او یانوب سلاحه یا پشمش ایدده  
 بولند قلیری موقعک بریانی طاغ و بر طرفی نهر صریح اولدیغندن تلاش  
 واضطراب ايله اکثر یسی کندولرینی صویه اتوب التمش بیک نفوسک  
 جله سی تارمار اولوب برقاج ساعت مدته مضحمل اولدی لر و اول  
 اردوی عدو ایچنده حساب به کلز اموال واسلحه غازیلر الارنده تقسیم  
 اولنه رق پادشاهه لایق اولنلری افراز اولندی که بو واقعه شایعه  
 هجرتک ید یوز التمش یدی تار یخنده اولوب روم ایلنده اولان غزواتک  
 اک مشهورلرندن اولمغله صحرای مذ کوره الیوم صرب صندیغی دیرلر  
 ایددی محاربه مذ کوره مجار لولک عثمانیان ايله اولان محاربه لرینک  
 ابتدا سیدری یعنی مجار لولر او وقتته قدر عثمانیانک قوه قاهره سنی کور محبوب  
 قلیچلرینه باش کسدر ممشلر ایدی التمش بیکه قریب اولان متفقین عساکری  
 اون بیک نفر دن عبارت اولان عساکر عثمانیه نک قارشو سنده تیر بوز ولوب  
 منهزم اولمقلرینک سببی عساکر متفقینک اردوسی نظامسز اولدیغندن  
 بشقه مأموللری اولان غلبه بی هر ملت کندوسنک غیرته حصر ایتمکی  
 استدکارندن اتفاقلرینه تفرقه مستولی اولد قده منهزم اولمشلر ایدی  
 اشبو غلبه نا که ظهور حضرت خداوند کار کامکاره موجب سرور و حبور  
 اولدیغندن محاربه ده ابراز شجاعت ایدنلره تحسین و تلطیفی شامل فرمانلر  
 ايله بعض اراضینک تملیکنی حاوی امتیازات مخصوصه ايله ملک نامه لر  
 کوندر د کد نص کره کندولری عنان عزیمتی دار الماک بورسایه دوندیروب  
 شهراده لری بایزید جللی و یعقوب جللی و صاودیمچی بکی ختان ایتمک اوزره



سور مستوجب السروره بدأ اولنوب امرای دولت وارکان مملکت علی  
 مقادرهم و مراتبهم دعوت اولنه رق اعزاز و اکرام ایله ایکی هفته قدر انواع  
 لعب و لهو ایله امرار وقت اولنوب امر مسنون ختان اجرا اولندقد نصکره  
 داخل حکومتده اولان بلاد و امصارک معموریتی خصوصاً دارالملک  
 اتخا ذ اولنان بورساک دروننده بعض آثار خیریه نک میدانه  
 کتورلسنه همت اولنوب بورسای سرایی قارشوسنده برجامع شریف  
 ایله صبیان و اطفالک تعلمنه بر مکتب منیف و عمارت عامره بنا  
 و مسقفات و افره دخی تخصیص بیورلمق کذلک مد رسه متعددده  
 و حمالر و آینده و روند ه ایچون چاده لر و شاهراهلر کشاد اولنسی  
 لایح ضمیر پادشاهی اولمش ایسه ده طرز نوین اوزره متین و مستحکم  
 یاپلمسی خصوصنه نظارت ایتک ایچون معلوماتلی بر معمارک وجودی  
 لازم کلمش ایدی او کونلرده روم ایمر اطوری بولنان یانی پاله لوغ  
 هر نقدر خداوند کار غازی ایله معاهد ایسه ده ولی عهدی اولان  
 مانوئل پاله لوغک غیرت و اقدامیه یالوه و ازمد طرفلرینه علی الغفله  
 هجوم ایلدیکندن استانبولدن معمار جالبه زمانک مساعدده سی یوق  
 ایدی الحاصل روملرک هجومنه عساکر عثمانیه دخی مقابله ایده رک  
 رومیلری کیر و استانبول جانبنه اعاده ایلدکلری حالدیه بر قاج یوزاسیر اخذ  
 اولنه رق درگاه پادشاهی یه تقدیم ایتشلر ایدی مکرز کر اولنان اسیرلر  
 ایچنده فن هندسه معماریه ده ماهر بر کیمسه بولنمغله پادشاهک مظهر  
 حسن نظری اوله رق یاپلمسی منوی ضمیر اولان آثار خیریه نک رسملری  
 معمار مذکور سپارش اولنوب عمله و فعله نک نظارتی دخی کندوسنه حواله  
 بیورلادی بورساده اخلنده اولان آثار خیریه نک ختامند نصکره معمار مذکورک  
 نظارتیه بیله جکده و میخا لیجده و مانیا سده و کونان و قره سی ده



وادرنه ده و دیتوقه ده چشمه و معابد و زوایا دخی یاپدیرلمشدر بواشاده  
 مجار قرالی ستر سموند دخی ککند و حقنه ده خطر لو اولان  
 محاربه دن قورتلد یغنه تشکرا منا ستر لرا نشا ایتدرد یکی وقت  
 ککوستندیل متصرفی قسطنطین نام بلغار پر نسی دخی حضرت  
 پادشاهه اظهاریتا بعیت ایتش ایدی

چونکه روم ایلنده متفقین طاقنک بتکرار غیرته کلوب ادرنه و فلبه  
 اوزرینه عساکر ککیره ایله یورویوب روم ایلنده بولسان  
 عساکر عثمانیه نک درجه ککفایه ده اوله مدیغنک بیانیله پادشاهک  
 بالذات انا طولی لشکری ایله روم ایلی طرفنه ککچمسی خصوصی  
 بکاربکی لالا شاهین پاشا طرفندن استدعا اولندیغندن خداوندکار  
 حضرتلری دارالملککرندن روم ایلی سفری ضمنده ازا جق اوزا جق  
 اولمشلرایدی کرمان اوغلاری روم ایلی پرلورینک اتفاق اوزره  
 هجوملرینه عثمانیان مقابله ایده میوب بریشان اولورلر افکار فاسده سنی  
 میدانه قویوب ممالک عثمانیه په هجوم نیتیه عساکر تدارک ایتک اوزره  
 ایکن عنایت جلیله ربانیه ایله اعدای متفقینه فوق المأمول غلبه  
 اولدیغنک خبریه خداوندکار حضرتلرینک روم ایلی طرفنه ککچوب  
 کیتسنه حاجت قالدیغنی و عودت اولنوب دارالملک بورساده  
 اسایش عبادده مشغول اولدقلری طبلو نجه کرمان و قرمان زاده لر  
 ایتدکلری خطالرینه اظهارندامت ایدرک بری لارنده و دیکری قونیه  
 طرفنه هزار عجز و اضطرار به چکلمشلرایدی خداوندکار حضرتلری  
 ایسه ذکر اولنان بککرممماشات و مدارالرینه الدائموب (بیت) حسد  
 قلب عدو لطفله خفت بولمز \* سنکده مضمرا اولان آتیشه آب  
 ایتز اثر \* فواسنجه بونلرک حسد و استرقابلری لطفله دفع اولیه جغنی



دخی پیلورل ایدی بناء علیه کندولرینه حدلرینی ییلدرمک اوزره بروقت  
مناسب کوزه درلر ایدی

هجرتک یدیوز التمش سکز سنه سی دارالملک بورسادن عسا کر  
ظفر مأثر ایله کوس عزیمتی چالدیروب اردوی همایونی کرمیان  
دیاری یولنه قالدردی بو خبر دهشت اثر قرمان حاکی علاءالدین  
بکه واصل اولنجہ ایتدیکنه پشیمان اولمش ایسه ده فائده سی  
اولدیغندن صماغار وچاودار و وارسیق تاتارلرینک سرکرده لرینی  
مواعید عرقوبیه ایله الدادوب دعوت ایتدیکی صیره ده ایالت عسکرلرینی  
دخی طوپلیوب جمله سی الیرنده حربہ حربہ حاضر اولمشلر و اوزرلرینه  
سیل کھسارکی طرف طرف یورو یوب طاغری و اووالری یورو یوب  
کلان جیوش دریا خروشه قارشو واروب سد آھنین اولمق دیله مشلر  
ایسه ده امواج چری باشلرندن آشوب قنطره عفو عثمانیدن بشقه  
کچہ جک محل اولدیغنی بیلرک درگاه پادشاه ظفر پناھہ ایلمی کوندروب  
دامن امانہ واردیلر یا وار دیلر و کرمیان بک پیر اولدیغندن امر امارتی  
اوغلو یعقوب بکه حواله ایدوب آل عثمان ایلہ خوش کچنمسنی وصیت  
و کریمہ سی سلطان خاتونی دخی خداوند کار حاضر تلرینک  
شہزاده لرندن یلدریم بایزیدہ تزویج اولمسنی نیاز ضمنده علما سندن  
اسحاق فقیہی ارسال ایلوب شرف مصاہرتہ نائل اولمقده اولسون  
بزکلمہ سواحل احوالنه چونکہ حضرت خداوند کار اناطولی  
عسا کر یلہ کرمیان دیارینہ توجه ایلدکده سواحلده بولسان مواقع  
عثمانیہ نک قوہ حر بیہ سی دخی درون السکایہ متوجه اولمسندن بیغا  
حصارینی روملر بتکرار ضبط ایدوب بزانیسیوایمپراطوری یوانی پائولوغ  
ایلہ دخی بوبابده متفق اولدقلری جهتله سفاین حر بیہ ایلہ روم



عساكرينك سواحله طواذقلرى حضرت خداوندكار كامكاره اخبار  
اواندوده غيرت عثمانى اقتضاسنجه اردوى همايونى اولدياره سوق ايدوب  
سحاب آسمانى مثلاودشت وهامونى قاپليوب جداول انهار اورمانى كې  
ساحله اينوب آتش كارزارى ياقغه حاضر لمانلرك اوجاقلرى  
سونديريلوب كندولرى كلدكلرى دياره خائب وخاسر دونديرلدى  
ايمدى بموقعه يعنى بىغانك بتركرافتى وروئلك كلدكلرى طرفه دفعى  
خصوصى هجرتك يديوزيتمش سنه سنده اولمش ايدى

چونكه شهر يار كامكار ممالك شرقيه ايمپراطور اخى طرفندن يالوه سواحله  
طوغرو اولنان غارت وخسارتى هر نه ايسه عفو ايلد كد نصكره بتركرا  
بىغانك اوزرينه هجوم اولمق خصوصنه دخى جسارت ايدوب قالقشديغى  
ارتق عذرى و عفو قائل اوله ميان نقض عهد قىلندن اولمغله  
ايمپراطورك ممالك عثمانيه حقنده اولان حرمئىز لکنه مقابل اوله رق  
روم ايلي بكار بكي لالا شاهين پاشا ايله غازى اورنوس بك استانبول  
ناحيه زىنى اوروب غارت ايتك اوزره مأمور اولدقلرندن ذكر اولنان غازيلر  
يديوزيتمش برسندسى اواخرنده چرى كشير ايله سلورى اوزرينه وچكجه  
واياستافنوس كويلرينه قدر الغار ايلديلر بواشاده حضرت خداوندكار  
دخى شهزاده لرى صاويچى بكي ديكر شهزاده لرى ايله بورساده براقشلىر  
وكنديلرى فتوحات جديده ارزوسيله روم ايلي طرفند سيل روان كې اقشلىر  
ايدى لالا شاهين پاشا ايله براكده اقينه كيدنلر ايكي بيك مقدارى دشمن  
اعدام ايلوب اموال غنائم ايله كلوب اردوى كيره ملحق اولدقد نصكره  
جمله سى بردن كوچك بالقان دنيلان استرانجه طاغرينك سلسله سى  
اعتبارنجه چتالجه قريبنده اينجكزه طوغرو وعزيمت ايدرك اتناس ديوارى  
خرابه سندن كچوب قره دكر ساحلنده واقع قره بروندين طموز دره سى



و کلیوس و بلغراد کو یلرینه قدر چاپول ایدوب قوشارلر ایکن اول  
حوالیده بولنان یراولر اپولونیادیلر بر حصاره اشیاء موجوده لرینی حفظ  
ایدوب کندولری دخی تحصن ایتشلر ایدی حتی روم ایمپراطورلرینک  
ذاتلرینه مخصوص اولدیغندن خاندان ایمپراطوری یه منسوب  
اولنلرک دخی اموالی اوراده محفوظ ایدی الحاصل حصارمذ کوراون بش  
کون مقداری محاصره اولنش ایسه ده اویله محاصره ایله تسخیر  
اولنه میه جغی معلوم اولغله عسا کر موجوده نک عودت اولنسی امر  
اولندیغندن هر کس یول تدارکنده ایکن پادشاه حضرتلری دخی  
بر طرفه چکیلوب صحرا ده بولنان اغاجلردن بر چنار اغاجی التنده  
مذکور حصارک فتح اولنه مدیغنک سبیلرینی ارادقلری وقت قضای  
ناکهای قبیله ن اوله رق حصارک بر دیواری مترزل اولوب متعدد  
سوراخلر و بلکه فتح حصاره شاهراهلر اچلندیغنک مرده سی ذکر اولنان  
چنارک سایه سنده اوطوردقلری زمانده کله چنارمذ کوره دولتاقبا اغاج  
یا خود موطلو چنار تسمیه اولنشد در حال لاشاهین پاشا موجود اولان  
عسا کر ایله درون قلعه یه اعاده ایتدیریلوب سیم وزردن هر نه بولندی ایسه  
پادشاه عرض اولندیغی صیره ده بر چوق التون طاسلردخی بولغله  
خدمه پادشاهی ذکر اولنان طاسلری باشلرینه کیوب خسرو بهرام  
غلامک حضورینه کیروب قارشو سنده طوردیلر وزیرای عظام اول زینتی که  
موجب سلطنت وشوکت ایدی پادشاهک خدام گرامی حقنده مناسب  
کورمکله صیرمه اشله والتون قاپله اسکوفلر بوند نصکره احداث اولندی  
وبونلره زر کلاه دخی دیرلر ایدی اشبو اسکوف روملرک کیدکلری اسقوفیاتک  
التون ایله ایشلنشدیر وعهد مذکورده روم ایمپراطورلرینک خدمه سی  
وا کابرناسک کنجلی بویله تکلفلی کیجه لیکلر کیوب کوندز دخی مقام



خد متده بولنورلرایدی خلاصه کلام امپراطور پائولو غ  
 ایدیکنه اظهار ندامت ایدرک صلحه طالب اولدقدنصکره حضرت  
 خداوندکار دخی عسا کر نصرت شعاری قالدیروب یوللرده بولنان  
 فقرا وضه صفای انعام و احسان ایله طیور روب ادرنه شهرینه عودت  
 ایله هر کس یرلورینه نزول ایتد کیری حالده وزیر کبیر خیرالدین  
 پاشای شهری سردار ایدوب روم ایللرینی اجماغه کوندردیلر  
 وغازی اورنوس بکی دخی زخنه و سیروز طرفنده اولان ولایتلری فتح  
 ایتکه تعین ایلوب کندولری ادرنه ده قالدیلر لکن غازی  
 اورنوس بک بوندن اوج سنه مقدم حاجی ایل بکک صریح نهری  
 کارنده موفق اولدیغی ظفر و غالبیتی شاهین پاشا چکه محبوب امیر دلیری  
 شربت مسموم ایله تسمیم ایلد یکی غدردن طولای غازی اورنوسک  
 دخی ذات پاد شاهیدن ماعداسنه امنیتی اولدیغنی خیرالدین پاشا  
 اکلادیغندن غازی مشار الیهه بک چوق تأمینات اظهار ایله حربک  
 نتیجه سنده اوله جق شهرت غایتی دخی کند و سنه ترک ایدرک اتفاق  
 ایلوب ابتدا قواله قلعه سنک فتح و تسخیرینه اقدام اولندی ایسه ده  
 حصانت حصار بر مرتبه ده ایدیکه طوب قلعه کوب ایله ظفر بولمق  
 احتمالی یوق ایدی اطراف حصار ی طولاشوب ارشدیررلر ایکن  
 دیوارک دیدنده بردلیک اولوب قلعه نک ایچنده نبغان ایدن صو  
 اورادن جریان ایدرایدی خیرالدین پاشانک غیرت وتشویقیله  
 غازیلردن برقاج فدا کار کیجه یاریسی اولد قدده مذکور  
 دلیکدن ایچرویه کیروب نو بتجیلرک غفلتی ملا بسه سیله کیمسه نک خبری  
 اولمقسزین قپویی آچوب ضرب دست ایله قلعه بی فتح ایلدیلر اورادن  
 درامه او واسنه وارد قلرند خلی اطاعت ایلدیکندن امان و یریلوب



دلی بلبان نام سنجاق بکی دخی سیروز فتحنه ارسال و برطاقم عسا کری  
چتروز طرفنه اعزام ایدوب مشهور اولان طوزله سنی ضبط ایدرک  
زخنه و وودینه بی دخی ممالک عثمانیه ربط ایتدیلر و ایچنده بولنان  
اهل حربك قوتی کسر ایدوب کندولرینی دها اوزا قله  
آتدیلر کیتدیلر

چونکه دلی بلبان سیروز فتحنه مأمور اولدیغی اوزره بر مقدار سواری  
ایله طاغری آشوب سیروز قلعه سی پیشگاهنه آلات رزمی قوروب  
طور رایکن صرب قرالی بتکرار غیرته کلوب عسا کر کثیره ایله دلی  
بلبانک اوزرینه بر مرتبه لرده شدتلی هجوم ایشلر ایدیکه عسا کر  
اسلامیه قارشو طور مغه جسارت ایده میوب محاصره قلعه دن فراغت  
ایده رک کیر و عودت ایلمکه نیت ایشلر ایدی عزب بکی ایله دلی بلبان  
عودت ماده سنه بروجله راضی اولیوب اولمک اولوردونمک اولماز دیه رک  
بر او غوردن حمله لراید رک واروشلرینی یاقوب دیوارینی یقصدیلر و علامت  
فتح اولان علمی بروج حصاره دیکوب چیقدیلر امداده کلان  
اعدا عثمانلو ایله باشه چیقلمیه جغنی بیله رک فرار ایدوب صوفیه  
ونیش طرفلرینه طوغرو کتدکری هجرتک (۷۶۵) سنه سنده اولمش ایدی  
بونلردن ماعدا بورلا واسکته و مار و لاشهر لری فتح اولمشدر و بلبان بک  
سیروزی فتح ایلدکن صکره جنکال طاغری بک دربندی پکوب  
پتریج اوواسنده قره صوکار یله قراطوه و دو پنجه اوزرندن صولو  
دربندی آشوب صوفیه شهرینک حصارینی صار دیلر ایچنده بولنانلرک  
مدافعهیه اقتدار لری اولمدیغندن قلعه پی تسلیم ایدوب کندولرینی نیشه  
طوغرو جکار کری حالده قتلک و یوریج حصار لری دخی فتح اولندی  
بلبان بک صوفیه شهرینی یورد اتخا ذایلیوب بلغار و صرب و حروات



کرو هنه سد سدید اولمش ایدی قلبه حواله بنده اوزاق و یقینه اقین  
 ایتکله مشغول اولان لالا شاهین پاشا دخی لاس دیدکلی صرب ولایتنه  
 هجوم ایتک ارزوسیه قلبه دن چیقوب پساپارا یعنی قاتار بازار جغی  
 طرفلرینه دک کیدر ایدی انجق دسپوت طاغلری ایل ویدرنه طاغلرینی  
 طوتان قز در بندی و غابروا در بندی و قیونی در بندی کچه مدیکندن  
 عنان عزیمتی معدنی صیقا قصولرک نبعان ایلدیکی بانال طرفنه  
 توجیه ایل کوستجه طاغلری اوزرندن صماقو اووالرینه عسا کر کثیره ایل  
 یایلد قلرنده اها لسی طوپلنوب جمله سی بردن اطاعت ایلدی لر کذاک  
 اختمان شهرنده اولنلر دخی رعیتی قبول ایتدکلرندن رعایت بولدی لر  
 اورالرینی لالا شاهین پاشا حضرت خداوند کاردن کندوسی ایچون  
 استدعا ایتدیکندن مساعده اولمش ایدی بناء علیه مذکور طاغلرده الیوم  
 لالا در بندی نامیه بر محل موجود در الحاصل لالا هین پاشا سکسان  
 یاشنی متجسوز بولمق ملا بسه سیله بعد ازین محاربه نره بالذات  
 کیده میه جکنی ییلدی رملک اوزره ایکن یدیوز یتش درت سنه سی  
 وفات ایلدیکندن روم ایلی بکلر بکیملکی منصبی صامصه چاوشک  
 اوغلوتیمور طاش پاشایه عنایت بیورلدی

بزینه خیرالدین پاشا ایلغازی اورنوسک غزواتنی تفصیل ایده لیم  
 بلبلان بکی سیروز فتحنه ارسال ایلدکلی زمان کندولری دخی سپاه  
 ظفر پناه ایل عورت حصارینی و واردار یکیمه سنی و اطرافنده بولنان  
 پالوقا ستروووزیترا امثالی کویلری غارت ایدرک وودینه نهرینی  
 کچوب تسایرماغی ساحلنده واقع قره فریه نام شهرک قلعه سنه  
 تقرب ایتدکلرنده اها لسی مقابله یه مقتدر اوله میوب امان ایل  
 قلعه بی تسلیم ایدوب کویلر دخی رعیتی قبول ایتکله سیوف قاهره



عثمانیه دن جانلرینی و ماللرینی قورتاروب امین اولدیلر چونکه ما کدوניה  
ایالتک اکثر طرفلری ممالک محروسه عثمانیه یه سهولتله ادخال  
اولندیغندن عساکر عثمانیه یکیدن غیرت کله رک صار یکول کنارندن  
مناسیر شهرینه واروب حصارینی صار دیلر ومدت قلیله طرفنده تسخیر  
ایدوب جیوش دریاخروش ایله سمت ساحله طوغرو جوش ایدوب  
انبارکوی و بش طاش ولانیا کویلری سمتدن و کول طرفندن سلانیک  
شهرینک محاصره سنه اقدام تام کوستروب فتح و تسخیرینه اهتمام  
ایتدیلر ایسه ده شهر مد کورما کدوניה ایالتک کرسی اداره سی  
اولدیغندن بشقه روم ایمپراطورلغندن دخی بعض امتیازات مخصوصه  
ایله ایرلش بیاغی بر حکومت مفرزه مثلوا اداره مستقله تحتده اوله رق  
روم ایمپراطورلرینک خاندانندن برپرنسک حکمنده ایدی آثار قدیمه نک  
کثرتی ملا بسه سیله اسکیدنبرو مشهور و معمور بر شهر اولوب قلعه سی  
متین لیمانی هر نوع روز کاردن امین بر شهر جسیم و دلنشین ایسه ده  
مستحکم اولغله فتح و تسخیری قابل اوله مدیغندن کویلرینی یقوب باغ  
و باغچه لری یاقوب خراب ایدرک سیروز طرفنه چکل دیلر کتدیلر سلانیک  
حکمداری اولان مانوئل پائولوغ عثمانلونک سلانیک اطرافندن چکل دیکنی  
وسيله فرصت اتحاد ایلدیکندن سیروزی عثمانلودن المق مر امیله  
هجوم ایتدیکی حضرت پادشاهک مسموعی اولجه وزیر اعظم خیرالدین  
پاشایی عساکر کثیره ایله بتکرار اعزام ایتدکلرنده مانوئل مذکور قهر  
قهرمانی عثمانیه تحمل ایده میه جکنی بیلدیکندن سیروز و نوا حبسنی و سائر  
الیدیخی یلری ترک ایتدکله دخی کندودائرة حکومتده راحت بوله میه جغنی  
درک ایدرک ایتدیکنه اظهار ندامت ایله بولندیخی مضیق اضطرار بدن  
بحر افرا و استانبولده پدرینک یانه التجا ایلش ایسه ده بزانیس و ایمپراطوری



بولان پدري دخی کندوسنی اوغلو ایله مشترک ظن ایدر لر خوفنه مینی  
 اوغلونی یاننده توقیف ایله میوب دفع واستقال ایلد کده بی چاره  
 مانوئل هزار ندامت ایله اطه لرده واقع جنویز بکارندن بریسنه دخالت  
 ایتک استه مش ایسه ده او دخی حضرت پادشا هسک صد مات  
 قاهره سندن جکیوب قبول ایده مدیکندن ارتق مانوئلک ایشی پک  
 فنا لشوب اعتراف قصور ایله درگاه عالی پادشاهی یه یوز سورمکدن  
 بشقه کندوسنه نجات اولدیغنی بیله رک بارگاه همایونه کلد کده حضرت  
 پادشاه مانوئلی نوازشله قبول ایلد کدنصکره پدري اولان استانبول  
 ایمپراطوری طرفه اعزام ایلدی بعده حضرت خداوند کار ادرنه دن  
 حرکت ایدوب کلیبولی طریقله اناطولی طرفه کچه رک دارالملک بورسایه  
 عودت بیورد قلرنده سابقا کر میان بکک کریمه سی یعنی یعقوب بکک  
 همشیره سی اولان سلطان خاتون شهرزاده مکریم بایزید حضرت تیری ایچون  
 نشانلمش ایسه ده روم ایلنده ظهور ایدن غوائل ملا بسه سیله رسمانکاح  
 وزفافی تأخیر اولمش ایدی روم ایلی و اناطولی احوالی بر طرف اولوب  
 بزانیس بو طاقیله و صرب و بلغار بکاری ایله صلح اوزره اولد قلرندن  
 حضرت خداوند کار دخی اناطولی طرفه نقل ایدوب دارالملک بورساده  
 سور مستوجب السروره مباشرت ایلدیلر شویله که سلطان خاتونه ظاهرده  
 جهاز بدلی اولمق و معناده دخی سلطان مراده هدیه اوله رق اسحاق  
 خواجه نام وزیر ایله کوتاهییه واکردر و طوشانلی و سیمایو نام شهر لرک  
 مفتاح لرینی باب عالی خداوند کاره تقدیم ایدرک یلدریم بایزید حضرت تیرینه  
 عقد اولمق خصوصنه قرار و یریلوب سور ترتیباته دخی بدأ اولندیغندن  
 اناطولی دیارنده بولان حکام کرامه و مصر و شام و حلب حکمدار لرینه  
 و بغداد و عراق عجم ملوکنه دعوتنامه لر نشر و اطاره اولوب دعوت



بیورادقدنصکره ممالك عثمانیه ایالاتنده بولنان حکام و احرا و علما و اعیان  
 باجمعهم دعوت اولمغله فوج فوج مسافر لر کلکه باشلیوب ملوک کرام  
 طرفلرندن دخی هدایای لایقہ شاہی ایله سفیر لر کلکده ایدیلر چونکہ  
 بورساک درونی طار اولدیغندن قر بندہ اولان صحرا یه چادر لر قورلوب  
 مسافر لر دخی رتبه لر ی مرتبه سنجہ اوطور وب ساز و سوزہ آغاز  
 ایدر لر ایکن غازی اورنوس یک هدایای وافرہ ایله خاکبای شاہانہ یه یوز  
 سوروب کتوردیکی هدایہ ملوکک هدایاسنه فائق اولدیغندن بورادہ  
 تفصیل اولنور اولایوز رأس غلام نیک اندام و یوز رأس دخی جاریہ  
 خوش خرام انتخاب ایدوب ہر برینی انواع اطلس زرین ایله کیدروب  
 اولاون نفر غلام تازہ رو الرنده کوش تپسیلر ایچندہ التون مملو واون  
 نفر جاریہ رومی کذلک الارندہ کوش تپسیلر ایچندہ فلوری طولدیرلش  
 واون نفر غلام دلبرایله اون نفر جاریہ شوق آورا الرنده  
 التون تپسیلر ایچندہ مکوشدن مسکوکات مملو اولدیغی حالده دیکر لر ی  
 دخی ایکی جنسدن اولہ رق یکرمبشر یکرمبشر الارندہ جواہر کرنہا  
 واقشہ فرنگی ورومی ایله عرض کالای عبودیت ایلدیلر حضرت  
 خداوند کار کامکار دخی غازی مذکورک خدمتہ ممنون اولدیغنک  
 بیانیلہ مصر ملک طرفندن کلش اولان اتلری طاقیلہ کندوسنہ احسان  
 ایدوب بونک تقدیم ایلدیکی نقودی دخی فقرا یه و سائر ارباب احتیاجہ  
 تقسیم ایتدردی و غلامان و جواریدن برازینی مصر سلطانی برقوق  
 طرفنہ وبر مقدارینی عجم شاہی او یس خان جانبہ ارسال ایدوب  
 سلطان خاتونی کتورمک ایچون دخی بورساقاضیسی خواجہ افندی  
 و میر علم اق سنقور و چاوش باشی تترخان یک و یک قدر سپاہی  
 و خواجہ افندی یک عبالی و بایزید خانک دادیسی واق سنقورک عبالی



و برطاقم داهای اعیان و اکابر دولتک حرملری برلشوب ارکک و قادی  
 اوج بیک قدر نفوس جمع اولوب کلین المغه عزیمت ایلدکلی زمان  
 کرمیان اوغلو یعقوب بک دخی عثمانیان طرفلوسنه قارشوجی  
 چیقاروب عظیم ضیافت ایلدکد نصکره کلین اولان سلطان خانونی  
 ذکر اولنان اق سنقورک عیالی ایله دادی قادینه تسلیم ایلوب کندوسنک  
 چاشنکیر باشبسی باشاقق اغانی کلین رکابداری ایدرک انواع اعزاز  
 و اکرام ایله بورسایه اعاده اولنه رق زفاف رسمی اجرا اولمشد رک  
 اشبوسورک و قوعی هجرتک یدییوز سـ کسان اوج سنه سنه

### تصادف ایدر

اصحاب تواریح شویله روایت ایدر لر که خداوند کار حضرتلرینک  
 شهرزاده لری یلدرم بازیدخان ایچون تکلف ایلدکلی دوکونه حمید  
 اوغلو حسین بک طرفندن دخی سفیر کلش ایدی و عثمانیانک کوندن کونه  
 شوکت و سلطنتلری زیاده اولدیغنی کوره رک دره بکی کبی یالکراسپارته  
 و قره اغاج و یلواج و تکه شهرلرینک حکومتی ایچون مصر اولره دخی  
 برطرفدن مداهنه ایدوب برقاج پاره شهری حفظ ایلیمکدن ایسه آل عثمانه  
 صامق ایله تحصیل امنیت ایتکی دهها مناسب مطالبه ایلدیکندن  
 بوماده لرک دخی ارکان دولت ایله مذاکره اولنه رق حضرت خداوند کاره  
 عرض و افاده قلمسی خصوصی سفیر مومی الیهه سپارش اولدیغندن  
 دوکون اثناسنده بونک دخی استدعا سنه قرار و یریلوب اق شهری  
 و بک شهری و سیدی شهرینی و یلواج و قره اغاج و اسپارته پی حضرت  
 خداوند کاره صاندیغنی مشعر حجت شرعی دخی الدیلر و ذکر اولنان  
 الی پاره شهرلره مأمورلر ارسال اولنه رق اداره داخلیه سنه نظام  
 ویرادی ایدی مشار الیهک حضرت خداوند کاره فارغ اولدیغنی



شهر لردن بکشهری سلطان علاء الدین سلجوقینک بناسی اولوبینه  
 بو اسمله معروف اولان غدیرک ساحل شرقیسنده واقعدر سیدی  
 شهری دخی بالغی غایت چوق برکوجک کول کنارنده اولوب اق شهر  
 دخی او یله بر بالقلی کول کنارنده کائندر که اق شهر ایله بکشهرینک  
 ایکبسیده سنجاق باشیدر اسپارته دخی حمید سنجاغنک کرسیء حکومتی  
 اولوب سمت غریبسنده یلواج وجهت شرقیسنده اکر دیر  
 کولی واردد قره اغاج دخی اون بش ساعت قدر اسپارته نک غرب  
 طرفنده در

ایمدی اناطولی دیارنده سلجوقیه ممالکین مقاسمه ایدرک طقوز حکمدارلغه  
 آیرلمش اولان الکاتک اوجی حکومت عثمانیانه ملحق اولمشدر که اولسکی  
 قره سی عجلان بکک حکم ایلدیکی قره سی دیاریدر که سلطان اورخان  
 حضرتلرینک عصرنده ضمیمهء ممالک عثمانی اولدی ایکنجی مصاهرت  
 ملا بسه سیله کر میان ممالکی اوجنچی دخی بیع و فراغت شرعی اصولنجه  
 حمید ایلینک بلاد عثمانیه یه ربط اولمشیدر شویله که اشبو طقوز قطعده  
 امارتدن بریسی حربا دیکری مصاهرتا و او بری بیعا حکومت عثمانیانه  
 قارشمشدر لیکن دولت و سلطنت ماده سی دها بریده تقرر و تأسس  
 ایده مدیکندن آسیا قطعده سنک خصوصاً اناطولی الکاسنک برطاقم  
 دره بکی مثلاً و احراً اللرنده تقسیم اولمشنی موجب اولدیغی صیره ده  
 اراصارا کوچک کوچک ادارهء مخصوصه لردخی پیدا اولمش ایدی از جمله  
 دیار بکر سمتنده قره قیونلی طاقنک و مرعش و ایچ ایل طرفلرنده  
 ذوالقدریه طبقه سنک وادنه اطرافنده رمضان بکرزاده لک و قسطمونی  
 طرفلرنده اسفندیار فاملیاسنک تفرد و استقلاللری شایع اولمقده ایدی  
 هجرتک یدییوز سکسان بش سنه سی اول بهارنده حضرت خداوند کار

غدیر صو طو یلمش  
 کوله دینور



بيوك شهزاده لری صاویجی بکی دار الماک بورساده قائم مقام ووکیل  
 براقوب ایکنجی شهزاده لری یلدرم بایزیدی کوتاهییه سنجاغنه وکوجک  
 شهزاده لری یعقوب بکی دخی قره سی دیارینه والی نصب ایدوب  
 کندولری رکاب شاهانه لرینه مأمور اولان امر او عساکری استصحاب  
 ایدرک کلیبولی معبرندن کچوب ادرنه شهرینه عظیم الای ایله دخول  
 ایتدیله وزیر دلیر خیر الدین پاشای شهر ایله غازی اورنوس بکی  
 بر مقدار عسکرایله لاس یعنی صرب ولایتی تخریه مأمور ایلوبوب  
 کندولری درگاه فلک اشناهدده دائما مهیا بولسان سوار انجم شمار  
 ایله ارقه لرندن الغارایده جکنی امر ایدرک ذکر اولنان غازیلری خیر الدین  
 پاشایه قوشوب ارسال ایلدیکندن سواری و پیاده بر چوق عسکرایله  
 دشت و هامونی طوتوب کیدرایکن یولده خیر الدین پاشایه مرض پیری  
 غلبه ایدوب یکیکجه شهرنده وفات ایتدیکنک خبری حضرت  
 خداوند کاره اخبار اولندقدده وزیر نامدارک وفاتنه اظهار تأسف  
 ایلدکنده صکره صر حومک اوغلو علی بکی جلب ایدوب رتبه وزارت  
 توجیه ایله علی پاشا ایدرک ینه اردوی همایونه اعزام و کندولری دخی  
 برکون اول حرکتیه اقدام ایلدی

بو اثناده قرمان اوغلو علاء الدین بکک عصیان ایدوب ممالک محروسه یی  
 یغما ایلدیکی خبری درگاه پادشاهی یه وارد و واصل اولیجق علی  
 پاشای روم ایلارینک محافظه و حایه سنه مأمور ایلوبوب کندولری  
 تمرطاش پاشانک بر مقدار صرب عساکری ایله اناتولی طرفنه کلوب  
 معیت شاهانه ده بولندرق قرمان سفرنده برابر اولسی امر اولندیغنه  
 مبنی تمرطاش پاشا بر طرفدن حضرت خداوند کار دخی بشقه یولدن  
 اناتولی دیارینه کچوب کوتاهییه ده برلشد کد نصکره قرمان ممالکنه



کوس غارتی چال دیروب لشکر جراری قالد یردی

بو ائناده مصر سلطان ی برقوق طرفندن سفیر مخصوص کلوب  
طبقه اتراک انقراضیه چرا کسه نک حکومتلرینی تصدیق  
ایتدرمک اوزره حضرت پادشاهه هدایای کثیره تقدیم ایدرک  
مداهنه ومدارا یولنی الترام ایتمش ایدی

زیرا اناتولی وروم ایلی الکا سنیده حضرت خداوند کارک شوکت  
واستقلال مشهور اولوب قوت و اقبال ایلارده دیلارده مذکور اولدیغندن  
طبقه اتراک حکومتلرینک انقراضیه طبقه چرا کسه نک اقلیم مصری  
ضبط ایدوب حکمدار لر اراسنده طائلسنی حضرت خداوند کاره  
اولجه تصدیق و قبول ایتدیرمک آسیا قطعه سی اوزرنده بولنان حکمدار لر  
عظیم تأثیری اوله جغنی بیلد یکنندن طنطنه لی بر سفارتنک معیت  
پادشاهیده بولمسنه غیرت ایلوب هم سلطنت عثمانیه علیهنه اوله رق  
قرمانلور ایله متفق اولدیغنی دخی بیلد یرمک اوزره سفیرک ارسال  
واعزامنده تعجیل ایلدیکنندن پادشاه حضرتلرینه کوتاهیه شهرنده  
ایلجی بولشوب هدیه لرینی تقدیم ایلوب طرف پادشاهیدن دخی هدایای  
مناسب ترتیب ایدیلرک ایلجی مسفور اعاده اولند قد نصکره  
یوله عزیمت ایلدیلر

قرمان اوغلو علاء الدین بک صماغارلو عشیرتنک امیری خضر بکی  
واولوس کوچبه لرینک سردار شهیری مبارک بکی و جاودار عشیرتنی  
وبالجمله حرب و ضربه مقتدر اولانلری طوپلیوب مقابله ایچون  
یرندن قالقوب یورودی انجق حضرت خداوند کارک حرکتی و قوتی  
اکلامق وجنک ایچون قارشو کلکده اولدیغنی اکلاتمق اوزره اشته بن  
جنکه حاضر م اکر صلح مراد ایدر لر ایشه اکادخی موافقت ایدرم حد



اواسون عسکر چوقدر صواش و اوغراشدن کیر و قالمام خبریله بایق  
 اوغلو علی بکی ایلمچی اوله رق اعزام ایلوب ایلمچی مسفور دخی  
 مأموریتی خداوند کاره سویلد کده حضرت پادشاه اسلام پناه  
 دخی بنم قصد دین یولنده غزا وجهاد ایدوب نور اسلامی آفاقه  
 نشر ایتکدر

دین اوغورنده فی سبیل الله چالیشان دلاورلرک خانانلرینی غارت و یاغما  
 ایلان باغینک مضررتی مسلمین اوزرندن رفع ایتک غزای اکبردر صلح  
 اولق احتمالز اولز جوابیله سفیری اعاده ایلدی ایلمچی دخی کیفیتی  
 قرمان بک زاده علاء الدین بکه یلدرد کده صماغار امیری خضر بک  
 واولوس قبیله سی کبیری مبارک بک و دیلمچی اوغلو پیر علی بک جمع اولوب  
 اولوب دونمک اوزره عهد و میثاق ایتدیلر

حضرت خداوند کار الی بیکنن زیاده عسا کر طوپلیوب کوتاهیهدن  
 قرمان دیارینه طوغرولدقده صلح طلبی خبریله قرمان بک زاده دن  
 بتکرار ایلمچی کلمش ایدی حضرت پادشاه ایلمچینک مأموریتی قبول  
 ایتوب روم ایلینک حانی اصلا ح ایتزدن یوزی اوزره براغوب بو  
 مرتبه لده تکلفات ایله عسا کر قالدیروب یوللره زاد و ذخائر ایندیروب  
 مانع غزا اولنلره غزا ایتکی تصمیم ایتش ایکن نتیجه سز کیویه دونمک  
 احتمالی خاطره کلور شیلردن دکلدردید کده ایلمچی حضور همایونده  
 جوابه تصدی ایدوب آل قرمانک عسکری آل عثمانک لشکرندن دون  
 اولیوب مصالحه یه اولان میل و رغبتزدخی ایکی قوت جسمیه نک  
 اراسنده کرک انسان و کرک حیوان تلفاتی اولسون دیمکدر یوخسه  
 قرمانیان دخی عثمانیانه جنک ایچون حاضر طور مشدریدی حضرت  
 پادشاه خیمه ایچنده صندالیده اوتورمش ایدی ایاغ قالقوب ایلمچی



هذیان سویله سون ادا ب سفارتي کوزتسون بنم قرمانیا به انفعالم  
غزایه مانع اولدیغید رکلسون میدانه دلاورلاک کوسترسون نصرت  
وهزیمت اراده الهیه به منوطدر اورا ده بللی اولوردیه رک سفیری  
چادر دن چیقاروب درحال محله اعزام ایلیوب واردوی همایونی دخی  
قونییه ولارنده اوستنه سوق ایلمدی اواننده روم ایلی دیارنده بولسان  
علی پاشایه اقدمجه خبر دعوت کیتدیکندن همان براز روم ایلی عساکری  
طوبلنوب اردوی همایونه اسکی شهر طرفلرنده ایریشوب ملحق اولدی  
خلاصه کلام قرماندن کلان ایلمی کیدوب خداوند کارایله اولان مجاوبه  
ومحاوره بی تقریر ایتدکده علاء الدین بکک حضورنده طوران بکار  
براغزدن عثمانلونک هرامی اکلاشلدی انلرک کوزی بزم قونییه ولارنده  
مزده در بزجه دایدلیم انک بورساسنی اساسندن ییقالیم دیهرک حرکت  
مغرورا نه ایله یکدیگره عرض شجاعت ایده طورسونلر

عساکر عثمانی قونییه صحرا سنه تقرب ایلمدکده سوار و پیاده جنکه آماده  
اولوب حضرت خداوند کار قلبگاه عسکرده کندو خواص خدا میله  
طوره ب شهزاده بایزید خانی صول قوله قویوب فیروز بکله خواجه بکی  
قسطنطونی طرفندن امداد اوله رق کلمش اولان عساکر ایله روم ایلمنده  
صرب ولایتندن دوشریلان لشکر صول قولک اوچنه تخصیص  
اولنوب صاغ قوله دخی کوچک شهزاده یعقوب بکی قیوب معیننه  
قره سی بکی اینه بک صوباشی بی واکر دیر صوباشی کندیورلرینک  
ایالتی عسکر یله وبلغار بکارندن کوستندیل متصرفی قسطنطنین بک  
طرفندن امداد اولمق اوزره ارسال اولنان عساکری قره تیمور طاش بکه  
وصاروجه پاشایه دخی اینجه بلبلان و طور یجه بلبلان والیاس بک و مستجاب  
صوباشی تعیین اولنوب ادوات و آلات حربی ترتیب ایتدیله قرمان بکرزاده



علاء الدین بك دخى وسط عسكر ده طوروب صماغار وجغاندن براز  
 قبيله لرو براميا عشيرتى بكلى ايله صول قوله قونوب ترکان عسكرى  
 دخى جناح اولق اوزره تخصیص قلندى صاغ قوله خضر بك وتبرك  
 بك وصاوىحى اغايى برطاقم عساكر ايله ووارساق تاتارلار ينك عساكرى  
 دخى جناح اعتبار اولنه رق ديزيلوب نفیر ونقاره لر چالوب كوس  
 حربى اورولدى علملر چوزيلوب جنكه طورولدى ابتدا قرمانيان  
 طرفندن صول قوله قونيلان صماغار لو عساكرى برلندن حرکت ايند كده  
 عثمانيان طرفندن تيمور طاش بك مقابله سنه چيقدى تبرك بك صاغ قولدن  
 هجوم ايلديكى ائنده وارساق تاتارلى او قلرى ياغديروب قرمانيلردخى  
 توفنگلى صيقدى بايزيد خان ايسه اول قوله قوماندان ايدى الغار ايله  
 پدى خداوند كاره واردى قرمانيلرك شدتله حمله لرايدوب هجوم  
 ايلديكى سويليه رك كندوسنك دشمن اوزرينه طوغرواقين ايتسنه  
 رخصت طلب ايتدى يالواردى خونكار دخى استدعاسنه مساعده ايتمكه  
 موجود معبى اولان غازيلر ايله الغار ايتدكلى انده قرمانيان اردوسى  
 قاريشوب صاغ طرف قالمبوب صول قول دخى قىلغه باشلا د قده  
 پادشاه حضرتلرينه برقات دخى غيرت كلوب فرنك خواجه بكى وتمر  
 طاش بكى وچاوش احمدى وصار وجه پاشا والياس بك و مستجاب  
 صوباشى كندولرينه منسوب اولان عساكرى ايلرويه سوروب بايزيد  
 خانه امداد اولمغه ارتق قرمانيلرك قولى طوتمز اولوب ثباته قدرتلى  
 قالمديغى جهته پريشان اولديلر علاء الدین بك كندو طرفلو سنك  
 بوزولوب ميدان يرندن بلوك بلوك چوزولد يكنى كورد كده كندوسى  
 فرارى قراره ترجيح ايلدى ميدان محارب به حضرت خداوند كاره  
 قالوب غازيلر مال غنايمى الد قد نصكره شهرزاد كان حضراتيله



علی پاشا و صار وجه پاشا و فرنگ خواجه بك و سائر امرای علی مرتضی  
 حضور همایونه دخول ایدرك تبریک غزا ایلدیلر چونکه امیر قرمان  
 علاء الدین بك میدان حربدن بوزولوب طوغر و قونیہ قلعه سنه  
 کیروب تحصن ایادیکندن حضرت پادشاه دخی حصار مذکورک  
 محاصره سی ایچون تعقیب ایتدی انجق قرمانلرک بر اجه لك اشیا سنه  
 طوقلما مق اوزره اردوی همایون خلقنه عظیم یساق اولوب  
 اول وجهله اون کون محاصره ماده سی ممتد اولدی بواثناده صرب  
 عسا کردند بعضیلری فرمان عالی یه مغایر حرکتده بولند قلرندن سائرزه  
 عبرت اوله رق سیاست اولمش ایدیکه بوسیاست ایرتسی سنه عظیم  
 بر محاربه نك ظهورینه سبب و یردی الحاصل علاء الدین بك امان دیله  
 یوب ایلجی ارسال ایتمش ایسه ده در پادشاهیده قرین قبول اولدیغندن  
 ناچار قالوب عیالی نفیسه سلطانی شفیع اتخاذا ایدرك حضرت  
 خداوند کاره رجاجی اولق اوزره کوندردی سلطان مشارالیهها دخی  
 قونیہ دن خواص خدامی ایله چیقوب قوجه سی علاء الدین بكك واقع  
 اولان خطا و عصیاتی پدری خداوند کار غازی یه عفو ایتدیرمک  
 ایچون واردی یالواردی و کند و سنك کلوب پادشاهه عرض عبودیت  
 ایدوب بعد ازین وادی عصیانه کتمه جکمه جله امر اوارکان دولت  
 موا جهه لرند عهده ایتمه سی شرطیله عفو اولنه جغنگ خبری سلطان  
 مشارالیهها طرفندن علاء الدین بكه بیلدیرلدیکندن ایرتسی کونی قاپوسی  
 طاقیله علاء الدین بك حضور همایونه کیرمک و حضرت خداوند کارک  
 عفو و احسانی شرفنه ایرمک اوزره قونیہ حصارندن چیقوب کلدی  
 حقه لازم کلان حرمت و اکرام یرینه کتورولد کدن صکره مشروط  
 اولدیغی وجهله تعهد ایتدیریلوب ینه حکومت موروثه سی کند و یه



تملیکاً عنایت بیورلدی اورادن حید او غلوندن اشترا بیوریلان شهرلری  
 طولاً شد قدن صکره دار الماک بوسایه عودت اولنوب عساکره  
 دخی رخصت ویریله رک هر کس یرلویرینه کتدی  
 او اثنالرده اقلیم مصرده وبریه الشامده حکومت ایلینلر آل عثمانک  
 ملل مختلفه ارا سنده غزوات متوالیه بی قزانه رق دنیا نک مواقع  
 مدوحه و معتدله سندن برچوق یرلری حربا و صلحا ضبط ایدرک ممالک  
 شرقیه و غربیه حکمدارلرینه و جنوب و شمالده بولنان ممالک معموره  
 ملوکینه دهشت انکیرا و له جق صورتده یکیدن بردولت شدید الشکیمه  
 تأسیس و تشکیله از وقت مرورنده موفق اولوشنی هر نقد ر  
 چکه میوب چوق کوررلر ایشه ده استقلال حکومتیه رقابت القایده جک  
 مناسبات موقعیه لری یوق ایکن اچقدن اچغه مداخله ایدوب اعلان  
 خصوصیت ایتلرند ه حق لری اولدیغندن دسایس خفیه و اطائف  
 حیلۀ مخفیه ایلۀ ممالک عثمانیه به هم حدود اولان حکام و ملوکی تحریک  
 و تسلیط ایتکده هر درلوزمینکارلغی اجراده قصور ایتدکلرینی  
 حضرت پادشاه کامکار لایقیه بیلد یکندن انا طولی الکاسنده قوت  
 و قدرته مشتهر اولان قرمانیان طاقنی بعد ازین انتظام کسب  
 ایتیه جک صورتده بوزدیغنک خبری ایلۀ علما دن یازیچی اوغلو  
 محمد افندی نام ذاتی رغما مصره سفارتله اعزام وارسال ایلد کد نصکره  
 قونییه محاصره سی اثنال سنده صربلورک تجا و زی و تعرضی  
 حرکتلرند ن طولای حقلرنده اولان معامله شدیده به انفعال ایدرک  
 مملکتلرینه مأذون اولوب کتدکلرینک عقینده دولته صورت عصیان  
 کک و ستروب مخالفلر ایلۀ برانکده اولد قلرینک خبری خداوندکاره  
 واصل اولنجه انا طولیده بولنان عساکری طوپلیوب روم ایلنه



عزیمت ایتدکاری اثنا سنده بورسایه براقدقلری شهزاده لری  
صاویچی بك روم ایمپراطوری یانی پاله لوغك اوغلو اندرونیقوس ایله  
اتفاق ایدوب برازار باب فسادك تحريك واغواسیله استقلال حكومت  
ماثل اوله رق هر بری كنده و بیا سنده مخالفت وعصیان داعیه سنده  
دوشمش ایدی ایسدی بووقعه ك تفصیلی شویله روایت اولنوركه  
حضرت خداوند كارك بیوك اوغلو صاویچی بك حكومت حریمی برذات  
اولدیغندن هر نه صورتله ایسه پدرینك الندن حكمدارلخی بتون بتون  
اولماز ایسه بیله بره مقدارینی نزع وتخلیص ایتكه مقدمات بسط ایدرك  
روم ایمپراطورینك اوغلو اندرونیقوس ایله اتفاق ایدوب پدرلری علیهنه  
عاصیلری طو پلبوب عصیان ایلدكلرندن حضرت پادشاه ظفر پناهك  
بوخبر مسموع همایونلری اولنجه روم ایلندن بیغاطرفنه عبور اولنوب  
شهزاده مشارالیهی دخی معیتلرینه دعوت ایلدیلر شهزاده آزاده  
ایسه اورالره یناشمیبوب علم عصیان اظههار ایدوب عساكر کثیره ایله  
قارشوکیدوب محاربه ایتش ایسه ده خدمته ایچ قوتیله جمع اولان  
لشكر خداوند كارك قوه قاهره سنده تحمل ایده مبوب شهزاده بی ترك  
ایدرك حضرت پادشاه دخالت ایتدیلر كتدیلر بیچاره صاویچی بك دخی  
کندویه طرفدار اولان برقاج روم متعینانی ایله روم ایلنه کچوب  
دیمتوقه یه فرار ایلدی حضرت خداوند كارك دخی بتکرار  
روم ابلی جاننده کیدوب دیمتوقه شهرینی محاصره ایتدیره رك  
امان ایله شهزاده بی الداتوب حضور همایونه چیقاردیلر و براز شدتلوجه  
تو بیخ وتکدیر اولندیغندن شهزاده دخی ادا ب ابوته حرمت ایتیبوب  
بعض ناسزا سوزلر سویلدیکندن کوزلرینه مبل چکیلوب نور باصره دن  
دور ایتدكلرینه قناعت اولمیبوب حیات چندروزه دن دخی مهجور ایتدیلر



به ارلقده يانی پاله لوغ دخی کندویه عصیان اوزره اولان اوغلو  
اندرو نیقوس پاله لوغوسی همت خداوندکاری ایله دردست ایدوب  
قینار سرکه ایله کوزلرینی یاقوب ایمپراطورلق تا جنی رقبه  
الارندن قورتاردی

شمدی به قدر لسان عثمانی اوزره یازیلان دولت علیه توارینخنده  
شهرزاده صاویچی بکک روم ایمپراطورینک اوغلو ایله خفی خبرلشوب  
پدرلرینک علیهنه اوله رق قیام ایلدکری یازلمدیغندن بشقه سبب  
عصیانلری دخی بیان اولنمشدر حالبوکه تاریخنده مداهنه ایدرک  
وقعه نک سببنی کتم ایتک اخلاف حقلرنده اوله جق عبرت وانتباهک  
اساسنی بوزمق دیمک اولمغله بوباده اوروپالولرک و روملرک قلمه  
الدقلری وقایعنامه لک تبغه محتاج اولدیغمدن بوتاریخک اوتیه سنده  
بروسنده یازیلان نکات وایضا حاک اکثریسی اوروپالولرک یازدقلری  
تاریخن ترجمه اولنمشدر

چونکه شهرزاده صاویچی بک حادثه فاجعه دن طولانی استحقاق  
حکومتدن ساقط اولوب اختلال ماده سی برطرف اولدقد نصکره  
الغارایله ادرنه به مواسلت بیوریه رق عاصیلر طرفنده بولنان بعض  
روم بکلرینی و بکزاده لرینی طوتوب یکدیگره زنجیرایله الارندن باغلو  
اولدقلری حالده مریج نهری کارینه ایصال ایتدکری زمان حضرت  
پادشاه کار نهرده واقع بریماجده سایبان قوروب نظر کین وغضبله  
باقوب اللری بغلو اولانلرک درون نهره القا اولنمشنی امر ایتش ایدی  
حتی کندولرینه مضیع اولان بعض روم بکلرینک اولادی دخی عصیان  
ماده سنده بولندقلرندن حقلرنده ترتیب اولنان جزالری بابالرینه حواله  
اولنمش ایدی بوندن اقدام نیش قلمه سنک فتح و تسخیری ایچون تمرطاش



پاشایی بر مقدار عسا کر ایله ارسال و امرادن قره تمر طاش بکرزاده  
 یخشی بکی دخی تمر طاش پاشایه امداد اولق اوزره بر طاقم تیراندازان  
 ایله تعیین بیورلدقلرینه مبنی نیش قلعه سنی اسنیللا و محاصره ایدوب  
 آزمدت ایچنده فتح اولندی و صربك مما لکنده نیشدن محکم  
 و صرب قلعه سی اولدیغندن سنوی بيك نفر عسکر و یرمک واللی قیه  
 کومش و یره رك حضرت پادشاه ایله صلحه طالب اولدیغنی حاوی  
 ایلجی ارسال ایدوب مظهر عفو پادشاهی اولغله سفرلرده اقتضا  
 ایدن معاونتی اجرا ایدرلرایدی باآلاده ذکر اولنان قرمانیان محاربه سنک  
 نتیجه سی اولان قونیه محاصره سنده صرب عسا کرینک یولسز  
 افعالندن طولایی حقلرنده اولان مجازات شدید کوجلرینه کیتمش  
 اولدیغندن یدیوز سکسان طقوز سنه سی بتکرار عصیانلرینه باعث  
 اولوب حضرت پادشاهك اول حوالی یه عسا کر سوق ایتسنه سبب  
 اوله رق قوصوه وقعه جسمیه سنک حدوث و ظهورینه مقدمه

### اولمش ایدی

بوارالقهده شاهین پاشا دخی عسا کر فراوان ایله ارنبود مما لکی  
 اراسندن بوسنه حدودینه تقرب ایدوب اقینلر ایدرک اموال غنایم ایله  
 عودت ایدرلر ایکن بوشناق و حروات طاقندن اوتوز بيك قدر  
 جیوش آهن پوشك الغار ایله کلدکلرینک خبری شاهین پاشایه واصل  
 اولنجیه یاننده مقابله یه طوره جق مقدار لشکرک اولمامسی و اولنلرک دخی  
 مال غنایم ایله کوزلری طلبوب محاربه ایتمکدن زیاده کیرومرکز اقامتلرینه  
 کیتکی ترجیح ایده چکلری جهته طاغ یوللرینی طوتوب دشمنه  
 کوزوکمک اوزره رأی ایتمش ایسه ده شاهین پاشانک حاجی ایل بک  
 ماده سنده ارتکاب ایتدیکی غدر و اهانتدن طولایی احرایه سوزی



تأثیر ایتیموب قره سی دیارندن روم ایلمه نقل و اسکان ایتدیریلان  
 عربلرک طرفی بهممه حال محاربه به طوروشمق اوزره اصرار ایتدیلر  
 شاهین پاشایسه بونلری اسکات ایتک طرفنی التزام ایدرک عساکرک  
 کلیتلوسی یاغزده دکل بوراده ایکی ییک کشیدن زیاده کیمسه یوق بویله  
 ازمقدار ایله اوتوز ییک دشمنه مقابله به طورمق خطای عظیمدریدی  
 ایسه ده اصلا فائده سی اولیوب محاربه به اقدام ایلدکلری جهته  
 اخشام وقتلری اثناسنده جنکه طوروشدیلر لکن حربک نتیجه سنی  
 قرانه میوب بوزلدقلرندن لاشاهین دخی فرارایدوب اسکوب صحرا سنده  
 قرار ایلدیلدی که هر نیمت مر بورك سینی اصحاب توار یخ اشقودره  
 بکی اسکندر بکک اغفالندن نشئت ایتدیکنی بیان ایدرلر

حضرت پادشاه اناطولی دیارینی شهراده لری یلدریم یازید خان ایله  
 یعقوب چلبی به اصمار ایوب کندولری جنود نامعدود ایله روم ایلامرینک  
 ارنبود و صرب و بوسنه حدود لرینه ااقین ایده جملرندن اناطولی  
 دیار یله کندولرینک بولنه جقلری محملک اورتیه سنده بولسان روم  
 ایمپراطورلری ایله بنای مناسبتی تحکیم ایلبوب اورالرجه کسب امنیت  
 ایلک لازمه حالدن اولمغله ایمپراطوریانی پاله لوغ ایله سرای مصاهرتی  
 قوروب قرلرندن برینی کندوسی وایکیمسینی دخی شهراده لری ایچون عقد  
 تزویج ماده سی بوندن اقدام ایمپراطوردن التماس اولمش ایدی ایمپراطور  
 دخی ممنونا قبول ایلدیکندن محل سورتعین اولنوب اطرافدن مسافرلرک  
 دعوت قلمسینی قرار ویردکلری وقت یازید چلبینک ارطغرل و امیر  
 سلیمان و مصطفی نام اوج نفر شهراده لرینک سنت اولمشینی دخی  
 سویلشدیلر و اولوجهله بروسه یکی شهری دیدکلری شهرک فضا سی  
 محل سورتاخاذ اولنه رق عظیم دوکونلر اولوب اوج هفته ذوق



وصفاده اولمشلر ايكن شاهين پاشانك هر نيمتى وارنبودك  
 حيله كارلغى ماده سى طيولنجده شهراده لرى انا طولى  
 طرفنه و كندولرى دخى ادرنه يه كيدوب وزير اعظم على پاشايى اوتوز بيك  
 مقدارى سوارى ايله طونه نهرينك ساحلى دا خلندن اولاصرب  
 ممالكى اوزرينه سوق ايلوب كندوسنك دخى قوت الظهراولمق اوزره  
 كيروندن كلكده اولديغنى بيلديرهرك اعزام ايلدى

على پاشا دخى عسكر ظفر رهبرى طونه طرفلرينه طوغرو  
 قالدوروب سلسيره ايالتى داخلىده واقع پراوادی قضاسى حصارينه  
 تقرب ايلديلر ايسه ده موسم شتاشدته حكمنى اجراده اولمغله اووالرده  
 صغو قدن طوروله ميه جغندن قاجى صوينى كچوب يكي كوى وقاروا  
 قربنده قونوب ينجشى بكي بش بيك قدر كز يده لشكر ايله پراوادی صوينى  
 اوزرندن حصاره كونديرديلر حصار مذكوره محافظ اولان اسان بك كه  
 بلغار فاملياسند ندر بونلرى صغو قدن وقايه ايچون قلعه نك واروشلرنده ير  
 كوستروب ايچرويه الدى ينجشى بك طاقى دخى بودسپسه ايله قلعه نك  
 خارجنى ضبط ايدوب اورادن ايچرى حصارك دخى فتح اولاند يغنك  
 خبرينى قوجه مرادنام بلوك باشى ايله على پاشايه ارسال ايلدكلرنده على  
 پاشا دخى درحال چرى كشير ايله كلوب حصاره كيرنجده قوزلوجه ويكي  
 بازاروچالى قواق امثالى قصبه و كويلرك سكنده سى اطاعت ايدوب  
 شمنى حصارينك دخى مفتاحنى على پاشايه تقديم ايتديلر

ايمدى پراوادی بالقان طاغلرينك اك كازنده واقع طاغك دره سى  
 قربنده اولوب هواسى دخى فنادكلدر لکن شمنى شهرينك قلعه سى  
 متين اولوب شهر طاغلرك اوزرنده ياپلمش اولمغله هوا سى  
 هر زمانده صاغلام وجيد اولديغندن عساكر اقامت ايتدير مكه



برابر بر موقع هر تقدیر

والحاصل علی پاشا اورالینی ضبط ایلد کد نصکره حضرت پادشاهه  
ملاقا اولوق اوزره شمنیدن چیقوب قدوم همایونه منتظر طور دی  
اسانید طبقه سندن اولان بلغار قرالی حضرت پادشاه فلکجا هک  
کروه دریا شکوه ایلد کلدیکی خبر النجه دامن امانه صار یلوب خدمت  
پادشاهی بی سرمایه نجات بیله رک طونه ساحلنده واقع سلسره  
شهرینک قلعه سنی تقدیم ایلدیکندن مظهر عفو و امان عثمانی اولمغله  
فرمان عالی ایلد صدر اعظم علی پاشا دخی تیمور طاش پاشا زاده  
بخشی بکی برقاج یوز عسکر ایلد سلسره حصارینی ضبط ایچون ارسال  
ایلدی علی پاشا دخی شمنیده برقاج کون اقامتد نصکره دو بریجه  
طر فلرینه عزیمت ایلد کده اها البسی اطاعت ایدوب رعیتی قبول  
ایلد کلرندن اورادن اردوی جهان یو پی قالدیروب کوس اوه حواله سینه  
طوغرو کوس عزیمتی چالدیردی بو ائاده دیگر پرنسارک تحریکیله بلغار  
بکی بتکرار عصیان ایدوب سلسره نک تسلیمندن نکول ایدرک حصاره  
متانت ویرمهک باشلا دی بو خبر سر عسکر علی پاشایه واصل اولنجه  
بلغار مملکتلرینک مجموعنی تسخیر ایتک اوزره اول یوله طوغرولوب  
کیتدی و طرنوی شهرینی دخی محاصره ایدرک الدقد نصکره پلونه  
وزشتوی و روسچوق و طوتراقان نام شهرلری قراوقصبایله فتح ایدوب  
نیکبولی حصارینی قوشاندیلر بلغار قرالی اولان اسان قوه قاهره  
عثمانیانه قارشو طوره میوب علی پاشایه دخالت ایلدی علی پاشا بو کره  
دخی اسانک جرمنی عفو ایدوب بعد ازین عصیان ایتیه جکنه  
و طریق صدق واستقامتدن ایریلوب کتیه جکنه انجیل شریفه قسم  
ایتدیرد کد نصکره محملنده بقا ایدوب کندوسی حضرت پادشاهه ملاقات



ایچون عزیمت ایلدی خداوند کار غازی ادرنه دن رحلت ایله  
 یانبولی یه کید وب اوراده برقاج کون اقامتدن صکره طاوسلی طرفنه  
 تحریک سمند اجلال ایتیش ایدی غازی اورنوس هر نقدر رومی الاصل  
 ایسه ده شرف ایمان ایله مشرف اولدقد نصکره دین یولنده غزوات  
 عدیده ایدرک مال غنایم ایله اغنیادن اولمغله ادای فریضه حج شریف  
 نیتله بوندن اقدام مکه مکرمه جانب عالیه سنه عزیمت ایلش ایدی بودفعه  
 حضرت خداوند کازک صرب سفری افکار یله دارالملکارندن حرکت  
 بیوره رق طاوسلی قضا سنه قوند قلری وقت غازی مومی الیه دخی  
 حج شریفدن عودت ایدوب خاکپای شاهانه یه یوزسورد کد نصکره  
 معیت عالیده قاله رق مظهر التفات اولش ایدی

ایمدی علی پاشا موجود معیتی اولان جنود کثیره ایله اراده پادشاهی  
 موجب پنجه صرب دیارینی اورمق اوزره قلبه طرفنه عزیمت والغار  
 ایلدی ایسه ده موسم بهار اولمق ملابسه سیله هریج نهی فوق العاده  
 فیضان ایلدیکندن ایکی آی قدر قلبه نواحبسند طولا شدی بوارالقده  
 حضرت پادشاه شهرآده ییلدیرم بایزیدی معیت همایونه جلب  
 ایلدیکی مثلاًو ایکنجی اوغلو یعقوب جلبی بی دخی قره سی سنجاغندن  
 عسا کرطو پلبوب اردوی همایونه یتشمک اوزره دعوت مخصوصه  
 کوندرمش ایدی درعقب چری کثیرتدار کیله کلیبولی بوغازندن  
 روم ایلی طرفنه کوچوب قلبه او واسنده پدرینک حضورینه داخل  
 اولوب مظهر نوازش اولدی ارباب تواریح بودفعه اردوی همایونه  
 طو پلنان عسا کرک مقدارینی ایکیوزبیک نفوس تخمین ایدرک یالکن  
 اون بیک بازار خلقی وار ایدی که اووقته قدر عثمانلو طرفندن بویله کثرتلو  
 عسا کر ترتیب اولنماش ایدی دیو بیان ایدرلر

طاوسلی صرپستان  
 حدودنده واقعدر



صرب قرالی بولنان لازاری عثمانیانك بومرتبه كثرله كند و اوزرینه  
 یورود یكنی اشیرنجه ارتق بواشی دینجه طوتوب كلبسالره ورهابین  
 و بطاریقه خبرلر ویره رك روم ایلنده نقد راحراء نصارا وارایسه  
 جمله سنی دعوت ایدوب بحاروندك بوشناق ارنبود خروات بلغار  
 افلاق طرفلرندن یاردجی عسا كرسوق وارسال اولنه رق صرب قرالی  
 قومانداسنده پراو و غریب تقریباً بشیوز بك نفوسه قریب سواری و پیاده  
 جنكه آماده اولوب بیوك مورا ویا نهرینك اوتة ساحلنده جمع اولدیلك  
 تاریخ دخی یدییوز طقسان سنه سی او اخرنده ایدی (ایمدی علی پاشاك  
 بوندن اقدام بلغارلردن المش اولدیغی شهر کوی حصارینی  
 بتكرار عثمانیان دن المق اوزره صرب قرالی لازاری دیمتریوس نام  
 جنزالی اون بك مقداری سواری ایله اول طرفه اعزام ایلوب اصل  
 یرلوسی ایله اتفاق ایدرك شهر کوینی مذکور دیمتری جنزاله تسلیم  
 ایلدیله بو خبر دهشت اثر پادشاهه واصل اولیحق یخشی بك  
 وصاروجه پاشا قومانداسنه اون بك عسکر ترفیق ایدوب کوندردی  
 یخشی بك دخی عسا كرجرا ایله الغار ایدوب شهر کوی قریبه  
 كلد كده دیمتری جنزال شهری یاقوب اموال موجوده بی اهل بسيله  
 برابر استصحاب ایدرك مورا ویا نهرینی كچوب بیوك اردولینه فرار ایتدیله  
 یخشی بك حصاره کیروب کیفیتی حضرت پادشاهه عرض ایدوب تعقیب  
 ایدوب ایتمام کی استیذان ایلدیکندن تعقیبه رخصت بیورلیوب  
 اردوی همایونه ملحق اولمق اوزره امر اولدیغندن عودت ایدوب  
 ركاب همایون پادشاهی په كلدی

صرب قرالی لازاری كندوسنك امر اسيله وسار امداده  
 كلان جنراللری جمع ایدوب عثمانیان ایله محاربه ایتك باننده



پك چوق مشا وره دنصكره بيوك موراويا نهري نك برو طرفنه كچوب  
يعنى غربى وشرقى موراويا نهري نك ارا سنسده اقامت ايدرك  
خداوندكارك مرادىنى اكلامق وكنندولر نك جنكه آماده اولدقلىرىنى  
اكلا تمق اوزره بر سفير تعيين ايلدى

خداوند كارغازى دخی قلبه صحراسندن اردوى همایونی بساپارا  
يعنى تاتارپازارى اوزرندن صماقو طاغلىرى كشاريله اختمان نام منزله  
اىصال ايدوب اوراده اوج كون اقامت اثناسنده سراج ايلي ويوده سى  
عساكر هر تبه سيله كلوب اردويه ملحق اولديغى مثلاو كوستنديل باني  
قسطنطين بك دخی بر طاق لشكر ايله حضرت خداوندكاره دخالت  
واطاعت ايلدى بوراده يول صاغه و صوله اولق اوزره ايكي قوله ايرلمغله  
حضرت خداوندكار سراج ايلي بكنندن يولرك احوالى صورده صاغ  
قول صوفيايه ونیشه اوغرايوب شهر كوينه كيدر صول قول دخی ايلجه يه  
اوغرايوب كوستنديله كيدر ديديكنه مبنى صول قولدن ايلجه لره كيديلوب  
اورا دن علاء الدين اوواسنه ايرتسى كون كوستنديله نزول بيوريلوب  
صر بك احوالى تحقيق ايچون مذكور اورنوس غازى اولجه اعزام  
اولندى اشيو علاء الدين اوواسى دنيلان محل سلطان اورخانك برادري  
علاء الدين پاشانك امپراطور قانتاقوزنك التماسنه مبنى صر بلور عاليه نه  
اولق اوزره عزيمت ايدوب اوردو قوردیغى موقعدر

ايمدى حاجى اورنوس غازى قرق كشيلا اوسكوب طرفنه كيدوب  
دشمن عساكرندن ايكي اسير طوتوب حضور همایونه اىصال ايتديكي  
وقت خداوندكار غازى دخی اورادن كوچوب قره طونلى نام محمله  
واصل اولوب صرب طرفندن ارسال اولنان ایلچی دخی اوراده  
ملاقات ایلدی و اوج آیدن بروجنك ايچون حاضر اولدقلىرىنى خبر و بردي



ایسه ده بعض مرتبه تکبر و تعظم اید رک یولسز معاملات ایتکله  
 خداوند کار حضرتلری ایلیچی بی جلب ایدوب سنک سوزلریکک  
 جوابی قلیج ایله ویرلک مقرر ایدی نیلیم ایلیچی یه اولوم اولمز دیه رک  
 عساکری ات ارقه سنه بند یروب طولاشدیردی وخیول وبعالک نعالندن  
 حصوله کلان غبار زمینی آسمانه اولاشدیردی سفیر مسفور هر تقدیر  
 عساکر عثمانیانک هیبت و هیئتندن خوف ایتش ایسه ده ینه نخوت  
 موروثه سنی ترک ایتوب اگرچه عثمانلو پادشاهی بکا عرض قوت  
 وعظمت ایلدی اما بزم قرالمزک لشکری بونک اوج مثلیدر علی الخصوص  
 اون بشبیک قدر زرهاو و مسلح بر طاق سوار یمز وارددر که یالکزشو کوردیکم  
 جمعیتی تارمار ایتکه کفایت ایدردیمکله حضرت خداوند کار غضب  
 ایدوب سفیری دفع ایلد کدن صکره وزرا و امرای حضور ینه جلب  
 و جمع اید رک اولاحاجی اورنوسه خطاب ایدوب اورنوس بونلر ایله  
 نصل مقابله ایدوب جنک ایتلیدرسن چوق جنک کورمش اولدیغکدن  
 بویاده رأیک ندردیدیکده حاجی اورنوس غازی جهله دن اول کندویه  
 خطاب اولند یغنه تشکرایلیوب بعده ایاغه قالقوب اورنوس قولکزن  
 برکتر احقر در حضرت پادشاهک حضور نده بالمشا فهه سوزه  
 قارشمق حدی دکلدر عسکر قوماندا ایتسنی و دشمن اوزرینه کیتسنی  
 اغندیمز جهله دن اعلا یلور دیدی حضرت خداوند کار اورنوس  
 غازی یه اوتوردیو امر ایلد کدن صکره جهله یه بردن خطاب ایدوب (بکک  
 اگرچه بن حق تعالینک عنایتی ایله چوق محاربه زده بولندم واکثر یسنده  
 غاب اولدم اما بوجنک اکاقیاس قبول ایتزومشا وره ایتک دخی سنت  
 رسولدر اتفاق ایدوب کوکل بر اشدیرمک کر کدر دیه رک ینه غازی اورنوسه  
 توجیه خطاب ایدوب خیلی زماندر که سنی بویا لارک سنورلرینک محافظه سی



خصوصند طوتمش ایدم بونلرک اداب و اطواری و اخلاق و افکاری  
 البتده تجربه اولمشدر بوباید سنک فکرک جهله نک مطالعه سنه  
 مرجع اولق براشورکتم ایتمه سویله (بیوردقده اورتوس ینه زمین  
 بوس ایلد کد نصکره بنده مکینه یه شویله کلورکه حق تعالی یه توکل  
 ایدرک ارکجه حرکتله محاربه اولمشی تصمیم اولنده جق موقعک  
 هر حالده مناسبی طوتوب ابتدا دخی جنکه دشمنی باشلا تمالیدرز برا بزم  
 طرفدن اولجه حمله اولنور ایسه صرب بلورلی بوزمق پک صرب اولور  
 اما اول طرفدن جتکه باشلنور ایسه یوروش ایتک و بزم بولندیغمن  
 موقعی صارمق اوزره جمعیتلری متفرق اولدقده برداها طوپلنه مز  
 بناء علیه دشمنه غلبه بوسورتله سهواتلو اولور ظن ایدرم قولکرک  
 فکرم بویولده درینه هر حالده افند مز بیلور سکر دیدکده حضرت  
 خداوند کارتمر طاش پاشانک و یخشی بکک افکارینی صورتی انلردخی  
 حاجی اونورس غازینک رأینی تصدیق ایدوب منفعتی اثبات ایلدکن  
 صکره یلدریم یازید خانه دخی بوماده ایچون رأیک نصلدریدی یلدریم  
 یازید خان سوز اورنوسک سوزیدر دیکله صدر اعظم علی پاشانک  
 مطالعه سی دخی اورتوس ایله برلشدکده حونکار دخی بنده مطالعه م  
 بویله دران شاء الله تعالی میدان یرنده اوبله جه حرکت اولنسون  
 و امرایه دخی مشورتک خلاصه سندن یلدره جک نه واریسه اعلان  
 اولنه رق وقتنده جهله سی حاضر بولنسون دیو فرمان بیوروب درحال  
 اورتوس غازی دخی برقاج بلوک سواری و یوزقدر پیاده عسکر ایله مقدمه  
 الجیش تعیین اولندیغندن کیجه یاریسی اولنجه اردوی همایوندن حرکت  
 ایدرک دربندلری طوتوب طاغ یولارینی محافظه ایلدی مکر دشمن  
 طرفندن دخی عثمانلودن دلالمق اوزره یکر می کشی ارسال اولمش ایش



اورنوسك خبرى يوق ايكن دل المغه كلانلر اورنوسك اوستنه آت  
 صالد يلر ايسه ده غازى مذكور بر حمله ايله كندويه هجوم ايليانك  
 كاريني تمام ايلديكنيك عقينده برداها ظهور ايلدى ايندى اورنوس  
 بكك معينده اولنلر هلاك ايتديلر بو حال ايله اون دانه سى تلف اولوب  
 سكر دانه سى ديري اوله رق طوتلروب پادشاهه كونديرلدى ايرتسى كون  
 غازى خداوند كار اردوى همايونى قالدوروب كوچك مور اويا ارماغنى  
 ابتدا صدر اعظم على پاشا بعده شهزاده يلديرم بايزيد خان  
 بعده اينه بك صوباشى و قمر طاش پاشا بعده شهزاده سلطان يعقوب  
 بعده صار وجه پاشا بعده حضرت خداوند كار طاقم طاقم عسكر لر يله  
 كجوب كموش حصارى الته برقاج بك قمرى عملر آچوب طبول و نقاره  
 چالديروب كيدر كن صرب عسكرندن ايكي دل طوتلروب حضور همايونه  
 چيقار دقلرنده صرب قرالى عساكر يله برلكده ميد ريوخسه بزم سطوت  
 قاهره مزى ايشيدوب قاچديمى ديو حضرت خداوند كار اول ايكي نفر  
 اسيره سؤال ايلد كده لازارى قرال هيچ ترك عساكرندن قورقوب قاچارمى  
 همان جنكه منتظر در ديو جواب ويرمكله ايكيسنك دخى قتلنى امر ايلديكى  
 وقت اورنوس بك دخى كلوب دشمن لشكرينك ايلروده اولديغنى خبر  
 ويرنجه پادشاه حضرتلرى همان جنكه قيام اولمىنى امر ايتمش ايدى (اشبو  
 اسير لك قتل اولمىسى هر نقدر اعتراضى دعوت ايسه ده جوابى محاكمه  
 فصلنده تفصيل اولمشدر مر اجعت بيوريله) لكن امر اوضا بطان يانلرنده  
 بولنان عسكر ك يورغون اولديغنى بيان ايدرك محاربته ايرتسى صباحه  
 براغلمىنى رأى ايلديلر در حال پادشاه حضرتلرى بيوك اوغلو سلطان  
 بايزيدى و خواص خدامندن برقاج نفر ذوات ايله اتلنوب اردوى همايونى  
 طولاشراق محاربه اوله جق ميدانى كورمك بهانه سيله بريوكسك طاغ



تپه سینه چیقوب دشمن اردوگاهنه نظر ایلد کده کورور که اووانک  
هرطرفنی جیوش آهن پوش استیغاب ایتش و برطرفی دخی طاغیرک  
ارقه سینه طوغرو کیتش ایدی حضرت پادشاه دشمن اردوسنی بومرتبه لرده  
ظن ایتدیکندن تعجب ایدوب مدت عمرمه بومقدار ده لشکر کورمدم  
بزم عسکریمز بونلرک یاننده شرد مه قلیله قالور دیو یلدریم بایزید ایلله  
سویلشوب حیرت واضطراب ایلله اوطاغ همایونه عودت ایدرک وزرا  
واسرای جمع ایدوب نصل جنک ایتلیدر نه ترتیب اولمق لازمدر عجبا  
عسکرک اوکنه مهمات دوه لرینی صیره ایلله دیزوب ارقه سننده کیرلنوب  
جنک ایتکمهی خیرایدور یوخسه اچقدن اچغه طوروشمقمی دید کده  
یلدریم بایزید خان پدرندن رخصت الدقدنصکره دیمشدر که حضرت  
خداونکارک فکرینه تدبیریمز قاصرندر لکن خاطریمزه کلانلری  
دخی حضور همایونده سویلمک امره امثال اولغله بوبابده شویله ظن  
ایدرمکه نیجه سینه لردنبرودر جنک ایدرک اناطولی وروم ایلارینی ضبط  
ایدوب فتوحات متوالیه و متعاقبه مظهر اوله رق هیچ بریسنده اوکومزه  
دوه طوطمق شمدی دخی طوطلمسه خیرایدور هر حالده امر پادشاهکدر  
دیدی حضرت خداوند کارصدا اعظم علی پاشایه طوغرو باقوب سننده  
سویله رأیک ندر دیدی علی پاشا دخی پادشاه دعا ایلد کد نصکره محاربه  
ماده سننده ازه چوغه باقلمز نصرت وهزیمت حق تعالی حضرتلرینک  
اراده ازلیه سینه منوطدر برتعالی حضرتلرینک لطف و کرمی ملجأ و پناه  
اتخاذ ایتدوب دوه لک ارقه سینه کیرلنوب جنک ایتک مخاطره لودر ظن ایدرم  
ینه اراده افندمن کدر دیوجواب ویرنجه حضرت پادشاه ینه اورنوس  
بکک طرفنه توجیه خطاب ایدوب سنکده فکرک ندر بیله لم دیدی اورنوس  
بک ایتدی فکرسلطانمز کدر بزم کی عاجزک مطالعه سی نه اوله بیلور



انجق امر همايونلریه امثالا قولکرنده برسوز سویله یم دیو تکرار  
رخصت استدعا ایلدکده سویله دیدیلر

اورنوس بک سوزه کلوب عسکرک اوکنه دوه طوقق فکرینی افندمن  
بک کوزل ملا حظه بیوردی واقعا مضرت دشمندن بزه قلعه کبی  
اولغله محافظه ایدر لکن دشمن طرفندن اولسی ملحوظ اولان  
هجومدن اکر دوه لراورچک اولر لر ایسه دشمنک هجومندن دوه لر  
اورکوب کیرویه قاچدقلری حالده جمله مزی پریشان ایدر لر

اسکی تار یخلرده یازلمشدر که اسکندر مشهور ایله هند پادشاهی  
فور هندی محاربه یه طوروشدقلری وقت فور هندی عسکرک اوکنه  
فیلاری دیوب سپر ایتش ایکن اسکندر دخی بر طاق عرب به تدارک  
ایدوب ایچنه کهرجه طولدیره رق آتشیوب فیلارک اوزرینه طوغرو  
سوق ایلدکده فیلار اورکوب هند عسکرینی کند و فیلارینه اهلاک  
ایتدیردی بونده دخی دوه لک برتقریب اورکسیله بزم لشکر مرک صفلرینی  
طاغتمسی اغلب احتمالدریدی حضرت پادشاه ملزم اولدقدن صکره دوه لر  
ترتیبندن نکول ایدوب جمله نک اتفاقیه عسکرک اوکنه تیراندازانی قویوب  
دشمن طرفنه تمرنلی اوقلرک یاغدیلمسی رأی اولندی الحاصل میدان  
محاربه بی اورتیه الوب ایکی لشکر جنک ایچون طور دیلر اتفاق اول کیجه  
شدید برروز کارایله غایت کثیف بردومان پیدا اولدیکه کیمسه کیمسه بی  
کورمن اولوب عالم ظلمات ایچنده قالدیغندن بشقه عساکر اسلامیه دومان  
التده بولمش ایدی بناء علیه کیجه یاریسی اوارقده حضرت خداوند کار  
روی نیازی زمین مذلته قویوب جناب پروردکاره تضرع یوزندن ایتدی  
الهی بیلر لکله بن اسائت ایتدیمسه وعزم رزم و مصاف ایتده خلاف رضاک  
اوزره کتدیمسه سن شان کریمه و لطف عیمسه لایق اولانی بیلورسنانی



ایشله احسان قیل (الهی بلای اعدای بدکانی که قضای اسمانی کی  
مسلمانلرک اوزرینه نازل اولمشدر ردایچون جانمی فدا ایلرم انلره ظفر  
میسر ایدوب اول عید سعیده بنی قربان قیل) دیرک نالش و نیاز اثناسنده  
باد پرافت ساکن اولوب غمام ظلمت اچلادی همان ساعت هر حجت  
الهی ظهوره کلوب عرصه زمینه باران رحمت صاچلادی

دشمن اردوگاهنده ایسه خلقتک چوغی بلکه چریسنک اکثریسی  
نشئه شراب ایله سرمست اولوب کیمسی کیجه باصقین ایچون کتمکی  
کیمسی صباحه ترک ایتکی رأی ایدرک خصمی دامه دوشمش شکار  
کی مکند کیر و داره گرفتار یلورلر ایدی چونکه صباح اولدی سنه  
دخی هجرتک یدیوز طقسان برسنه سی رمضانک دردنجی کونی ایدی  
حضرت خداوند کار امر ایدوب کوس جهادی اوروب امرای صف  
آرا الایلر باغلیوب عملر چوزهرک میدان حربه الارنده حربه ضربه  
ناظر دور دیلر جنک اولمنسی تصمیم قلنان میدانک وسعی دخی عرضا  
بش بیک قدم اولوب طولایکرمی بیک قدم و اطرافی برکوجک ارماق  
ایله محاط ایدی شمال طرفی از یوکسک برطاغ ایله محدود واردوی  
همایون میدانه ناظر اولان طاغک اوزرنده اولوب کنارنده دخی  
قوصوه قصبه سی واقعدر

الحاصل یوم مذکورده عسا کرک برای اتلنوب برچوغی ایاقلنوب حضرت  
خداوند کار جمله یه وداع صورتنده باقوب بو کون غیرت کونیدر حیت  
ایامیدر ارلک زمانی مردلک دمیدر بونجه زماندر خاندان عثمانی سزکله  
فخر ایدر بو کون دخی سزدن شهرت شایعه سابقه پی تأییدایده جک  
مردانه لک دیلر دیرک الی قسمه منقسم اولان اردوسنی صفله ترتیب  
ایدوب کندولری یکی چری اردو سیله وسط عسکرده قوت القلب

بعض تاریخده وقوعه  
مذکوره شعبانک اون  
بشنجی کونی اولمشدر  
دیو محرردر



اولوب بيوك شهزاده ييلديرم بايزيد خان صاغ قولده روم ايلي  
 عساكريله وكرد اغا قوماندا سييله دخي عزب عسكري طوروب  
 سپاهي بلوكلريله غازي اورنوس بك صاغ قولده جناح ايدى سلطان  
 يعقوب دخي صول قولده اناطولى لشكريله طوروب اينه بك صوباشي  
 دخي صول قولده جناح اولدى صاروخان و آيدين عسكري ميسره ده  
 عزب عسكري ايله اينجه بلبلان و جزه بك و خواجه بك ميمنه ده ياردمجي  
 اوله رق ترتيب و طويجي حيدر صدرده طوپلر ك وراسنده طورمش  
 ايدى كذلك اوق آتمقده مهارتى اولنلردن چييد او غلو  
 معيتي ايله بيك نفر تيرانداز صاغ قولده و بيك نفر اوجي ايله يلديرم  
 بايزيد خانك او غلو مصطفى چلبى صول قولده تعيين يورلدى  
 حاجى اورنوس بك حضرت خداوندكارك امور حربه ده مسنشارى  
 اولمغله معيت پادشاهيده بولنور ايدى دشمن عساكرينك كثرته و شدتله  
 هجومنه باقوب حضرت پادشاهه شويله عرض افكار ايلد يكه قولكز  
 دشمن عساكريله اوغراشورايكن قارايسم صحى حقا چدى ظن اولمسون  
 زيرابونلرك حيله سنى ييلورم و بونلرك برنجي حيله لر ينك اوكنه طورمق  
 ممكن دكلدر بناء عليه صفلرينك نظاملرينى اول امرده طاغتمق كر كدر  
 ديو افاده ايليوب رخصت الد قد نصكره همان تيراندا زانه هب  
 بردن اوق اتمق اوزره سپارش ايلدى چونكه او قلر اردوگاه دشمنه سهام  
 قضا كې نازل اولد جقه صفوف اعدا امواج بحر سپاه آسا حركته  
 كلوب جوشدى اتى كورن متفقين عساكرى دخي اطراف بايرلردن  
 مانند سيلاب كه سارا و وايه طوغرواينوب صول قولده شهزاده سلطان  
 يعقوبك قومانداسى التنده اولان اناطولى لشكرى اوزرينده قوشدى  
 و اول طرفده بولنان غازيلرك ترتيب صفوفنى بوزوب آتش غيرتلىنى



سو ندر ديلار و خون كل كون شهدايله عرصه زمينى كر بلايه دوندر ديلار  
 وه ذكور جناحك وراسى صرب مېشه لك اولد يغندن اردوى  
 عثمانينك احوال واثقالندن بر مقدار مهمات ايله دوه لر اول مېشه لكه  
 كيرلند يرلد يكنندن بوزر لان عسكر كر ويه قاچه ميوب بر مر تبه لرده  
 صيقشديلر كه نيره لك چاتشوب چتشمسندن نسيم ظفر اسمز اولدى  
 و آتلك اياغندن قالقان توزالده اولان قاقا نلردن مستغنى ايدوب  
 كمسه كمسه يى كور من اولوب كوزلر سمچمز اولدى حضرت  
 خدا وندكار حيرت واضطراب ايله نه ايدده جكنى شاشيروب صول  
 قولك بوزلد يغنى شهرزاده سلطان بايزيد خانه اخبار ايتكدن بشقه  
 جاره سى قالمديغى جهتله كيفيتى بيلد يروب عساكره استمالت و يرلسنى  
 اصمارلد يغندن امراتك قبا سسلولرى عسكر ك ارقه سنه كوند يريلوب  
 دشمن بوزولدى هجوم ايدده ايم ديه رك طرف طرف بوزولمش  
 عسكرى كير و دوند يرديلر بايزيد خان دخی برق خاطف كى صاغ  
 قولدن عسكرى قالد يروب صول قول اوزرينه هجوم ايليا نلره  
 صارقند ياق ايدوب اورنوس بك و يخشى بك و شاهين بك و عيسى بك  
 و اينه بك و صاروجه پاشا و قره مقبل بك و مستجاب بك و بلبان بك  
 قوماندالرنده بولنان عسكر ايله جنكه كيروشوب دشمنى طوپه طوتد يلر  
 بوار القده بايزيد خانك سوار اولديغى ياغز آته اوق اصابت ايتكله  
 آت ييقلدى ايسه ده تكرار آت دكشد يروب دشمنى تعقيب آتلىدى  
 عنايت جليله ربانيه ظهوره كلوب اول كون معركه كاهده بولنان  
 دشمن عسكرندن اقدام متفقين امراسى پریشان اوله رق سكر  
 ساعت مدته اردى النوب طاغله طاغله ديلر (غريبه) بوا ثناده عيسى بك  
 بر حر و اتك باشنى كسر ايكن مجارلودن بريسى كلوب اشبواغليه جق



واقعہ یہ بی اختیار کولدی عبسی بك دخی مذ کور خرواٹك ایشنی  
 زبان سیفہ حوالہ ایلد کد نصکرہ نیچون کولرسین دیو مجارلو  
 ضابطہ صورت قدہ زمانك سرعت انقلابندہ اولان تأثیرات  
 غریبہ یہ کولرم زیرا شمدی سنك قتل ایلدیکك شخص خرواٹ  
 بانلرندن اولوب دونکی کون بالجملہ امرانك موا جہہ سندہ محمد  
 دیندہ اولانلرک انہزامی ایچون عہد ایتش و صرب قرالی لازاری یہ  
 سوز و یروب شراب ایچمش ایدی بوکون عبسی بك اندہ کاری  
 تمام اولوب قانی یرہ دوکلدیکنی کوردم دیدی

شہزادہ سلطان یعقوب اوزرینہ جملہ ایلان صرب قرالی لازارینك  
 دامادی برانقویج نام جنرال قوماندان سیلہ صرب وارنبود عسکر لری  
 ایدی کہ حوالی مذکورہ اشبو ایکی طاق لشکرک وطنلرینہ قریبدر  
 یعنی ذکراوانان عسکر اورالرك یرلوسندن معدود اولمغله کندونرینك  
 اسایش واستقلاللرینی اجنبی حکومتی اداره سنہ و یرمامك اوزرہ جملہ دن  
 اول جملہ ایدوب غیرت ایلدیلر یلدر یرم یازید خانك مقابله دن دخی  
 پوشناق و بلغار عسکر ی بوسنہ قرالی قوماندان سندہ اولہ رق طورمش  
 ایسہ دہ بلغارلر قوہ قاہرہ عثمانیانی تجر بہ ایتش قلیج یمش اولدیغندن  
 جملہ و هجومہ غیرت و شجاعتلری منسلب اولمغله فرارہ وسیلہ ارارلر  
 ایدی پوشناق عسکر ی ایسہ صربلو ایلہ ینلرندہ اولان معادہ  
 قدیمہ دن طولایی لازاری نام قرالک اکمال نامو سیچون چالشمغی  
 بکرہ استہ میوب فقط صولت عثمانیہ دن کندولرینی محافظہ ایچون  
 مدافعہ یہ اقدام ایدرلر ایدی خلاصہ کلام یلدر یرم یازید خان کندو  
 اردوسنك مقابله طوران لشکردن خوف ایتزایدی زیرابرقہ سی  
 صد مہ عثمانیانی کورمش و ورکش بررقہ سی دخی بعض سبیلرہ



مبنى كوشمش اولغله كندو استكاريله محاربه به قويولزدي و طاعلرك  
 يوكسك طرفلريني شهرزاده يلديرمك عسكري احاطه ايتمش اولديغندن  
 دشمن قوللرينك او يوللرده غالب و ظفرياب اولسي پك مشكل ايدى  
 چونكه شهرزاده مشار اليهك معيشتده بولنان لشكر روم ايلي طاقيله  
 عزب عسكري و سپاهى بلوكلرى اولوب طاغلره متريسلر  
 ياييله رق طوپلر وضع اولغله دشمن بلوكلرينه كيرو كيتكدن  
 بشقه نجات قالمامش ايدى صفلك اورتى سى يعنى قليبكاه  
 اتخاذا اولنان محل دخى حضرت خداوندكارك خواص و خدامى ايله  
 يكي چرى بلوكلرى وايكى باتاريادخى طوپلر تعبیه اولمش ايدى  
 مقابله سنده بالذات لازارى قرال بولنوب معيشتده صرب  
 عساكريله ياردمجي اولمق اوزره كلان مجاروله و افلاق  
 و ونديك الايلرى و برقاج باتاريادخى طوپلرايله چتيريا ارغنىك  
 اوتة سا حمله طور مش ايدى

الحاصل طرفينك ميدان حربيه اهتمام كامله ايله كيروشوب اقدام تامله  
 قبولد قلرينك سببي دخى عثمانلونك اوروپا قطعه سنده اوله جق  
 قوت و نفوذلرينك اولكى موازنه سى اولديغى كى اوروپا لوقروازادلك  
 دخى اك اولكى اتفاقلرى اولديغندن اشبو محاربه جسميه نك  
 نتيجه سى ايكي ملتك ناموسلرى ايله ربط اولنه رق غائله شرفيهك دفع  
 و رفعى قرال مومى اليهك اداره اقتدارينه حواله اولنديغندن اوروپا  
 سكنه سنك بر قسمى بو عقده نك حل و ازاله سنه كرك عساكر و كرك  
 آخر صورتله اعانه ايلدكلرندن هر طرفدن طاقم طاقم ياردمجي عسكردخى  
 اعزام ايتمشلرايسه ده قرال مومى اليهك ذكرا اولنان ياردمجي عسكردن  
 امنيت صحيحه سى اولماديغندن جناحله تعيين ايتيوب كندو ياننده



اوله رق صفلك اورتہ سنده طوتمش ایدی

عسا کر عثمانیا نك صول قولنه دشمن الايلرينك صاغ قولى مقابل  
اولوب و بولند قلى موقع دخی واسع براو وادن عبارت اولمغله اعدانك  
شد تلى هجوملى اول قولدن اوله رق شهزاده يعقوب بكى كىرويه  
توسكورتمش ایدی قلبكا هدى و صاغ قولدن شهزاده طرفنه امداد  
اولند يغندن دشمن جانبدن دخی اول طرفه هجوم اولمغله عظيم  
محاربه اولمش ايسه ده نسيم ظفر عثمانيان جانبدن وزان اولوب صفوف  
دشمن طا غيلوب پريشان اولدى حضرت خداوندكار دخی موقع  
محاربه يى قزانند قد نصكره شهدا و موتايى بر طرفه قالد يروب  
ياره لولى تيمار ايتدير مك اوزره ميدان يرنده طولاشور ايكن لاشه نرك  
اراسندن ياره لو صورتنده بر شخص قالقوب ذات همايونه يقلاشده  
معيتده بولنان چاوشلر منع ايتك ايسته مشلر ايسه ده براقكز كلسون  
بلكه افاده مخصوصه سى وارد رديه رك مساعده يورد يغندن  
اول ياره لوشكلنده اولان شخص ذات همايون شاهانه يه تقرب ايدوب  
اوزنكبسنى تقبيل ايدر كى كيدوب حضرت خداوندكارك قارنده بر خنجر  
حواله ايتكله در حال پادشاه آتدن اشاغى دوشديكنى كوروب معيتنده  
بولنان چاوشلر دخی واقعه فاجعه نك تدبيريله مشغول ايكن اول ياره لو  
قيافنده اولان خائن فرار ايلدى ايسه ده ارقه سندن تعقيب اولوب  
پاره پاره ايتديلر همان ساعت خبر دهشت اثر يلديرم بايزيد خانه اخبار  
اولنه رق اق سنجاغك دينه يلديرم بايزيد خان اوتوروب پدرلى حضرت  
خداوندكارك جسده باركلرى اوستنه بر چادر قوردر يلوب اثناء حربده بر  
غائله اولسون خولياسيله شهزاده يعقوب چلبى بي دخی يدرك سنى استه يور  
ديه رك جادره كتوروب كند غدر ايله بو غديلر اكن اول كيجه اردو كا هده



اردو ایچنده اختلال  
ظهور ایدوب  
شهزاده نك ازا  
ایتدیرلد یکنه دار  
یلدیرم خانه پك چوق  
عتابلر اولند یغندن  
ایلدیکی غدره نادم  
ویشیمان اولمش  
ایدی

شهزاده بیكناھك آھی ظهور ایدوب عظیم فتنه پیدا اولدی بو ارالقده  
صرب قرالی لازاری دخی اوغلاوایله طوتیلوب یلدیرم با یزید خانك  
حضورنده قتل و اعدام اولند قدن صكره كند ولرینك جلو ساری  
اعلان قلوب دارالملك بورسایه اخر نامه همايون ایله یلدیرلدی بوماده نك  
ظهوری هجرتك ید یوز طقسا ن بر سنه سی رمضان شریفك  
بشجی بازار ایتسی کونی او یله وقتی ایدی بو محارب به نك نتیجه سنده  
ظهور ایدن واقعه نك سبب حدوثی بیان صره سنده اصحاب تواریح  
یكدیكره مباین رأیله یازمشلردر از جمله محارب به نك ظهورندن بر کون  
اقدام صرب قرالی حضورنده عثمانلو ایله اوله جق جنك و آشوبده  
نصل حرکت ایتلیدر نه یولدن کتلیدر یوللو سویلنن سوزلر اثناسنده  
متعینان صربدن میلوش قویلو ییج نام شخص عثمانلو پادشاهنی  
شو خنجر ایله هلاك ایدرم دیو عهد ایتدیكندن سوزینی یرینه کتورمك  
ایچون ایتسی کون حضرت پادشاهی شهید ایلدی کویا پادشاهك  
شهادتی موجب غلبه ظن اولمش ایدی یا خود ابقای نام ایچون  
حضرت خداوند کاری شهید ایتدی بعضیلر دخی سفارت صفتیه  
كلوب من غیر مأمول ذکر اولنان غدیری ایلدی و عهد قریبه دکین  
حضور همايونده سفرانك اللارینی طوتمق عادت اویوقتدن قالمش دیرلر  
فریدون بكك جمع ایتش اولدیغی منشأ تده شویله کورلمشدر که  
محارب به مذکورده چرخه جلیق خدمتی علی پاشایه بیوریلوب اعدا  
طرفندن دخی یور ککیل نامنده بر حروات بکنه ویرلمش  
اولمغله محارب به نك باشلانمسی بونلرک ارا سنده اولوب صكره  
ذات پادشاهینك بولندیغی موقعه هجوم اولنه رق دشمن طرفنده  
غلبه آتاری کورلمش ایکن یلدیرم با یزید خانك قهر قهر مانیسنك



ثمره سی اوله رق دشمن جاننده پریشانلق ظهور ایدوب او ائاده مذکور  
 حروات یورکینک دخی بالتصادف باشی کسبلوب نیزه اوزرنده کزدیرلدی  
 صرب قرالی اوغلونک دخی سرمه قطوعی حضور همایونه کلنجه در حال  
 سناطه طاقیلوب یار و اغیاره اعلان اولندی حضرت پادشاه اوتاغده کیروب  
 محاربه نک بقیه سیله مشغول ایکن کویا دین اسلامی قبول ایتک نیاز یله  
 چادردن ایچرو بریسی کیرمش ایدی خدمه پادشاهی منع ایتشلر اایسه ده  
 رخصت اولدیغندن خاکپای همایونه یوز سوررکی ایدرک خنجر ایل  
 پادشاهی شهید ایلشد ر حالبوکه بو حادثه شنیعه نک ظهوری محاربه  
 مذکوره نک نتیجه سی اولدیغندن فوز و نصرتک شهرت فاخره سی  
 بی طرفانه سویلندیکی تقدیرده ایکی جانبه دخی و یر یله مز اایسه ده  
 بوماده دن اخلافه توارث ایدن غیرت وانتقام اورالک قوه قاهره  
 عثمانیان ایل قتح و تسخیر اولمنسینه سبب اولمشدرکه برای کتاب خامسده  
 تفصیل اوزره یازلمشدر مر اجعت بیور یله

ایمدی حضرت خداوند کارک جلوسی هجرتک یدیوز التمش برسنه سی  
 اوتوز بش یاشنده ایکن اولوب وفاتلری دخی یدیوز طقسان برسنه سی  
 رمضانده اولمغله مدت سلطنتلری اوتوز و مدت عمرلری دخی التمش  
 الی سنه یه بالغ اولمش اولور شهرزاده لری دخی صاویجی بک بایزید خان  
 و یعقوب بک ایدی مقام و کائده ابتدا خلیل پاشانک اوغلو علی پاشا  
 بولنوب امر اسنک اسملرینی بوراده یازمق معناسز اولمغله ترک اولندی  
 حضرت پادشاهک خیرات کثیره سی وار اایسه ده او یله شیلرک بنا  
 و انشاسی امور اخرویه دن اولوب تاریخ مطالعه سندن مأمول اولان  
 فائده بی انتاج ایتد یکنندن براغلمش ایدی اما اومثلاو آثار خیریه نک  
 تفصیلاتنی کورمک اسنیان ذوات تواریح سائر یه مر اجعت بیوره لر



فصل ثالث

سلطان مراد اول حضرتلرينك مدت سلطنتلری اولان اوتوز سنه  
زمانده عالمده ظهور ایدن وقایع عمومیه نك فذلكه سیدر

حضرت خداوند كارك زمانلرنده اورو پاقطعه سنده وقایع جسمیه دن  
اوله رق شایان بیان بر ماده اولیوب اکثریسی كتاب ثالث وثانی واولده  
یازیلان حوادثك بقیه سی اولوب خلیقك دخی افكار واطواری كتاب  
ثالثك احكامنده اشارت اولسان كی اولغله خداوند كارك عصرنده  
دقت وانتباهی موجب اوله جق مرتبه تغیرات اولیوب قرواذا دلر  
هر نقدر اراضی مقدسه ده نائل امل اوله مامشلا ايسه ده اسبانی اوزرنده  
اولان غلبات متوالیه لرینی برنوع مكافات عد ایتدكلرندن ارتق درون  
اورو پای ایادی اجنبیدن قورتاروب اسایش عمومینك استحصالنه  
مدار اولان اسباب وسایلی ارایوب ملتی ایلرولتمك افكاری اذهان  
عمومه ساری اولمش ایدی كذلك تاتارستان کیردن بو کره دخی تیمور  
مغوروك ظهوری آسیا قطعه سی اوزرینه هجومی انتاج ایده جکندن  
روسیه اولرك اوزرنندن تاتارلك تسلط وثقلتی مندفع اوله رق تاتاره مدافعه  
ومقابله ایلیه جك صورتده روسیه لولرك وسعت وقوت کسب ایتلری  
اموالقده ایدی دولت علیه عثمانیه دخی ظهوری تاریخنندن اعتبارا  
یوز سنه دنبرو بولندیغی موقع اقتضا سنجه هم جوار وهم حدود اولدیغی  
دولت وملترك دائره تغورینی کوچولته رك کندوسنك سنورلرینی  
توسیع ایتمكله مشغول اولوب یا لکن آسیا قطعه سنده اولان ممالك  
عثمانیه نك اتساعی سلجوقیه ممالکنه قریب ایکن شهرت و شانلری  
سلاطین سلجوقیه دن برقاچ قات زیاده وعالی ایدی مع هذا که دولت  
علیه عثمانیه روم ایلارندن دخی برچوق اراضی و بلاد معموره نك ممالك  
وفاتخی اوله رق لهستان ومجارستان اوزرینه قدریورویوب اتالیوا المانیا



الکاسنده تأثیرات غریبه احداث ایلدیکسندن خداوند کار غازی قوه  
 حربیه سی ایلله اورو پالورک انظارنده عباسیلم مرتبه سنده کور یلورایدی  
 سلطان مراد اول حضرتلرینک عهد سلطنتلرنده دولت عثمانیه نك  
 آسیا قطعه سنده حکم وتصرف ایلدیکی الکانک اتساعی شرق دن  
 غربه قدر یعنی انقره شهرندن اطالیه وایچ ایل سمترلرینی شامل اولدیغی  
 مثلاًو جنوب دن شماله دك دخی قرمان ایالتی الکاسنک برقطعه سیاه  
 قیصریه و سیواس حوالیسندن قزل ایرماغک جریانی اعتبار رنجه  
 بحر سیاهه و بولی سنجاغیله قوجه ایلی و خداوند کار ایالتلرینک تمامی  
 و آیدین ایالتنک بر قسمیله منشأ سنجاغنک بر مقدارینی حاویدر کذلک  
 روم ایلانده زیر حکومت عثمانیه ده اولان الکانک حدودی و یزه سنجاغنک  
 سمت شمال غربیسندن وارنه قرینه و دو بریجه اوواسنک بر قسمیله  
 طونه نهیری ساحلندن نیکیولی و زشتوی نواحیسیله و دینه و انجیدک  
 اورادن دخی صوفیه و صماقوو کوسئندیل و نیش و اشنب یولاری ایلله  
 قوصوه حوالیسی و طوسقه ارنبود لغنک بر ازیرلری ایلله اسکوب طرفلری  
 و سیروز و مناستر و ترحاله دربنداتی و اولیمبوس طاغلری و قارلی ایلی  
 و سلانیک نواحیسی و الحاصل سلوری یه قدر یا یلمش اولدیغندن  
 روم ایمپراطور لغنک جله ممالکی نفس استانبولک ناحیه لرینه منحصر  
 قالمش ایدی حضرت خداوند کارک ایام سلطنتنده دولت عثمانیه نك  
 انظارا جنیده اولان تأثیراتی سلطان اورخان غزینک زمان حکومتلری  
 ایلله مقایسه اولمسی بر عددک یوز عددده نسبتی و قیاس ایدلمسی کبیر  
 حضرت خداوند کارک عصرنده دولتک بردن بره کسب عصبیت  
 ایدوب شان و شهرتنک ایلرولمسینه ایکی اوج ماده نك ظهوری سبب  
 اولشدر (برنجیسی جلوسلرینک عقبنده اوروپا قطعه سنک یکی فتح



اولمان یرلرینی محافظه ایدرک روم ایلی ایالتک مرکزی مقامنده اولان  
 ادرنه شهرینی تسخیر ایلد کد نصکره دارالملک اتخاذا اولنمیدرزیرا  
 هیئت دولتی روم ایلی طرفنه نقل ایدوب ادرنه شهرینک دخی مقر  
 حکومت اعتبار قلمسی روم ایلینک استحقا ماتنه و دولتی اورالده  
 یرلشمسینه دلالت ایتدیکندن اوروپا خلقنک ارتق بوند نصکره امید  
 وامللری منقلب یأس وفتور اولمغله عثمانلونک روم ایلندن چیقیمی جغنی  
 جزم ایتدکلرندن اطاعتی مخالفته ترجیح ایتشار ایدی (ایکنجیسی ممالک  
 سلجوقیه بی ییلرند ه تقسیم ایدوب کندو کندولرینه امارت و سلطنت  
 ادعاسنده اولان بکلرک جمله سنی اعمال لطایف حیل حکیمانه ایله سایه  
 حایه سنه کیرمکه مجبور ایلدیکندن اناطولی قطعه سنده کامر انلق ایدن  
 آل قرمانک ثروت و اعتباری برحله ده کسر اولوب دامن  
 امانه صارلمسی ذوالقدریه طبقه سیله اترک ایورییه وچرا کسه و سائرملوک  
 اسلامیه نک تبصر و انتباهلرینی موجب اولسی دولت علیه نک شان  
 و شکوهنک اذهان ناسده برقات داها استقرارینی مستوجب اولمش ایدی  
 (اوچنجیسی دخی قوصوه محاربه جسمیه سنک وقوع عیدرکه محاربه  
 مذکوره بی ایقاع واحداث ایدن سبیلرک اعظمی دولت علیه نک روم  
 ممالکی اوزرنده قزاندیغی شهرت فاخره غالبیتدن بدأ ایدر شویله که  
 ممالک شرقیه نک اعاده هیئت سابقه سی ضمنتده عثمانیان علیهنده  
 طرف طرف اولسان اتفاقلردن ایکی ملت جسمیه اراسنده  
 بویله برمحاربه شیدیه نک بهمه حال ظهور ایده جکی ایللرده و دیلرده  
 سویلنوب تخمین اولنمش ایدی فقط اول امرده موقع محاربه هر نقدر  
 تعیین و تخصیص اولنا ماش اید یسه ده روش حاله نظرا  
 عثمانلو اوردوسنک ایلرویه چکدیرلمسی یعنی اسکوب دربنداتنک



ایچر و طرفنده بولندیرلسی اغلب احتمال ایدی زیرا صرب قرالک  
 قوصوه قربنده بولنوب اطرافدن امداده کلانلردخی طاقم  
 اورایه جمع اولدقلرندن قوصوه صحراسنک جولانکاه اتخاذاولنه جغی  
 صکره دن اکلا شلمش ایدی لیکن اشبو قوصوه محاربه سی سائر  
 جنکله قیاس اولنوب ایکی ملتک بقا واضح حالنه محاربه نک  
 نتیجه سیله حکم اولنه جغندن ایکی طرفک حقنده دخی بغایت شدید  
 و مخاطره لواولغله عاقبت هم پادشه شهید اولوب همده قرال هلاک  
 اولمش ایسه ده قرالک هلاکیله دیکرلری فرار ایدوب صرب بلور دخی  
 پریشان اولدی لکن عثمانلو طاقی پادشاهک وفاتندن صکره شهرزاده  
 یلد یرم بایزیدک مقام پدره کچوب جبر نقصان ایتدیکی جهته دولت  
 علیه نک او مثلاً واقعات مهیبه و موحشه ایله مترزل اولوب بلکه  
 هیئت حکومت داها شدتلی طوتیله رق خصمانه طاورانیله جغندن  
 ایلروده برچوق خطرناک محاربه لرک ظهور وحدوثی دولتک  
 تراید شان و شهرته سبب اولمشدر خصوصاً حضرت خداوند کار  
 امور کلیه و جزیه ده ارکان سلطنت و امراء دولت ایله  
 استشاره ایلا یکنندن مدت سلطنتلرنده اولان محاربه لرک یانکز  
 اوتوزیدی دفعه سنی قزانوب غالب اوله رق بیک سنه دنبروانواع  
 فوز و ظفره مقرون اوله کلان ممالک شرقیه ایمپراطورلخی ایله آسیا  
 قطعه سنده هم حدود اولان الکاود یارک حکمدارلرینی برنوع جایه سی  
 الته المتی کبی شرف و شانی موجب اولان او یله بر مرتبه رفیعیه  
 مظهریتی دولت علیه نک آزمدت ایچنده حامی ملوک اوله جغی  
 استدلال اولنور ایدی

دولت علیه بوتار یخلرده داها سغیر اولوب اقلیدن اقلیه اقین



ايدرك بلاد اعداده جهاد ايتكى معتاد ايد نمش اولديغند ن مرجع  
خواص وعوام اولان وزارت منصب جليلي ايله معاملات ناسده  
حق و باطلی فرق و حکم ایچون قاضی عسکرلک مقامند ن ماعدارکن  
دولت دینکه شایان بر مقام احداث اولمسنه احتیاج اولیوب  
ایالات والویه نك اداره سی دخی میرلوارلک و قاضیلرک نظارتی داخلنده  
ایسه ده برطاقم یرلر اراضی خراجیه دن اولوب برازی دخی طائفه  
سپاهه نفقه اوله رق آیرلمش ایدی یعنی فتح و تسخیر اولنان یرلرک  
بر رسمی صرف ملک و برازی مقاطعه و برازی وقف اوله رق تقسیم  
اولنوب بونلردن صرف ملک اعتبار اولنان دولتک قوه قاهره سیله  
النوب مستحققره ملکنامه همایون ايله و یریلانلردر که اصحابی اورالری  
اها لیسند ن ماعدایکف مایشاء تصرف ایدر اراضی خراجیه دخی  
مقاطعه زمینک بر نوعی اولوب اوقاف دخی آثار خیریه نك دوام و بقای  
ایچون افراز و تخصیص اولنمش یرلردن عبارتدر که بونلرک هر برلرینک  
فروعایله شامل اولدیغی حدودی قانوننامه لردن کوسترلمشدر  
مراجعت بیوریه انجق ذات هایونه و حرم سلطنته عائد اولان  
مبالغ دخی خاص تعبیریه بیلمان چفتلکر ايله لک حاصلاتند ن  
عبارت اولوب علی الاطلاق اعشار محصولی سپاهی کروهنه و خراج  
دخی یکی چری طائفه و یرلمش ایدی بناء علیه دولت حوایج کثیره  
مختلفه یه محتاج اولدیغند ن عمال و مستوفی و محاسب و مخنصب  
و ملترم و مدیر مثلومأمورین عیدیه یوق ایدی کذلک عظمت  
و تمکین وقاره مدار ظن اولنان احتشامات زائد نك پک چوغی دنیاده  
مفقود اولوب موجردی دخی ذکور ایچون عیب اولمغله هر کس  
بولند یغی موقعک محصولات و معمولایله اداره اولند قلدند ن



خارجدن اشيا جلبه احتياج اولديغى و ثروت و غنا دخی اموال  
 غنائم ايله يا خود فتوحات متواليه نك علامت علميه سى اولان  
 املاك و خواص ايله اولديغى جهته دولت هر زمانده كنده و سنده  
 ازمصرف ايله چوق عسكرك يارد منه نائل و موفوق اولمغله ثروت  
 و سامانى دخی قولا يلقه حاضر بولمقده اولديغندن هم دولتك  
 خزينه سى زنكین و هم ممالكى معمور اولمقده ایدی كذلك  
 دولت عليه بدايت ظهورندن عهد قریبه دكین پولیتقه صاحبی  
 اولان دولتلردن اولیوب دائما حربه النده حربه حاضر اولديغندن  
 و نصرت و استراحتی سفر برلكده بولديغندن هم حدود اولان ملوك  
 و دول ايله پولیتقه لومعا ملاته كیر شمیوب بزانشیو ايمپراطور لری ايله  
 و نديك جمهورندن بشقه سیله تجارت و اخذ و اعطائك حدود و مرآتینی  
 بیان ایدرك اصول اوزره معاهده ایتیموب اودخی بحر سفید بوغازی  
 ملا بسه سیله ايلك دفعه اوله رق اون سنه ایچون معاهده ایتشلردن  
 زیرا دولت عليه نك او عصر لرده التزام ایلدیكى مسلك عالیهی وقتنه  
 كوره تمام اصولنده اولوب هیئت دولتك دوام و استقرارینی و سلطنت  
 و حكومتك كيف مایشا استقلالنی موجب سبیلری كاملا جمع و تحصیل  
 ایتدیكه آلات حرب و ضربی ترك ایدوب عادتاً معاملات پولیتقه یه  
 كیرشمك ايله ضرر مشاهده ایده جكلرینی بیلشلر ایدی چونكه عثمان  
 غازی ايله سلطان اورخاك خصوصاً حضرت خداوند كارك عصر  
 همایونلرنده كرك امرادن و كرك اكابر دولتن اوزمانك پولیتقه سنی  
 و لسانی بیلور و اداره ایتكه مقتدر ذاتلك یوقدر ظن اولنسی بولنديغی  
 تاریخلرده فتوحات پیدرپی یه مظهر اولان اویله بر دولت جسمه نك



شان وشكوهنی تصدیق ایتمك كیدر لهدا زمین وزمان و لطائف  
 حیل حکیمانه ایله طورا وحالا فعلا و قالا پولیتقه لر بسط ایدوب مرانی  
 خصمه تصدیق و قبول ایتدیرمك و منافع مخصوصه ذاتیه یی صورت  
 خفاده قزاقی اوزره شمولی سوزلر ایله لسان قولالاق تکلفنی اختیار  
 ایتدیره جك صورتده خصم قوی اولدیغندن دولت علیه دخی کندوسنی  
 او یوللارده مجبور کور مامش ایدی کرجه جمیع زمانده خصمه مدار او مواضعه  
 ایتك قاعده مرعیه قدیمه دن ایسه ده دولت علیه دخی اوتاریخلرده  
 بولنان خصم اسنه هیچ بروقتده عجب و غرور و تکبر ایله معامله ایتیبوب  
 دائما نوازش و رعایت ایدرك حقوق حکومت و استقلالیه سنی محافظه  
 ایدوب ممالك محروسه یه مداخله ایتدیرمز و او یله رعایت سزلک ایله  
 تجاوزلی حرکته بولنانلره مقابله ایتمکده دخی بر دقیقه قصور ایتمز ایدی  
 و همده مدت غیر محدوده اوزره معاهده ایتیبوب هر زمانده سفر بر  
 اولدیغندن دشمنلرك دوستلغنه اعتماد ایتیمه رك ادنا بر قصوری نقص  
 عهد قیلندن عهد ایدوب بازار کارزاری دشمن ممالکی اوزرنده  
 قوردیغندن هم کندو ممالکتی خسارتدن قورتارر و هم خصمه سهواتله  
 غلبه ایدوب میدان محاربه یی قزاقلار ایدی

ایران و توران و حدود ماوراءالنهر ایله بخارا و اوزبك و هندستان احوالی  
 انقراض سلاله جنکیریان ملا بسه سیله هرج و مرج اولوب هر طرفده  
 برمتغلب ظهور ایدرك دنیایی قارمه قاریشق ایلدکلری اثناده سادات  
 کرامدن بعضیلری حوالی ما زندرانى اسنیلا و مشایخ  
 و صوفیون برطاقم ذواتدن مرده و بندکان تدارکیله دعوائی استقلال  
 ایتمکده اولدقلری جهتله او طرفده پك چوق قان دو کلمکده ایدی هر تقدیر  
 بو اختلالک سببی صاحب سز لکدن نشئت ایتمش کی کورینور ایسه ده



مذاهب و اعتقادات ماده لرینک دخی خبلی اعانه سی اولمش ایدی چونکه  
برطاق اهالی مذهب امامیه ده اولدقلرندن حنفیلرک خصم جانی اولوب  
جعفریلر دخی کبسانیه کروهنی سومیوب فرقه باطنیه ایسه غلات  
شیعه نک یولنده اولمغله خصوصت مذهبییه بر مرتبه کلمش ایدیکه  
مذهب آخرده اولانلر ایله محاربه ومضاربه ایدرک اولوب و اولدرمک  
ماده لری شهادت وغزا درجه لرده عد اولنور ایدی حتی اوز بکلر  
و بخارا اهالیسی کوهستان و ایران خلقنه مخالفت ایچون اعتقاد لرینک  
اساسنه طوقنه رق بیان و ایضاحی اداب اسلامیه یه یاقشمیه جق  
صورته حضرات کرامه بغض و عداوت ایلیوب صفین  
وقعه سنده التزام ما لایلزم ایدرک ناول انداز اعتراض اولورلر  
ایدیکه خصوصت مذکور بو تاریخی یازدیغم تاریخه کلنجیه دک  
باقیدر فرق شیعه دخی اوز بکلرک اصولنه تعرض ایچون شیخین  
مکرمین حضراتنک محبتندن تنفر ایتکله یینلرنده عظیم مقاتله نک  
ظهور و حدوثنه سبب اولمشلر در

اندلس اهالیسنک حالی دخی بزانتن دولت ایمپراطورلغنک احوالی کی  
هیئت اجتماعیه لرینک اساسی حوادث متعاقبه الظهورک ظهوری  
سبی ایله مترزل اوله رق آرتق اعاده اقبال واستقلال ایتلری عديم  
الاحتمال مرتبه سنه وارمش ایدی شویله که حوالی مذکوره ده  
اولان عربلر اهالی اصلیه سنی برطاق امتیازاته نائل ایدرک حسن معامله  
ایتمکی وسیله اسایش واستراحت عد ایلد کلری زمان بزانتن دولتی  
امراسی دخی ییانجیلره مدارا ومماشات ایلکی بقای دولترینه مدار  
اتخاذ ایتشلر ایدی حالبو که بونلرک طوقدقلری اصول ایکبسنیده برگشته  
ایلدی شویله که برینک انقراضی اهالی اصلیه سی اولوبده حال



رعیتده قالانلرک بر طاقم امتیازاته مظہریتیلہ برا برخارجدن محمیلر پیدا  
ایلملرندن دیکرینک اضمهلال و پریشانلخی دخی ییانجیلرک  
درون ممالکده اجرای نفوذ کاملہ ایدرک یرلشمہ لرندن  
حصولہ کلدیکی بوسکا داریازیلان وقایع  
مفصلہ نک فذلکہ ومألندن اخذ  
واسننبا ط اولمشدر

اشبوکتاب رابع ید یوزالتمش برسنہ ہجریہ سندن ید یوز طقساں برسنہ  
ہجریہ سنہ قدر کذران ایدن وقایع عمومیہ ایلہ  
حضرت خداوند کارک غزوات جلیلہ لرینی  
جامع اولوب بقیہ سی بشنجی کتابہ  
براقلمشدر







0



## ❖ فصل اول ❖

یلدیرم بایزید خان حضرتلرینک هنکام سلاطنتلرنده معاصر اوله رق  
بولانان بالجه ملوک اسلامیه و حکمداران عیسویه نک احوال مختلفه سی  
بیاننده در

۳

## ❖ فصل ثانی ❖

سلطان یلدیرم بایزید خاںک وقایع داخلیه سی بیاننده در

۳۶

## ❖ صورت امر شریف ❖

۴۷


## ❖ فصل ثالث ❖

عصر مذکورک فذلکه واحکامی بیاننده در


۷۹



سعادتلو خير الله افندى حضرتلرينك جمع  
وترتيب ايلديكى دولت عليه عثمانيه  
تاريخنك بشي جلد يدر







بسم الله الرحمن الرحيم

دنیا بی جمیع اشیا سیاه یوقدن وارایدن جناب باری تعالی و تقدس  
حضرت لرینه حمد فراوان و کندو ذات و حرانیتنه دلیل و هادی اولان  
انبیاء عظام حضرتنک سالار و مختاری حضرت محمد المصطفی  
علیه افضل التحایا افندیمره صلوات بی پایان تقدیم و اهدا قلندقد نصکره  
معلوم اوله که ولی نعمت بیمنتتمز پادشاهمز غازی سلطان عبد المجید  
خان افندیمر حضرت لرینه سایه همایون ظل الاهی برنده ترتیب و تألیفنه  
شروع اولان تاریخ دولت علیه نک در دنجی جلای قوصوه محاربه سیاه  
قرین ختام اولوب اشبو بشنجی کتاب دخی یلدیرم بایزید خاک جلوس  
همایونلری اولان هجرتک ید یوز طقسان برسنه سی شعبان شریفک اون  
بشنجی صالی کونندن اعتبارا سکز یوز درت سنه ذی الحجه سنک اون  
طقوزنجی جمعه کوننه قدر یعنی قوصوه محاربه جسمه سندن تیمورایله واقع  
اولان جببق آباد محاربه مشهوره سنه دک اون اوج سنه بش آیمده عالمک



وقایع جسمیه و مشهوره سیله موجود اولان ملوک و حکمدارانک احوال  
مختلفه سی پادشاه مشارالیه حضر تلرینک زمان سلطنتلریله  
قارشولشدیریله رق اصول جدیده اوزره بومحله جمع و تدوین اولمشدر

### فصل اول

یلدیرم بایزید خان حضر تلرینک هنکام سلطنتلرنده عالمک قطعات  
معلومه سنده معاصر اوله رق بولنان بالجمله ملوک اسلامیه و حکمداران  
عبسویه نک احوال مختلفه سی بیاننده در

#### حجاز و مصر و بریه الشام

هلاکونک بغداده هجوم ایدوب مستعصم خلیفه حقنده ایلدیکی  
ظلم و غدرایله برابر بشیوزسنه لک قوجه بردولت عباسیه نک پریشانلغنه  
ودرون بغدادده شیعه لرایله معارضه لری محاربه و مقاتله یه مؤدی اواق  
درجه سنده شایع و قوتلو اولان مذهب حنفیه نک محو و زوالنه سبب  
اولمش ایسه دهینه خاندان خلافتک سلاله سندن اوله رق مصرده  
مقام خلافتده بولنان خلفا دن کتاب سابقده ذکر ایلدیگمز  
المتوکل علی الله محمد بن معتضد بالله جلوس ایتش ایسه ده  
بونک زماننده مصرده پک چوق فترت و اختلال ظهور ایتشدر که  
برازی کتاب سابقده بیان اولمشدر انجق خلیفه مشارالیه کرک  
خداوند کارغازینک ایلیچلاک صفتیه محمدیه صاحبی یازیچی  
اوغلی محمد افندی بی مصره ارسال ایتسندن و کرک یلدیرم بایزید  
خانک دخی سعدالدین البریدی نام امیر کبیری و مؤخر اینه کول  
قاضیسی منلاقوام الدینی کوندیروب خلیفه بی بورسایه دعوت ایلسندن  
خلاقک نظرنده خلیفه نک قدر و اعتباری زیاده لشوب مصرملکی  
برقوق طرفندن ارتق سوء معامله اولنه مز اولمش ایدی بو حالده



هجرةك سكر يوز سكر سنة سي خليفة مشار اليه فوت اولوب يربنه  
 اوغلارندن المستعين بالله عباسي مسند خلافته صعود ايدوب اوقاف  
 مصريه نظارتى محصولاتيله وقتنى كجورمكده ايدى بعضيلر بونك  
 نصبنى هجرةك سكر يوز اون درت سنة سنده اولق اوزره يازمشلردر  
 مصر ك بواشالرده فساد واختلال اوزره اولديغنى سببى دخی عروس  
 حكومتك هزار آشنا سي اولوب طبقه اتراك ايوبيه دن يوز دوندروب  
 امراء چراكسه طرفنه رفع نقاب ايتكله هر جانبدن حمله كاه وصاله ال  
 اوزاتمقده اولدقلرندن ام دنيا غلامان اتراك و چراكسه نك كشاكش  
 واختلافى اراسنده اورته مالى كى اولمش ايدى زيرا عنان حكومت  
 طبقه اتراك الندى چيقمقده اولديغندن خاندان مذكورونك احسان  
 ديدى لى اسایش و حضور لر نى خلادن وقايه ايدرك طرفدارلق  
 ايتكله وامل وارزوسنه نائل اوليه رق منكوب قالانلردخی حكومتك  
 هيئت جديده يه انقلابنده متمتع اولق خليا سنه صپا راق طبقه  
 چراكسه نك منفعت واقبالنه خدمت ايلكله اولدقلرندن كاه حكومت  
 چراكسه نى واضع اولان امير برقوق مقام حكومته اعتلا وكاه طبقه  
 اتراك ايوبيه نك نهايتى عد اولمان ملك صالح حلب حكمدارى  
 بليغانك همت واعانه سيله تخت موروثه سنه ارتقا ايدرك اقليم مصر  
 اشبو ايكي گروهك يكديكره هجوم و غلبه لى پاترديسيله خراب  
 و پريشان اولديغى صيره ده خليفة دخی اسكيدنبو طبقه اتراكك لطف  
 و حياه سنى كورمش اولديغندن و حكومت قديمه نك طرفلوسى متغلبه  
 طرفلوسندن دهها زياده بولنديغندن طبقه اتراكى دائما صيانت والتزام  
 ايدوب چراكسه نى خارجى كى عد ايلديكندن چراكسه نك مظهر  
 قهرى اولمش ايدى بو حال ايله هجرةك يديوز طقسان التى سنه سي هم

سرتار يخلر ينك  
 ضبسنده ست نفقه  
 قافيله تعيش ايدر لر  
 ديو محرردر



طبقه اتراک نهایتی اولان ملاک صالح و هم خلیفه وقاضی القضاة مصر  
بر محامده اوطوروب امراء چرا کسه نک دفع و رفعنه دائر انصل حرکت  
اولنق لازم کلور یوللو مذاکره ایدر لر ایکن امیر برقوق چرکسک قوه  
قاهره سیله بونلرک اولدقلری محلاک اطرافنی احاطه اولنغله اوچی بردن  
اسیر اولدقلرندن ارتق طبقه اتراک بتون بتون منقرض اولوب طرفلوسی  
دخی اعاده اقبال ایدیه میسه جکنی بیلر یله طاغیلوب صعبید  
مصره یعنی نوبه حکومتی طرفنه و بریه الشام و جیل لیسانه نقل وطن  
ایلدیلر امیر برقوق دخی یکیدن تشکیل و تأسیس حکومت ایلمک نصل  
اسبابه منوط ایدوکنی لایقیله بیلدیکندن افراط اوزره عدل و داد ایلیه رک  
خلقک افکارنده حکومت سابقه دن ممنون قاله جق برشیء براقیوب  
جمله بی کندوسندن خوشنود و منشکر ایلدی حتی تیمورک شیرندن کندویه  
التجا و دخالت ایلیان سلطان احمد جلایری بی هر نقدر تیمور طلب  
ایتمش ایسه ده قوت صلابتی اعلان ایچون و یرمیوب کوندردیکی  
آنمبسنی دخی اهلاک ایتدیروب سلطان احمدی اعزاز ایتدی و اولکی  
دفعه جلو سنده خداوند کارغازی طرفنه مخصوصا ایلچی کوندردیکی  
مثلاو ایکنجی کره سنده دخی یلدریم بایزید خان درگاهنه ایلچی مخصوص  
ارسالیه دفعه ثانیه ده اولان حکومتنی تصدیق ایتدیروی بواشناده  
جای محرقه دن خسته لیمکله هجرتک سکر یوز برسنه سی شوالنده  
فوت اولوب کندوسنک نامنه منسوب اوله رق یا پیلان برقوقیه  
مدرسه سنک ساحه سنده دفن اولنوب یرینه اوغلارندن فرج اون ایکی  
یاشنده جلوس ایلدی سکر یوز ایکی سنه سنده مکّه مکرمه یه حریق  
اصابت ایتیمکله بعضی لرلی خراب ایلدیکنندن مذکور ملاک فرج مصر دن  
حجازه عزیمت ایدرک مقامات عالییه نک تعمیراته صرف خزان بیشمار  
ایلدی ملاک فرجک مصر دن اوزامسیله شام نائب الملکی عصیان و حلب



حاکی و بتون بریه الشام صاحبی و اها لیبسی دخی پراشوب هیئت  
 قدیمه نک یعنی حکومت اتراکک اعاده سنه قیام ایلدیلر اواشاده ملک  
 فرج دخی حجاز دن مصره عودت ایتش بولندیغندن یکرمی بیکدن  
 متجاوز عساکر ایلله مصر دن چیقوب غزه قربنده عظیم محاربه لر  
 ایدرک شامیلر منهزم اولدقلرندن بشقه نائب الملک دخی اسیر اولوب  
 قتل اولندی پدری برقوقه التجا ایلان سلطان احمد ایلله قره یوسفک  
 ویرلسی و کندوسنک دخی جاده اطاعته کلمسی ضمننده پدرینه کلان  
 ایلیچیلر مثللو سکزیوز اون سنه سی تیمورلنک طرفندن بوکا دخی تکرار  
 ایلیچیلر کلوب اطاعته دعوت اولمش ایسه ده بودخی پدرینک اصولنه  
 رعایت ایدرک سفیرلری قتل ایدوب جنگه مهیا اولدی تیمورخان ایسه  
 بوماده نک صدورندن زیاده بمحضور اولوب ایکی دفعه ایلیچیلرک  
 اعدامی ناموسنه طوقمغله جیش کشیر ایلله بغداد اوزرندن حرکت  
 ایدوب موصل و سنجار یولیه نهر حابوری کچوب اورفهدن و عتابدن  
 طولاشارق حلبه واصل اورادن دخی شامه طوغرو اوزانوب شام  
 قربنده محاربه ایتشلر ایسه ده تیمورک هجومنه مصر اولر تحمل  
 ایده میوب شامی ترک ایدرک مصره رجعت ایلدیلر تیمورک شامده  
 ایتدیکی ظلم و تعدینک تفصیلی تاریخ تیمورده تفصیل اولمشدر  
 مر اجعت اولنه

الحاصل سکزیوز درت سنه سی اشبو انهزام ملا بسه سیله مصرده  
 تکرار فترت و فساد ظهور ایلدیکنندن بشقه برطرفدن تیمورک صولت  
 و هجومنه طیانمیوب قاچدیغی برطرفدن دخی یلدیرم بایزید خانک  
 ذاته حرمئسزلک ایلسمندن ناشی ملاطیه قلعه سنی الندن چیقاردیغی  
 و کندوسنه دخالت و التجا ایدن سلطان احمد جلایری بغداده اعاده



ایتمک خصوصاً بر طاقم حقارت ایدرک شان حکومتی محافظه  
ایده مدیکند نص کره ارتکاب ایتدیکی بونجه تکلفاتک نتیجه سنده  
دخی اوله جق مکافاتہ آنجق سوء تدبیرندن ناشی مظهر اوله مدیغی  
وامور اعتقادیه ده خلقک قبول ایتیه جکی مذاهب و اصول ایجاد  
ایلدیکی جهتله مصر علماسی و چرا کسه امراسی طرفلرندن دخی یریر  
تحریرک اولمغله عسکری کروهی ایاقلنوب مصر ملک کی فرجی مقام  
حکومتدن خلع ایلدکلرینه قناعت ایتیب قتل ایله عبرت اولق اوزره  
جسدینی عریانا صواقلرده کزدردیلر حتی برادری عبدالعزیز سریر  
امارته جلوس ایتش ایکن اون سنه حکومتده بولنان برادری حقنده  
اولان حقارتی منعه مقتدر اوله مدی زیرابونک منعی طرفنده بولنه جق  
اولسه کندوسی دخی قضایه اوغرایه جغی محقق ایدی هر نه حال  
ایسه بودخی یتش کون قدر حکومت ایلدکد نص کره برچوق قیل و قالک  
دفع و منعی ایچون محبسه قالدیریلوب یرینه امرادن امیر شیخ محمودی  
اقدامیله خلفاء عباسیه بقایاسندن المستعین بالله سلطنت مصره  
نائل اولوب کندوسی دخی مسنشار حکومت اولمش ایسه ده  
عباسیلرک اللرینه حکومت کجه جک اولور ایسه عاقبتی چرا کسه طاقنه  
یک وخیم اوله جغندن امیر شیخ محمودی خلیفه بی سلطنت مصردن  
خلع ایلوب کندوسی سریر حکومتده جلوس ایلدی مومی الیه علمایه  
یک زیاده اکرام ایلدیکندن بشقه مدرسه لری تعمیر ایتک و جوامع  
شریفه یایمق خصوصاً شامده کی مشهور بیوک جامعی دخی تیمورک  
تخریبند نص کره عظیم تعمیر ایلک کی آثار نافعہ خیریه نک وجوده  
کلمسه سبب اولدی

سکز یوزاون الی سنه سی اوائلنده اوغلو ابراهیم بکی سرعسکر



ایدرك بيوك ارمنستانده اترك و جنكيزيانك هجوميله حكومت مليه لريني  
ضايغ ايليوب ميلاد عيسى عليه السلامك بيك يوز تار يخلرندين برو كوچك  
ارمنستان تسميه اولنان ايج ايل و مرعش و البستان و ارمناك وادنه  
وقبصريه جواريله طرسوس و مسيس اطرافنده حكومت ايليان روپن  
فاملياسنك الارندن حوالى مذكوره بي تخليص ايليوب امارتنى ابراهيم  
بكه و يرمشدر كه بونك بقيه سى التجى كتابده ذكر اولمشدر

✽ عراق عرب و عجم ✽

تيمورخان بريّه الشامي مصر اولرك الارندن جبلا وقهرا تسخير ايدوب  
ظلم و غدرك انواعنى ايليهرك اول ديارى ويران ايلد كد نصكره بغداده  
عودت ايليوب اوراسنى غارات و يغما ايتديرمش ايدى قهر تيمورخاندن  
فرار ايليان بغداد حاكى سلطان احمد ملاطيه اوزرندن طولاشوب  
يلديرم بايزيد خانك سايه سنه دخالت ايلد يكي مثالو موصل و جزره  
و كردستان مانكى قره يوسف قره قيونلى دخى بايزيد خانه التجا ايلد كلرى  
تيمور مغرورك مسموعى اولجه يلديرم خان درگاهنه مكتوب يازوب بونلرى  
طلب ايتمش ايدى هر نقد ر سلطان احمد جلایرى بغداده كيتمش  
وقره قيونلى دخى چراگاه مخصوصه سنه صالوي رلمش ايسه ده  
پادشاهلرك درگاهنه التجا ايدنلرى و ير مامك قاعده حكومتدن  
اولديغى جهته و ير يلميه جكى جوابى و يرلمش اولد يغندن بشقه  
سلجوقيه ممالكنى تقسيم ايليان دره بكارى حكمدارلق عنواننى اله رق  
هر برى دعوای تفرد و استقلال ايله ديكرينى استرقاب ايتكده ايكن  
يلديرم بايزيد خان هر برينه بشقه بشقه هجوم ايليوب حكومت  
موروثه لرى الارندن چيق دجه باش آچوب فریاد ايدرك تيمور خانك  
حضورينه واروب ملك موروثلرينى استرداده ترغيب ايلد كلرندن



جنکیر و هلا کوردن صکره او چنجی دفعه اوله رق بتون بتون انا طولی  
دیارینی تاتارلر اسنیلا ایلش ایدی

الحاصل هجرتك سكریوز درت سنه سی سیواس اوزرندن روم ممالکنه  
سکریوز الی بیک عسکر ایله یورو یوب انقره قر بنده یلدریم بایزیدخان  
ایله محاربه ایدرك پادشاهی اله الد قدن صکره بورسایه کلوب اها لسنه  
بك چوق ویركولر طرح ایله تحصیل ایلشدر که بو وقعه  
فاجعه نك تفصیلی ظلم وغدرک انواعی سو یلمکدن عبارت اولوب  
یوخسه اخلافک عبرت و انباهنی موجب اوله جق شیئر یوقدر  
شو قدر دنیله یلمور که حضرت پادشاه تیمورک ظهورینی کوجک  
کوروب نظر حقارت ایله باقد قلمری جهته ابتدالرده اوله جق تدابیر  
احتیاطیه تمامیه رعایت ایتیوب تاتاره تاتار عسکرلرینی مقابل کوندردیکی  
وانا طولی الکاسنده حکومتده بولنان کرمان و منشأ و آیدین اوغللرینی  
ادنا بهمانه ایله یرلرندن قاجیروب علما صنفی دخی بعض اوضاعندن  
طولا بی کند و سندن تنغیر ایلد یکنندن وقعه مذکورده خلقک  
کوکلسز طاوور انسنه سبب اولمشدر

اوروپا لورک یازد قلمری تار یخلرده بود دفعه تیمور خاگ معیننده التیوزاوتوز  
بیک بعضر وایتیه نظرایا لکزیوز بیک عسکر وارایدی دیوا اشارت  
اولمش اتحق ایکسنده دخی افراط و تفریط بولنور زیراسکر یوز  
یا خود التیوز بیک سواری و پیاده برنجی حمله ده اعزام اولنه من  
و بیان اولنان مقدارده نفوسک قونار کوچر صورتده قطع مرا حل  
ایتمسی ممکن دکلدر کذلک یوز بیک عسکر ایله دخی هر واردیخی  
محلی ضبط ایتک و آسیا پادشاهلرینی کند ویه اطاعت ایتدیرمک  
مرتبه سنه کتورمک دخی قابل اوله مد یغندن اشبوا یکی روایت



متباینه نك اورتیه سی اوله رق تواریخ معتبره قدیمه نك برنده تیمور خانك  
 یاننده بولنان عسكرك مقدارى اوجیوزسكسان ایکی بیك التیوز  
 اون ایکی نفره بالغ ایدی دیویا زلمشدرکه جله سندن زیاده صحتیه  
 قریبدر وقرمان وکرمیان ومننشا وحیدواسفندیاروذوالقدریه امثالی  
 دره بکلیکی یولیه وتغلب صورتیه حکمدارلق مقامنی بولانلردن تیموره  
 دخالت ایدوب یاننده اولانلره ینه اسکی درلکری ویریلوب آل عثمانك  
 خرسیتانندن الدیغی ممالکه دخی تاتارلردن والی نصب ایلیوب  
 ظلم وغدر ایله بیحدمال جمع ایلادی تیمورك کلوب کیردیکی وچیقوب  
 کیتدیکی یرلری خراب ایدوب یاقدیغنك سببی ظن اولنورکه تیمورخان  
 ضبط ایلدیکی یرلرك هیچ بریسنی زیر حکمنده طوتمق استه میوب  
 ینه ترك ایدیه جکندن برداها کندویه عصیان ومخالفت ایدیه میه جك  
 صورتده خلقنی پریشان وملککرینی خراب وویران ایتکله آسیا قطعیه سی  
 اوزرنده بولنان سکنه نی بوجهتله کندویه محتاج ایدوب هر اجمعه  
 مجبور ایتك ایچوندراکن تیمور مغرور هر نقدر جهانگیرك ایله مشهور  
 اولمش وبونك فتوحات متوالیه وجسمیه سیله تاریخلردخی طولمش  
 ایسه ده حقیقت حاله نظر اولند قده تیمورك بومرته لرده ظهور ینه  
 کندوسی دخی اول امرده اعتماد ایتز وخاطر وخیالنه دخی کلیوب  
 اساسی مجهول اولان برطاقم حکومتلرك زوالی وایرانك جنکیز یاندن  
 صکره اختلالی وامراء تاتارك دخی جنکیز وهلا کو وغازان خانلرك  
 زمانلرنده اولان غالبیتی آرزو ایلاد کلری مساعدیه زمان ایله تیمورخانه  
 تصادف ایلدیکندریوخسه تیمور خانك افکار مخصوصه سی  
 محصولندن اوله رق ظهور ووقوعندن اول قرار ویرلش واکا  
 کوره مطالع اولنوب مقدمات بسط اولمش دکلد رزیرا تیمور خان



هيج برجنكي اول مظانعه ايد و ب هر دانه طا و را نوب قزاقمادی  
و خصما سندن هر قنغيسنه غلبه ايلش ايسه ملكنى يا قوب خراب ايد رك  
قزاقمادر و دولت عليه ممالكنه دخى هجوم ايديشى اول دشونلش  
اوليوب بغداد حاكمى سلطان احمد جلايرى ويوك اردنستانك  
سمت جنوب غريبنده واقع الكا و اراضى يه ديار بكر حد و دندن  
حكم ايليان قره قيونلى قره يوسف ارزنجان و عربكبر و موش و وان  
نوا چيسنده بلك ايدن سلطان ارتانك برا درزاده سى طهرتن بك  
كه بوكا بعضيلر طرفندن ظهيرالدين بك دخى ديرلر بونلرك تحريك  
واغوا سى سبيله ظهور ايلدى و دولت مشار اليها اوزرينه اولان  
غلبه سى دخى چبق آباد نهرينى كسوب عساكرى صوسىز براغوب درون  
ممالكى افساد ايد و ب و دولت طرفنده بولنان تاتار عسكرينك  
دخى مواعيد كثيره ايله افكارينى افساد ايدرك كند و جانبنه دوند رهنسندن  
واكثر عساكر ك سر كرده سى تيمور خانك ياننده بولنسنندن اولمشدر

### تفصيل سفر هفت سال

كتاب رابع سابقده بيان اولنديغى اوزره هندستان پادشاهى سلطان محمد  
سرى سلطنت هنده جلوس ايلد كد نصكره عساكر كثيره تدار كيله  
بنكاله كورفى طرفندن عزيمت ايليه رك امرامى حير حصول  
اولدى علما و شعرايه فوق الحد رعايت ايلديكندن نام ناميسنه تاليف  
اولمش كتب كثيره وارد رايى مومى اليه فوت اولدقده يرينه اوغلو  
محمود شاه سرى حكومهت جالس اولوب امراء فيروز شاه دن اولان ملو خان  
دخى كسب تفرد و استقلال ايلدى بواشاده تيمورك اول حوالى يه طوغرو  
هجوم ايلك اوزره اولديغى سلطان محمود شاه ايله ملو خانك مسموعى اولنجه  
استظهار لشكر بيشمار و اعتضاد عدت و ابهت بسيار ايله مستعد جنك



و پیکار اولوب پای ثبات و قراری استوار ایلدیلر تیمور مغروردخی اول قومک  
 عناد و استکبارینه واقف اولوب نظیر قلعه سنی تسخیر ایلد کد نصرکه  
 عنان عزیمتی دهلی طرفنه تحریک ایلدی اوراسی دخی تیمورک  
 عساکرینه مخیم اولد قده سلطان محمود ایله وزیر ی اولان ملو خان  
 درون هند ستانه فرار ایلدیلر شهر مذکور هندستانک اعظم شهورندن  
 اولوب لاهورک شمالنده واکره نام شهرک جنوبنده در سکنه موجوده سی  
 قراسیله برابر اوروپا لولرک تحقیق اوزره عصر مذکورده بش ملیون  
 نفوسه قریب ایدی غایج و جومنه نام نهر لر ایله اراضی سی اسقا اولندیغندن  
 زیاده سیله منبت و محصول دار اولغله اطرافنده باغچه لر وارد ر عجم  
 تاریخلرینک بیان ایلد کلری اوزره دهلی شهری بر برینه متصل اوج  
 شهر دن عبارت اولوب برینه سیری ایکنجی جهان پناه اوجنجی یه  
 دهلی دینور لکن تیمورک غارت و یغما سی اثنا سنده جله سی خراب اوله رق  
 بر برینه مساوی اولدیلر هند تاریخلرینک حکایه لرینه نظرا هجرتک بشیوز  
 سنه سی قطب الدین ایپک اوراسنی سامانی کروهندن المشرکه اشبو  
 سامانیلر کونشه عبادت ایدر برطاق قبائل بی سروسامان دن عبارت ایدی  
 نصرکه لری جنه کیریا نك هجوم و تسلطن دن خراب اولمش ایکن التیوز  
 سنه سنده جلال الدین خلجی همشله بتکرار عمارت یوز طو تدی الحاصل  
 تیمور اول حوالی بی غارت ایلد کد نصرکه دروازه شهر دن آوازه کوج  
 ایشیدیلوب رایات تیمور آب چون دن عبور ایلد کده لهاور حاکی شرف  
 بساط پیوس تیمور ایله مسرور قلندی بعده صحرای دوات آباد مخیم  
 سرادق تیمور ظلم معتاد اولد قده اول حوالیده بولنان آتش پرستلرک  
 قتل و اعدامی فرمان اولندیغندن عمرنده برطاق کسمیان ذوات  
 اول ائنده اوتوز هندی قتل ایلدیکی جهتله یوز بیکن زیاده نفوس



تلف او باشد و تکرار نهر کتک دنیلان غانج نهرینی کچوب سوالک  
 طاغلرینی طولاشارق آتش پرستلرایله یکر می بردفعه دن زیاده جنک  
 ایلوب غلبه کثیره یه مظهر اولد قد نصکره کشمیر طرفنه عزیمت  
 اولمشدر که کشمیر شهری طاغلر آره سنده واقع بر شهر جسیم اولوب  
 اهل بسنک اکثر واغلی عبده اصنام و بازی دخی سامانی و شامکونی  
 مذهبنده اولوب زمام حکومت ادعای اسلامیت ایلان سلطان  
 اسکندرک النده ایدی که اشبو سلطان اسکندرک پدری قطب الدین  
 انک پدری علاء الدین انک پدری شمس الدین در که کشمیر هندیلردن  
 اولیق اوزره حکم ایلان بر عورته کسب تقرب ایلایه رک زمام اداره  
 کشمیری دست تصرفه المشر الحاصل امیر تیمور اول دیاره دخی  
 قدمزن شر و شور اولد قده سلطان اسکندر طرفنه ایلچیلر کلوب  
 مظهر نوازش اولد یلر اشبو کشمیر شهری بروادی منبت اورته سنده  
 بولنوب اطراف کوزل اورمانق و طاغلرک تبه لری قارلرایله مستور در  
 اهل بسی سنه مزبور اثناسنده بشیوزیک نفوسه قریب اولوب اکثریسی  
 صنایع ایله مشغول اولد قلرندن کوزل اسلحه و پک اعلا شال نسج  
 و اعمال ایدر لر آیین و مذهبلری بر همینلره تابع ولسانلری دخی فارسی یه  
 قریب برلسان مخصوص صدر و الحاصل محفه تیمور مغرور قطع منازل  
 وطی مراحل ایله شهر کابل واصل اندن دخی حرکت اولنه رق آب  
 جیخوندن سفینه لر ایله کذار و شهر ترمد موصلت ایله برقاج کون  
 اقامت و قرار بعده متوجه سمت سمرقند اوله رق قبه الحضرا اولان  
 سبز وار شهرینه و حصول اورادن دخی فک طناب ایله ورود نام شهرک  
 کنارینه ورود برقاج کون اقامت نصکره نفس سمرقنده دخول اولندیغی  
 ید یوز طقسان سکر سنه سی شعبانک یکر می برنجی کونی ایدی



ایمدی تیمورک ممالک توراندن ایرانه بتکرار توجه ایدیشنک سببی ظفر  
نامه یزدی و خواندمیر و عهد هما یون نام تاریخلرده شویله بیان اولمشد که  
امیر زاده میرانشاه بعضی اسباب و عوارضدن ناشی مختل الدماغ  
اولدیغندن بلا موجب تبریزدن ایکی قوناغی برایدرك صوب بغداده  
شتاب ایتمکله حاکم بغداد اولان سلطان احمد جلایری بونلرك هجومه  
اظهار تلاش یحساب ایله دوچار اضطراب ییچتاب اولمش ایکن  
بغدادی محاصره سنک ایکنجی کونی سببسنز اوله رق ناکاه تبریز طرفنه  
معاودت ایتک مثلاً و برینه اویماز ایشلرده بولندیغندن مهجۀ رایات  
تیموری اول حوالی یه پرتوانداز وصول اولسی لازمه حالدن اولمغله  
اطراف ممالکده بولمان شهزاد کانی عسکر جمع ایلیه رک جانب  
آذربایجان کملری فرمان اولندقدن صکره سکر یوزایکی سنه سنک محرمده  
لشکر تاتار مغول ایله امیر تیمور آب سیخوندن عبور ایدوب نیشابور یولندن  
بسطام قریه سنه بعده ری شهرینه اندن دخی همدان حواله سنه  
واصل اولدقده امیر زاده میرانشاه بره مقدار خدا میله اردوی تیموره  
عازم اوله رق حضور تیموره چقمغه طالب اولمش ایسه ده اولکی کون  
رخصت ویرلیوب ایکنجی کون حضورینه جلب ایلیوب وافر  
نصیحتدن صکره شهزاده نک هوای نفسنه متابعت ایلیان اشخاصک  
باشلرینی بد نلرندن جدا ایله اجرای جزا ایلدی بعده سنه مذکوره  
قبشی قره باغ قشلا غنده چقارمق مراد اولمغله عساکر بی شمار ایله  
ارس نهری اوزرندن کچیلوب عرتابان یورتی دنیلان قوطور نام محکم  
اطراف ونواحی سنی سپاهنه مضرب خیام ایلیوب کندوسی حوادث  
آتی الذکرک استماعیله مسرور و شیرین کام اولمش ایدی ذکر اولنان  
حوادثک (برنجیسی اوزبک الکاسنده امیر تیمور اشارتیه خانلق مسندنده



استقرار ایدن تیمور ملک کند و حقننده اولان مساعداته فریفته اوله رق  
 امیر تیموری طایموب صورت عصیان کو سترمک اوزره ایکن فوت اولوشی  
 (ایکنجیسی اقطار مصر و شامده سلطنتله ادعای استقلال ایلان ملک  
 ظاهر برقوقک دخی وفات ایدیشی) اوچنجیسی اقلیم خطاده فرمان فرما  
 اولان تنغور خانک هلاکیله درون الکاده اختلال پیدا اولسی (دردنجیسی  
 قبش اورته سنده کر جستان ممالکنه برطاقم عسکر کوندروب جشانام  
 کر جی قرالنک موضع مستحکمه سنی غارت و یغما ایتدردیکی) (بشنجیسی  
 ینه اول اثناده امیرزاده پیر محمدک عراق و عربی فتح ایلد یکی در  
 خلاصه کلام سکزیوز اوچی اول بهارنده امیر تیمورک ملحقات ممالک  
 عثمانیه دن اولان مدینه سیواسه هجوم ایده جکی بغداد حاکمی سلطان  
 احمد جلایری ایله کردستان مالکی قره یوسفک مسموعی اولنج  
 بولند قلری موقعلرده راحت کوره میه جکلرینی ییلمد کلرندن ملجاء  
 مظلومین اولان یلدریم بازید خان حضر تلرینک زیر سایه عدا لترلینه  
 دخالت ایتدیلر وقتا که امیر تیمور قبش فصلانی قرباغ قشلا غنده  
 چقار دقد نصکره اولا بلاد کر جستانی تخریب ایتکه سوق لشکر  
 ایلد کده کر جی خانی اولان جانی پک خان نیم جان ایله بیم جان  
 دوشوب درگاه تیموره التجا ایدرک اول ورطه مهیه دن نفسنی خلاص ایله  
 کسب اختصاص ایلدی

بو اثناده مزید شوکت و مکنته موصوف و متانت و جلالت ایله معروف  
 اولان یلدریم بازید خانک آذر بایجان و البسی طهرتن خانه که بوکا بعضیلر  
 ظهیرالدین دیویاز مشلرمومی الیه کتاب اولده بیان اولنان امیرارتنانک  
 برادرزاده سید در بعض مرتبه عتاب و خطابی شامل وارد اولان  
 نامه همایونلری نظرگاه تیموره ایصال اولند قده آسیا قطعه سی اوزرنده



اولان غلبات متوالیدسی غروری ایله مغرور ایکن ذکراولمان نامه نک  
مالی هر نقدر کندوسنه دکل ایسه ده پک آشوری کبر و نخوتنه طوقندیغندن  
کندوسنک حضرت پادشاهه بوماده ایچون مکتوب کوندرسی ایجاب  
ایتمز ایکن ضمیرنده مر **ک**وز اولان عداوتی میداننه چیقاروب  
کال انقعال ایله بوصورته بر نامه یازوب ارسال ایلدی

❁ صورت نامه تیمور بجانب حضرت پادشاهی ❁

عنایت الهیه ایله ربع مسکون آستان اقبال آشیانک بندکان ظفر اقترا نی  
تصرفنده اولوب ملوک و سلاطین ایران و توران حلقه بکوش ملازمان  
رکاب فیروز انتساب اولد قلمری مسموع و معلومک اولمشدر پس  
ایمدی سکا انسب اولان اولدرکه سفینه عاقبت اندیشیده اوتوروب  
بادبان جسارت و مخالفتی افراشته ائیمه سین تا که بنم دریای غضبم  
تلاطم اموا جنده ساحل فراغت و راحتته ایریشه سن انجق بومدته  
اقامت فرض جهاده کر بسته اجتهاد اولدیغک مسموع همایونم  
اولغله غزو بلاد افرنجه عنان توجه سعادت اقترا نی بوملاحظه  
ایله صرف ایتمدم تا که عسا کر منصوره مک هجومندن حاصل اولان  
غبار ملال جهرة احوال اهل اسلامه قونیه طریق سداد و رشاد  
بودرکه شیوه مستوده آبا و اجداد کدن تجاوز ایتوب عناد و استکباری  
ترک ایله دولت فیروزی نشانک موافقتندن اوله سز و السلام

بونامه عتاب آمیز بایزید خانه واصل اولنجه خیلی وقتدرکه تیمور مغرور  
ایله مقاتله ایچون مقابله ایتک ضمیرمدن کچر ایدی جوابیله نامه پی  
کتورانلری اعاده ایلدی ایمدی تیمور یلدرم خانک جوابی الدقدنصکره  
سیاه بی قیاس ایله عازم راه سیواس اوله رق متین الاساس اولان  
سیواسی هدم ایچون حفر خندق عمیق و قلعه درونه القای احجار



کبیره ایچون مکان مر تفعدن نصب منجنيق ایتد یردی ذکر اولنان  
سیواس شهری سباست نام ارمنی پراسلرندن برینک نامنه است  
اولنه رق بنا اولمش ایسه ده قلعه بی علاء الدین کبکا د سلجوقینک  
کمال اهتمامله یاپدیغی بنالردن اولوب فتح و تسخیرینه تیمورک طرفندن خبلی  
چالشد یکه محاربه مذکورہ نک تفصیلی یعنی یلدرم یازید خانک  
طرفندن مدینه سیواسده محافظ اولان مصطفی مالقوج بکک درتیک  
قدر عسکرایله درون قلعه ده تحصن اولدیغی واون سکر کون مدت  
محاصره نک اوزاندىغی وحضرت پاشاهدن امداد طلبنده بواندقلری  
واواشاده شهرزاده ارطغرل بکک وفاتی وقوعیله امداد ایديله مدیکی  
وطهرتن بکه کوندریلان نامه همايونک صورتی واهالی قلعه دن  
سادات وعلما قلعه نک خارجه چیعوب درگاه تیموره اظهار انقیاد  
ایلدکاری و تیمورک دخی سیواس قلعه سنی یره برابرهدم ایتدیکی واسترحام  
واستعطافه چیقان اطفالی اتلرینک ایاقلری التده تاف ایتدیروب  
و برچوق ذکور واثی چقورلره طولد یروب اوزرینه طپراق دوکدیکی  
حضرت پادشاهک وقایع داخلیه سی صره سنده یازلمشدر انجیق  
خواندمیرتارینخی روایتنه کوره امیر تیمور قلعه سیواسی فتح ایلد کدنصکره  
اهالی اسلامه تعرض ایتیب یراوسندن اولان روم وارمنی طاقی ایله  
مسلم اوله رق بولنان عساکر عثمانیه بی بلا امان قلیچدن کچورمشدر  
بولردن اکثری سنی دیری دیری چقورلره طولد یروب اوزرلینه طپراق  
دوکه رک اولد رمشدر

خلاصه کلام تیمور اورادن ملاطیبه والبستان طرفنه کچوب اول حدودده  
اولان قلاع و حصونی فتح ایلد کده اداره سنی آق قیونلی طاقندن اولان  
امیر قره عثمانه حواله و کندوسی لجام عزیمتی نواحی شامه اماله ایلدی



تیمورک اولدیاره هجیومنک سببی خواند میرتارینخنده شویله یازلمش در که  
 امیر تیمور کورکانک عراق عربی بعد التسخیر تد میر آفاق ایچون ساق  
 اجتهادی تشهیر ایتسی ید یوز طقسان بش سنه سی اولمش ایدی  
 اول تارینخده حطه مصرک حکمداری اولان ملک ظاهر برقوقک طرفند  
 علونسب و سمو حسب ایله موصوف شیخ زاده دیمکله معروف کیمسه بی  
 سفارتله کوندروب هیچ بروقتده ایلمچیلره غدر و قصد اولنمق اصولدن  
 دکل ایکن ملک مشار الیهک ذکر اولنان سفیری قتل و اعدام ایتسی  
 هر تقدیر امیر تیموره اغرکلمش ایسه ده او کونلرده کندیس حکمران دشت  
 قیچاق توقمش خان ایله تیروسنانی طوقشدر مق ایله مشغول اولدیغندن  
 بالضرورت مرهونه تعلیق اولنمش ایدی بوار القده سابقا تیمورک فتح  
 ایلادیکی اونیک قلاعه سنه ده محافظ بولنان ایلمش خانی قره قیونلی طاقندن  
 اولان قره یوسف ترکان اسیر ایلوب مصره ارسا ایتدیکی و ملک مصر  
 برقوقک دخی ایلمش خانی زندانه قویدیغی ملک مشار الیهک جریمه  
 سابقه سنه ضمیمه لاحقه اولدی مصر یلر ایله تاتارلرک اراسنده تحدرت  
 ایلیان خشونت ورعونتک نتیجه سی داها نصل اولدیغی لایقیله معلوم  
 دکل ایکن ملک ظاهر برقوقک وفاتی ویرینه اوغلوفرچک جلوسی مسموع  
 تیمور اولنجه ایلمش خانک تخلیه سبیلی ایله کیرومخلنه اعاده ایتسی قطعیا  
 طالب اولدی ملک فرج دخی پدرینک اصولنه اتباع ایدرک امیر تیمورک  
 ایلمچیلرینی حبس و قتل ایلادیکی خبر مورث الکدری واصل اولدیغی  
 آنده زیاده سیله غضب و انفعال ایلوب بریه الشامک فتحنی یلدریم  
 بایزید خان ایله اوله جق محاربه یه ترجیح ایتکله طوغ شاهی بهسنی  
 صحراسنه قوندر یلوب حدود عینتاب موقف لشکر بحساب اولدی  
 بزم تارینخلرده تیمورک سیواسی خراب ایلد کد نصرکه ملا طید و البستان



يوليله حدود شامه توجه ايديشى كويا حضرت پادشاهك اول حوالى يه  
 شد تله كاپشندن خوف ايتشد ردو يازلمشدر اكر اويله اوامش اولسه  
 ايرتسى سنه انقره وقعه مشهوره سى اولماز ايدى زيرا تيمور اصحاب  
 توارينك بياننه كوره يلدريم خانك طنطنه شوكت وحشمتدن قورقش  
 اوليدى ايرتسى سنه تدارك كليسه ايله اناطولى ديارنه هجوم ايتيوب  
 كند و سنك التزام ايلدى يكي اصوله نظرا دها پك مهم اولان طرفلره  
 عزيمت ايدرايدى لكن دوات عليه عثمانيه نك وقايع جليله سنى بيان  
 ايدن مورخلر دولت مشار اليها نك نعمت واحسانيله پرورده اولدقلرندن  
 تيمور ايچون قاچدى ايدى قورقدى ظالم ايدى وغدار ايدى كى تعبيرات  
 قبيحه يى كابلرنده يازمشلردر بناء عليه حين محاكمه ده اثبات اولنه مبوب  
 جرح ورد اولنان سوزلرى يازمغله تيمورك شاننه نقيصه ترتيب ايتز بلكه  
 توارينخ سائر نك مطالعه سيله حقيقت حاله مطلع اولنلر وقايع صحيحه ده  
 دخى متردد اولمريله توارينك قدر واعتبارينه خلل كلور آيا واجدادم  
 خدمت مخصوصه پادشاهيده بولند قلرى مثللو بنم دخى نعمت  
 عبوديت ولى نعمتدن بشقه كوزمده برشى اولديغندن تيموره خصومت  
 مخصوصه سى اولانلر ايله برلكده يم لكن مورخه كوره كند و سنك  
 خصومت و انفعالى وقوعات زمان ايله برلشد يروب اغراض  
 مخصوصه سنى قارشى درمق پك بيوك عيب اولمغله برماده يى اولديغى كى  
 يعنى لهسنده و عليهنده يازيلا نلرى تعديل ايدرك سويلك لازمه  
 مأمور يتدر

الحاصل امير تيمورك نهر فراتى كچوب حلب حوالى سنه وصولى و انبى  
 اولان تيمور طاشه باعث تلاش و ارتعاش اولديغندن افنديسى بولنان ملك  
 فرجه استمداد ايچون مصره فر ياد نامه اطاره ايلدى جواب اوله رق شام



امیر الامر اسی سلطان شدن طرفه مخصوصا امر کوندریلوب  
 عسکر جمع ایدرک تیمور طاشک یارد منده حاضر اوله جقد ز  
 خبری کلد کد نصر کره مصر تاریخی نیک روایات مختلفه لرینه نظرا  
 حلب امدادینه اولمق اوزره یوزا الی بیکه قریب یرلی وغریب  
 عسکر طوپلندی لکن فن حربده ملکه ومهارتلی اولدیغندن  
 مدت قلیله طرفنده عسکرک برازی جانب شامه فرار وبرچوغی  
 دخی ادنا بر محاربده دن یوزد و ندر وب افتان وخیزان درون شهر  
 حلبه کریزان اولد قلمری ائشاده اطرافده بولسان عشایر اکراد و اترک  
 ارقه لرندن ایریشوب اموال وخیولی غارت ویغما ایلد کلری وقت  
 تیمورک دخی عسکری درون شهره کیروب سلطان شدن  
 ایله تیمور طاشی اسیر ایلیوب حضور تیموره احضار د نصر کره زندانه  
 قوندیغی بر شخص مصری ایله حکمدار حطه مصر ملک فرجه  
 اخبار اولندی ملک فرج دخی هزیمت ومغلوبیت رزالتدن کندوی  
 قورتارمق اوزره عساکر مخصوصه موجوده سنی استصحاب ایله  
 حدود شامده واقع قبه السیار نام محله وصولارنده اوردونک  
 اطرافی خندق ایله احاطه اولوب منتظر جنک و بیکار اولدی لر تیموردخی  
 حلبی بعد الفتح بعلبک طرفه توجه اورادن دخی جهت شامه تحریک  
 لجام واهتمام ایتدی مصر یلر ایله ارازلنده خیلی محاربه واقع اولوب اقلیم  
 مصرده اوقتان خطبه وسکه تیمورک نامیله مشترک اولمق وایلمش خان  
 دخی تیمور طرفه تسلیم واعاده قلمق وتضمینات سفریه اوله رقیوز بیک  
 شریفی التون ویرلک اوزره مصالحه یه قرار ویرادی  
 بومباحثه وقیل وقال اراسنده ما عجه تیمور نفس دمشق شامه ارائه شر  
 وشورایتد کده علما واعیان مملکتی حضورینه جلب ایدرک شو یوزدن سوزه



آغاز ایتشد که صحرای کر بلا ده اولاد و آل رسولک نه هر تبه لده اذ او جفا  
 کورد کلری جله نك معلومی اولوب بو کادخی سبب اولنلر کند و لری  
 سید المرسلین و حبیب رب العالمین حضرت تارینک جله امتدن عد  
 اید لر ایکن نه تأویل ایله خاندان نبوتک جانبنه ترك نصرت ایله گروه  
 مخالفینه بر اشوب یکدل و یکجهت اولمشلرد رایمدی بنم عند مد ه  
 و جله ناسک عند لرنده محققدر که بو احوالک جله سی شا میلردن  
 صادر و یو بایده مجموعی ظالم و غادر اولد قلرندن انلرک سزا اولدیغی  
 جزاسی امر امز ایله سوبلشیلوب قرارلشد یر لمشدر دید کد نصکره  
 سکر یوز اوج سنه سی غره شعبانندن بد ایله هفته سنه قدر درون شهری  
 نه ب و غارت ارا نه روی رخصت ایتکله جامع کبر مشهورک اکثر  
 حوالبسی یا نوب مناره لری ما ئل انهدام اولد قد ه کند وسی دخی  
 نواحی شامدن اولان غوطه نام محل مغبوطه نصب بساط طناب ایلدی  
 اورادن رایات شاهی جانب حایه راهی اولوب مصر یلر طرفندن  
 درون شهرده بولنان والی و اهالی صورت مخالفت کوسترمک  
 ایسته مشلر ایسه ده قوه قاهره تیموره طیانه میوب تسلیم ایلدی یلر  
 بعده نهر فراتی کجوب بیره جک طرفنه عزیمت اولندی اشبو بیره جک  
 عهد قدیمده بیر دید کلری شهردر که بعضیلر طرفندن بیرته دخی  
 دینور اورفه نام شهر قدیم مشهورک قربنده اولوب نهر فراتک  
 ساحلنده واقعدر یونندن اقدام تجارتگاه مشهور ایکن تیمورک  
 هجومند نصکره خراب اولد قد ه ارتق معمریت قدیمه سنی بوله مدی  
 اهالی اسلامی یکرمی یکدن متجاوز اولوب رعایاسی مذهب یعقوبی  
 اوزره در اشبو یعقوبی مذهبی دنیلان مذهب جدید دخی یعقوب  
 زانزال نام راهبک اختراع کرده سی اولوب آسیا قطعه سنده مذهب



من بوره ذاهب وسا لك ومعتقدك جوق نفوس اولمغله بونارك رئيس  
مذهبلری قره آمد نام قصبه ده اقامت ايدر

الحاصل امير تيمور حوالی مذکورہ نك اداره عمومیه سنی امیر قره عثمان  
بایندی ری یه تفویض و کندوسی نصیبین یولیه جانب بغداده حرکت  
و نهضت ایلدی بغداد حاکی بولنان سلطان احمد جلایری حلب  
اوزرند ن کچوب حضرت پادشاهك درگاهنه یوز سوردیکی ائزاده  
امراسندن امیر فرخ نام بر شخصی محافظ قلعه بغداد ایدرك براقش ایدی  
والی مومی الیه اهالی ایلده مقام مخالفت ثبات و اقدام کوسترمشلر ایسه ده  
عسکر تيمور پك شد تلی هجوم ایلده رك قلعه تسخیر اولندقدن صکره  
قتل عام اولمسی اعلان اولندیغندن دجله نك صوبی بوکره دخی خون  
مقتولان ایلده بصره یه طوغرو ارغوانی رنك اوله رق جریان ایلدی  
هواسی دخی لاشه لك عفونا تندن فنا لشمغله ارتق تيمورك اورالرجه  
اقامتیه موجب برایشی قالد یغندن جانب تبریزه عنانریز اولدی اندن  
دخی حرکت اولنه رق شروان یولیه بتکرار قره باغه کلوب بحر حزنه  
جریان ایتك اوزره مراد نهرندن برجدول جسیم حفر ایتدیره رك کندو  
خواص ومقرینندن اولان امیر برلاسك اسمیله تسمیه ایلدی

هجرتك سکر یوز بش سنه سی اول بهارنده عراق عربیه سوق ایلدیکی  
عساکری جمع ایلوب ممالک رومه هجوم ایتك افکارنده اولدیغی  
ویلد یرم بایزید خان طرفندن کندویه ایلچی ارسال قلند یغی  
وایلچینك جوابی زبان و سیف و سنانه حوالی اولنه رق انقره قربنده  
بازار کارزارك قورولد یغی حضرت پادشاهك وقایع دا خلیه سی  
اراسنده تفصیل اولمشدر اوریاهه مراجعت اولنه

افریقا قطعده سی اوزرند ه مصر حکومتدن ماعدابر برستان طریقیه



مغرب الاقصایه ورنجیه دك طرابلس وتونس وتلمسان و مراکش  
وفاس ممالککنده بنی عماد بنی حفص بنی مرین بنی احرار امثالی حکومتلر  
اولوب بولردن طرابلس غربده حکومت ایلان بنی عماد طاقندن  
عبد الواحد نام ملک بولوب بنی حفصدن افریقا حاکمی ابوفارس  
عبدالعزیز ايله محاربه ایتش ایسه ده عبد الواحدك مقاومتہ اقتداری  
قالما دیغندن اسیردوشدی افریقیه پادشاهی سالف الذکر ابوفارس  
عبدالعزیزك عساکر کثیره ايله طرابلس طرفنه توجه وعزیمتی فاس  
پادشاهی سعید عثمانك مسموعی اولنجہ حدود وثغورده بولنان لشکری  
بنی حفصك ملکنه سوق ایدوب تلمسانی بعدالاحد کندو نامنه خطبه  
قرائت ایتیردی انجق مغرب پادشاهی اولان ابوسعیدك اسپانیاده  
واقع غرناطه الکاسنده بولنان بنی احرار طبقه سندن ملک محمد ايله  
استقلال حکومت ماده سندن طولایی ارالنده قاستل قرالاری تحریکیله  
مغایرت ومناقشه پیدا اولدیغندن افریقالولك قوت و نفوذینی اسپانیا  
الکاسی اوزرندن بتون بتون کسر ایتدیلر اورالرك اهابسی ایسه آبا  
واجدادی طرفندن مقهور ومغدور اولان اسپانیا لرلورینی کندولرینك  
خصم جانلری اولدقلرینی اونودوب بش التی یوز سنه لك ممالک  
موروته لرینی انجق عدم اتفاق ملابسہ سیله یوز سنه طرفنده محو  
اولور درجه یه کلدیکنه باقلمیوب اندلس و اسپانیاده قلان عربلرك  
دوام دولته افریقاده واقع حکومتلر ايله هر نه صورتله ایسه اتحاد و اتفاق  
اساس اتحاد ایتك لازم ایکن اهای قديمه اصلیه سی کندولرینی دوست  
صورتنده کوستره رك عربلری تحریکات متوالیه ايله اسکی دوستلرینی  
دشمن ایدوب دشمنلره دوست نظریله باقدر مقده ایدیلر خلاصه کلام  
اجنبی ملک ایچنده خارجدن کله رك حکومت وسلطنت تشکیل ایتك



نقد ر قوت و اقتداره و نقد زمین و زمان ايله پولينيغه لی طور انلاخغه  
 موقوف ايسه تشکيلند نصکره دخی اطرافدن اوله جق مکر و فسوندن  
 بر اولقدر داهاز ياد احتياط ايتک کر کدر خصوص انظامات داخلیه سی  
 مختل و مشوش اولان دولتک ملکی قابل اصلاح دکل ايسه هم جوارلری  
 ايله مقاسمه ايتک ماده سی حکمدارلرک پک اسکی عادتلرننددر الحاصل  
 غرناطه حاکی محمد سکزیبک سواری او ن بیک عسا کر ايله القنطره  
 شهرینی محاصره ایدرکن مرض مهملکه شديده یه اوغرایوب مدت  
 قلیله ظرفنده فوت اولدیغندن محاصره ماده سی بر طرف اولوب  
 قاستل قرالی هانری غرناطه حکومتی داخلنه خیلی فسادات نشر  
 ایدیکندن سالو بره نا والیسی قاعدایله سید احمد و فاملیای حکمدار ایدن  
 یوسفک ارالینه منافسه دوشه رک ممالکده اختلال اولمش ايسه ده  
 یوسف بن یوسف طرفلوسی غلبه ایلد کلرندن غرناطه حکومتی  
 مومی الیهده قالدی که بونک بقیه سی کتاب سادسه  
 براغیشدر مراجعت بیور یله

اسپانیاهالی اصلیه سی دخی اراغون و قاستل و لئون ایالتلری اعتبار یله  
 اوج حکومت صغیره یه تحول ایدرک عربلرک التندن زمام حکومتی  
 الوب طرف طرف غلبه ایدرلر ایکن بیله درون اورو پاده مذاهب جمیده  
 دعوالری ظهور ایتکه باشلا دیغندن پاپانک جانبندن هر درلو اوراق  
 نشر اولمسیله حکمدارلر اراسنده تعصب و عناد و مخالفت اکسک  
 اولدیغندن علی التوالی محاربات داخلیه دخی شدتله میدانله المقده اولوب  
 اصحاب املاک و عقار و مالکانه متصرفلری و دوقه و پرنس لر دخی  
 بولند قلری حاللری توسیع و ترفیع سودا سیله اسباب ممکنه سنک استحصالنه  
 باقنده اولد قلرندن اسپانیا و اندلس قطع سند یه بولنان عربلرک دخی



اختلال داخله لری سببیه حاله لری فنا لشوب دولت و حکومت لری الیردن  
چینه جغی بللی ایسه ده ذکر ایتدیکمز ارا غون و قاستل  
ولشون طاقندن قنغسنه حکومتک انتقال ایده جکی داهما قطعیا  
معلوم اوله ممش ایدی

بوتاریخی اصول جدید اوزره یازوب معاصر لک احوالی بیان ایتکدن  
غرضم بوعصر لره تصادف ایدن دولت و حکومت لک ذروه کمال  
واقباله چیقوب صکره وادی حاضیض و زواله اینسی نصل سبیلک  
ظهور و حقوقیه اولدیغنی بیلک و بعضیلک دخی قوت و مکنتی  
نه اصول ایله حفظ ایدوب یارواغیاره قارشو نصل پولینیقه استعمال  
ایتدکارینی اکلایمق و بونکله برابر اسپانیا قطعیه سندن عربلک چکیلوب  
کیتکارینی موجب اولان سبیلری ارایوب محاکمه ایلک ارا سنده اولاد  
واعقابمزه عبرت لبراقق افکارندن عبارت اولمغله هر بردولتک اداره سی  
آیروجه مطالعه اولنسه هربری بشقه بررساله اوله جغندن اشبو  
بشچی کابه قدر یازیلان اسپانیا احوالی دخی صیره سبیله  
برلشدیرلدیکی حالده مختصر اوله رق اسپانیا تاریخلرینک خلاصه سی  
کی اوله جقدر فقط بوراسی فقرات سائره دن زیاده تفصیل اوزره  
یازلشد رزیرا اجنبی ملکه مالک اوایوب اها لئ اصلیه سنه طقوز  
یوز سنه قدر حاکم اولدقد نصکره مدت قلیله ظرفنده هیئت حکومتلرینک  
نظامی بوزولوب حاکم ایکن محکوم اولمقلغه ندن محتاج اولدقلرینی  
بیلک اخلاف حقلرنده عبرت و انتباهی موجب اوله جغندن بوکابده  
دخی بر مقدار تصریحات درج اولنشد رشویله که اسپانیا الکا سنه  
افر یقاجانبدن پیدر پی هجوم لراولنه رق تمامیه استیلا اولدقد نصکره  
هربری یکدیکرک نفوذ واستقلالانی قیرمق ایله کند و سنک میدانه



چيقياسي فكر فاسدينه صيياراق يراولرك دخي صورت حقانيتده  
اولان مكر و حيله لرينه الدانارق كندو اورته لرند ه محاربه دائمه  
بلاسن چيقارمق ايله برطرفدن حرب و ضرره يرايان نفوسك تلف  
اولسي و برياندن دخي معموريت و رفاهيته باعث اولان اجهنك مصارف  
فوق العاده ايله خرج اولوب كتميله بالاطبع يرلودن استعانه يه مجبور  
اولقلى و برطرفدن دخي تلاشي دائمه ايله ظلم و تعديلك چوغالاسندن  
و حوايج ضروريه نك فقدانى خوفيله خملك محلدن محله ترك وطن  
ايدرك غوغا و شتماته دن اوصانقلى اهالى اصليه سنك افكارنده اولان  
انتقام و غرض ماده سنه جسارت و يرد يكندن بشقه الك صكره اوله رق  
اندلس قطعه سنده انواع مداهنه و اداره ايله حكومتلرني محافظه ايليان  
عربلك بتون اندلس قطعه سي اوزرندن دفع و اخراجي ايچون اهالى  
اصليه سي ايله افر يقالور اتفاق ايتديلر بيلمديلر كه بو اتفاق ايله كندولرينك  
زوال و پريشانلغنه خدمت ايلديلر حتى مغاربه طائفه سنك بو بابه غفلته  
دوشكونلكرى اول مرتبه لرده تعجب و استغرابه شايندر كه اسپانيا و اندلس  
قطعه سندن كندولرني انواع حقارتله دفع و اخراج ايليان اسپانيا و لاردن  
تضرع و ابتهال ايله امداد اله رق افر يقا قطعه سي اوزرنده بولنان  
حكمدار لك قوت و اقتداريني كسرايمك بهانه سيله ازقاليكه افر يقا  
قطعه سنى دخي بويله يولسزلق و جينسزلك ايله اسپانيا و ل طاقنه  
تسليم ايده جكلرايدى

زيرا او عصر لرده سرير حكومته كلانلر كچنلر كى اصحاب بصيرت  
و اصلتدن اوليوب برقبيله نك شينى ايكن اراغون و قاستل طاقنك مطالب  
مخصوصه لرينه مساعدهلر وعدايدرك سرير حكومتي تحصيل ايلدكن  
صكره امور اعتقاديده دخي يكي يكي عادتلر چقارمق و صكره ايتديكنه



پشیمان اولوب خلقی کندویه جلب ضمنده اولکی مواعید کثیره سندن  
نکول ایتک کی بری برینه اویماز یوللره کتمکاری دخی دولت لرینک  
اساسی بداوت اوزره قورولش اولمغله حکومتک ناموسی نصل  
محافظه اولنه جغنی بیلنلر خارجه قالوب دریا جنگاری دخی بر طرفدن  
اسپانیا واندلسده قالان عربلرک امنیتلرینی وافر یقاده اولان  
حکومتلرک اسایشلرینی بوزدیغندن هم اندلس قطعده سنده بولنان  
حکومت اسلامیه محو اولدی و هم بربرستانده قالانلر پریشان اولدیلر که بونک  
بقیه سی بوند نصکره چیقاجق التبحی کابده بیان وایضاح اولنه جقدر  
✽ احوال اوروپا ✽

اشته کاب سابقده ذکر اولنان بشنجی شارلی نک اوغلو التبحی شارلی  
حکومتی اثناسنده مان نام اورمادن صیفک شدت حرارتنده کچرکن  
عقلنه خفت وخلل طاری اولدیغندن فرانسه اهابسی اورلیان  
دوقه سی ایله بورغون دوقه سنک طرفلوسی اوله رق ایکی یه منقسم  
اولمش ایدی بو اثناده انکلتره حکمداری بشنجی هانری فرانسه الیکاسنده  
اولان اختلالی فرصت اتخاذایدرک میلادک بیک درتوزاون بش  
سنه سی فرانسه ممالکنه هجوم ایدوب نورماندیا ایالتی اخذ  
ایلد کد نصکره پدرینک قتلی انتقامنی آلق خولیا سنده اولان مقتول  
بورغونیه دوقه سنک اوغلی فلیب ایله عقد مصالحه یه میل  
ورغبت ایلدی

ایمدی اشبو فلیب دنیلان ذات بورغون دوقه سنک اوغلو اولدیغی  
جهته پدرینک فوتند نصکره فرانسه قرال لغنی کند و طرفلورلی  
همتیله اعلان ایلوب بعده انکلتره قرالی هانرینک غلبه حکومتی  
تصدیق و اعتراف ایدرک انکلیر لولرک نفوذ و اقبالنی درون پارسه



قدر اذخالیوب مذکور التجی شارلی ایسه یالکز عنوان قرالیتی باقی  
اوله رق میلادک بیک درتیوز قرق ایکی سنه سنده وفات ایلدیکه  
بقیه سی یدنجی کابده یازلمشدر

انکلهتره قرالی بولنان هانری خامس که هم آنجو خاندانندن وهم  
لانقستر دوقه سی و قرمزی کل طرفلوسی اولان دردنچی هانرینک  
اوغلو اولوب میلادک بیک درتیوز اون اوج سنه سنده پدربند نصکره  
انکلهتره قرالینده صعود ایدرک و قلف نام را فضیلتک طرفدارانی  
علیهنده حرکات شدیدہ اجرا ایلدک نصکره ارمانیاق و بورغونیون  
تسمیه سیله ایکی فرقه یه تقسیم اولنان فرانسه نک منازعات  
داخلیه سنی فرصت اتحاد ایدرک بلاد مذکورہ یه  
استدیک کی حکم وتصرف ایتک اوزر، اعلان حرب ایلوب ازتقور  
مخاربه مشهوره سنی فرانسیزاردن قزاندقد نصکره ایکی سنه مدت ایلہ  
فرانسیزلی برمتار که عقدینه اجبار ایلوب مدت حکومتنده فرانسه  
عالمکنه مالک اولمش کی حکم نفوذینی تأثیر ایتدیردیک حانده میلادک  
بیک درتیوز یکرمی ایکی سنه سی اوتوزدرت یاشنده ایکن فتوحات  
ومظفریتلری اورتہ سنده دارفناپی ترک ایلدی

بوتاریخلرده المانیا ایمپراطورلخی وراثت طریقیله اولیوب انتخاب  
جمهور ایلہ اولدیغندن الکتورلری هر قنخی دوقه کندویه جلب  
ایده یلور ایسه المانیا ایمپراطورلغنه نائل اولور ایدی بناء علیه درون  
المانیاده فساد و شقاق ماده لری اصلاً اکسک اولیوب هر ایالتک  
دوقه سی دیگر دوقه لره غلبه ایتک افسکار حسودانه سنده اولدیغندن  
اورالده راحت و حضورک نامی بیلہ قائمش ایدی الحاصل میلادک بیک  
درتیوز سنه سندن بیک درتیوز اون سنه سنه قدر المانیا ایمپراطوری



بولنان باویرالی روبرت فوت اولدقد نصکره مور او یا ایالتی مارکزی  
بولنان ژوس که لوقسمبورغ خانداننددر سکندو عجمی اولان  
وانسلاسدن لوقسمبورغ دوقه لغنی اشترا ایدوب بعدده التجی  
شارلینک برادری اورلیان دوقه سنه فارغ اولدیغی اثناده سالف الذکر  
روبرک فوتیه و انسلاسه خلاف اوله رق ایمپراطورلغه انتخاب  
اولمش ایسه ده اوج آی مرورنده ودیعه جسمنی صندوقه قبره نهاده  
ایلدیکندن المانیا ایمپراطورلغی لوقسمبورغ خاندانندن اولان  
سیرشموند نام قرالک ذاته انتخاب اولندی مومی الیه سیرشموندله قرالغنه  
مظهر اولدقد افلاق و بغداد پرنسارینی دخی کندویه جلب ایدرک  
طونه سواحلی عمری اولدجه حکمنده طوتمق ایسته مش ایسه ده پاپالردن  
اونبرنجی غره غوارک تحریک وتشویقیله عثمانلو علیهنه اولان اوچنجی  
محاربه صلبیه که طونه نهری کنارنده واقع نیکیولی محاربه سیدر  
اوراده یلدریم بایزید خانک صولت و هجومنه تحمل ایده میوب هم محاربه  
مذکورہ بی ضایع ایلدی و هم طونه سواحلی ایله افلاق الکاسنی الندن  
چیقاردی لکن تیمور ایله یلدریم بایزید خانک اراسنده ظهور ایدن چبق آباد  
هزیمتی وقوعیله ممالک عثمانیهک انقسامی صره سنده مومی الیه سیرشموند  
دخی عثمانلویه و یردیکی السکایی استرداد ایدرک بتکرار بلغارستانه  
قدر اجرای حکم ایتکه باشلادیکه بقیه سی التجی کابده یازلمشدر  
کتاب سابقده ذکر اولنان پورتکیز قرالی ظالم پترومیلادک یک اوچیز  
التمش سکز سنه سی فوت اولدقد یرینه اوغلو فردیناندو پورتکیز  
حکمدارلغنی اعلان ایلدی ایسه ده قاستل قرالی ایکنجی هانری و بونک  
خلفی برنجی ژان ایله وقوعبولان ایکی محاربه ده مغلوب و منهزم اولمش  
اولدیغندن قاستل الکاسنده کائن برقا ج محله حقه درکار اولان



ادعاسندن فراغت ایتکه مجبور اولدی و لاسکس نام بکزاده یه زوجه سنی  
 جبرا تطلیق ایتدیروب بعده کندوسنک تزوج ایلدیکی خلقک غضب  
 و انفعالی موجب اولمش ایسه ده پورتکیر الکاسنی حسن اداره  
 ایلدیکندن خلقی کندویه جلب ایتش ایدی بناء علیه بیک اوچیوز  
 سکسان اوج سنه سی فوت اولدقده یرینه بیوک عنوانبله معنون اولان  
 برنجی ژان پورتکیر قرالی اولدی قاستل قرالی بولنان سالف الذکر  
 برنجی ژانکه فوت اولان فردینساندو ایله بیوک ژانک همشیره سنی طوتار  
 ایدی عیالندن طولایی پورتکیر حکمدارلغنی ادعا ایلوب محاربه یه قیام  
 ایلش ایسه ده الجو باروتا محاربه سنده منهزم اولوب کیرویه چکلمش  
 ایدی لکن مشار الیه بیوک ژان زمان حکومتده پورتکیر الکاسنی  
 خیلیدن خیلی توسیع ایدوب عربلرایله محاربات کثیره ایدرک اسور  
 اطهرینی آلدیغی مثلاً و قناریا اطهرینی و یشیل برون اطهرینی دخی  
 قبضه تسخیره آلهرق افریقا قطعده سی سوا حلندن غینا نام محلی  
 دخی آلمشدر

بوتار یخلره قدر فرنکلرک طرفندن افریقانک سواحل غربیه سیاه  
 جهت جنوبیه سنه سفاین ارسال اولنه میوب همان ایلاک دفعه  
 اوله رق افریقانک سواحل غربیه سندن یشیل برون دیمکله  
 معروف محلاک آچغنده واقع بر قاج قطعده جزایر صغیره تک  
 بولندیغی صولره قدر کیدوب اورالری فی الاصل سکنه وحشیه النده  
 ایکن صکره لری اسپانیا الکاسنی استیلا ایلان مغاربه عربلرینک  
 سیاحت بحریه ایلدکری زمان اعمار اولنان اطهر سفر مذکورده  
 پورتکیر دوغاسنک ثمره سیاحتی اولشیدی زیر بوتار یخلره کلنجیه دک  
 کرک افریقا قطعده سی و کرک قطعده مذکورده یه منسوب اولان اطهره



ود كزله عربلرك غلبه اسنيلارلى ملا بسه سيله اورو پالو طرفلرندن  
سياحت اولنه ميوب شمدى يه قدر كچه نك ملكى سلاكنه كيرميان بحر  
محيطك غربى و جنوبى تقريبا عربلرك حكملرى اتنده ايدى  
اسپانيا واندلس قطعه سنده بولنان عربلرك عدم اتفاق و حينسزلك  
كې يولسز شيلرايله برطرفدن على الدوام نفوذ و اقبالى منقلب ادبار  
وزوال اولدجه پورتكيزلرك و دانمارقه لولرك جانبدن خصوصاً  
انكلتره لو طرفندن د كزلك ضبط اولمى ماده سنه زياده سيله همت  
و غيرت اولمقده ايدى

ناپولى الكاسى قرالغنه هرتقدر سچلياتين قرالغى دخی دينورايسده  
برقاج دفعه لر برلشوب ايرلش شويله كه انجو خاندانى زما نلرنده  
حکومت مذکوره سچلياتين عنوانيله ايکي يه منقسم اولوب خاندان  
مز بوره ناپولى طرفنده اراغون خاندانى دخی سچليا اطه سنده اوله رق  
ميلادك بيك ايکيز سگسان ايکي سنه سندن بيك درتيوز اللى سنه لرينه  
قدر ايروجه اولدقلى حاليده حکمدارلق ايتملرايسده مدت مذکوره  
اثناسنده كرسى حكومه اطرافدن چوق صارقنديلىق اولد يغندن  
بيك درتيوز اللى بش سنه سندن اللى سگز سنه سنه دك ناپولى حكومتى  
سچليا قرالى برنجى الفونسك حکنه كچرك برلشوب سنه مز بوره دن  
صكره برنجى فرديناندو ناپولى قرالى و اراغونلور ان دخی سچليا قرالى  
اولمق اوزره اعلان ايتملردر كه حکمداران مذکوره دن برنجى الفونس  
ديدكمز اراغون خاندانى طاقندن اولوب مومى اليهك فوتيله ناپولى  
حكومتى اوغلو فرديناندو اخدايتش مذکور فرديناندو زياده ظالم  
ومتلون اولديغندن اهالى كندوسندن خوشنود اولمديغى جهته  
يك چوق كره لر عصيان ايتديلر



اراغون قرالاری فاملیاسندن دخی ژان نام پرنس سچلیا قطعه سی  
 ضبط ایدرک اولکی بیک درتوز طقسان درت سنه سنه قدر ایکنجی بیک  
 بشیوز درت سنه سنه دك ناپولی و سچلیا قطعه لرینه حکم ایتدی لر  
 قاتولیک مذهبی اعتقادینجه حضرت عیسی علیه السلامه وکیل اولمق  
 اوزره طانیلار پاپارک احوالی دولت علیه عثمانیه دك ابتدای ظهورینه  
 تصادف ایدنلردن بدآیله هر پادشاهک عصرنده بولنان پاپارک اتخاذا  
 ایلدکاری اصول ایله درون اوروپاده اولان تأثیر نفوذ لری بروجہ  
 اجمال نقل اولندیغندن اشبو کتاب خامسه دخی یدنجی اینوسانک  
 پاپالق مقامنه صعودندن اون ایکنجی غره غوار و بشنجی الکساندر  
 و یکریمی اوچنجی ژان و بشنجی مارتک وقایع مخصوصه لری براغلمشدر  
 شویله که سالف البیان یدنجی اینوسان نام پاپا ایتالیا شهرلرندن  
 تولون نام شهرده متولد اولوب میلادک بیک درتیوز درت سنه سی  
 طقوزنجی بونیفاسک پرینه پاپالغه انتخاب اولندی ایسه ده ایکی سنه  
 مرورنده فوت اولوب پرینه اون ایکنجی غره غوار انتخاب اولمشدر  
 مومی الیه وندیک پاپاسلرندن واورانک دخی قدرلی بر فاملیاسندن اولوب  
 بونک وقتنده اوروپا قطعه سنده ایکی پاپا وار ایدیکه بری فرانسه ده  
 آوینغون شهرنده دیکری که کندوسیدر ایتالیا ده رومانام شهرده  
 ایدی بودخی بیک درتیوز طقوز سنه سی فوت اولدقدہ پرینه بشنجی  
 الکساندر پاپا اولمشدر شویله که مومی الیه کرید جزیره سی اهابسنک  
 فقر فاملیاسندن ایکن پاپالق طریقته سلوک ایدرک نوورا نام شهرده  
 پاپاس بعده میلانوده باش پاپاس اولدقدنصکره بیرا نام شهرده عقد  
 اولنان قاردینال مجلسنده پاپالغه انتخاب و قبول اولمش ایسه ده ایرتسی  
 سنه یعنی میلادک بیک درتیوزاون تاریمخنده فوت اولوب یکریمی اوچنجی



ژان پاپا اولمشد زبونك دخي پاپالق مقامنه قعودي سنه مزبوره ده  
پوانيا نام شهر ده اون التي عدد قاردينالارك قرارندن اولوب بىك  
درتيوز اون طقوز سنه سنه دك درون اوروپاده نفوذىنى اجرا  
ايتدردي

روسيه حكمدارلى موسقونام شهرده اقامت ايدرلرايدى ايسه ده تاتارلك  
خصوصا تيمورك نفوذواقبالى تحتنده اولدقلرندن روسيه حكمدارلرينك  
نام وشهرتلى بياغى اونودواش كى ايدى

حتى عصر مذكوره روسيه بىك اولان ايكنجى واصل كه دردنجى  
ديمترينك او غلوا اولوب تاتار ايله بعضى مرتبه او يغونسزلقلىرى  
دلا بسه سيله تيمورك امر اسندن بريسي عساكر كشيده ايله موسقو  
شهرينى محاصره ايدوب دفع بلا ايچون ترضيه اوله رق اوتوز بىك روبله  
اعطاسيله موسقو شهرينى محاصره دن تخليص ايلدكد نصكره بىك  
درتيوز يكرمى بش سنه سنه قدر مقام حكومتده بولمشد

ميلادك بىك اوچيوز طقسان اوج سنه سى اقليم دشت قىجاغى عساكر  
تيمور اسنيلا ايلدكد نصكره سنه عيسويه نك بىك درتيوز التي سنه سى  
يعنى موسقو محاصره سنك ايكنجى سنه سى پولاد سلطان مقام  
حكومه صعود ايلدى ايسه ده ايكي سنه هرورنده بودخى فوت  
اولمغله يرينه تيمور خان پادشاه اولدى

طربزون طرفنده دخى روم امپرا طورلى نسلندن يعنى قومتن  
فامليا سندن برقاج پرنسلكر حكومت ايدوب بونكلك حاوى اولديغى  
سنه لرده اوچنجى مانوتل بىك اوچيوز طقسان سنه سى طربزوننده پرنس  
اولوب بىك درتيوز اون ايكي سنه سنه فوت اولمغله يرينه دردنجى الكسى  
بك نصب اولمشد



مانوئل ثالث يکرمی ایکی سنه اولان مدت حکومتده کرک آل عثمانک  
صولات و هجومی خوفندن و کرک اکراد و عجم و علی الخصوص تانارلرک شر  
و مضرتدن پرنس مومی الیه ایکی طرفه دخی مداهنه ایدر ایدی  
یلدیرم بایزید خاگ جلوسلری وقتنده استانبولده محبوس اولان یوانی  
پالئولوغک بیوک اوغلو اندرون قوس کندو طرفدارانی واسطه سیله  
یلدیرم بایزید خان حضرتلرینه ال التدن خبر کوندروب سنوی بر مقدار  
دوقه التونی ویرکوسی وعده سیله پادشاهی غیرته کتوروب اون بیک  
عسکر ارسالیله یوانی پاله اوغی قرق الی سنه لک مقامندن خلع ایتدیررک  
یرینه مومی الیه اندرون قوس صعود ایلدی ایسه ده یوانی پالئولوغوس  
دخی حضرت پادشاهک عدالت و حقانیتنه تسلیمته سلطان اورخان  
غازینک زماندنبرو اولان مناسبات کججه سنی یاد ایدرک سنوی ویرلمسی  
اخر اولنان مبالغی زیاده سیله ویره جکنی تعهد ایلدکده بکرار مقام  
ایمپراطورییه چیقاریلوب اندرون قوسه دخی سلوری وارکلی  
وسلانیک شهرلرینک حکومتی حواله قلنش ایدی فقط مانوئل پالئولوغ  
معیت همایونده توقیف اولنش ایکن یوانی پالئولوغک وفاتنده برتقریب  
فرار ایلوب ایمپراطورلخی تحصیل ایلدی لکن ممالکی عساکر اسلامیه  
مقر اولدیغندن بوک بر چاره سنی بولمق اوزره مومی الیه مانوئل پاله لوغ  
دخی اسپانیا و اندلس الکا سنده اولان یرلور انجق غیرت و اقداملری  
ایله کندو و طلرینی بش اتی یوز سنه دنبرو ضبط و اسنیلایلیان عربلرک  
الارندن الدقلرینی ایشدنجه ارتق بو ایشیدنجه طوتوب روما جانبده  
عزیمت ایتیش بولندیغندن صندالی حکومت یلدیرم بایزید خاگ رأیله  
برادرزاده سی بوان پاله لوغه تسلیم اولنش ایدی اودخی قسطنطنیه  
شهرینه بعض مرتبه استحکامات ویرمک اوزره قدرغه لیمانی دنیلان



محلہ برقات سور بناسیله بر ایمان قازدیروب قلعه یه متانت و یردیکی یلدیرم  
 بایزید خاگ غضب و انفعالی موجب اولدیغندن خبر کوندریلوب در حال  
 هدم ایتدیلمشدر تیمور وقعه سی ظهورند نص کره مانوئل پاله اوغ اهل  
 اسلامک استیلا سندن ممالکی قورتارمق اوزره بر طاقم تکالیف دینییه پی  
 قبول ایدرک استانبوله عودت ایلایوب زمام حکوه تی یوانک النندن الوب  
 کندوسنی دخی بوزجه اطه یه نفی و تغریب ایلش ایدی اشبونفی و تغریب  
 اولنان ایمراطور سابق هر نقدر یلدیرم بایزید خاگ نصب کرده سی  
 اولدیغندن وقعه تیمورده صورت عصیان کوسرتمش ایسه ده تیموری دخی  
 مدار ایلله اداره ایلدیکی و ایمراطور لا حقک بتون بتون اهل اسلامدن امین  
 اولدیغی جهتله شهرزاده امیر سلیماندر برادری سلطان قاسم ایلله همشیره سی  
 فاطمه سلطانی امانت صورتیله استانبولده توقیف ایتسی بروقت فرصت  
 کوزتمسندن ناشیدر و الحاصل ایمراطور لا حق اشبو ایکنجی کره سنده  
 اون ایکی سنه حکمدارلق ایدوب علت فلجه مبتلا اولدیغندن  
 سلطنتی اوغلو ابوانوس پاله اوغه براغوب کندوسی موره طرفنه  
 جکیلوب کیتدی میلادک بیک یوز سنه لری اثناسنده واقع ارمنی  
 حکومتک تاتارلر هجو میله خراب اولمسنده روپن نام قرال کوچک  
 ارمنستان طرفنه جکیلوب یکیدن بر هیئت حکومت تشکیل ایدرک  
 میلادک بیک اوجیوز طقسان اوج سنه سنه قدرگاه اهل صلیب ایلله  
 وگاه مصر لولر و سلچوقیلر ایلله محارب اوله رق حکومتلرینی محافظه  
 ایدوب طیانمشلر ایسه ده سنه مزبور اثناسنده طبقه چرا کسه نک  
 زور و قوتیله ارمنی حکومتی محو اولوب قبرس قرالارینک لوز یغنان  
 فاملیاسندن تشعب ایلیمان التنجی لیون نام ارمنی قرالی فرانسه یه فرار ایلایوب  
 اورا ده فوت اولمشدر که مومی الیهک الیوم سلاله سی پارسده باقیدر



❖ فصل ثانی ❖

سلطان یلدرم بایزید خاں وقایع داخلیه سنی بیانده در

اسکوب و پرزرین سنجاقلرینک دا خلنده واقع یوکسک واور مانلی  
طاغلرک اراسنده سکر اون ساعت یوکلاکنده اولان قوصو اصحر اسنده  
هجرتک (۷۹۱) سنه سی شعبانک اون در دنجی صالی کونی خداوند کار  
غازینک شهادتی ملا بسه سیله یلدرم بایزید خان حضرتلری سنجاقل  
عثمانی عد اولنان یوک بیاض سنجاغک الته کچوب پادشاه اولدیغنی  
اعلان ایلدکده همان محاربه میدانده کندو یه بیعت اولندی چونکه  
ذکر اولنان سنجاقل سلطان علاءالدین سلجوقی طرفندن عثمان غازی  
حضرتلرینه حکم داراق منشوری ایله ارسال بیوریلان بیاض  
سنجاقدیر که صکره لری سنجاقل مذ کوره یوکسک سنجاغنی دیرلر ایدی بناء  
علیه او وقتک اقتضا سنجه بیاض سنجاغک سایه سنده بالذات پادشاهلردن  
بشقه سی اطوره مزایدی والحاصل پدرلرینک نعشی ایله برادرلری  
سلطان یعقوبک جنازه سنی بروسه جانبنه ارسال ایلوب قره طوه  
معدنلری طرفنه دخی اقتجیلر کوندردی قره طوه دیدکلری قصبه  
اشنب طاغلری اورته سنده اکری صوبی واکری دره دیدکلری ارساقلرک  
نعمان و جریان ایلدیکی وادیده برقصه در که اطرافنده مکوش و باقر  
ودمر معدنلری وارد ریکیت پاشایی دخی اسکوب حواله سنک محافظه سنه  
وفیروز بکی و دین نوا حبسنه تعیین ایدرک کندولری ادرنه یه عودت  
بیور دیلر بو ثناده قرمان حاکی علاءالدین بک حسد و عداوتی سببیه  
تبدل سلطنت اثناسنده اسکیدن ضایع ایلدیکی یرلری المی ایچون طرف  
حکومتیه صوبه عصیان کوستروب ممالک عثمانیه بی غارت ایلدیکی  
بعضی طرفلردن حضرت پادشاهه با محضراعلام اولندقه اول بهاره



طوغرو بورسه په کله جکلرینی اخبار ایدرک احوال دشمنی تجسس  
 و تحقیق د خالی اولاملری ایچون مخصوص امر نامه کوندروب اورنوس  
 بکی سیروز طرفلرینه اعزام ایلدی کندولری دخی اول قبشی ادرنه ده  
 کچیروب ایرتسی سنهک اول بهارنده بورسه په عزیمت بیوره جقلری  
 جهته قره تیمور طاش بکی ادرنه په محافظت نصب ایلدی لرلیرم  
 بایزید خان حضرتلری ادرنه دن حرکت ایدرک کلیبولی ساحلنه  
 کلوب اورادن دخی کوچک کوچک ماوناره بنوب قارشوانا طولی یقاسنه  
 کچه رک آیدین اوغلونک حکمنده اولان بلاد و اراضینک فتح و تسخیری  
 ایچون معیت همایونلرنده بولان عساکر قلیله ایله عزیمت بیورلدی  
 آیدین اوغلونک بختی تیره اولوب خطبه و سکه بایزید خان نامنه اولمق  
 و برطرفه عسکر سوق اولمق لازم کلد کده ممکن اولدیغی مرتبه خدمت  
 ایلمک و هر حالده پادشاهه مطیع و منقاد اولوب فقط معاملات رسمیه ده  
 ایالت و البسندن بعضی خصوصلرده ممتاز و مستثنای طوتمق شرطلری  
 ایله آیدین ولایتینه آیدین اوغلنه توجیه اولندقد نصکره رایات همایون  
 صارو خان دیارینه قالدیرادی اورالری دخی بوصورتله اطاعته ادخال  
 اولنوب مطلوب حاصل اولمق اوزره ایکن صارو خان بک وفات  
 ایلدی یکنندن قره سی ایالتنه صارو خان دیاری دخی الحاق اولنه رق  
 حضرت پادشاهک شهرزاده کاندن ارطغرل بکسه عنایت  
 بیورادقد نصکره منشادیارینی دخی ضمیمه ملک عثمانی ایتمک اوزره  
 حرکت اولندیغی آنده منشایک کندویه لازم اولان اشیا سنی و خواص  
 خدامنی الهرق تیمور خان طرفنه قاچوب سلجوقیلردن قایمش اولدیغی  
 شهرلری حضرت پادشاهه براقدی که یوحوالینک فتح اولنمسی هجرتک  
 یندوز طغسان ایکی سنه سنده اولمشدر کرچه آیدین و صارو خان



و منشا دیاری بر سفر ده اوله رق سهو لته تسخیر اولمش ایسه ده  
 اورا لدن دیراکلرینی ضایع ایلیان بکر تیمور خان طرفه فرار  
 ایدرک تیموری ممالک عثمانیه اوزرینه تشویق و تشجیع ایله تسلط  
 ایتمک سبب اولدیلر

والخاصل حضرت پادشاه قرمان دیارینی ضبط ایتمک نیتیه اول حوالی یه  
 طوغرو و طوغراقده کرمان بکک او غلو یعقوب بک بالضرور  
 قرمانیان طرفدار لغنی ترک ایدرک حضرت پادشاهه کلش ایسه ده  
 دماغنده فساد اولدیغندن در حال اخذ اولوب روم ایلنده واقع ایصاله  
 حصارینه ارسال اولندی چونکه یلدریم یزید خان حضرتلری بتون بتون  
 اناطولی الکاسنی قبضه تسخیره الوب او یله دره بکی قلعلی کندو کندویه  
 بکک ایدرک الدردن عباد الهی قور تارمغی قور مشلر ایدی

القصد اردوی همایون جهان پوی ایله قونیه حصاری کارینه قنولوب  
 اها لپسی جاده اطاعته دعوت اولندی اما بو سفر ظهیر اثرده کمپسه نک  
 مال و املا کنه و اراضی و مزار عنده اولان محصورانه صا حبندن  
 رخصت اولد فیه اخذ و غصب اولنماق اوزره بیوک یساق اولدیغندن  
 بر کمپسه نک حبه واحده سی ضایع اولدی بناء علیه قونیه حصاری  
 محاصره اولندیغنی زمان خرمان و قتی اولغله تار لارده یغین یغین  
 ارپه و بغدادی و کومه کومه صمان قالمش ایدی و دواب و خبوله اقتضا  
 ایدن ارپه و صمان ایچون میدانده قالمش اولان ذخائرک صاحبی  
 هرکیم ایسه کلسون بزه ایچه سیله براز ذخیره صا تسون دیوشهره خبر  
 کوندیرلده خلق عثمانلو نک بومر تبه لرده عدالت و حقا نیتنی  
 کوروب و ایشدکلری آنده شهری پادشاهه تسلیم ایلدیلر بوار القده  
 قرمان او غلو علاء الدین بک قونیه دن فرار ایتش ایدی



قونیہ الندن چیقدیغنی کورنجه سائر شهرلرک دخی  
 کیده جکئی ملاحظه ایدوب چهارشنبه نهرینک ساحل جنوبی  
 علاءالدین بکه وساحل شمالیسی یلدریم بایزید خانه ترک اولنق اوزره  
 مصالحه یه قرار ویرادی اورادن عنان عزیمتی دارالملک برو ساییه  
 تحریک ایدوب برایکی هفته قدر امور مهمه سفریه تدارککنده  
 اولدقدنصکره قسطنیونی دیاری حکمداری کوثرم بایزید منشأ بکک  
 افسادیه علم عصیان قالدیروب نفیر عداوتی چالدردیغنی اولاقلر  
 واسطه سیله حضرت پادشاهه یلدریلد کده انکده سزا اولدیغنی  
 جزاسی ویرلمک یعنی الندن دیرلیکی النقی اوزره عسکر جرار ظفر  
 شعاری قسطنیونی دیاری طرفنه سوق و اعزام و کندولری دخی  
 خواص خداملریله عزیمته اهتمام اوزره ایکن افلاق حاکی بولسان  
 میرچه نام پرنس ایله مجارله صرب قرالاری روم ایمپراطوری بولنان  
 پالئوگوسک افسادی ایله طونه اوزرندن کچوب قرین آباد اوواسنه  
 طوغرو عسکرینی طاغیدوب خلقی کندوسنک اطاعتنه طوبیغه  
 باشلادی بونکده سببی ایکی سنه اقدام یعنی هجرتک یدیوز طقسان  
 ایکی سنه سی امرادن فیروزبک و دین فتنی قصد یله ادرنه دن  
 کوندرلمش اولدیغندن برموجب اراده و دین حصارینی تسخیره موفق  
 اولدقدنصکره طونه نهریله قارشو افلاق دیارینه کچه رک خیلیدن  
 خیلی چاپول ایدوب غارت و خسارت ایتش ایدی

پرنس مذکور عثمانلونک نهب و غارتندن دلگیر اولدیغنی جهتله  
 حضرت پادشاهک اناطولی دیارینی تفتیش ایدرک حکومت داعیه سنده  
 اولنلری اورته دن قالدیرمق ایله مشغول اولدیغنی افلاق حاکی فرصت  
 اتخاذا ایتکله طونه نهرینی آشوب ممالک عثمانیه ده پک چوق



خسارت ایلدی بو خبر و دین حواله بکنده محافظ بولنان  
 امیر الامر افیروز بکک انھاسیله حضرت پادشاهه واصل اولدقده  
 قسطنطینی احوالی کله جک سنه یه براغوب همان معینده اولان عساکر  
 ایله بروسایه اوغرامق سزین چارطاق نام محله کلوب اورادن دخی کلیبولی  
 طرفنه کجه رک سرعت تام ایله ادرنه یه موصلت اولنوب اطرافدن  
 عساکر جمعنه اقدام کوسریله رک قبشی ادرنه ده چیقارمق و بهار  
 موسمنده کیدلمکه قرار ویرلمش اولدیغندن تدارک عظیمه ایله اول  
 بهارده افلاق دیارینک تسخیری ایچون قیام اولندی نیکیبولی  
 حصاری مهمات سفریه مخزنی اتخاذا ایدیله رک چرنیقلر ایله قارشو  
 یقه ده واقع مولدوان طرفنه عساکری امرار ایلیوب بکرش شهرینی  
 درحال ضبط ایلدیلر پرنس موسی الیه مجارلودن براز عسکر تدارکیله  
 محاربیه چیقمامش ایسده پادشاهک قوه قاهره سنه طاقت کتورمیوب  
 امرادن فیروز بکه خبر ارسالیله پادشاهه اطاعت اوزره اوله جغنی  
 یلدیروب هر دلو معامله یه راضی اولدیغنی عرض ایلدیکنسه مبنی  
 پرنسک جرمی عفو اولنوب سنوی بر مقدار ویرکویه ربط اولنه رق  
 و عسکر لازم کلدیکی زمان ممکن اولدیغی مرتبه خدمتده بولنمق  
 و دولتک هر حال و محالده طرفلوسی اولمق اوزره بر معاهده نک امضا نمسنه  
 فیروز بک سرخص تعیین قلندی حضرت پادشاه روم ایلی جانبده  
 عزیمت بیوردیغی زمان قره دمرطاش پاشایه انقره ایالتی اطرافنده  
 بولنان دیارک فتح اولنوب کندویه تملیک اولنمق اوزره ایالت مذکوره  
 توجیه اولنمش ایدی قرمان حاکی علاء الدین بک دروننده مضمر  
 اولان حسد و عداوت اقتضا سنجه علی الغفله دمرطاش پاشانک  
 اولدیغی محله هجوم ایدوب پاشایی دخی اسیر ایدرک قونییه طرفنه



مر اجعت ایلدی ایسه ده حضرت پادشاهك افلاق طرفندن  
منصور و مظفر اولوب ادرنه یه عودت اورادن دخی بورسایه کجدیکی  
علاء الدین بکك مسموعی اولنجده ایتدیکنه اظهارندامت ایتکله  
همان دمرطاش بکی حضورینه جلب وتلطیف ایدوب پادشاهه  
شکایت ایتامك اوزره اکرام ایلیمه رك کیرو محمله ارسال ایلدی انجق  
حضرت پادشاه ايله مصالح اولدقدنصکره بردولت وسلطنتك عرضی  
مقامنده اولان الکاسنك برطرفنه کیروب نهب وغارات ایتك خصوصا  
بروالی بی دخی اسیرایمك توسیع ممالك ايله استقلال سلطنت ادعاسنده  
اولان پادشاهلرك اچقدن اچغه ناموسنه طوقونق دیمك اولدیغندن  
هیچ تحمل اولنورشیلردن اولما مغله بوکره ارتق قرمان دیارینی صحیحجا  
ضبط ایدوب امیری اولان علاء الدین بکی دخی طوتوب حبس ایدرك  
قرمانیاك سلسله سنی بتون بتون دنیادن قالدیرمق اوزره عزیمت همایونلری  
واقع اولمشدرشویله که اناطولی وروم ایلی لشکرندن قرق بیک نفوسه قریب  
عسکر انتخاب ایدوب قرمان دیاری فتحی ایچون قونییه اوزرینه تحریك  
لجام اقدام بیوردیلر علاء الدین بک دخی باب عالی پادشاهی یه بریوک  
ایلچی کوندیروب جرمنه اعتراف ایدرك دامن امانه صارلمش ایسه ده  
ارتکاب ایتمش اولدیغی قباحت ناموس سلطنته بک اشوری تأثیر  
ایلدیکندن اکر علاء الدین بک فاملیاسنی وبالجمله متعلقاتنی استصحاب ايله  
قرمان دیارینك حکمدارلغندن حسن رضا سیله فراغت ایلوبده  
سودای حکومتدن قطع علاقه ایدرك حضرت پادشاهك  
زیرسایه مر ستمته دوشوب دخالت ایدرایسه ارتکاب ایلدیکی  
یولاسزلغك فی الجملة رضیه سنی ویرمش اوله بیلور یوخسه بشقه  
صورتله ویره جکی رضیه لک بریسنه راضی اولیمه جقلرینك جوابی  
وبوندن زیاده سنك بیاتی شمشیر و سنانه حواله اولندیغی کوندردیکی ایلچی یه



بیلدیرلش او اغله کیفیت میرمذ کورک معلومی او لیحق اوله جق  
 اولدی ارتق کندو چاره مزی کوروب غائب اولنجیه دک یاخود اولنجیه دک  
 جنک و پر خاشه صواشمقدن بشقه ایده جکی قالدیغندن کندویه تابع اولان  
 تاتار قبيله لرینی واکراده شیرتلرینی جمع ایلایوب هر برینه وعدلر ایلایه رک  
 عثمانلو ایلایه جکی محاربه ده بولمق اوزره ترغیب وتشویق ایلدی  
 ایمدی بو ترتیب ایلایه آق چای صحراسی اوزرنده عثمانیان ایلایه قرمانیان  
 صفیری قارشو کلوب اولدرجه شدید محاربه وقتال اولمشدر که اورته دن  
 جاری اولان آق چای قزل ارماغه دونوب بو حال اوزره اوتوز ساعت  
 مقداری محاربه اولدقدن صکره علاءالدین بک ایلایه محمد بک و علی بک نام  
 ایکی اوغلی دخی اسیر اولدقلری حالده حضور پادشاهی به چیقارلدقده  
 محمد بک ایلایه علی بک بورسایه ارسال اولنوب قوجه علاءالدین بکی دخی  
 کندو خصم جانی اولان قره دهر طاش پاشایه ویرمشلر ایدی پاشای  
 مشارالیه دخی علاءالدین بک کی خصمه ولی نعمتی سایه سنده ظفر بولوب  
 الینه کچریکی آنده بو غازندن ایپ طقاراق براغا جه صلب ایلدی حضرت  
 پادشاه ایسه مومی الیه علاءالدین بکک ازاله سنه رخصتی اولدیغندن  
 خیلی اسف ایدوب قره دهر طاش پاشایه اظهار انفعال ایلدی  
 لکن حضرت پادشاهک بو خصوصده اسف ایدوب قره دهر طاش  
 پاشایه طارلمسی جعلی اولمق یراشور زیرا مومی الیهک ازاله اولمسی  
 مطلوب عالی اولماش اولسه ایدی عدو جانی اولان قره دهر طاش  
 پاشایه تسلیم ایتزلر و تسلیم ایلدکد نصکره دخی نه اوله جغنی  
 بیان ایدرلر ایدی

اشته ایضاحی اقتضاسندن اولان سوزلر مبهم اوله رق براغلدقده  
 میرک دخی ازاله سی امور طبیعیه دن اولش اولور اما تأسف اظهاری



ایسه اوراده بولنا نلره کوسترش ایتک و عیالی اولان نفیسه سلطان خانوتک  
 قلبنی تطیب ایدوب بنم مراد م اولدر مک دکل ایدی قضاء اولمش  
 دیمک ایچوندر زیر نفیسه سلطان کند و سنک همشیره سیدر  
 الحاصل قرمان بک زاده علاء الدین بک محارب به اثنا سنده طوتلوب  
 صلب اولنه رق فوت اولدیغی و محمد بک و علی بک نام ایکی اوغلاری  
 دخی بورسایه کوندرلدیکی قزمانیان عسکری اورتی سنده طیو لجه میدان  
 حربدن جمله سی فراراید وب درون الکایی یغمایه قالدیلر حضرت  
 پادشاه ایکنجی دفعه اوله رق قونیه حصارینی الوب عساکر ظفر  
 شعاری لارنده و نکهده وارکلی واق سراي واق شهر و دوه لی  
 نام شهرلری قضا و قراسیله ضبط ایلوب حصارلره دزدان نصب اولوب  
 اراضیسی دخی اصحاب تیماره حواله بیوریلر رق دارا الملک بورسایه عودت  
 اولندیغی هجرتک یدی یوز طقسان ایکی سنه سی ایدی  
 سیواس حاکمی قاضی برهان الدین کتاب رابع سابقده بیان اولندیغی  
 اوزره جنکیریان طرفندن روم ممالکی حکمدار لغی توجیه بیوریلان  
 شیخ حسن جلایری قیصریه و اما سیه ده مسند نشین ایکن ایران  
 حوالیسنده ظهور ایدن فترت واختلال ملا بسه سیله آذربایجان  
 حکومتنه میل وهوس ایلدیکندن ممالک روم حکومتنه تبعه سندن  
 ارتنا بکی اجلاس ایدوب کندوسی آذربایجان طرفنه عزیمت  
 ایلدی انجق ارتنا بک بونجه سنه لرد نبرو ظلم و حقارت کورمش اهلالی به  
 فوق العاده عدل و داد ایتکله کندوی سلطان ارتنا دیو چاغردیلر  
 بواول ارتنا بکد رکه کتاب ثالثده کوسه پیغمبر دیه رک شهرت بولدیغی  
 یازلمش ایدی یدیوز الی اوج سنه سی فوت اولوب یرینه اوغلو  
 محمد بک بعده علاء الدین بک صعود ایتش لرد لکن علاء الدین بک



بر قاج آیلق صبی اولغله والده سی سولی خانم مذکور قاضی برهان  
الدینه واروب زمام حکومت قاضی مذکورک دست اداره سنه یکدیکی  
اشاده علاء الدین بک دخی وفات ایلد کده اول دیارک حکومتی بتون بتون  
کندوبه انتقال ایلدی فقط کندوسی مأمول ایتدیکی بردولته بردن به  
نائل اولد یغندن اورا لرده نام و شان صاحبی اولان غازی خداوند کار  
حضر تهرینه مدار اوزره اولغله زمانده راحت بولش ایدی صکره لری  
بعض مرتبه قوت بولد یغندن کندو امر اسيله اشاده کلامده شویله  
سویلر ایشکه شجاعت و بهادر لقه ده هر بری دیگرینه فائق طقوز  
بیک سوار ی پیدا ایلد م اون یکه ابلاغ ایلسه م انا طولی الکاسنی  
بر اوجدن دیگر اوجینه قدر ضبط ایدر اید م عثمانلو طبقه سنی یا لکن  
روم ایلارنده براغوب بروسه یی بن الورا یدم دیولاف و کذاف ایدر ایش  
بوسوز لک یلیرم بازید خان طرفنه عکس ایلسيله قاضی برهان الدین  
ایله حضرت پادشاهک اراسنده بعض مرتبه اختلاف ظهور ایلد یکنندن  
بشقه کندوسی انا طولی الکاسی اوزرنده صاحب قران کی هر ملک مالک  
ایکن قاضی برهان الدین کی برتر کان قوجه سی غاصبک حیه کارلقله  
سلطنت دعواسنده بولند یغنی قبول ایتدیرد یکننه قناعت ایتیه رک  
مصرده غدارلقله فرجه بولان چراکسه طرفنی التزام ایدرک حضرت  
پادشاه عداوت اوزره اولدیغی مسموع همایون اولجه ازاله سی تدبیری  
لازمه ذمت سلطنتدن اولغله رایات همایون سیواس بولنه دوندیریلوب  
سپاه ظفر پناه اول دیاره کوندیرلدی بوارالقه اولاق لکلوب قاضی برهان  
الدینک سایه سنده دخالت ایش اولان اق قیونلو عشیرتی بکی قره او یلوک  
عثمان بک ایله ارا لرنده ظهور ایدن منافسه دن طولای ی ایلد یکی محاربه ده  
مجر و حافوت اولدیغنی ویرینه او غلوزین العابدین چلبی نامنده برچر جفک



جلوس ایلدیکنی اخبار ایلدکری آندہ الغارایله اما سیه صحراسنه یتشوب  
 درون شهره د خول مبسر اولد قد نصکره سیواس و توقات  
 حواله بسندن حضرت پادشاهه مخصوص دعوتی کلوب بزی دخی سایه  
 حایه سنه السون دیورجا ایلدیلر قاضی برهان الدینک او غلوزین العابدین  
 چلبی بوجهته آچقده قالبوب دوستلرینک نصیحتیه خاکپای همایونه  
 یوز سورمکدن بشقه کند و یه ایش کورمک اولد یغنی بیلوب خدمت  
 شاهانه ده بولمق ارز وسیله رکاب عالی یه عرضحال ایلد کده مکمل  
 تیمار احسانیه اعزاز اولندی ایمدی اورالری ممالک محروسه یه الحاق  
 اولند قده سیواس ایالتی جمیع انحاسیه شهرزاده امیر سلیمان خان توجیه  
 بیوروب ذوالقدریه حاکی نصرالدین بکی اطاعته دعوت ایلک اوزره  
 مذکور زین العابدین بکی ارسال ایلدیلر زیرامیرمذکور بوندن اول پدیری  
 طرفندن اوله رق ذوالقدریه جانبی حکومت عثمانیه دن تنفیذ قصه ریه  
 کتمش اولد یغندن زجرا عکسیله معامله ایتدیر دیلر کو تروم بایزید دخی  
 قسطنطنی طرفلرنده یلدیکی کبی ظلم ایدوب اهل بسنی اداره ایده مدیکندن  
 انکدخی اول دیاردن قالدیرلمسنه همت پادشاهی ارزان قلنه رق عزیمت  
 بیورلمق اوزره ایکن کو تروم بایزیدک فوت اولوب یرینه او غلو اسفندیار  
 بکلک سریر حکومته صعود ایلدیکنی در عالی پادشاهی یه اخبار  
 اولند قده فی الحال حرکت اولنوب بر قاج بیک سواری ایله  
 طراقلی و بورلی اوزرندن قسطنطنی شهرینه وار یلوب اسفندیاره  
 انتقال ایدن دیاری لندن الدیلر اسفندیار بک دخی درگاه پادشاهی یه  
 عرضحال ایدوب پدیرک جرمندن او غلک حصه دار اولد یغنی  
 معلوم شاهانه لری اولد یغندن و بود یارک اداره سی البته بند کاندن  
 بر یسنه و یر یله جکندن قوللرینک بو خد متله چراغ بیورلمسی مرحمت



پادشاهانه لرندن نیاز او انوردید کده اسفند یاره مرحمت بیوریلوب  
 عثمانیچ و جانیک و صامسونی ممالک محروسه یه علاوه ایدرک  
 بقیه سنی اسفند یاربکه یکیدن توجیه بیوردیلر اناطولی احوالی  
 فی الجمله نظام بولدقد نصکره سعدالدین البریدی نام امیر کبیر ایلمچیلک  
 صفتیه مصره کیدوب خلیفه عباسیدن کند و حکومتنه دائر اجازت  
 نامه کتوردکاری وقت حضرت پادشاه الوب دخی دار المملک بورساده  
 اقامت اوزره بولنوب وزیر اعظم علی پاشا ایله مهمام سلطنتی مذاکره  
 ایدرلرایدی روم ایلی بکاربکی طرفدن مکتوب کلوب تراسیا یعنی ترحاله  
 طرفلری ایله سلا نیک نواحبسند و روملر مجاور اولان جنویزلو ایله  
 اتفاق ایدرک ممالک محروسه یه هجوم ایلدکاری معلوم اولیچق  
 روم ایمپراطوری طرفنی جلب ایلدکن صکره لابسکی ساحلندن  
 کلیولی قلعه سنه کیلوب ادرنه صحرا سنه عزیمت اولندی چونکه ساحل  
 طرفنی لاتینلر ایله متفق اولان روملر ابلوقه ایلمش اولدقلرندن کومرجنه  
 اوزرندن و سلا نیک ارقه سندن کجه رک قره فریه قربنده اردوی  
 همایونی قوروب ترحاله حواله سنه اورنوس بک و یکی شهر طرفلرینه  
 دخی صدر اعظم علی پاشا ارسال اولنه رق عظیم محاربه لرایله لوادیه  
 واته شهرلری تخریب اولنوب حساب سز مال غنایمه نائل اولدیلر پادشاه  
 حضرتلری ادرنه یه عودت بیوردقدن صکره معیت همایونلرنده  
 اولان عساکری برقاج اردویه تقسیم ایدرک (برفرقه سنی یکیت پاشا  
 قومانداسیله بوسنه دیارینه کوندروب مترو فحه حصارینی ضبط ایتدیره رک  
 اسلا و ممالکنی نهب و غارت ایتدیرمش ایدی) (برفرقه سنی دخی اورنوس  
 بک اداره سیله ما کدونیا و تسالیا ایالتلرینک تسخیرینه) (برفرقه سنی  
 دخی بلغار ممالکی اوزرینه سوق ایلیوب کند واری مجارلوا ایله



### مخاربه به حاضر لقمده ایدیلر

مکر روم ایمپراطوری بولسان یوانی پاله لوغ حضرت پادشاهک  
قاین پدری اولدیغندن بیلرندنه بنای مصاهرت قورولمش ایکن امور  
اعتقادیه سنک اساسی اقتضاسیجه لازم کلان تعصب موروثه سنه مبنی  
مجارقرالی سیرسموندایله برلشوب خصمایه قارشو خفی اتفاق ایتدکلرندن  
حضرت پادشاهک مجار سفری ارزوسی اولدیغنی اخبار ایتک ایچون  
مومی الیه پاله لوغک مجارلو طرفنه کوندرمش اولدیغنی مکتوب چاسوس  
واسطه سیله پادشاهک معلومی اولدقده هونغار یوس یعنی انکروس  
دنیلان مجارستان طرفنه عزیمتی ترک ایدوب استانبول اوزرینه طوغرو  
اردوی جهان پویی قالد یروب سلوری حصارینی تسخیر ایلدی  
کلیبولی طرفندن دخی سفینه لر مرمره دکزی یولیه استانبول  
بوغازینه صوقیلوب غلطه ساحلی اوکنه لنگرانداز اولدیلر

واستانبولک فتحی تصمیم بیوراد یغندن وقوع بوله جق محاربه  
ایچون مهمات لازمه نک تهیئه واحضاری اراده سیله ممالک محروسه  
شاهانه به فرمانر نشر اولمشدرکه برصورتی بو محمله ذکر اولنور

### ﴿ صورت امری شریف ﴾

مفاخر القضاة والحکام معادن الفضائل والکلام ممالک محروسه م  
قاضیلری زیدت فضائلهم بو حکم شریفهم (نفذه الله) سزله واصل  
اولدقده شویله بیله سزکه حق جل وعلا حضرتلرینه توکل وسرور  
انبیاء محمد مصطفی صلی الله علیه وسلم افند مزک روح شریفلرینه توسل  
وچهار یاز عظام واولیاء کرام رضی الله عنهم اجمعیندن استمداد ایدوب  
اشبوسال فرخنده فالك شهرور مشهوره سندن ماه مبارک ربیع الاولک  
سکزی واقع اولان دوشنبه کونده دارالنصر ادرنه دن جمیع وزرای عظام



و غلمان درگاه عالی مقام اغاری و یکپیری طائفه سی و عزب بکاری و سائر  
 بکار بکیاری و الای بکاری و زعمای چری باشیلر و عموم سپاهی و کواکلی  
 طائفه سیله بالجه ( وجاهدوا فی سبیل الله ) دیو قسطنطنیه شهری  
 اوزرینه توجه همایونم واقع اولدی امید در که ابتداسی محمود انتهایسی  
 مسعود اوله ان شاء الله تعالی و سز که ممالک محروسه مده حکام  
 عدول سز هر بر یکزه توقیع رفیع همایونم واصل اولد قدده کر که در که  
 بر آن و بر ساعت تأخیر و تراخی ایتیموب بوندن اقدام تنبیه اولندیغی اوزره  
 احضار اولنان نزول و ذخا ئری اردوی همایونمه ایرشدیر مکده تقصیر  
 ایتیمه سز و سائر لوازم جنک که هر بر یکزه فرمان شریفمله اعلان  
 اولنمشیدی بی قصور ایرشدیره سز و جوامع و مساجد ده ادعیه قتح  
 مشحونه بالصدق والاخلاص خیر دعا ایله توجهدن خالی اولمیه سز  
 شویله بله سز علامت شریفه اعتماد قیله سز تحریرا فی اوائل شهر  
 ربیع الاول سنه سبع و تسعین و سبع مائه من الهجرة النبویه

✽ بمقام ادرنه ✽

ایمدی فرمان مذکور بلاد و امصاره نشر اولند قد نصکره مهمات  
 سفریه اطرافدن پیدر پی اردوی همایونه جمع اولغه باشلامش ایدی  
 روم امپراطوری بولنان پالئو اوغ کندی اوزرینه حضرت پادشاهک  
 بیگلرجه عساکر ایله دشت هامونی بورو یوب یوزودیکنی ایشیدنجه  
 عنان اختیاری الندن کیدوب بواشی دینجه طوتمقدن بشقه چاره سی  
 قالدیغندن افلاق و بلغار و صرب و مجار و سلا نیک طرفنده و موره  
 حواله بسنده و اق د کراطه لرنده بولنان خرسنیان مجمعلرندن استمداد ایله  
 برابر قلعه یه استحکام ایچون برجلر و قوله لر یاپوب ممکن اولدیغی قدر مقابله  
 ایتکده قصور ایتدی انجق اردوی همایونده بولنان روم ایلی عساکری



اراسنده فتنه و فساد ظهور ایتدیکندن بشقه مجار قرالی بولسان  
 سیر شمووند یوز اون بیک قدر عسکر متفقین ایله قره افلاق  
 اوزرندن کله رک او اطه نهر یله چیل ارماغی اراسنده واقع رومانتره  
 ناحیه سندن طونه نهرینی برویه کچوب نیکولی و طرنوه و لوفه  
 حواله سنده متوطن اولان اهل اسلامک خاندان و خانمانی ییاقوب  
 یاقه رق کرک حضرت پادشاهک و کرک پدرلری هر حوم خداوند کارک  
 ضمیمه ملک عثمانی ایلدیکی دیاری کندو ملکی سلکینه قانه رق شرق  
 ایمپراطورینک امدادینه کلدیکی طبولدیغنه منی محاصره ماده سندن  
 فراغت اولنوب جبوش جوشن پوش دریاخروش ایله ادرنه طریقندن  
 و بالقان طاغلرندن جنک آشوب ایچون آشوب قبروه و طرنوه ناحیه سندن  
 طرنوه قضاسی فضا سنه اولاشوب مجار قرالی بولسان سالف الذکر  
 سیر شمووندک اقبحی عسکرلرینه راست کلوب برایکی چرخه لشمق ایله  
 کیرویه توسکر ولدوب تمامیه طرنوه نواحبسنی دشمن عساکری خسارتندن  
 قورتاردقدنصکره غازی اورنوس بکی دل المق مأموریتیه کوندردی  
 سیر شمووند ایسه اردو قورمش اولدیغی محلاک اطرافنی بر مرتبه لرده  
 مستحکم ایتشیدیکه دل المق دکل برسس المق بیله ممکن دکل ایدی  
 الحاصل یدیوز طقسان سکزن سنه سی صفرینک اون برنجی جمعه  
 کوننده ایکی طرفدن صفار بغلنوب جنکه طوروشدیلر شویله که  
 حضرت پادشاهک بولندیغی موقعک صاغقوانده شهرزاده امیر سلیمان  
 ایله صدر اعظم علی پاشا وروم ایلی بکلر بکپسی فیروز پاشا و امرادن  
 مالقوج بک و تیمور طاش بک صولقوانده دخی شهرزاده سلطان مصطفی ایله  
 اناتولی بکلر بکیسی قره تمور طاش پاشا و قرمان دیاری امراسندن  
 محمد بک و طورخان بک و بشیر بک و طاهر بک و صرب قرالی لزاری



قومانداسیله دخی بشیک کزیده عسکر حضرت پادشاهه امداد ایچون  
 کیش اولدیغندن صاعق اول جناحنه تعیین بیورادی سیر شموند  
 طرفنده دخی نویردوقه سی برطاق فرانسز عسکر یله قلعه بی یعنی  
 نیکبولی حصارینی المق ایچون صارمش ایدی نهر طرفندن دخی ایکی  
 صرا اولق اوزره حصار مذکور ماونه لره احاطه اولمش ایدی حضرت  
 پادشاهک عسکرینه مقابل چ کیلان صفلرک ابتداسی هانری و فلیب  
 و مارشال بوجیکول اداره سیله برطاق فرانسز عسکری ایدی ایکنجی  
 صفده استغان لاسقویج و مذکور سیر شموند دخی باویرا و بوهیمیا و برطاق  
 المانیالودن مرتب عسا کر موظفه یه قومانده ایدوب افلاق بکی میرچه بک  
 دخی افلاقلویه قومانده ایدر ایدی ایدی موقع محاربه ده حضرت  
 پادشاهک اردوگاه ی برطاغ اوزرندن اووایه طوغری بسط اولمش صول  
 طرفی برقیصه اورمانلق اولوب اوکی نیکبولی شهرینه قدر واسع براووه  
 ایدیکه مذکور اوواده مجار قرالنک عسکری صفلرینی بغلامش ایدی  
 بو محاربه ده مجار لر ایله نمچه لور و افلاقلولر هیچ محاربه ایتماش کی ایدیلر  
 زیر اصفلرک اوکنده بولنان فرانسز عسکری صفلرندن هانزینک  
 قومانده سنده اولان صف شهرزاده مصطفی چلبی قومانده سی التنده  
 بولنان سپاهی عسکری اوزرینه بربرینی متعاقب اوج دفعه هجوم ایلد کده  
 امدادچی اولان سپاهی کرویه یه محمد و طورخان و طاهر و بشیر بکلر  
 اناطولی عسکر یله هانزینک قومانده سی التنده اولان عسکری کیرویه  
 قاچردیلر و اشناده مذکور فلیب دخی قومانده سی التنده اولان ایکنجی  
 صف ایله صار یجه پاشا قومانده سنده اولان عزب عسکری اوزرینه  
 هجوم ایتد کده عزبیلر یکچیری صفلریله کیرویه فرار صورتی کوسترد کلرنده  
 ایکنجی صفده بولنان یکچیری بلو کلری هم دشمن صفلرینک برنجی



صفنده اولان فرانسه عسکر لر یله ایکنجی صفده بولنان موظف باویرا  
 ووهیمیا عسکر لرینی بربرینه قاتدیلاوا ائنده صاغقوله تعیین بیورلش اولان  
 سپاهی دخی صرب قرالی معینده بولنان ایکنجی صفلی بوزدقده دشمن  
 طرفنده هزیمت و مغلوبیت باشلامش ایکن سیر سموند طرفنه من  
 غیر مأمول اوتوز بیک قدر امداد اوله رق تازه عسکر ک ورودیله  
 آتش کارزار تکرار اشتعال بولمش ایسه ده دشمن طرفنک ارقه سی طونه  
 نه ری ایله محاط اولدیغندن اناطولی وروم ایلی سپاهی بلوکاری و پیاده  
 صفلی ایله صغش دیرلدجه اکثریسی طونه نه ری آتیلوب نیکبولی  
 محاصره سنه گلش اولان ماونه لره بنه رک قرشو طرفه کچوب فرار ایتلریله  
 نیکبولی حصاری اعدانک تضییقندن قورتلدقده قلعه محافظی اولان  
 طوغان اغا قلعه قیوسنی آچوب حضرت پادشاهی قلعه یه دعوت  
 ایلادی بو محاربته نک بو مرتبه لده تفصیل اولمسنک سبی محاکمه فصلانده  
 ایضاح اولنه جق ایسه ده سبیلرینک باشلیجه لری بو محله ده اولجه  
 مطالعه اولندیغنی حالدده محاکمه سندن حاصل اوله جق عبرتله  
 قوت ویره جکدر

شویله که قوصوه محاربته مشهوره سنک عقینده بوسنه الکاسنی  
 وایورانیه واشنب و قالقان دان نواحبسیله قره طوه معدنلرینی ضبط  
 ایتدیرمک اوزره عسکر سوق ایدرک بوسنه ممالکندن خیلی اراضی بی  
 داخل ملک عثمانی ایلش ایدی حالبوکه اوسنه بوسنه الکاسی بر حکومت  
 مخصوصه شکلنده اوله رق مجار قرالی سیر سمونده تابع اولمش ایدی  
 مومی الیه سیر سموند دخی انواع دسبسه و حیلله ایله المانیایمپراطور لغنی  
 احراز ایتش اولدیغندن بشقه فاملیاسندن اولان بوهیمیا قرالی و مجار  
 قرالارینک وفاتلری وقوعیله اورالرک دخی حکومتی الیه الدقدنصکره



ترانسلوانیا یعنی اردل وافلاق و بغداد و صرب و بلغارستان و بوسنه  
 قرالغی و پرنسلاکی و دوقه لقلرینه قدر حکمنی انفاذ ایدرک اوروپا  
 قطعہ سنک طونہ نہری ساحلی دا خلندن صوا نہرینک نبغان  
 ایدوب بلغراد قارشو سنده طونہ یہ منصب اولدیغی الکاکی قبضہ  
 تسخیرہ آلوب اوروپا لوطر فندن اولہ رق آل عثمانہ قارشوپک بیوک  
 قوتک مالک و صاحبی اولدیغندن عثمانلونک قوصوہ محاربہ سندنصکرہ  
 روم ایللارندہ خصوصاً بلغار ممالکندہ و صرب الکا سندنہ استدیکی کی  
 آت صالوب کزدیکی وزمان مریورایدہ جک اولور ایسہ ایلرودہ المانیا  
 و لهستان الکا سنک درونہ قدر کیدوب بتون بتون اوروپا  
 حکمدارلرینہ کندوسنک قوت و استقلالنی تصدیق ایتدیرہ رک ال  
 بیوک دولت و حکومتلرک بریسی اولہ جغی برمدتدنبرو قوللانمقدہ  
 اولدیغی اصولک ایجابندن اولمغله بونک چارہ سنی اولجہ کورمک کرکدر  
 دیہ رک قوت قدرتی شدت عثمانیان ایله مغلوب و زائل اولوب فقط  
 شهرت سابقہ معتبرہ سی ایله ممالک شرقیہ ایمپراطورلغی عنواننی  
 حفظ ایلبان برانسیو ایمپراطورلری هر نقد ر سلاطین عثمانیہ  
 حضراتیلہ بنای مناسبتہ اساس مصاہرتی قورمشلرایسہدہ ینہ اعادہ  
 اقبال ایتکد وسیلہ ارادقلرندن مومی الیہ سیر سموند ایله بوبابدہ نہانی  
 خبرلشوب برلشمش اولمغله وندیک و قطلان طاقنی دخی عثمانیان  
 علیہنہ تحریک ایدرک بر قسمی سواحلی و بر قسمی طونہ نہری داخلنی  
 اورارق نیکیولی قلعہ سنی محاصرہ ایتمشلرایسہدہ مرام و مقصدلرینک  
 اجراسنہ موفق اولہ میوب پک فنا بوز وادقلری بالادہ تفصیل اوزرہ  
 بیان اولمشدر انجق بونلرک عثمانیان حقندہ اولان عداوت موروثہلری  
 اخذ انتقامہ شایان بر محاربہ اولمہ جہد صفوت وائٹلاف قبول ایدر



مواددن اولدیغی جهتله ایکی طرفدن دخی پک چوق نفوسک قانلری  
 دوکیاوب جانلری دخی بویولده تلف اولمش کتمشدر لکن یلدیرم بایزید  
 حضرتلری هم کنج اولوب وهم شدید المزاج اولدقلرندن اثناء حربده  
 عسکرلرک حصه غیرته تقسیم اولنان اسیرلرک مجموعنی قتل ایتدیردکلی  
 خصوصت موروثه قریبه نک شدتلندرلمسی ایله عدم امنیتی موجب  
 اولدیغندن بعض تاریمخلرده اسیرلرک قتل و اعدام ماده سنی باشی اورتلو  
 اوله رق اعتراض ایتشلردر فی الحقیقه اعتراض اولندیغی قدر واردر  
 الحاصل ذکر اولنان اسرا اراسنده اسانیت فاملیاسندن اولان سسمان  
 نام بلغارقراالی دخی قضاء مقتول اولدیغندن ارتق بلغار حکومتی بالکلیه  
 محو اولوب بلغارستانک باشلیجه شهرلرندن (صوفیه) (پازارجق) (فلبه)  
 (طرنوی) (ودین) (زشتوی) (سلستره) (روسجق) (شمی) (وارنه)  
 (نیکبولی) شهرلری تمامیه حضرت پادشاهک حکمی التمه داخل  
 اولدقدنصکره ادرنه یه عودت بیوریله رق ایرتسی سنه تسالیه یعنی ترخاله  
 وموره الکاسنی تسخیر ایتک ایچون تدابیر لازمه یه همت بیورلمقده ایکن  
 صرب قرالی لزاری نام قرالک اوغلو اسنپان که بوکابزم تاریمخلرده یلیق  
 اوغلی دیرلرموی الیه تبریک غزا وسیله سیله هدایای کثیره ترتیب ایدوب  
 کوزللاکله ایللرده و نزاکتله دللرده مشهوره اولان همشیره سنک خدمت  
 شاهانه ده بولنمسی نیاز یله کوندردیکی ایلمچی شهر مذکوره وصول و اصول  
 اوزره خاک پای همایونه رخصتیاب دخول ایله قرالک مسؤلی قرین حیر  
 قبول اوله رق سفیر مذکور مطیبا اعاده اولندقدنصکره امرادن برقاج  
 امکدار طرف همایوندن کلین المغه مأمور اولوب کتدیلمر کندولری دخی  
 هجرتک یدیوز طقسان یدی سنه سنده اناطولی طرفنه کچوب بورسهدن  
 طولاشوب قوجه ایلی سنجاغی اولان قره دکز ساحلی داخلنده شیه



نام قضایی فتح و قره دکز بوغازی طرفنه توجه اید رک یوشع طاغی  
 وراسندن دره سکی واق با با کویلری اوزرندن کوك صود نیلان  
 دره نك کار یله حالا بزم اناطولی حصار ی دیدیکمز کوزجه حصار  
 قربنده واقع چمن زا ره اردوی همایونی قوروب استانبولی محاصره  
 اید ه جکنی کوستردی ایمپراطور پاله لوغ دخی حضرت پاد شاهک  
 نیکبولی اوزرنده اولان متفقین عسا کرینه غلبه ایدوب اور و پالورک  
 کوندردیکی سیر شمعوند نام قرالی قاچروب بلغار حکومتی بتون بتون محو  
 ایدوب صرب قرالی کندویه اطاعت ایتدیرد کدنصکره در عقب اناطولی  
 طرفنه کچهرک قره دکز ساحلنده واقع شیهه قصبه سنی و حصارینی امان  
 ایله الوب علی الغفله بوغاز ایچنک بر موقع معتناسنی اله آله رق استانبول  
 اوزرینه یوری یه جکنی و هجوم ایلد یکی حاله تسخیر اید ه جکنی  
 جزم ایتدیکندن امر اسندن بریسنی اطاعت و ویر کوی مناسبه یه  
 موافقت خبر یله حضرت پاد شاهه ارسال ایلد کده درون شهرده  
 اهل اسلام ایچون مناسب محله تخصیص و بر مسجد و بر محکمه بناسیله  
 سنوی اون بیک دوقه التونی ویر یلمسی شرطیله مصالحه اولندیغندن  
 طرابلسی یکیمجه سنک خلقی برلندن قالدیر یلوب استانبوله اسکان ایچون  
 کوند رلدیکی هجرتک یدیوز طقسان سکزنده واقع اولدی بو محله ده  
 بزانتن دولت ایمپراطور لغی ایله دولت علیه عثمانیه پادشاهلرینک ارالنده  
 ظهور ایدن معاملاتک حقیقتی قالدون دیلاس نام روم مورخندن روایت  
 اولمق اوزره بارون حاکمک کابنده شویله یازلمشدر که مانوئل پائولو غوس  
 نام پرنس سیروز شهرنده ایمپراطورلق تاجنی کیدیکی وقت یلد یرم بازید  
 خان حضرتلری دخی مناسبات موروثه لرندن طولانی شهر مذ کورده  
 ایمپراطور مومی الیهک برادری تئودور پاله لوغ ایله کندویه تابع برطاقم



روم و بلغار پرنسلی و صرب دسیوتی استفان و یکجه واردار بکی  
 در اغاس و کوسندیل بکی قسطنطین دخی برانکده بوانوب رسم جلوس  
 اجرا اولندیغی زمان حضرت پادشاهک طرفندن سلوری بکی نصب  
 اولسان اندرون قوسک اوغلو مزبور تئودورک بعض اوضاعند ن  
 دلکیر اولمغله یلدریم خانه شکایت ایدرک اغصاب ایلدیکنندن تئودور  
 مسفوری از قالمش ایدی که کندولری قلیج ایلہ قتل ایدہ جکیر ایکن  
 صدر اعظم علی پاشاک رجاسیلہ عفو اولمش ایسه ده صکرہ ینہ اعدام  
 اولمش ایدی بناء علیہ ایمپراطور مانوئل پالہ لوغ ایلہ طاورا قونک اوغلو  
 قسطنطین سیروزده بولندقلری حالده ارتق عثمانلو پادشاهنه کیتامک  
 و کورونماک اوزره قرار و یروب طاورا قونک قزینی المغه دخی معاهده  
 ایلدی زیرامشار الیه مانوئل کندوسی ایچون الہ جخی طربزون قرالینک  
 قزی ایدیکه سلطان علاء الدین سلجاقینک متروکه سی القسینک قزیدر  
 ترک ایلدی بعده استانبول ایمپراطوری قسطنطین واردار طرفنه عزیمت  
 ایلدی بکی وقت علی پاشا دخی طرف همایوندن ایمپراطوره کیدوب  
 دعوت ایلمش ایسه ده کندو طرفندن اولہ رق اجابت ایتامسینی دخی  
 محرمانه و دوستانه افاده ایلدی ایمپراطور ایسه علی پاشاک اخطار  
 خیر خواهانه سی وجهله حرکت ایلوب عزیمت ماد سندن  
 نکول ایلدیکنندن یلدریم خانک غضب و انفعالی مشدد اولمغله استانبولی  
 محاصره ایتکه قرار ویرمش ایدی لکن بعضیلرک افاده لر نجه  
 اشبو خبر ایشمک ماده سی محاصره هنکا منده اولوب ایمپراطورک امره  
 امثال ایتامسی محاصره نک داهاصقشدیرلمسینه سبب اولمشدر خلق  
 ایسه طول مدت محاصره مخاطره سندن بیقمش و اوصانمش اولدقلری  
 جهتله ارتق عثمانلو کلسون استانبولی الورا ایسه ده السون بزم طیانمغه



حالز و جنك ايتكه مجالز قالمدي ديه رك ايمپراطوره پيدري شكائتير  
 ايتدكلرندن استانبول نواحي سني يعني سلوري حواله سني كند و يكني  
 اولان اندرون نيقوسك او غلوياني يه امر همايون انضماميله حواله  
 ايلد كده كند وسي دخی او غلويواني پاله لوغی قائمقام نصب  
 ايلد كد نصكره موره طرفنه عزيمت اشاعه سيله ايتاليايه كيدرك پالک  
 حكومت روحانيه سني بعدالتصديق عثمانلوردن عظيم شكائت  
 ايلوب انك واسطه نفوذی ايله اوروپا حكمدار لرينه دخی حالي  
 عرض ايلدي استانبوله قائمقام اولق اوزه قلان يواني پاله لوغ  
 حضرت پادشاهك امرينه اطاعت ايدرك درون شهرده برجامع  
 و برمحكمه ايله ايكي محلهك دخی اهل اسلامه تخصيص اولمسي و سنوي  
 اونبك التون و يرلسي شرطلريله مصالحه يه قرار و يرلدي چونكه وزير  
 اعظم علي پاشا روملك طرفندن بعض هدايا ايله جلب اولنديغندن  
 محاصرهك وقت آخره تعليق اولمسي رأي ايلدي خواجه تاربخنك  
 روايتي و نشري چلبينك حكايي موجبجه دروني التون ايله مملو اون  
 عدد بالق علي پاشايه تقديم اولنه رق مصالحه ماده سي قرار نلشدر  
 قبل القح استانبوله جامع ياپلش ماده سي بونكله دردنجي دركه  
 ابتداسي خلفا زماننده ايكنجي سلجوقيلر وقتنده اوچنجي ملوك  
 مصريه طرفندن اولوب دردنجيسي سلاطين عثمانيه دن يلديرم  
 بايزيد خانك اثر همتيله اولمشدر و تخصيص اولسان محلاته دخی  
 كوينك و يکجه و طراقليدن و قره دكز ساحلندن بعض خانه لر نقل  
 واسكان ايتد يرلدي صكره پادشاهك انقره ده مغلوبيتي استانبوله  
 عكس ايلد كده اهل اسلامك كني اعدام و كني دفع و اخراج ايتمشدر دركه  
 اشبوقاچانلر استانبول حواله سني قنقلي نام محمله توطن ايتمشدر در



چکن سنه کلین المغه کوند ریلان قره تیمور طاش پاشا زاده امور بک  
 قراک همشیره سنی جهاز مرتبه سیله الوب اد رنه یه اورادن دخی  
 کلیبولی یه ایندیره رک بورسسه یه کتوروب تشریف همابونه انتظار  
 اوزره اولدیلر حضرت پادشاه جمعیت رسمیه تکلفندن صرف نظر  
 ایدرک صورت شرعیه تطبیق ایله اول پری پیکری داخل حرم سرای  
 شهر یاری ایلمش ایدی مومی الیهانک شیوه و رفتاری طبع عالی به توافق  
 ایلد یکنندن برادرینه مکافات اوله رق سمند ره حصار یله نواحیسی  
 بتکرار احسان یورلدی تاریخلرک اکثر یسنده حضرت پادشاهک ذوق  
 وصفایه میل ایتسنه بانوی مومی الیهاسبب اولمشدردیو یازلد یغندن کویا  
 یلدیرم یازید خان حضرتلرینه کلنجیه دک سریر آرای سلطنت عثمانیه  
 اولان سلاطین کزین حضرت ایتک واقع اولماش کی  
 ظن اولنور حالبو که ترتیب ایتدی کمز تاریخ آل عثمانک کتاب نایسنده  
 ییله جک صحرا سنده اولان دو کونده کوسه میخال بک ایله برلکده  
 اوله رق سائر تکفورلر ایله برابر عثمان غازینک مجلس عشرتده بولند یغی  
 وکند وسنه ساقی کلچهره ایله پیاله زین صنولد یغی یازلمشدر کذلک  
 سلطان اورخان حضرتلرینک بورسسه یکی شهری صحرا سنده  
 ترتیلری اولان سور همایونده نه مرتبه لرده مساعدده لر کوسترلد یکی  
 و خداوند کار غازینک مالته صحرا سنده قوریلان ولیمه جمعیننده  
 فصل ذوقلر ایلد کلری کتاب ثالث ورا بعده ذکر اولمشدر حاشا  
 بونلری یازمقدن مرادم سلاطین کرامک کند ولری آمر وناهی  
 ایکن ارتکاب مناهی ایتدیلر دیمک دکدر الا تاریخ یازمقد ه یولسز  
 مداهنه اید نلره اعتراضدر برطاقلری دخی صدر اعظم علی پاشانک  
 لهو ولامبه اولان میل طبعیسی اقتضا سنجه حضرت پادشاهی دخی



بویوله سوق ایتشد ر دیه رک تفصیلندن اخلافه منفعت و عبرت  
 اولیه جق صورتده مباحثه لره کیره رک معنار ویرلمشدر که تفصیلاتی  
 کورمک استیلر تواریخ سائر یه مرا جعت بیوره لر بوتار بخلره  
 کلنجیه قدر ممالک عثمانیه نك هر طرفنده بولنان قاضیلر اذن سلطانی  
 اولقسزین استماع ایتدکلی دعاویدن خرج حجت و رسومات  
 سائر اله کلدکلی پادشاهک مسموعی اولنجیه ذکر اولنان قاضیلری  
 دارالملاک بورسایه جمع ایدوب مجموعی بر محله حبس ایله جانلرینی یاقوب  
 خاندانلرینی سوندرمیه فرمان بیومشلا ایدی صدر اعظم علی پاشا  
 و امراء سائر بوفعل شنیع مکروهک منع و دفعنه مقتدر اوله مدقلرندن  
 هر بری حیرت واضطراب ایله بوایشک نهایتی فصل اوله دیودوشمکده  
 ایکن پادشاهک ندما سندن بر عرب حاکملی اتشه اوروب یاقق فعل  
 نامشروعندن پادشاهی واز کچورمکه صدر اعظم طرفندن اولان  
 مواعید کشریه بناء تکفل ایتشیدی شویله که برکون مذکور مصاحب عرب  
 بولجیلق قیافتیه حضور شاهانه کیروب اسلامبول ایمپراطورینه سفارتله  
 کندوسنک کوندرلرینی نیاز ایتدکده حضرت پادشاه دخی ایمپراطوره  
 ایلچی کوندرمکه لزوم یوق ایکن نیچون کیده چکسین دیو صورتده  
 جوانده پادشاه مجموع علمایی اولدورب جانلرینی یاقدورنصکره ناسک  
 معاملات مختلفه سنده واقع اولان دعوالری حکم و فصل ایتک اوزره  
 استانبولدن برطاقم روم پاپاسلرینی کتوره چکنی سویلیدی حضرت  
 پادشاهه مزبور عربک سویلیدیکی سوزلر تاثیر ایتدیکندن صدر اعظم  
 علی پاشایی چاغروب قاضیلر اعدام و احراقندن صرف نظر اولندرق  
 الیوم دعاوی واقعه ده انه کلان رسوماتی وضع واحداث بیوردیلر  
 هجرت سنیه نك یدییوز طقسان سکر سنه سی قره قیونلی عشیرتک امیری



قره یوسف ایله بغداد حاکی سلطان احمد جلایری تیمور خانک  
 شر و ظلمندن وطنلرینی ترک ایدرک مصر ملاکی سایه سند التجا ایتک اوزره  
 شامه فرار ایتشلر ایسه ده مصر حکومتی طرفندن مأمور الیری مرتبه  
 صحابت و حایه کورمد کلرندن ایکبسی بیله درگاه همانویه کلوب عرض  
 عبودیت ایتکله حضرت پادشاهی حکومت مصریه یعنی دولت  
 چراکسه علیهنه تحریک ایدوب ملاطیه و ارزنجان حواله سنک  
 فتح و تسخیرینی ترغیب ایتد کلرندن عربستان سفری نامیله خیام  
 کردون مقام بورس و اواسنه قوریلوب چند کون طرفنده یوکلر  
 با غلنوب مهمات حربیه عربیه لره یوکلند بریلوب کوس عزیمت  
 اورلد قد نصرکه اردوی جهانیوی ایله دشت هامونه قونوب  
 کوچه رک ملاطیه حصاری اطرافنی صاروب مصریلر ایله عظیم  
 محاربه ایدرک اولحوالی امیری اولان دواتداری طوتوب قتل ایدوب  
 اول ولایتی ممالک عثمانیه به ربط ایتد کد نصرکه ترکمان ایلنده اولان  
 ارزنجانه واروب حاکی اولان طهرتن بک حضرت پادشاهی  
 استقبال ایله ارزنجان قلعه سنک مفتاحلرینی تسلیم ایلدی حضرت  
 پادشاهک اجداد عظامندن ارطغرل غازینک اوغلارندن بری سلاطین  
 سلجوقیه دن غیاث الدین کینکسر و خدمته ویریلرک برمدت خدمت  
 ایتد کد نصرکه مشارالیه طرفندن بروج مالکانه یغنک ایلی توجیه  
 اولنوب انک اولادندن بیات بک بعده خلیل بک متصرف اولمشلردرکه  
 ملاطیه و ارزنجان حواله بسی فتح اولند یغی وقت مومی الیه  
 خلیل بک حضور همایونه کلوب اثبات حسب و نسب ایدرک  
 مظهر التفات اولد قد نصرکه اول حوالیده برطاقم قرا و قصباتی  
 دخی سلسله سنه موروث و مشروط اولمق اوزره توجیه



واحسن بیوردیلر حضرت پادشاه مومی الیه طهرتن بکده اثر صداقت  
مشاهده ایده مد یکنندن زمام حکومتی الندن الوب کنند و  
امر اسندن دیکرینه توجیه ایلد کده طهرتن بک قورقو سندن عراق  
عجمه طوغرو چکلوب پادشاهدن اراق اولغه باشلادی کرمان حاکی  
یعقوب بک دخی اصاله حبسندن برتقریب ایله کندوی قورتاروب  
دیلنجی قیافتیله کیجه کوند ز قاجاراق تیمورک سایه سنه دخالت ایلدیکی  
مثلا و منشا اوغلو و آیدین اوغلو عمر بک و طهرتن بک و اسفندیار بک امثالی  
دیرلکرینی ضایع ایدن سارڈیارک بکری دخی حضور تیمورده جمع اولوب  
هربری بر صورتله یلدریم بایزید خاندن شکایت ایدرک ممالک رومه تیموری  
تشویق ایتدکده اصلا قصور ایتدکلرندن بشقه تحریک و افساد لرینک  
ثمره سی اوله رق حکومت مصریه دن فرار ایللیان بغداد حاکی سلطان  
احمد جلایری ایله قره یوسف قره قیونلو بی تیمورک واران آد منه  
ویرلک بهانه سیله حضرت پادشاهه برایلچی کوند رلمسنه دخی سبب  
اولدیلر ایلچینک کتور دیکی نامه نک مالی لطف و عتاب ایله قاریشقی  
اولد یغندن ایلچی دخی مظهر نوازش کامله اوله میوب عدم قبولی  
بلدیرر بر جواب ایله اعاده اولندی

نامه تیمور ایله جوابی  
فریدون بک  
مجموعه سنده محرر در  
مراجعت بیور یله

حالبو که تیمورک ایلچینک جواب یاس ایله اعاده اولند یغنه  
کک صدر اعظم علی پاشانک و کک سائر امرانک رأیلری  
منظم دکل ایدی اما حضرت پادشاه بو قدر نصرت و فتوحانک نشئه  
غروری ایله جسور اولد یغندن اطرافدن اولنان اخطارات خیر  
خواهانہ بی دیکله مز اولمشلر ایدی امور حربیه مأموری اولان امرانک  
هربری بو ایشک نہایتی وخیم اولور قورقوسبله حیرت واضطرار اید  
ایدیلر اما حضرت پادشاهک غیرت آرزوسنی منعه کیمسه ده اقتدار



### اولیوب ضروری متابعت ایتملر ایدی

بو ائناده تیمور اقلیم دشت قیجاغی باصد یغندن طوقتمش خانک  
 امراسندن اقطای خان یوز بیکه قریب کوجبه لرایله افلاق  
 الکاسنی طولاشوب طونه نهیری اوزرندن آشوب حضرت پادشاهک  
 زیر سایه حایه سنده آسوده نشین اولغی استدا ایلد کلری جهته  
 بونلرک دخی قلبه نواحی سنده اقامت ایتلرینه رخصت عالی بیورلمش  
 ایدی حالبوکه طائفه مذکوره اکثر اوقات آت ارقه سنده بولنه رق  
 رنجبرلک ایتیموب چاپول ایدرک اوته دن برودن چالوب چار بمق ایل  
 کچند کلرندن کندولرینه تخصیص قلنان ییلاق وقشلاقلردن پکده  
 خوشنود اوله مامش لرایسه ده تیمورک زورندن کندودیارلرینه دخی کیده میبوب  
 ضروری قالمش لرایدی فقط کوندن کونه خدم و حشم لری چوغالمق  
 ملا بسه سیله طرز و حرکتلرندن بعض مرتبه سرکشاک کی ایلروده  
 غائله جسمه بی موجب اوله جق او یغونسر لقلرحس اولندیغی صدر  
 اعظم علی پاشا طرفندن حضرت پادشاهه ییلدیرلمش اولغله در حال  
 بورسادن کوزلجه حصار دیدیکمز اناطولی حصارینه کلوب اورادن  
 روم ایلی طرفنه عزیمت همایون واقع اوله رق ادرنه یه مواصلت  
 بیورلد قد نصکره قلبه صحرالرنده یایلمش و چراگاه و نواحی یه  
 طاغلمش اولان تاتارلرک سرداری اقطای خانی معیت  
 همایونه دعوت ایدرک صید و شکار بهانه سیله باغیر اراسنده  
 طولاشورلر ایکن حضرت پادشاه سوزی مناسبته محاربه ماده سنه نقل  
 ایتدیروب هر دولت کندو خد متنه قوللاندیغی عساکری برفرقه  
 و برجنسندن ترتیب و تشکیل ایتیموب بربرینه مخالف جنسندن عسکر  
 ترتیب ایتلیدرکه برینک تریه سی ایجابنده دیکرینی سوق ایلیه دیه رک



خدا نکرده او یله برفساد داخلی ظهور ایدہ جک اولسه سزدن بزه  
 نقدر عساکر ایلہ امداد و اعانه اولنه بیلوردیو صور دقده چونکہ بزل  
 برطاقم سبکبار سوار نینده دار اولدیغمنزدن ایکی کون ایچینده قرق بیکه  
 قریب تاتار عدو شکار ایلہ حاضر اولوب برکونده یوزمیلہ یقین مسافہ  
 دخی قطع ایدر لر دید کده علی پاشانک بو بایده اولجه ایتدیکی اخطاردن  
 ممنون اوله رق تاتارلرک دماغی فساد اوزرنده اولدیغنه یقین حاصل  
 ایلد کدنصکره هیئت مجتمعه لرینک بر بشقه صورتہ قونوب اداره لری  
 دولتمک قوه عسکریه سی تحتندہ اولسی نصل تدابیرک اجر اسنه منوط ایسه  
 اولجه اجر ایلہ دیه رک بونک ایچون علی پاشایہ مأموریت مخصوصه  
 ویرلمش ایدی علی پاشا دخی بالجله تاتار امراسیلہ سردار اقطاعی خانی کندو  
 سراینده دعوت ایدوب پک تکلفی برضیافت عقیننده زهر قارشدیرلمش  
 برالماتک یمک ایچون الماسنی عرض ایلد کده خان دخی ذکر اولنسان  
 یمشدن یمش ایدی لکن بر ساعت هرورنده کندوسنک پک فنا حالده  
 اولدیغنی بیلہ رک خانه سنه سرعتله کیدوب تریاق ایسنیه رک فوت  
 اولدقدہ امراء تاتارک اکثریسی بووقعده مغبر الخاطر اولوب ترک دیاره مجبور  
 اولدقلرندن ملحوظ اولان فساد ماده سی درون ممالکده بووسیله ایلہ برطرف  
 اولدقدنصکره کیمبو بده صورت صداقتده خدمته مائل اولنلردن اللی  
 بیک مقداری نفوس عسکرلک سلکنه ادخال اولنمشد رکہ انقره  
 وقعه مشهوره سنده ذکر اولنان تاتارلر تیمور طرفنه کچد کلرنده عساکر  
 عثمانیه نک غیرت و شجاعتنه فتورکلوب پادشاهک مغلوب اولسنه سبب  
 اولدیلر کذلک اناطولینک قیصریه دن سیواس حواله سنه وارنجیه دک  
 بقیه جنکیریه اولان سلطان ارتانک زمان حکومتدن بروقالمش طاغلرده  
 کوجیه صورتنده قونار کوچر یوزاون بیک چرکه دن عبارت تاتارلرکه



بونلرد قاره تاتاردخی دیرلر اول حوالیده بولنان اترک وارمن و عشائر  
واکرادک اموال و دواب و حیوانی سوروب غارت ایلدکلرندن حضرت  
پادشاه قاضی برهان الدینی ازاله ایلوب اوغلوزین العابدین بکی بروسه یه  
ایصال ایلدیکی وقت بونلرک دخی ضابطه حاکمینی مظالعه ایدوب  
تریه لازمه سنی اجرا ایلد کدنصکره هریش چرکه برخانه اعتبار  
اولنه رق خانه باشنه بر شخص ویرلک اوزره هنکام محاربه ده یکرمی  
ایکی بیک سواری ایله امر و اراده بیوریلان طرفده بلاتردد حاضر  
بولمغه قرار ویرلش ایکن بونک دخی انقره وقعه سنده جمله دن اول  
مضرتی مشاهده اولمشدر

چونکه حضرت پادشاه تیمور ایله محاربه ایتکی نفسنده حکم ایدوب  
قرارلشدیرمش اولدیغنه مبنی تدابیر لازمه احتیاطیه سنی اولجه مظالعه  
ایدوب یولنه قویق اقتضای حکمداریدن اولمغه کندولری دار الملک  
بروسایه عزیمت بیوروب فلبه نواحیسنه طاغملش اولان تاتارلره  
مخالف اوله رق قرمان دیارندن برچوق عشایر نقل ایتدیروب بعده  
تیموره قارشو وار یله جغنی اعلان ایدرک عساکرک طوپلمسی ضمنده  
امرا و حکامه فرمانلر نشر اولندی تیمور خان دخی کندویه التجا  
ودخالت ایدویده اجرای غرض و نفسانیت ایچون کندوسنک روم  
ممالکی اوزرینه هجوم ایتسنی تشویق و ترغیب ایلیان بکلرک سوق  
وابرامیله سکزیوز اوج سنه سی ملاطیه اوزرندن عساکر کثیره ایله  
سیواس طرفنه طوغروادی حضرت پادشاهک اولاد کرامندن سلطان  
ارطغرل حضرتلری سیواس ایالتی ایله اول حوالی والیسی بولنوب تیمورک  
زور هجومه قارشو استحکامات لازمه یه صرف همت ایتکده ایکن  
وفات ایلسی اورالک نظامات داخلیه سنه یکیدن قاریشعلق کتورمش



ایدی بواشاده تیمور دخی عسا کر موجوده سیله سیواس صحراسنه قونوب  
حصاری لغم اوزرینه آلدی و درون حصارده بولنان سکنه واهالی  
بو حالدن غافل اوله رق باشلرنده قرآن اللرنده طپراق ذ کور وانا ثدن  
التی بیک قدر اطفالی اوکلرینه قاتوب قلعه قیوسندن طشره چیقوب  
حضور تیموره وارارق عنایت و مرحت استدعاسنده اولدیلر  
بوارالقه ذکر اولنان لغملر آتشلنوب قلعه نک دیواری خا که برابر  
اولدقد نصکره عنایت و مرحت استدعاسنه کلان چوجقلری آتلیک  
ایاغی التده تلف ایتدیروب برطاقنی دخی چقورلر وقبورلر قازدیروب  
ایچنه طولدیره رق اوزرینه طپراق وطاش ییغدیردی درون حصارده  
بولنان امرادن فقط مالقوج بکی اولدرمیوب وارکوردیکیکی افندیکه  
حکایت ایله عهد قریده کندولریله دخی کور یشیاوردیو  
صلح خبری ایله ارسال ایلدی

مذکور مالقوج بک هر نقدر تیمورک قوت وشو کتنی مبالغه ایله  
حضرت پادشاهه عرض ایتدی ایسه ده اصلا فائده سی اولمیوب  
مالقوج بک سن غالباً تیمور دن بک قورقش واورکشه بکزر سن  
بویجه عباداللهی وامت محمدی خصوصاً احوال عالمدن خبرلری اولمیان  
اطفالی فریاد وفعان ایدرک دیری دیری چقورلره طوادیروب اوزرینه  
طپراق قویغله اهلاک ایلان تیمورکی برظالم ایله بنم ایچون مصالحه  
ایتمک خاطره بکزدیه رک میرمذ کوری سویلتمدی اما اصحاب تواریخ  
شویله بیان ایدرلر که او کونلرده حضرت پادشاه دارالملک بورسده  
اقامت اوزره ایکن کارشهرده برچوبان قیونلری اوتلاغه صالیدیغی  
حالده کندی وسی دخی براغاج سایه سنده قوال چالیدیغی مسموعلری  
اولنجده چال بره چوبان چال نه جانک یاندی نه چکرک یاقلادی

احوال تیموری بیان  
ایدن برتاریخ معتبرک  
روایتنه کوره درون  
قلعه یه قیامش اولان  
اهالیدن یالکزر وولر ایله  
ارمنیلری وقلعه نک  
محافظه سی خدمتده  
بولنان درت بیک قدر  
عثمانلو عسا کرینی  
قلیچدن کچیریوب  
جسدلرینی چقورلره  
طوادرمشدر



ارطغرل کی اوغلو کی اولدی سیواس کی شهر کی یقلدی دیوب  
 کوزلندن یاش کلوب اغلادیغی بورسہ اہالیسی اراسندہ متواتر وشایع  
 اولمش ایدی چونکہ شهر یار کامکار شہزادہ ارطغرلک وفاتی مادہ سنہ  
 یک زیادہ کدرلنمش اولدیغندن بیانی مہام سلطنتدن فراغت ایدوب  
 شہزادہ ثانی امیر سلیمانی مقام حکومتہ اجلاس ایتکی دخی قورمش  
 ایسہ دہ خلق قوت و قدرت تیموردن قورقدیغندن وفات شہزادہ بی بہانہ  
 ایدوب ترک سلطنت ایلدی دیرل دیو چار ناچار عسکر جمعہ اقدام  
 کوسروب رایات ہمایونی سیواس وقعہ سی انتقامی ضمنندہ قالدیروب  
 کوس عزیمتی تیمور محاربہ سی اوزرینہ چالیدی ایسہ دہ تیمور پرشور  
 عسکر چراتاتاری طوپایوب حلب دیاری طرفنہ سوق واعزام  
 ایلدیکندن اردوی ہمایون اعادہ اولنوب عسا کر ظفر مآثرہ اجازت  
 ویرلش ایدی تیمور پرشوردخی حلبدن شامہ واروب اولدیاری قدم  
 شومیلہ ویران ایلدکدنصکرہ ہجرتک سکزیوزدورت سنہ سی اوائلندہ  
 نہر فراقی کچوب ماردین اوزرندن کوردستان وارمنستان ایچندن  
 عودت ایدوب قرہ باغدہ قشلا دی ایرتسہ سی سنہ سکزیوز  
 الی بیک سوار نیزہ دار تاتار مغول غول رفتار ایلہ کجوان وروان  
 وارات طاغلری اوزرندن وان وמוש وبتلیس حدودیلہ سیواسہ  
 کچوب بتکرار دیار رومی آشیانہ یوم ایلک افکاریلہ حرکت ایلدی  
 انجق پادشاہ ایلہ اچقدن اچغہ طور وشواب محاربہ ایتکہ پکدہ  
 متجاسر اولہمدیغندن یانندہ بولنان وزرا ویلدیرم بایزید خاں درکاھندن  
 کندویہ دخالت والتجایدن امر ایلہ بوبابدہ مشورت ایلکی  
 تصمیم ایلدیکندن حضور تیمورہ جمع اولوب عقد جمعیت ایلدکارندہ  
 قسطنیونی دیاری حاکی اولوبدہ حکومتی الندن کیدن کوتروم



بایزید زاده اسفندیار بك جمله دن اول سوزه باشلیوب اناطولی اهابسی  
 اسکی دیرلك و دوزنلكرینی ضایع ایتد كاری جهتله عثمانیان طاقنك  
 حیحما مجلوبی اولمیوب اطاعت و صداقتلری عثمانلوی اغفال ایچون  
 مماشات و مطاوعت قیلندن اولمغله ذات همایون ایلمخانیلرینه قارشو  
 سوق و اعزام اولنان عسا كرك كثرته باقیلوب خاطره فتور و كسل  
 عارض اولسون زیراذكر اولنان عسا كرك چوغنی زور و ابرام ایله اطاعته  
 كتورلمش اولد قلندن میدان حربدن ادنا هجوم ایله قاچه جقلری  
 و كندولرینك اسکیدنبرو بیوك كورد كاری بككرینی دخی معیت ایلمخانیده  
 اولدیغنی ییلد كاری آنده بو طرفه دخالت ایلیه جكاری وارسته قید  
 و كاندربناء علیه عثمانیان دن لایقیله خوشنود اولیان الكانك  
 اوزرندن حرکت اولمق خیرلو دردو حقیقت حالی بیان ایتد یكی  
 ائاده بعضیلری دخی او كو نلرده شرقدن غربه طوغرو  
 طلوع ایتش اولان برنجم ذوزنك احكامنی غلبه تیموره اشارت  
 سماویه دردییه رك تبشیر ایتد یلر تیمور پرشور ایسه اطرافدن  
 اولنان افادات و تبشیراته اظهار سرور ایدرك ممالك رومك اوزرینه  
 الغار اولمسنی امر ایلادی اما روضروم و قره حصار و توقات و اماسیه  
 وجانیك و بولی اوزرندن هجوم اولنمیوب كند و یاننده بولنان قرمان  
 و حمید و آیدین امر اسنك حكم و نفوذی جاری اولان الكانك نزع  
 و تخلصی فكریله انلرك اسکی حكم ایلادیکی برلردن طولاشلمسنه قرار  
 ویرادی زیرا قرمان و قونییه و حمید و منتشا و آیدین حوالهسی یكیدن  
 ضمیمه ملك عثمانی اولدیغندن توقات و اماسیه و جانیك کی بتون بتون  
 دوات علیه نك طرفلوسی دكلرایدی  
 حضرت پادشاه ككامكار دخی بلاد و امصاره نشر فرامین ایله



سرحد لری محافظه ایلیه جک مقداری عسکر قاله رق بقیه سنک  
 معیت هما یونه جمع اولقلرینی بیورمش اولدقلرندن یوزاون بیک  
 تاتار عسکری ویکرمی بک دخی صرب لشکری جنود موجوده  
 عثمانیانه یاردجی اوله رق علاوه قلدیغندن یراووغریب اوجبوز بیکه  
 قریب جنکجی طوپلندی بوکادائر بخت ایدن تار یخلرک روایات  
 مختلفه سی برلشدیکی حالده طرفینک حرکت عسکریه سی برملیون  
 نفوسه قریب ایدوکی اکلا شیلور شهرزاده کاندن امیر سلیمان شاه  
 و سلطان عبسی و سلطان موسی چلبی ایله شهرزاده کوچک سلطان  
 مصطفی وچلبی سلطان محمد دائرهلری منسوباتیه اردوی همایونه  
 دعوت بیوریلوب فقط شهرزاده سلطان قاسم حرم سلطنت ایله  
 دارالملک بورساده براقلمش ایدی

حضرت پادشاه جری وجسور وقور و غیور اولدیغندن اعمال  
 لطائف الحیله میل ورغبت بیورمز لر ایدی بناء علیه کند ولرینه طریق  
 نجات و صوابی کوسترمک استیانیلر دخی افاده نک بولنی بوله مدقلرندن  
 بشقه خلقل کند و سنه امنیت و اعتمادی اولیان علی پاشا دولتک  
 ظهور یله برابر صداقت اوزره خدمته بولنان برطاقم قدمای بندکانه  
 ترجیح اولندیغندن طرف سلطنته هر طرفدن انکسار قلوب حاصل  
 اولمش ایدی اگرچه علی پاشانک کک خداوند کار غازی  
 مر حومک زمان حکومتلرنده و کک عصر یلدریم خانیده دولتک  
 شان و شکوهنی زیاده ایلیه جک صورتده خدمات عظیمه و نافعه یه  
 موفق اولدیغی انکار اولنه من انجق بونکله برابر کندوسی اقبال حریصی  
 اولوب مزاجنده دخی ابداع و ایجاد قوتی اولدیغندن اداره هیئت دولتی  
 اصول مخصوصه تحتیه قویغله کندوسی بالطبع مر جمع انام اولدی  
 و حظوظات نفسانیه یه میل ورغبتی جهته احشامات زائدیه



صیارق تعظم وتواضع ارا سنده بر مسلك غریبه اتخاذیله مشاربانان  
اولمش ایدی وعبش وعشرته ابتلا وانهما کندن ناشی دائرة محرمیتی  
خارجنده قلان امرادن بریسی حضورینه کیرد کده غایت آز و قیصه  
سوزلایله صا ووب الدائمق مطالعه سندده اولمشی هم ارکان  
دولتی کنند و سندن وهم حقیقت حاله واقف اولمیان  
اهالی مملکتی ولی نعمتی اولان پادشاهندن تنغیره سبب اولمشدر که  
اصحاب تواریک بو نکته بی ایضاح ایتد کده ایتد کلری سکوت  
تاریخدن حاصل اوله جق عبرت قبولرینی قیایوب اخلافک حصه مند  
اوله جغی منفعتی ضایع ایتشدرایمدی انقره نک بر قاج ساعت جهت  
غریبه و شمالیه سندده بولنان چبق آباد نام قصبه ایلینه بو اسم منسوب  
اولان نهرک سمت شمالنده واقع بر صحرای کبیره عساکر عثمانیان  
واصل اولدقلرنده لشکر تیموردخی جبق آباد نهرینی طوتمش و جنود  
موجوده سنی دخی اولاد واحفادندن اولان خان ومیرز الرک زیر  
اداره لرنده اولمق اوزره اوجیوز الایه ترتیب ایتمش ایدی وقتا که  
هجرک سکزیوزدرت سنه سی ذی الحجه الشریفه سنک اون طقوزنجی  
جمعه کونی علی السحر ایکی طرفدن حرکت عسکریه واقع اولدقده  
تیمورک عساکر موجوده سی صفلرینک صاغ قولنده میرا نشاه میرزا  
بولنوب انکدخی ایلر وسنده ابو بکر میرزا تعیین اولمش ایدی بولنرک  
قارشو سنده دخی عساکر عثمانیانه یارد مجی اوله رق صربستاندن صرب  
قرالی استفان لازاری معینده کلمش اولان یکر می یک صرب عسکرلری  
صف بغله مش ایدی لشکر تیمورک صول قولنده دخی شاهرخ  
وشاه خلیل وشاه حسین نام شهزاده لر تعیین اولنوب سلطان محمود  
میرزا ایلده دخی سکسان الای امداد مجی اوله رق کیرویه قونمش ایدی تیمورک



صول جناحنه مقابل عثمانیاك صاغ قولنده شهزاده امیر سلیمان شاه  
ایله اناتولی لشکری چیقارلمش ووسط عسکرده اون بیک یکی چری  
ایله حضرت پادشاه بالذات طورمش ایدی کذلک تیموردخی کند و  
صفلرینک وسطنده بولنوب اوکنه اوتوزایکی فیل دیزوب قرق الای  
تاتار وایکی الای دخی زرهللی ترتیب ایتیش ایدی بولنردن بشقه امدادجی  
اولق اوزره شهزاده لر قومانداسنده اوله ر ق طاق طاق الایلر  
حاضرلندرلمش ایدی

ابتدا تیمورک صاغ قول قوماندانی بولنان میران شاه میرزا طرفندن  
صفوف عثمانیاك صول قولنی محافظه ایلیان صرب عسکری اوزرینه  
هجوم اولمش ایسه ده صربلر لرلندن برقدام ایرلیوب حمله تاتاره  
مقاومت ایلدکلری حالده تیمورک الایلرینک صاغ طرفنده بولنان میرزا  
محمد سلطان ایله صول طرفده اولان اسکندر میرزا حضرت پادشاهک  
بولند یغی طرفه صالدرمشلر ایسه ده یکچیریلرک تفنکلری  
صدماتنه طیانه میوب صول طرفه اماله لجام الغار ایتسه لری ایله  
اناتولی لشکری طبانسلزلق ایدوب عارفزاری ارتکاب ایتدکلرنده  
شهزاده امیر سلیمان شاه دخی بالکز قالمغله علی پاشایه نه ایتک کرکدر  
دیو صوردقده افندم قاچق سلامتدر کیده لم دید یکنه مبنی میدان  
حربدن چکیلوب اردودن ایرلر یلر بولانده اقطای خان قبیله سی  
بقیه سندن اناتولی یه نقل ایتدیریلان تاتارلر ایله ارزنجان حاکمی طهرتن  
بک که بوکا اصحاب توارنج ظهیرالدین بک دخی دیرلر میرمذکورک عمی  
زاده سی قومانداسنده اوله ر ق دولت علیه طرفنه دخالت ایلیان قره تاتار  
کروهندن اشبو محاربه یه سوق ایدیلان التمش بش بیکه قریب سوارینک  
دفعه تیمور طرفنه کچرک ولی نعمتلی اولان حضرت پادشاهک عسکری

(تیمورک نظامات عسکریه سی)  
هر اون نفره براونباشی  
وهر اونباشی یه بریوزباشی  
وهر اون یوزباشی یه بر بیک  
باشی وهر اون بیک باشی یه  
برامیر وهر بش امیره برامیر  
الامر احکم ایدوب هر امیرک  
زیر قومانداسنده ایکی الای  
اعتبار اولنورایدی



طرفه علی الفور اوق آتوب قلیچ چکد کلرینی آیدین و مننشه و صاروخان  
و کرمان ایالتاری عسکرلری که صفوف عثمانیه نك صول جناحنه تعیین  
اولنان اناطولی عسکرلرندن عبارت ایدی کوردکاری آنده کندلرینک  
اسکی بکاری امیر تیمورک اردوسنده اولدیغندن بونلر دخی محاربیه نك  
برنجی حمله سنده بوزیلوب تیمور طرفنه ملحق اولدیلر بو تقدیرجه  
حضرت پادشاهک جمعیت عسکریه سنه تفرقه دوشوب امرای  
دخی ذاتا بوماده یه استکسز اوله رق طورانمش اولد قلرندن جنک  
پرخاشده عادت اولان قاریشقلیغی وسیله نجات اتخاذایتد کلرندن هربری  
برطرفه صاویشوب حضرت پادشاهی میان دشمنده یالکز براقدیلر راوی  
قصه پرغصه اخلافة عبرت اله جق شو صورتده بر حصه براقشدر که  
خدام سده سدره مقامدن صولاق قره جه نام شخص یلدریم خلک  
اوزنک بسندن طوتوب کوردکی اول سرخوش وزیرک سوء تدبیرینی کاربار  
سلطنتکی تارمارایدوب سکانه ایش ایتدی سلطنت عثمانیه نك ناموسنی  
حفظ ایدن اشکرک وظایفی سنک بویله کونلرکده ایشیکه برامیه جق  
و بلکه مضرتی کور یله جک یرلره صرف ایتدیروب هم خزینه دولتی  
محو و پریشان وهم اهالی عملکتی و افراد عساکری سندن روگردان ایلدی  
دیدکده حضرت پادشاهه مذکور صولاغک صاغ سوزلری تأثیر  
ایتدیکندن میدان برندن چکیلوب صاوشمق ایچون امرادن منت بک  
هر تقدیر رجا و نیاز ایتمش ایسه ده سویلنان سوزلرک تأثیری ملا بسه سیله  
اولنان رأیلرک هیچ بریسی قرین قبول اولمبوب کروه انبوه تاتار بهالذات آت  
سوروب الغار ایتکی اصرار ایلدی حالبوکه حضرت پادشاهک میدان  
حربده عسکرلری بوزلمش و رابطه صفوف لشکری اولان امرای میدان  
برندن جای سلامتته فرار ایدوب چوزلمش ایسه ده یکر می بیک قدر



لاس یعنی صرب عسکر یله اون بشبیک مقـداری یکچیری بلوکلری  
بولندیغندن بشقه اخشام دخی یقلا شمش اولغله حضرت پادشاهک  
بوورطه هولنا کدن قورتمسی پک قولای اولدیغندن بشقه طاغیلان  
عسکری طو پلایوب بتکرار ترتیب صفوف ایله محارب به یه کیریشلمسی ممکن  
ایدی لکن تیمور ایله مخصوصه و محارب به نک ظهور و وقوعنه انجق کندولری  
سبب ویرمش اولدقلرندن ارکان دولت یاننده محجوب اولمامق  
ملاحظه سیله کندو نفسلرینی فدا ایدوب دشمنه قارشوآت صالدرمشلر  
ایسه ده تدبیرلری موافق تقدیر اولمادیغندن کر میان بک زاده نک تعریفیه  
ییلنوب اطراف قوشادیلر رق تاتارلرک اورتیه سنده قالدیغندن بالضرور  
الندن قلیجی یرینه وضع ایدرک نفسی تسلیم ایلادی

ایمدی یلدریم خانک اسیر اولدیغی تیمور خانه خبر ویریلنجیه پک آشوری  
منون اولوب در حال کندو چادرینه کتورلمسنى امر ایدوب کورمکی آرزو  
ایلمدیکنندن هیچ بر طرفده ایلشدرلییه رک طوغرو تیمور خانک چادری  
کنارینه ایصال ایتدکلرند ه تیمور قیام ایدوب استقبال رسمی اجرا  
ایلد کد نص کره هربری بشقه بشقه صند الیه له قعود ایلده صاحبته ابتدار  
وتسلیمت معرضنده اولمق اوزره تیمور خان یلدریم خانه دیمشد رک دنیا  
ایچون غم چکمه زیر اخدای متعال حضرتلرینک قتنده دنیا نک ذره قدر  
قدری اولدیغی قطعه کبیره آسیایی سنکله بکا ویرمسندن اکلا شیلور که  
سنک کوزلرک سقط بنم ایا قلم طو پالدر دیه رک کندو سنک قوت و قدرتی  
کورمدیکنی یلدریم بایزیده یلدردی بو ائشاده تیمورک حضورینه برکاسه  
یغورد کتورمشلر ایدی زیرا تیمور یغوردیمکه پک زیاده مجبور ایدی یلدریم  
بایزید خانک تیموری ابتدا کی کوروشده مجلسه یغوردک کلمسنه  
اظهار تعجب ایدرک یورمشلر که سابقا بغداد حاکمی بولنان سلطان احمد



چلایری علم کهانتده ماهر اولدیغندن بکالتجا ایلدیکی کونلرده برکون عجباً  
 تیمور خان ایله تقابل صغوف واقع اولوب کورشمک بزم ایچون ممکنمیدر  
 دیمش ایدم اوراسنی پک بیلیمم لکن اولکی ملاقاتکرده مجلسده یغورد  
 بولنسه کرکدر جوابنی ویرمش اولدیغنی خاطر کذارم اولمشدردیو  
 سلطان احمد ک مهارت کامله سندن بحث بیورد قلزنده سلطان احمد  
 خدمت شاهانه ده اولیدی بن بودیاره کلز ایدم انجق سن انک قدرینی بیلدک  
 یوللوسوزلر ایله یلدیرم خان حضرتلرینه عتابلر ایتد کد نصکره بر محل  
 مخصوصه قالدیروب قراوولار تعین ایلدی و بوفقره بی سلطان احمد  
 جلایرینک کهانتنه حل ایدرلر انجق عقله قریب اولانی شویله در که  
 سلطان احمد ارباب علم و عرفاندن اولغله تیمورک یغورده مجبور اولدیغنی  
 دخی بیلدیکسندن پادشاه ایله ملاقاتلری وقوعی مدتده البته تیمور  
 عادت مألوفه سی اوزره یغورده میل کوستره جکی جهتله ملاقاتکزی بیلیم  
 لکن مجلسده یغوردک بولنه جغنی بیلورم دیمه سی تیمورک چوق یغورد  
 یمه سنی ایمادر کذلک تیمورک دخی سلطان احمد اکر خدمت شاهانه ده  
 اولیدی بن بودیاره کلز ایدم دیمسی سلطان احمد عقلادن  
 بر ذات ایدی بهر حال بیمنزده توسط ایدوب ایشی بوهرتبه یه کتورمن  
 ایدی دیمکدر

سوالی شرقیه  
 هالسی اقلیدن  
 قلیه قونرک وچر  
 قوله دن اولد قلی  
 هتله اتمک یرینه  
 اورولش بغدادی یمک  
 دفع حرارت ایچون  
 غورد ازوب ایچمک  
 ک باشلی عادتلرندن  
 ولدیغنی خواند میر  
 ریخنده کورلمشدر

سکزیوزدرت سنه سی ذی الحجة الشریفک اون طقوزنجی جمعه  
 کونی اخشامی حضرت پادشاه تاتارلر اراسنده قارشقد نصکره  
 لشکر عثمانیان طرف طرف طاغیلوب شهرزاد کاندن امیر سلیمان شاه  
 بورسایه طوغریلوب حرم سلطنتی و خزینه بیت المالی استصحاب  
 ایدرک روم ایلی طرفنه کچمک ایچون بزانسودولته برطاقم شهرلری ترک  
 ایتک و کوچک برادری سلطان قاسمی و همشیره لری فاطمه سلطانانی



اسلامبولده مٲمکن روم ایمپراطوری پاله لئو غه رهن طریقنده اوله رقی  
براغوب کندولری ادرنه جاننده عزیت ایلدکاری مثلاًو چلی سلطان  
محمد دخی معیننده بولنان عسا کرایله اما سیه دیارینه چکیلوب سلطان  
مصطفی محل جنکده غائب اولوب دیگر شهزاده لرندن عبسی چلی  
دخی بورساده بکچی قالمش وموسی چلی کندولری ایله برلکده بولنمش  
ایدی صرب عسکری فی الحقیقه مردانه جنک ایتشلرایسه ده هر  
طرفدن بوزولوب قاچدقاری جهتله صربلور دخی ایکی یلک کشی  
قالدقاری حالده رجعت قهقری ایله استانبوله کلوب سفینه لر ایله  
سلانیک طرفنه کتدیله

تیمور پرشور دخی عادت مألوفه سی اوزره اولادندن میرزا میران شاهلی  
وسلطان محمد میرزایی برطاقم عسا کره سردار ایدرک دارالملک  
بورسایى تخریب وخزینه عثمانیه بی غارت ویغما ایچون ارسال  
ایتش ایسه ده شهزاده امیر سلیمان شاه حرم سلطنتی وخزینه همایونی  
ارسله استانبول طریقیله ادرنه یه نقل ایتدیرمش اولدیغندن خزینده  
دائر تیمورک مأمورلرینه برنسنه نصیب اولمامش ایسه ده درون شهرده  
بولنان امر اوارکان دولت ومملکت حرملربنی وقاچره بیلدکاری اشبارینی  
الوب پیاده اوله رقی افتان وخیران کیجه کوندوزیول آلوب مدانیه وکلیک  
وتریلیه وازمید ویایوه حواله سنه قدر بابا اوغلدن واوغل بابادن بیکانه  
اولوب هرکس کندوجانک خلاصنه مشغول اوله رقی گروه گروه فراره آغاز  
ایتدیله فرارایده میوب قالان بقیه اهالی پک چوق ظلم وحقارته اوغرایوب  
قزائمش اولدقاری ماللری اللرندن النوب خانه لری دخی آتسه ویریلوب  
مملکت ایچی یانغین یرینه دونوب طوروب او طوره جق یرقالمامش  
اولدیغندن بشقه بیوک جامعله عسا کر طوادیروب مشهور اولان



اولو جامعه دخی حیوانلر بغلنوب اخور ایتدکاری اهل اسلام ایچون پک  
بیوک کدر ایده جک شیدر حتی عصر مذکورک مظنه کرامندن حضرت  
امیر شهیری ومولانا فناری و شیخ محمد جزری حضرتلرینی دخی درزنجیر  
ایدرك حبس ایلیوب حقلرنده خاطر و خیاله کلیان فناقلری اجرا ایلدیلر  
اموال منهوبه بی حساب ایلوب خزینه تیموره ارسال ایتک ایچون  
تحصیلدار تعین اولمش اولغله وقعه مذکورده یالکز بره سانک داخلندن  
یوز قرق پیک کبسه لک نقود و اموال اخذ اولنوب آتش اغرنده تلف  
اولوب ایللارالنده ضایع اولان دخی د رتیوزیک کبسه لک قیمته بالغ  
اولدیغنی شرف الدین یزدی کابنده یازدی

سلطان حسین نام براوغلونی دخی قرمان وتکه وحید دیارینی تخریب  
ویغمایه کوندروب کندومعیننده بولنان خوارزم شاهلی اولان امیرشاهملکی  
دخی آیدین طرفنه ارسال ایلدی اورالده موسم صیف زیاده حرارت  
اوزره اولغله تیمورچیق آباد اواسندن حرکت ایدرك کوتاهییه یمت  
ایلیوب موسم شتایه قدر اول حوالیده قاندقدنصکره فصل شتایی دخی  
کوزل حصارده چبقار مغه قرار ویردیکندن اننده بولنان ملوک و امرانک  
هربری دخی مغنپسایه و یاثلوغه وتیره یم کیتک وتیره سنده اولسونلر  
❦ احوال شهرزادکان ❦

حضرت یلدرم یازید خلك شهرزاده لرندن شهرزاده اکبر و امجد امیر  
سلیمان شاه وزیر اعظم علی پاشا و مراد پاشا و اینه بک ویکی چری اغایی  
حسن اغا رفاقتیه میدان حربدن بورسویه قاجوب اورادن استانبول یولیه  
ادرنه طرفنه عزیمت بیوردیلر و اثناره امرای روم امیر سلیمان ایله اتفاق  
ایلیوب یلدرم یازید خانی تیموردن الحقه قوتیه تخلیصه همت ایلوب شیخ  
قطب الدینی بومأموریتله حضور تیموره اعزام ایلدکلرنده بدلنده طقسان



بيك فلورى و يرك اوزره حضرت حنكارك تخليصنه قرار و يركش  
 ايسه ده عثمانيان طاقنده بومباغى و يركه قدرت قالموب بزانشيو  
 ايمپراطورى پاله لئوغدن استقر اض اولمق اوزره كذاك شيخ مومى اليه  
 استانبوله كتمش ايكن پادشاهك آق شهرده حياء محرقه دن وفاتى  
 وقوعيله بازارلق بوزولوب ملك عثمانيهك برطاقى سلجوقيه الكاسنى  
 تقسيم ايدن اسكى بكارينه ويريلوب برازى دخی تاتارلر حكمنده قالوب  
 بقيه سى شهرزادكان اللرنده تقسيم اولمغله يوز يكرمى سنه دنبرو درت  
 پادشاهك حكومتيله تشكيل اولنان دولتك هياتى شهرزاده لار اسنده  
 متفرق اولوب محو اولمغه بررمق قالمش ايدى يلديرم بايزيد خانك كيفيت  
 وفاتى شويله روايت اولنور كه وقععه مذ كوره دنصكره ممالك عثمانيه ينه  
 اولكى كى امرايه تقسيم قلموب خارجهه قالان يرلر دخی تاتارلر ك  
 اداره سنه ويريلوب انا طولى الكاسنده شهرزادكان حضراتنه حصه  
 براقلمديغندن بشقه كندوسنك وطن اصلبسنه براقيلوب اعاده استقلال  
 ايتمى دخی سمرقنده وصوله تعيلق اولنديغى حضرت پادشاهك اسكى  
 دردينى برقات داها تازه لبوب تيمور كى برجبار وقهارك پنجه ظلمى التنده  
 قالدیغنه كدرلنه رك حياء محرقه يه اوغرا دى هر نقد ر تيمور كند و  
 اطباسندن جلال الدين عرب وعزالدين شيرازى بى مداواتى ضمننده مأمور  
 ايتمش ايسه ده اون بش كون هرورنده يعنى هجرتك سكر يوز التى سنه سى  
 ربيع الاولى سنه وفات ايليوب نعشى برا بر بولنان بندكان وشهرزاده  
 موسى چلبى معرفتيله بورسسه نقل اولمشدر بوتقدیرجه يلديرم خانك  
 تيمور نژدنده اقامتى درت آى قدر اولوب مدت مذ كوره ده مشار اليهك  
 حقنده اولنان معاملات دائر اصحاب توار يخ درلودر اوصورتلر بيان ايدوب  
 كمى تيمور قفس ايله كيمپسى تختروان ايله كزديرلدى ديمشدر



چونکه شهرزاده امیر سلیمان شاه ذکر اولندیغی اوزره معرکه گاهدن  
ایریلوب بورسده اوغرایوب اورادن دخی ادرنه طرفنه کچد کد نصکره  
امیر سلیمانی تعقیب ایچون تیمور طرفندن مأمور لر کلوب بورسده پی تمامیه  
خراب ایلوب عودت ایلد کلرنده شهرزاده عیسی چلبی برتقریب ايله  
بورسده یه کیروب پدرینک حیاتنده وکیل بر اقلش اولدیغندن بحث ايله  
سریر حکومت کندی و سنک انتخاب قلمسنی عرض و تکلیف ایدرک  
اعلان حکومت سودا سنده اولش ایسه ده داهما کندی و سندن بیوک  
برادرلری اولمق ملا بسه سیله پک چوق طرفدار پیدا ایدیه میوب  
بالا آخره امیر سلیمان شاهک بورسده یه ورودی حوادث اولنجه خوفندن  
قرمان بکرزاده محمد بکک طرفنه الغار ايله فرار ایلدی

امیر سلیمان شاه دخی روم ایلی الکاسنی وقت حاله مناسب پولیشیقه ايله  
محافظه ایدوب روم ایمپراطوری ايله خوش کچنمک ایچون بعضی مرتبه  
فداکارلق ایلش ایسه ده بدل اوله رق صرستان طرفندن دخی  
برقاج قلعه دی ضمیمه ملک عثمانی ایلدی کوچک برادری سلطان محمد چلبی  
دخی اونبریا شنده اولغله معینه برطاقم امر اجمع اولوب اما سیه عساکری  
ایله توقات جاننه کیدوب امیر سلیمان شاهک پدری مقامی محافظه و حایه  
ایلدیکنده داتر مأمور مخصوص کوندره ب هم تشکر و هم تبریک ایلد کدن  
صکره اسفندیار بکک همشیره زاده سی قره یحیی ايله توقات جوارنده  
مخاربه یه کیریشوب نهایت الامر قره یحیی هلاک اولدی عصر مذکورده  
عالم قاریشق اولدیغندن برطاقم عشیرت بکلری کندی و لرینک طرفدارلرینه  
کوه نه رک بر طرفدن باش قالد رد قلری مثلاً و مملکت اعیانلری دخی  
کندی و کندی و لرینه دره بکی اولوب باشلرینک سلامتی قیغوسنده اوله رق  
کیمی تیمورک تحریکیله و کیمسی دخی آل عثمانه خصومت و عداوتی



جهتيله عصيان ايدوب قره دولت شاه وابن قباد ومزيد اوغلو وانيل  
 اوغلو وكوزلر اوغلو وكوپك اوغلو امشالی ترکان عشيرتلىرىنىڭ بىكلىرى  
 قاز آباد وقره حصار ونيكسار وجانيك طرفلىرىنى غارت ايدرك شهزاده  
 چلبى سلطان محمد خان حضرتلىرىنىڭ حكومتكاھى اولان اماسيه  
 شهرىنىڭ اطرافنه وباغ وباغچى لىرىنه قدر طرف طرف هجوملار  
 ايتدىلر انجىق شهزاده مشار اليه هرتقدر حديث السن ايسىدده ياننده  
 بولغان امراسى كون كورمش وچوق شىلر تجر به ايتىش ذواتدن اولمغله  
 انلرك مشاوره سى ثمره سى اوله رقى ذكر اولغان عشيرت بىكلىرىنىڭ  
 هر بىرىنه بشقه بشقه عزىمت ايليوب ككند و سنه اطاعت  
 ايتد يردىكى تيمورك مسموعى اولنجى شهزاده مشار اليه ازاله  
 ايتك فكر فاسدينه صپاراق ظاهرده تلطيف ايدوب ككندويه  
 داماد ايلك اوزره مشار اليهك پدىرى اولوبده تزدنده مسافرتله  
 اقامت ايتكده بولغان يلدىرم بايزيد خانه شهزاده سلطان محمدك جلب  
 اولمىنى التماس ايلدىكىندن حضرت پادشاهك طرفندن دخى بالضرور  
 قبول اولنوب مخصوصاد عوتنامه ارسال اولمىش ايدى شهزاده آزاده دخى  
 مقتضاي شباب وجوانى دولت دنيا يه ميل ايدوب هم پدىرىنى زيارت  
 وهم تيمورك وعدلىرىنه نائل اولمىق امليله اماسيه دن تحريك عنان استيجال  
 ايله قطع مىر احل ايدرك عثمانجى نام قصبه يه وصوللرند تيمورك افساد  
 واطماعيله برطاق قطاع طريق على الغفله اوزرلىرىنه هجوم ايتىش  
 اولدقلىرىدىن شهزاده مشار اليه طرفندن دخى شدتلى طاورا نيلوب و برقاج  
 حيدود طوتيلوب استنطاق اولندقدده شهزاده نك اهلاكى قصد يله  
 تيمورك طرفندن مأمورا كلمش اولدقلىرىنى بيان ايلدىلر ارتق تيمورك ممالك  
 اسلاميه بى بومر تبه خراب ايلد كد نصكره ينه سوء قصد ايلمكدن فارغ  
 اولمىغى ا كلاشليوب داهاليلرويه كيدلك بروجمله جائز اولميه جغنى



جزم ایدرك حسن اداره و محافظه سنه مأمور اولدیغی ایالتك داخلندن  
 ازاجق اوزاجق اولسه لر اطرافده بولنان عشارك هجو ملرندن فقرا  
 ورعا یا ایا قلا التنده قاله جقلری معلوم اولغله کندولرینك اجابت  
 ایده میه جتکلرینی بیان ایتك اوزره تیمورك طرفندن دعوته کلان خواجه  
 محمده کندو خواجه سی صوفی بازیدی ترفیق ایدوب ارسال ایلدیکی  
 وقت یلدریم بازید خان اق شهرده فوت اولمش و برادری سلطان  
 موسی چلبی بی دخی کر میان بك زاده یعقوب بکه آل عثمان طرفندن طلب  
 اولنور ایسه تسلیم ایله دیو براقلش ایدی اصحاب توارینك بعضیلری اشبو  
 سلطان موسی ماده سنی شویله بیان ایدرلر که شهرزاده مشارالیه پدرلرینك  
 وفاتنده یاننده بولمغله ممالک عثمانیه نك حکومتی تیمور طرفندن کندوسنه  
 توجیه بیورلش ایدی بونك دخی سببی شهرزادکان پینلرینه فساد القا  
 ایتك ایدی زیر اشهرزاده سلطان موسایه نوبت حکومت کلنجیه دك  
 امیر سلیمان شاه و چلبی سلطان عیسی و چلبی سلطان محمد نام اوج نفر  
 برادرلری واریکن شهرزاده سلطان موسانك حکومت ماده سنده  
 مستقل اولیه جغی بیلمز برشیء دکل ایدی انجق بوندن غرضی  
 شهرزاده ککان حضراتنه براغلمش اولان ممالکی بود سپسه ایله  
 خراب ایدوب خلقی بربرینه دو شوروب خاندان سلطنتی پریشان  
 ایتکدن عبارت ایدی

بوارالقدیه یعنی حضرت پادشاهك نزد تیمورده اقامتی اثنا سنده  
 کرک روم ایلی الکا سنده سلطنت و کالتی ایلیان شهرزاده امیر  
 سلیمان شاه و کرک انا طولی دیارینك بعض شهرلری ایله بولی  
 طاغلرینك ایچنده طولاشوب کزن چلبی سلطان محمدك احوال  
 پدردن معلومات اله مدقلری جهته ارا صرا جاسوس ارسال



ايدرك حال پدري اوزا قدن اوزاغه تحقيق ايتك وتيمور ايله معايله  
اولنان طقسان بيك فلورى بي بعض طرفدن استقراض ايله و يرمك  
اوزره ايكن مشارايله يلد يرم بايزيدك وفاتى خبرى شيوع بولديغندن  
شهرزاد كان حضراتك هر برى سر پدري استيلا ايتك ايچون  
بر فكر مخصوصه صيپارق دعوای حكومت ايتشردر كه بونلرك تفصيلات  
داخليه لرى پك غريب برشى اولديغندن هر برلر ينك اوغرا دقلرى  
فلا كتلرك بياني كتاب ساد سه برا قلمشدر مرا جعت ييوريله

### فصل ثالث

مدت مذكوره اراسنده ظهور ايدن وقايعك محاكمه سى بيانده در

مورخين سالغه نك دولت عاليه حقنده ويرد كلرى خبرلر مداهنه  
ومبالغه ايله طولش اولديغندن واجبي تاريخلرك خصوصاً ممالك شرقيه  
ايمپراطورلغى طرفندن و صكره دن بعض روم مورخلى طرفلرندن  
يازيلان تاريخلر دخی حسد واغراض اوزرينه مبنى اولمغله ايکبسيده  
تماميله قبول و اعتباره شاين اولمديغندن تاريخ او قوم قدن حاصل اوله جق  
عبرت و انتباه ماده سى بتون بتون زائل اولوب موجود اولان توارينك  
اکثريسى فصاحت و بلاغت کابلرى طاقنه داخل اولمسيله اشته  
شوح محمد روم طالعاه يه شايندر ديه جك برکابك اولمامسى بر تاريخ  
جديدك قلمه النوب ميدانه چيقارلمنى اقتضا ايتدر ديكندن اسلافك  
قيصه كچوب قياد قلى موادك سبيلرني اچه رق واجبي لسانده  
يازلمش اولان ترهات و افسانه لرى محاكمه ايدوب چوروده رك اشبو  
تاريخك ترتيبه شروع اولنديغنى مثلاً و هر جلدك حاوى اولديغنى وقايع  
دخى ينه اول كتابك ذيلنده محاكمه اولمق طوتمش اولديغمن اصولك  
ايچابندن اولمغله بوكابك محاكمه فصلنه دخى شويله بدأ و مباشرت



اولنور که میلاد عیسی علیه السلامک اون بشنچی قرنی ابتدالرنده یعنی  
 هجرت نبویه نك سکز یوز تار یخلری اثناسنده اور و پانك اداره امور  
 داخلیه سی بوندن اولکی جلد لرده بیان اولندیغی مثلاً اولوب یعنی  
 ینه حکمداران فاملیا سیله برطاقم دوقه و پرنسلك اللرنده ایسه ده  
 بر برل یله قانلی محاربه لر ایدرك انکلتیره نولر فرانسیزلر ایله المانلردخی  
 اتالیا و ناپولی کرو هیله و محارلر دخی آل عثمان ایله اسپانیالولر و پورتگیزلر  
 اورالرده قالمش اولان عربلر ایله خصمانه جنگ ایدر لر ایدیکه اشبو  
 محاربات شدید نك اکثریسی پانك اطرافه کوندردیکی مأمورلرک تحریکاتی  
 ثمره سی اوله رق اتفاق متعصبین ایله مثل شرقیه و غربیه اراسنده  
 برقاج دفعه محاربه صلیبییه دخی اولدیغندن عموماً پاپاسلرک درون اور و پاده  
 نفوذ و اقباللری یرنده ایدی بوسنه لر اثناسنده بزانیسیو ایمپراطور انک  
 اسکیلکی شرفندن بشقه حرمت و اعتباره شایان برحالی قالمدیغندن  
 بر طرفدن سلاطین عثمانیه حضراتیله عقد مناسبت بر طرفدن دخی  
 خرسنیا نلر ایله نهانی اتفاقه میل و مسارعت ایلدیکندن قوصوه و نیکیبولی  
 و سلا نیک محاربه لری ایله اناطولییه دخی چاودار و قره تاتارلر نك جنگلرینه  
 سبب اولمش ایسه ده هر دفعه سنده آل عثمان طرفلوسی غالب اوله  
 کلدکلرندن بو کره دخی تیمورک ممالک عثمانیه اوزرینه طوغرو کلشنه  
 باعث اولمشدر کی ظن اولنور زیرا تیمور برقاج یوز بیک عسکر ایله مرمره  
 دکر نی واطه لرد کر نی ساحلارینه قدر یور و یوب بزانیسیو ایمپراطور لغی  
 الیکاسنده بر خطوه محلاک ضبطنه میل کوستر مدیکی عجباروم ایلی  
 طرفنه کچمکه بر مانع قوی اولمشندنمیدر یوخسه ایمپراطور ایله خفی اوله رق  
 اجراسی بعض شیلرک حصونه مشروط اولان معاهده دئمیدر بورالری  
 لا یقلیجه ارشد یر یله جق اولسه تیمورک آسیا قطعیه سی اوزرنده



وروسیه ممالکنده اولان فتوحات شدیدہ سنہ نظرا اوروپانک جہات  
شرقیہ سنہ ال اوزاتمہ کورینورده بر مانع قوی اولیوب آنجق  
بر طاقم مواعید تحتندہ اولان معاہدہ قویہ نک شرانطنہ رعایت  
ایتمکدن عبارتدر

حتی یلدریم بایزیدخان حضرتلری بزانشیوایمپراطورینک بعض مرتبہ  
معاونت ایتمنی التماس ایلمش ایسہ ده برطاقم اعدار واهیہ بیانیلہ مشار  
الیہک التماسنی کچشدیروب بعدہ یلدریمک تخلیصی ایچون ویریلہ جک  
طقسان بیک التونک کندوسندن استقراض اولنمسی مادہ سنی دخی رنک  
ویرمیدرک اوزادوب ہدایای وافیہ تقدیمیلہ برابرکیفتی تیمور اخبارایدرک  
یلدریم بایزید خانک تسمیمنی تحصیل ایتکلہ ویرکوی سنوی بی ویرمیوب  
درون استانبولدہ بناوانان جامع شریف ایلہ محکمہ بی ہدم ایدوب محلات  
مخصوصہ ده اقامت ایتکده اولان اهل اسلامی اہلاک ایتسی دخی بو  
معنالی تأکید ایدرزیراوقایع ابتدا سندن بری برینہ تطبیق اولنسنہ تیمورک  
ممالک عثمانیہ اوزرینہ هجومیلہ خراب ایدیشندہ بزانشیو حکمدارلرینک  
منتفع اولمسی کندونک بوبایدہ مدخل کلہسی اولدیغنی اثبات ایدر  
وشہزادہ امیر سلیمان شاہک ادرنہ ده جلوس ایدوب بوسبیلردن دولای  
روم ایمپراطورانخی طرفنہ صارقندیلق ایتماک اوزرہ امیر سلیمان طرفندن  
بعض شہرلرک رد اولنمسی شرطیلہ برادری سلطان قاسم ایلہ شیرہ سی  
فاطمہ سلطانی امانت طریقیلہ استانبولدہ توقیف ایتسی دخی تیمورک  
طرفدارلغنہ یقین برنوع بی طرفلقدرحالبو کہ کندو ممالکنی ہرطرفدن  
احاطہ ایدوب صارمش اولان آل عثمان کی برہیت جسمیہ وشدیدہ ایلہ  
وروسیه ممالکندن بد ایلہ عموماً آسیا قطعہ سنک جہات شرقیہ وشمالیہ سنی  
قبضہ تسخیرہ المش تیمورکی برصاحب ظہورک ارا سندنہ صیقیلوب قالدیغنی



حاله بی طرفانه طور مق خیلیدن خیلی قوه عسکریه نک بولمنسنه  
 منوط اولدیغی اصول دولیه اقتضاسندن ایکن ایمپراطور مشار الیه  
 هرجهتله معلوم اولان ضعف حالیه برابر شو ایکی قوت جسمیه نک  
 اراسنده بی طرفلق اصولی التزام ایتسی یا حین حاجتده کندویه امداد  
 اولنسی مأمول اولان بر قوت مخصوصه خفیة فوق العاده یه اسناد  
 ایتسندندریا خود ایکی قوت جسمیه نک برینی اغفال دیکرینی معاهده  
 ایله تأمین ایتسندن بالطبع مأمون الغائله اولسی لازم کلور یوخسه  
 تیمور بهمه حال روم ایلی طرفنه کجوب موقع طبیعیسی ملایسه سیله  
 مغبوط حکمداران اولان استانبولی فتح و تسخیر ایدوب طول مدت  
 اقامت اختیار ایتسی پکده ایشنه الویرمز ایسه ده هیچ اولمز ایسه  
 نه ب و غارات ایدرک عودت ایتسی لازمه شعاری ایدی ایتدی زیرا  
 تیمورنه بزم تار یخلرک یازدیغی مثلاًو جبار و غدار اولوب ونه چغتای  
 و عجم تار یخلرینک بیان ایتدکری کی کریم و حلیمدر چونکه تار یخلرک  
 برازی غرض اوزرینه برازی دخی مداهنه اصولنده یازلدیغندن  
 ایکبسی بیله شایان بیان اولوب فقط تیمورک علمایه و اصحاب معارفه  
 رغبت ایتسی کندوسنک قدردان اولسنی ایجاب ایتدیکی کی واردیغی  
 الکابی فتح ایلوب استدیکی محله عسکرینی سوق ایتسی دخی زیاده سیله  
 عسکر پرور اولدیغنی بیلدیررایسه ده سفک دمایه مانل اولسی غدارلغنه  
 و شهزاده سلطان محمدی الدادوب جلب ایتکه صاپمه سی دخی  
 حمله کارلغنه دلالت ایدر

بزانیو ایمپراطورلغنک مسند اولدیغی بر قوت مخصوصه دخی غالباً پاپانک  
 حکم و نفوذ و تشویقیله جوش و خروشه کلش بر طاق قوراز آدرک بالاتفاق  
 هجوملری ماده سیدر که انک بریسی طونه کنارنده واقع نیکولی وقعه



مشهوره سیدر انجق بونلرک علی الدوام اعانه لری دخی شرق کلباسای  
 بطریق ایلہ برچوق متعصب لک قبوانی رد ایلدکاری تکلیفاته مشروط  
 اولدیغندن یالکز ایمپراطورک وعاقبت بین اولان بعض امرانک غرب  
 کلباسانک تصدیق نفوذینه میل کوسترمک وعدی ایلہ بوایشک باشه  
 چیقیمیه جغی بلانی ایدی شویله که شرق و غرب کلباسالرینک اراسنده  
 عبادات و آیینہ دائر برطاقم مغایرت اولمغله یکدیگره خوارج نظریله بقارلر  
 ایکنی بزانیسوا ایمپراطورلغنک زوان وانقراضی پایالق طرفدارانہ فرصت  
 اتخاذ اولنه رق مذهبه برایشلدیکی تقدیرده هر درلو اعانه ده قصور  
 اولنیه جغی عرض و تکلیف اولند قدہ ایمپراطور محافظه مسند ایلہ اعاده  
 اقبال ایده جکندن اشبو برلشمک تکلیفی اعداسی حقلرنده اوله جق  
 مظفریته مبنی پک خواهش ایلہ قبول ایتک ایسته دش ایسه ده رؤسای  
 مذهب ایلہ برطاقم متعصب گروهی تکلیف مذکورہ بروجهله راضی  
 اولیوب رعیتله دین و مذهبی محافظه ایتک غرب کلباسای معتقدلری ایلہ  
 برایشدیره رک اجنبیلر غلبه ایلکدن خیرایدیولالوجواب قطعی ویردکارینه  
 مبنی ایمپراطورک پایالق طرفندن امید وادلی منقلب یأس فتور اولمغله تیمور  
 جانبی معاهده یه ربط ایدرک هم حکومتی نهیب جدید دن قورتارمیش  
 وهم آل عثمان دن دخی بو طریق ایلہ بالواسطه اخذ انتقام ایتش اولدی  
 حکمداران اسلامیه دن آسیا قطع سی اوزرنده اون بش بکرمی قدرملوک  
 بوانوب بونلرک اکثریسی اسنبلاء تیمور ایلہ منقرض اوله رق هندستانک  
 اکثر محملارینی ترکستان تاتارلغنی کیندو اولاد واحفادینه توجیه ایلوب  
 یکیدن حکومتلر احداث ایلش ایدی نفس اناطولی السکاسنده دولت  
 سلجوقیه نک انقراضیله میدانہ چیقان دره بکی قلقلی بوی بکلرینک هربری  
 دعوای حکومت و سلطنت ایلد کلرندن سلاطین عثمانیه طرفندن هر برینه  
 بشقه بشقه عزیمت بیوزیله رق دولت و قوتلری کسر اوانوب غصب



ایتمش اولدقلری ممالک محروسه عثمانیه به الحاق بیورلش ایکن  
 انکوری وقعه سی ملا بسه سیاه بارگاه تیموری بکلیان بکارت هر بریسی نائل  
 امل اولدقلری جهته اناطولی الکاسنده ایکنجی دفعه اوله رق طوائف  
 ملوک روم ظهور ایلدیکی وقتلرده حضرت پادشاشک شهرزاد کانندن  
 امیر سلیمان شاه عموما روم ایلی طرفنی وچلی سلطان محمد دخی امامیه  
 و توقاد حواله سی و دیگر شهرزاده لری چلی سلطان عبسی پدری  
 طرفندن بروسده نائب و وکیل اولق اوزره براقلدیغندن اودخی اورادن  
 دعوی حکومت ایتمکله دولت علیه نک قوتی بونلرک اراسنده منقسم  
 اولوب انقراض علامتلی باشلامش ایکن اک کوچک شهرزاده چلی  
 سلطان محمد حضر تلرینک عدالت وحقانیتلری ثمره سی اوله رق  
 اختلافات داخلیه ملکیه یی دفع و تسکین ایلد کد نصکره دولتک کسب  
 قوت و عظمت ایتمسندخی سبب اولوب اولاد و احفادی استانبولی بیله  
 فتح ایتمش لردر و بر برنی متعاقب یوز یکر می سنه مدته یکدیگردن قوتلو  
 درت پادشاهک سریر آرای سلطنت عثمانیه اولسی دولت مشارالیهانک  
 عهد قریده پک بیومسنه دلالت ایتمش در اوروپا و آسیاده اون بش  
 حکومتلکدن زیاده الکاضیمه ممالک عثمانیه اولمشدر کذلک ممالک و بلادک  
 اداره داخلیه سنی یولنه قویوب مشاجرات و منازعاتده حقوق عباد  
 نظارت و محافظه ایتمک ایچون محکمه لرا حداث اولنوب دوشیرمه طریقله  
 عسکریاز مق اصولی دخی وضع ایدرک ناموس سلطنتدن اولان  
 مسکوکات ماده سنه پک قوی برنظام ویرلش ایدی حتی هم جواروهم  
 حدود اولدیغی دولت و حکومتلرایله حقوق دولیه تحصیل ایلک اوزره  
 مناسبات رسمیه پیدا ایلوب بزانیو ایمپراطورانی و راغوسه جهورانی  
 ایله تجارت معاهده لری ایتدکلری مثل اوصرب و افلاق و بوسنه و موره  
 بکلری ایله دخی حاصلات معینه نک عشری و اموال غنیمتک خسی  
 خزینه دولتیه ایراد اولق اوزره مقاوله اولندی بو حساب ایله دولتک



خزینہ سنہ سنوی اوج ملیونہ قریب دوقا التونی داخل اولورایدی که  
 شمیدیکی حسابہ نظرا اوجبوزیک کبسه انچه یه بالغ اولور خیرات  
 ومبراته تخصیص قلنان اوقاف وارداتی آیروجه برماده اولدیغندن  
 بو حسابہ داخل دکلدر یلدریم با یزیدک تیموره اسیر اولدیغی  
 زمان کرک اولادی وکرک رقباسی طرفلرندن تقسیم اولنان الکانتک  
 اتساعی تقریبا عربکیر وار زنجاندن اعتبارا نهر فرائک حدودی ایله  
 سرعش ایالتک نصفی اولان ملاطیه وکاح امثالی شهرلری حکومت  
 مصریه دن نزع ایلیوب طوقاق صوبی جریانی اعتبارنجه قیصریه  
 وقرمان ایالتک ادنه ایالتی حدودی اوزره ایچ ایل حمید انطالیه منشا  
 آیدین صاروخان قره سی بیغا خداوندکار قوجه ایلی بولی قسطمونی  
 اماسیه توقاد سنجاقلرینک بحر سفید و سیاهه منتهی اولدیغی حدودی  
 ایله کوچک آسیا دنیلان اناطولی الکاسنی تسخیر ایتشلردر اوروپا  
 قطعہ سندن دخی کلیبولی طرفی ابتدا ضبط اولوب مرمره د کزی  
 کار یله تکفور طاغنه عرب بورغاسی بکار حصاری یولیه قره د کزه  
 کچیلوب برغوس و مسوره طاغلرندن آیدوس قرین آباد یانبولی قصبه لری  
 فتح اولنهرق بالقاندن آشیلوب بلغارستان ضبط اولمش ایدی شویله که  
 اوروپا الکاسنده دولت علیه نک حدود صحیحہ سی طونه نهرینک قره  
 د کزه منصبندن بد آیلہ صرستان دروننده کائن سمندره حصارینه قدر  
 ممتد اولوب برطرفی دخی نیش و مور او یه نهرینک طولاشماسی و قالقان دانی  
 طاغلری ایله اسکوب حوالہسی و مناسرتدن تر حاله ایله لوادیه سنجاقلرندن  
 بعض یرلر کذلک سلانیک شهری و مضافاتک حمایه سی دخی داخل  
 حوزه سلطانی اولمش ایکن روم ایمپراطورینک التماسنه مبنی اندرونیقوس  
 نام ایمپراطور زادمیه توجیه واحسان بیورلش ایدی سلوری وچکمهجه لر



دخی بوقیلدن اوله رق ذات ایمپراطوری یه ترک اواندی فقط کسندره  
 واینه روز سوا حلی قواله وکوملجنه و ابصاله نواحیسی ممالک محروسه  
 عثمانیه حدود صحیحه سی ایدی (اسپانیاده بولنان عربلرک حالری دخی  
 سنه بسنه پریشان اولوب حکومت خاکی اهالیدن واهالی دخی حکومت  
 طرفلو سندن نفرت ایتش اولد قلرندن ویکدی کرک زوال واضمحلالی  
 ضمیمه اسپانیولره التجارندن هر درلو ثروت و سامان ایله نفوذ و اقبال  
 ماده سی اسپانیول طامقنک الیرینه کچدی کندن عربلرده فقط اورا جبه امر  
 اعتباری اوله رق بر حکومت عنوانی قالمش ایدی اودخی هم حدود اولدیغی  
 ناوار و قاستل و پورتیکر حکومتلرینک غلبه و صقشدن مسیله محو اولق  
 درجه سنه کلدی کندن یدی و سکر یوز سنه لک دولت و سلطنتلرینی الیرندن  
 چیقاروب پک اجینه جق برحاله وارمشلر ایدی بونکله برابر برستان  
 ساحل و دا خلنده بولنان عرب حکومتلری دخی هم جنس وهم  
 ملتلرینک اسپانیولردن کوردکاری معاملات غیر لایقه دن تخلیص  
 کر بیان ایتمه لرینه همت و غیرت ایده جک یرده کند ولرینک برکونلاک  
 حکومتلرینی محافظه طریقنه صیارق اسپانیولارک مطالب و مقصودلرینه  
 مساعدات کثیره کوستردکاری شویله طور سون یکدی کرک قوت  
 و ثروتی قیرمق اوزره کرک عسکر و کرک اجنه خصوصنده قاستل  
 قرالیرینک معاونتنی طلب ایدرک افریقا قطع سنک برستان ساحل لرنده  
 قالمش اولان حقوق تصرفلرینی دخی پک کوچک ماده لره د کیشوب حق  
 حکومتی بلاموجب دشمنلرینک پنجه استیلا لرینه براقند قلرنده آزمدت  
 ایچنده اسپانیول و پورتیکر طامقنه پک چوق نفوذ و اقبال کچمکله یواش  
 یواش برستان حکومتی منقرض اولمقده ایدی  
 اقلیم مصرده اولان طبقه اتراک حکومتی دخی دولتلرینک قوانین



موضوعه سی اولدیغندن کندویه طرفدار پیدایدن هر کیمسه عروس  
 سلطنته ال اوزاتمغه متجاسر اولغله طبقات ناسک بر چو غی سادات  
 و علما طرفنده بولنوب انلرایسه مغایرت و مذهب و مسلکدن دولایی ارکان  
 حکومتک نظر لرندن ساقط اولدقلری جهتنه هیئت حکومتدن ممنون  
 د کلرایدی بوارالقدہ قوه عسکریه و حربیه نک سر کرده و رئیس  
 اولان امر اشبو خوشنود سزلغی فرصت اتخاذایدرک هیئت سلطنتی  
 تبدیل ایلا کلرندن زمام حکومت امرء چرا کسه یه انتقال ایلدی  
 و الحاصل بلاد اسلامیہ ده بولنان حکومتلر اکثر یسنده واقع اولان  
 تبدلات تیمور مشهورک استیلاسی اثرندن اولدیغی مثللو حکومت  
 مصرک طبقه چرا کسه یه نقل و تحولنده دخی تیمورک محاربه لری  
 سبب اولمش کبیدرزیرا آسیا قطعه سی اوزرنده بر برینی متعاقب  
 یوز سنه طرفنده اوج بیوک قاریشقلق اولمشدرکه انلرک ابتداءسنده  
 دولت عباسیه نک نظامی بوزلوب سلطنتلری منقرض اولدیغی کبی  
 حکومتلرک برطاقی یکیدن ظهور و برازی دخی اسکی درلک و هیئتلرینی  
 ضایع ایتشلرایدی که اشبو اولکی قاریشقلق دولت علیه نک ظهورینه سبب  
 اولوب ایکنجی دفعه ده اولان قاریشقلقده دخی ینه قطعه مذکوره نک  
 اوزرنده بولنان دولت و حکومتلرک هر بری مخاطره و تهله که حالنده ایکن  
 برنجی و ایکنجی و اوچنجی جلدلرده بیان اولندیغی اوزره دولت علیه اشبو  
 فترت و هنگامه اراسنده کسب استقلال ایتش ایدی تیمورک ظهور  
 و استیلاسی اولان اوچنجی قاریشقلقده ینه قطعه مذکوره ده بولنان برطاق  
 دولت و حکومتلرک محو و زوالی و ظهور و استقلال اراسنده دولت علیه  
 دخی ضررلی چقمش ایسه ده حادثه مذکوره دنصکره امیر تیمور دولت علیه  
 عثمانیه مما لکنده چوق الکتمبوب قبش موسمی آیدین سمترلنده چیه قاردیغی



وقت از میری دخی و ندیکلورک الیرندن المیش ایدی سنه مزبوره اول  
 بهارنده چین سفری افکار یله اناطولی دیارندن چکلمش کیمش  
 ایدی که بقیه سی کتاب سادسده یازلمشدر الحاصل حضرت پادشاهک  
 حبس تمورده اوله رقی آق شهرده وفاتی وممالکک هیئت سابقه سنه  
 ارجاعی و بقیه سنک یعنی حکومت عثمانیه نک دخی الک کوچک شهرزاده یه  
 توجیه یله شهرزادکان اراسنه رقابت القاسیله خلقی بربرینه دوشوروب  
 افکار ظالمانه و غدارنه سنک نتیجه سنی اولان دولت علیه نک محو وزوالی  
 ماده سنی هر مملکتده ایتدیکی افساد و غارت و خسارت اقتصا سنجه  
 طبیعت مصلحته حواله ایلدکد نصره ارتق کند و سنک اناطولی  
 الکاسنده ییلرجه اقامتی موجب برنسنه قالمیوب بالطیع عودت ایتسی  
 اقتضا ایتش ایدی تمور ایله یلدریمک ارالنده اولان مناسبات  
 مجریه و معلومه دلالتیه یلدریم تیمورک صلابت وحدتنی کسر ایله  
 یמושادوب اذابه ایدرک هر ایستدیکی شکله افراغ ایلسی لازمه شانندن  
 ایکن بالعکس تیمور یلدریمک قوتی و شدتنی و حرارت وصولتی کندویه  
 جذب و بلع ایلسنندن یلدریم محو اولدی تیمور قالدی

دولت علیه عثمانیه تاریخنک بشنجی جلدی سایه شاهانه ده تکمیل اولوب  
 التنجی جلدی اولان چلبی سلطان محمد خان ایله شهرزادکان  
 احوالنه مباشرت اولمشدر







